

世界書局印行

景
搞藻堂印


四庫全書叢書要

集
第一三三冊部
總集類



19.151

20.151



本 册 目 次

書 名 及 撰 人

宋文鑑一百五十卷 宋呂祖謙編
中州集十卷 金元好問編

卷 次

卷一百二十六至卷一百五十
卷一至卷十

頁 次

四七九一
四七九一一二八一

欽定四庫全書會要

宋文鑑卷一百二十六 集部 六至

欽定四庫全書會要卷二萬四十九 集部

宋文鑑卷一百二十六 宋呂祖謙 編

雜著

續謚法

劉敞

劉子曰古者生無字死無謚生無字故名而不諱死無謚故上下同之及至於周幼而名冠而字死而謚字者所以貴其名也謚者所以成其德也盛矣文哉劉子曰夏商之道不勝其質兩周之道不勝其文其斯之謂歟

欽定四庫全書

卷一百二十六

賞罰窮矣劉子曰古之為謚者有取也取於名取於號取於字賢者取賢稱焉愚者取愚稱焉黃帝號之崇也舜禹名之隆也桀紂名之汙也尼父字之珍也劉子曰爵而不謚周也爵而謚之魯也不爵而謚漢也由文已哉由文已哉嘉魯哀公誅尼父合於謚法堯舜禹湯之志作續謚五十以待後世天爵之君子成德焉耳教化無方曰尼先覺任重曰摯述而不作曰彭信而好古曰彭隱居求志曰夷伯夷仁義庶曰淵不幸短命曰

淵和而不流曰惠柳下子愚智適時曰俞寡武子進退寡過曰瑗蘧伯玉恭儉好禮曰嬰晏子清淨無為曰聃老子期稱道禮季子居敬行簡曰雍孝友時格曰騫尚子尚德慎言曰适善事父母曰參使能造命曰貢貢子在約思純曰憲原憲伎之敏給曰求冉求勇而知義曰由子路文學博識曰商夏子容貌矜莊曰張顓師信道輕仕曰閑漆閑不得中庸曰晳曾點有敬慎威儀曰華公西子有德疾憂曰冉伯牛

欽定四庫全書

卷一百二十六

二

知德中庸曰伋子思蹈道知言曰軻隱居放言曰逸夷反性敦禮曰况荀卿兼愛尚賢曰翟上同遵儉曰翟墨子救攻上開曰鉶宋鉶獨善為我曰居楊子居危言日出曰周莊子潔白不汚曰皓四皓言行軌物曰舒董仲舒簡易多聞曰向劉向死善道曰勝伏生覃思寡欲曰雄揚子審音知化曰曠巧歷絕倫曰衡張平子達數知來曰輅管輅博物多愛曰遷良史實錄曰遷

責和氏璧

劉敞

楚人和氏得玉璞荆山之中奉而獻之厲王厲王使玉人相之玉人曰石也王以和為誑而刖其左足及厲王薨武王即位又奉其璞而獻之武王武王使玉人相之又曰石也王又以和為誑而刖其右足武王薨文王即位乃抱其璞哭於荆山之下三日三夜泣盡繼之以血王聞之使人問曰天下之刖者多矣何子之怨也對曰吾非怨己之刖也哀夫寶玉而題之以石貞士而名之以誑也王使人治其璞果得寶焉故命曰和氏之璧

欽定四庫全書

卷一百二十六

三

此世世稱和氏善知寶而又甚悲其不幸也吾意善知寶者不然彼天之生玉也有常質居上不待以為益在下不損以為少此人主之所貪也雖全而言之猶辱今一不免其身其不知寶也甚矣至於刖而後哀之其不知過也甚矣苟使和寶之則若勿獻苟使和哀之則若勿怨彼非所明而明之其則也猶幸周人得夏后氏之鼎藏之太廟已八百有餘歲矣周衰宋太丘之社亡而鼎入于泗水之中秦始皇滅周恥不得其器於是齋七

日使萬人沒水求焉不獲而後止楚有良弓號之曰大屈傳世之寶也齊與晉越聞之皆欲得之興兵而圍之夫興兵者上有破軍殺將之禍下有析交離親之辱然而不計者寶之所在則不憚以安為危以存為亡彼人之所求而非求於人也試使一人負鼎之秦一人挾弓

之晉則不敢以與百金之償豈獨寶哉雖道亦然今使天下之賢士有道之君子負抱其義祇飾其辭不擇趣向不度可否號呼於人主之側以與萬一焉甚者殺身

捐生其次刑戮流亡終無與任其責者則吳起逐於魯而韓非死於秦其欲將與說難為之禍也非二君之過也然而世獨謂和為不幸繆矣夫謂和之不達固失其理而和之自謂貞又非其名所謂貞者必審於輕重之際榮辱之分和不哀其身而哀其王忘所重而徇所輕是豎刁之自害易牙之殺其子世主所以厚疑也吾未知其貞故為貴在乎賤為遠在乎近為大在乎小古之君子不外於己而內人不厚於人而薄身倡而後應引

而後動舜陶於深山之中伊尹耕於有莘之野傅說築於巖險之下太公釣於渭水之上及其大行也名甚白居甚安功甚信此其離於世俗之患也遠矣無它人主者求之也

君臨臣喪辨

劉敞

君臨臣喪以桃茢先非禮也周之末造也事之斯為臣焉使之斯為君焉君臣之義非虛加之也寄社稷焉爾寄宗廟焉爾寄人民焉爾夫若是其孰輕之故君有慶

臣亦慶君有戚臣亦戚書曰元首明哉股肱良哉尊卑異而已矣雖於其臣亦然故臣疾君親問之臣死君親哭之所以致忠愛也若生也而用死也而棄生也而厚死也而薄生也而愛死也而惡是教之忘生也是教之背死也禍莫甚於背死而忘生苟為背死而忘生故不足以託六尺之孤寄百里之命施之於人者不變於存亡然後人之視其亡猶存矣則夫桃茢胡為乎諸臣之廟哉或曰於記有之宜若禮然曰否是固亦周末之記

也昔者仲尼之畜狗死子貢埋之曰丘聞之也殺惟不

棄為埋馬也敝蓋不棄為埋狗也而丘也貧無益也亦

予之席焉夫不以賤而棄之為有勞也夫不以死而欺

之為有生也勞雖賤不棄也死雖狗不欺也而況於君

臣乎吾故曰君臨臣喪以桃茢先非禮也周之未造也

雖然必有以也古者人君非弔喪問疾不至乎諸臣之

家非弔喪問疾而至乎諸臣之家謂之君臣為謔故君

弔於臣使巫祝先釋菜于廟門然後入釋菜者告有事

也世或失其義而謂巫其祓之乎及魯襄公嘗朝于

荆荆君死荆人曰公必親襲魯人辭不得命則使巫祝

以桃茢祓而先蓋厭之也由是觀之則魯襄公為之也

曰君臨臣喪不以桃茢先則吾信之矣二人執戈以前

也非惡之乎曰豈謂是哉君之行固必有衛之者矣况

諸臣之家乎昔者楚公子圍會諸侯於宋將升壇使兩

人執戈設服離衛諸侯之大夫皆知其為君也如荀惡

之而已會于宋何為惡之哉

閔習

王安石

父母死則燔而捐之水中其不可明也禁使葬之其可

明也然而吏相與非之乎上民相與非之乎下蓋其習

之久也則至於戕賊父母而無以為不可顧曰禁之不

可也嗚呼吾是以見先王之道難行也先王之道不講

乎天下而不勝乎小人之說非一日之積也而小人之

說其為不可不皆若戕賊父母之易明也先王之道不

皆若禁使葬之之易行也嗚呼吾是以見先王之道難

行也貞觀之行其庶矣惜乎其臣有罪焉作閔習

伯夷神農之後也佐堯舜有大功賜姓曰姜其後見經

者四國曰申詩所謂申伯者是也曰呂書所謂呂侯者

是也曰齊曰許春秋所書齊侯許男是也周衰許男常

從大侯征伐會盟竟於春秋及後世無復國而子孫以其封姓然世傳有許由者堯以天下讓由由不受逃之

箕山箕山上蓋有許由冢焉其事不見於經學者疑之

或曰由亡求於世者耳雖與之天下蓋不受也故好事者以云而由與伯夷其生後先所祖同不同莫能知也漢興許氏侯者六人相至侯益宋子侯憲嚴侯竊侯者其始以將封而史不書其州里平恩侯廣漢憲侯侯舜樂成侯延壽此三侯者同產兄弟也以外戚起於宣元之世昌邑人也益孫昌嘗為丞相廷壽及廣漢弟子嘉嘗為大司馬至王莽敗許氏始皆失其封云後漢會稽有許荆者循吏也許慎者以經術顯許峻者為易

欽定四庫全書

卷一百二十六

八

林傳於世許揚者治鴻臚陂有德汝南之民報祭焉許靖者避地交州後入蜀先主以為太傅與從弟劭俱善論人物劭兄虔亦知名世稱平輿淵有二龍焉慎峻揚靖皆汝南人也許褚者家於譙以忠力事魏封侯卒鄉許慈者家南陽入蜀父子為博士司馬晉時有許孜者東陽人也德行高察孝廉不起老於家其子曰生亦有至性焉初許氏爵邑於周子孫播散四方有紀者猶不乏焉至昌邑始大著間興於汝南其後祖高陽者為

最盛然高陽之族不見其所始有據者仕魏歷校尉郡守生允為鎮北將軍允三子皆仕司馬晉奇司隸校尉猛幽州刺史奇子遐侍中猛子式平原太守自允至式皆知名允後五世詢司馬晉嘗召官之不起詢孫珪為旌陽太守於齊珪生勇慧齊太子家令勇慧生懋篤學以孝聞卒於梁為中庶子懋生享為陳衛尉卿嘗領史官次齊梁時事有子善心為之卒業是時有許紹者善心族父也通守夷陵治有恩流戶自歸數十萬卒有勞

欽定四庫全書

卷一百二十六

九

於唐爵安陸郡公園師欽寂欽明其後也園師紹少子寬博有器幹別自封平恩侯與敬宗俱為龍朔中宰相欽寂謂紹曾大父也萬歲中攻契丹為所敗執以如安東使說守者降至安東曰賊今且破滅公勉守無忘忠也契丹即殺之是歲弟欽明亦遇殺欽明為涼州都督按行卒遇突厥亦執使降至靈州顧為慶言告守者所以破賊兄弟將兵一旦同以身徇邊鄙賢者榮之敬宗者善心子也始以公開郡於高陽與其孫令伯以文稱當世

天寶之亂敬宗有孫曰遠與張巡以睢陽抗賊自以不及巡推巡為將而親為之下久之食乏無助煮茶紙以食猶堅守賊所以不得南向以睢陽弊其鋒也卒與俱死者皆天下豪俊義士云唐亡遠孫儒不義朱梁自雍州入于江南終身不出焉儒生稠沉毅有信仕江南李氏參德化主軍事稠生規好道家言不以事自恩嘗羈旅宣歙間聞旁舍呻呼就之曰我某郡人也察君長者且死願以骸骨屬君因指案中黃金十斤曰以是交長者規許諾敬負其骨千里并黃金置死者家家大驚愧因請獻金如亡兒言以為許君壽規不顧竟去於是聞者滋以視為長者卒葬池州後以子故贈大理評事生遂遜過三子遂善事母里母勵其子輒曰汝獨不慙許伯通乎祥符中天子有事於太山加恩羣臣遜當遷讓其兄遂天子以遂為將作監主簿遂子俞俞字堯言名能文章大臣屢薦之有與不合者官以故不遂嘗知興國軍大治縣縣人至今稱之俞兩子均均為進士遜字

景山嘗上書江南李氏李氏奇之擢崇文館校書郎尋拜監察御史後復上書太宗論邊事宰相趙普奇其意以為與己合知興元府起鄭侯廢堰以利民治澧荆楊三州為盜者逃而去其事兄如事父使妻事其長叔如事母故人無後為嫁其女如已子有子五人徇黃州錄事參軍恢尚書虞部員外郎怡今為太子中舍簽押淮南節度判官廳公事元今為江淮荆湖兩浙制置發運使平泰州海陵主簿五人者咸孝友如其先人故士大夫論孝友者歸許氏元以國子博士發運判官七年遂為其使待制天章閣自天子大臣莫以為材其勞烈方在史氏記余故不論而著其家行云迥字光遠其事母如伯通之孝事其兄如景山之為弟也慷慨有大意少嘗仕進後不復仕與其兄俱葬頰村有子會為進士方壯時亦慨然好議天下事今為太廟齋郎臨川王安石曰余譜許氏自據以下其緒始顯焉然自許男見於周其後數封而有紀之子孫多焉於是論之夫伯夷之所

以佐其君治民余讀書未嘗不喟然歎思之也傳曰盛德者必百世祀若伯夷者蓋庶幾焉彼其後世忠孝之良亦使之遭時沐浴舜禹之間以盡其材而與夫夔臯羣虎之徒俱出而馳焉其孰能概之邪

讀玄

司馬光

欽定四庫全書
卷一百二十六
宋文鑑
余少之時聞玄之名而不獲見獨觀揚子之自序稱玄盛矣及班固為傳則曰劉歆嘗觀玄謂雄曰空自苦今學者有祿利然尚不能明易又如玄何吾恐後人用覆
晉鄙也雄笑而不應諸儒或譏以為雄非聖人而作經猶春秋吳楚之君僭號稱王蓋誅絕之罪也固存此言則固之意雖愈於歆亦未謂玄之善如揚子所云也余亦私怪揚子不贊易而別為玄易之道其於天人之蘊備矣揚子豈有以加之迺更為一書且不知其焉所用之故亦不謂揚子宜為玄也及長學易苦其幽奧難知以為玄者賢之書校於易其義必淺其文必易夫登喬山者必踐於塊壘適滄海者必沿於江漢故願先從事

欽定四庫全書
卷一百二十六
宋文鑑
三
於玄以漸而進於易庶幾乎其可跂而望也於是求之積年乃得觀之初則溟涬漫漶略不可入迺研精易慮屏人事而讀之數十過參以首尾稍得闡其梗槩然後喟然置書嘆曰嗚呼揚子真大儒者邪孔子既沒學聖人之道者非揚子而誰孟與荀殆不足擬況其餘乎觀玄之書昭則極於人幽則盡於神大則包宇宙細則入毛髮合天地人之道以為一刮其根本示人所出胎育萬物而兼為之母若地履之而不可窮也若海挹之而不可竭也天下之道雖有善者其蔑以易此矣考之於渾元之初而玄已生察之於當今而玄非不行窮之於天地之末而玄不可亡叩之以萬物之情而不漏測之以鬼神之狀而不違槩之以六經之言而不悖藉使聖人復生視玄必釋然而笑以為得已之心矣乃知玄者所以贊易也非別為書以與易競也何歆固知之之淺而過之之深也或曰易之法與玄異揚不遵易而自為之制安在其贊易乎且如與易同道則既有易矣何以

玄為曰夫畋者所以為禽也網而得之與弋而得之何以異哉書者所以為道也易網也玄弋也何害不既網而使弋者為之助乎子之求道亦謬矣且揚子作法言所以準論語作玄所以準易子不廢法言而欲廢玄不亦惑乎夫法言與論語之道庸有異乎玄之於易亦然大夏將傾一木扶之不若衆木扶之之為固也大道將晦一書辯之不若衆書辯之之為明也學者能專精於易誠足矣然易天也玄者所以為之階也子將升天而

廢其階乎先儒為玄解者多矣然揚子為文既多訓詁柏趣幽邃而玄又其難知者也故余疑先儒之解未能盡契揚子之志世必有能通之者比終且學焉

訓儉示康

司馬光

吾本寒家世以清白相承吾性不喜華靡自為乳兒長者加以金銀華美之服輒羞棄去之二十忝科名聞喜宴獨不戴花同年曰君賜不可違也乃簪一花平生衣取蔽寒食取充腹亦不敢服垢弊以矯俗干名但順吾

性而已衆人皆以奢靡為榮吾心獨以儉素為美人皆嗤吾固陋吾以為病應之曰孔子稱與其不遜也寧固又曰以約失之者鮮矣又曰士志於道而恥惡衣惡食者未足與議也古人以儉為美德今人乃以儉相詬病嘻異哉近歲風俗尤為侈靡走卒類士服農夫躡絲履吾記天聖中先公為郡牧判官客至未嘗不置酒或三行五行多不過七行酒酤於市果止於梨栗棗柿之類肴止於脯醢菜羹器用甕漆當時士大夫家皆然人不相非也會數而禮勤物薄而情厚近日士大夫家酒非內法果肴非遠方珍異食非多品器皿非滿按不敢會賓友常數月營聚然後敢發書苟或不然人爭非之以為鄙吝故不隨俗靡者蓋鮮矣嗟乎風俗頽弊如是居位者雖不能禁忍助之乎又聞昔李文靖公為相治居第於封丘門內聽事前僅容旋馬或言其太隘公笑曰居第當傳子孫此為宰相聽事誠隘為太祝奉禮聽事已寬矣參政魯公為諫官真宗遣使急召之得於酒

家既入問其所來以實對上曰卿為清望官奈何飲於酒肆對曰臣家貧客至無器皿肴果故就酒家觴之上以無隱益重之張文節為相自奉養如為河陽掌書記時所親或規之曰公今受俸不少而自奉若此公雖自信清約外人頗有公源布被之譏公宜少從衆公歎曰吾今日之俸雖舉家錦衣玉食何患不能顧人之常情由儉入奢易由奢入儉難吾今日之俸豈能常存一旦異於今日家人習奢已久不能頓儉必致失所豈若吾

居位去位身存身亡常如一日乎嗚呼大賢之深謀遠慮豈庸人所及哉御孫曰儉德之共也侈惡之大也共同也言有德者皆由儉來也夫儉則寡欲君子寡欲則不役於物可以直道而行小人寡欲則能謹身節用遠罪豈家故曰儉德之共也侈則多欲君子多欲則貪慕富貴枉道速禍小人多欲則多求妄用敗家喪身是以居官必賄居鄉必盜故曰侈惡之大也昔正考父饋粥諒守慶州用公使錢坐法杜公必欲致宗諒重法曰不然則行不能在此范公則欲薄其罪曰不然則仲淹請

衣帛馬不食粟君子以為忠管仲鏤簋朱絃山案藻稅孔子鄙其小器公叔文子享衛靈公史鯖知其及禍及成果以富得罪出亡何曾日食萬錢至孫以驕溢傾家石崇以奢靡誇人卒以此死東市近世寇萊公豪侈冠一時然以功業大人莫之非子孫習其家風今多窮困其餘以儉立名以侈自敗者多矣不可偏數聊舉數人以訓汝汝非徒身當履行當以訓汝子孫使知前輩之風俗云

雜識二首

曾鞏

孫之翰言慶歷中上用杜衍范仲淹富弼韓琦任政事而以歐陽修蔡襄孫甫等為諫官欲更張庶事致太平之功仲淹等亦皆勑力自効欲報人主之知然心好同惡異不能曠然心無適莫甫嘗家居石介過之間介適何許來介言方過富公問富公何為介曰富公以滕宗諒守慶州用公使錢坐法杜公必欲致宗諒重法曰不然則行不能在此范公則欲薄其罪曰不然則仲淹請

去富公欲抵宗諒重法則恐違范公欲薄其罪則懼違杜公患是不知所決甫曰守道以謂如何介曰介亦竊患之甫迺嘆曰法者人主之操柄今富公患重罪宗諒則違范公薄其罪則違杜公是不知有法也守道平生好議論自謂正直亦安得此言乎因曰甫少而好學自度必難用於世是以退為唐史記以自見而屬為諸公牽挽使備諫官亦嘗與人自謀去就而所與謀者適好進之人遂見誤在此今諸公之言如是甫復何望哉自此凡月餘不能寐慶歷之間任時事者其後余多識之不黨而知其過如之翰者則一人而已矣

廣州蠻儂智高以其衆叛乘南方無備連邕賀等七州至廣州所至殺吏民縱略東南大駭朝廷遣驍將張忠蔣偕馳驛討捕至州皆為智高所推陷又遣楊畋孫澮余靖招撫皆久之無功仁宗憂之遂遣樞密副使狄青為宣撫使率衆擊之翰林學士曾公亮問青所以為方略者青初不肯言公亮固問之青迺曰比者軍制不

立又自廣川之敗賞罰不明今當立軍制明賞罰而已然恐聞青來以謂所遣者官重勢必不得見之公亮又問賊之標牌殆不可當如何青曰此易耳標牌步兵也當騎兵則不能施矣初張忠蔣偕之往率皆自京師六七日馳至廣州未嘗拊士卒立行伍一旦見賊則疾驅使戰又偕等所居不知為營衛故士卒見敵皆望風退走而忠臨偕居方臥帳中為賊所虜楊畋余靖又所為紛亂不能自振而孫澮大受請托所與行者迺朱從道鄭紓歐陽乾曜之徒皆險薄無賴欲有所避免要求澮引之自從遠近莫不嗟異既至潭州澮遂稱疾觀望不敢進青之受命有因貴望求從青行者青延見謂之曰君欲從青行此青之所求也何必因人言乎然智高小寇至遣青行可以知事急矣從青之士能擊賊有功朝廷有厚賞青不敢不為之請也若往而不能擊賊則軍中法重青不敢私也君其思之願行則即奏取君矣非獨君也君之親戚交遊之士幸皆以青之此言告之苟

欲行者皆青之所求也於是聞者大駭無復敢言求從青行者其所碎取皆青之素所與以為可用者人望固已歸之矣及行率衆日不過一驛所至州輒休士一日至潭州遂立行伍明約束軍行止皆成行列至於荷鍤羸糧持守禦之備皆有區處軍人有奪逆旅菜一把者嘗聞聲每青至郵驛四面嚴兵每門皆諸司使二人守立斬之以徇於是一軍肅然無敢出聲氣萬餘人行未嘗聞聲每青至郵驛四面嚴兵每門皆諸司使二人守之無一人得妄出入而求見青者無不即時得通其野

宿皆成營柵青所居四面陳設弓弩皆數重所將精銳列布左右守衛甚嚴方青之未至諸將屢走皆以為常至是知桂州崇儀使陳某知英州供備庫使蘇緘與賊戰復敗走如常時青至賓州悉召陳與裨校凡三十二人數其罪按軍法斬之惟蘇緘在某所使械繫上聞於是軍中人人奮勵有死戰之心是時智高還守邕州青懼崑崙險阨為所據乃下令賓州具五日糧休士卒賊謀知不為備是夜大風雨青率衆半夜時度崑崙

闕既度喜曰賊不知守此無能為也彼謂夜半風雨時吾不敢來吾來所以出其不意也已近邕州賊方覺逆於歸仁廟青登高望之賊據坡上我軍薄之裨將孫節中流矢死青急麾軍進人人皆殊死戰先是青已縱蕃落馬軍二千人出賊後至是前後合擊賊之標牌軍為馬軍所衝突皆不能駐軍士又從馬上以鐵連加擊之遂皆披靡相枕藉遂大敗智高果焚城遁去青先為公亮言立軍制明賞罰賊不可得見標牌不能當騎兵皆

如其所料青坐堂戶上以論數千里之外辭約而慮明雖古之名將何以加此豈特一時武人崛起者乎方慶歷中葛懷敏與李元昊戰於廣川懷敏敗死而諸校與士卒既敗多竄山谷間是時以權宜招納皆許不死自此軍多棄其將不肯死戰故青云自廣川之敗賞罰不行云翰林學士蔡襄亦言聞於青者如此

欽定四庫全書蒼要卷二萬五十

集部

宋文鑑卷一百二十七 宋呂祖謙編

雜著

告友

王回

古之言天下達道曰君臣也父子也夫婦也兄弟也朋友之交也五者各以其義行而人倫立五者義廢則人倫亦從而亡矣然而父子兄弟之親天性之自然者也夫婦之合以人情而然者也君臣之從以衆心而然者

欽定四庫全書

宋文鑑
卷一百二十七

榮有惡不足與辱大道之行公於義者可至焉下斯而言其能及者鮮矣是以聖人崇之以別於君臣父子兄弟夫婦而壹為達道也聖人既沒而其義益廢於今則亡矣夫人有四支所以成身一體不備則謂之廢疾而人倫缺焉何以為世嗚呼處今之時而望古之道難矣姑求其肯告吾過也而樂聞其過者與之乎

記客言

王向

也是雖欲自廢而理勢持之何能也惟朋友者舉天下之人莫不可同亦舉天下之人莫不可異同異在我則義安所卒歸乎是其漸廢之所繇也君之於臣也父之於子也夫之於婦也兄之於弟也過且惡必亂敗其國家皆受其難被其名而終身不可辭也故其為上者不敢不誨為下者不敢不諫世治道行則人能循義而自由得世衰道微則人猶顧義而立剛有不若其亦無害於衆焉耳此所謂理勢持之雖百代可知也親非天性也

欽定四庫全書

宋文鑑
卷一百二十七

客有語西師者道劉平石元孫敗時事初起鄜延兵十萬人吐谷坂欲與賊遇乃戰戰時昏矣賊多解馬休勁兵驅老弱對敵士卒得利人人出死力與戰投夜且息更三起鬪會明老弱略盡士卒爭獲過當悉已疲番軍始徐鼓起士揭新旗乘高處呼漢兵來鬪軍士氣失金鼓皆不敢鳴賊稍出馬馳略陣上調呼射軍中軍人多死此時特劉石軍也前此分萬餘人屬監軍黃德和使屯西坡且以張嚮背為游聲動賊幾得相應援去事已

急念引去賊必乘之恐逼險不利不如合軍決死幸有所完兩將方議未熟都監郭應起曰太尉決出此謀應願得善馬走德和軍招與俱來語未已平接之曰始議固在舍人呼軍吏出騎士百人從去應曰得百人不足為護徒自露耳彼知吾呼旁軍必出馬遮去路矣不如獨去便平曰獨去審易即有險欲誰倚邪應曰借令覆發得百人何可倚者請立表候日暮不來應死也太尉母相遲乃下令軍中皆完陣自固敢妄發一箭入敵

師斬應從軍背出行十里許至德和軍軍聞應來白開壁欲內德和不肯促閉壁使卒將隔壁門問曰聞太尉已戰舍人宜身在行陣反西來欲西背與賊邪應收馬立陣外呼卒將前與語傳太尉令如此如此卒將還白之德和愕曰審如舍人語取符驗來應曰應為軍都監得親與議使應來正為信耳安須符太尉分軍時有符約邪曰無雖然吾專一軍來繫屬重其輕去就必得一事可按乃去應辭索度德和畏避本不在符曰孰應縛

軍中見太尉一言不如令死此可不疑德和固怯聞敵大殊不敢去應連促數度無以拒詆應曰天子取舍人勇當萬夫欲以備敵破堅使也顧乃受一騎任使欲避兵自完如何軍歸必以奏促先自去報太尉比軍隨至矣第戰無留待也應不敢止復馳還白德和語平等信以為德和審來即鼓起士戰連三北德和軍竟不來應獨出入行間軍稍却即覆馬以殿持大鐵稍橫突之所當盡死呼入敵軍軍不敢視我師將整而止最後軍

北時賊使人持大索立高處迎應下馬下輒為應所斷終不能得應因縱應深入鼓其旁曰急追漢兵留十餘弩連射應馬死步下行殺數人欲歸軍取馬軍已亂不得入乃脫身亡去士卒死者什八兩太尉失軍不還邊大警承受者馳二十驛比三晝夜至京師以聞已而賊遂收去敗兵散亡十餘日稍稍出邊旁諸郡負傷被創不及四萬獨德和一軍完天子使吏治德和以法死天子思平等失援不救人人力死哀之下詔曰邊鄙有

事卿大夫為朕率身戎行朕以不明信任失職使中人

監軍卒敗邊事朕唯一二將帥失身鼓鼙終無慰朕西

顧惻惻之念其贈將佐已下官七遷若子若孫聽以父

兄任為右職云郭應之亡也走東原伏大崖下士卒十

餘輩與俱各解甲吮傷使一人下崖取雪手掬食之息

樹旁良久望見敗馬行自取之棄士卒馳去促後卒皆

呼曰舍人捨我徒邪應愈促馬顧謂趨環州來應及環

州自以失主將疑未敢見既而聞黃德和斬已從坐死

欽定四庫全書

宋文鑑
卷一百二十七

五

者封遂匿山中而時時出部落乞食而子弟緣應故多得官任邊事王氏曰吾久聞郭應死客獨引延州卒言質之以語人人固不謂信然石元孫敗時而固已傳死前年賊歸元孫而元孫竟不死應其可知邪

臨淄尉考詞

黃庶

尉能捕盜使盜知不可免而不敢為盜亦去盜之一端也山東大約號多盜今臨淄獻一歲之狀視他縣者纔幾人而已前件官為尉蓋有助云

汜水縣尉第一考詞

傅堯俞

夫尉職捕盜而賞罰最著唯用得失多少為差汜水縣前山溪而大河橫其後舊多椎埋為盜今周歲無盜非畏尉而不為乎顧不賢于得盜多者哉雖賞不及尚宜優其課等可考中上

濟源縣主簿呂師民考詞

傅堯俞

古者三載考績今則歲第之非責吏事嚴切謹密者哉前件官兩會其課有勞無疵亦可謂勤吏矣可考中中

欽定四庫全書

宋文鑑
卷一百二十七

六

錄事參軍考詞

傅堯俞

紀綱掾地名右曹職典諸事竊比他局宜須得人前件官檢身廉平臨吏精敏載第其課衆謂為能固當少褒且勸不飭可考中中

道旁父老言

王令

道旁父老髯而黑瘠天甚寒衣破上而露下王子遇而嗟之父老曰小子何為嗟答曰翁老矣衣食不足以勝寒饑筋力已疲不肖竊有志者故敢嗟父曰子來前吾

語爾夫畜牛者求芻食犬者懷誼然則戶之者宜若然耶且不知吾輩又戶之誰也無乃亦宜馬牛其思歟答曰太平之世明天子在上四民各獲其利衣食所不及者游惰之民爾雖然翁胡為至是父曰天時連凶有田不足以償租賦子孫散去不能見保然則為老人者尚有罪邪謝之曰翁無多怨歲饑爾奈之何父怒曰饑何罪邪授人之羊匪牧是思十年其來九皮而歸曰羊病死奚牧之非然則可乎小子未可與語也又何志之有

欽定四庫全書

宋文選
卷一百二十七

七

邪投其杖而去追而謝之不復應

自訟

劉恕

平生有二十失桃易木急遇事輒發狷介剛直忿不思難泥古非今不違時變疑滯少斷勞而無功高自標置擬倫勝已疾惡太甚不卹怨怒事上方簡御下苛察直語自信不遠嫌疑執守小節堅確不移求備於人不卹咎怨多言不中節高談無畔岸減否品藻不掩人過惡立事違衆好更革應事不端已度德過望無紀交淺而

言深戲謔不知止任性不避禍論議多譏刺臨事無機械行己無規矩人不忤己而隨衆毀譽事非禍患而憂虞太過以君子行義責望小人非惟二十失又有十八蔽言大而智小好謀而闇論劇談而不辨慎密而漏言尚風義而醒龊樂善而不能行與人和而好異議不畏彊禦而無勇不貪權利而好躁儉嗇而徒費欲速而遲鈍闇識而強料事非法家而深刻樂放縱而拘小禮易樂而多憂畏動而惡靜多思而處事乖忤多疑而數為人所欺事往未嘗不悔而它日復然自咎自笑亦不知其所以然也

東坡酒經

蘇軾

南方之氓以糯與秞雜以卉藥而為餅嗅之香嚼之辣揣之枵然而輕此餅之良者也吾始取麵而起肥之和之以薑液蒸之使十裂繩穿而風炙之愈久而益悍此麵之精者也米五斗以為率而五分之為三斗者一為五升者四三斗者以釀五升者以投三投而止尚有五

升之羸也始釀以四兩之餅而每投以二兩之麵皆澤
以少水取足以散解而勻停也釀者必甕按而井泓之
三日而井溢此吾酒之萌也酒之始萌也甚烈而微苦
及三投而後平也凡餅烈而麵和投者必屢嘗而增損
之以舌為權衡也既溢之三日乃投九日三投通十有
五日而後定也既定乃注以斗水凡水必熟而冷者也
凡釀與投必寒之而後下此炎州之令也既水五日乃
芻得二斗有半此吾酒之正也先芻半日取所謂羸者
欽定四庫全書
宋文鑑
卷一百二十七
九

為粥米一而水三之揉以餅麵凡四兩二物并也投之
糟中熟搗而再釀之五日壓得斗有半此吾酒之少勁
者也勁正合為四斗又五日而飲則和而力嚴而不猛
也芻絕不旋踵而粥投之少留則糟枯中風而酒病也
釀久者酒醇而豐速者反是故吾酒三十日而成也

述醫

龔鼎臣

周官載醫掌養萬民之疾病蓋凡受疾者舉可治也唯
久之不治遂革以死未見其有始疾而不可治者也已

楚之地俗信巫鬼實自古而然當五氣相滲或致癘疫
之苦率以謂天時被是疾非醫藥所能攻故請禱鬼神
無少暇雞豚鴨羊之薦唯恐不豐迨其不能則莫不自
咎事鬼神之未至或幸而愈乃曰由禱之勤也薦之數
也不然烏能與天時抗乎又有治之不早其疾氣之毒
日相熏灼一家之人皆至乎病故雖親友之厚百步之
外不敢望其門廬以至得病之家懼相遷染子畏其父
婦避其夫若富財之人尚得一巫覡守之其窮匱者獨
欽定四庫全書
宋文鑑
卷一百二十七
十

僵卧呻吟一室而已如是則不特絕醫藥之饋其飲食
之給益亦闕如是以死者未嘗不十八九而民終不悟
余嘗訪於人其患非它繇覡師之勝醫師耳嗚呼覡者
豈能必勝諸醫哉其所勝之者蓋世俗之人易以邪惑
也夫疾病于諸內神鬼冥諸外良藥所以治內也今不
務除疾於內而專求外福之來及其甚也其存郵訊問
之宜不復相通不其謬歟夫稼茂田疇為螟蟲所害唯
能悉除螟蟲則稼之秀可實也家蓄高貨而盜入其門

主人操刃持梃或殺或捕則貨之厚可全也人之身亦然冒陰陽之氣輒遇瀆疫當得醫者察聲視色按脉授藥使離諸腹心肝膈然後其體可平若不醫之用曷異不除螟蜮而望稼穡之實不驅盜賊而求家貨之全決不可得矧惟國家重醫藥之書最為事要先朝編輯名

方頒布天下郡國其間述時疫之狀實為纖悉及慶歷

中范文正公建言俾自京師以逮四方學醫之人皆聚

而講習以精其術其黜庸謬救生靈倬然為治道之助

欽定四庫全書

卷一百二十七

十一

而世俗罔識朝廷仁愛之意如此而徒惑邪誕而天性命愚實憫之今已戒醫博士日與醫之徒考神農子儀扁鵲秦和之術一會於歧伯俞附之道以正絀邪以誠消妄使可治之疾不終害人亦濟民之一事也而慮已賓之俗尚安故態不知醫効之神倍禱淫祀之鬼故刻

詞以告嘉祐四年七月二十日述

吊鑄鍾文

秦觀

嘉魚縣傍湖中比歲大旱水皆就涸而夜常有光怪赫

然屬天鄉人相與誌其處而掘之得古鑄鍾焉其形有兩樂如合兩瓦面左右九孔總三十六于鼓鉦舞甬衡旋幹之類考之不與禮合者無幾縣令施君識其寶謀獻之太常未果乃輸武昌庫中會其守解秩佐攝事見而惡之曰郡得背時器畜之不祥也亟命投於兵器之治嗚呼物之不幸有如是邪昔九江吏盜顏忠肅之碑材寘其所述歐陽詹聞而吊之以詞予悲夫鑄鍾古樂之器先王所以被功德而和人神審音之士至有振車鐸於欽定四庫全書

卷一百二十七

十三

空地而求之者非若九江碑材因人而貴也而辱於泥塗無所自効遇其非鑒以觸廢毀好古之士焉得默默而已乎乃作文以吊之詞曰嗚呼衆方之生謬形殊器更首迭尾雌雄相廢朝為美姬夕為焦萃或奇偶之相續或九升而一蹠清餓和黠刑王眇貴生犧失明得駿折髀洞所遇之參差莽循環於一氣傳曰黃鍾毀棄瓦缶雷鳴余始以為不然今乃信之矣嗚呼鑄鍾何世所為質不呈剛形不露奇協律中度渾如天資掩抑雖久

不見瑕疵爰有兩樂三十六乳厥音琅然小大隨叩曷所挺之瓊佩而偶沉於幽陋辱泥塗之污漫厭鱗鬱之腥臭嗟筭屢之一辭遽月弦之幾殼幸陽愆而水涸天日悅其復覩謂庭貢之是克獲効鳴於金奏何夜光之暗投卒按効而莫售嗚呼赤刀大訓天球河圖秦璽漢

効趙璧隋珠捷為之磬汾陽之馬曲阜之履大澤之弧

歷世相傳以華國都下至威斗錯刀鞬鼓之棬破鏡缺符遺簪墮珥信無益於經綸猶見收於好事是鍾也郊

欽定四庫全書

卷一百二十七

十三

浮圖老子之像巍然瞻仰於緇素乎豈為麟趾裏蹄之形翕然玩於邦國乎豈為干越之効氣如虹霓掃除妖氛於指顧之間乎將為百鍊之鑑湛如止水別妍醜於高堂之上乎新故相代未始云異紛然殊途必有一出決不泯沒草亡木卒嗚呼鑄鍾又將奚卹

責沈文貽知默姪

陳瓘

適越而北轍越不可至徙越人而置於齊里則越語可易而為齊然則氣質一定而不能自易其習者非以其

欽定四庫全書

卷一百二十七

十四

廟所薦樂之紀綱統和元氣舞獸儀鳳令大河而更清使左角其不芒變化風俗返乎羲皇而乃廢於深淵出而遇毀殆澆盤之不如矧牛鐸之敢企此義夫志士所為疾心而切齒也然余聞之陰精之純燥氣之裔雖從火革其質不變一晦一明昔者既然憤而復起可無畢年嗚呼鍾乎今焉在乎豈復為激宮流羽以嗣其故乎將憑化而遷改象易制以周於用乎豈為錢為鏹為銓為金以供耕稼之職將為鴟鼐以効烹飪之功乎豈為

不學歟氣質之用狹道學之力大習其所自習者未嘗察也天氣而地質無物不然人貌乎其間亦一物耳物與物奚以相遠或哲或愚不係其習乎思誠之道莫先於學務學之要在於求師顏子之不遷不貳得於孔子希顏之人將孰師焉葉公問孔子於子路子路不對夫葉公有知人之明有謀國之忠愛賢而得民慎微而憂遠其事皆有可指其遺語之記於緇衣者亦可觀焉楚國之賢誰出其右子路非慢賢者也曾有仲尼而彼不

知焉則於其問也何足對哉陳良楚產也而能使北方之學者莫或先之故孟子以良為豪傑之士為其能悅周公孔子之道而已不知仲尼則雖賢如子高亦孔門之所不對也為士而稽古者可不鑑哉予元豐乙丑夏為禮部貢院點檢官適與校書郎范公醇夫同舍公嘗論顏子之不遷不貳惟伯淳有之予問公曰伯淳誰也公默然久之曰不知有程伯淳耶予謝曰生長東南實未知也時予年二十有九矣自是以來常以寡陋自愧

得其傳者如楊中立先生亦未之識也崇寧之初兄孫漸就學其門時予在合浦始獲通問予之內訟改過賴其一言漸於是時亦以所聞警予之繆予始忽其言久而後知其為藥石也今漸來天台考其學益進聞其言益可喜淘染薰鑄有自來矣舉修步於南溟觀洪瀾於北壑此可遠之基也始之不謀何以得此古之善學者心遠而莫禦然後氣融而無間物格而不二然後養熟而道凝山上有木其進也漸合抱之榦豈一朝一夕之

所可俟哉人之患在不立其基基立而不勉亦何以愈於彼乎物之終始可不嚴哉始識而終成同乎一默非言語所能究也予以多言取禍尚未誅殛戴恩自幸不知歲月之久而生死之有二也既老且病手痺目昏簡編筆硯殆將捐棄今於漸之行不能忘言作責沈以貽之喜漸之能謀其始而篤之使有成也政和三年八月九日

欽定四庫全書叢要卷二萬五十一

集部

宋文鑑卷一百二十八 宋呂祖謙編

對問

應責

柳開

或責曰子處今之世好古文與古人之道其不思乎苟思之則子胡能食乎粟衣乎帛安于衆哉衆人所鄙賤之子猶貴尚之孰從子之化也忽焉將見子窮餓而死矣柳子應之曰於乎天生德于人聖賢異代而同出其

欽定四庫全書

宋文鑑
卷一百二十八

一

出之也豈以汲汲于富貴私豐於己之身也將以區區於仁義公行于古之道也已身之不足道之足何患乎不足道之不足身之足則孰與足今之世與古之世同矣今之人與古之人亦同矣古之教民以道德仁義今之教亦以道德仁義是今與古胡有異哉古之教民者得其位則以言化之是得其言也衆從之矣不得其位則以書于後傳授其人俾知聖人之道易行尊君敬長孝乎父慈乎子大哉斯道也非吾一人之私者也天下

欽定四庫全書

宋文鑑
卷一百二十八

三

反類今人之文譬乎游于海者乘之以驥可乎哉苟不可則吾從於古文吾以此道化於民若鳴金石于宮中衆且曰絲竹之音也則以金石而聽之矣食乎粟衣乎帛何不能於衆哉苟不從於吾非吾不幸也是衆人之不幸也吾非以衆人之不幸易我之幸乎縱吾窮餓而死死則死矣吾之道豈能窮餓而死之哉吾之道孔子孟軻楊雄韓愈之道吾之文孔子孟軻楊雄韓愈之文也子不思其言而妄責于我責于我也即可矣責于吾

之文吾之道也即子為我罪人乎

答客問 尹 源

客謂予曰敢問人臣不忠孰為大曰無過為大客曰過之為言失中之謂也為臣有是則悖於事而害於治君子善於無過而子以為不忠惑矣曰余所謂無過者非果能無過衆人以為過無跡可攻也何則自古人臣為不忠者未有不外示畏謹循法度而能固其寵久其權以遂其邪者內則為宰相為卿大夫不敢主天下事

與進退賢不肖曰吾知循故事爾專則罪也外則為郡為邑以至廉察一道視政之弊不敢革視民之疾不敢去曰吾知奉法爾違迺辟也若此者不惟時君以為無過天下之人亦以為無過苟終不能辨之使内外相濟以成其俗則國日削民日弊以至大亂而莫之禦謂之忠可乎忠臣則不然一心公乎天下不以身之安危易其守其行事也或犯上之忌或冒下之謗若此者不惟時君以為過天下之人亦以為過矣苟能辨之使得行

其道則國享其利民被其賜謂之不忠可乎故忠臣本於愛君奸臣本於愛身未有愛君而先其身愛身而先其君者客曰如子之說仲山甫明哲保身萬石君霍光忠謹無過皆不忠乎曰若數子皆純乎其中非求無過之名以為己利故忠臣之過小而必形奸臣之過大而不章世人徒見其形者以為過也孔光張禹所以危漢宗林甫所以禍唐室曰然則人君何以辨之曰捨其迹而責其心術斯得矣

諭客 劉 敏

寶元康定之間元昊畔詔書求材謀之士於是言事自薦者甚衆輒下近臣問狀高者除郡從事其次補掾史且數百人時予方游吳中客有相哀者作諭客客謂公是先生曰蓋聞賢者不遺利智者不失時因形推勢以事為機是以功勲流於竹帛盛德載於黎庶歷百世而不衰掩衆人以獨驚此所謂豪傑之士也而先生亦有意於此乎先生曰何以教之客曰今西兵距境崑崙道

絕主上不怡邊有宿甲旛裘之貢不入鐘鼓之娛不動者于今三年矣是以求賢之詔開自薦之路總擧奇俊兼聽天下恩涵於人心義激於肺腑故令下之日坐者泣沾襟卧者涕交頤咸欲奮必死之力蹈難測之機忘山川之苦薄戰伐之危請長纓以繫頸輸家財以濟師拜章者交乎公車獻策者滿乎北闕起徒步以祈爵由一言以改列此亦遭遇之時變化之契勇辯之辰敵國之勢穰苴所以權軍而西出蘇秦所以掉舌而東逝

也今先生乃悄乎如不知貌乎如不聞名與智寂迹與世淪懷書滿腹不如衆人意者暗於事勢而然乎且夫道期於用不必全潔功期於成不必無辱是以伊尹負版泉之師堯有丹浦之征舜有三苗之誅啟有扈氏之兵成湯造攻於牧宮文王收績於崇城當此之時覆載侔於天地文明比於日月休恩滲於時雨厲威粲於霜雪跂行喙息罔有不服然且干戈未盡戢弓矢未盡閉小至俘馘大至流血巍巍之功不為之差減赫赫之號不為之減裂適足以增其徽名廣其休烈而已客以謂崇如丘山炳若執燭今先生乃獨習無用之言守難行之事遺棄諸子專愚六藝井田雖通不可以厚財賦之入鄉飲雖講不可以助軍旅之急羽舞雖文不可以代干戈之執麻冕雖純不可以更甲冑之襲睢盱拳曲空

固已集矣於是乎虎眄鷹眡龍行雲起譬若挽千石之
弩決垂潰之疽引洪河之流沃殆滅之燬曾不移息而
可見又何足煩天下之學士主上所以乾乾夕惕勞於
求賢通自進之路開博訪之門者恐伯高傳說之流藏
於巖野伊尹大師之品逸於屠鈞又所以明謙讓之義
恭聽卑之操使非常之業與士大夫共有也此乃三王
所不及五帝所難行愚陋之人豈能昭見其情哉昔燕
欲駿馬乃市朽骨而千里之駒果至越欲勇士乃揖怒
蛙而百夫之勇來萃主上亦欲致特達之人是以狂狷
者無所咈排觸者無所忌高爵重祿或富或貴鑒洞乎
神明量配乎天地豈以為小醜之未夷羣兇之尚恣哉
且夫東漸島夷南及交趾西奄孤竹北越鑿齒受令朝
朔齊一車軌雷動風行方百萬里觀數郡之地元昊之
衆曾不若黑子之著面蟻之循穴而欲以敵國論之固
失類矣且客獨不聞宋受命之說乎昔者唐失其御海
水橫溢寰宇之內分為六七不貢不朝靡所統一於是

蠹蠹之氓困於戈鋌積尸為山流血成川糜潰屠剝者
蓋五十餘年上帝眷之乃命太祖受禪啟國方行千里
猶有殘尊弗率弗祀太宗平之真宗成之至於制作之
道以或未遑然亦開籍田封太山禮河汾考百王皇上
率循聖武靡有遺軼而勝殘去殺適底今日是以往者
申訪古樂繕正郊配大定六籍謹敕元會欲以就一王
之法成必世之期使後嗣遵其矩太常肆其儀參於六
經表於萬年澤漏於重溟功陟乎上天還成康之俗儻
欽定四庫全書

典謨之篇包弓偃革無得踰焉此學者所以踴躍而鄙
儒所以拳拳也何以蘇張於平世孫吳於異類終無益
於王道空自絕於聖治客徒笑我暗於事機我亦悲客
躁於富貴而不知制作之義也言未畢客竦而謝曰荒
野之人溺於所聞先生幸教之謹受令矣

反求齋對

謝逸

李子作齋於廳事之北求名於余其名曰反求李子請
曰願聞反求之義對曰子不聞楚國之盜者乎楚之盜

曰支貞者行若無迹語若無息踰垣若鳥穴上若鼠居於楚國人無夜不亡其物焉國人心知其貞也而執之無狀每亡物必罵曰是必貞也其如不可執何居一日

貢語其隣之子曰楚之盜不為寡矣每亡物必尤貞者

何也隣之子曰子無怒國人尤已也子能為盜故亡物者必尤子子而不為盜其誰尤子哉貢曰是不難也吾且闔戶不出矣儻夜有亡物者亦將以尤貞可乎是夜楚人徹衛釋禁而國中無犬吠之驚君子曰人不可不

反求諸己也仁所以愛人者也愛人不親則反諸己曰仁未至也智所以治人者也治人不治則反諸己曰智未至也敬所以禮人者也禮人不答則反諸己曰敬未至也行有不得者皆反求諸己而惟人之責則與楚之

盜日攘其物而怒人之尤已也何異哉反求之義其在斯乎李子名紱字明服余表弟也又從余故書而告之

移文

宋白

三山之英十洲之靈排煙拂霧勒移山庭夫以逍遙玄俗之姿縹渺飛仙之狀控白鶴於雲末驂青鸞於天上吾方知之矣若其冥冥帝先杳杳象外厭浮世而龍據曳天倪而蟬蛻聆白雪於太虛挹流霞於上界固亦有焉豈其侈靡輕浮猖狂迅速習夏癸之奢用商辛之酷將大道以為戲勦萬民而逞欲何其謬哉嗚呼龍馭不存鼎湖長往萬古千秋英靈軀殮世有秦皇爰及漢帝既崇既高益驕益熾然而貌學希夷情忘橐籥竊犯神

山濫封東嶽汙五真風輕吾上藥雖篤志於仙林竟無心於天爵其始至也將泊洪涯絕浮丘捐百揆棄諸侯奄梁架日劖氣凌秋或思玉皇可接或憶金仙共遊靡元元以不治仰蒼蒼而是求燕昭何足比子晉不能儔及其妻說斯行貪誠彌勇智刃揮霍靈臺飛動乃閑意海隅窮奢世上汎樓船而濟重溟建祈年而侔大壯蘭橈馥其天風桂棟凌乎辰象望仙闕而何極顧人寰而如喪至其儼霞冠垂珠綬履鳳文之鳥列蛟龍之繡焚

百和於筵上輝九華於坐右羽旆爭聳瑤壇競開丹臺
紫府在何處白鳳青鸞猶未來大寶非貴三清是屬恥
萬機之瑣屑隘六合之局促將紀號於真圖任銷聲於
帝籙希風七十君委政三十轂使我徒費步虛曷嘗輕舉
徐福不歸安期誰倡文成五利並虛詞太一上元從延
佇至於柏梁灰燼承露飄零甲帳空兮暮煙怨羽人去
兮秋風驚昔求長生躋壽域今見委骨在窮塵是知碧
海汪洋瀛洲浩渺方丈爭奇蓬萊竦峭慨沙丘之云亡

欽定四庫全書

宋文選
卷一百二十八

十二

悲茂陵而誰弔故其露慘長寒風啼自咽秋草淒涼春
花愁絕嗟羅綺之皆空歎池臺之已滅且夫奄有神器
化育羣生將天地以合德與日月而齊明豈可使鳳宸
寂寥龍圖銷毀帝道荒蕪天潢泥滓遊心於幻路教臣
民而以詭宜扃玉洞掩天闕揚大霧湧驚湍隔祆風於
海上杜妾魄於雲端於是瞋波如山怒雲寡色斥二主
之訛謬警後王之道德請為治世君無俟賓天客

跋奚移文

黃庭堅

女弟阿通歸李安詩為置婢無所得迺得跛奚蹒跚離
疏不利走趨穎出屋檐足達戶樞三嫗挽不來兩嫗推
不去主人不悅厨人罵怒黃子笑之曰堯牽羊而舜鞭
之羊不得食堯舜俱疲百羊在谷牧一童子草露晞而
出草露降而歸不亡一羊在其指撫故曰使人也器之
物有所不可則亦有所宜警夜偷者不以馬司晝漏者
不以雞準繩規矩異用殊施天傾西北地缺東南尺有
所不逮寸有所覃子不通之則屢不可運土甞不可當

欽定四庫全書

宋文選
卷一百二十八

十三

屢坐而睨之小大俱廢子如通之則瞽者之耳聾者之
目絕利一源收功十百事固有精於一則盡善偏用智
則無功有所不能乃有所大能焉呼跛奚來前吾為若
詔之汝能與壯士拔距乎能與羣狙爭茅乎能與八駿
取路乎能逐三窟狡兔乎皆曰不能曰是固不能閨門
之內固無所事此今將詔若可為者汝無狀於行當任
坐作不得頑癡自令謹飭晨入庖舍滌鎰淪金料簡蔬
茹留精默捕鬻肉法欲方膾魚法欲長起溲如截肪煮

餅深注湯和糜勿投醯甕日晚用薑葱塗不欲焦旋道
不欲黃飯不欲著牙搘盆勿駐沙進火守蛙水沃沸鼎

斟酌鄉先生熟必告姨嫵臨食爬垢撩髮染指馳杓啜

戴懷骨事無小大盡當關白食了滌器三正三反杖拭

蠲潔寢匙覆椀陶瓦髹素視在謹數兄弟為行牡牝相

當日中事間浣衣漱襦器穢器淨謹循其初素衣當白

染衣增色施鬱為黃紅螺研光接藍杵草茅蒐橐皂衆

胰粉白無不媚好燥濕處亭廄帖坦平來往之役資它

欽定四庫全書

宋文選
卷一百二十八

十三

使令牛羊下來喚雞棲桀檣拒門闌閑護草竊飲飯猫

犬埋塞鼠穴凡鳥攫肉猫觸鳴犬舐鎗鼠窺飄皆汝之

罪也春蠶三卧升簇自裹七晝七夜無得停火紵麻藤

葛蕉紅絲絳綺練手作無有停時紵緝偷工夫一日得

半工一縷亦有餘暑時蘊蒸扇涼蜜冰薰艾出蚊冰盤
去蝇果生守樹果熟守笞執弓懷彈驅嚇飛鳥無得吮
嘗日使殘少姆嫵罵譏瘧痢泄嘔夫寒置籠衣衾畢烘

搔痒抑痛炙手潤凍無事倚牆蹊復可作堂上叫呼傳

聲代諾載長續短鳬鶴皆憂持勤補拙與巧者傳凡前
之為汝能之不跛奚對曰我缺於足猶全於手如前之
為雖勞何咎黃子曰若是則不既有用矣乎皆應曰然
無不意滿

連珠

連珠二首

徐鉉

道不可以權行終則道喪情不可以苟合久則情踈是
以兵諫愛君君安而忠敬已失同舟濟險險夷而取授

欽定四庫全書

宋文選
卷一百二十八

古

自殊

運不常偶體道者無憂時不常來抱器者無滯是以霜
露既降徂來不易其貞弓矢載橐董澤不踰其利

連珠一首

晏殊

時平德合秉鈞者績隱於幾先運極道消享位者譽隆
於事外是以房杜之恩勤莫二無迹可尋郭裴之退默
居多其名益大

郭汾陽裴
晋公也

連珠一首

宋庠

山有楩梓之材居山者艾草而舍田有禾稷之實力田者半菽而飽廩有驥驥之乘掌廩者羸股而步此所謂役於物者智不逮乎物也無木者有華棟之蔭無田者有嘉穀之享無廩者有上駟之御此所謂役物者智包乎物也故君子逸於用德小人勞於用力

連珠一首

劉 放

蓋聞詭道取勝得以暫用懷惡致討未有能克是故以

桀詐桀可容於微幸用燕伐燕不足以相服

總校官庶吉士臣張能照
校對官中書臣范 鑿
謄錄監生臣戴祖覃



欽定四庫全書叢要

集部

宋文鑑卷一百二十九至三十

欽定四庫全書叢要卷二萬五十二 集部

宋文鑑卷一百二十九

宋呂祖謙編

琴操

懷歸操

劉敞

蟋蟀在堂歲云除今我不樂鬱以紓豈不懷歸畏簡書
蟋蟀在堂歲云逝今我不樂濡以滯豈不懷歸友朋畏

醉翁操

蘇軾

琅邪幽谷山水奇麗泉鳴空澗若中音會醉翁喜之把

欽定四庫全書

卷一百二十九

酒臨聽輒欣然忘歸既去十餘年而好奇之士沈遵聞

之往遊以琴寫其聲曰醉翁操節奏踈實而音指華暢

知琴者以為絕倫然有其聲而無其辭翁雖為作歌而

與琴聲不合又依芝詞作醉翁引好事者亦倚其詞以

製曲雖粗合均度而琴聲為詞所絳約非天成也後三

十餘年翁既捐館舍而遵亦沒久矣有廬山玉澗道人
崔闇特妙於琴恨此曲之無詞乃譜其聲而請於東坡

居士以補之云

詳校官候選知縣臣吳旬華

琅然清園誰彈響空山無言惟翁醉中知其天月明

風露娟娟人未眠荷賣過山前曰有心也哉此賢

泛聲同此

醉翁嘯詠聲和流泉醉翁去後空有朝吟夜怨山有時而童顛水有時而回困思翁無歲年翁今為飛仙此意在人間試聽徽外三兩絃

於忽操

王令

劉表見龐公將起之而公不願也表曰然則何謂公曰我可歌乎既歌命子絃之凡三操

欽定四庫全書

宋文選卷一百二十九

二

於忽乎不可以為其又奚為離婁之精夜何有於明瞽曠之耳聾者亦有耳一本作塞何有於聾束王良之手兮後車載之前行險以既覆兮後逐逐其猶來雖目睭而心駭兮顧其能之安施委墨繩以聽人兮雖班輸亦奚以為

三

欽定四庫全書

宋文選卷一百二十九

三

開封府上梁文

楊億

受三靈之眷命開百世之丕基居中土以制四方坐明堂而朝萬國上觀玄象設路寢而闢應門下鑒黃圖定神州而分赤縣玉帛駿奔而荐至舟車輻湊以交馳居民最處於浩穰寰宇共瞻於表式法天崇道皇帝陛下道光上聖仁洽普天性堯舜之聰明體禹湯之勤儉垂衣裳而布政懸法象以授人旰食視朝俾精求於理本臨軒遣使常散採於民謠物情而煦育如春王道而坦

於忽乎不可以為其又奚為謂雞斯飛誰得之吾方饑而羈謂豕斯突何取於縛是皆以食而得之吾方饑而後噫噫雞豕兮死以是兮

而羈謂豕斯突何取於縛是皆以食而得之吾方饑而後噫噫雞豕兮死以是兮

畫操

孟子去齊於畫作

林希

彼滔滔之天下余孰從而與歸來何其然兮其去何為吾行或使兮止或左之毋嗟吾行兮於此遲遲棄其量舖兮禽攝安施鈎石則委兮亦何用於銖系顧瞻咨嗟兮人曷余疑嗚呼余歸兮已而已而

上梁文

欽定四庫全書

宋文選卷一百二十九

三

受三靈之眷命開百世之丕基居中土以制四方坐明堂而朝萬國上觀玄象設路寢而闢應門下鑒黃圖定神州而分赤縣玉帛駿奔而荐至舟車輻湊以交馳居民最處於浩穰寰宇共瞻於表式法天崇道皇帝陛下道光上聖仁洽普天性堯舜之聰明體禹湯之勤儉垂衣裳而布政懸法象以授人旰食視朝俾精求於理本臨軒遣使常散採於民謠物情而煦育如春王道而坦

平若砥故得五兵不試邊陲無金革之聲四序由康隴
畝起倉箱之詠敷淳反朴黎民盡致於可封獻賓輸琛

異域曾無於後至混車書而一統頒正朔於四夷卜年
遠過於成周拓土更逾於彊漢乃眷京畿之千里旁連

魏闕之九重包括諸華儀刑列郡疆理既推於廣斥閭
閻最號於便蕃豈惟俠少之場所謂帝王之宅爰求控

壓實在元良皇太子道契黃離位隆蒼震問安視膳素
彰周寢之勤主鬯承祧爰踐漢儲之貴自春宮而育德

欽定四庫全書

卷一百二十九

四

鎮天邑以分憂誕揚慈惠之風廣布神明之政綠林屏
息絕吠犬以堪驚玉燭均調無喘牛而可問於是決斷

簿書之暇經營土木之功廣棟宇之新規集班輸之絕
藝揮斤者成市荷鍤者如雲度楩柟杞梓之材召丹艤

坊墁之匠百堵皆作不日而成梁橫蟠螭以蜿蜒瓦疊
鴛鴦而迤邐堂皇有煥廳事斯嚴廊回合以四周庭清

虛而中敞制度迭彰於壯麗形容備極於巍峩足以明
東朝副貳之尊表南府鎮臨之盛兒郎偉今茲吉日將

畢竊功爰自拋梁式申犒勞散金錢而滿地堆餅餌以
如山卮酒彘肩盈樽淌案極量而飲應不羨於單醪實
腹而食固如填於巨壑既醉以飽式舞且歌同承渙汗
之恩共樂昇平之化

拋梁東三韓百濟慕華風毛車遠涉浮天浪歡呼鼓舞
未央宮

拋梁西雪嶺金河路不迷萬里玉闕皆我土葡萄苜蓿
徧高低

欽定四庫全書

卷一百二十九

五

拋梁南跖鳶浪泊聖恩覃大貝明珠盈帑藏雀嵬銅柱
拂煙嵐

拋梁北匈奴逃遁空沙磧茫茫絕漢胡無人待上陰山
重刻石

拋梁上非煙顥氣何蕭爽歷歷天邊種白榆亭亭雲際
義仙掌

拋梁下萬井繁華堪大訖家家樓閣倚晴空處處絃歌
樂皇化

伏願拋梁已後風調雨順時和年豐聖壽靈長與大椿而難老邦家鞏固將磐石以無窮少海長浮於厚載前星永耀於玄穹濟濟宮庭之僚屬森森天府之賓從盡預商山之羽翼咸依儉幕之芙蓉將吏奔趨而有幸軍民撫育以皆同悉傾心而奉上並竭節以向公路絕寇攘夜戶而從茲不閉人無爭訟圜扉而自此常空百姓咸躋於壽域八方悉被於仁風然後我皇帝之千秋萬歲長端拱以居中

欽定四庫全書

卷一百二十九

六

英宗殿上梁文

王安石

天都左界帝室中經誕惟僊聖之祠夙有神靈之宅嗣開宏業追奉辟容方將廣舜孝於無窮豈特尚漢儀之有舊先皇帝道該五泰德貫二儀文摛雲漢之章武布風霆之號華夏歸仁而砥屬蠻夷馳義以駿奔清蹕甫傳靈輿忽往超然姑射山無一物之疵遯矣壽丘臺有萬人之畏已塋鴟湖之弓劔將游高廟之衣冠今皇帝孝奉神明恩涵動植纘禹之服期成萬世之功見堯於

羹未改三年之政乃眷熏修之吉壤載營館御之新宮考協前彝述追先志孝嚴列峙寢門可象於平居廣拓旁開輦路故存於陳迹官師肅給斤築隆施揆吉日以庇徒舉修梁而考室敢申善頌以相歡謠

兒郎偉拋梁東聖主迎陽坐禁中明似九天昇曉日恩如萬國轉春風

兒郎偉拋梁西瀚海兵銷太白低王母玉環方自獻大宛金馬不須齋

欽定四庫全書

卷一百二十九

七

兒郎偉拋梁南丙地星高每歲占千障滅烽開嶺徼萬

艘輸賈引江潭

兒郎偉拋梁北邊城自此無鳴鏑即看呼韓渭上朝休誇寶憲燕然勒

兒郎偉拋梁上彷彿神游今可想風馬雲車世世來金輿玉宇年年享

兒郎偉拋梁下萬靈隕祉扶宗社天垂嘉種已豐年地產珍符方極化

伏願上梁之後聖躬樂豫寶命靈長松茂獻兩宮之壽

椒繁占六寢之祥宗室蕃維之彥朝廷表幹之良家傳慶譽代襲龍光肩一心而顯相保饋祀之無疆

披雲樓上梁文

陳履常

夙夜在公必有燕休之地上下同樂孰知興作之勤惟此東州稱為輔郡遺澤未息猶有陶虞之風王化既成更同齊魯之俗河山千里枹鼓不鳴問巷百年豪傑間出地滋望闢歲嗣豐穰里無愁歎之聲吏絕追呼之擾

因斯時之暇豫樂此地之登臨革故增高事非過制斷長續短費不及民棟宇覩深稱吏民之觀聖歲時遊豫遂老幼之歡娛爰歷靈辰用興危架聽于輿頌落此成功

拋梁東日上雲開四顧中今代功名歸二老當年富貴

有朱公

拋梁南舳艤銜尾繫江潭朝隣已作豐年雨暑飲行聽

抵掌談

拋梁西陰陰桃李下成蹊舉頭更覺長安近送日長隨落日低

拋梁北瑞塔亭亭入雲直百年戰鬪及明時千里河山餘故國

拋梁上危架峩峩逮千丈房心璀璨近簷楹海岱推崇但空曠
拋梁下割肉成堆酒如瀉燕雀投人也自忙鼠蝠旋牆不容罅

伏願上梁以後人神同力暘雨以時水宿塗行夜無風露之警盆纏鎌割家有囊廩之餘固圖一空艱苦不試商旅四集貨賄遂通據榻以談不減庾公之興從遊而賦尚須韓子之文

書判

辛捕罪人丁過而不救辭云家有急事救療

余靖

逋捕未擒宜同掩襲彌留待救安可違廻苟或責其容

姦姑合先於極患卒事當祇役在追逃力而拘之饑
鷹之効未展勢不足者困獸之鬪方勞眷彼遵塗之人
式冀執兵之助備其越逸此望惠然肯來憂在族姻彼
乃往而不返誠或慮其飾詐謀合原其執心網恐論於
吞舟固宜并力病方深於易審安得忘情徒欲詰其圖
全未可罪其為已因其亡命雖追捕以攸先人各有親
當患難而自救縱云行邁殊匪坐觀逋逃之黨未除遽
令誣我瞋眩之求不濟則欲怒誰職且異於追胥罰難
加於行路是則彼有詞矣姑合宥而捨之

丙越度官府垣離官司罪之辭云隨甲而往

余靖

欽定四庫全書

卷一百二十九

宋文選

十一

位協謀抵禁法有減論冒度干刑理無從坐既投足而同
往豈原心而或殊丙德之弗修動而有悔不如已者方
踰數仞之墻因而從之遂罹三尺之法自疎明慎猶啟
薄言況穴隙以相從惟既次而是履前王著令徒攀共
犯之條君子嚮儒盍守獨行之節矧府寺之攸設惟藩

姦姑合先於極患卒事當祇役在追逃力而拘之饑
鷹之効未展勢不足者困獸之鬪方勞眷彼遵塗之人
式冀執兵之助備其越逸此望惠然肯來憂在族姻彼
乃往而不返誠或慮其飾詐謀合原其執心網恐論於
吞舟固宜并力病方深於易審安得忘情徒欲詰其圖
全未可罪其為已因其亡命雖追捕以攸先人各有親
當患難而自救縱云行邁殊匪坐觀逋逃之黨未除遽
令誣我瞋眩之求不濟則欲怒誰職且異於追胥罰難
加於行路是則彼有詞矣姑合宥而捨之

丙為左僕射門立棨戟其子封國公復請立戟儀
杖何逃罪必其心詞奚苦訴

曹不許

余靖

欽定四庫全書

卷一百二十九

宋文選

十二

位縻王爵固有彝儀名列子倫所宜降禮既高閥之共
處豈列戟以重施丙鵠印傳家蟬聯襲寵斗樞踰貴既
升八座之榮社土啟封遂及一經之嗣胡為令子罔達
宏規以謂秩視諸公幸列分茅之位勲崇三品請頒立
棨之儀展矣攸司詳夫大體且乘軒服冕雖同列國之
權問寢趨庭豈有異門之制縱未該於令式宜必叶於
謀猷况乎尊有壓卑之文備存典冊子存避父之禮綽
著章程國有大焉古之道也恩榮沓至任旌高頰之勲

制度罔愆宜喜抑或之見必當固執無謂他規戴記傳

余 靖

芳車馬猶稱於不及隋書勸善祭乾寧聞於再頒必採禮卿之詞勿貽侯氏之過

乙夜居於外丙往弔之或責其非 余 靖

宴安有度式貴慎儀出處無容固宜行弔既自愆於所止亦何怒於相隨乙德之不修動而有悔安身克謹當從嫡寢之間居外尤非自比遭喪之變眷惟益友深達彝章朝夕四時既失常於訪問吉凶五禮遂矯辭於禍

欽定四庫全書

宋文選 卷百二十九

十三

災縱未盡於嫌疑抑已陳於規誨進退可度燕衣將亂於悲哀居處以莊環經何慙於諷刺爾惟失節我豈廢言所期克舉其儀孰謂不知而作衣服宮室雖弗襲於縗裳揖讓周旋固可譏於牀第理既同於事死問乃比於知生况彰終夕之嫌復異致齋之制改容並進雖興言偃之非問疾同辭宜守仲尼之訓弔之可也人其謂何

乙為政請隳都城譏其無備辭云都城不過百雉

政在保民固宜多備城苟過制何謂弱枝爰啟見機之謀當許復隍之請乙器能高世忠亮拔羣方推許國之忠遽展濟時之略以謂金湯作固誠多藩屏之功控帶

相高必啟寇戎之害式陳良筭允叶明謀庇民無假於深池頽牆願填於濬洫且赫連定霸雖增蒸土之勞士為知權寧慎實新之役深詳得失妙察興衰縱墨翟多能九攻聞解帶之術而鄭丹遠識五大有在邊之譏蓋

虞乎讐必保焉盍循乎古之制也今京不度在百雉以貽憂夫魯有初諒三都之必毀允合仲尼之志何慙由也之忠

丁去官而受舊屬餕與或告其違法訴云家口已離本任 余 靖

食榮養廉執心斯可及瓜受代改操則非安得因其去官遂不思於潔已丁也才高有立秩滿將遷飛鳳啣書亦既榮於寵命解龜罷政遂靡讓於好羞謂行邁之有

期曾厭私而不懼况古之循吏名列青編掛府丞之魚誠在蒞官之日留壽春之犢實惟去任之晨何乃肆貪罔知守節歌鄧侯之五鼓曾是違途持山陰之一錢當

思勵俗徒欣苟得豈曰能謀重耳受飧益當於旅食叔魚反錦益愧於公行如云不爾瑕疵則恐罔知紀極推恩布化未聞畫象之遺風黷貨啟奸遽恣貪狼之本性縱離境壤終喪廉隅減三等以定刑乃九章之垂統

甲為縣令士乙與其故人丙醉毆乙乙詣縣訟丙

令問曰傷乎曰無傷也相識乎曰故人三十年矣嘗相失乎曰未也何為而毆汝乎曰醉也解之使去有司劾甲故出丙罪甲曰聞不至傷教許在村了奪耆長則可縣令顧不可乎

王回

令親民而毆之於善者也士所以學為君子也令釋一醉忿相毆笞四十之過全其三十年間未嘗相失之交毆民於善而責士以君子之道者也仲尼為魯司寇赦

父子之訟漢馮翊韓延壽不肯決昆弟之爭篤於親而故舊不遺其義蓋一耳甲之所為於古為能教於今為應法不可効

甲為出妻已告其在家嘗出不遜語指斥乘輿有司言雖出妻而所告者未出時事也或疑薄君臣之禮隆夫婦之恩律不應經王回

指斥乘輿臣民之大禁至死者斬而旁知不告者猶得徒一年半所以申天子之尊於海內使雖遐逖幽陋之

俗猶無敢竊言訕侮者然書稱商周之盛王聞小人怨罵乃皇自恭德不以風俗既美而臣民儼然戴土不待刑也則此律所禁蓋出於秦漢之苛耳若妻為夫服斬衰而降其義甚重傳禮已來未之有改也且挾虐犯法既許自訴而七出義絕和離之類豈有穴怨顧恬然藉衽席之所知喜為路人擠之死地其惡愍矣宜如有司所論已若夫減所告罪一等甲同自首以律附經竊謂非薄君臣之禮而隆夫婦之恩也

欽定四庫全書會要卷二萬五十三

集部

宋文鑑卷一百三十

宋呂祖謙編

題跋

跋放生池碑

歐陽修

右放生池碑不著書撰人名氏放生池唐世處處有之王者仁澤及於草木昆蟲使一物必遂其生而不為私惠也惟天地生萬物所以資於人然代天而治物者常為之節使其足用而取之不過萬物得遂其生而不夭

三代之政如斯而已易大傳曰庖犧氏之王也能通神明之德以類萬物之情作結繩而為網罟以佃以斂蓋言其始教民取物資生而為萬世之利此所以為聖人也浮屠氏之說乃謂殺物者有罪而放生者得福苟如其言則庖犧氏遂為人間之聖人地下之罪人矣

跋華嶽題名

歐陽修

右華嶽題名自唐開元二十三年訖後唐清泰二年實二百一年題名者五百人一人再題者又三十三人錄

為十卷往往當時知名士也或兄弟同遊或子姪並侍
或寮屬將佐之咸在或山人處士之相攜或奉使奔命
有行役之勞或窮高堅遠極登臨之適其富貴貧賤歡
樂憂悲非惟人事百端而亦世變多故開元二十三年
歲在丙午是歲天子耕籍田肆大赦羣臣方頌太平請
封禪蓋有唐極盛之時清泰二年歲在乙未廢帝篡立
之明年也是歲石敬瑭以太原反召契丹入自鴈門廢
帝自焚于洛陽而晉高祖入自太原五代極亂之時也

始終二百年間或治或亂或盛或衰而往者來者先者
後者雖窮達壽夭參差不齊而斯五百人者卒歸於共
盡也其姓名歲月風霜剥梨亦或在或亡其存者有千
仞之山石爾故時錄其題刻每撫卷慨然何異臨長川
而歎逝者也

跋平泉草木記
歐陽修
右平泉草木記李德裕撰余嘗讀鬼谷子書見其馳說
諸侯之國必視其為人材性賢愚剛柔緩急而因其好

惡喜懼憂樂而捭闔之陽開陰塞變化無窮顧天下諸
侯無不在其術中惟不見其所好者不可得而說也
以此知君子宜慎其好蓋泊然無欲而禍福不能動利
害不能誘此鬼谷之術所不能為者聖賢之高致也其
次簡其所欲不溺於所好斯可矣若德裕者處富貴招
權利而好奇貪得之心不已至或疲弊精神於草木斯
其所以敗也其遺戒有云壞一草一木者非吾子孫此
又近乎愚矣

跋景陽井銘
歐陽修

景陽井銘不著撰人名述隋滅陳叔寶與張麗華等投
井事其後有銘以戒又有唐江寧縣丞王震井記云井
在興嚴寺其石檻銘有序稱余者晉王廣也其文字皆
磨滅僅可識者其十一二叔寶事史書之甚詳不必見
於此然錄之以見煬帝躬自滅陳目見叔寶事又嘗自
銘以為戒如此及身為淫亂則又過之豈所謂下愚之
不移者哉今其銘文隱隱尚可讀處有云前車已傾負

乘將沒者又可歎也

跋王獻之法帖

歐陽修

右王獻之法帖余嘗喜覽魏晉以來筆墨遺跡而想前人之高致也所謂法帖者其事率皆弔哀候病叙睽離通訊問施於家人朋友之間不過數行而已蓋其初非用意而逸筆餘興淋漓揮灑或妍或醜百態橫生披卷發函爛然在目使人驟見驚絕徐而視之其意態愈無窮盡故使後世得之以為奇詭而想見其人也於高文大策何嘗用此而今人不然至或屏棄百事弊精疲力以學書為事業用此終老而窮年者是真可笑也

讀李翹文

歐陽修

予始讀復性書三篇曰此中庸之義疏爾智者識其性當讀中庸愚者雖讀此不曉也不作可焉又讀與韓侍郎薦賢書以謂翹特窮時憤無薦己者故丁寧如此使其得志亦未必然以翹為秦漢間好俠行義之一豪傑亦善論人者也最後讀幽懷賦然後置書而歎歎已復

欽定四庫全書

宋文選
卷一百三十

四

欽定四庫全書

宋文選
卷一百三十

五

哉然翹不幸不生今時見今之事則憂又甚矣奈何今之人不憂也余行天下見人多矣脫有一人能如翹憂者又皆疏遠與翹無異其餘光榮而飽者一聞憂世之言不以為狂人則以為病子不怒則笑之矣嗚呼在位而不肯自憂又禁他人使皆不得憂可歎也矣

讀封禪書

劉敞

劉子曰新垣平候日再中文帝以建元言汾陰有寶鼎氣乃效於後平之於術亦可免矣其卒以詐死為世大

讀不自休恨翹不生於今不得與之交又恨予不得生翹時與翹上下其論也況迺翹一時有道而能文者莫若翹愈愈嘗有賦矣不過羨二鳥之光榮歎一飽而無時爾推是心使光榮而飽則不復云矣若翹獨不然其賦曰衆囂囂而雜處兮咸歎老而嗟卑視予心之不然兮慮行道之猶非怪神堯以一旅取天下後世子孫不能以天下取河北以為憂嗚呼使當時君子皆易其歎老嗟卑之心為翹所憂之心則唐之天下豈有亂與亡哉然翹不幸不生今時見今之事則憂又甚矣奈何今之人不憂也余行天下見人多矣脫有一人能如翹憂者又皆疏遠與翹無異其餘光榮而飽者一聞憂世之言不以為狂人則以為病子不怒則笑之矣嗚呼在位而不肯自憂又禁他人使皆不得憂可歎也矣

侈何哉彼以其術為遠而飾之以巧以其利為迂而益之以誚者也敗不亦宜乎是故博學而精擇之正言而謹守之不為頃以變志不以利鈍遷慮辟此患也莊周有言母以人徇天母以故滅命豈新垣平之謂邪悲矣

書种故事

王回

景德二年右諫議大夫种放賜假嵩山真宗御資政殿置酒餞放侍臣當直者四人預之時有司不宿戒宣召既集皆相顧莫敢就坐上乃親定其儀翰林學士晁

迫西面侍上資政殿學士王欽若東面侍上知制誥朱巽南次迫待制戚綸南次欽若放北面對上示特客之云酒半上作七言詩一首賜放放奉和侍臣應詔皆作而欽若最後成二首焉初放養其母隱終南山講經書著嗣禹表孟子文秦蜀諸生多從之游其母好道家言修辟穀之術放阿其好終身不娶婦世以其能行人之所難益高之朝臣屢表薦聞太宗召之辭疾不出上即位張齊賢以舊相守京兆又薦焉乃遣內供奉官周班

齋手詔召放放應召既至拜右司諫直昭文館賜名第什器御厨給膳四遷至工部侍郎卒放雖居官屢請假還山上輒為作詩置酒餞之後賜兩制三館學士等御筵餞之於瓊林苑常手詔問以政事欲大用之放辭乃止昔堯起舜於畎畝之中位以司徒商高宗起傅說於巖野而位冢宰彼授受之際不嫌駭衆如此而功烈竟立豈藉其虛名而誕後世哉竊觀真宗特禮寵放近世天子蓋未聞也而放之行乃叛其所學以棄人倫為難

有君而無臣惜哉放既正已不足則其用捨行止之節曷議焉

書襄城公主事

王回

唐太宗長女襄城公主出降太常卿汾州刺史蕭銳初公主在女時篤行好禮太宗賢之嘗指以誨諸公主既降銳銳父宋國公瑀尚無恙而太宗敕有司為公主起第公主辭曰婦事舅姑如子事父定省朝夕所以養也而容別居者據何理也太宗不許而公主固辭不可奪

太宗乃即璫之私第其旁隋煬舊晉邸葺以為襄城公主第第成當施公主棨戟於門公主又辭曰禮無以抗於尊者為榮也今舅之門既立戟矣而更於女門施戟

是婦抗於舅而為禮豈所以榮女也太宗不許而公主

終辭不可奪太宗乃敕以公主棨戟并施於宋國公之門昔堯將任舜以天下以二女嬪之畎畝之中而不敢

留於帝室者以舜有父母未順其心雖與天下舜必不受也使舜受之願非所以任天下者也周之王姬嫁於

諸侯車服不繫其夫猶執婦道以成肅雖之德故其詩

曰曷不肅雖王姬之車自秦以來祖於申韓之術其治務以隆君抑臣為甚天子之女特創其號曰公主而婿

者不得自當其妃匹曰尚公主其弊之漸至於父母不

敢畜其子舅姑不敢畜其婦原其故以隆君抑臣為治

也而使人倫諭於上風俗壞於下又豈所以隆君而治哉

嗚呼以唐太宗之明常指襄城以誨諸女可謂知其

賢矣然襄城辭切於禮而應於治古之効猶勞於再三

而僅從其心則他公主之有舅姑者蓋亦別居耳蓋弊流於千載者雖願治之明主猶不遽變其習也而一女子卓然出其間可不謂賢哉

書洪範傳後

王安石

王安石曰古之學者雖問以口而其傳以心雖聽以耳而其受以意故為師者不煩而學者有得也孔子曰不憤不啟不悱不發舉一隅不以三隅反則不復也夫孔子豈敢愛其道驚天下之學者而不使其蚤有知乎以

謂其問之不切則其聽之不專其思之不深則其取之不固不專不固而可入者口耳而已矣吾所以教者非將善其口耳也孔子沒道日以衰熄浸淫至於漢而傳注之家作為師則有講而無應為弟子則有讀而無問非不欲問也以經之意為盡於此矣吾可無問而得也豈特無問又將無思非不欲思也以經之意為盡於此矣吾可以無思而得也夫如此使其傳注者皆已善矣固足以善學者之口耳而不足善其心況其有不善乎

宜其歷年以千數而聖人之經卒於不明而學者莫能資其言以施於世也予悲夫洪範者武王之所以虛心而問與箕子之所以悉意而言為傳注者汨之以至于今冥冥也於是為作傳以通其意嗚呼學者不知古之所以教而蔽於傳注之學也久矣當其時欲其思之深問之切而後復焉則吾將孰待而言邪孔子曰予欲無言然未嘗無言也其言也蓋有不得已焉孟子則天下固以為好辯蓋邪說暴行作而孔子之道幾於熄焉

欽定四庫全書

卷一百三十

宋文鑑

孟子者不如是不足與有明也故孟子曰予豈好辯哉予不得已也夫予豈樂反古之所以教而重為此謔謔哉其亦不得已焉者也

讀江南錄

王安石

故散騎常侍徐公鉉奉太宗命撰江南錄至李氏亡國之際不言其君之過但以歷數存亡論之雖有愧於實錄其於春秋之義春秋臣子為箕子之說問其子商所

以亡其子不忍言商君親諱禮也

惡以存亡國宜告之徐氏錄為得焉然吾聞國之將

亡必有大惡惡者無大於殺忠臣國君無道不殺忠臣雖不至於治亦不至於亡紂為君至暴矣武王觀兵孟津諸侯請伐紂武王曰未可及聞其殺王子比干然後知其將亡也一舉而勝焉季梁在隨隨人雖亂楚人不敢加兵虞不用宮之奇之言晉人始有納璧假道之謀然則忠臣國之與也存與之存亡與之亡予自為兒童時已聞金陵臣潘佑以直言見殺當時京師因舉兵來伐數以殺忠臣之罪及得佑所上諫李氏表觀之詞意質

欽定四庫全書

卷一百三十

宋文鑑

直忠臣之言予諸父中舊多為江南官者其言金陵事頗詳聞佑所以死則信然則李氏之亡不徒然也今觀徐氏錄言佑死頗似妖妄與予舊所聞者甚不類不止於佑其它所誅者皆以罪戾何也予甚怪焉若以商紂及隨虞二君論之則李氏亡國之君必有濫誅吾知佑之死信為無罪是乃徐氏匿之耳何以知其然吾以情得之大凡毀生於嫉嫉生於不勝此人之情也吾聞鉉與佑皆李氏臣而俱稱有文學十餘年爭名於朝廷當

李氏之危也佑能切諫鉉獨無一說佑見誅鉉又不能力諍卒使其君有殺忠臣之名踐亡國之禍皆鉉之由也鉉懼此過而又恥其善不及於佑故匿其忠而汙以它

罪此人情之常也以佑觀之其它所誅者又可知矣噫若果有此吾謂鉉不惟厚誣忠臣其欺吾君不亦甚乎

讀孟嘗君傳

王安石

世皆稱孟嘗君能得士士以故歸之而卒賴其力以脫於虎豹之秦嗟乎孟嘗君特鷄鳴狗盜之雄耳豈足以

欽定四庫全書

宋文選
卷百三十

三

言得士不然擅齊之彊得一士焉宜可以南面而制秦尚取鷄鳴狗盜之力哉夫鷄鳴狗盜之出其門此士之所以不至也

書刺客傳後

王安石

曹沫將而亡人之城又劫天下盟主管仲因勿倍以市信一時可也予獨怪智伯國士豫讓豈顧不用其策耶讓誠國士也曾不能逆策三晉救智伯之亡一死區區尚足校哉其亦不欺其意者也聶政售於嚴仲子荆軻

秦於燕太子丹此兩人者汙隱困約之時自貴其身不亡顧知亦日有待焉彼挾道德以待世者何如哉

讀柳宗元傳

王安石

余觀八司馬皆天下之奇材也一為叔文所誘遂陷於不義至今士大夫欲為君子者皆羞道而喜攻之然此八人者既困矣無所用於世往往能自彊以求列於後世而其名卒不廢焉而所謂欲為君子者吾多見其初而已要其終能毋與世俯仰以自別於小人者少耳復

欽定四庫全書

宋文選
卷百三十

三

何議於彼哉

書公淮巡檢廳壁

傅堯俞

巡檢職捕盜職舉則盜去如失其職兵皆盜也何則上既不戢下從而縱恃賴勢力侵漁良民非盜而何噫鼠竊狗偷者逐可去捕可擒係縲囚戮其勢易制至於士兵一得縱放則欺擾公行使民口膠舌結噤不敢出聲是誠盜之巨者新息腋淮面山地雖褊隘實為咽喉故置巡檢提健兵百人以遏狂冠官事修舉民倚之得安

存一非其人下罹苦害以區區之邑若先用百盜縱乎
其間傍與它盜者併力賊之則雖欲背死趨生路亦無
繇也曹君德華受命職捕盜既至頗革前弊約身廉馭
兵嚴士不敢犯民則向所謂百盜者固以息矣於是封
域靜寧帖焉亡驚居日多暇頗圖燕安先是視事廳風
頽雨剝殆不可居德華醜之命工新其棟宇雖有取於
民半出私奉規模宏偉數倍平昔可以視壯大若益堅
其庶益厲其嚴雖亡是廳不害居是廳不媿苟沿其廉
施其嚴則是廳廣豁邃深軒危瑰琦更盛於今日亦奚
以為哉徒增過重不德爾後人至者其廉與嚴思有以
上曹君可也若曰某屋未豐於是廳某屋未華於是廳
思以土木之功加之則可乎不可也吾懼來者不知而
務侈以殘吾民志壁以示之

書賈偉節廟

王安石

息之滅亡移徙尚矣其俗頗好鬼視正直聰明之神則

蔑然先是邑之南幾十數里有其故侯之廟國人事之

簫鼓豆牢歲時甚謹而公之祠在新城之北密邇民間
不遠數步門宇不崇奠享不恭人之至者歲無一二予
甚疑乘間因詢諸故老僉曰侯之祠不信不祀則禍福
時至賈公之神雖不祭不我為害予曰嘻來吾語爾侯
為息之君不能保有爾衆至於喪社稷而亡國其身殞
則其靈歇惡乎能驚動此民而禍福加於後世此其怪
妖依憑恐諸愚以倖祀爾若賈公者其民之主乎昔爾
之先有子曰男曰女皆殺而不育公為邑之長嚴為制
而禁之賴是生者以千數非公息民其遂絕爾將安出
昔之男爾民之父也昔之女爾民之母也活爾父母而
不報可乎況公之英風靈氣固當未泯以昔時之人今
日未必無陰相也反以其不禍誣以其不能而怠之罪
孰甚焉爾歸厚報爾之主可也無為奔走乎怪妖之庭
況禮曰有功德於民則祀之是公之堂可祠而侯之廟
可廢惜也吾之賤而侯之廟在籍去之不可爾聽吾言
而亟改則爾之休茂矣僉曰唯而心不以為然事如初

異日過公之祠登公之堂傷民之過遂志於壁

活爾父母奠報不舉實吾神之侮為民禍尤豆牢是求則吾神之羞我瞻公之象昂昂可仰我想公之靈英英如生厚矣公德在息之國嗟哉息民忘公之仁嗚呼怪妖是趨明靈是誣爾則無知神不爾誅

書魏鄭公傳

曾鞏

予觀太宗常屈已以從羣臣之議而魏鄭公之徒喜遭

其時感知己之遇事之大小無不諫諍雖其忠誠自至

亦得君而然也則思唐之所以治太宗之所以稱賢主而前世之君不及者其淵源皆出於此也能知其有此者以其書存也及觀鄭公以諫諍事付史官而太宗怒之薄其恩禮失終始之義則未嘗不反覆嗟惜恨其不思而益知鄭公之賢焉夫君之使臣與臣之事君者何大公至正之道而已矣大公至正之道非滅人言以揜已過取小亮以私其君此其不可者也又有甚不可者夫以諫諍為當掩是以諫諍為非美也則後世誰復當

諫諍乎況前代之君有納諫之美而後世不見則非惟失一時之公又將使後世之君謂前代無諫諍之事是啟其怠且忌矣太宗末年群下既知此意而不言漸不知天下之得失至於遼東之敗而始恨鄭公不在世未嘗知其悔之萌芽出於此也夫伊尹周公何如人也伊尹周公之諫切其君者其言至深而其事至迫也存之於書未嘗掩焉至今稱太甲成王為賢君而伊尹周公為良相者以其書可見也今當時削而棄之成區區之小讓則後世何所據依而諫又何以知其賢且良與桀紂幽厲始皇之亡則其臣之諫詞無見焉非其史之遺乃天下不敢言而然也則諫諍之無傳乃此數君之所以益暴其惡於後世而已矣或曰春秋之法為尊親賢者諱與此戾矣夫春秋之所諱者惡也納諫諍豈惡乎然則焚藁者非歟曰焚藁者誰歟非伊尹周公為之也近世取區區之小亮者為之耳其事又未是也何則以焚其藁為掩君之過而使後世傳之則是使後世不見

藁之是非而必其過常在於君羨常在於己也豈愛其君之謂歟孔光之去其藁之所言其在正邪未可知也其焚之而惑後世庸詎知非謀已之奸計乎或曰造辟而言詭辭而出異乎此曰此非聖人之所曾言也今萬一有是理亦謂君臣之間議論之際不欲漏其言於一時之人耳豈杜其告萬世也噫以誠信持己而事其君而不欺乎萬世者鄭公也益知其賢云豈非然哉豈非然哉

書資治通鑑外紀後

劉恕

劉恕曰孔子作春秋筆削美刺子游子夏門人之高弟不能措一辭魯太史左丘明以仲尼之言高遠難繼而為之作傳後之君子不敢紹續焉惟陸長源唐春秋吳楚之君僭號稱王誅絕之罪也左氏傳據魯史因諸侯國書繫年叙事春秋所貶損大人當世君臣有威權勢力其事實皆形於傳故隱其書而不宣以免時難後漢獻帝以班固漢書文繁難省命荀悅依左傳體為漢紀

言約事詳大行於世晉太康初汲郡人發魏襄王冢得紀年文似春秋其所記事多與左氏符同諸儒乃知古史記之正法自是袁宏張璠孫盛干寶習鑒齒以下為編年之書至唐五代其流不廢漢晉起居注梁唐實錄皆其遺制也國語亦左丘明所著載內傳遺事或言論差殊而文詞富美為書別行自周穆王盡晉知伯趙襄子當貞定王時凡五百餘年雖事不連屬於史官蓋有補焉七國有戰國策晉孔衍作春秋後語並時分國其後絕不錄焉唐柳宗元采摭片言之失以為誣淫不槩於聖作非國語六十七篇其說雖存然不能為國語輕重也司馬遷始撰本紀年表八書世家列傳之目史臣相續謂之正史本朝去古益遠書益煩雜學者牽於屬文專尚西漢書博覽者乃及史記東漢書而近代士頗知唐書自三國至隋下逮五代懵然莫識承平日久人愈怠惰莊子文簡而義明玄言虛誕而似理功省易習陋儒莫不尚之史學浸微矣按歷代國史其流出於春

秋劉歆叙七略王儉撰七志史記以下皆附春秋荀勗
分四部史記舊事入丙部阮孝緒七錄記傳錄記史傳
由是經與史分夫今之所以知古後之所以知今因善
惡以明褒貶察政治以見興衰春秋之法也使孔子贊
易不作春秋則後世以史書為記事瑣雜之語春秋列
於六藝愚者莫敢異說而終不能曉也恕皇祐初舉進
士試於禮部為司馬公門生侍於大儒得聞餘論嘉祐
中公嘗謂恕曰春秋之後迄今千餘年史記至五代史
欽定四庫全書

宋文選

卷百三十

辛

一千五百卷諸生歷年莫能竟其篇第畢世不暇舉其
大略厭煩趨易行將泯絕予欲託始於周威烈王命韓
魏趙為諸侯下訖五代因丘明編年之體倣荀悅簡要
之文網羅衆說成一家書恕曰司馬遷以良史之才叙
黃帝至秦漢興治亂班固已下世各名家李延壽總
八朝為南北史而言詞卑弱義例煩雜書無表志公革
不完梁武帝通史唐姚康復統史世近亡軼不足稱也
公欲以文章論議成歷世大典高勲美德褒贊流於萬

世元凶宿姦貶絀甚於誅殛上可繼仲尼之經丘明之
傳司馬遷安可比擬荀悅何足道哉治平三年公以學
士為英宗皇帝侍講受詔修歷代君臣事迹恕蒙辟賓
史局嘗請於公曰公之書不始於上古或堯舜何也公
曰周平王以來事包春秋孔子之經不可續也恕乃知賢人著書尊避
始於獲麟之歲曰經不可續也恕乃知賢人著書尊避
聖人也如是儒者可以法矣熙寧三年冬公出守京兆
明年春移帥潁川固辭不行退居洛陽恕褊狷好議論
欽定四庫全書

宋文選

卷百三十

壬

不敢居京師請歸江東養親又以新書未成不廢刊削
恕亦遙隸局中嘗思司馬遷史記始於黃帝而包犧神
農闕漏不錄公為歷代書而不及周威王之前學者考
古當閱小說取舍乖異莫知適從若魯隱之後止據左
氏國語史記諸子而增損不及春秋則無與於聖人之
經包犧至未命三晉為諸侯比於後事百無一二可為
前紀本朝一祖四宗一百八年可請實錄國史於朝廷
為後紀昔何承天樂資作春秋前後傳亦其比也將俟

書成請於公而為之熙寧九年恕惟家禍悲哀憤鬱遂

中癱痺右肢既廢凡欲執筆口授稚子羲仲書之常自

念平生事業無一成就史局十年俛仰竊祿因取諸書

以國語為本編通鑑前紀家貧書籍不具南徵僻陋士

人家不藏書卧病六百日無一人語及文史昏亂遺忘

煩簡不當遠方不可得國書絕意於後紀乃更前紀曰

外紀如國語稱春秋外傳之義也自周共和元年庚申

至威烈王二十一年丁丑四百三十八年見於外紀自

威烈王二十三年戊寅至周顯德六年己未一千三百六十二年載於通鑑然後一千八百年之興廢大事坦然可明昔李弘基用心過苦積年疾而藥石不繼盧昇之手足攣廢著五悲而自沈頰水予病眼病創不寐不食才名不逮二子而疾疹艱苦過之陶潛豫為祭文杜牧自撰墓誌夜臺甫迺歸心若飛聊序不能作前後紀而為外紀焉佗日書成公為前後紀則可刪削外紀之煩冗而為前紀以備古今一家之言恕雖不及見亦平生

之志也

欽定四庫全書

集部

宋文鑑卷一百三十一 宋呂祖謙編

題跋

書東臯子傳

蘇軾

予飲酒終日不過五合天下之不能飲無在予下者然

喜人飲酒見客舉盃徐引則予胸中為之浩浩焉落落焉酣適之味乃過於客閑居未嘗一日無客客至未嘗不置酒天下之好飲亦無在予上者常以謂人之至樂

欽定四庫全書

宋文鑑

一

莫若身無病而心無憂我則無是二者矣然人之有是

者接於予前則予安得全其樂乎故所至常蓄善藥有求者則與之而尤喜釀酒以飲客或曰子無病而多蓄藥不飲而多釀酒勞已以為人何也予答曰病者得藥吾為之體輕飲者困於酒吾為之酣適益專以自為也東臯子待詔門下省日給酒三升其弟靜問曰待詔樂乎曰待詔何所樂但美醞三升殊可戀耳今嶺南法不禁酒予既得自釀月用米一斛得酒六斗而南雄廣惠

循梅五太守間復以酒遺予略計其所獲殆過於東臯子矣然東臯子自謂五斗先生則日給三升救口不暇安能及客乎若予者乃日有三升五合入野人道士腹中矣東臯子與仲長子光游好養性服食預刻死日自為墓誌予蓋友其人於千載或庶幾焉

書黃子思詩集後

蘇軾

予嘗論書以謂鍾王之迹蕭散簡遠妙在筆畫之外至唐顏柳始集古今筆法而盡發之極書之變天下翕然

欽定四庫全書

宋文鑑

二

以為宗師而鍾王之法益微至於詩亦然蘇李之天成曹劉之自得陶謝之超然益亦至矣而李太白杜子美以英瑞絕世之姿凌跨百代古今詩人盡廢然魏晉以來高風絕塵亦少衰矣李杜之後詩人繼作雖間有遠韻而才不逮意獨窮應物柳宗元發纖穠於簡古寄至味於澹泊非餘子所及也唐末司空圖崎嶇亂兵之間而詩文高雅猶有承平之遺風其論詩曰梅止於酸鹽止於鹹飲食不可無鹽梅而其美常在鹹酸之外蓋自

列其詩之有得於文字之表者二十四韻恨當時不識其妙予三復其言而悲之閩人黃子思慶歷皇祐間號能文者予嘗聞前輩誦其詩每得佳句反復數四乃識其所謂信乎表聖之言美在鹹酸之外可以一唱而三歎也予既與其子幾道其孫師是游得窺其家集而子思篤行高志為吏有異材見於墓誌詳矣予不復論獨評其詩如此

題唐氏六家書後

蘇軾

欽定四庫全書

宋文選
卷百三十一

三

永禪師書骨氣深穩體兼衆妙精能之至反造踈淡如觀陶彭澤詩初若散緩不收反復不已乃識其奇趣今法帖中有云不具釋智永白者誤收在逸少部中然亦非禪師書也云謹此代申此唐末五代流俗之語耳而書亦不工歐陽率更書妍緊拔羣尤工於小楷高麗遣使購其書高祖歎曰觀其書以為魁梧奇偉人也此非知書者凡書象其為人率更貌寒敏悟絕人今觀其書勁峻刻厲正稱其貌爾褚河南書清遠蕭散微雜隸體

古之論書者兼論其平生苟非其人雖工不貴也河南固忠臣但有譖殺劉洎一事使人怏怏然余嘗考其實恐劉洎少年褊忿實有伊霍之語非譖也若不然馬周明其無此語太宗猶誅洎而不問周何哉此殆天后朝許李所誣而史官不能辨也張長史草書頽然天放略有點畫處而意態自足號稱神逸今世稱善草書者或不能真行妄也真生行行生草真如立行如行草如走未有未能行立而能走者也今長安猶有長史真書郎

中石柱記作字簡遠如晉宋間人顏魯公書雄秀獨出一變古法如杜子美詩格力天縱奄有漢魏晉宋以來風流後之作者殆難復措手柳少師書本出於顏而能自出新意一字百金非虛語也其言心正則筆正者非猶諷諫理固然也世之小人書字雖工而其神情終有睢盱側媚之態不知人情隨想而見如列子所謂竊斧者乎抑真爾也然至使人見其書而猶憎之則其人可知矣余謫居黃州唐林夫自湖口以書遺余云吾家有此

六人書子為我略評之而書其後林夫之書過我遠矣而反求於余何哉此又未可曉也

題逸少帖

蘇軾

逸少為王述所困自誓去官超然於事物之外常自言吾當卒以樂死然欲一遊岷嶺勤勤如此而至死不果乃知山水遊放之樂自是人生難必之事況於市朝眷戀之徒而出山林獨往之言固已疎矣

書鮮于子駿八詠後

蘇軾

欽定四庫全書
卷一百三十一
五

始余過益昌子駿治漕利路其後八年余守膠西而子駿始移漕京東自朝廷更法以來奉法之吏尤難其人刻急則傷民寬厚則廢法二者其理難通而山峽地瘠民部以親則害法以法則傷恩二者其勢難全是三難者萃於子駿而子駿為之九年其聲藹然聞之四方上不害法下不傷民中不廢親自講議措置至於立法定制皆成其手吏民舉欣欣焉而子駿亦自治園圃亭榭賦詩飲酒雍容有餘如果時為監司者君子以是知其

賢子駿以其所作八詠寄余余甚愛其詩欲作而不可及乃書其末以遺益昌之人使刻石以無忘子駿之德

書鄭玄傳

林希

欽定四庫全書
卷一百三十一
六

章條類明白蓋其初不經於聖人之手至後世又遭磨滅其不能完而少有訛誤豈能免也及得鄭氏注精微通透鉤聯瀆會故古經益以明世學者皆知求而易入識為人之道者漢諸儒之功而成之者鄭氏也其於法制更為章明獨失之者繙也然當大壞之後聖人不世以一人之思慮欲窮萬世之文豈不難哉世之人猶指其一二而譏之遂以鄭為一家之小學噫亦甚愚矣蓋玩文辭則薄於經術抑不思其所為功者雖玄猶有所

不敢盡況無玄哉當漢之末姦雄競起玄身出禁錮四方聘請不能動其志脫一身於污濁之世獨全其道至使黃巾望玄而拜不入其境嗟夫歷千百年及此者迺幾人尚敢輒訕玄哉若玄者可謂賢矣

題論衡後

呂南公

傳言蔡伯喈初得此書常秘玩以助談或搜其帳中見之輒抱以去邕且丁寧戒以勿廣也嗟乎邕不得為賢儒豈不宜哉夫飾小辯以驚俗充之二十萬言既自不足多道邕則欲以獨傳為過人之功何繆如之良金美玉天下之公寶為其貴於可用耳小夫下人偶獲寸片則卧握行懷如恐人之弗知又兢兢於或吾寇也而金玉果非天下所無信以克書為累可用乎孰禦天下之同貴有如不然也邕之志慮曾小夫下人之不及耶

書鄭綮傳

徐積

天下之所恃而為安危者誰乎曰宰相焉耳故自朝廷百執事至於州縣之吏不幸而一非其人不過敗其一

局之事耳至於宰相者其人一非則天下殆矣雖亡宗赤族何益於敗蓋天子之於天下也得其術則其道甚易宰相佐天子治天下以一身而當天下之責雖得其術其道甚難臨之六五曰知臨大君之宜若此非易乎乾之九三曰君子乾乾夕惕若此豈非難乎然而人皆易之何也曰不知量也今有馬於此且其行不過百里也驅而倍之則馬且病矣龠合升斗之量各有所受也以龠合而加之斛升之上則溢矣况斛升之受一斛之量乎故一邑之才施之一郡則不可也其以一郡之才而當天下之責可乎此黃霸之所以得令名於前而見譏於後也況遠不迨霸者乎甚矣人之不知量也坤之六五黃裳元吉蓋君子之有諸中形諸外如此可也大有之九二曰大車以載蓋君子以盛德大烈當天下之責如此則可也乾之九三曰君子終日乾乾蓋君子履天下之危當天下之責其憂勞如此可也忠烈如伊尹勲勞如周公而又終以謙易曰勞謙君子有終吉嗚呼

其難若此而人皆易之何也曰好之也尊官重祿固人之所好也不如是不足克其好快其欲彼安肯曰吾不才也吾辱其位者即其禍敗隨之耶取天下笑耶為萬世之羞耶甚者亡人之國危人之天下不顧也豈予謂不知量者耶安得知量者見之乎予讚陳平傳嘉平知其任讀鄭君傳愛君知其量嗚呼如君者豈易得哉豈易得哉

題張唐公香城記後

潘興嗣

欽定四庫全書

宋文鑑
卷一百三十一

九

唐公國士也立朝敢言名動縉紳視萬鍾之祿不易其操一丘一壑自謂過之方此時僕齒髮方少已無仕宦意第以琴書為樂相視莫逆至於忘年可謂以無累之神合有道之器不愧於古人矣每一至此視公筆蹟於壞壁間字漫滅惘然于懷真覺上人好事次錄其言勒于石

書王知載朐山雜詠後

黃庭堅

詩者人之情性也非強諫爭於廷怨忿詬於道怒隣罵

坐之為也其人忠信篤敬抱道而居與時乖逢遇物悲喜同牀而不察並世而不聞情之所不能堪因發於呻吟調笑之聲胸次釋然而聞者亦有所勸勉比律呂而可歌列干羽而可舞是詩之美也其發為訕謗侵陵引頸以承戈披襟而受矢以快一朝之忿者人皆以為詩之禍是失詩之旨非詩之過也故世相後或千歲地相去或萬里誦其詩而想見其人所居所養如旦暮與之期隣里與之游也營丘王知載仕宦在予前予在江湖

欽定四庫全書

宋文鑑
卷一百三十一

十

浮沉而知載已沒於河外不及相識也而得其人於其詩時不遇而不怒人不知而獨樂博物多聞之君子有文正公家風者邪惜乎不幸短命不得發於事業使予言信於流俗也雖然不期於流俗此所以為君子者耶

書贈韓瓊秀才

黃庭堅

讀書欲精不欲博用心欲純不欲雜讀書務博常不盡意用心不純訖無全功治經之法不獨玩其文章談說義理而已一言一句皆以養心治性事親處兄弟之間

接物在朋友之際得失憂樂一考之於書然後嘗古人之糟粕而知味矣讀史之法考當世之盛衰與君臣之離合在朝之士觀其見危之大節在野之士觀其奉身之大義以其日力之餘玩其華藻以此心術作為文章無不如意何況翰墨與世俗之事哉

書邢居實南征賦後

黃庭堅

陽夏謝師復景回年未二十文章絕不類少年書生語

余嘗序其遺藁云方行萬里出門而車軸折可為賓涕

欽定四庫全書

卷一百三十一

二

今觀邢惇夫詩賦筆墨山立自為一家甚似吾師復也
日者閱國馬圉人曰千里駒往往不及奉輿斃於阜櫪
駕蹇十百為羣未嘗求國醫也聞之喟然曰吾惇夫亦
足以不朽矣

書邢居實文卷

黃庭堅

余觀學記論君子之學有本末等第人雖不能自期百

歲然必不踰等如水行川盈科而後進耳小學之事雖若糜廢日月要須躬行必曉所以致大學之精微耳吾

惇夫才性高妙超出後生千百輩然慕大略小初日便為塗遠之計則似可恨後生可畏當欣慕其才而鑒其失也

題濟南伏勝圖

黃庭堅

御史鼂大夫號為峭直刻深觀所寫形質似未至也然作伏勝宛然故齊之老書生耳又作勝女子鬱然是儒家子此亦丹青之妙

題摹燕郭尚父圖

黃庭堅

欽定四庫全書

卷一百三十一

三

凡書畫當觀韻往時李伯時為余作李廣奪胡兒馬挾兒南馳取胡兒弓引滿以擬追騎觀箭鋒所直發之人馬皆應弦也伯時笑曰使俗子為之當作中箭追騎矣余因此深悟畫格此與文章同一闢紐但難得人人神

會耳

題陳自然畫

黃庭堅

水意欲遠鳬鴨閒暇蘆葦風霜中猶有能自持者乎觀李營丘六幅驟雨圖偶得此意陳君以佛畫名京師戲

作秋水寒禽便可觀因書以題之

題徐巨魚

黃庭堅

徐生作魚庖中物耳雖復妙於形似亦何所賞但令曉猿生涎耳向若能作底柱析城龍門岌嶪驚濤險壯使王鮪赤鱣之流仰波而上沂或其瑰怪雄傑乘風霆而龍飛彼或不自料其能薄乘時射勢不至乎中流折角點額窮其變態亦可以為天下壯觀也

題自書卷後

欽定四庫全書

宋文選
卷一百三十一

黃庭堅

崇寧三年十一月余謫處宜州半歲矣官司謂余不當居關城中乃以是月甲戌抱被入宿于城南余所僦舍喧寂齋雖上雨傍風無有蓋障市聲喧憒人以為不堪其憂余以為家本農耕使不從進士則田中廬舍如是又可不堪其憂邪既設卧榻焚香而坐與西隣屠牛之機相直為資深書此卷實用三錢買雞毛筆書

題崔圓傳後

王无咎

天下之郡無大小遠近天子皆為之置賓佐曹掾者不

唯共守境土行條約均職務而已固將有以出謀議規過失也故守臣虛屈意以事訪於賓佐曹掾而為賓佐曹掾者亦專專然不憚舉其守之缺者乃其勢然也予觀近世之為郡者多不知其勢之如此故鮮有能盡以事訪于其屬而為其屬者亦鮮有能舉上之缺設有能然者則往往驟取譴怒猝辱甚者萬方掇拾行事釀成其事而去之以騁已之憤而遂其非焉故今天下多不治之郡而朝廷有不審擇之過予嘗有憾於此也久矣

欽定四庫全書

宋文選
卷一百三十一

古

每觀韓愈誌韓友墓稱其父紳卿為揚州錄事叅軍大衙會日舉崔圓之過曰公與小民狎至其家害于政圓驚謝曰錄事言是圓實過乃自署罰錢五十萬則未嘗不反復歎慕其賢焉及讀唐書紳卿則固無傳圓雖有傳然是事乃不列於其中亦可惜也夫愈以文行賢後世必不輕其言過譽諸人其事可信無疑矣然而史不列之者豈其有遺者歟故予輒取其事書于傳之後以補之噫古之遺者良多予獨區區以補此者是亦有為

而然也

書五代郭崇韜卷後

張耒

自古大臣權勢已隆極富貴已亢滿前無所希則必退為身慮自非大姦雄包異志與夫甚庸駕昏闇苟鮮有不然者然其為慮也實難不憂思之不深計之不工然異日釁之所起往往自夫至深至工是故莫若以正夫正者操術簡而周智者為緒多而拙夫正者無所事計也行所當然雖怨仇不敢議之况繼之者賢乎郭崇韜

欽定四庫全書

宋文選
卷一百三十一

十五

於五代亦聰明權智之士也佐莊宗決策滅梁遂一天下自見功高權重姦人議已而莊宗之昏為不足賴也乃為自安之計時劉氏有寵莊宗嬖之因請立為后而中莊宗之欲又結劉氏之援此於劉氏為莫大之恩而莊宗日以昏酒內聽婦言為計宜無如是之良者然卒之殺崇韜者劉氏也使崇韜繆計不過劉氏不能有所助而已豈知身死其手哉好謀之士敗於謀好辯之士敗於辯惟道德之士為無所窮而禍福之變豈思慮能

究之哉

題郇公詩帖

張舜民

我生不及郇公而家有公選詩十卷所選皆精于時已信公之能詩也迨觀此作為信然其文采深潤與字書故同當時非特郇公大抵前輩皆若此儻與今人語必曰其文未甚高其書未甚精至其自秉筆命語則鮮不戾者藝顧如此況其大者乎苟率是求攻堅致遠之效足以誤成事

欽定四庫全書

宋文選
卷一百三十一

十五

主父之事

張舜民

近歲渭南縣有田夫得宿藏於土中凡七甕水銀者二金銀者五金銀皆刻主父字按漢主父偃以金敗而至於殺其身滅其家今日乃知偃之死非謬也中庸曰莫見乎隱莫顯乎微故君子慎其獨也荀卿曰聲無遠而不聞行無微而不彰當偃之死于今久矣徒觀其事而不見其迹猶未足以為信何以暴其數千年之後今之人結交於戶牖之間託物於苞苴之內期於無人之境

授於夜半之時，欲人之不我知，真愚也哉。

龍井題名 秦觀

元豐二年中秋後一日，余自吳興道杭東還，會稽龍井有辨才大師以書邀余入山。比出郭日已夕，航湖至普寧遇道人參寥，問龍井所遣籃輿，則曰：「以不時至去矣。」是夕天宇開霧，林間月明可數毫髮。遂棄舟從參寥策杖並湖而行，出雷峯度南屏，濯足于惠田澗，靈石塢得支徑上風篁嶺，憩于龍井亭，酌泉據石而飲之。自普寧

欽定四庫全書

宋文鑑 卷一百三十一

凡經佛寺十五，皆寂不聞人聲。道傍廬舍或燈火隱顯，草木深鬱，流水上激悲鳴，殆非人間之境。行二鼓矣，始至壽聖院，謁辨才于潮音堂，明日乃還。

記殘經 李昭玘

南臺古刹有佛書數百卷，多唐季五代時所書，字畫精勁，歷歷可喜。按大藏經目，凡五千四百卷，今所存纔十首尾，可讀者又無幾也。阿含經四卷，奉寧軍節度使齊克讓造。廣明元年，劉漢宏合黃巢侵揚州，高駢按兵

不出。詔克讓屯汝州，會許州部將周茂殺其帥薛能，克讓懼，下叛，引其軍還，充十二月巢攻潼關。克讓復出戰，關外士饑燒營以謀克讓，遽走入關，勢不能守。賊遂犯京師。昔王縉相代宗，或夷狄入寇，必合衆沙門誦護國仁王經為禳厭。人事不修，而終以賊敗，嗚呼！將相大臣不能以身任社稷安危，而浮屠氏以生死負天下多矣。然辱國喪師，不罹誅殛之禍者，又何幸也！正法華經一卷，乾符六年女弟子牛妙音書。僖宗既立，天下多亂盜。欽定四庫全書 宋文鑑 卷一百三十一 六

賊羣嘯王仙芝，搖毒於江湖。黃巢磨牙於閩粵，荒墟暴露，不堪行路。士大夫顧唐將亡，竊匿避禍，如觸網罟，畏死無日。閨門女子，區區媚佛以自救，亦可哀矣。大涅槃般若經共三十卷，武寧軍節度使朱友恭造。友恭全忠養子李彥威也，後為龍武都統軍，與氏叔琮同殺昭宗，全忠亟誅之以滅。天下謗此經，天復三年所書，崔垂休召全忠誅宦官，韓全誨劫天子奔鳳翔。昭宗初不知謀，全忠既至，帝怒，諭使還鎮。未幾，復引兵薄城下，惡焰赫

然寢逼輿衛強藩悍鎮陰虞爛額之禍進退首鼠莫肯
同出一手以扶天步全忠禍心滋大欺天盜國人共怨
怒友恭猶詭情佞佛以厭天下耳目使世無佛則可果
佛能報應人則又將欺佛而盜禍不亦愚乎毗奈耶雜
事一卷德妃伊氏造唐莊宗次妃初神閔敬皇后劉氏
以微賤得立歸賜於佛性喜聚斂貨賄山積惟寫佛書
饋賂僧尼而士卒不得衣食妃為此經豈非畏后所逼
耶後有印章曰燕國夫人伊氏蓋未進封時所製也唐

制太后置之寶皆主之未嘗用印凡封令書即太后果用
宮官印皇后用內侍省印而夫人不聞有用印之禮是
時兩宮交通藩鎮使者旁午於道而恬不知禁則夫人
私自鑄亦不為惜矣按五代史稱德妃與韓淑妃居太
原晉高祖反時為契丹所虜不知是經何從至也其餘
中斷橫裂蟲鎣鼠齧雨敗塵腐無復完綴想夫飄散蹂
藉炷燈拭案補壞壁塞屋漏者又不勝其數也釋氏之
戒能為人寫四句偈獲福無量心生不信罪抵千劫今

其徒怠棄如此何頑頓之甚也不然禍福自人不在於
黃藤赤軸之間耶余感其禍亂之迹殘缺之餘因書其
事聊寄其一嘆云

書洛陽名園記後

李格非

洛陽處天下之中挾殼龜之阻當秦隴之襟喉而趙魏
之所集蓋四方必爭之地也天下常無事則已有事則洛陽
必先受兵余故嘗曰洛陽之盛衰天下治亂之候也

方唐貞觀開元之間公卿貴戚開館列第於東都者號

千有餘邸及其亂離繼以五季之酷其池塘竹樹兵車
蹤跡廢而為丘墟高亭大榭煙火焚燎化而為灰燼與
唐共滅而俱亡者無餘處矣余故曰園囿之興廢者洛
陽盛衰之候也且天下之治亂候於洛陽之盛衰而知
洛陽之盛衰候於園囿之興廢而得則名園記之作余
豈徒然哉嗚呼公卿大夫方進於朝放乎以一己之私
自為而忘天下之治忽欲退享此得乎唐之末路是矣

跋薛唐卿秦璽文

周行己

李斯篆世傳為第一學者莫不愛之吾每見其書幾不疾唾而却走者何哉謂夫人善成其君之過也夫秦之君其資亦未若桀紂之惡之甚也而二三臣讓其君於不善則又有甚焉者嗚呼斯乎是嘗去詩書以愚百姓者乎是嘗聽趙高以立胡亥者乎是嘗殺公子扶蘇與蒙恬者乎是嘗教其君嚴督責而安恣睢者乎使其璽不得傳者斯人也而其刻畫吾忍觀之哉顧唐卿猶區區珍藏之者豈不欲傳百世以為監歟吁是以監也

欽定四庫全書

宋文鑑

主

欽定四庫全書

宋文鑑

主

書與賈明叔書後呈崔德符

田 畫

此書成與諸弟讀之相對悲不自勝嗟乎身長七尺氣塞天地不能飽一母富家僮僕耽飫梁肉吾道非耶奚為而至此然折節售文章真鄙夫事此書遲遲未投尚惜此也其勢正如提孤軍薄堅敵矢窮力盡餉道不繼伏兵又從而乘之當是時不折北者鮮矣公其籌之

書張主客遺事

名咸寧字子安華州人

晁詠之

祖宗以武定天下至章聖時益厭兵澶淵之役契丹之


衆可覆而取也縱其去不忍殺自是不復言兵封泰山祀汾陰天神降格休祥並至以文太平縉紳之士以此相繼受爵秩于朝將相大臣往往列於三公侍從多至丞郎以上其以武受賞者殆無其人此主客公之功所以不錄然公之名繇此以顯出入中外為時名臣蓋當時廷臣奉使于外者舉天下三四十人耳邦之大計總於三司而諸道各有轉運使一人其財賦調度凡利害之入悉歸之其權比今為甚重每改使一道輒推恩官其子若孫一人其它禮遇稱此蓋其部吏尊其使者亦以此進是時大臣多白首耆艾加公十年之壽以馴致公卿必矣然則朝廷未嘗薄公之功也論者見公一旦斷河橋捕未能滅其凶燄而賞不加不知朝廷所以待士大夫者固自有在或比公仲連辭封不願其言美矣然仲連縱橫辯士眩奇於衰世非公之所願學嘗觀景德祥符以來風俗淳厚士大夫人人自重有長者之風公之不自言其所以自處蓋甚厚非有激而為者方其

少時以經明動場屋其為吏呂治劇名一時大臣多薦公者寇萊公知公尤深然則公之所養可知蓋自公繼其父光祿公起家至公百有餘年傳六世世有人其澤未艾彼以尺寸之勢自鬻於一時過取爵位者曾不旋踵輒致隕敗顧何以傳來世然則天之所以報公亦甚厚詠之官長安公之曾孫介夫為鄆令間以事抵府數相過愛其溫厚儒雅意其先世必有盛德之士果得公遺事為攷其世而論之

欽定四庫全書

宋文鑑
卷一百三十一

主



總校官庶吉士臣張能照
校對官中書臣范鑒

謄錄監生臣戴朝琛

欽定四庫全書會要

集部 宋文鑑卷一百三十二

欽定四庫全書會要卷二萬五十五

集部

宋文鑑卷一百三十二 宋呂祖謙編

樂語

陳三教坊致語

宋祁

聞璿杓東指披寶典以開年玉節南馳重歡隣而講好國美春臺之享朝惟宴俎之慈用洽樂康式昭熙盛恭惟尊號皇帝陛下紹承丕烈奄宅中邦坐黃屋以訓

恭擁綠圖而進道五辰順理九扈告豐圓璧方琮並薦

欽定四庫全書

卷一百三十二

一

精純之祀巽風解雨交流曠蕩之恩五刑則解網盡冠一尉則垂橐卧鼓鴻休紹至協氣翔臻屬歲朔之申儀加使華之修聘爰開廣殿胥慶佳辰王人捧日以揚輝

方丈移山而獻壽珍羣肅穆眸表顥昂瑞藻躍魚嘉鎬

京之飲酒翠梧傾鳳應韶舞之縱金式均湛露之仁普

詠叢雲之旦臣濫巾法部旅進神庭切抃亨期敢進口

號千官星拱侍凝旒紫殿餘寒已暗收日湛露華浮宴

席天回春色徧皇州雲韶三闋翔朱鷺錦幕千層舞翠

詳校官候選知縣臣吳旬華

虹拭玉隣邦通使節萬齡耳會慶洪猷

勾合曲 宋祁

玉色凝溫盛慶儀於端日葵心委照同華宴於需雲矧韶律以方融顧羣萌之將達宜陳備奏用洽太和徐韻

宮商教坊合曲

勾小兒隊 宋祁

綵袖峩堯爛仙葩於曉日霞裾轉炫疊華鼓於春雷鳥

漏未移鸞觴在御宜進游童之列俾陳逸綴之妍上奉

欽定四庫全書

卷一百三十二

二

宸歡教坊小兒入隊

宋祁

紫殿開慈宴 青衿綴舞行

問小兒

宋祁

便娟躡履皆竹馬之髫齡蹀躞交竿盡蘭觴之雅飾既樂陶姚之化盍陳象勺之因進叩天階雍容敷奏

小兒致語

宋祁

臣聞慶朔履端儼鷺雍而四會寶隣馳騁拭虹玉以申

歡嘉乃禮成眷茲作首爰詔夏渠之嚮允昭交泰之期恭惟尊號皇帝陛下德總右文功宣下武順四時之和

燭濟萬世於由庚海不揚波地無愛寶屬以階貢肇歷律鳳回春順邦令以布和修國儀而行慶承雲調露方諧廣樂之音醻飲陪殫普適中衢之賜洽歡心於革鹿暢羣抃於冠鼈臣等雖愧妙年同欣盛際既造規蒲之地願陳秉翟之容未敢自專伏候進旨

勾雜劇

宋祁

欽定四庫全書

卷一百三十二

三

回鸞逗節已徧於餘妍舒鴈分行聊亭於合奏天顏益粹日舍方徐宜參優孟之滑稽式助都場之曼衍童裳却立雜劇來歟

教隊

宋祁

金徒漏改玉斝巡周既殫雅舞之容復鑿歡謠之樂宜遵矩步歸詠雩風再拜天階相將好去

教坊致語

王珪

臣聞高廩登秋美粢盛之已報需雲命燕嘉飲食之維

時況寶歷之逢熙復皇居之乘豫樂與羣臣之飲翕同萬物之和恭惟尊號皇帝陛下德邁前王仁敷中寓虎旗犀甲韜兵武庫之中桂海冰天獻畫形墀之下邦有休符之應民躋壽域之康候爽氣於重霄置清觴於別殿下珍羣之鶴鷺發和奏之笙鏞於時日上扶桑風生闔闔度芝蓋於丹城降金輿於紫闈百獸感和來舞帝虞之樂羣生遂性如登老氏之臺固已追平樂之勝遊掩栢梁之高會臣繆參法部獲聖清光靡揆才無敢進

欽定四庫全書

宋文鑑 卷一百三十二

四

口號翠葦鳴梢下未央千官齊聖赭袍光霜清玉佩中天響風轉金爐合殿香仙路忽驚蓬島近晝陰偏度漢宮長年年萬寶登秋後常與君王獻壽香

勾合曲

王珪

露泛帝觴凝九秋之顥氣星聯朝弁燭初日之長暉方魚藻以均歡宜簫韶之合奏宸遊正洽樂節徐行上悅天顏教坊合曲

勾小兒隊

王珪

燕觴飛羽方歌湛露之詩廣樂縱金已極釣天之奏宜命遊童之縕來陳舞佾之容上奉皇慈教坊小兒入隊

隊名

王珪

紅茵鋪禁祀 絳節引儂童

問小兒隊

王珪

宸庭廣御仰侔太紫之踵釣樂更和曲盡咸英之奏何處采髦之侶輒趨文陛之前必有所陳雍容敷奏

小兒致語

王珪

欽定四庫全書

宋文鑑 卷一百三十二

五

臣聞舜帝深仁衆極慕彞之樂周家盛德時歌在藻之娛矧逢下武之期屢洽登年之瑞張君臣之廣燕煥今古之多儀恭惟尊號皇帝陛下躬神睿之姿撫休明之運禮樂兼于三代文章邁於兩京矧乃武庫韜戈戌亭敝候百蠻奔走南踰銅峽之鄉萬里謳謡西出玉闕之路今則清商應律滯穗盈疇奏肆夏之音事軼元侯之饗詠嘉魚之什禮交君子之歡足以崇勝會於難追騰頌聲於無既臣等生陶醜化謬齒伶坊雖在童髦嘗習

舞干之妙趣趨君陛願隨樂節之行未敢自專伏候進

止

勾雜劇

王珪

華旌炫影觀童舞之成文盡散收聲識鈞音之終曲助以優人之伎卜為清晝之歡上憚宸顏雜劇來歟

放小兒隊

王珪

銅壺遞箭屢移宮樹之陰鶯羽克庭久曳童髦之綵既關韶音之奏難停舞綴之容再拜天階相將好去

欽定四庫全書

卷一百三十二

六

勾女弟子隊

王珪

華簪照席再嚴百辟之趨寶幄更衣復覩中天之坐宜度仙磬之曲更呈舞袖之妍上奉皇慈兩軍女弟子入

隊

隊名

王珪

宮錦祥鸞下仙磬采鳳來

問女弟子隊

王珪

金徒緩刻延麗日於壺中翠羽飛觴醉流霞於天上何

仙姿之綽約叩丹陛以踟躕須有剖陳近前敷奏

女弟子致語

王珪

妾聞候凝霜降屬百工之告休歌起鹿鳴見羣臣之合好矧萬機之多豫復千載之盛期啟燕良辰騰歡綿窯恭惟尊號皇帝嚮明紫極儲思岩廊邁三皇五帝之風紹一祖二宗之烈候亭相屬不齋萬里之糧年廩屢登

又美曾孫之稼時及授衣之候民多擊壤之嬉廣慈惠於前儀慶升平於茲日玉觴盈醴均流湛露之恩翠虞

欽定四庫全書

卷一百三十二

七

擬金合奏洞庭之曲感福休於靡極召和樂於無窮妾

等幸遇昌時預陳法部舉聽鏗純之節來參蹈厲之容未敢自專伏候進止

勾雜劇

王珪

鸞拂宮茵極七盤之妙態鳳儀儻曲終九奏之和聲方鎬飲之窮歡宜奏優之進技宸顏是奉雜劇來歟

放女弟子隊

王珪

宮花剪彩恍疑天上之春海日御規忽覺人間之暮宜

整羽衣之綴却回雲島之遊再拜彤庭相將好去

集英殿秋宴教坊致語 元絳

臣聞灝氣澄爽當金飴沆砀之時岩廊穆清乃黃屋燕閒之日肆陳廣會申惠庶工慶盛世之熙隆浹輿情而鼓舞恭惟皇帝陛下九乾毓粹三象儲精丕承累洽之基茂建大中之治縱橫文武聲教塞于天淵出入聖神威靈震於戎狄方且輯瑞而朝羣后垂筭而揖三皇光圖麗史之祥紛綸而淳至軼漠踰沙之貢竭慶以相趨

欽定四庫全書

宋文鑑 卷一百三十二

八

運獨化於陶鈞冥懷生於仁壽屬商煥之道暮方歲物之順成特御大庭爰開高宴動詔蹕於丹禁集朝簪於赤墀美樂在陳下九苞之鳳舞嘉觴來上騰萬歲之山

聲續卿雲復旦之歌合湛露晞陽之雅臣等叨參法部幸對威顏上瀆聖聰敢進口號 秋風闔閨九門開天上鳴鞘步輦來萬樂筦弦流紫府千官簪佩集鈞臺華胥雲霧凝仙仗南極星辰入壽杯既醉太平均五福明良賡載詠康哉

勾合曲

元絳

金飴日爽慶嘉生登稔之祥玉座天臨宣惠宴均懽之澤宜按鳳韶之奏載賡魚藻之歌上奉宸嚴教坊合曲

勾小兒隊 元絳

簫韶迭奏通天地以均和簪組相趨協君臣之同樂宜命垂髫之侶來陳舞象之容徐韻宮商教坊小兒入隊

隊名

元絳

舞羽虞庭樂 歌雲沛水童

欽定四庫全書

宋文鑑 卷一百三十二

九

問小兒隊

元絳

廣樂張庭華茵匝地何爾童觴之侶來瞻宸扆之嚴必有叙陳分明敷奏

小兒致語

元絳

臣聞霜氣始肅登萬寶以順成金行當期奄四夷而率服乘蕭辰之爽澈開廣宴之光華親御九宸均懽百辟恭惟皇帝陛下至仁溥博盛德昭清獨觀萬化之原遐踵三皇之武振張禮樂垂玉度於區中總攬英雄憺寧

| | | |
|-----------------------|--------|----|
| 威於徼外神功廣運聖業永昌方黃屋之清居乘素商 | 問女弟子 | 元絳 |
| 之令序肆瑶席於黼帳下玳輿於紫闈壽斝九行惟聲 | 女弟子致語 | 元絳 |
| 動而六鼈抃釣簫八闋和氣浹而丹鳳翔仰屬重熙誕 | 女弟子致語 | 元絳 |
| 膺多福臣等甫當髫簪幸閱聲明習戲康衢嘗為於蹈 | 女弟子致語 | 元絳 |
| 舞進趨文陛願效於伎能未敢自專伏候進止 | 女弟子致語 | 元絳 |
| 勾雜劇 | 女弟子致語 | 元絳 |
| 疊鼓凝簫未已九成之奏垂髫佩韁暫分八佾之行宜 | 女弟子致語 | 元絳 |
| 陳優戲之容上奉威顏之樂再更妙引雜劇來歟 | 女弟子致語 | 元絳 |
| 欽定四庫全書 | 卷一百三十二 | 十一 |
| 放小兒隊 | 放小兒隊 | 元絳 |
| 金胥漏緩玉案香濃天酒千鍾眷簪紳之具醉童衣五 | 放小兒隊 | 元絳 |
| 綵促步武以將歸再拜天階相將好去 | 放小兒隊 | 元絳 |
| 勾女弟子隊 | 勾女弟子隊 | 元絳 |
| 日轉彤墀香飄黼座宜旅陳於舞綴以仰奉於宸懽上 | 勾女弟子隊 | 元絳 |
| 悅天顏兩軍女弟子入隊 | 勾女弟子隊 | 元絳 |
| 隊名 | 隊名 | 元絳 |
| 承雲鈞籟合回雪舞桂輕 | 隊名 | 元絳 |

| | | |
|-----------------------|-----------------------|----|
| 翠華日麗玉殿風清飄然妙舞之容來此丹塗之地帝 | 問女弟子 | 元絳 |
| 暉在聖晝漏已移必有叙陳分明敷奏 | 女弟子致語 | 元絳 |
| 儀之序方戒肅霜之候特推湛露之恩百辟相趨三靈 | 女弟子致語 | 元絳 |
| 共悅恭惟皇帝陛下握樞臨極秉錄御乾道昭五聖之 | 女弟子致語 | 元絳 |
| 光孝奉兩宮之養聰文若古動雲漢之明回智武如神 | 女弟子致語 | 元絳 |
| 欽定四庫全書 | 卷一百三十二 | 十一 |
| 馳雷霆之震赫差戎率服稼穡阜成當秋籥之澄凝方 | 馳雷霆之震赫差戎率服稼穡阜成當秋籥之澄凝方 | 元絳 |
| 政機之暇豫轉清蹕於黃道集華簪於赤墀汎齊千鍾 | 馳雷霆之震赫差戎率服稼穡阜成當秋籥之澄凝方 | 元絳 |
| 共享衢樽之美咸池九奏具聞天籟之和維茲燕愴之 | 馳雷霆之震赫差戎率服稼穡阜成當秋籥之澄凝方 | 元絳 |
| 娛屬是休嘉之會妾等叨陪樂府得踐宮塗咫尺之 | 馳雷霆之震赫差戎率服稼穡阜成當秋籥之澄凝方 | 元絳 |
| 威實欣於天幸效蹁躚之舞願奉於宸懽未敢自專伏 | 馳雷霆之震赫差戎率服稼穡阜成當秋籥之澄凝方 | 元絳 |
| 候進止 | 馳雷霆之震赫差戎率服稼穡阜成當秋籥之澄凝方 | 元絳 |
| 勾雜劇 | 馳雷霆之震赫差戎率服稼穡阜成當秋籥之澄凝方 | 元絳 |
| 舞佾徊翔已奉建章之會倡俳調笑宜來平樂之場上 | 馳雷霆之震赫差戎率服稼穡阜成當秋籥之澄凝方 | 元絳 |

悅天顏雜劇來歟

放女弟子隊

元絳

香凝黼幄聽玉漏之頻移日轉文茵顧寢裳之久駐已

盡七盤之妙宜還三洞之遊再拜天階相將好去

集英殿秋宴教坊致語

蘇軾

臣聞天無言而四時成聖有作而萬物覩清淨自化雖仰則於帝心愷悌不回亦俛同於衆樂屬此九秋之候

粲然萬寶之成吾王不遊何以勞農而休老君子如喜

欽定四庫全書

宋文鑑

十三

則必大亨以養賢恭惟皇帝陛下孝通神明仁及草木

行堯禹之大道守成康之小心華夷來同天地並應以

謂福莫大於無事瑞曷加於有年南極呈祥候秋分而

老人見西夷慕義涉流沙而天馬來嘉與臣工肅陳燕

俎禮元侯於三夏諧庶尹於九成宣示御觴聳近臣之

榮觀臚傳天語溢兩廡之歡聲臣等幸覲昌辰叨塵法

部採謠言於擊壤助矇瞍之陳詩仰奉威顏敢進口號

霜霏碧瓦尚生煙日泛彤庭已集仙鵠鵠四門多吉

士熙熙萬國屢豐年高秋爽氣明宮殿元祐和聲入管絃菊有芳兮蘭有秀從臣誰和白雲篇

勾合曲

蘇軾

西風入律聞歌秋報之詩南籥在庭備舉德音之器絃匏一倡鐘鼓畢陳上奉宸嚴教坊合曲

勾小兒隊

蘇軾

皇慈下逮蟄百執以均歡衆技畢陳示四方之同樂宜進垂髫之侶來修秉翟之儀上奉威顏教坊小兒入隊

欽定四庫全書

宋文鑑

十三

隊名

蘇軾

登歌依頌磬下管舞成童

問小兒隊

蘇軾

大君有命肆陳管磬之音童子何知入造工師之末欲

詳來意宜悉奏陳

小兒致語

蘇軾

臣聞天行有信正得秋而萬寶成君德無私日將旦而

羣陰伏清風應律廣樂在庭占歲事於金穰望天顏之

| | |
|---|--------|
| 王粹沐浴膏澤詠歌升平恭惟皇帝陛下天縱聰明日躋聖知無一物之失所得萬國之驩心雖擊壤之民固 | |
| 何知於帝力而後天之祝亦各抒於下情臣等幸以齠齒之年得居仁壽之域詠舞雩於沂水久樂聖時唱銅鞮於漢濱空慙俚曲願陳舞綴少奉宸驩未敢自專伏 | 候進止 |
| 勾雜劇 | 蘇 輓 |
| 朱絃玉琯屢進清音華翟文竿少停逸綴宜進詠諧之 | 蘇 輥 |
| 欽定四庫全書 | 卷一百三十二 |
| 枝少資色笑之歡上悅天顏雜劇來歟 | 蘇 輥 |
| 放小兒隊 | 蘇 輥 |
| 回翔丹陛已陳就日之誠合散廣延曲盡流風之妙歌 | 蘇 輥 |
| 鐘告闋羽籥言旋再拜天階相將好去 | 蘇 輥 |
| 勾女童隊 | 蘇 輥 |
| 錦薦雲舒來九成之丹鳳霞衣鱗集隱三疊之靈臺上 | 蘇 輥 |
| 奉宸嚴教坊女童入隊 | 蘇 輥 |
| 隊名 | 蘇 輥 |

| | | |
|---|------|-----|
| 香澑浮繡展 花浪舞彤庭 | 問女童隊 | 蘇 輥 |
| 清禁深嚴方縉紳之雲集仙音彈緩忽簪珥之星陳徐步香茵悉陳來意 | 女童致語 | 蘇 輥 |
| 妾聞鈞天廣樂空傳帝所之游間闔清風理絕庶人之共夫何僂聖靡隔塵凡仰瞻八采之威自慶千齡之遇 | 女童致語 | 蘇 輥 |
| 恭惟皇帝陛下乾健而粹離明而文規摹六聖之心人 | 女童致語 | 蘇 輥 |
| 將自化儀刑文母之德天且不違樂茲大有之年申以示慈之會虞韶既畢夏籥將興妾等分綴以須審音而作願俟上歌之闋少同率舞之歡未敢自專伏取進止 | 女童致語 | 蘇 輥 |
| 絃匏迭奏千羽畢陳洽聞舜樂之和稍進齊諧之技金絲徐韻雜劇來歟 | 女童致語 | 蘇 輥 |
| 羽觴湛湛方陳既醉之詩鼉鼓淵淵復奏言歸之曲娥 | 女童致語 | 蘇 輥 |

鬟佇立歛袂却行再拜天階相將好去

歐陽修
會老堂致語

某聞安車以適四方禮典雖存於往制命駕而之千里交情罕見於今人伏惟致政少師一德元臣三朝宿望挺立始終之節從容進退之宜謂青衫早並於俊遊白首各諧於歸老已釋軒裳之累却尋雞黍之期遠無憚於川塗信不渝於風雨幸會北堂之學士方為東道之主人遂令頽水之濱復見德星之聚里間拭目覺陋巷以生光風義聳聞為一時之盛事敢陳口號上贊清歡欲知盛集繼荀陳請看當筵主與賓金馬玉堂三學士清風明月兩閒人紅芳已盡鶯猶轉青杏初嘗酒正醇美景難并良會少乘歡舉白莫辭頻哀辭

哭尹舍人詞并序
富弼

亡友河南尹洙字師魯嘗為起居舍人直龍圖閣知渭州乙酉歲謫官漢東未幾稍遷于均疾且革訪醫南陽

識文之詣今則亡矣使斯文不能救其源而極其致吾是以哭之始君為學遭世乖離掠取章句屬為文詞經有仁義曾非所治史有褒貶亦弗以思君顧而歎嫉時之為鈎狹六籍潛心以稽上下百世指掌而窺功不苟進習無匪彝今則亡矣使所學不能信于人而用于時吾是以哭之惟文與學二事既隆克用而衷豐于時窮純深蘊積資而為德行乎已而已必裕形乎家而家必克今則亡矣使賢者之行不能移人心而化大國吾是以託范公醫不效遂沒焉時予官汝上又東徙平盧距其沒所遠甚歎師魯之不得見復不得撫其櫬一祭其神因追思其平生所可列恨未有以卒其志為辭而哭之曰嗚呼人皆貴君實悴焉人皆富君實寢焉人皆老君實夭焉吾知君為深是三者舉非君之志不吾焉哭哭必義始君作文世重淫麗諸家舛殊大道破碎漫漶費詞不立根柢號類嘯朋爭相教惎上翔公卿下典書制君子厥時了不為意獨倡古道以救其敝時俊化之

以哭之積德既成道隨而生謀罔不究動必有經列于庭則以謇諤見黜于邊則以威懷取寧才望既出讒嫉以興酷罰嗣降慍色不形今則亡矣使君子之道不能被天下而致太平吾是以哭之嗚呼師魯君生于時實惟恢奇鍾此具羨謂必有光大以奮康濟是期胡既厚其稟而反速其萎凡粵中蘊百亡一施豈茫茫下土天亦有所不知耶將冥冥上穹人固非其所司耶何惡不必釁而善不必禔忠良而天險狠而者汨清參錯顛倒

乖睽天其或者世不欲常泰人不欲常熙吾疑夫激者之論差不得而信之第於師魯哭無已而一哭而慟再哭而咽三哭而魂離四哭而腸絕蘇而復哭哭又不足聊以寫吾之哭聲而寓于辭庶不泯沒於陵谷

哀穆先生文

并序

蘇舜欽

嗚呼穆伯長以明道元年夏客死於淮西道中友人蘇叔才子美作詩悼之遣人馳弔之痛夫道不光予又次其一二行以鑑于世為文哀之先生字伯長名修幼嗜

書不事章句必求道之本原皆記士徒無意處熟習評論之性剛介喜於背俗不肯下與庸人小合願交者多固拒之議事堅明上下合古皆可錄然好詆卿弼斥言時病謹細後生畏聞之又獨為古文其語深峭宏大羞為禮部格詩賦咸平中舉進士得出身調泰州司法參軍牧守稱其才貳郡者惡之又嘗以言忤貳郡者守病告貳者私點吏使誣告先生賂具獄聚左證後召先生使衆參考之由是貶池州中道竄詣闕下叩登聞鼓稱冤會貳郡者死復受譴於朝後累恩得為蔡州參軍先生自廢來讀書益勤為文章益根柢於道然恥以文干有位以故困甚張文節守毫毫之土豪者作佛廟文節使以騎召先生作記記成竟不竄士名士以白金五斤遺之曰枉先生之文願以此為壽又使周旋者曰亡所以遺者乞載名于石圖不朽耳既而亟召士讓之授金庭下遂敝裝去郡士謝之終不受嘗語之曰寧區區糊口為旅人不為匪人辱吾文也天聖末丞相有欲置為

學官者恥詣謁之竟不得嘗客京師南河邸中往往醉

暮歸過地如不省持者夜半邸人猶聞其吟誦喟嘆聲

因隙窺之則張燈危坐苦曠執卷亦至曙用是貸其資

母喪徒跣自負櫬成塋日誦孝經喪記未嘗觀佛書飯

浮屠氏也識者哀憐之或厚遺則必為盜取去不然且

病或妻子卒後得柳子厚文刻貨之售者甚少踰年積

得百緝一子輒死將還淮西遇病氣結塞胸中不下遂

卒噫吁天之厭文久矣先生意以黜廢窮苦終其身顧

欽定四庫全書

宋文選
卷一百三十二

三

其道宜不容于今世然由賦數竒隻常羅兵賊惡少輩
所辱困其節行至死不變有孤懦且幼遺文散墜不收
伯長之道竟已矣乎初先生死梁堅自解以書走上黨
遺予欲訪其文俾予集序之去年赴舉京師歷問人終
不復得一篇惟有任中正尚書家廟碑靜勝亭記徐生
墓志蔡州塔記皆平昔所為又不足成卷今舅氏守蔡
近以書使存其家且求所著文字未至問作文哀之道
不勝於命命不會於時吁嘆先生竟胡為

弔岳二先生文

并序

劉敞

今年有詔州郡皆立學乃命處士有不受學者勿舉之
其受學者吏為設員程日夜不休有疾病慶弔輒書其
日為後按時當償之滿日如律令乃可與岳有兩生自
下邑辭其親而來為博士弟子既久告歸當渡洞庭時
方大風不可渡兩生畏失期而吏默之遂渡溺死予悲
其意而弔之其文曰蓋君子道而不徑舟而不游所
以為孝也彼洞庭之天險兮夫何二子之乘舟路幽昧
欽定四庫全書

宋文選
卷一百三十二

三

以不顧兮委死生其若浮自古皆有死兮子獨失身乎
江流意有所恨兮而曾不得其由魂放蕩而無歸兮骨
沉潛而不收父母悲於堂上兮妻子號乎中洲諒行險
之來患兮信徼幸之為尤且使子而無學兮又安得此
之憂是以君子溺名小人死利夸者沒權貪夫蹠勢豈
獨二子兮吾又以悲於今之世競進之為悅兮靜退之
為愚干祿之為敏兮守節之為迂一世之皆然兮固若
人以喪軀昔重華之事叟兮躬秉耒乎歷山之下受帝

禪之不喜兮夫孰欣於進取乘沅湘以南征兮吾知重華
之絕汝生汎汎而無名兮死惄惄而終古故君子審乎
自得安乎幽貞道德為爵仁義為榮不以貴故學問不
以賤故自輕悠悠兮江波奈何乎二生

蘇明允哀詞

并序

曾鞏

欽定四庫全書

宋文鑑

卷一百三十二

物託喻侈能盡之約遠能見之近大能使之微小能使
之著煩能不亂肆能不流其雄壯俊偉若決江河而下
也其輝光明白若引星辰而上也其略如是以余之所
言於余之所不言可推而知也明允每於其窮達得喪
憂歎哀樂念有所屬必發之於此於古今治亂興壞是
非可否之際意有所擇亦必發之於此於應接酬酢萬
事之變者雖錯出於外而用心於內者未嘗不在此也
嘉祐初始與其二子軾轍復去蜀遊京師歐陽公修得

明允姓蘇氏諱洵眉山人也始舉進士又舉茂才異等
皆不中歸焚其所為文閉戶讀書居五六年所有既富
矣乃始復為文益少或百字多或千言其指事析理引
為秘書省校書郎頃之以為霸州文安縣主簿編纂太
常禮書而軾轍又以賢良方正策入等於是三人者表
見於時而其名益重於天下治平三年春明允上其禮
書未報四月戊申以疾卒享年五十有八自天子輔臣

欽定四庫全書

宋文鑑

卷一百三十二

至問巷之士皆聞而哀之明允所為文有集二十卷行
於世所集太常因革禮一百卷更定謚法二卷藏於有
司又為易傳未成讀其書者則其人之所存可知也明
允為人聰明辯智過人氣和而色溫而好為策謀務一
出已見不肖躡故迹頗喜言兵慨然有志於功名也二
子軾為殿中丞直史館轍為大名府推官其年以明允
之喪歸葬於蜀也既請歐陽公為其銘又請余為辭以
哀之曰銘將納之於壙中而辭將刻之冢上也余辭不

得乃為其文曰嗟明允兮邦之良氣甚夷兮志則彊闊
今古兮辨興亡驚一世兮擅文章御六馬兮馳無疆決

大河兮嚙扶桑粲星斗兮射精光衆伏玩兮彫肺腸自

京師兮洎幽荒矧二子兮與翶翔唱律呂兮和宮商羽

峩峩兮勢方颶孰云命兮變不常奄忽逝兮汴之陽維

自著兮暭煌煌在後人兮慶彌長嗟明允兮庸何傷

錢君倚哀詞

蘇軾

大江之南兮震澤之北吾行四方而無歸兮逝將此焉

欽定四庫全書

宋文選

卷一百三十二

欽定四庫全書

宋文選

五

止息豈其土之不足食兮將其人之難偶非有食無人
之為病兮吾何不可居此獨裴回而不去兮眷此邦之多君子有美一人兮睠然而瘦亮直多聞兮古之益友帶規
矩而蹈繩墨兮佩芝蘭而服明月載而咨世之人兮世
捍堅而不答世不答其何喪兮超方洋而自得吾將觀子之進
退以自卜兮相行止以效清濁子奄忽而不返兮世混
混吾焉則升空堂而挹遺象兮弔凝塵於几席苟律我
者之信亡兮吾居此其何益行彷徨而無徒兮悼捨此

而奚嚮豈存者之舉無其人兮遼遼如晨星之相望吾
比年而三哭兮堂堂皆國之英苟處世之恃友兮幾如
是而吾不亡臨大江而長歎兮吾不濟其有命

鍾子翼哀詞

并序

蘇軾

某年始十二先君官師歸自江南曰吾南游至虔有隱
君子鍾君與其弟槩從吾游同登馬祖巖入天竺寺觀
樂天墨迹先君不飲酒君常置醴焉方是時先君未為時

所知旅游萬里舍者常爭席而君獨知敬異之其後五

欽定四庫全書

宋文選

五

十有五年某自海南還過贛上訪先君遺迹故老皆無
在者君之沒蓋三十有一年矣見其子志仁志行志遠
相持而泣念無以致其哀者乃追作此詞君諱棐字子
翼博學篤行為江南之秀歐陽永叔尹師魯余安道曾
子固皆知之然卒不遇以沒儂智高叛嶺南聲搖江西
虔守曹觀欲籍民財為戰守備謀之於君君曰智高必
不能過嶺無事而籍民民懼且走觀曰如緩急何曰同
舟遇風胡越可使為左右手況吾民乎不幸而至於急

則官與民為一家夫孰非吾財者何以籍為觀悟而止
虔人以安其詞曰崆峒摩天章貢激石致兩確高深相
臨悍堅相排凶巖巖是故其民勇而尚氣巧磐斲而其
君子抗志厲節敏於學矯矯鍾君泳于德淵自澡濯貧
不怨天困不求人老愈慤嘉言一發排難解紛已殘剝
吾先君子南游萬里道阻邈如金未鎔木未繩墨玉未
琢君於衆中一見定交陳禮樂曰子不飲我醪甚耳醜
此濁覽觀江山扣歷泉石步筭確先君北歸君老于虔

望南朔我來易世池臺既平墓木握手三子有立移書問
道過我數我亦白首感傷薰心隕涕渥是身空虛俯仰
變滅過電電何以寓哀追頌德人詔後覺

哭李仲蒙辭

文同

憐憘栗兮臨清秋懷空憤兮紛予憂拂其弭兮久復留
念將焉適兮升高丘問胡然兮予之思絇予心兮不解
以繆謂遐闊兮願如其宮悵西南兮川塗緬修已忽寤
往兮嘗此以計蓋子之生于世兮期為已休萬感芸然

兮盡予之中魄幹漂潰兮索其若抽念子一去兮不可
以復見顧子之於道兮尚胡為而此謀欲子似兮取友
但寥寥兮安求孰識子兮子深當何人兮與侔彼徒以
文行兮為子之高其不為賤正體而貴餘肱如刻畫兮
妄以累子額神珠兮釁天球如子之末兮尚可以表世
其不能究者兮彼又何尤已矣乎子之存兮在予憶子
之疚兮將何時而可瘳歟予恨兮暮來歸煙雲飄蕭兮
奉子以愁

毗陵張先生哀辭

并序代呂侍講作

汪革

毗陵有隱君子曰張先生孝悌修于家忠信行於友而
聲名聞於人達於遠近當世之鉅公偉人莫不聞之有
過毗陵而不造先生之門者人以為恥平居蕭然自得
凡世人之所趨而向者先生不一經意至接世俗而與
之酬酢則無一毫不中節度人委之以事未嘗以難易
為解有造之者為設尊酒一笑相樂亦未嘗不欣然也
有勸之仕者推挽雖甚力終不應固非若前世隱遁之

士事詭激其槁薄體於山砠水厓窮居獨游使影響
昧昧不聞於人然後為高也而未嘗崇飾小節要鄉黨
宗族之譽自少力學於古書無所不窺而時發於為詩
語皆清新出人意表其善於筆札天性也當世士大夫
欲銘述其先人功德圖不朽於後世者得先生書以為
榮既壯長益放棄世事遂以終其身是可謂君子也已
先生諱舉字子厚用叔祖天章公溫之奏補郊社齋郎
治平四年甲科調睦州青溪主簿先生初無意於仕又
欽定四庫全書
宋文鑑
卷一百三十二
天

無兄弟之助獨養其親故力取科第以慰親志既得又
不忍舍朝夕之養而從祿於他郡朝奉君亦安於小官
不及汲於先生遂不赴青溪終其身人不能相吏後用
近臣薦起為潁州學官復不就其後孫莘老胡完夫范
淳夫及外臺交薦其能蘇子瞻亦數言於朝於是勃郡
縣以禮遣益將用之也先生終不屈嗚呼今死矣予以
天章公婿自先生幼時已異其為人而親厚之先生亦
喜從吾兄弟遊及長且老凡四五十年間其相與之意

益以篤有自東南來者先生未嘗不導之以見予予與
之書雖寸紙皆藏之故其死也予哭之尤哀曾祖秘給
事中祖益之尚書郎父次道朝奉郎其先江南人給事
為李氏不能用故亡隨李氏入朝以直道受知于祖宗
朝奉君仁孝慈祥兄死其孤猶已子不欲遠去屢以筦
庫請于朝終不大用於時先生之節益朝奉君成就之
為多詞曰維古制行必中庸兮出處用舍道之從兮
降及末世戾不通兮首陽柱下更拙工兮山棲木茹初
欽定四庫全書
宋文鑑
卷一百三十二
王

無庸兮鳥獸之羣烏可同兮偉哉先生蹈厥中兮達不
苟進退不窮兮以仁為爵峻且崇兮祿雖不富義則豐
兮忠信孝友施家邦兮載膽眉宇心則降兮激貪敦薄
助教風兮固非亂倫而潔躬兮惠泉遼遠山複重兮窅
然其深如有容兮桂枝相繚蒨青葱兮先生之廬今一
空兮目極東南涕沾胸兮伸之以詞寫予衷兮
王升之誄并序
劉跋

維政和二年五月壬戌鉅野王君升之卒于京師七月

丙辰返柩於鄆鄉人所厚善皆會哭其孤兒孟博出臨終書二紙遺余言嶌不幸病且死妻弱子幼恐此骨流落不得下從先人伏惟哀憐與諸賢經紀之書凡百餘字語無錯繆問其家言病甚棺斂皆自營將絕付囑後事情不悲哽既授書其子教以面達余狀遂奄忽不能言余屬皆哭盡哀因相與定計告其家以八月乙酉葬先墓之丙穴囊橐中空無有賣屋未即售合凡購贈得錢九萬五千乃使斲石治穿買椽席灰葦諸下里物事

欽定四庫全書

宋文鑑
卷一百三十二

三

皆前為之期如期而寃君黃州翰林公之元孫寶文公之子少不羈既長學問尤邃漢書效李長吉為詩有致思葬其親至破產雅不喜穀嗇又體羸多疾日事藥餌因積貧窶得官未及赴疾亟壽財四十有一惟前人悲哀稱述必借文字乃作誄以見意其詞曰大鈞無垠一播萬殊靡生不遂條達紛敷孰戢爾根隆夏隕枯哀衆若人亦孔之辜偉君高門一世楷撫遺烈言休聲吳吳爰及穆考養德豐腴維君妙齡孔鸞將雛踵武前

修建旆禮輿逢辰清明駕言馳驅壽或徂旃罔所適祖機心日灰驕色自勑名到仕版自佚里間優游卒歲文史為娛毓草執木畦苑躋躇良朋萃止有設醴斟退察其私益不宿儲寧獨貧攻亦復病拘蕭然壁立副是形癯休文革帶許月有餘幼安絮帽當暑不除乳石斷下糜粥克虛長為散人庶以全軀云胡遠行旅舍傍拘沈疴頓劇顛倒醫巫東野後事孝權遺書豈無他人顧以屬余嗚呼哀哉壯心兮摧頽白日兮須臾永違兮昭代

欽定四庫全書

宋文鑑
卷一百三十二

主

不淪兮幽墟大暮兮何晨冥行兮空居嫠婦兮嗷嗷幼子兮呱呱誰與兮晤歌猶狂兮夢魘謂君兮非存君墨兮猶濡謂君兮非亡君屋兮誰廬折芳馨兮素華湛玉瀝兮清酤況思君兮不見攬涕淚兮欷歔嗚呼哀哉褰物化之徂遷慨有生之迷途何神爽之泰定臨驚懼而弗渝溥寧宅於先丘寫幽憤於素旗庶無愆於遺託君亦不昧夫所如

宋文鑑卷一百三十二

欽定四庫全書叢要卷二萬五十六

集部

宋文鑑卷一百三十三

宋呂祖謙編

祭文

祭薛尚書文

歐陽修

景祐之元公初解政雖告于家而疾未病若修之鄙敢辱公知公于此時欲以女歸公德方隆謂當再起齊大之婚敢辭以禮天不憖遺公薨忽然其後二年卒追前

言生死之間以成公志掛劍于墓古人之義公敏於材

欽定四庫全書

卷一百三十三

剛毅自勵不顧不隨以直而遂命也在天往則難期惟其行已敢言是師有罪之身竄逐囚拘生不及門墮不送車致誠薄奠因道終初

祭尹子漸文

歐陽修

嗚呼天於萬物與吾人孰愛憎而薄厚其生未始以一齊其死宜其有夭壽苟百年者亦死則短長之何較惟善人之可喜謂宜在世而常存曰仁者壽兮是亦愛之者之說謂善必福兮得非以已而推天禍福吉凶至其

難通雖聖人亦曰命而罕言兮豈其至此而辭窮壽夭置之吾不能問嗟乎子漸吾獨有恨我不見子於今幾時自子得懷始有見期子不能來我欲亟往子今安歸我往何訪昔我在朝諫官侍從職當薦賢知子不貢朋黨之誣苟避讒諷兩相知而以心謂尺書之不用遂聲音之永隔哭不聞而徒慟嗟此莫之一觴本冀歡言之可共往莫及兮難追哀以辭而永送

祭尹師魯文

歐陽修

欽定四庫全書

卷一百三十三

二

嗟乎師魯辯足以窮萬物而不能當一獄吏志可以狹四海而無所措其一身窮山之崖野水之濱猿猱之窟麋鹿之羣猶不容於其間兮遂即萬鬼而為隣嗟乎師

魯世之惡子之多未必若愛子者之衆何其窮而至此兮得非命在乎天而不在乎人方其奔顛斥逐困厄艱

屯舉世皆寃而語言未嘗以自及以窮至死而妻子不見其悲忻用捨進退屈伸語默夫何能然乃學之力至其握手為訣隱几待終顏色不變笑言從容死生之間

既已能通於性命憂患之至宜其不累於心曾自子云逝善人宜哀子能自達子又何悲惟其師友之益平生之舊情之難忘言不可究嗟乎師曾自古有死皆歸無物惟聖與賢雖埋不沒尤於文章綱若星日子之所為後世師法雖嗣子尚幼未足以付予而世人藏之庶可無於墜失子於衆人最愛子文寓辭千里脩此一樽冀以慰子聞乎不聞

祭蘇子美文

歐陽修

欽定四庫全書

宋文選
卷一百三十三

三

哀哀子美命止斯邪小人之幸君子之嗟子之心胸蟠屈龍蛇風雲變化雨雹交加忽然揮斧霹靂轟車人有遭之心驚膽落震仆如麻湏臾霽止而回顧百里山川草木開發萌芽卒於文章雄豪放肆有如此者吁可怪邪嗟乎世人知此而已貪悅其外不窺其內欲知子心窮達之際金石雖堅尚可破碎子於窮達始終仁義唯人不知乃窮至此蘊而不見遂以沒地獨留文章照耀後世嗟世之愚掩抑毀傷譬如磨鑑不滅愈光一世之

短萬世之長其間得失不待較量哀哀子美來舉予觴

祭范文公

歐陽修

欽定四庫全書

宋文選
卷一百三十三

四

嗚呼公平學古居今持方入圓丘軻之艱其道則然公曰彼惡公為好許公曰彼善公為樹朋公所勇為公則躁進公有退讓公為近名讒人之言其何可聽先事而斥羣譏衆排有事而思雖仇謂材毀不吾傷譽不吾喜誰非公徒讒人豈多公志不舒善不勝惡豈其然乎成難毀易理又然歟嗚呼公平欲壞其棟先摧桷榱傾巢

破轂披折傍枝害一損百人誰不罹誰為黨論是不仁哉嗚呼公平易名謚行君子之榮生也何毀沒也何稱好死惡生殆非人情豈其生有所嫉而死無所爭自公云亡謗不待辨愈久愈明由今可見始屈終伸公其無恨寫懷平生寓此薄奠

祭杜文公

歐陽修

士之進顯於榮祿者莫不欲安享於豐腴公為輔弼飲食起居如陋巷之士環堵之儒他人不堪公處渝渝士

之退老而歸休者所以思自放於閒適公居于家心在
于國思慮精深言辭感激或達旦不寐或憂形于色如
在朝廷而有官責嗚呼進不知富貴之為樂退不忘天
下以為心故行於己者老益篤而信於人者久愈深人
之愛公寧有厭已壽胡不多八十而止自公之喪道路
嗟咨況於愚鄙久辱公知繫官在朝心往神馳送不臨
穴哭不望帷衡辭寫恨有涕洟而

祭石曼卿文

歐陽修

嗚呼曼卿生而為英死而為靈其同乎萬物生死而復
歸於無物者暫聚之形不與萬物共盡而卓然其不朽
者後世之名此自古聖賢莫不皆然而著在簡冊者昭
如日星嗚呼曼卿吾不見子久矣猶能摹鬚子之平生
其軒昂磊落突兀崢嶸而埋藏於地下者意其不化為
朽壤而為金玉之精不然生長松之千尺產靈芝而九
莖奈何荒煙野蔓荆棘縱橫風淒露下走燐飛螢但見
牧童樵叟歌吟而上下與夫驚禽駭獸悲鳴躡躅而呻

嘯今固如此更千秋而萬歲兮安知其不穴藏狐貉與
鼯鼈此自古聖賢亦皆然兮獨不見夫纍纍乎曠野與
荒城嗚呼曼卿盛衰之理吾固知其如此而感念疇昔
悲涼悽愴不覺臨風而隕涕者有媿乎太上之忘情
祭丁學士文

歐陽修

孰惡子可知其人毀善之言譬若蠅矢點彼白玉濯之
而已小人得志暫快一時要其得失後世方知受侮被
謗無如仲尼巍然袞冕不祀桓魋孟軻之道愈久彌光
名尊四子不數臧倉是以君子修身而俟擾擾姦愚經
營一世殆榮華之銷歇嗟泯沒其誰記是皆生則狐鼠
死為狗彘惟一賢之不幸歷千載而猶傷自古孰不有
死至今獨弔乎沅湘彼靈均之事業初未見於南邦使
不遭罹於放斥未必功顯而名彰然則彼讒人之致力

乃借譽而揄揚嗚呼元珍道之通塞有命在天其如予何孔孟亦然何以慰子聊為此言寄哀一奠有涕漣漣

祭吳大資文

歐陽修

惟公以孔孟之學晁董之文佐佑三朝始終一節顧惟庸繆敢啟光塵而金門玉堂早接雋遊之末紫樞黃閣晚陪國論之餘雖出處之略同在進退而則異余實衰病久思返於田疇公方盛年宜復還於廊廟豈期白首來哭素惟飲酴百分尚想平生之意氣寫哀一奠不知

涕淚之縱橫

祭孫僕射文

代諸朝
賢作

宋祁

嗚呼圓方相逢有與有清稟乎粹靈賢人挺生奎宰相期有暇有遇值其嘉會盛烈斯舉允矣我公懿德乘時總是二美蔚為人師齊風泱泱洙俗闇闇弱齡就傳典學書紳巾箱襞積油素紛綸神宗御天擢首儒先所立卓爾其聲襯然一命筮仕十銓密啓緩玦綺帷繙經壁水禮有愛羊河無渡豕我冠兩梁我紱斯皇進陪朝樽

蕪侍潘房諸家去聖詆謀奪攘空言秕稗異制杼楊公憤若時毅然含章層坪發墨塞路摧陽旣旣學徒終知嚮方章聖臨馭神庭構宇命公待詔軒然鳳舉邦實上賢人榮稽古鯁亮摩切優游博裕匪尺是枉伊柔弗茹前膝宸帷叩頭省戶砥刃以須袞章輒補謀之其臧弊庶遄沮帝念蒸黎連翩出麾奉行細札褰去垂帷神明樹政樂職聞詩居則率俾去而見思乃踐諫靄乃官瓊闡長君繼明進階貳卿追鋒趣召燕席光亨宣室清問華光授經有猷有為弗猥弗弁典常墳大武戒湯銘誦言必對嘉猷是經曰首魁疊與世作程銀臺崇崇公閱其封牧騎耳耳公專厥使或司綿蕞或教國子惟公得之異乎求之截河弗溷導疑靡虧大車而載秋陽以輝鴻飛冥冥不慕矰弋公居法從志澹虛抑抗章引年閨門謝客上所固留願焉弗獲龍筦納言得請東藩奎鉤灑翰宴筭申恩亦命四近賦詩贈言卧閭踰歲乞骸去位春坊傳席菟裘仙里踈受揮金式宴以喜廣德掛車

貽孫及子天且佚老君能知止嚮用五福與善則常公
明且哲宜壽而昌天乎弗淑萎哲殲良旣賓占命忠言
孔彰玉輝金相掩此不暘人彝代矩今也云亡士類相
弔朝家憫傷恤恩告第號書密章高明令終微公孰當
某等或奉緒言或麻大庇遊藩蒙潤挹流疏穢平日函
文今茲交臂拘此宿官永乖薄醉有李成蹊有碑墮淚
遐齋令芳庶展哀愴嗚呼哀哉

祭孔中丞文

石介

昔公為諫議大夫知兗州臣僚有以詩千篇獻上者執
政者即請進為龍圖閣直學士上曰千首詩豈若孔某
一言即日拜公龍圖閣直學士公再為中丞風格益峻
及公沒劉平戰死于陣讒賊害忠良誣奏平非戰屈乃
叛耳天子怒將夷平家平家胥靡就閼冤號道途逢驕
唱中丞來平家將叩中丞馬言其事兩街賣販兒以數
千嘆曰徒往訴耳是非孔中丞者平家慟哭而止噫至
尊極者君至愚暗者民尊極則不信愚暗則難開非公

至忠豈能動尊極耶非公至誠豈能感愚暗耶動乎尊
極感乎愚暗公之道格于上下矣嗚呼公之生也君稱
之公之死也人感之公之道全於死生矣夫道格于上
下為著全于生死為難舉是二節公之道克于天地之
間矣大冬殘臘風號雲咽節物慘淡心肝摧折爐煙氤
氳樽酒冷烈享誠不享味公來降茲

祭王沂公文

尹洙

欽定四庫全書

景祐初公臨洛師某在幕府公以才敏見目數被器使
議獄處事某或依違其言公必丁寧勗以正道及公再
秉大政嘗以身事有請門下公莊色厲辭不少恩假某
始懼中憮終則大悟嗚呼凡公語言雖因事見誨然公
在大位默不敢傳公今薨謝輒錄以自思一言之誣天
實鑒之以衰服不獲備故吏之列情禮莫伸嗚呼哀哉
祭梅聖俞文

劉敞

謹以清酌庶羞祭于聖俞二十五兄之靈乃者隣幾病
革君往問之退而過我相對嗟咨我視君色異於他時

自為君診勸君從醫君雖我信其中猶疑明日大饗四方來賀奉觴上壽戎客在坐百辟相趨敢或私卧賜食上前謹懼已過疾果大作仆而不能起俗醫控搏以表為裏中涸外乾翕翕如燬勢一大跌不得中止俯仰晨夕遂有生死痛駭驚呼曷云能已孰謂旬日殺二賢士嗚呼哀哉物固有生生固有命豈曰君子獨夭其性君之文學信于友朋君之孝友鄉黨是稱仕不過庸壽不百齡一至于此何其不平喪還故鄉義從此訣哭送道

祭范頫州文

王安石

周情豈能絕

告伯父殯文

劉敞

古者庶人之喪隣里執事在其土千里赴義及其送葬塗潦母避焉有至親而或不至某獨不幸受命典城戎馬是司匍匐不能不哭于堂不祖于堂不祖于庭寢不復土虞不奉牲回望萬里悲號失聲門外之治王命實行益古亦云不即人情於奠陳詞以昭哀誠

嗚呼我公一世之師由初迄終名節無疵明肅之盛身危志殖瑤華失位又隨以斥治功亟聞尹帝之都閉姦興良稚子歌呼赫赫之家萬首俯趨獨繩其私以走江湖士爭留公蹈禍不慄有危其辭謁與俱出風俗之衰駭正怡邪蹇蹇我初人以疑嗟力行不回慕者興起儒先首首以節相侈公之在貶愈勇為忠稽前引古誼不解不以刑加猾盜涵仁終老無邪講藝弦歌暮來千里營躬外更三州施有餘澤如釱河江以灌尋尺宿賊自

溝川障澤田桑有喜戎孽猘狂敢騎我疆鑄印刻符公屏一方取將於伍後常名顯收士至佐維邦之彥聲之所加虜不敢瀕以其餘威走敵完隣昔也始至瘡痍滿道藥之養之内外完好既其無為飲酒笑歌百城宴眠吏士委蛇上嘉曰材以副樞密稍首辭讓至于六七遂參宰相釐我典常扶賢贊傑亂除荒官更于朝士變於鄉百治具修偷墮勉強彼閑不遂歸侍帝側卒屏于外身屯道塞謂宜者老尚有以為神乎孰忍使至於斯

益公之才猶不盡試肆其經綸功孰與計自公之貴廩
庫逾空更其色辭傲訏以容化于婦妾不靡珠玉翼翼
公子弊綿惡粟憫死憐窮惟是之奢孤女以嫁男成厥
家孰埋于深孰鑽乎厚其傳其詳以法永矣碩人今亡
邦國之憂矧鄙不肖辱公知尤承凶萬里不往而留涕
哭馳辭以贊醪羞

祭吳沖卿文

王安石

嗚呼公命在酉長我一時公先我出我後公萎中間仕

欽定四庫全書

宋文鑑

十三


宦有合有離後我所踐公輒仍之出則交轡處則連棖
坐肘則並行肩則差豈願敢及天實我貽公之停蓄及
所設施有誥有誄亦有銘詩又將有史傳所不疑我既
憊眊何辭能為婚姻之故唯以告悲

祭杜侍制文

王安石

士恥無材恥不修身身修而材有不及民凡世可願於
公皆有孰窺其年不使難老貴者善防其有孰窺公心
豁豁不置牆帷有挾易驕不難拒善公義所在服之無

賤惟以時施每以宜成又況於公強果以行物貴於時
常以其少悲矣予思我知其久鍾山北蟠江落而東完
厚密牢萬世之宮其歸孰知愚與在此酌公以文以配
銘史



總校官庶吉士臣張能照

校對官中書臣范鑒

謄錄監生臣戴朝琛

謄錄監生臣鄒世俊

欽定四庫全書會要

宋文鑑卷一百三十六

集部

欽定四庫全書會要卷二萬五十七

集部

宋文鑑卷一百三十四

宋呂祖謙編

祭文

祭韓欽聖文

王安石

嗟為君兮邦之特目揚秀兮顏髮澤紛百家兮並涉超
獨懷兮道德博蕩蕩兮無畛寬恂恂兮莫逆出當官兮
發論使權彊兮累息年何尤兮止此祿不多兮誰嗇具
壺觴兮酌哭樊喪車兮啟夕豈獨愁兮吾僚隱多聞兮
諒直顧笑語兮已矣冀來嘉兮魂魄

祭曾博士文

王安石

嗚呼公以罪廢實以不幸卒困以夭亦惟其命命與才
遙人實知之名之不幸知者為誰公之間里宗親黨友
知公之名於實無有嗚呼公初公志如何孰云不諧而
厄孔多地大天穹有時而毀星日脫敗山傾谷圮人居
其間萬物一偏固有窮通世數之然至其壽夭尚何憂
喜要之百年一蛻以死方其生時窘若囚拘其死以歸

詳校官候選知縣臣吳國華

欽定四庫全書

卷一百三十四

一

混合空虛以生易死死者不祈唯其不見生者之悲公
今有子能隆公後惟彼生者可無甚悼嗟理則然其情
難忘哭泣馳辭往侑奠觴

祭王深甫文

王安石

嗟嗟深甫真棄我而先乎孰謂深甫之壯以死而吾可
以長年乎雖吾昔日執子之手歸言子之所為實受命
於吾母曰如此人乃與為友吾母知子過於予初終子
成德多吾不如嗚呼天乎既喪吾母又奪吾友雖不即

欽定四庫全書

宋文選
卷一百三十四

死吾何能久搏胸一慟心摧志朽泣涕為文以薦食酒
嗟嗟深甫子尚知否

祭歐陽少師文

曾鞏

惟公學為儒宗材不世出文章逸發醇深炳蔚體備韓
馬思兼莊屈垂光簡編焯若星日絕去刀尺渾然天質
辭窮卷盡含意未卒讀者心醒開蒙愈疾當代一人顧
無儔匹諫垣抗議氣震回邁鼓行無前跋疐非恤世偽
難勝孤堅竟室紫微玉堂獨當大筆二典三謨生明藏

室彌挫彌厲誠純志壹斟酌損益論思得失經體慮萌
沃心造膝帝曰汝賢引登輔弼公在廟堂尊明道術清
靜簡易仁民愛物歛不煩苛令無迫猝樓置木索里安
戶逸續欵兵革天清地謐日進昌言從容密勿開建國
本情忠力悉卯未之歲龍駕飄欵再極大艱垂紳秉笏
乾坤正位上下有秩功被社稷等夷召畢公在廟堂總
持紀律一用公直兩忘猜昵不挾朋比不虞訕嫉獨立
不回其剛佞性愛養人材獎成誘掖甄拔寒素振興滯
屈以為已任無有廢嘆維公平生愷悌忠實內外洞澈
初終若一年始六十懇辭冕黻連章累歲乃俞所乞放
意丘樊脫遺羈羈沉浸圖史左右琴瑟氣志浩然不陋
蓬草意謂百齡重休累吉還幹鴻軸贊微計密云胡傾
殂愁遺則弗聞訃失聲臂淚橫溢懸冥不敏早蒙振拔
言繇公誨行繇公率戴德不酬懷情獨鬱西望轎車莫
持紼綉維公犖犖德義譏述為後世法終不泯沒託辭
叙曷能勞鬢嗚呼哀哉

祭王平甫文

曾 篾

嗚呼平甫決江河不足以為子之高談雄辯吞雲霧不
足以為子之博聞強記至若操紙為文落筆千字徜徉
恣肆如不可窮秘恆恍惚亦莫之係皆足以高視古今
桀出倫類而況好學不倦垂老愈專自信獨立在約彌
厲而志屈於不伸材窮於不試人皆待予以將昌神胡
速予於長逝嗚呼平甫念昔相逢我壯子稚間託婚姻
相期道義每心服於超軼亦情親於樂易何堂堂而山

欽定四庫全書

宋文鑑

四

立忽泯泯而飄駛訣皎皎而猶疑淚汎汎而莫制聊寓
薦於一觴纂斯言而見意

祭歐陽文忠公文

蘇 軾

嗚呼哀哉公之生於世六十有六年民有父母國有蓍
龜斯文有傳學者有師君子有所恃而不恐小人有所
畏而不為譬如大川喬嶽不見其運動而功利之及於
物者益不可以尋計而周知今公之沒也赤子無所仰
庇朝廷無所稽疑斯文化為異端而學者至於用夷君

子以為無與為善而小人沛然自以為得時譬如深淵

大澤龍亡而虎逝則變怪雜出舞鮆鱠而號狐狸昔其
未用也天下以為病而其既用也則又以為遲及其釋
位而去也莫不冀其復用至其請老而歸也莫不惆悵
失望而猶庶幾於萬一者幸公之未衰孰謂公無復有
意於斯世也奄一去而莫予追豈厭世溷濁絜身而逝
乎將民之無祿而天莫之遺昔我先君懷寶遁世非公
則莫能致而不肖無狀因緣出入受教於門下者十有
則莫能致而不肖無狀因緣出入受教於門下者十有

欽定四庫全書

宋文鑑

五

六年於茲聞公之喪義當匍匐往救而懷祿不去愧古
人以忸怩緘詞千里以寓一哀而已矣蓋上以為天下
慟而下以哭其私嗚呼哀哉

祭魏國韓令公文

蘇 軾

天生元聖必作之配有神司之不約而會既生堯舜禹
稷自至仁宗龍飛公舉進士妙齡秀發秉筆入侍公於
是時仲舒賈誼方將登庸盜起西夏四方騷然帝用不
赦授公銖鉞往督西旅公於是時方叔召虎入贊兵政

出殿大邦恩威並行春雨秋霜兵練民安四夷屈降公
於是時臨淮汾陽帝在明堂欲行王政羣后奏功罔底
於成名自北方付之樞衡公於是時蕭曹魏邴二帝山

陵天下憤惄呼吸之間有雷有風有存有亡有兵有戎

公於是時伊尹周公功成而退三鎮偃息天下皞然曷
日而復畢公在外心在王室房公且死征遼是卹嗚呼
哀哉六月甲寅人之無祿喪我宗臣我有黎民誰與教
之我有子孫誰與保之巍巍堂堂寧復有之公之云亡

我無日矣慟哭涕流何嗟及矣昔我先子沒于東京公
為二詩以祖其行文追典誥論極皇王公言一出孰敢
改評施及不肖待以國士非我自知公實見謂父子昆
弟並出公門公不責報我豈懷恩惟此涕泣寔哀斯人
有肉在俎有酒在樽公歸在天寧聞我言嗚呼哀哉

祭任師中文

蘇 軾

允義大夫維蜀之珍詩之老成易之丈人去我十年其
德日新庶一見之遽沒元身惟慥與軾匪友則親自丙

以降昔惟州民旅哭于庭惻焉酸辛禍福之來孰知其
因自壽自夭自屈自信天莫為之矧凡鬼神生榮死哀
自昔所難持此令名歸于九原

黃州再祭文與可文

蘇 軾

嗚呼哀哉我官于岐實始識君方口秀眉忠信而文志
氣方剛談詞如雲一別五年君譽日聞道德為膏以自
濯薰藝學之多蔚如秋蕡脫口成章粲莫可耘馳騁百
家錯落紛紜使我羞歎筆硯為焚再見京師默無所云

杳兮清深落其華芬昔執我黍今孰其饋啜醨歌舞得
醇而醺天力自然不施膠筋坐了萬事氣回三軍笑我
皇皇獨違垢紛俯仰三州眷戀桑梓仁施草木信及虧
虧昂然來歸獨立無羣俛焉復去初無戚欣大哉死生
悽愴蒿蒿君沒談笑大鈞徒勤喪之西歸我竄江瀆何
以薦君採江之芹相彼日月有朝必曛我在茫茫凡幾
合分盡此一觴歸安于墳嗚呼哀哉

祭范蜀公文

蘇 軾

嗚呼仁宗在位四十二年畦而種之有得皆賢既歷三

世悉為名臣今如晨星存者幾人孰如我公碩大光明

尊日而昇燦焉長庚死生契闊公獨壽考天寶者之以

殿諸老二聖嗣位仁義是施公昔所言略行無遺維樂
未和公寢不寧樂成而薨公往則瞑凡百君子願公無
極胡不萬年以重王國責難之忠愛莫助之嗟我後來
誰復似之吾先君子秉德不耀與公弟兄一日之少窮
達不齊歡則無間豈以問里忠義則然先君之終公時

在陳宵夢告行晨起訃聞先友盡矣我亦白髮聞公之
喪方食哽噎堂堂我公豈其云亡望公凜然猶舉我觴

祭歐陽文忠公夫人文

蘇 輓

嗚呼文忠之薨十有八年士無所歸散而自賢我是用
懼日登師門旣友諸子入拜夫人望之愀然有穆其言
簡肅之肅文忠之文雖無老成典刑則存何以嗣之使
世不忘諸子惟迨好學而剛夫人實使兄弟吾孫徽福
文忠及我先君出守東南往違其顏病不能見卒以訃

聞自歟及葬餽奠莫親匪愧于今有覲昔人寫詞千里
侑此一樽尚享

頴州祭歐陽文忠公文

蘇 輓

嗚呼軾自齠亂以學為嬉童子何知謂公我師畫誦其
文夜夢見之十有五年乃克見公公為拊掌歡笑改容
此我輩人餘子莫羣我老將休付子斯文再拜稽首過
矣公言雖知其過不敢不勉契闊艱難見公汝陰多士
方譁而我獨南公曰子來實獲我心我所謂文必與道
俱見利而遷則非我徒又拜稽首有死無易公雖云亡
言如皎日元祐之初起自南遷叔季在朝如見公顏入
拜夫人羅列諸孫敢以中子請婚叔氏夫人曰然師友
之義凡二十年再升公堂深衣廟門垂涕失聲白髮蒼
顏復見頴人頴人思公曰此門生雖無以報不辱其門
清賴洋洋東注于淮我懷先生豈有涯哉

祭滕大夫母楊夫人文

蘇 輓

嗚呼士盛慶厯如漢武宣用兵西方故西多賢惟時滕

公實顯于西文武殿邦尹范是齊功名不終有命有義

我時童子知為公喟四十餘年墓木十圍乃識其子傾
蓋不疑忠厚且文前人是似秉心平反慈訓則爾仰止

德人如岡如陵升堂而拜猶愧未能宣其微疾一慟永
已胡不百年以慰其子壽祿在天考終非亡鵠巢之應
子孫其昌

祭柳仲遠文二首

蘇軾

嗚呼哀哉我生多故愈老愈艱親朋樂人日化日遷逝

欽定四庫全書

宋文鑑

卷一百三十四

者如風計來逾年一慟海微摧胸破肝痛我令妹天獨
與賢德如召南壽甫見孫矧我仲遠孝友恭溫天若成
之從政有聞富以學術又曷以言久而不試理豈其然
崎嶇有求凡以為親雖不負米實勞且慙知止于此不
如歸閑哀我孤甥孝如閔顏銜痛遠訴誰撫誰存逝者
已矣存者何寃慎勿致毀以全汝門以慰我仲遠永歸
之魂嗚呼哀哉我厄于南天降罪疾方之古人百死
有溢天不我亡其朋戚如柳氏妹夫婦連璧云何兩

逝不憇遺一我歸自南宿草再易哭墮其目泉壤咫尺
閥也有立氣貫金石我窮且老似舅何益易其墓側可
置萬室天定勝人此語其必

再祭亡兄端明文

蘇轍

嗚呼惟我與兄出處昔同幼學無師先君是從游戲圖
書宿寐其中曰予二人要如是終後迫寒饑出仕于時
鄉舉制策並驅而馳猖狂妄行誤為世羈始以是得終

以失之兄遷于黃我竄于筠流落空山友其野人命不

欽定四庫全書

宋文鑑

卷一百三十四

自知還復簪紳俛仰幾何寵祿遄臻欲去未遑禍來盈
門大庾之東漲海之南黎甌雜居非人所堪瘴起襲帷
颶來掀簷卧不得寐食何暇甘如是七年雷雨一潭兄
歸晉陵我還頹川願一見之乃有不然瘴暑相尋醫不
能痊嗟兄與我再起再顛未嘗不同今乃獨先嗚呼我
兄而止斯耶昔始宦遊誦常氏詩夜雨對床後勿有違
進不知退踐此禍機欲復斯言而天奪之先龍在西老
泉之山歸骨其旁自昔有言勢不克從夫豈不懷地雖

郊鄆山曰哉眉天實命之豈人也哉我寓此邦有田一
廛子孫安之殆不復遷兄來自西於是盤桓卜吉孟秋
歸于其阡頽川有蘇肇自兄先

為家君祭呂申公文

程頤

嗚呼公稟則異得天之粹遘茲昌辰出為嘉瑞生而富
貴處之無累幼而聰明克之能至學既知真仕則為道
出入屢更險夷一操二聖臨御人望是從起藩入輔命
相再公平日視公靜默恂恂國論所斷一言萬鈞謂公
欽定四庫全書
卷一百三十四
無位位為相臣謂公得志志存未伸然公心如權衡所
以無間言於率土德如山嶽所以致敬心於人主從容
語默之間人孰量其所補胡上天之不弔不一老之慙
遺淵水無涯將孰求於攸濟百身莫贖為有識之同悲
嗚呼哀哉羸老餘生辱知有素二男論忘勢之交不偶
無酬知之路阻臨穴以伸哀姑託文而披露想英靈兮
如在監丹誠而來顧

祭知命弟文

黃庭堅

君歿荊州我在萬里歿後四月始聞訃音既無狐惄恃
有兄弟天既喪我君不能年自我哭君頭髮盡白英風
豪氣窘此一棺拊棺長號殆無生意公私之計身有所
廢既難以歸舟車可慮乃得吉卜旅殯僧坊雖遠至親
理則安宴無驚無恐扶將上舉絕慟一觴君其尚饗
祭彭江州文 曾肇

欽定四庫全書
卷一百三十四
壽不躋於六十位不過四品卒泯默而無施乎嗚呼器
資凡世可貴學問文章言語政事有一于茲足高士類
而况居今行古蹈義依仁衆人所趨而視若無有舉世
所背而仔肩以身陷奔當前而不避曾何得喪之足
云此固聖賢之自任豈止度越於時人至若孝友著
於閨門信義行於鄉閭處榮悴而無虧臨死生而不
亂真可謂內外全德始終一貫實橫流之砥柱宜大
廈之棟幹奈何道未行於當世福求及於生靈忽飄流

於下國遂天閑於修齡去此昭昭即彼冥冥有志不就
銜恨泉扃惟自立之卓偉亘萬世如日星彼一時之苟
得譬如燭耀之與長庚嗚呼器資未俗陵遲朋友道熄許
與之分切磋之益衆皆訖訖予獨汲汲我生昏愚與世
殊適惟予好我論心莫逆我先我後予為羽翼我有過
咎子為藥石子今云亡有善誰責豈無他人莫如予直
嗚呼器資念昔太學相從之初綢繆縕繾二十餘年中
間省闈並典贊書出入風議惟予予俱子如飛駿豈受
欽定四庫全書
宋文鑑
卷一百三十四

馬拘有言不用去不須臾我亦遭讒自請州符跡有乖
隔心焉弗殊去歲京城子留我北中情莫宣相視默默
我行未幾子亦南遷孰云契闊曾不經年尺書未達已
隔終天寢門一慟有淚如泉嗚呼器資子計之來我適
罪遂相念平生了然在目匍匐欲往身有羈束千里寓
辭以代號哭

代范樞密祭溫公文

張耒

嗚呼天祚有邦畀之元龜篤生我公為世父師夷齊之

清淵騫之德子產之惠叔向之直人擅其足以成名
公兼衆德乾乾不寧九流百家金匱石室鈞索沉隱裁
其失得根柢治亂經綸皇極作為文章有書秩秩玄圭
大裘望之肅然冬賜夏永赴者爭先仁英兩朝鍾鍾厥
聲國有正人折姦于萌芽染柔木求直於繩我公盡規
君心則寧烈烈神考體貌有德公有獻可巖巖翼翼言
有未用不敢受爵深衣幅巾歸休于洛公則休矣四方
顥顥君子野人洎于他邦聞風懷歸子父于兄天施不
欽定四庫全書
宋文鑑
卷一百三十四

齊或怨寒暑公獨何施四海一譽元豐末年國有大事
穆穆文母宥我神嗣爰立作相媚于神人我公在庭其
重萬鈞士賀于朝民歌于壘農慶于野兵休于邊燠爾
慄寒養其饑辱無病于饑無休于田培其本根枝葉則
茂豈曰我作憲章惟舊於赫聖考左右上帝休公于家
實遺聖子卷耳思賢夙夜周京不惑不疑成此太平公
之去來人之戚嬉人之戚嬉帝之從遠豈人事耶天實
為之純仁不才辱公之深人之相知貴相知心惟公我

知洞達表裏采其所長謂或可使申結義好丘山不移匪我則然公實取之泚泚清洛獨樂之園嘉華春萼修竹夏寒清酌翛然我招我從琅琅嘉言有銘在躬朝偶乏人備位樞機入與國論獲親風規六七年間為益不貲私祈白首從公以歸憂勞傷生公既遘疾庶幾有瘳卒相王室國祠既誓公以喪聞我心之悲不獲至門入哭于室公既大歟終天之情不一見面人生有死如旦夜耳曾子將沒知免而喜公身既修公志既畢既壽令

祭張生文

張舜民

終無有其失有如公者古今萬一任重道遠稅駕茲日庶幾念此以紓我悲猶有鬼神實聞我辭

代祭劉貢甫文

張耒

嗚呼子之強學博敏超絕一世肇自載籍孔墨百氏太史所錄俚問野記延及荒外陰陽鬼神細大萬殊一載以身下至律令老吏所疑故事舊章在廷不知有問於子歸如得師直貫旁穿永決矢飛一時書林衆俊並馳滿堂賢豪視子塵揮逸足奇毛不受縛羈攬守列郡吏

民畏思治盜宛朐不事誅斬他嚴見欺子愛不犯中斥於南人憂子怡歸來白首晚職訓詞子之來歸亦既疾病惟其精明猶足以永誰云如子竟止斯耶國失君子善人之嗟方其盛時弛不得張亦既有遭而盡其強誰與子仇敗子百世雖然今日竟何有亡惟我與君同年進士申以婚媾兼恩與義平生笑談樽席安喜其當在耶臨此酒哉

祭王樞密文

張舜民

夫物有自小而致大積卑而致高唯豫章之材數年而
過百尺騏驥之足一日而馳千里黃河發源而注海太
華拔地而參天與夫命世之英特起之士布衣負公輔
之望小官蘊廊廟之器一旦遭時遇主建功立業奸邪
望風而屏息賢者引類而彙征朝廷以之治安禮樂由
是興起則豈特豫章騏驥黃河太華之比也其公之謂
乎唯公少而居家則膺令名長而出任則有公望乘時
欽定四庫全書

宋文選

卷一百三十四

六

設施自州縣之卑數年之間致位二府危言大節懷動
天下之耳目明而可見者著以為甲令隱而不露者杜
患於未形披榛攘棘正路廣開大奸雄懾束手竄身歷
觀先世以來固有以兵武而克禍亂定冊而安邦家者
率皆塗炭驅除糜爛而後止曾未若雍容於廉蕩之前
啟迪於方幅之內興利除害如醫者以毫芒之鍼刀圭
之藥愈膏肓沉痼之疾不知其工妙之端也宜其天下
為之矚目二聖謂之有功蓋孚自謂放滌辭距詖行以

承三聖程公之力較公之才固不在孟子之下然才高
則多嫉位隆則招殃曾不旋踵謠言遽興未及中年百
疾交作二聖方隆之眷而有云亡之嘆八十待養之親
而嬰哭子之情善人堂堂擯死畧盡為國家者將何賴
焉始猶疑之人事今日乃知天極自天復何言哉嗚呼
公之存不能共致其力公之歿不能一哭其門徒然予
知有愧古昔遺詞揮淚靈乎歟哉

祭范忠宣公文

陳瓘

欽定四庫全書

宋文選

卷一百三十四

五

昔文正公在仁祖時忠於謀國衆正所依心虛而明照
了不疑先事而慮有如蓍龜兩遭勅榜益奮不移外禦
元昊數蹈禍機國勢既安奚恤我危考公行事允也似
之安不擇地難不敢辭至於言兵則曰不知豈曰為異
各遵其時不述其跡是乃無違三年遽改生事者誰察
相南行公獨救之一勝一復其兆在茲公可以默又進
忱解人亦有言公爾忘私孰能臨義捨安取危一斤四
年盲廢始歸天子哀怜拜命涕洟其心不盲意欲有施

人願公留為帝龍變病不能對人所嘆洛天子曰吁疾尚可為錫以上劑臨遣國醫丁寧訓飭速療勿遲云何

不淑竟止於斯嗚呼哀哉公果已矣舉世思公公不來

夫人之於公有合有睽聞公之歿睽者亦悲情隔生死公論乃出悲公之人始自今日臨終不昧忍死有述小其一身大我王室置小恤大自初訖終可使聞者勸而作忠太宗征遼嘗死不忘心之所慮奚獨一方願惜生靈願合明黨願為宣仁一洗誣謗願正其事願辨其人

願以中道行帝之仁嗚呼哀哉言惟心聲孰無此聲孰

有此誠神器雖大如人之形愛養胃氣可以保生陽明之經徧於四體呼吸之間無有不差左絡連右首脉應

趾中經流行寧有定位彼執一者棄異取同異我曰偏

同我曰中語各有心心各有物孰能審是而不彼恤公獨有言繼者誰乎公薨我悲豈緣葭莩公昔南遷我在

北陲側身以望心往從之及公之還我有言責陳留雖近欲往不得平生想慕獨未識公見公之心何必形容

文正歿後公又亡矣仲季方興公復有子其門益大其道益光公可無憾我亦奚傷

祭呂申公文

鄒 浩

天祐主上篤生我公來對休運為今大鴻面槐執璧啟心而恭衆方窘迫公獨從容爰有因革論起如蜂公徐一言翕然以從事已而默終日斂躬若無所與莫測胸中但見百官上下以功但見四夷車書以同但見田野年穀以豐流離者復憔悴者充白顛黃馘端見兒童爰

笑爰語注詠時雍朝廷益尊勲業益隆殊尤俊偉益振

家風人亦有言孰不薦紳維公秉國始為有臣人亦有

言孰不是似維公肯構始為有子竊惟公初信非凡人

情不聲色學不空文西山之清孟軻之醇德盛行高孰與擬倫如古寶器如時慶雲世獲覩者倍萬懽欣所以

施設如前所陳公昔去位君子怛傷比登三事交賀壺觴宜其冥天俾壽而康曷為不仁禍降非常兩楹入夢中台坼光歲值龍蛇遽爾云亡業岌大厦摧其棟梁爰

自二聖遠極八荒知與不知失聲沾裳顧如某者頃在廣陵辱公青眼收之門庭宣徒應格薦其姓名每及人物猥賜題評遂令疎賤聞于公卿重念參侍屏息人後未嘗請問敢祈公售爾來日月不為不久文章工乎問學正不公竟不問不考其有若為憐之久而益厚仰惟此恩山嶽在首吉卜伊邇將舉神區義當捨官躬設雞酒願莫之遂視古則醜寓茲一奠以昭不苟公騎箕尾寧來欽受

祭王和甫文

田 畫

惟公心符於跡實稱其名包含蘊蓄見於力行頃在井府參詳機務韓侯于宣城彼西土發民四萬以踵其武將臣依違莫敢或悟公曰不然深入賊所師干之用茲亦焉取振旅言旋書可挿羽毋空我師祇以餌虜我言有成帝用嘉止陟於陪屬亦既顯仕士有險賊寘人危機媚彼技能掇於文詞童膺孺鴟羣舌毛起公獨營之卒免於死明明天子從諫如流爰屬星變直言是求敢

謂臣隣不滅其謀厚歛竭作變則有由擢尹王畿剖煩析微游刃砉駭風颶霆飛曾未百日狴犴告空夷人駭觀邦史奏公遺書上變蔓延無辜公摘其姦弭於須臾丘封萬計終以不徙請師文王掩骼埋骯乃發蒐慝乃治強梗貴幸側目權豪斂衽遂躋丞轄天子是毗正人所倚細民所腓有夏多罪天命徂征鼠奔鳥竄師老子行皇帝震怒載整其旅簡期授材恢我疆圉內馬卿士喋不一語外焉方鎮則惟所舉公力如虎公乃有陳豈

不來威眷此下民皇帝曰都汝惟可信一言罷師天子

神聖其惠伊何曰蠲其逋其恕伊何曰緩其獄忠烈允著仁風載穆孰是勲庸而不公屬法吏沾沾吹毛刻骨陵藉衣冠孤寢豕突有如公者致於彈文竟坐萎墨廢其終身粵雋在下實公貽恥勿俾堙沉式穀以位城佞截截心折膽落嫉公居中肆是讒謗出領大邦曰昇與青周旋揚雍晚殿宇并政尚寬大存鰥弔婢肆靖我境其隱如城公在帷幄恩威延延彼蠹者羌母敢犯邊施

及卒伍以至降虜祝公百年稽顙蹈舞胡為遇疾奄見
殂歿疇昔起之以定王國於皇聖君誰適謀矣哲人云
亡梁木隳矣蚩蚩之吐靡所依矣街祭巷泣嗟何及矣
維昔不肖往官江瀆龍塞鳳翥始見偉人平生知已世
無擬倫執手上堂得於逡巡匪惟知之抑又存之保釐
我躬燕及其私自時契闊亦復流離川塗阻越夢寐懷
思旌旆北來言適太鹵迎拜霍丘笑言如故恩斯閔斯
公意愈隆引宣幕府獻醻從容謂公壽康歸相天子乃
欽定四庫全書

宋文鑑

卷一百三十四

西

今冥冥聲采頓委大明在上品物在下巍巍堂堂遽即
長夜我心傷悲公墓有期念非古人懷祿在茲旒車旁
駕與公永遠致彼薄奠有愧公知嗚呼哀哉

祭范德孺文

畢仲游

曩歲識公靈武之城公貌既偉公氣亦英黃河滻海間
關共行公矜我憇我知公誠遂同夷險期以死生其後
公顯鏗鈞有聲既顯而貴隱然大名帥慶帥延帥熙帥
并武夫悍卒怖若雷霆軍師老將心服其寧屬鞬聽命

甘從使令四路十年不知有兵及公伊洛以嚴輔明下
教既悉撻伏亦精洛城萬室千里為畊家家畏公如公
是隣宿姦巨猾魂褫魄淪擊斷取捨莫知其因遂皆歛
手以公為神凡人之情僥倖苟得公獨裁之如穴被塞
凡人之情好寬喜逸公獨檢之規矩繩墨宜其不懌而
以為病乃獨懷公式歌且詠豈其施設遠而難窺人樂
其大而忘其私不然則公不足為竒矧公門戶奕世顯
榮太師為父相輶為兄公又崛起峻嶸峰巒宜繼三人
欽定四庫全書

宋文鑑

卷一百三十四

西

秉國之成而公一廢十有八齡公廢于家匪公匪卿二
邊倚重猶如長城人言公復士夫修興人言公用夷虜
震驚公復之日萬耳皆傾復未之用公而已薨嗚呼哀
哉吉人今喪矣胸中之奇包而往矣威名氣象豈可為
矣予末小生將何依矣慟哭于野出相送矣追念平昔
恍如夢矣嗚呼哀哉

祭陳了翁文

游酢

嗚呼陳公萬夫之傑大虛無塵心凝知徹經綸大猷如

挈裘領灼知幾先眇綿作炳慮遠而知者疑言危而弱者警著龜有稽可觀而省嗚呼陳公知事道而已不知曷鏤之臨其顛也知徇國而已不知陷穿之橫其前也阨之白首而氣愈和盛之死地而志愈堅處約彌久妻孥裕然畎畝念忠頂踵利物人疑其為墨平生拯饑任重一身吾知其為稷行道之人聞者心惻意者天將降之大任而空乏其身耶意者吾君將追念其篤誠發獨斷而收之以澤斯民耶嗚呼孰謂流離川塗遭廻萬狀

而淪於淮楚之濱耶嗚呼孰謂謀可以託心膂力可以任股肱而志願卒不伸耶浩浩元精慘不知其因耶歲首之書後計而達執書一慟骨驚心折嗚呼陳公蓋將有哲人能盡知而賢之有志士能慷慨而言之有仁人能經紀其家而存之有良史能具載其實而傳之區區鄙詞曷足以涉其流而訴其源乎寓奠一觴聊薦悃愞東望傷懷淚落橫臆尚饗

祭程伊川文

張繹

嗚呼利害生于身禮義根於心伊川恐此心喪於利害而禮義以為虛也故先生踽踽獨行於世衆乃以為迂也維尚德者以為卓絕之行而忠信以為孚也立義者以為不可犯而達權者以為不可拘也在吾先生曾何有意心與道會冥然無際無欲可以係羈兮自克者知其難也不立意以為言兮知言者識其要也德轍如毛毛猶有倫無聲無臭夫何可親嗚呼先生之道不可得而名也伊言者反以為病兮此心終不得而形也維太山

以為高兮日月以為明也春風以為和兮嚴霜以為清也在昔諸儒各行其志或得乎數可觀乎禮學者賴之世濟其美獨吾先生淡乎無味得味之真死其乃已自我之見七年于茲含孕化育以蕃以滋天地其容我父母其生之君親其臨我兮夫子其成之欲報之心何日忘之昔先生有言見乎文字者有七分之心繪乎丹青者有七分之儀七分之儀固不可益七分之心其猶可推而今而後將築室于伊洛之濱望先生之墓以卑

吾此生也嗚呼夫子沒而微言絕則吾固不可得而聞也然天不言而四時行地不言而百物生惟與二三子洗心去智格物去意期默契斯道在先生為未亡也嗚呼二三子之志不待物而後見先生之行不待誅而後微然而山頽梁壞何以寄情淒風一奠敬祖于庭百年之恨并此以傾

祭鄭庭誨文

毛滂

石梁鬱然上有佳氣下走清湍昔聞異人相携盤桓寥

欽定四庫全書

宋文鑑

卷一百三十四

寥至今漁樵所安尚意山間人必有異下乃君廬長廊甲第記初識君在稠人中孤熊傲兀知不可籠一見傾蓋定交尊俎豈唯姻縫氣則相許予才闇草寡諧於世所賴得君差彊人意奮然高談氣蓋一座有非吾曹瞪目欲唾君直偉人秀眉奇狀使當卒學仕必人上退託於酒日飲亡何羽衣岸巾枕麯而哦小詩立成晚更婉熟不樸不圓元和膾馥揮金如土結客如市遠韻翛然形骸之外名利之徒其隘如髮敗意苦心十居七八開

口一笑人生能幾君醉不知笑以沒齒君年不足行樂則過胡用百憂齒搖髮墮囊乎西征相酌以酒酣歌悲壯起舞為壽乎為此別行當來歸當益釀酒從君傲嬉予歸酒熟君不復臨有佳風月如聆車音薦酒君堂予目泫然呼君不聞是豈醉眠

宋文鑑卷一百三十四

欽定四庫全書

宋文鑑

卷一百三十四

五

欽定四庫全書會要卷二萬五十八

集部

宋文鑑卷一百三十五 宋呂祖謙編

祭文

祈雨祭漢景帝文

歐陽修

縣有州帖祈雨諸祠縣令至愚以謂雨澤頗時民不至於不足不敢以煩神之視聽癸丑出于近郊見民稼之苗者荒在草間問之曰待雨而後耘耔又行見老父曰此月無雨歲將不成然後乃知前所謂雨澤頗時者徒見於城郭

欽定四庫全書

卷一百三十五

之近而縣境數百里山坡田畝之間蓋未及也修以有罪為令於此宜勤民事神以塞其責令既治民獄訟之不明又不求民之所急至去縣十餘里外凡民之事皆不能知頑然慢於事神此修為罪又甚於所以來為令之非惟神為漢明帝生能惠澤其民布義行剛威靈之名照臨後世而尤信於此土之人神其降休以答此土之民之信

祭城隍神文

歐陽修

雨之害物多矣而城者神之所職不敢及佗請言城役

用民之力六萬九千工食民之米一千五百石衆力方作雨則止之城功既成雨又壞之敢問雨者於神誰尸吏能知人不能知雨惟神有靈可與雨語吏竭其力神祐以靈各供其職無媿斯民

祈雨祭漢高皇帝文

歐陽修

吏有常職來官于滁者不三四歲而易也神食于此無窮已也神與吏於滁人孰親且久孰宜愛其人之深也滁人敢慢其吏而犯吏法者有矣未聞有敢慢神而犯威

欽定四庫全書

卷一百三十五

靈也其畏信勤事於吏孰若畏信勤事於神也吏於凡小事猶皆動有法令約束違則有罰孰若神之變化不測而能與民轉災為福也吏朝夕拜禱彌旬越月而無所感動神之名呼風雲開闔陰陽而後使鬼物頃刻之間也今民田待雨急矣吏知人力不能為猶竭其力而不得已况神之易為也况滁人畏信勤事之久而親神宜愛之而又有可以轉災為福變化不測之能也吏誰敢與神較而修輒以此為贊者蓋哀民之急辭也其政

不善而召災旱又以為贖神宜降殃于修而賜民以雨使賞罰並行而兩得也民之幸也修之願也

北岳祈雪文 宋祁

自冬無雪大寒不效宿麥枯槁涉春之仲土債凍泮天極愈高暖氣蚕來厲鬼挾疫以中齊人寒咳僵作赭埃蒙田未耜弗施夫家愁嘆疾首無訴並待饑虛臣荷二千石印綬克長此邦部九州軍地幅員千里民有不獲匪臣孰問臨政不敏御下弗明事神不虔怨詛騰布為疾為旱職臣所召向者已遣府從事投訴祠闕冀蒙嘉生而涉月跨歲大和閑鬱終風連朝雲合輒披臣日者自省不知所救惟身多罪蔽暗懦愚非帝所赦不敢逃誅斯民何辜罹此亢厄孩耋相持驅就困窮有仁如帝而不垂閔側聞古諸侯祭境內山川以山川能出雲為風雨見怪物福庇其下而血食之自侯以降養犧儲醪跪伏進薦或禴或嘗不敢有貳以為之主也惟帝所主乃州之望何材不取何變不儲然則蓄而泄之沛潤

千里振洗惔焚奮張葉牙滋液流浸啟脩有年是岳所以主而州所以為望也人能事神神能庇人方窮而訴必見哀情物薄請豐所持至誠

祭左丘明文 黃晞

噫嘻嗚呼天地何私鍾材特殊胸羅萬象器函八隅堯形舜骨禹步湯趨巍巍左丘千古德孤周辱魯憐玉石混沌何王何侯何主何奴鬼哭朝陽狐巢國都丁艱憤辰閉目涕裾捉簡磨鉛申杼跔跔仲尼經之神居緇諸百王千法電熠霞鋪浮忠暴孝竄姦疎諛弗官而賞弗斧而誅雲龍謫詭麟鳳怡愉星紀二十鱗如燦如後俗荒醉履捷迷途跬步咫尺荆棘扶疎鄒夾公穀不式不謨侵官盜位犯禁惟韋捐白為赤驚聲駭愚太陽無色殘燈有餘惟聖作古降聖冀區四子於是折言厚誣仲舒劉向習異牽拘病在膏髓徒信皮膚有漢後葉方漏本書子駿元凱怒氣虹舒赤地申力橫流展圖大年倏臻平原固虞漂然千祀清風襲予時移事遠迷終反初

陸淳啖趙信吠空虛黃踵成習夸紫亂朱方孩躑躅作
氣趺趺骨幹葱弱吻齦乳濡張脣哆齒响嘈囁嚅狂聖
殊厲齊鏞並驅蚓口蟬腹性稟只且張皇受納毫芒碎
銖孰先而師孰後而徒更唱迭和唵宣嚙吁噫嘻嗚呼
有槩者子食母含腴有槩之士為儒賊儒古人有法碩
爾之軀少宰司寇木偶屍蛆折劙尺鐵土蝕階除旁徨
觀者血迸睛枯歲次庚寅假道曹墟秀嶺參天苦霧冥
紓宿寐晷刻肝殫冥符驚醒感嗟肅齋造祠酌水投文
宋文鑑

欽定四庫全書

卷一百三十五

五

噫嘻嗚呼

祭馬當山上水府文

呂 誨

欽定四庫全書

卷一百三十五

六

晉陽舟次于是適值風濤幾為淪溺三日未霽故具牢
醴禱訴所誠神其監焉

諸廟謝雨文

曾 輓

欽定四庫全書

卷一百三十五

七

吏之罪大矣一切從事於謹繩墨督賦役而已民之所
欲不能與所惡不能去自怨以竊食不知其可媿安能
使陰陽和風雨時乎故若輩者任職於外六年於茲而
無歲不勤於請雨賴天之仁鬼神之靈閔人之窮輒賜
甘澤以救大旱吏知其幸而已其為酒醴牲饗以報神
之賜曷敢不虔維神尚終惠之使永有年則神亦無窮
傾覆固其宜矣至若艤尾相衝率鍾致石遠奉公上固
有期會豈得已者又况忠臣義士忘軀報國一言忤時

謫斥萬里雖葬於魚腹未厭仇人之欲與夫徇福誠異
趣爾意天地設險阻舟檝濟不通皆有所謂神據險阻
受國封爵濟物利人福善禍淫乃其職爾今狂蛟肆怒
乘風鼓浪恣其覆沒阽危若是果威靈不能制耶彼安
濟者皆其幸耶誨六年中再得罪沿泝上下者四移麾
晉陽舟次于是適值風濤幾為淪溺三日未霽故具牢
醴禱訴所誠神其監焉

諸廟謝雨文

曾 輩

欽定四庫全書

卷一百三十五

八

吏之罪大矣一切從事於謹繩墨督賦役而已民之所
欲不能與所惡不能去自怨以竊食不知其可媿安能
使陰陽和風雨時乎故若輩者任職於外六年於茲而
無歲不勤於請雨賴天之仁鬼神之靈閔人之窮輒賜
甘澤以救大旱吏知其幸而已其為酒醴牲饗以報神
之賜曷敢不虔維神尚終惠之使永有年則神亦無窮
傾覆固其宜矣至若艤尾相衝率鍾致石遠奉公上固
有期會豈得已者又况忠臣義士忘軀報國一言忤時

福州鱠溪禱雨文

曾 輩

嗟呼旱也誰則為之茫茫之稼將槁而萎嗷嗷之衆曷望而依為閩屬者寇賊之罹逮其既附我士已疲餘餽成羣百十睢睢跳踉出沒負力乘轂亦有為渠諸偷所推相望碁布未受牽羈室家莫寧遠近並疑我畜以柔亦震以威從有法賞不從係繫或擾而序或就繩轍逮歲朔易盪定無遺山林夜行笑語追隨吾人即安含糗而嬉士馬亦奮桓桓騤騤天子聖德海邦是綏維此海邦初亦艱饑今宇寧矣師征始歸今食足矣廩實尚微

若歲大熟如梁如茨如京如坻自公及私獄無訟繫里無盜闖式于永世方始在茲今此大田既碩而齊俾不卒成就忍為斯神有靈蹟國人所祇神有顯號天子所躋萎能起之槁能澤之胡寧有餘歛而不施我用卜日蚤駕以馳即告潭側尚其聽之攘除驕陽騰雲彊霓播為甘液霑灑淋漓俾農有秋百物具宜熙偷與爭長置刑笞人於報事豈有斂思

始定時薦告廟文

張載

大獮獲禽必有指縱之自豐年高廩孰知耘耔之勞悰

蘇軾

用四時分至之日舉行常儀然尚懼採擇之未明末俗之易駭或財用不足或時不得為未免雜用亵味燕器參從近事遽爾變創要之所安恭惟考妣恩明尚賜矜享間有未盡仍幸稍益改修方歲之初不敢不告惟賜鑒諒幸甚

生擒西蕃果莊奏告永裕陵祝文

蘇軾

自周衰禮壞秦暴學滅天下不知鬼神之誠繼孝之厚致喪祭失節報享失虔狃尚浮圖可耻之為雜信流俗無稽之論世代寢久習為厥常載私淑祖考遺訓聖賢圖書歲心月慙朝憤夕惕比用瞻拜愧汗不容自安竊自去秋以來稍罷無謂節名閭閻俗具一用拜朔之辰移就新薦然而四時正祀尚未講修禮謂士有田則祭無田則薦祭用四孟薦用仲月載於秩命乃視天子中士當用四仲擇日申薦成禮故議自今春二月為始決

憲西戎古稱右臂自嘉祐末摩正擾邊至熙寧中棟
燭方命於赫聖考恭行天誅非貪尺寸之疆益為民除
蟲賊遂建長久之策不以賊遺子孫而西蕃大首領果

莊首犯南川壯連拓拔申命諸將擇利而行旋聞偏師
無往不克吏士用命爭酬未報之恩聖靈在天難逃不
漏之網已於八月戊戌生擒果莊頡利成擒初無渭水
之耻郢支授首聊報谷吉之冤謹當推本聖心益修戎

略務在服近而來遠期於偃革以息民仰冀威神曲垂

昭鑒

禱雨社稷四首

蘇軾

噫我侯社我民所恃祭于北墉谷陰之義陽亢不反自
春徂秋迄冬不雨嗣歲之憂吏民嗷嗷謹以病告錫之

雨雪民敢無報

社神

神食于社蓋數千年更歷聖王訖莫能遷源深流遠愛
民宜厚雨不時應亦神之疚社稷惟神我神惟人去我
不遠宜軫我民

后土

農民所病春夏之際舊穀告窮新穀未穟其間有麥如
喝得涼如行千里弛擔得漿今神何心茲此雨雪敢求
其他尚憫此麥 稷神

惟神之生稼穡是力瘞身為神尚莫顧惜矧今在天與
天同功名呼風雲孰敢不從豈惟農田井竭無水我求
於神亦云亟矣 后稷

祭戰馬文

路振

咸平中契丹犯高陽關執大將康保裔略河朔而去天

子幸魏遣特將王榮以五千騎追之榮無將材但能走
馬以馳射為事受命惟怯數日不敢行伺賊渡河而後
發賊有剽淄齊者數千騎尚屯泥沽榮不欲見敵遂以其騎略界河南岸而還晝夜急馳馬不秣而道斃者十
有四五天子憫之遣使收瘞焉因作祭文曰房駒之精

降為驪驛泉水呀風流沙激庭虎脊孤聳龍媒鶩併丹
髦曉霞的願秋星茀方著幹宜乘旋鷹峴臚角起方背
珠明爾其絕塞草荒八月墮霜毛絳蹄趼筋舒脉張獸

惡恐噬虬綈欲驥噴沙散沫千里飛雪戎人負紂武士

索鐵前遮後突雷動地裂忽挽一而制百終伏撾而授
綏戎官劬劬歲入券書蹄跡繢繢通乎鬼驅名駒大駢

銜尾入塞勞其齒長節以驛僕錦吳縉積如丘陵馬

歸於我也重幣入於彼也輕於是絡黃金之羈浴天池
之波鼓龍雲衢弄影星河或踶而齧或鱗而叱虛奮申
禁駔駿何多帝念神物來經遠道閱之于內殿養之于

外阜飲以玉池秣之瑤草窮冬虜塵入我河濱羽書宵

欽定四庫全書

宋文鑑
卷一百三十五

土

飛龍馭北巡選仗下之名馬屬閩外之武臣碉戈電燭
禁旅星防授以長策帥以全軍將士怒兮山可擘猛馬
哮兮虎可咋向嘵喑之無勇反遷延而避敵冰霜淒淒
介甲而馳不飲不秣載渴載饑駿馬餒死行人嗟咨委
天骨於衢路返星精於雲霧報主恩之無及齊戎力而
何悞生芻致祭敝帷成禮座于崇岡全爾全體馬如有
神知帝之仁嗚呼

謚議

贈尚書右僕射孫奭謚議

宋祁

博士宋祁議曰僕射清明莊重體柔而用健暢和吸精
儲為英華在布衣常帶有深沈不器之韻緩玦彈冠賓
于王門是時宋興四十餘歲天子上文嚮學開太平之
原薪槱髦士克布臺閣而未有卓然以儒名家僕射由
經生博貫前載乃以詩之多識書之知達易之肆而隱
倡始執據聖道洮汰羣疑斗杓所建遂成寒暑玲瓏所

欽定四庫全書

宋文鑑
卷一百三十五

三

觸自然宮徵歷官上庠居為時宗既而籍內禁閣踐諫
省駁曹之任入進其說出詭其辭批鱗罔憚職袞無闕
在蹇王臣匪躬在說命朝夕納誨惟僕射舉之愛莫助
之屬今上濬明厥初物色舊老實膺丹書之間進對華
光之塗用階告猷式克隣聖栢榮稽古寬中眇論惟僕
射有之是以似之及宸幄歸道安車稅駕天文褒餞錢士
倫嗟挹仰者而父以歿元身大君廢朝行路相弔聘布
所須一出長府密章加等昭飭下泉信乎令終之高顯

大雅之明哲矣謹按謚法體和居中善問周達曰宣如
僕射處躬彌冲在醜忘競不居物累不為盜憎其讓如
范宣其慎如子孺能體和矣內治家事外施邦政接士
無貌言祝神無媿辭協用通介時其進退能居中矣行
成東修節貫華皓終以碩望顯升師臣其所薦士皆足
以經哲秉猷敷貢皇極遜遠時譽常如不及以年得謝
嚮考終之福生平素守鮮如晨葩信善問矣建白紬次
百餘篇傳經見義質聖行遠藏于冊府副在家楹推明
則董仲舒博洽則劉向其周達矣節惠知行請謚曰宣
謹議

張忠定謚議

劉 故

太常禮院謚故禮部尚書張公曰忠定太子中允直集
賢院同判吏部尚書曹劉敬覆議曰尚書布衣之時任
俠自喜破產以奉賓客而借軀報仇往往過直及讀書
為文折節受學則與厲明白務求道真至於策名試吏
倣儻奮發思自見於世不令已失時蓋有古賢之風而

神宗聖考知人善任使每盡其用雖專斷於外而上不
疑此其所以感激慷慨能成功名者也夫英偉卓犖之
人固自負其材可以意氣忠信結而不可以祿位貨利
取也尚書再在蜀及佗臨泣皆朝廷所倚重或兵荒之
餘而言聽計從德澤下流民到于今稱之益君之圖任
一則士之報施重不其然歟自宋興以來且百年言治
者甚衆其直已以事上盡心以撫下生有榮名死有遺
愛者尚書殆無與並焉末年以疾害於朝謁不至大位
士君子以為恨今主上甄德念功使有司追賜之謚而
曰庶方公正安大慮竊以謂無間然矣請從博士之論
以克太史之錄謹議

趙僖質謚議

劉 故

議曰春秋之議視遠物者見其形不見其容聽遠聲者
聞其疾不聞其舒此褒貶之審也少傳公歷事三朝嘗
列四輔謀謨之益施為之效蓋多有矣然而入則極論
出則詭詞是以人無聞焉雖推美讓德大臣之宜亦其

天性恭慎然也今太常易名謂之僖質稽類揣稱竊以

為允謹議

陳執中謚榮靈議

韓維

執中幸得以公卿子遭世承平因緣一時之言遂至貴顯皇祐之末天子以後宮之喪問所以葬祭之禮執中位為上相不能總率羣司考正儀典以承答天問至治喪皇儀非嬪御之禮追冊位號於宮闈有嫌建廟用樂踰祖宗舊制執中白而行之曾不愧憚遂使聖朝大典

者非禮之舉此不忠之大者閨門之內禮分不明夫人正室疎薄自紕庶妾賤人悍逸不制醜聲流布行路共知此又治家無足言者夫宰相所當秉道率禮以弼天子正身齊家以儀百官執中不務出此而方杜門深居謝絕賓客曰我無私也我不黨也豈不陋哉謹按謚法寵祿光大曰榮不勤成名曰靈執中出入將相以一品就第可謂寵祿光大矣得位行政不為不達死之日賢士大夫無述焉可謂不勤成名矣請合一法謚曰榮靈

歐陽文忠公謚議

李清臣

太子太師歐陽公歸老于其家以疾不起將葬行狀上尚書省移太常請謚太常合議曰公維聖宋賢臣一世學者之所師法明于道德見于文章究覽六經羣史諸子百氏馳騁貫穿述作數千百萬言以傳先王之遺意斯文卓然自成一家比司馬遷楊雄韓愈無所不及而有過之者方天下溺於末習為章句聲律之時聞公之風一變為古文咸知趨尚根本使朝廷文明不愧於三代漢唐者太師之功于教化治道為最多如太師真可謂文矣博士李清臣得其議則閱讀行狀考按謚法曰唐韓愈李翹權德輿孫逖本朝楊億皆謚文太師固宜以文謚吏持衆議白太常官長有曰文則信然不可易也然公平生好諫爭當加獻為文獻無已則忠為文忠衆相視曰其如何則又合議曰文獻疊犯廟謚固不可忠亦太師之大節太師常參天下政事進言仁宗乞早下詔立皇子使有名分以安人心及英宗繼體全

上即皇帝位兩預定策謀有安社稷功和裕內外周旋
兩宮間迄于英宗之視政益太師天性正直心誠洞達
明白無所欺隱不肯曲意順俗以自求便安好論列是
非分別賢不肖不避人之怨謗狃疾亡身履危以為朝
廷立事按謚法道德博聞曰文廉方公正曰忠今加忠
以麗文宜為當衆以狀授清臣為謚議清臣曰不改於
文而傳之以忠議者之盡也清臣其敢不從遂謚文忠
謹議

范忠宣公謚議

鄧忠臣

伏惟太常寺定開府儀同三司范純仁謚議如前議曰
謚法云慮國忘家曰忠善問周達曰宣古之慮國忘家
者固嘗有焉兼之善問周達者蓋亦鮮矣全是二美得
之純仁太常既易其名博士又為之議移文覆訂屬於
考功忠臣按純仁為大臣之子布被脫粟而不以為非
都上公之司袞衣繡裳而不以為泰要終原始考實求
聲厯事五朝堅持一節厚同宗之族猶葛槩之庇本根

見慢上之人如鷹鶴之逐鳥雀凡言責與官守皆諫行
而計從讜論嘉謀確乎其不拔令名廣譽闇然而日彰
在猷畝未嘗忘君思饑溺不獲由已作尚書解以進如
宋璟之為元龜抗濮園議以聞如師丹之為黃耆臨公
家之利知無不為得小大之情矜而不喜每思捐身而
開策所願休兵而息民祇知扶危而濟傾寧恤跋前而
棄後文有黃裳之吉而內美言無白圭之玷而外華頃
緣秉鈞適丁連茹方讒言亂國而明蔡確之無實消姦
黨投名而謂大防之可原當衆人莫敢言之時在偏州
無所用之地義形於色憤發至誠非止救當時正人端
士之織羅直欲戒後世亂臣賊子之迷罔徇公忘己為
國惜賢興言嗟嘆使人於邑父母之國有時而去股肱
之義於是或虧放之江湖忽如草芥紓蘭澤畔更甚屈
原之忠占鵬坐隅已分賈生之死惟天知善惟君知臣
適訪落之初年誦圖舊之新政側席南望而決浮雲之
救擁節東歸而詠零雨其濛公望益隆恩數彌渥法座

想見其風采詔書相望於道途欲入覲則未能願養疾

者益懇改元三日以不起聞天子於是震悼輶朝贈贈

加等告其第開府儀同三司之府表其墓賜世濟忠直

之碑人臣哀榮無以尚此古學有訓阿衡詎專美乎商

君違不忘臧孫將有後於魯古之遺直今也則亡謚曰

忠宣於義為允

欽定四庫全書
宋文鑑卷一百三十六

宋呂祖謙編

行狀

馮侍講行狀

宋祁

馮元字道宗年六十三公之先始平人四代祖官廣州唐末關輔亂不敢歸而劉氏據南海僑斷士人故三世食其祿太祖定廣公之禰本劉氏日御國除始為王官授保章正老病免遂占數都內公少嗜學保章君不欲公疇其業使從故僕射孫宣公授五經大義又友博士崔頤正逮冠彊立博覽外嘵嘵若不足中敏力甚自經典故訓祖襲師承穿穴筵楹皆能駕其說浸弄翰為詞章默而有沉鬱之思出入服袞衣習矩步如大賓祭鄉人化其謹至以俚語諺之不妄交游惟樂安孫質吳陸參譙夏侯圭相友善三人皆直諒而材故號四友家貧盛冬無薪燎夜輒市瓶酒與圭對經研推一再酌以自溫或達旦不瞑真宗大中祥符元年由進士調臨江縣

尉再著罷會講員缺詔冬集吏能明經得自言試可公
往應令時諫議大夫謝泌領選精果有風鑒見公儒者
嘻笑曰吾聞古治一經至皓首生能盡善也邪對曰達
者一以貫之可矣謝奇其對因抉經義疑晦者廷問參
詰公條陳詳詣言簡氣愿謝抵掌嗟伏即日聞上授國
子監直講由是名震京師公卿大夫家爭欲屈公授道
者久之遷廷尉平又薦崇文院檢討其八年程覆俊選
公待詔殿中帝讀易至泰卦命說其義公既道繇象云
欽定四庫全書
宋文鑑
卷一百三十六
二

云因本君臣感會所以輔相財成者帝悅賜五品服稍
親近之禁中建龍圖閣度藏祕冊置學士待制等員為
縉紳譽處時用尚書工部郎中李虛己兵部員外郎李
升為直學士兼侍講未幾孫宣公亦入露門執經遞進
公得孫同列以為寵孫得公亦自以知人為多兩人提
衡諷道上益嚮學俄兼會靈觀副使知通進銀臺司兼
門下封駁事天聖元年判登聞檢院明年判國子監三
年改禮部郎中五年同知貢舉時天下偕計參陪公協
力程綜片善必錄雖鈞挫臬平不計其公未幾正為學
士當是時天子念先帝盛烈裁績信書為一王吉故貳
太常丞兼判禮院吏部南曹先是今上在儲闈帝欲得

卿中山劉公筠今資政殿學士常山宋公綏丞相穎川
陳公同領史事而已丞相為開封府浩穰劇三輔乃罷
史官諸公亟以公請詔從之書閱兩朝論次筆削者衆
至是褒懲謹嚴近古風烈矣其十一月燎祭南郊為鹵
簿使七年召入翰林為學士凡三禁職皆天下選而公
兼有且優為之又判尚書都省俄為三班院歲餘改吏
部郎中八年以國書成進諫議大夫克史館修撰九年
為吏部流內銓兼羣牧使明道元年十月既考室謝享
欽定四庫全書

卷一百三十六

四

宗廟又為鹵簿使以赦令例遷給事中明年耕籍田使
任如廟禮俄為莊獻莊懿二太后園陵鹵簿使前此莊
懿之未祔也壘都城右郊公嘗假鴻臚護其葬及憞宮
之遷斥士沮濕近戚詆公監視亡狀十月解翰林學士
及侍講二職出守河陽辭得見上但頰首引咎自請治
郡滿三年奉計以報會太學官屬叩丞相府上書留公
柄臣悔欲弗遣公固願行到部以清靜稱不作條教令
左僕射王沂公自洛師入覲為上言馮某東朝雋老不

宜以纖介棄外上亦意合即日馳傳詔公景祐二年春
二月至日自河陽改禮部侍郎兼翰林侍講學士兼知
審官院復判太常禮院國子監公既還朝自以羽翼舊
人身託勸誦宜出入諷議不苟默而已乃獻金華五箴
弼違告猷詞兼婉切上納其戒優詔荅之會上留意雅
樂閔經文殘缺規創大典夏四月詔公領修樂書俄復
為南郊鹵簿使管祥源觀事明年七月書成上號其書
為景祐廣樂記特遷戶部賞勞也公素有躊躇不堪趨
欽定四庫全書

卷一百三十六

五

拜四年春病寢劇告未滿三月會小瘳公自力造朝未
幾病復甚氣上逕害言語後四月戊戌終於正寢上聞
訃震悼以本曹尚書告其柩賄錢三十萬絹百匹醪米
牢具稱之愍賙之所以優加君臣之際深矣公之配夫
人周氏封臨汝郡無息以兄之子大理評事諫為嗣公
歿夫人命諫以衰絰即次於殯東會詔到門問公親
屬夫人即表公遺命詔可擢諫衛尉寺丞諫子二人釋
褐並為將作監主簿卽厚忠之恩乃如是是其德已

侈大哉公自褫巾至捐館進階及勲各六詔爵五封戶
五加而再實其食如今署焉志閑素恬於仕進無表襪
之飾雖當路諸公率賀弔一與衆往異時不造也門無
雜賓惟經生朔望承問及縉紳道義交數人而已接士
以禮雖新進後生與之處終日談便便惟謹無戲言隋
色是以受詔八主戎客於都亭館由慎恪以得之不呼
僧及道士嘗執親喪自括髮至祥練皆案禮變服未始
為世之所為齋薦者惟卒哭後遇祭日與數門生誦說

孝經而已罕語浮屠氏亦不訟言排訾之熏蒿禳禊可
以動氣燭者皆不動近不問家產增損晝治官事夜還
讀書督御亦簡其面故能多識博練自臺閣文書故新
品式叢夥紛龐有所咨訪者咸能記之太學禁閣容巨
三局閱二十年仍其任本不愆不忘故也尤精易及揚
雄方部學初公七歲母夫人令授易是夕夢公吞紺蓮
夫人旦而撫公曰兒善讀此後必貴顯真宗果以識拔
晚年愈刻志率三日一讀又欲為子雲諸首作章句且

患宋衷陸積范叔明宋惟幹漫漶舛駛思盡黜之最後
得唐王涯註以為差近先作釋文一篇欲遂因王說而
補正之亦終不果公嘗預注先帝集同修鹵簿記拔後
漢志孟子及律并義疏采獲是正多得其真同修玉牒
分撰國朝會要未克就生平著述無編次家人搜擣得
數百篇清緻平粹及在禁署益爾雅務為溫純而采加
焉居三城作詩百餘章推已指物曠而不怨有雅人餘
風性寬厚多恕當官下未嘗以罪平鐫吏吏亦畏其明
而安其仁樂道人之善好與人為善每議事不肯自意
出大者薦之二府小者與其屬聯請類多不可紀公一
無建白者其遠名若此然內剛有守不流於衆初善音
者取上黨黍縱累為尺因裁十二律以獻遂改大樂鍾
石以合其私老師宿工者首鼠不敢議後有建言其非
者上未有以決遣中人即太常下舍問公新樂以縱黍
定尺寧有非邪公即擿班固律歷志唐令兩說付中人
因對古者橫黍度寸今以縱亂橫其法非是中人馳入

明日上坐邇英閣語公曰向考正大樂患其寢高而急今也下而緩二者不得其中失在律卿言是矣因出橫

忝新尺示羣臣比縱尺差二寸一分而弱以校衡斗皆

不讐當是時徵公言幾無發其謬者假有之果且不能取信於上傳曰仁人之言固博而利歟公前歿三日屬于一二僚執曰吾仕願素足今無一私以干縣官惟是窀穸累諸君已而得遺禮之文諄諄納忠訖無它語用是中外尤痛惜之公友隴西李公淑敕故吏相讓以終

欽定四庫全書

卷一百三十六

八

事嗚呼公有佐王之材不自顯雖持囊珥筆在省戶為名命訓辭所出裁十二三使公當其時而稍自崖異不難於進益發素蘊幸而十四五次入衡弼不為婆娑連蹇如今章章矣雖然命有屈於公公無不慊於道使素槧清埃奮厲無窮薄夫敦夸夫懼百世之後呻簡想風者以輩魯臧文仲漢賈誼董仲舒此彼相易寧有失得間邪某曩以胄筵儀絕刊綴音典皆為公屬及此緒訓又參聞之故公治行之全頗復詳究今日月有期矣官

在三品法當得謚謹用第述上於有司節聽受名請導故實謹狀

張文定公行狀

宋祁

張詠字復之年七十惟公稟尊嚴之氣凝隱正之量粵在霸貫不偕兒曹嶷然志嚮高自標置就外傳即覽羣經書必味於義根學乃知於言選家貧無以本業往往手疏墳史每有屬綴輒据庭樹槁枝而瞑苟不終篇未嘗就舍牒若多節默表大厦之材居然晚器弗示良

欽定四庫全書

卷一百三十六

九

工之朴太原王搏名知人見公懼然異之獨謂公曰唐魏文公本生此鄉故老有言後五百年復出一佳士元精回復祭酒當之矣公謝不敢當興國四年始游鄆下與故上谷寇公準推轂引重時屬鄉里命秀方國試言府將雅欽公名議為舉首夙儒張覃者悃愞有行疏略少文公即以檄謁府盛稱其長覃於是得薦公為之也彙茅有吉爵砥祖先讓夷之風一變河朔明年進士及第補大理評事知鄂州崇陽尤厲風迹大江之南民裕文

救囚以手而上下獄為人而重輕公廉知其狀痛絕以
法精力於職撻伏如神洗其鋟薄鎮之忠厚吏樂其職
多一笑而歸休民協攸居或減年而從役就改將作監
丞著作佐郎解秩授太子中允閩掌麟州軍事夏臺弗
靖西戎方強公繕起亭鄣精明塗火坐贊叔敖秉羽之
榮多參嫖姚穿士之樂伐謀取勝西鄙以安瑞拱紀元
天因躬籍轉祕書丞明年充禮部考試官已事復倅相
州一懼之年始為親解百斤之牘終以懇辭乞董濮上

市征以便迎養詔可其奏月餘召賜五品服知浚儀縣
俄為荆湖北路轉運使事不諉上世咨其清効罷太守
姦贓疲壞者十數人悉條所部廢格於敝者百餘事稜
威所振吏皆股弁廉察使上其理狀璽書褒美三年遷
太常為郎中再旬乘驛赴覲加錫金紫翌日遷虞部為
郎中再旬授樞密直學士賜錢五十萬判銀臺承進司
門下封駁事兼三班院河東大將張永德小校犯法因
笞而死詔按其罪公即封還制書白上曰永德為國牙

爪居天下勁兵處若以一部曲椎辱王帥臣恐有輕上
之心不納因不闢銀臺而下書誰讓未幾果有營兵脅
訟軍候者公復爭前事上輒優容謝之會賊順緣間坤
維搖亂偏師數萬鼓行而西太宗以為演池羨赤子之
兵荆棘生大軍之後疇咨上輒崇簡守臣參豫武功蘇
易簡白上曰某甫可屬大事當一面若奉將威命降諭
劇賊陛下高枕永無西顧之憂矣乃命公知益州揆日
占謝賜白金一百四十斤鴻卿出郊不復內御子顏引
道初無辨嚴朝家方以大師未集留之半歲公潛薄所
賜上還長府其秋遂詔赴部公終不復言至道二年改
兵部猶為郎中會丁新昌郡太夫人之喪恩詔奪服陽
秋之義不以家事為辭禮經所執亦推順變之人真考
嗣歷邇臣均需即拜諫議大夫歸朝遷給事中戶部使
七旬拜御史丞咸平二年知貢舉杜絕書謁時稱得人
夏改工部侍郎知杭州五年移京兆明年轉刑部復為
樞密直學士再知益州尋加吏部猶為侍郎景德三年

罷歸領三班登聞檢院奉朝請先時生瘍於腦至是弗
損家第賜告環中造適移狀言上酷請外藩尋知金陵
兼江南安撫使岱宗成禮改尚書左丞昇人以秩滿願
留即拜工部汾涇飲至又進禮部皆為尚書疾劇還臺
求訪高手荐剡需頭之奏願遂角巾之游魏舒之先行
後言人無知其去位平津之何恙不已詔益勉於存神
猗遙半年必於得謝上不獲已出公知陳州以大中祥
符八年八月一日遂終於里下享年七十嗚呼景命弗
欽定四庫全書
宋文鑑
卷一百三十六

綽曰紳咸以忠厚世其家公階至正奉大夫勲上柱國
爵開國公食封三千七百戶實戶四伯其大較也公姿
宇爽邁謀謨沉敏道駕俗表氣龍霄極任節俠已然諾
不究不櫛如玉如瑩修詞立誠博見強志鄙書兼兩賓
蓋成陰佐郡被邊遭時右武入蟬封而試馬回策若榮
張狸步以射侯捨矢如破總物纖密絕人遠甚及夫司
封駁則詳言粹儀有任隗之沈正總臺憲則摧奸觸佞
有傳咸之剛簡治益部也宿師屯結縣官乏食掾史搏
欽定四庫全書
宋文鑑
卷一百三十六

究宗工具萎知仁均哀殲我何贖邦人改祠而為諱道
路舉音以過喪真宗聞訃震嗟追贈尚書左僕射以天
禧四年十一月二十七日權窆於陳州宛丘縣孝悌鄉
謝村焉從宜也公始娶夫人唐氏卒繼室以太原郡夫
人王氏即河陽節度使顯之女允執婦道以佐君子後
公三年而歿子從質以父任累遷至衛尉丞居公之喪
一月以毀而夭女一人適故內相王公禹偁子嘉佑母
弟詵以公延賞今為虞部員外郎孫四人曰約曰綜曰

日東向以報目見朝廷舉萬年之觴豈不快耶若猶老
師逸囚疲民曠日即此地還為汝死處也正由此車行
深入詭道魚進殊死鏖戰盡俘凱旋公乃出車勞勤撻
金大會以次論獲先命行賞皆伏公氣決不敢迎視繼
恩帳下卒縋城夜逸吏執以告公惡與繼恩不叶即命
執系投眢井一府無知者先時劫掠之際誣染尤衆脅從
有狀歸訴無階各保營壁共懷猜貳公以為鹿不擇陰
既亡生路虫入其腹懼益厲階亟下符移鶴說魁宿宥

其枝黨縱歸田里譬以大恩訖無敢桀及再任也屬六
羸南牧靈旗薄伐公慮遠夷為變欲出奇以勝之因取
盜賊之尤無狀者磔死於市凜然人望遂臻靖嘉每吏
牘便文久不得判公率爾署決人皆厭伏罰既值罪案
無瘦情蜀中喜事者論次其詞總為誠民集鏤墨傳布
雖張敵之為京兆時時越法縱舍黃霸之守賴川人人
咸知上意無以過之牧餘杭也遘民薦饑方蜡不啟稻
解無種原因若藝民挾鹽利以冒公禁者日數百輩公

一切咎遣不徇彞法遷戍人啟曰法亂如是人將安禁
公勞之曰餘杭十萬戶饑者七八弗挾鹽利無復生意
若暴禁之彼將圜視衡擊以擾居者則為禍大矣爾曹
第忍之族其歲定則太守復以三尺律從事矣是年雖
歎人無從命者富家子與婿分財不協詣府廷辯婿曰
彼先子有貽命婿七子三因出遺札子不能舉其契公
索酒醉地曰彼父智人也當死之日子方沖孺託養於
婿苟子有七分之約則亦死於婿手矣今當七分歸子

三分歸婿於是二人號慟以為神明公之操決率是類
也原其遇二聖也以功名自任故力與命偕顯入座也
以方格見信故言與行危本乎直清貫以忠恕無乞靈
徼福無人非鬼責履重剛不險臨大節不奪葵藿弗采
於猛獸山川寧捨於醉角若夫安世之恨謝公歸之滅
私大有之文明小雅之愷悌公皆兼有其美惜其未極
柄用遽愆腠理上欲為相者數矣天之不憖也悲夫公
雅好著文深切驚邁以不偶俗尚自號乖崖公尤善詩

筆必敷情理故重次薛能詩序之曰放言既奇意在言

外議者以公自道也生平論著仲氏說集之成十卷以行於代內外歸之日無指膺之妾無雜弔之賓終齊事而乃暝取禪書而頌德漢廷諸老恨王駿之不侯天下之人為隴西而流涕斯非遺愛遺直立功立言之極歟敢撫令猷以須臾闕謹狀

謹案第九頁前一行摩正舊作木征今改



總校官庶吉士臣張能照

校對官中書臣范鑒

謄錄監生臣鄒世俊

欽定四庫全書叢要

宋文鑑卷一百三十七 集部

欽定四庫全書叢要卷二萬六十 集部

宋文鑑卷一百三十七 宋呂祖謙編

行狀

司馬溫公行狀

蘓 軾

曾祖政贈太子太保曾祖母薛氏贈溫國太夫人祖炫
試祕書省校書郎知耀州富平縣事贈太子太傅祖母
皇甫氏贈溫國太夫人父池尚書吏部郎中克天章閣
待制贈太師追封溫國公母聶氏贈溫國太夫人公諱

欽定四庫全書

卷一百三十七

光字君實其先河內人晉安平獻王孚之後王之裔孫
征東大將軍陽始葬今陝州夏縣涑水鄉子孫因家焉
自高祖曾祖皆以五代衰亂不仕富平府君始舉進士
沒於縣令皆以氣節聞於鄉里而天章公以文學行義
事真宗仁宗為轉運使御史知雜事三司副使歷知鳳
翔河中同杭虢晉六州以清直仁厚聞於天下號稱一
時名臣公自兒童凜然如成人七歲聞講左氏春秋大
愛之退為家人講即了其大義自是手不釋書至不知

詳校官候選知縣臣吳旬華

饑渴寒暑年十五書無所不通文詞醇深有西漢風天
章公當任子次及公公推與二從兄然後受補郊社齋
郎再奏將作監主簿年二十舉進士甲科改奉禮郎以
天章公在杭辭所遷官求簽書蘇州判官事以便親許
之未上丁太夫人憂未除丁天章公憂執喪累年毀瘠
如禮服除簽書武成軍判官事改大理評事為國子直
講遷本寺丞故相龐籍名知人始與天章公遊見公而
奇之及為樞密副使薦公召試館閣校勘同知太常禮
院中官麥允言死詔以允言有軍功特給鹵簿公言孔
子不以名器假人繁縟以朝且猶不可允言近習之臣
非有元勲大勞而贈以三公之官給以一品鹵簿其為
繁縟不亦大乎故相夏竦卒詔賜謚文正公言謚之美
書乞獨坐其事不報籍初不以此望公而公深以自咎
籍既沒升堂拜其妻如母撫其子如昆弟時人兩賢之
改太常博士祠部員外郎直祕閣判吏部南曹遷開封
府推官賜五品服交趾貢異獸謂之麟公言真偽不可
知使其真非自然而至不足為瑞若偽為遠夷笑願厚
賜其使而還其獸因奏賦以諷遷度支員外郎判句院
并州皆辟公通判州事公感籍知已為盡力時趙元昊
始臣河東貧甚官苦貴糴而民疲於遠輸麟州窟野河

西多良田皆故漢地公私雜耕天聖中始禁田河西者
虜乃得稍蠶食其地俯窺麟州為河東夾籍請公按視
公為畫五策宜因州中舊兵益禁兵三千廂兵五百築
二堡河西可便堡外三十里虜不敢田則州西六十里
無虜矣募民有能耕麟州閒田者復其稅役十五年能
耕窟野河西者長復之耕者必衆官雖無所得而糴自
賤可以漸綠河東之民籍移麟州如公言而丘官郭恩
勇且狂夜開城門引千餘人渡河載酒食不為戰備遇
敵死之議者歸罪於籍罷節度使知青州公守闕三上
書乞獨坐其事不報籍初不以此望公而公深以自咎
籍既沒升堂拜其妻如母撫其子如昆弟時人兩賢之
改太常博士祠部員外郎直祕閣判吏部南曹遷開封
府推官賜五品服交趾貢異獸謂之麟公言真偽不可
知使其真非自然而至不足為瑞若偽為遠夷笑願厚
賜其使而還其獸因奏賦以諷遷度支員外郎判句院
并州皆辟公通判州事公感籍知已為盡力時趙元昊
始臣河東貧甚官苦貴糴而民疲於遠輸麟州窟野河

食公言故事食不滿分或京師不見皆賀臣以為日食四方見京師不見天意人君為陰邪所蔽天下皆知而朝廷獨不知其為災當益甚皆不當賀詔從之後遂以為常遷起居舍人同知諫院蘇轍舉直言策入第四等而考官以為不當收公言轍於同科四人中言最切直有愛君憂國之心不可不收時宰相亦以為當黜仁宗不許曰求直言以直棄之天下其謂朕何公遂與諫官王陶同上疏願為宗廟社稷自重郤罷燕飲安養神氣後

宮嬪御進見有度左右小臣賜予有節厚味腊毒無益奉養者皆不宜數御上嘉納之初至和三年仁宗始不豫國嗣未立天下寒心而不敢言惟諫官范鎮首發其議公時為并州通判聞而繼之上疏言禮大宗無子則小宗為之後為之後者為之子也願陛下擇宗室賢者使攝儲貳以待皇嗣之生退居藩服不然則典宿衛戶京邑亦足以係天下之望疏三上其一留中其二付中書公又與鎮書此大事不言則已言一出豈可復反顧

公以死爭之於是鎮言之益力及公為諫官復上疏且面言臣昔為并州通判所上三章願陛下果斷而力行之時仁宗簡默不言雖執政奏事首肯而已聞公言沈思久之曰得非欲選宗室為繼嗣者乎此忠臣之言但人不敢及耳公曰臣言此自謂必死不意陛下開納上曰此何害古今皆有之因令公以所言付中書公曰不可願陛下自以意喻宰相是日公復言江淮鹽事請中書白之宰相韓琦問公今日復何所言公默計此大事

不可不使琦知思所以廣上意者即曰所言宗廟社稷大計也琦喻意不復言後十餘日有旨令公與御史裏行陳洙同詳定行戶利害洙與公屏語曰日者大饗明堂韓公攝太尉洙為監察公從容謂洙曰君與司馬君實善君實近建言立嗣事恨不以所言送中書欲發此議無自發之行戶利害非所以煩公也欲洙見公達此意耳時嘉祐六年閏八月也至九月公復上疏面言臣向者進說陛下欣然無難意謂即行矣今寂無所聞此

必有小人言陛下春秋鼎盛子孫當千億何遽為此不祥之事小人無遠慮特欲倉猝之際援立其所厚善者耳唐自文宗以後立嗣皆出於左右之意至有稱定策國老門生天子者此禍豈可勝言哉上大感悟曰送中書公至中書見琦等曰諸公不及今定議異日夜半禁中出寸紙以某人為嗣天下莫敢違琦等皆唯唯曰敢不盡力後月餘詔英宗判宗正寺固辭不就職明年遂立為皇太子稱疾不入公復上疏言凡人爭絲毫之利至相奪令皇子辭不貲之富至三百餘日不受命其賢

之姑而謙恭率禮天下稱其賢願陛下教予以太宗為法公主事夫以獻穆為法已而公主不安於李氏詔瑞出知衛州公主入居禁中而瑞母楊歸其兄璋散遣其家人公言陛下追念章懿太后故使瑞尚主今乃母子離析家事流落陛下獨無雨露之感悽惻之心乎瑞既責降公主亦不得無罪上感悟詔公主降封沂國待李

氏恩禮不衰判檢院權判國子監除知制誥力辭至八九改授天章閣待制兼侍講賜三品服仍知諫院上疏言經略安撫使以便宜從事出於兵興權制非永世法及將相大臣典州者多以貴倨自恃凌忽轉運使不責降且以臣子大義責皇子宜必入英宗遂受命充國公主下嫁李璫以驕恣聞公上疏言太宗時姚坦為充王翊善有過必諫左右敎王詐疾踰月太宗召王乳母入問起居狀乳母曰王無疾以姚坦故鬱鬱成疾耳太

宗怒曰王年少不知為此汝輩教之杖乳母數十名袒慰勉之齊國獻穆大長公主太宗之子真宗之妹陛下之姑而謙恭率禮天下稱其賢願陛下教予以太宗為法公主事夫以獻穆為法已而公主不安於李氏詔瑞出知衛州公主入居禁中而瑞母楊歸其兄璋散遣其家人公言陛下追念章懿太后故使瑞尚主今乃母子離析家事流落陛下獨無雨露之感悽惻之心乎瑞既責降公主亦不得無罪上感悟詔公主降封沂國待李

矣皆陵遲之漸不可以不正克媛董氏薨追贈婉儀又贈淑妃輶朝成服百官奉慰定謚行冊禮葬給鹵簿公言董氏秩本微病革之日方拜克媛古者婦人無謚近制惟皇后有之鹵簿本以賞軍功未嘗施於婦人惟唐平陽公主有舉兵佐高祖定天下之功乃得給至常庶人始令妃主葬日皆給鼓吹非令典不足法時有司新定後宮封贈法皇后與妃皆贈三代公言別嫌明徵妃不當與后同袞蓋引却慎夫人坐正為此耳天聖親郊

太妃止贈二代而况妃乎知嘉祐八年貢舉仁宗崩英宗以哀毀致疾慈聖光獻太后同聽政公首上疏言章獻明肅太后佑先帝進賢退姦有大功於趙氏特以親用外戚小人故負謗天下今太后初攝大政大臣忠厚如王曾清純如張知白剛正如魯宗道質直如薛奎者當信用之鄙猥如馬季良謠謔如羅崇勳者當疎遠之則天下服又上疏英宗言漢宣帝為昭帝後終不追尊衛太子史皇孫光武起布衣得天下自以為元帝後

亦不追尊鉅鹿都尉南頓君惟哀安桓靈皆自旁親入繼大統追尊其父祖天下非之願以為戒時公所得仁宗遺賜珠金直百餘萬率同列三上章言國有大憂中外窘乏不可專用乾興故事若遺賜不可辭則宜許侍從以上進金錢佐山陵費不許公乃以所得珠為諫院公使金錢以遺其舅氏義不藏於家英宗疾既平皇太后還政公上疏言治身莫先於孝治國莫先於公其言切至皆母子間人所難言者時有司立法皇太后有所

取用有司奏覆得御寶乃供公極論以為不可當直下合同司移所屬立供如上所取已乃具數奏太后以防矯僞曹佾除使相兩府皆遷公言佾無功而得使相陛下以慰母心耳今兩府皆遷無名若以還政為功則宿衛將帥內侍小臣必有覬望已而都知任守忠等皆遷公復爭之因論守忠大姦陛下為皇子非守忠意沮壞大策離間百端賴先帝不聽及陛下嗣位反覆革面交構兩宮國之大賊人之巨蠹乞斬於都市以謝天下

詔以守忠為節度副使蘄州安置天下快之時有詔陝西刺民兵號義勇公上疏極論其害云康定慶歷間籍陝西民為鄉弓手已而刺為保捷指揮民被其毒兵終不可用遇敵先北正兵隨之每致崩潰縣官知其坐食無用汰遣歸農而惰游之人不能復反南畝強者為盜弱者轉死父老至今流涕也今義勇何以異此章六上不從乞罷諫官不許王廣淵除直集賢院公言廣淵姦邪不可近昔漢景帝為太子召上左右飲衛館獨稱疾

不行即帝位待綰有加周世宗鎮澶淵張美為三司吏掌州之錢穀世宗私有求假美悉力應之及即位薄其為人不用今廣淵當仁宗之世私自結於陛下豈忠臣哉願黜之以厲天下執政建言濮安懿王德威位隆宜有尊禮詔太常禮院與兩制議翰林學士王珪等相顧不敢先公獨奮筆立議曰為之後者為之子不敢復顧其私親今日所以宗奉濮安懿王典禮宜一準先朝封贈期親尊屬故事高官大爵極其尊榮議成珪即敕吏

文而不學惟董仲舒揚雄兼之卿有文學何辭焉公曰
臣不能為四六上曰如兩漢制詔可也公曰本朝故事
不可上曰卿能舉進士取高等而云不能四六何也公
超出上遣內臣至閣門彊公受告拜而不受趣公入謝
曰上坐以待公公入至廷中以告置公懷中不得已乃
受遂為御史中丞初中丞王陶論宰相不押常朝班為
不臣宰相不從陶爭之力遂罷公既繼之言宰相不押
班細故也陶言之過然愛禮存羊則不可已自頃宰相
權重今陶復以言宰相罷則中丞不可復為臣願俟宰

奉官以下至內殿崇班則出近歲居此位者皆暗理官
資食其廩給非祖宗本意又故事年未五十不得為內
侍省押班今除張茂則止四十八不可至是又言之因
論高居簡姦邪乞加速竄章五上上為盡罷寄資內臣
居簡亦補外未幾復留陳承禮劉有方二人公復爭之
又言近者王中正往陝西知涇州劉渙等謫事中正而
廊延鉢轄吳舜臣違失其意已而渙等進擢舜臣降黜
權歸中正謗歸陛下是去一居簡得一居簡上手詔問
公所從知公曰臣得之賓客非一人言事之有無惟陛
下知之若無臣不敢避妄言之罪萬一有之不可不察
詔用宮邸直省官郭昭選等四人為閣門祗候公言國
初草創天步尚艱故即位之始必以左右舊人為腹心
耳目謂之隨龍非平日法也閣門祗候在文臣為館職
豈可使廝役為之英宗山陵公為儀仗使賜金五十兩
銀合三百兩三上章辭從之邊吏上言西戎部將嵬名
在英宗時與呂誨同論祖宗之制勾當御藥院常用供
山欲以橫山之衆取諒祚以降詔邊臣招納其衆公上

疏極論以為名山之衆未必能制諒祚幸而勝之滅一
諒祚生一諒祚何利之有若其不勝必引衆歸我不知
何以待之臣恐朝廷不獨失信於諒祚又將失信於名
山矣若名山餘衆尚多還北不可入南不受窮無所歸
必將突據邊城以救其命陛下獨不見侯景之事乎上
不聽遣將種諤發兵迎之取綏州費六十萬萬西方用
兵益自是始矣蕪翰林侍讀學士登州有不成婚婦謀
殺其夫傷而不死者吏疑問即承知州事許遵讞之有
欽定四庫全書

司當婦絞而詔貸之遵上議準律因犯殺傷而自首者
得免所因之罪婦當減二等不當絞詔公與王安石議
之安石是遵議公言謀殺猶故殺也皆一事不可分若謀
為所因與殺為二則故與殺亦可為二邪自宰相文彥
博以下皆附公議然卒用安石言至今天下非之權知
審官院百官上尊號公當答詔上疏言先帝親郊不受
尊號天下莫不稱頌末年有建言者國家與契丹有往
來書信彼有尊號而我獨無以為深恥於是羣臣復以

非時上尊號昔漢文帝時單于自稱天地所生日月所
置匈奴大單于不聞文帝復為大名以加之也願陛下
追用先帝本意不受此名上大悅手詔荅公非卿朕不
聞此言善為荅詞使中外曉然知朕至誠非欺衆邀名
者遂終身不復受尊號執政以河朔災傷國用不足乞
今歲親郊兩府不賜金帛送學士院取旨公言兩府所
賜以匹兩計止二萬不足以救災宜自文臣兩省武臣
宗室刺史以上皆減半公與學士王珪王安石同對公
欽定四庫全書

言救災節用宜自貴近始可聽兩府辭賜安石曰常袞
辭賜饌時議以為袞自知不能當辭位不當辭祿且國
用不足非當今之急務也公曰袞辭祿猶賢於持祿固
位者國用不足真急務安石言非是安石曰不足者以
未得善理財者故也公曰善理財者不過頭會箕歛以
盡民財民窮為盜非國之福安石曰不然善理財者不
加賦而上用足公曰天下安有此理天地所生財貨百
物止有此數不在民則在官譬如雨澤夏澇則秋旱不

加賦而上用足不過設法陰奪民利其害甚於加賦此乃桑弘羊欺漢武帝之言太史公書之以見武帝不明耳至其末年盜賊蜂起幾至於亂若武帝不悔禍昭帝不變法則漢幾亡爭議不已王珪進曰救災節用宜自貴近始司馬光言是也然所費無幾恐傷國體王安石言亦是惟明主裁擇上曰朕意與光同然姑以不允答之會安石當制遂引常袞事責兩府亦不復辭兼史館修撰上問公可為諫官者公薦呂誨誨以天章閣待制

欽定四庫全書

卷一百三十七

宋文鑑

知諫院詔公與張茂則同相視二股河及土堤利害公用都水監丞宋昌言策乞於二股之西置土堤約水東流若東流日深北流自淺新芻漸備乃塞其北放出御河葫蘆河下流以紓恩冀深瀛以西之患時議者多不同公於上前反覆論難甚苦卒從之後皆如公言賜詔獎諭王安石始為政創立制置三司條例司建為青苗助役水利均輸之政置提舉官四十餘員行其法於天下謂之新法公上疏遂陳其利害曰後當如是行之十

欽定四庫全書

卷一百三十七

宋文鑑

變也刑新國用輕典亂國用重典平國用中典是為世輕世重非變也且治天下譬如居室弊則修之非大壞不更造也大壞而更造非得良匠美材不成今二者皆無有臣恐風雨之不庇也公卿侍從皆在此願陛下問之三司使掌天下財不才而黜可也不可使兩府侵其事今為制置三司條例司何也宰相以道佐人主安用例苟用例而已則胥吏足矣今為看詳中書條例司何也惠卿不能對則詆公曰光為侍從何不言言而不從

臣聞作法於涼其弊猶貪作法於貪弊將若之何昔太宗平河東立和糴法時米斗十餘錢草束八錢民樂與官為市其後物貴而和糴不解遂為河東世世患臣恐異日之青苗猶河東之和糴也上曰陝西行之久矣民不以為病公曰臣陝西人也見其病不見其利朝廷初不許也而有司尚能以病民況立法許之乎上曰坐糴糴米何如坐者皆起曰不便上已罷之幸甚上曰未罷也公曰京師有七年之儲而錢常乏若坐倉錢益乏米益陳奈何惠卿曰坐倉得米百萬斛則省東南百萬之漕以其錢供京師何患無錢公曰東南錢荒而米狼戾今不糴米而漕錢棄其有餘取其所無農末皆病矣侍講吳申起曰光言至論也公曰此皆細事不足煩人主但當擇人而任之有功則賞有罪則罰此則陛下職也上曰然文王周攸兼于庶言庶獄庶慎惟有司之牧夫尚能以蠶食下戶至饑寒流離况縣官法度之威乎惠卿曰青苗法願取則與之不願不彊也公曰愚民知取債之利不知還債之害非獨縣官不彊富民亦不彊也

會拜公樞密副使公上章力辭至六七日上誠能罷制置條例司追還提舉官不行青苗助役等法雖不用臣臣受賜多矣不然終不敢受命上遣人謂公樞密兵事也官各有職不當以他事為辭公言臣未受命則猶侍從也於事無不可言者安石起視事青苗法卒不罷公亦卒不受命則以書喻安石三往反開喻苦至猶幸安石之聽而改也且曰巧言令色鮮矣仁彼忠信之士於公當路時雖齟齬可憎後必徐得其力誣訛之人於今

誠有順適之快一旦失勢必有賣公自售者意謂呂惠卿對賓客輒指言之曰覆王氏者必惠卿也小人本以利合勢傾利移何所不至其後六年而惠卿叛安石上書告其罪苟可以覆王氏者靡不為也由是天下服公先知公求補外上猶欲用公公不可以端明殿學士出知永興軍朝辭進對猶乞免本路青苗助役宣撫使下令分義勇四番欲以更戍邊選諸軍驍勇募間里惡少為奇兵調民為乾糧皺飯雖內郡不被邊皆修城池樓

據如邊郡且遣兵就糧長安河中邠三輔騷然公上疏極言方凶歲公私困弊不可舉事而永興一路城池樓櫓皆不急乾糧皺飯皆常造後無用腐棄之宣撫司令臣皆未敢從若乏軍興臣坐之於是一路獨得免頃之詔移知許州不赴遂乞判西京留司御史臺以歸自是絕口不論事以祀明堂恩加上柱國至熙寧七年上以天下旱蝗詔求直言公讀詔泣下欲默不忍乃復陳六事一青苗二免役三市易四邊事五保甲六水利此尤病民也宜先罷又以書責宰相呂大防天子仁聖如此而公不言何也元豐五年公忽得語澀疾自疑當中風乃豫作遺表大略如六事加詳盡感慨親書緘封置卧內且死當以授所善范純仁范祖禹使上之凡居洛十五年再任留司御史臺四任提舉崇福宮官制行改太中大夫加資政殿學士神宗崩公赴闕臨衛士見公入皆以手加額曰此司馬相公也民遮道呼曰公無歸洛留相天子活百姓所在數千人聚觀之公懼會放辭謝遂

徑歸洛太皇太后聞之詰問主者遣使勞公問所當先
者公言近歲士大夫以言為謫間間愁苦於下而上不
知明主憂懃於上而下無所訴此罪在羣臣而愚民無
知歸怨先帝宜下詔首開言路從之下詔榜朝堂而當
時有不欲者於詔語中設六事以禁切言者曰若陰有
所懷犯非其分或扇搖機事之重或迎合已行之令上
以觀望朝廷之意以僥倖希進下以眩惑流俗之情以
干取虛譽若此者必罰無赦太皇太后封詔草以問公
欽定四庫全書
宋文鑑
卷一百三十七
五

公曰此非求諫乃拒諫也人臣惟不言言則入六事矣
時太府少卿宋彭年水部員外郎王諤皆應詔言事有
欲借此二人以徵天下言者皆以非職而言贖銅三十
斤公具論其情且請改賜詔書行之天下從之於是四
方吏民言新法不便者數千人公方草具所當行者而
太皇太后已有旨散遣修京城役夫罷減皇城內覘者止
御前工作出近侍之無狀者三十餘人戒敕中外無敢
苛刻暴斂廢道洛司物貨場及民所養戶馬寬保馬限
皆從中出大臣不與公上疏謝當今急務陛下略已行
之矣小臣稽慢罪當萬死詔除公知陳州且過闕入見
使者勞問相望於道至則拜門下侍郎公力辭不許數
賜手詔先帝新棄天下天子冲幼此何時而君辭位耶
公不敢復辭以覃恩遷通議大夫初神宗皇帝以英偉
絕人之資勵精求治凜凜乎漢宣帝唐太宗之上矣而
宰相王安石用心過當急於功利小人得乘間而入呂
惠卿之流以此得志後者慕之爭先相高而天下病矣
欽定四庫全書
宋文鑑
卷一百三十七
五

焚拯溺猶恐不及昔漢文帝除肉刑斬右趾者棄市笞五百者多死景帝元年即改之武帝作鹽鐵榷酷均輸等法昭帝罷之唐代宗縱宦官公求賂遺置客省拘滯四方之人德宗立未三月罷之德宗晚年為官市五坊小兒暴橫鹽鐵月進羨餘順宗即位罷之當時悅服後世稱頌未有或非之者也况太皇太后以母改子非子改父衆議乃定公以為治亂之機在於用人邪正一分則消長之勢自定每論事必以人物為先凡所進退皆

天下所謂當然者然後朝廷清明人主始得聞天下利害之實遂罷保甲團敎依義勇法歲一閱保馬不復買見在者還監牧給諸軍廢市易法所儲物皆鬻之不取息而民所欠錢皆除其息京東鑄鐵錢河北江西福建湖南鹽及福建茶法皆復其舊獨川陝茶以邊用未即罷遣使相視去其甚者戶部左右曹錢穀皆歸戶部使尚皆之三司使事有散隸五曹及寺監者皆歸戶部使尚書周知其數量入以為出於是天下釋然曰此先帝本

意也非吾君之子不能行吾君之意時獨免役青苗將官之法猶在而西戎之議未決也山陵畢遷公正議大夫公自以不與顧命不敢當詔不許元祐元年正月公始得疾詔公與尚書左丞呂公著朝會與執政異班再拜而已不舞蹈公疾益甚歎曰四患未除吾死不瞑目矣乃力疾上疏論免役五害乞直降敕罷之率用熙寧以前法有未便州縣監司節級以聞為一路一州一縣法詔即日行之又論西戎大略以和戎為便用兵為非法

時異議者甚衆公持之益堅其後太師文彥博議與公合衆不能奪又論將官之害詔諸將兵皆隸州縣軍政委守令通決之又乞廢提舉常平司以其事歸之轉運使及提點刑獄公謂監司多新進少年務為刻急天下病之乞自太中大夫待制以上於郡守中舉轉運使提點刑獄於通判中舉轉運判官又以文學德行吏事武略等為十科求天下遺才命文臣升朝以上歲舉經明行修一人以為進士高選皆從之拜左僕射疾稍間將

起視事詔免朝覲許以肩輿三日一入都堂或門下尚書省公不敢當曰不見君不可以視事詔公肩輿至內東門子康扶入對小殿且曰母拜公惶恐入對延和殿再拜遂罷青苗錢專行常平糴糴法以歲上中下熟為三等穀賤及下等則增價糴貴及上等則減價糴惟中則否及下等而不糴及上等而不糴皆坐之時二聖恭儉慈孝視民如傷虛已聽公公知無不為以身任天下之責數月復病以九月丙辰朔薨于西府享年六十八

無知之乎博學無所不通音樂律歷天文書數皆極其妙晚節尤好禮為冠婚喪祭法適古今之宜不喜釋老曰其微言不能出吾書其誕吾不信不事生產買第洛中僅庇風雨有田三頃喪其夫人質田以葬惡衣菲食以終其身自以遭遇聖明言聽計從以身徇天下躬親庶務不舍晝夜賓客見其體羸曰諸葛孔明二十罰以上皆親之以此致疾公不可以不戒公曰死生命也為之益力病革諱諱不復自覺如夢中語然皆朝廷天下事也既沒其家得遺奏八紙上之皆手札論當世要務京師民畫其像刻印鬻之家置一本飲食必祝焉四方皆遣人購之京師時畫工有致富者有文集八十卷資歛命戶部侍郎趙瞻入內內侍省押班馮宗道護其喪歸葬夏縣官其親族十人公忠信孝友恭儉正直出於天性自少及老語未嘗妄其好學如饑之嗜食於財利紛華如惡惡臭誠心自然天下信之退居於洛往來陝郊陝洛間皆化其德師其學法其儉有不善曰君實得

欽定四庫全書
卷一百三十七
治通鑑三百二十四卷考異三十卷歷年圖七卷通鑑八十卷稽古錄二十卷本朝百官公卿表六卷翰林詞草三卷注古文孝經一卷易說三卷注繫辭二卷注老子道德論二卷集注太玄經八卷大學中庸義一卷集注楊子十三卷文中子傳一卷河外詔目三卷書儀八

卷家範四卷續詩話一卷遊山行記十二卷醫問七篇
其文如金玉穀帛藥石也必有適於用無益之文未嘗
一語及之初公患歷代史繁重學者不能綜況於人主
遂約戰國至秦二世如左氏體為通志八卷以進英宗
悅之命公續其書置局祕閣以其素所賢者劉攽劉恕
范祖禹為屬官凡十九年而成起周威烈王訖五代上

下一千三百六十二載其是非疑似之間皆有辨論一
事而數說者必考合異同而歸之一作考異以志之神

宗尤重其書以為賢於荀悅親為製叙賜名資治通鑑
詔邇英讀其書賜額印舊書二千四百二卷書成拜資
政殿學士賜金帛甚厚娶張氏禮部尚書存之女封清
河郡夫人先公卒追封溫國夫人子三人童唐皆早亡
康今為祕書省校書郎孫二人植栢皆承奉郎公歷事
四朝皆為人主所敬然神宗知公最深公思有以報之
常誦孟子之言曰責難於君謂之恭陳善閉邪謂之敬
吾君不能謂之賊故雖議論違忤而神宗識其意待

之愈厚及拜資政殿學士益有意復用公也夫復用公
者豈徒然哉將必行其所言公亦識其意故為政之日
自信而不疑嗚呼若先帝可謂知人矣其知之也深公
可謂不負所知矣其報之也大軾從公遊二十年知公
平生為詳故錄其大者為行狀其餘非天下所以治亂
安危者皆不載

欽定四庫全書叢要卷二萬六十一

集部

宋文鑑卷一百三十八 宋呂祖謙編

行狀

程伯淳行狀

程頤

曾祖希振皇任尚書虞部員外郎妣高寧縣君崔氏祖
通皇贈開府儀同三司吏部尚書妣孝感縣太君張氏
長安縣太君張氏父珣見任太中大夫致仕母壽安縣
君侯氏先生名顥字伯淳姓程氏其先曰喬伯為周大
欽定四庫全書

卷一百三十八

宋文鑑

一

司馬封於程後遂以為氏先生五世而上居中山之博
野高祖贈太子少師諱羽太宗朝以輔翊功顯賜第於
京師居再世曾祖而下葬河南今為河南人先生生而
神氣秀爽異於常兒未能言叔祖母任氏太君抱之行
不覺釵墜後數日方求之先生以手指示隨其所指而
往果得釵人皆驚異數歲誦詩書彊記過人十歲能為
詩賦十二三時羣居庠序中如老成人見者無不愛重
而所部侍郎彭公思永謝客至學舍一見異之許妻以

女踰冠中進士第調京兆府鄠縣主簿令以其年少未
知之民有借其兄宅以居者發地中藏錢兄之子訴曰
父所藏也令曰此無證佐何以決之先生曰此易辨爾
問兄之子曰爾父藏錢幾何時矣曰四十年矣彼借宅
居幾何時矣曰二十年矣即遣吏取錢十千視之謂借
宅者曰今官所鑄錢不五六年矣即遍天下此錢皆爾
未藏前數十年所鑄何也其人遂服令大奇之南山僧
舍有石佛歲傳其首放光遠近男女聚觀晝夜雜處為
欽定四庫全書

卷一百三十八

宋文鑑

二

政者畏其神莫敢禁止先生始至詰其僧曰吾聞石佛
歲現光有諸曰然戒曰俟復現必先白吾職事不能往
當取其首就觀之自是不復有光矣府境水害倉卒興
役諸邑率皆狼狽惟先生所部飲食安舍無不安便時
盛暑泄利大行死亡甚衆獨鄆人無死者先生治役人
不勞而事集常謂人曰吾之董役乃治軍法也當路者
欲薦之多問所欲先生曰薦士當以才之所堪不當問
所欲再期以避親罷再調江寧府上元縣主簿田稅不

均比他邑尤甚蓋近府美田為貴家富室以厚價薄其稅而買之小民苟一時之利久則不勝其弊先生為令畫法民不知擾而一邑大均其始富者不便多為浮論欲搖止其事既而無一人敢不服者後諸路行均稅法邑官不足益以他官經歲歷時文案山積而尚有訴不均者計其力比上元不啻千百矣會令罷去先生攝邑事上元劇邑訴訟日不下二百為政者疲於省覽奚暇及治道先生處之有方不閱月民訟遂簡江南稻田田

賴陂塘以溉盛夏塘堤大決計非萬千一作萬夫不可塞法當言之府府稟於漕司然後計功調役非月餘不能興作先生曰比如是苗穡矣民將何食救民獲罪所不辭也遂發民塞之歲則大熟江寧當水運之衝舟卒病者則留之為營以處曰小營子歲不下數百人至者輒死先生察其由益既留然後請於府給券乃得食比有司文具則困於饑已數日矣先生白漕司給米貯營中至者與之食自是生全者大半措置於纖微之間而人已

受賜如此之比所至多矣先生常云一命之士苟存心於愛物於人必有所濟仁宗登遐遺制官吏成服三日而除三日之朝府尹率群官將釋服先生進曰三日除服遺詔所命莫敢違也請盡今日若朝而除之所服止二日爾尹怒不從先生曰公自除之某非至夜不敢釋也一府相視無敢除者茅山有龍池其龍如蜴蜥而五色祥符中中使取二龍至中途使奏一龍飛空而去自昔嚴奉以為神物先生嘗捕而脯之使人不惑其始

至邑見人持竿道傍以黏飛鳥取其竿折之教之使勿為及罷官艦舟郊外有數人共語自主簿折黏竿鄉民子弟不敢畜禽鳥不嚴而令行大率如此再期就移澤州晉城令澤人淳厚尤服先生教命民以事至邑者必告之以孝悌忠信入所以事父兄出所以事長上度鄉村遠近為保伍使之力役相助患難相恤而姦偽無所容凡孤莞殘廢者責之親戚鄉黨使無失所行旅出於其塗者疾病皆有所養諸鄉皆有校暇則親至召父老

而與之語兒童所讀書親為正句讀教者不善則為易置俗始甚野不知為學先生擇子弟之秀者聚而教去邑纔十餘年而服儒服者益數百人矣鄉民為社會為立科條旌別善惡使有勸有恥邑幾萬室三年之間無彊盜及鬪死者秩滿代者且至吏夜叩門稱有殺人者先生曰吾邑安有此誠有之必某村某人也問之果然家人驚異問何以知之曰吾常疑此人惡少之弗革者也河東財賦窘迫官所科買歲為民患雖至賤之物至

官取之則其價翔踴多者至數十倍先生常度所需使富家預儲定其價而出之富室不失倍息而鄉民所費比常歲十不過二三民稅常移近邊載往則道遠就糴則價高先生擇富民之可任者預使購粟邊郡所費大省民力用舒縣庫有雜納錢數百千常借以補助民力部使者至則告之曰此錢令自用而不敢私請一切不問使者屢更無不從者先時民憚差役役及則互相糾訴鄉隣為仇先生盡知民產厚薄第其先後按籍而命

之及因論人才曰陛下奈何輕天下士神宗曰朕何敢如是言之至于再三時王荊公安石日益信用先生每進見必為神宗陳君道以至誠仁愛為本未嘗及功利神宗始疑其迂而禮貌不衰嘗極陳治道神宗曰此堯舜之事朕何敢當先生愀然曰陛下此言非天下之福也荊公寢行其說先生意多不合事出必論列數月之間章數十上尤極論者輔臣不同心小臣與大計公論不行青苗取息賣祠部牒差提舉官多非其人及不經欽定四庫全書

卷一百三十八

七

封駁京東轉運司剝民希寵不加黜責興利之臣日進尚德之風寢衰等十餘事荊公與先生雖道不同而嘗謂先生忠信先生每與論事心平氣和荊公多為之動而言路好直者必欲力攻取勝由是與言者為敵矣先生言既不行懇求外補神宗猶重其去上章及面請至十數不許遂閹門待罪神宗將黜諸言者命執政除先生監司差權發遣京西路提點刑獄復上章曰臣言是願行之如其妄言當賜顯責請罪而獲遷刑賞混矣累

請得罷既而神宗手批暴白同列之罪獨於先生無責改差簽書鎮寧軍節度判官事為守者嚴刻多忌通判而下莫敢與辨事始意先生嘗任臺憲必不盡力職事而又慮其慢已既而先生事之甚恭雖筦庫細務無不盡心事小未安必與之辨遂無不從者相與甚歡屢平反重獄得不死者蓋前後以十數河清卒於法不他役時中人程昉為外都水丞怙勢蔑視州郡欲盡取諸掃兵治二股河先生以法拒之昉請於朝命以八百人與欽定四庫全書

卷一百三十八

八

之天方大寒昉肆其虐用衆逃而歸州官晨集城門吏報河清兵潰歸將入城衆官相視畏昉欲弗納先生曰此逃死自歸弗納必為亂昉有言某自當之即親往開門撫諭約歸休三日復役衆歡呼而入具以事上聞得不復遣後昉奏事過州見先生言其而氣憚既而揚言於衆曰澶卒之潰乃程中允誘之吾必訴於上同列以告先生笑曰彼方憚我何能爾也果不敢言會曹村埽決時先生方護小吳相去百里州帥劉公渙以事急告

先生一夜馳至帥俟於河橋先生謂帥曰曹村決京師可虞臣子之分身可塞亦為之請盡以廂卒見付事或不集公當親率禁兵以繼之帥義烈士遂以本鎮印授先生曰君自用之先生得印不暇入城省親徑走決堤諭士卒曰朝廷眷爾革正為緩急爾爾知曹村決則注京城乎吾與爾曹以身捍之衆皆感激自効論者皆以為勢不可塞徒勞人爾先生命善泅者銜細繩以渡決口水方奔注達者百一卒能引大索以濟衆兩岸並進

晝夜不息數日而合其將合也有大木自中流而下先生顧謂衆曰得彼巨木橫流入口則吾事濟矣語纔已木遂橫衆以為至誠所致其後曹村之下復決遂久不塞數路困擾大為朝廷憂人以為使先生在職安有是也郊祀霈恩先生曰吾罪滌矣可以去矣遂求監局以便親養得罷歸自是醜正者競揚避新法之說歲餘得監西京洛河竹木務薦者言其未嘗叙年勞丐遷秩改太常丞神宗猶念先生會修三經義嘗語執政曰程某可用執政不對又嘗有登對者自洛至問曰程某在彼否連言佳士其後尋見翼軒間詔求直言先生應詔論朝政極切還朝執政屢進擬神宗皆不許既而手批與府界知縣差知扶溝縣事先生詣執政復求監當執政言其新法之初首為異論罷復舊任先生為治專尚寬厚以教化為先雖若甚迂而民實風動扶溝素多盜雖樂歲彊盜不減十餘發先生在官無彊盜者幾一年廣

不可司農奏其議謂必獲罪而神宗是之畿邑皆得免
先生為政常權穀價不使至甚貴甚賤會大旱麥苗且
枯先生教人掘井以溉一井不過數工而所灌數畝闢
境賴焉水災民饑先生請發粟貸之隣邑亦請司農怒
遣使閱實使至隣邑而令遂自陳穀且登無貸可也使
至謂先生盍亦自陳先生不肯使者遂言不當貸先生
力言民饑請貸不已遂得穀六千石饑者用濟而司農
益怒視貸籍戶同等而所貸不等檄縣杖主吏先生言
濟饑當以口之衆寡不當以戶之高下且令實為之非
吏罪乃得已內侍都知王中正巡閱保甲權寵至盛所
至凌慢縣官諸邑供帳競務華鮮以悅奉之主吏以請
先生曰吾邑貧安能效它邑且取於民法所禁也令有
故青帳可用之先生在邑歲餘中正往來境上卒不入
隣邑有寃訴府願得先生決之者前後五六有犯小盜
者先生謂曰汝能改行吾薄汝罪盜叩頭願自新後數
月復穿窬捕吏及門盜告其妻曰我與太丞約不復為

官括牧地民田當沒者千頃往往持累世契券以自明
皆弗用諸邑已定而扶溝民獨不服遂有朝旨改稅作
租不復加益及聽賣易如私田民既倦於追呼又得不
加賦乃皆服先生以為不可括地官至謂先生曰民願
服而君不許何也先生曰民徒知今日不加賦而不知
異日增租奪田則失業無以生矣因為言仁厚之道其人
感動謝曰寧受責不敢違公遂去之他邑不踰月先生

盜今何面目見之耶遂自經官制改除奉議郎朝廷遣
官括牧地民田當沒者千頃往往持累世契券以自明
皆弗用諸邑已定而扶溝民獨不服遂有朝旨改稅作
租不復加益及聽賣易如私田民既倦於追呼又得不
加賦乃皆服先生以為不可括地官至謂先生曰民願
服而君不許何也先生曰民徒知今日不加賦而不知
異日增租奪田則失業無以生矣因為言仁厚之道其人
感動謝曰寧受責不敢違公遂去之他邑不踰月先生
罷去其人復至謂攝令曰程奉議去矣爾復何恃而敢
稽違朝旨督責甚急數日而事集隣邑民犯盜繫縣獄
而逃既又遇赦先生坐是以特旨罷邑人知先生且罷
詣府及司農丐留者千數去之日不使人知老稚數百
追及境上攀挽號泣遣之不去以親老求近鄉監局得
監汝州酒稅今上嗣位覃恩改承議郎先生雖小官賢
士大夫視其進退以卜興衰聖政方新賢德登進先生
特為時望所屬召為宗正寺丞未行以疾終元豐八年

六月十五日也享年五十有四士大夫識與不識莫不哀傷為朝廷生民恨惜先生資稟既異而克養有道純粹如精金溫潤如良玉寬而有制和而不流忠誠貫於金石孝悌通於神明視其色其接物也如春陽之溫聽其言其入人也如時雨之潤胸懷洞然徹視無間測其蘊則浩乎若滄溟之無際極其德美言益不足以形容先生行已內主於敬而行之以恕見善若出諸已不欲弗施於人居廣居而行大道言有物而動有常先生為

學自十五六時聞汝南周茂叔論道遂厭科舉之業慨然有求道之志未知其要泛濫於諸家出入於老釋者幾十年返求諸六經而後得之明於庶物察於人倫知盡性至命必本於孝悌窮神知化由通於禮樂辨異端似是之非開百代未明之惑秦漢而下未有臻斯理也謂孟子沒而聖學不傳以興起斯文為已任其言曰道之不明異端害之也昔之害近而易知今之害深而難辨昔之惑人也乘其迷暗今之入人也因其高明自謂

之窮神知化而不足以開物成務言為無不周遍實則外於倫理窮深極微而不可以入堯舜之道天下之學非淺陋固滯則必入於此自道之不明也邪誕妖異之說競起塗生民之耳目溺天下於汙濁雖高才明智膠於見聞醉生夢死不自覺也是皆正路之蓁蕪聖門之蔽塞闢之而後可以入道先生進將覺斯人退將明諸書不幸早世皆未及也其辨析精微稍見於世者之所傳爾先生之門學者多矣先生之言平易易知賢愚皆獲其益如羣飲於河各充其量先生教人自致知至於知止誠意至於平天下灑掃應對至於窮理盡性循循有序病世之學者捨近而趨遠處下而闢高所以輕自大而卒無得也先生接物辨而不間感而能通教人而人易從怒人而人不怨賢愚善惡咸得其心狡偽者獻其誠暴慢者致其恭聞風者誠服覩德者心醉雖小人以趨嚮之異顧於利害時見排斥退而省其私未有不以先生為君子也先生為政治惡以寬處煩而裕當法

令繁密之際未嘗從衆為應文逃責之事人皆病於拘
礙而先生處之綽然衆憂以為甚難而先生為之沛然
雖當倉卒不動聲色方監司號為嚴急之時其待先生
率皆寬厚施設之際有所賴焉先生所為綱條法度人
可效而為也至其道之而從動之而和不求物而物應
未施信而民信則人不可及彭夫人封仁和縣君嚴正
有禮奉舅以孝稱善睦其族先一年卒子曰端懿蔡州
汝陽縣主簿曰端本治進士業女適假承務郎朱純之

卜以今年十月乙酉葬于伊川先塋謹書家世行業及
歷官行事之大槩以求誌於作者

田明之行狀 劉跂

曾祖永孚故不仕祖均故不仕考亮故贈左中散大夫
母永嘉縣太君王氏本貫河南府姓田氏諱述古字明
之田氏本居密州安丘家世儒者明之蚤孤游學京師
甫冠補太學生事安定胡先生為弟子勤篤好問先生
稱之娶尹師魯族家子河南縣主簿仲甫之女遂徙家

河南凡四次以鄉薦不中第嘆曰得失命也乃慨然發
憤隱居講誦積二十餘年不復出哲宗嗣位搜訪遺逸
故孫溫靖公固居守西都以明之名聞詔除襄州司法
參軍明之曰老矣不任為吏然君命不敢辭乃即其家
從其請居頃之河陽學官以嫌求對易命既下故王公
岩叟時守鄭奏謂述古以處士起今新進後生援例徙
非是且無以慰鄭學者詔又聽終任未幾除太學正改
利軍判官事轉通直郎今上登極轉奉議郎元符三年
十二月六日以疾終享年七十夫人後五月亦卒子男
處仁處訥處厚處恭處約女嫁進士張安石太廟齋郎
溫萬石明之為人淳靜簡易不為表暴胸中坦無留閨
與人交傾盡不疑既久益親及其不合毅然去之莫能
奪於書無不闡惟易中庸論語孟子老子迺其素所與
申重復熟造其深旨餘不甚措意也邵先生二程先生

皆居洛陽明之從之游司馬溫公居相隣因徒步造門
問經史大義語不及他事范翰林祖禹以編修資治通
鑑日詣溫公溫公多召明之與之俱邵程司馬公皆重
望來者率巨公顯人門無雜賓而明之獨以白士羈旅
預其間合堂同席相視莫逆語必殫竭未嘗少貶諸公
以是敬愛之晚歲篤好易古今諸儒訓詁得失歷歷別
白常稱曰道言之必可行行之必可言今學者泥章句
不知妙在日用因自為注祁寒盛暑造次顛沛未嘗廢
欽定四庫全書
宋文鑑
卷一百三十八
七

卷與賓客言不事劇談惟論易則亹亹不倦日暮客欲

去而明之談益勝意益精明之所著書未就客欲索其
書上之朝明之遂不肯出友人張雲卿以累舉恩當釋
褐貧欲母行明之出錢為助鄉人爭助之乃得去既去其

妻與子俱病妻竟死家無一錢明之日往護視又辦喪

事事竟然後歸昌王薨假北宅教授官代撰次行狀以

故事遺白金百兩明之曰他人為文而我受其賜無是

也使者屢及明之終不受通利並河一夕暴漲守將遽調

急夫明之爭曰曷不視水勢今雖漲而平此將殺也吾
民不可徒擾已而果無事當官不苟亦不為已甚居家

廉儉衣不薰食不屬裕如也樂道自信以是終身焉嗚

呼可謂吉德君子也夫將以建中靖國元年某月葬于

某所之原晉陵鄒浩以明之語謂劉某曰我無稱於時

然賢公卿大夫多知我今皆亡晚乃得二人焉尚何恨


獨謂吾子與浩耳今其莖也其能無言邪其許諾居无

何其孤自洛抵汶上持治命來赴果以文為請某外祖

欽定四庫全書
宋文鑑
卷一百三十八
六

母尹夫人魯郡著姓與河南之尹宗族也故於明之有
葭莩之好官於鄭又嘗同僚益知之詳熟於其來請謹
叙次爵里伐閱及其學行大略以告鄒子為之銘庶幾
乎明之之意而二人者亦以是自致焉

宋文鑑卷一百三十八



總校官庶吉士臣張能照
校對官中書臣范鑿
謄錄監生臣鄒世俊
謄錄監生臣孫鶴年

欽定四庫全書會要

集部

宋文鑑卷一百三十九至四十二

欽定四庫全書會要卷二萬六十二 集部

宋文鑑卷一百三十九

宋呂祖謙編

墓誌

吳王李煜墓誌銘

徐鉉

百世善繼者所以主其祀聖人無外善守者不能
固其存益運歷之所推亦古今之一貫其有享蕃錫之
寵保克終之美殊恩飾瓌懿範流光傳之金石斯不誣
矣王諱煜字重光隴西人也昔庭堅贊九德伯陽恢至

欽定四庫全書

卷一百三十九

道皇天眷祐錫祚于唐祖文宗武世有顯德載祀三百
龜玉淪胥宗子維城蕃衍萬國江淮之地獨奉長安故
我顯祖用膺推戴焜耀之烈載光舊吳二世承基克廣
其業皇宋將啟玄貺冥符有周開先太祖歷試威德所
及寰宇將同故我舊邦祇畏天命貶大號以稟朔獻地
圖而請吏故得義動元后風行域中恩禮有加綏懷不
世魯用天王之禮自越常鈞鄰存紀侯之國曾何足貴
王以世嫡嗣服以古道馭民欽若彝倫率循先志奉蒸

嘗恭色養必以孝賓大臣事者老必以禮居處服御必以節言動施舍必以仁至於荷全濟之恩謹藩國之度勤修九貢府無虛月祇奉百役知無不為十五年間天眷彌渥然而果於自信怠於周防西隣起釁南箕構禍投杼致慈親之惑乞火無里婦之辭始營因壘之師終後塗山之會太祖至仁之舉大賚為懷錄勤王之前効恢焚謗之廣度位以上將爵為通侯待遇如初寵錫斯厚今上宣猷大麓敷惠萬方每侍論思常存開釋及飛

天在運麗澤推恩擢進上公之封仍加掌武之秩侍從親禮勉諭優容方將度越等翼登崇名數嗚呼閬川無捨景命不融太平興國三年秋七月八日遘疾薨于京師里第享年四十有二皇上撫几興悼投爪軫悲痛生之不逮俾歿而加飾特詔輶朝三日贈太師追封吳王命中使蒞塋凡喪祭所須皆從官給即其年冬十月日葬于河南府某縣某鄉某里禮也夫人鄭國夫人周氏勲舊之族是生邦媛肅雍之美流詠國風才實女師言

天鑒九德錫我唐祚絲絰爪瓞茫茫裔孫有慶舊
物重覩開國承家疆吳跨楚喪亂孔棘我恤疇依聖人
旣作我知所歸終日靡俟先天不違惟藩惟輔永言固
之道或汚隆時有險易蠅止于棘虎遊於市明明大君
寬仁以濟嘉爾前哲釋茲後至亦覩亦見乃侯乃公沐
浴玄澤徊翔景風如松之茂如山之崇奈何不淑運極
化窮舊國䟽封新阡啟室人心之謀卜云其吉龍章
驥德蘭言玉質邈爾何往此焉終畢儼青蓋兮裯裯驅

素虬兮遲遲即隧路兮徒返聖君門兮永辭庶九原之

可作與緜嶺兮相期垂斯文於億載將樂石兮無虧

穆夫人墓誌銘

柳開

漢開運元年開叔父諱承贊卒叔母穆年二十有七發
居四十五年歲己丑五月歿於家後七年塋叔父墓中
唐季我先人塋館陶縣北三十里周廣順中始塋叔父
大名府西南二十里村曰馮社開近歲連上書天子哀
之賜錢三十萬使塋先臣之屬得華州進士王煥襄其

事煥義者也恭恪弗懈成開之心柳宮姓為地法利坤
艮自叔父墓東下十七步我皇考之墓又東下仲父諱
承昫之墓各以子位從之又東下叔父諱承陟之墓步
悉如九數叔陟無嗣以季父諱承遠之墓同域焉故昭
義軍節度推官閔叔母長子也閔叔父卒始生次子也
趙氏故婦女也次病廢老於室閑為兒時見我烈考治
家孝且嚴視叔母二子常先閑與閔我母萬年君愛猶
已子勤勤儲儲常懼有闕乃叔母至老我二兄至成人不
類諸孤兒寡婦月旦望諸叔母拜堂下畢即曰上手抵
面聽奉我皇考誠告之曰人之家兄弟無不義盡因娶
婦入門異姓相聚爭長競短漸漬日聞偏愛私藏以至
背戾分門割戶患若賊讐皆汝婦人所作男子有剛腸
者幾人能不為婦人言所役吾見多矣若等寧是乎退
即惴惴閉息恐然如有大誅責至死不敢道一語為不
孝事抵開輩賴之得全其家也如此嗚呼君子正已直
其言居上其善也家國治焉小人枉已私為言上不善

也家國亂焉旨哉君子也銘曰

昔我叔之去世兮垂嚴誠之深辭旨穆母而告云兮惟夫婦之有儀伊生死之孰免兮於貞節而勿虧代厚養以多屬兮家復貴而偶時寧不完於安佚兮胡適彼而去斯介如石之克鮮兮衆猶草之離離母血涕以奉教兮哀心以自持畢考命之慳孤兮終天地而弗移噫噦過此兮母曷為知

徐文質墓誌銘

穆修

欽定四庫全書

宋文鑑
卷一百三十九

六

進士徐孝山喪其父執喪之三日以其友張生道卿所錄父事拜且泣復授之張生并繼以語俾來請曰孝山未即殯生尚惟喪事不可緩將卜塋以某日期日且迫敢述其實託銘於先生用刻而納之以光永幽空予既受而閱其始卒乃謂曰是塋也蓋得其禮矣比是今貴家富族將塋其先必惑塋師說拘以歲月畏忌大至違禮過時久而不克塋者多矣生能塋以其道正合士禮踰月之制此獨可尚又安得拒請而勿銘也按君諱文

質字處中其先祖父嘗寓籍并土之文水逮君之考氏

既而復會朝廷以兵取太原太原平大徙并民入處之京輔考於時與其族來至京師遂家焉自是得遊太學

為生徒治春秋經傳前後四舉有司竟不及祿而終考始娶潁川陳氏女亡再娶清河張氏生男子二人女子二人次子文蔚少卒獨君為前室陳氏所生二女子今皆適京師良族由君而下始為京師里人凡并人其俗

剛厚而勤嗇能而節損以立衣食諸來徒之戶初雖貧

欽定四庫全書

宋文鑑
卷一百三十九

七

極者居久而皆為富室矧其宿有齋者益可知故考亦用是而殖其家考之歿貽其規法於君君於此益為之善守者也君嘗念陳氏早世又傷父之不逮故事後親彌盡其力無何數年母張氏又終初君亦嘗授經於儒官馬龜符有慕仕進心至悼親之繼喪顧門中時無彊子弟可任懼覆先人遺業則為不肖子因刻力事生於家非時慶吊大事不出門如此者蓋有年天聖八年適五十忽得疾醫累月弗愈以是年七月十七日卒於居

君凡四娶室輒有喪有四男五女初室李氏無子長子孝山出次室李氏景山德山皆未及娶五女子亦幼在室孝山有諸弟妹合族謀塋得其年八月之二十一日藏君於東京之祥符縣開封鄉西韓村先墓之次以次室李氏為合初李氏次苗氏李氏三室皆同穴而異棺斯實禮也銘曰

惟古之葬等殺異宜日月有數舉無越斯末代不然惑於葬師陰陽拘忌率常過時其孰警此伊徐氏子以時

而葬順禮之軌既合既祔有銘有紀如君之藏民亦鮮矣
种世衡墓誌銘
范仲淹
君諱世衡字仲平國之勞臣也不幸云亡其子泣血請於予嘗經略陝西知君最為詳懼遺其善不可不從而書之初康定元年春夏戎犯延安我師不利朝廷以堡障衆多有分兵之患其間遠不足守者即命罷之寇驕而貪益侵吾疆百姓被其毒君時為大理丞任鄜州從事建言延安東北二百里有故寃州請因其廢壘而

興之以當寇衝左可致河東之粟右固延安之勢北可圖銀夏之舊有是三利朝廷從之以君董役事君膽勇過人雖俯逼戎落曾不畏憚與兵民暴露數月且戰且城然處險無泉議不可守鑿地百有五十尺始至于石工徒拱手曰是不可井矣君曰過石而下將無泉耶爾攻其石屑而出之凡一畚償爾百金工復致其力過石數重泉果沛發飲甘而不耗萬人歡呼曰神乎雖虜兵重圍吾無困渴之患矣用是復作數井兵民馬牛皆大足自茲西陲保障患無泉者悉倣此大蒙利焉旣而朝廷署故寃州為青澗城授君內殿承制知城事復就遷供備庫副使旌其勞也塞下多屬羌向時漢官不能恩信羌皆持兩端君乃親入部落中勞問如家人意多所周給常自解佩帶與其酋豪可語者有得虜中事來告於我君方與客飲即取坐中金器以獎之屬羌愛服皆願効死青澗東北一舍而遠距無定河河之北有虜寨虜常濟河為患君屢使屬羌擊之往必破走前後取首

級數百牛羊萬計未嘗勞士卒也故功多而費寡建營
田二千頃歲取其利募商賈使通其貨或先貸之本速
其流轉歲時間其息十倍乃建白凡城中芻糧錢幣暨
軍須城守之具不煩外計一請自給一子專視士卒之
疾調其湯餌常戒以答責期于必瘳士卒無不感泣今
翰林承旨王公堯臣安撫陝西言君治狀上悅降詔褒
之曰邊臣若此朕復何憂二年就兼鄜延路駐泊兵馬
都監制置本路糧草遷洛苑副使慶歷二年春予按巡
欽定四庫全書

宋文鑑 卷一百三十九

十一

環州患屬羌之多而素不為用與夏戎潛連助為邊患
乃召蕃官慕恩與諸族酋長僅八百人犒于麾下與之
衣物繒綵以悅其意又采忠順者增銀帶馬紱以旌之
然後諭以好惡立約束而俾之遵向然悍猾之性久失
其馭非智者處之慮復為變時青澗既完人可循守乃
請于朝願易君理環朝廷方以青澗倚君又延帥上言
人重其去命予更擇之予謂夏戎日夜誘吾屬羌羣愛
其類益以外向非斯人親之不能革其心朝廷始如其

請君既至環安邊之利害大要在屬羌難制懼合夏戎
為暴發之患又地瘠穀貴屯師為難聚糧則力屈損兵
則勢危斯急病也君乃周行境內入屬羌聚落撫以恩
意如青澗焉有牛家族首奴訛者崛強自處未嘗出見
官長聞君之聲始來郊迎君戒曰吾詰朝行勞爾族奴
訛曰諾是日大雪三尺左右曰此羌兒詐嘗與高使君
繼嵩挑戰又所處險惡冰雪非可前君曰吾方與諸羌
樹信其可失諸遂與士衆緣險而進奴訛初不之信復
欽定四庫全書

宋文鑑 卷一百三十九

十一

會大雪謂君必不來方坦卧帳中已至蹙而起之奴訛
大驚曰我世居此山漢官無敢至者公了不疑我耶乃
與族衆拜伏誼呼曰今而後惟父所使自是屬羌咸信
於君有兀二族受夏戎偽署君遣人招之不聽即使慕
恩出兵誅之死者半歸者半盡以其地暨牛羊賞諸有
功其僭受偽署如兀二族者百餘帳咸股慄請命納其
所得文券袍帶由是屬羌無復敢貳君戒諸族各置其
烽火夏戎時來抄掠則舉烽相告衆必介馬而待之破

賊者數四涇原帥葛懷敏定川之敗戎馬入縱于渭予
領慶州蕃漢兵往扼邠城又召君分授涇原君即時而
赴羌兵從者數千人屬羌為吾用自此始君曰羌兵既
可用矣乃復教土人習弧矢以佐官軍吏民有請某事
辭某事者君咸使之射從其中否而與奪之坐過失者
亦用此得贖吏農工商無不樂射焉繇是緣邊諸城獨
環不求增兵不煩益糧而武力自振夏戎聞屬羌不可
誘土人皆善射烽火相望無日不備乃不復以環為意
前後經略使交薦君之才能朝廷益知可倚明年遷東
染院使克環慶路兵馬鈴轄仍領環州西南古原州之
疆有明珠滅臧康奴三種居屬羌之大素號彊梗在原
為孽寢及于環撫之狠不我信伐之險不可入比有二
川交通于夏戎朝廷患焉其二川之間有古細腰城復
之可斷其交路又明年予為宣撫使乃諭君與原守蔣
偕共幹其事君久悉利病即日起兵會偕于細腰使甲
士晝夜築之夏戎固忌此城君遣人入虜中以計款之

兵遂不至又召明珠等三族酋長犒撫之俾以禦寇彼
既出其不意外亡外援因而服從君之謀也君處細腰
月餘逼以苦寒城成而疾作慶歷五年正月七日甲子
啟手足神志不亂享年六十一塋于京兆萬年縣之神
和原君之先河南洛陽人也曾祖存啟河南壽安令祖
仁調京兆長安令贈太常博士父昭衍登進士第累贈
職方員外郎李父放字明逸初隱于終南山君少孤依
之服勤左右以力學稱明逸道高德純太宗朝再詔以
事親不起真宗復加聘禮起拜左司諫直昭文館累遷
尚書工部侍郎大中祥符五年君用工部蔭得將作監
主簿五遷至太子中舍初監秦州太平監以母老求養
又監京兆府渭橋倉邛州惠民監知涇之保定京兆之
武功涇陽三邑在武功毀淫祠崇夫子廟以來學者在
涇陽有里胥王知謙者姦利事露逃之逼郊禮乃出君
曰送府則會恩益以長惡從所坐杖脊于縣庭而請待
罪府君李公諳奏釋之自是豪黠莫不歛手其嫉惡如

此又邑有三白渠比年浚疏用數邑力主者非其才而勞逸弗等功利日削君使勤惰齊其力故功倍貧富均其流故利廣至今民能言之歷通判鎮戎軍環鳳二州鳳之守王蒙正託章憲外姻以私干君復欲以賄汙君君正色不納蒙正大怒之乃使人諭王知謙訟君蒙正內為之助獄成流竇州上親政量移汝州君之世材以

一官讓君乃除孟州司馬龍圖閣直學士李公紘雪于朝授衛尉丞主隨州榷酤又禮部尚書宋公綬工部侍郎

欽定四庫全書
卷一百三十九
宋文鑑
郎狄公棐皆言君非韋改知虔州贛縣君辭得監京兆軍資庫以同廊交辟改簽署同州判官事又移鄜州因從軍延安乃有故寬州之請君少尚氣節昆弟有欲析

同州澄城尉曰諮郊社齋郎曰諤三班奉職皆有立訖記誼三子尚幼一女適西頭供奉官田守政君在邊數年聚貨食教弧矢撫養士伍牢籠羌夷無賢不肖皆稱之又出奇以濟幾事嘗遣諜者入虜中凡半歲間而虜誅握兵用事二三人謀者還言某謀得行會君已沒又天子方懷來故其績不顯銘曰

嗚呼种君出于賢門吾志必立吾力是陳寧以剛折果由直伸還自瘴海試于塞垣權以從事意其出人捍虜

欽定四庫全書
卷一百三十九
宋文鑑
之患乂邊之民夙夜乃職星霜厥身生則有涯死宜不泯邊俗祀之子子孫孫

范純佑墓誌銘

富弼

僕天聖初始識范文正公於海陵未幾公遊文館僕再舉進士來京師又見之公益厚我間或造其門目公傍一童子方十歲許神重氣遠如老成人僕竊詢焉即公之長子也已能誦詩禮泛讀諸書為文章籍籍有可稱者所與遊皆一時之俊時天下庠序未甚興公典姑蘓

志不仕有叔祖明逸之風次曰診試將作監主簿曰詠

首建郡學聘安定胡瑗為先生瑗條立學規良密生徒數百多不率教公患之君尚未冠輒白于庭入學齒諸生之末盡行其規約久之人皆隨而不敢犯自是蘇之學遂為諸郡倡寶元中西戎叛一方盡驚公連易關陝官皆不出兵間君侍行日與將卒錯處鈞微擿隱悉得其良駕由是公任人無失而屢有功公帥環慶也議城馬鋪寨寨逼賊境賊懼城成而扼其衝故常寇撓之使我不得城君率兵馳據其地賊衆大至且戰且督役數

欽定四庫全書

卷一百三十九

十六

樂亦不欲其遠去君雖文學自富固不肯應鄉里舉不得已以蔭授守將作監主簿亦斂為跂下司竹監非其好也即解去使君壽且不病得施其所有於時良能美業其少諸君名純佑字天成娶長葛李氏一男正臣守太常寺太祝一女嫁故人子進士元父早亡純仁謀歸葬河南萬安山先壟之側行有日走京師來乞銘僕已銘其父今又銘其子悲夫銘曰

欽定四庫全書

卷一百三十九

十七

日而成一路恃以安人又知君材武有足嘉者後公以讒罷知政事君亦逡巡於仕進間從公之鄧累得疾昏

不省事廢卧許昌僕守淮西過其家省之猶能感慨道忠義問僕之來公耶私耶僕曰公曰公則可噫人一有疾已不能自顧其形骸奚暇他如君病昏身已棄而尚不忘公忠豈非根乎至性第昏於事而性終不昧耳茲尤異於人可貴重而不可學者病十九年卒于襄邑弟純仁之官舍年四十九君英悟天縱尚節行事父母

宋文鑑卷一百三十九

君之才之賢宜有祿有年一命而盡不復遷病十九年不復痊今其云亡報已騫英名不隱何足歎

欽定四庫全書

卷一百三十九

十八

忠義問僕之來公耶私耶僕曰公曰公則可噫人一有疾已不能自顧其形骸奚暇他如君病昏身已棄而尚不忘公忠豈非根乎至性第昏於事而性終不昧耳茲尤異於人可貴重而不可學者病十九年卒于襄邑弟純仁之官舍年四十九君英悟天縱尚節行事父母

欽定四庫全書會要卷二萬六十三

集部

宋文鑑卷一百四十

宋呂祖謙編

墓誌

孫明復墓誌銘

歐陽修

先生諱復字明復姓孫氏晉州平陽人也少舉進士不中退居泰山之陽學春秋著尊王發微魯多學者其尤賢而有道者石介自介而下皆以弟子事之先生年逾四十家貧不娶李丞相廸將以其弟之女妻之先生疑

欽定四庫全書

卷一百四十

欽定四庫全書

卷一百四十

焉介與羣弟子進曰公卿不下士久矣今丞相不以先生貧賤而欲託以子是高先生之行義也先生宜因以成丞相之賢名於是乃許孔給事道輔為人剛直嚴重不妄與人聞先生之風就見之介執杖屢侍左右先生坐則立升降拜則扶之及其往謝也亦然魯人既素高此兩人由是始識師弟子之禮莫不歎嗟之而李丞相孔給事亦以此見稱於士大夫其後介為學官語于朝曰先生非隱者也欲仕而未得其方也慶歷二年樞密

副使范仲淹資政殿學士富弼言其道德經術宜在朝廷召拜校書郎國子監直講嘗召見通英閣說詩將以為侍講而嫉之者言其講說多異先儒遂止七年徐州人孔直溫以狂謀捕治索其家得詩有先生姓名坐貶監處州商稅徙泗州又徙知河南府長水縣簽署應天府判官公事通判陵州翰林學士趙槩等十餘人上言孫某行為世法經為人師不宜棄之遠方乃復為國子監直講居三歲以嘉祐六年七月某日以疾卒于家享年六十有六官至殿中丞先生在太學時為大理評事天子臨幸賜以緋衣銀魚及聞其喪惻然予其家錢十萬而公卿大夫士友太學之諸生相哭吊賙治其喪於是以某年某月某日葬先生於鄆州須城縣盧泉鄉之北扈原先生治春秋不惑傳註不為曲說以亂經其言簡易於諸侯大夫功罪以考時之盛衰而推見王道之治亂得於經之本義為多方其病時樞密使韓琦言之天子選書吏給紙筆命其門人祖無擇就其家得其書

十有五篇錄之藏于祕閣先生一子大年尚幼銘曰

聖人既歿經更焚逃藏脫亂僅傳存衆說乘之汨其原
怪迂百出雜偽真後生牽卑習前聞有欲患之寡攻羣
往往止燎以膏薪有勇夫子闢浮雲刮磨蔽蝕相吐吞
日月卒復光破昏博哉功利無窮垠有考其不在斯文

黃夢升墓誌銘

歐陽修

予友黃君夢升其先婺州金華人後徙洪州之分寧其
曾祖諱某父諱某皆不仕黃氏世為江南大族自其祖

父以來樂以家貲賑鄉里多聚書以招四方之士夢升
兄弟皆好學尤以文章意氣自豪予少家隨夢升從其兄
茂宗官于隨予為童子立諸兄側見夢升年十七八眉
目明秀善飲酒談笑予雖幼心已獨奇夢升後七年予
與夢升皆舉進士於京師夢升得丙科初任興國軍永
興主簿快快不得志以疾去久之復調江陵府公安主
簿時予謫夷陵令遇之于江陵夢升顏色憔悴初不可
識久而握手噓噦相飲以酒夜醉起舞歌呼大噱予益

悲夢升志雖衰而少時意氣尚在也後二年予徙乾德
令夢升復調南陽主簿又遇之于鄧間常問其平生所
為文章幾何夢升慨然嘆曰吾已諱之矣窮達有命非
世之人不知我我羞道於世人也求之不肯出遂飲之
酒復大醉起歌舞呼因笑曰子知我者乃肯出其文讀
之博辨雄偉其意氣奔放猶不可禦予又益悲夢升志
雖困而獨其文章未衰也是時謝希深出守鄧州尤喜
稱道天下士予因手書夢升文一通欲以示希深未及
欽定四庫全書

而希深卒予亦去鄧後之守鄧者皆俗吏不復知夢升
夢升素剛不苟合負其所有常快快無所施卒以不得
志死于南陽夢升諱注以寶元二年四月某日卒享年
四十有二其平生所為文曰破碎集公安集南陽集凡
若干卷娶潘氏生四男二女將以某年某月某日塋于
董坊之先塋其弟渭泣而來告曰吾兄患世之莫吾知
孰可為其銘予素悲夢升者因為之銘曰

予嘗讀夢升之文至於哭其兄子庠之詞曰子之文章

電激雷震雨雹忽止閒然滅泯未嘗不諷誦歎息而不已嗟夫夢升曾不及庠不震不驚鬱塞埋藏孰予其有不使其施吾不知所歸咎徒為夢升而悲

尹師魯墓誌銘

歐陽修

師魯河南人姓尹氏諱洙然天下之士識與不識者稱之曰師魯蓋其名重當世而世之知師魯者或推其文學或高其議論或多其材能至其忠義之節處窮達臨禍福無愧於古君子則天下之稱師魯者未必盡知之

師魯為文章簡而有法博學彊記通知古今長於春秋其與人言是非非務窮盡道理乃已不為苟止而妄隨而人亦罕能過也遇事無難易而勇於敢為其所以見稱於世者亦所以取嫉於人故其卒窮以死師魯少舉進士及第為絳州正平縣主簿河南府戶曹參軍邵武軍判官舉書判拔萃遷山南東道掌書記知伊陽縣王文康公薦其才召試充館閣校勘遷太子中允天章閣待制范公貶饒州諫官御史不肯言師魯上書言仲

淹臣之師友願得俱貶監郢州酒稅又徙唐州遭父喪服除得太子中允知河南縣趙元昊反陝西用兵大將葛懷敏奏起為經略判官師魯雖用懷敏辟尤為經略使韓公所深知其後諸將敗於好水韓公降知秦州師魯亦徙通判濠州久之韓公奏得通判秦州遷知涇州又知渭州兼涇原路經略部署坐城水落與邊臣異議徙知晉州又知潞州為政有惠愛潞州人至今思之累遷官至起居舍人直龍圖閣師魯當天下無事時獨

喜論兵為叙燕息戍二篇行于世自西兵起凡五六歲未嘗不在其間故其論議益精密而於西事尤習其詳其為兵制之說述戰守勝敗之要盡當今之利害又欲訓土兵代戍卒以減邊用為禦戎長久之策皆未及施為而元昊臣西兵解嚴師魯亦去而得罪矣然則天下之稱師魯者於其材能亦未必盡知之也初師魯在渭州將吏有違其節度者欲按軍法斬之而不果其後吏

至京師上書訟師魯以公使錢貸部將貶崇信軍節度

副使徙監均州酒稅得疾無醫藥昇至南陽求醫疾革隱几而坐顧稚子在前無甚憐之色與賓客言終不及其私享年四十有六以卒師魯娶張氏某縣君有兄源字子漸亦以文學知名前君一歲卒師魯凡十年間三貶官喪其父又喪其兄有子四人連喪其三女一適人亦卒而其身終以返死一子三歲四女未嫁家無餘貲客其喪于南陽不能歸平生故人無遠邇皆往賻之然後妻子得以其柩歸河南以某年某月某日葬于先塋之次余

欽定四庫全書

宋文鑑
卷一百四十

七

與師魯兄弟交嘗銘其父之墓故不復次其世家焉銘曰藏之深固之密石可朽銘不滅

蘇子美墓誌銘

歐陽修

故湖州長史蘇君有賢妻杜氏自君之喪布衣蔬食居數歲提君之孤子飲其平生文章走南京號泣于其父曰吾夫屈於生猶可伸於死其父太子太師以告於予予為集次其文而序之以著君之大節與其所以屈伸得失以深誚世之君子當為國家樂育賢材者且悲君

之不幸其妻卜以嘉祐元年十月某日葬君於潤州丹徒縣義里鄉檀山里石門村又號泣于其父曰吾夫屈於人間猶可伸於地下於是杜公及君之子泌皆以書來乞銘以塋君諱舜欽字子美其上世居蜀後徙開封為開封人自君之祖諱易簡以文章有名太宗時承旨翰林為學士參知政事官至禮部侍郎父諱耆官至工部郎中直集賢院君少以蔭補太廟齋郎調榮陽尉非所好也已而鎖其廳去舉進士中第改光祿寺主簿知

欽定四庫全書

宋文鑑
卷一百四十

八

蒙城縣丁父憂服除知長垣縣遷大理評事監在京樓店務君狀貌奇偉慷慨有大志少好古工為文章所至皆有善政官于京師位雖卑數上疏論朝廷大事敢道人之所難言范文正公薦君召試得集賢校理自元昊反兵出無功而天下殆於久安而困兵事天子奮然用三四大臣欲盡革衆弊以紓民於是時范文正公與今富丞相多所設施而小人不便顧人主方信用思有以撼動未得其根以君文正公之所薦而宰相杜公婿也

乃以事中君坐監進奏院祠神奏用市故紙錢會客皆一時賢俊悉坐貶逐然後中君者喜曰吾一舉網盡之矣其後三四大臣繼罷去天下事卒不復施為君携妻子居蘇州買水石作滄浪亭日益讀書大涵肆於六經而時發其憤悶於歌詩至其所激往往驚絕又喜行草書皆可愛故其雖短章醉墨落筆爭為人所傳天下之士聞其名而慕見其所傳而喜往揖其貌而竦聽其論而驚以服之與其居而不能捨以去也居數年復得湖

欽定四庫全書

卷一百四十

九

州長史慶歷八年十二月某日以疾卒于蘇州享年四十有一君先娶鄭氏後娶杜氏三子長曰泌將作監主簿次曰液曰激二女長適前進士陳紘次尚幼初君得罪時以奏用錢為盜無敢辨其冤者自君卒後天子感悟凡所被逐之臣復召用皆顯列于朝而至今無復為君言者宜其欲求伸於地下也宜予述其得罪以死之詳而使後世知其有以也既又長言以為之辭庶幾并寫予之所以哀君者其辭曰

乃以事中君坐監進奏院祠神奏用市故紙錢會客皆一時賢俊悉坐貶逐然後中君者喜曰吾一舉網盡之矣其後三四大臣繼罷去天下事卒不復施為君携妻子居蘇州買水石作滄浪亭日益讀書大涵肆於六經而時發其憤悶於歌詩至其所激往往驚絕又喜行草書皆可愛故其雖短章醉墨落筆爭為人所傳天下之士聞其名而慕見其所傳而喜往揖其貌而竦聽其論而驚以服之與其居而不能捨以去也居數年復得湖

欽定四庫全書

卷一百四十

九

州長史慶歷八年十二月某日以疾卒于蘇州享年四十有一君先娶鄭氏後娶杜氏三子長曰泌將作監主簿次曰液曰激二女長適前進士陳紘次尚幼初君得罪時以奏用錢為盜無敢辨其冤者自君卒後天子感悟凡所被逐之臣復召用皆顯列于朝而至今無復為君言者宜其欲求伸於地下也宜予述其得罪以死之詳而使後世知其有以也既又長言以為之辭庶幾并寫予之所以哀君者其辭曰

謂為無力兮孰擊而去之謂為有力兮胡不反子之歸
豈彼能而此不為善百譽而不進兮一毀終世以顛隣
羌孰問兮杳難知嗟子之中兮有韞而無施文章發耀
兮星日光輝雖冥冥以掩恨兮不昭昭其永垂

梅聖俞墓誌銘

歐陽修

嘉祐五年京師大疫四月乙亥聖俞得疾卧城東汴陽坊明日朝之賢士大夫往問疾者騁呼屬路不絕城東之人市者廢行者不得往來咸驚顧相語曰茲坊所居

欽定四庫全書

卷一百四十

十

大人誰邪何致客之多也居八日癸未聖俞卒於是賢士大夫又走哭如前日益多而其尤親且舊者相與聚而謀其後事自丞相以下皆有以贈卹其家粵六月某日其孤增載其柩南歸以某年某月某日葬于某所聖俞字也其名堯臣姓梅氏宣州宣城人也自其家世頗能詩而從父詢以仕顯至聖俞遂以詩聞自武夫貴戚童兒野叟皆能道其名字雖妄愚人不能知詩義者直曰此世所貴也吾能得之用以自矜故求者日踵門

而聖俞詩遂行天下其初喜為清麗閒肆平淡久則涵演深遠間亦琢刻以出怪巧然氣完力餘益老以勁其應於人者多故辭非一體至於它文章皆可喜非如唐諸子號詩人者僻固而狹陋也聖俞為人仁厚樂易未嘗忤於物至其窮愁感憤有所罵譏笑謔一發於詩然用以為驩而不怨懟可謂君子者也初在河南王文康公見其文歎曰二百年無此作矣其後大臣屢薦宜在館閣嘗一召試賜進士出身餘輒不報嘉祐元年翰林

學士趙槩等十餘人列言于朝曰梅某經行修明願得留與國子諸生講論道德作為雅頌以歌詠聖化乃得國子監直講三年冬祫于太廟御史中丞韓絳言天子且親祠當更制樂章以薦祖考惟梅某為宜亦不報聖俞初以從父蔭補太廟齋郎歷桐城河南河陽三縣主簿以德興縣令知建德縣又知襄城縣監湖州鹽稅簽署忠武鎮安兩軍節度判官監永濟倉國子監直講累官至尚書都官員外郎嘗奏其所撰唐載二十六卷多

補正舊史闕繆乃命編修唐書書成未奏而卒享年五十有九曾祖諱某祖諱某皆不仕父諱某太子中舍致仕贈職方郎中母曰仙游縣太君東氏又曰清河縣太君張氏初娶謝氏再娶刁氏封某縣君子男五人曰增曰墀曰堦曰龜兒一早卒女二人長適太廟齋郎薛通次尚幼聖俞學長於毛氏詩為小傳二十卷其文集四十卷注孫子十三卷余嘗論其詩曰世謂詩人少達而多窮蓋非詩能窮人殆窮者而後工也聖俞以為知言

銘曰

不戚其窮不困其鳴不躡于難不履于傾養其和平以發厥聲震越渾煌衆聽以驚以揚其清以播其英以成其名以告諸冥

石守道墓誌銘

歐陽修

徂徠先生姓石氏名介字守道兗州奉符人也徂徠魯東山而先生非隱者也其仕嘗位於朝矣魯之人不稱其官而稱其德以為徂徠魯之望先生魯人之所尊故

因其所居山以配其有德之稱曰徂徠先生者魯人之志也先生貌厚而氣完學篤而志大雖在畎畝不忘天下之憂以謂時無不可為為之無不至不在其位則行其言吾言用功利施於天下不必出乎己吾言不用雖獲禍咎至死而不悔其遇事發憤作為文章極陳古今治亂成敗以指切當世賢愚善惡是非非無所諱忌世俗頗駭其言由是謗議喧然而小人尤嫉惡之相與出力必擠之死先生安然不惑不變曰吾道固如是吾

勇過孟軻矣不幸遇疾以卒旣卒而姦人有欲以奇禍中傷大臣者猶指先生以起事謂其詐死而北走契丹矣請發棺以驗賴天子仁聖察其誣得不發棺而保全其妻子先生世為農家父諱丙始以仕進官至太常博士先生年二十六舉進士甲科為鄆州觀察推官南京留守推官御史臺辟主簿未至以上書論赦罷不召秩滿遷某軍節度掌書記代其父官于蜀為嘉州軍事判官丁內外艱去官垢面跣足躬耕徂徠之下葬其五世

為周孔之徒以致其君為堯舜之君民為堯舜之民亦

未嘗一日少忘于心至其違世驚衆人或笑之則曰吾

非狂癡者也是以君子察其行而信其言推其用心而

哀其志先生直講歲餘杜祁公薦之天子拜太子中允

今丞相韓公又薦之乃直集賢院又歲餘始去太學通

判濮州方待次于徂徠以慶歷五年七月某日卒于家

享年四十有一友人廬陵歐陽修哭之以詩以謂待彼

謗焰熄然後先生之道明矣先生旣沒妻子凍餒不自

欽定四庫全書

宋文鑑
卷一百四十

十五

勝今丞相韓公與河陽富公分俸買田以活之後二十一年其家始克葬先生于某所將葬其子師訥與其門人姜潛杜默徐遁等來告曰謗焰熄矣可以發先生之光矣敢請銘某曰吾詩不云乎子道自能久也何必吾銘遁等曰雖然魯人之欲也乃為之銘曰

徂徠之巖巖與子之德兮魯人之所瞻汶水之湯湯與子之道兮逾遠而彌長道之難行兮孔孟遑遑一世之光兮萬世之光曰吾不有命兮安在夫桓魋與臧倉自

古聖賢皆然兮噫子雖毀其何傷

蘇明允墓誌銘

歐陽修

有蜀君子曰蘇君諱洵字明允眉州眉山人也君修於家信於鄉里聞於蜀之人久矣當至和嘉祐之間與其

二子軾轍偕至京師翰林學士歐陽修得其所著書二

十二篇獻諸朝書既出而公卿士大夫爭傳之其二子

舉進士皆在高等亦以文學稱於時眉山在西南數千

里外一日父子隱然名動京師而蘇氏文章遂擅天下

欽定四庫全書

宋文鑑
卷一百四十

十六

君之文博辯宏偉讀者竦然想見其人旣見而溫溫似不能言及即之與居愈久而愈可愛間而出其所有愈叩而愈無窮嗚呼可謂純明篤實之君子也曾祖諱某祖諱某父諱某贈尚書職方員外郎三世皆不顯職方君三子曰澹曰渙皆以文學舉進士而君少獨不喜學年已壯猶不知書職方君縱而不問鄉閭親族皆怪之或問其故職方君笑而不答君亦自如也年二十七始大發憤謝其素所往來少年閉戶讀書為文辭歲餘舉

進士再不中又舉茂材異等不中退而歎曰此不足為吾學也悉取所為文數百篇焚之益閉戶讀書絕筆不為文辭者五六年乃大究六經百家之說以考質古今治亂成敗聖賢窮達出處之際得其粹精涵畜充溢抑而不發久之慨然曰可矣由是下筆頃刻數千言其縱橫上下出入馳驟必造於深微而後止蓋其稟也厚故

發之遲志也懲故得之精自來京師一時後生學者皆尊其賢學其文以為師法以其父子俱知名故號老蘇

三卷君善與人交急人患難死則卹養其孤鄉人多德之蓋晚而好易曰易之道深矣泊而不明者諸儒以附會之說亂之也去之則聖人之旨見矣作易傳未成而卒以其年某月某日葬于彭山之安鎮鄉可龍里君生於遠方而學又晚成常歎曰知我者惟吾父與歐陽公也然則非余誰宜銘銘曰

蘇顯唐世實樂城人以官留眉蕃蕃子孫自其高曾鄉里稱仁偉歟明允大發於文亦既有文而又有子其存不朽其嗣彌昌嗚呼明允可謂不亡

以別之初修為上其書召試紫微閣辭不至遂除試秘書省校書郎會太常修纂建隆以來禮書乃以為霸州文安縣主簿使食其祿與陳州項城縣令姚闢同修禮書為太常因革禮一百卷書成方奏未報而君以疾卒實治平三年四月某日也享年五十有八天子聞而哀之特贈光祿寺丞勅有司具舟載其喪歸于蜀君娶程氏大理寺丞文應之女生三子曰景早卒軾今為某官轍某官三女皆早卒孫曰邁曰遲有文集若干卷謚法

欽定四庫全書會要卷二萬六十四 集部

宋文鑑卷一百四十一 宋呂祖謙編

墓誌

南陽縣君謝氏墓誌銘

歐陽修

慶歷四年秋予友宛陵梅聖俞來自吳興出其哭內之詩而悲曰吾妻謝氏亡矣丐我以銘而葬焉予未暇作居一歲中書七八至未嘗不以謝氏銘為言且曰吾妻故太子賓客諱濤之女希深之妹也希深父子為時聞人而世顯榮謝氏生於盛族年二十以歸吾凡十七年而卒卒之夕歛以嫁時之衣甚矣吾貧可知也然謝氏怡然處之治其家有常法其飲食器皿雖不及豐侈而必精以旨其衣無故新而潔濯縫紉必潔以完所至官舍雖庳陋而庭宇灑掃必肅以嚴其平居語言容止必怡以和吾窮于世久矣其出而幸與賢士大夫遊而樂入則見吾妻之怡怡而忘其憂使吾不以富貴貧賤累其心者抑吾妻之助也吾嘗與士大夫語謝氏多從戶

屏竊聽之間則盡能商榷其人才能賢否及時事之得失皆有條理吾官吳興或自外歸必問曰今日孰與飲而樂乎聞其賢者也則悅否則歎曰君所交皆一時賢雋今與是人飲而歡耶是歲南方旱仰見飛蝗而歎曰今西兵未解天下重困盜賊暴起於兩淮而天旱且蝗如此我為婦人死而得君葬我幸矣其所以能安吾貧而不困者其性識明而知道理也嗚呼其生也迫吾之貧而沒也又無以厚焉謂惟文字可以著其不朽且其平生尤知文章為可貴歿而得此庶幾以慰其魂且塞予悲此吾所以請銘於子之勤也若此予忍不銘夫人享年三十七用夫恩封南陽縣君二男一女以某年七月某日卒于高郵梅氏世葬宛陵以貧不能歸也某年某月某日葬于潤州之某縣某原銘曰

高崖斷谷兮京口之原山蒼水深兮土厚而堅居之可樂兮卜者曰然骨肉雖土兮魂氣則天何必故鄉兮然後為安

張晦之墓誌銘

宋祁

嗚呼有宋文人張晦之之墓晦之名景江陵公安人霸
仲能言長嗜學尤力未冠涉通藝文頗班班言當世務
貧不治產往從崇儀使解人柳開以文自名而薦寵士
類一見歡甚悉出家書畀之由是屬辭益有法度開每
曰今日在朝廷挈囊薦笏誰踰晦之者即厚遣使如京
師時富春孫僅沛國朱嚴成紀李庶幾號為豪英晦之
敝衣與游名稱籍籍美不容口真聖諒闇未即聽政責
欽定四庫全書

卷一百四十一

宋文鑑

三

有司精覆計偕與者十一二晦之名在第四調主大名
館陶薄年少氣銳未能以智自將坐公累為吏痛詆貶
全州會赦還豪長者得罪并坐所知繼為房襄二州文
學參軍晦之中廢不用則大覃思古今為洪範王霸二
書常病浮圖氏怪迂誕荒塔廟日熾雖服儒衣冠者皆
胡言膜拜共寵神之慤寘六經反為外典故因事見文
為記傳數十篇而辨析之雖與世舛馳而自信不殆云
康肅陳公堯咨以西臺舍人為本府雅聞晦之為言於

上復選楚州寶應主簿最狀應條監司以聞改大理評
事知泗州昭信縣淮島僉雜馮戾機巫晦之前除傍祀
且百所輸入材瓦以完吏舍急病職勞邑人宜之轉運
使任其能移掌真州榷茶務既又請通理州事可制已
報會遣疾終官下年四十九實天禧二年三月十日噫
世之言材而顯善而父皆若可信如晦之終始報嚮獨
大謬不然者邪晦之幼喪二親有終身之戚方其間闊
蓬累而竭誠盡物克襄裏事焉墓不用甓既窆下土實之
欽定四庫全書

卷一百四十一

宋文鑑

四

曰千歲後無為狐兔宅不亦善乎荆人高之咸曰張氏
有子矣事崇儀也崇儀欲以兄子妻之未歸而亡又委
禽於唐氏生二女子皆有行一男早夭晦之即世夫人
奉柩以如許昌將使時來南以歲之不易久而去室康
定元年著作佐郎王儀太初始得襄幌柳以其月日祐
壻其先塋從昭穆之圖成君志也三代之諱之行則湧
海胡旦及康肅公為先塋之誌若表在焉平生文章門
人萬稱集為二十五通太初與晦之再世表重節義然

諾且少相友善故哀狀丐文而畢此封樹焉銘曰

皭才章兮懿淳孝至臚仕兮難老嗇弗予兮孰天道塞
皇皇兮晚獲伸發吾懷兮露珍甫半道兮摧華輪倚廬
空兮無家嗣從橐殯兮二紀夢煢煢兮何所止彼戚友
兮義弗違奉輦柩兮來歸穴虛祔兮人所悲兄弟鮮兮
立後神茫茫兮安究尚立言兮參不朽

呂獻可墓誌銘

司馬光

君諱晦字獻可幼孤自力為學家于洛陽性沈厚不妄

欽定四庫全書

宋文選
卷一百四十一

五

交遊洛陽士人往往不之識登進士第調浮梁尉不之

官歷旌德扶風主簿遷雲陽令改著作佐郎知翼城縣

徙簽書定國軍節度判官通判梓州事未至官遭母喪

服除知大通監兼交城縣召入為殿中侍御史彈劾無

所避充國公主仁宗之愛女下嫁李璋薄其夫家嘗因

忿恚夜開禁門入訴於上獻可奏宿衛不可不嚴公主

夜叩禁門門者不當聽入并劾奏公主閻宦者梁懷吉

梁全一竄逐之會有新除樞密副使者當時人有疑論

獻可與其僚直以衆言陳上前謂必不可留章十七上

卒與之俱罷獻可得知江州父之復召還臺英宗即位

改起居舍人同知諫院時上有疾太后權同聽政內侍

郎都知任守忠久用事於中上之立非守忠意來此與

其徒間構兩宮造播惡言中外恠懼獻可連上兩宮書

開陳大義辭情切至由是慈孝益篤謠言不得行上疾

久未平獻可請早建東宮以安人心既而上小瘳謙默

未可視事獻可屢乞親萬幾攬威福延近臣通下情太

欽定四庫全書

宋文選
卷一百四十一

六

后間數日一御東殿漸遠庶務自謀安佚會小旱因請

上親出禱雨使外疑釋然太后既歸政獻可復言於上今

雖專聽斷太后輔佐先帝久多閱天下事事之大者猶

宜關白咨訪然後行示不敢專以報盛德任守忠謀不

售而懼乃更巧為謠訛求自入於上獻可曰是不可使

久處左右亟言上數其前後巨惡并其黨史昭錫竄於

南方因上言大姦已去其餘嚮日憑恃無禮者宜一切

縱捨勿念以安反側頃之以兵部員外郎兼侍御史知

雜事執政建言欲如漢氏故事推尊漢安懿王獻可率僚屬極陳其不可且請治執政之罪積十餘章不聽乃求自貶又十餘章懷知雜御史勅告納上前曰臣言不敢不敢居其位上重違大臣又嘉臺官敢直言章留中不下還其勅告屢詔令就職獻可與僚屬具錄所上奏草納中書稱不敢奉詔固請即罪上不得已聽以本官出知蘄州已而徙知晉州今上即位加集賢殿修撰知河中府未幾召為刑部郎中充鹽鐵副使上素聞其彊

直擢為天章閣待制復知諫院遷諫議大夫權御史中丞是時有侍臣棄官家居者朝野稱其材以為古今少倫天子引參大政衆皆喜於得人獻可獨以為不然衆莫不怪之居無何新為政者恃其材棄衆任已厭常為奇多變更祖宗法專汲汲歛民財所愛信引拔時或非其人天下失望獻可屢爭不能得乃抗章悉條其過失且曰誤天下蒼生必此人如久居廟堂必無安静之理又曰天下本無事但庸人擾之上遣使諭解獻可執之

愈堅乃罷中丞出知鄧州雖在外遇朝廷有大得失猶言之不置會疾奏乞閑官歸鄉里朝旨未許乃乞致仕詔提舉西京崇福宮到官又乞致仕許之以熙寧四年五月甲午終於家年五十有八初正惠公薨其家日益貧獻可既仕常分俸之半以給宗族孤嫠者室無餘資所以自奉養至儉薄其治民主於愛利而疾姦暴大抵槩以公平故所至人安之屢為言職其奏草存可見者凡二百八十有九歷觀古人有能得其一二已可載之

列傳垂示後世在獻可曾何足道今特舉其事繫安危者書之至於進對口陳之語不可得而聞也前後三逐皆以迕犯大臣所與敵者莫非秉大權天子所信嚮氣勢輒天下獻可視之若無所睹正色直辭指救其非不去不已旁側為之股慄而獻可處之自如平居容貌語言恂恂和易使之不得位於朝人不過以謹厚長者名之而已矣及遇事苟義所當為疾趨徑前如救焚溺所不當為畏避遠去如顧陷穿惟恐墜焉晚年病卧洛陽

猶旦夕憤嘆以天下事為憂過於在位任其責者曾不

念其身之病子孫之貧也嗚呼今之世愛君憂民發於心無所為而為之可已而不已始終不變有如獻可者能幾人耶故其歿之日天下識與不識皆咨嗟痛惜彼其心豈獨私於獻可哉獻可始娶張氏故丞相鄧公之孫後娶時氏故御史旦之孫封同安郡君四男長曰由庚金水主簿次曰由聖由禮由誠皆將作監主簿六女長適羅山令鞠丞之次蚤卒次適光祿寺丞吳安詩次

欽定四庫全書

卷一百四十一
宋文鑑

九

適進士姚輝慶者二人以其年八月二十日葬於伊闢

縣神陰鄉中費里先塋之西獻可病亟為手書命光為理文光往省之至則目且瞑光伏呼曰更有以見屬乎張目強視曰無光出門而獻可歿噫如光者烏足以副獻可之所待耶顧義不得辭哭而為銘曰

有宋名臣呂正惠公之孫以忠直敢言克紹其門位則不究道則不負年則不壽名則不朽嗚呼為人臣為人嗣始終無愧能底于是可謂備矣

葛源墓誌銘

王安石

葛公姓也源名也宗聖字也廬州之麗水公所生也明州之鄞後所遷也貫曾大考遇大考也旺累贈都官郎中考也進士公所起也洪州左司理參軍吉州太和縣主簿江州德化縣令監興國茶場威武軍節度推官知廣州四會縣著作佐郎知開封府雍丘縣祕書丞知泉州同安縣太常博士通判建州屯田員外郎知慶成軍都官員外郎知南劍州司封員外郎祠部郎中江浙荆湖福建廣南提點銀銅坑冶鑄錢度支郎中荆湖北路提點刑獄此公之所閱官也州將之甥與異母兄毆人而甥殺之州將脅公曰兩人者皆吾甥而殺人者乃其兄也我知之彼大姓也無為有司所誤不然此獄也將必覆公劾不為變此公之為司理參軍也州符從吉州行令事佗日令始至大猾吏輒誘民數百訟庭下設變詐以動令如此數日令厭事事在吏矣公至立訟者兩廡下取其狀視有如吏所為者使自書所訴不能書

者吏受之往往不能如狀窮輒曰我不知為此乃某教我所為也悉捕劾致之法訟以故少吏亦終不得其意毛氏寡婦告其子以恩義說之不得即使人徵捕得之與間語者驗其對乃書寡婦告者也窮治具服為私謀誣子孫距州溪水惡而歲租幾千萬石舟善敗民以輸為愁公始議縣置倉以受輸則官漕之亦便州不聽公論之不已倉成至今賴其利此公之為主簿也中貴人擊驛吏取所給過家以言府府不敢劾公曰中貴人何

憚為吾民而有陵之者吾亦恥之上書論其事中貴人坐絀此公之為縣於雍丘也屬吏常有隙於公同進者因讒之公察其旨不聽以為舉首此公之為州於南劍也鑄錢歲十六萬其所施置後以為法程此公之為銀銅坑冶鑄錢也郢州崇陽大姓與人妻謀而殺其夫州受賊出之公使再劾劾者又受賊獄如初而公終以為不直其弟訴之轉運使雖他在事者亦莫不以為寃復置之獄卒得其姦賊狀論如法此公之為提點刑獄也

甲子四百三十五公所享年也至和元年六月乙未卒之年月日也潤州之丹徒縣長樂鄉顯陽村公所葬也嘉祐元年十月壬申葬之年月日也鄉邑孫氏今祔以塋者公元配也萬年縣君范陽盧氏公繼配也良肱良佐良嗣公子也妻太常博士黃知良曰金華縣君公女也起進士為越州餘姚縣尉主公之喪而請銘以塋者良嗣也論次其所得於良嗣而為之銘者臨川王安石也銘曰

士窺以養交兮弛官之不忌維公之所至兮樂職嗜事彼能顯聞兮公則不晰不銘示後兮孰勸為瘁

蘇安世墓誌銘

王安石

慶歷五年河北都轉運使龍圖閣直學士歐陽修以言事切直為權貴人所怒因其孤甥女子有獄誣以姦利事天子使三司戶部判官太常博士武功蘇君與中貴人雜治當是時權貴人連內外諸怨惡修者為惡言欲傾修銳甚天下汹汹必修不能自脫蘇君卒白上曰

修無罪言者誣之耳於是權貴人大怒誣君以不直糲使為殿中丞泰州監稅然天子遂寤言者不得意而修等皆無恙蘇君以此名聞天下嗟乎以忠為不忠而誅不當於有罪人主之大戒然古之陷此者相隨屬以有左右之讒而無如蘇君之救是以卒至於敗亡而不寤然則蘇君一動其於天下豈小也哉蘇君既出逐權貴人更用事凡五年之間再赦而君六徙東西南北水陸奔走輒萬里其心恬然無有怨悔遇事強果未嘗少屈

蓋孔子所謂剛者殆蘇君矣蘇君之仁與智又有足稱者嘗通判陝府當葛懷敏之敗邊告急樞密使取道路戍還之卒再戍大怨即謹聚謀為變吏白閉城城中無一人敢出君徐以一騎出卒間諭止之而以便宜還使者戍卒喜曰微蘇君吾不得生陝人曰微蘇君吾其掠死矣有令刺陝西之民以為兵敢亡者死既而亡者得有司治之以死而君輒縱去言上曰令民以死者為事不集也事集矣亡者猶不赦恐其衆相聚而為盜惟朝

廷幸哀憐愚民使得自反天子以君言為然而三十州之亡者皆不死其後知坊州州稅賦之無歸者里正代為之輸歲弊大家數十君鈎治使歸其主坊人不憂為里正自蘇君始也蘇君諱安世字夢得其先武功人後徙蜀蜀亡歸京師今為開封人也曾大考諱進之率府副率大考諱繼殿直考諱咸熙贈都官郎中君以進士起三十二年其卒年五十九為廣西轉運使而官止於屯田員外郎者以君十五年不求磨勘也君娶南陽葉氏又娶清河某氏子四人台文永州推官祥文太廟齋郎炳文試將作監主簿彥文未仕女子五人適進士會稽江松單州魚臺縣尉江山趙楊三人尚幼君既卒之三年嘉祐二年十月庚午其子塋君揚州之江都東興寧鄉馬坊村而太常博士知常州軍州事臨川王安石為銘曰

皇有四極周綏以福使維蘇君奠我南服亢亢蘇君不圓其方不晦其明君子之剛其枉在人我得吾直誰懟

誰溫祗天之役日月有丘其下冥冥昭君無窮安石之
銘

許平墓誌銘

王安石

君諱平字秉之姓許氏余嘗譜其世家所謂今泰州海
陵縣主簿者也君既與兄元相友愛稱天下而自少卓
犖不羈善辨說與其兄俱以智略為當世大人所器寶
元時朝廷開方略之選以招天下異能之士而陝西大
帥范文正公鄭文肅公爭以君所為書以薦於是得召
欽定四庫全書
宋文鑑卷一百四十一
七

而不悔者其知之矣君年五十九以嘉祐某年某月某
甲子塋真州之揚子縣甘露鄉某所之原夫人李氏子
男壞不仕璋真州司戶參軍琦太廟齋郎琳進士女子
五人已嫁者二人進士周奉先泰州泰興縣令陶舜元
有拔而起之莫擠而止之嗚呼許君而已於斯誰或使之
銘曰

陳比部墓誌銘

王安石

陳晉公有子五人其一人今宰相是也公晉公之中子
而今宰相弟晉公諱恕事始卒在史官公諱某字某九
歲用晉公恩守祕書省校書郎晉公薨恩改太常寺奉
禮郎服除義之會封禪恩改大理評事監鳳翔府酒稅
又會祀汾陰改衛尉寺丞歸以最升知邵武之邵武縣
獻文章得試學士院宰相才之議與科名公固辭親在
願得進官職也不願得科名從之通判秀州改大理寺
丞歸又獻文章表乞治劇郡得淮陽軍改太子中舍今
丞歸又獻文章表乞治劇郡得淮陽軍改太子中舍今

上即位又恩改殿中丞是歲賜緋衣銀魚知臨江軍還得睦州薦者數人天子以公名屬審官又徙知遂州以齊國太夫人疾辭還改虞部員外郎上便宜數事得引對因自贊天子欲稍進用之而遭齊國太夫人之喪以去居無何睦州人王稷上書斥公赦前數事服除猶坐是監虔州稅明道元年恩改比部員外郎通判建州改駕部用舉者徒知吉州坐法免起為比部監泗州糧料院又坐法免起為虞部監饒州錢監復得比部歸羈居

欽定四庫全書

卷一百四十一

宋文鑑

京師久之乃出監江陰軍酒稅道疾病上書自言先臣恕得幸先皇帝至大臣臣階先臣以得仕屢進所學蒙記識方壯少時頗汲汲欲自奮取一日之效以卒事陛下之分而孤行單立無黨友之助又薄命不幸數遭小人以見困蹙負先臣餘教辱陛下器使之恩今老矣念終無以報盛德其心媿夙夜憂畏以故得疾病且死無田園以歸無强有力子弟以養唯男一人世昌去年為進士得嘉慶縣院解臣兄在中書奏不得試禮部今

當為遠官去臣旁遠甚陛下憐之幸聽臣分司改世昌蘇常間一官以卒養臣天地之賜也臣誠窮即不自言誰當為臣言者乎書入未報竟卒於江寧得年若干時某年月也夫人某氏子男兩人世昌泉之晉江主簿幼世長前死女兩人皆已嫁主簿將以某年月葬公某處葬有日使來乞銘初公為臨江軍先君為之佐其後二十五年安石得主簿於淮南而兄事之仍世有好義不可以辭無銘也公名臣子少壯得美仕間以文藝自進

欽定四庫全書

卷一百四十一

宋文鑑

意自以為且貴富世其家而遭平世槩以文法持臣下故其材不得有所肆而卒以齟齬窮其感激怨懟往往見於文辭主簿離其藁為二十卷讀之知其心之所存也而其求分司語尤悲因掇其大槩而存之噫其亦可悲也夫銘曰

於此有木焉一本而中分其材均樹之時又均或斷而焚或剖以為犧尊誰令然耶其偶然邪吾又何嗟

王深甫墓誌銘

王安石

吾友深父書足以致其言言足以遂其志志欲以聖人之道為已任蓋非至於命弗止也故不為小廉曲謹以投衆人耳目而取舍進退去就必度於仁義世皆稱其學問文章行治然真知其人者不多而多見謂迂濶不足趣時合變嗟乎是乃所以為深父也令深父而有以合乎彼則必無以同乎此矣嘗獨以謂天之生夫人也殆將以壽考成其才使有待而後顯以施澤於天下或者誘其言以明先王之道覺後世之民嗚呼孰以為道

欽定四庫全書

宋文鑑 卷一百四十一 九

不任於天德不酬於人而今死矣甚哉聖人君子之難知也以孟軻之聖而弟子所願止於管仲晏嬰况餘人乎至於揚雄尤當世之所賤簡其為門人者一俟芭而已芭稱雄書以為勝周易易不可勝也芭尚不為知雄者而人皆曰古之人生無所遇合至其沒久而後世莫不知若軻雄者其沒皆過千歲讀其書知其意者甚少則後世所謂知者未必真也夫此兩人以老而終幸能著書書具在然尚如此嗟乎深父其智雖能知軻其於

為雄雖幾可以無悔然其志未就其書未具而既早死豈特無所遇於今又將無所傳於後天之生夫人也而命之如此蓋非余所能知也深父諱回本河南王氏其後自光州之固始遷福州之侯官為侯官人者三世曾祖諱某某官祖諱某某官考諱某尚書兵部員外郎兵部塋潁州之汝陰故今為汝陰人深父嘗以進士補亳州衛真縣主簿歲餘自免去有勸之仕者輒辭以養母其卒以治平二年七月二十八日年四十三於是朝廷

欽定四庫全書

宋文鑑 卷一百四十一 九

用薦者以為其軍節度推官知陳州南頓縣事書下而深父死矣夫人曾氏先若干日卒子男一人某女二人皆尚幼諸弟以某年某月某日塋深父某縣某鄉某里以曾氏祔銘曰

嗚呼深父維德之仔肩以廸祖武厥艱荒遐力必踐取莫吾知庸亦莫吾侮神則尚反歸形此土

趙師旦墓誌銘

王安石

儂智高反廣南攻破諸州州將之以義死者二人而康

州趙君余嘗知其為賢者也君用叔祖蔭試將作監主簿遷許州陽翟縣主簿潭州司法參軍數以公事抗轉運使連劾奏君而州將為君訟於朝以故得無坐用舉者為溫州樂清縣令又用舉者就除寧海軍節度推官知衢州江山縣斷治出已當於民心而吏不能得民一錢棄物道上人無敢取者余嘗至衢州而君之去江山益已久矣衢人尚思君之所為而稱說之不容口又用舉者改大理寺丞知徐州彭城縣祀明堂恩改太子右

贊善大夫移知康州至二月而儂智高來攻君悉其卒三百以戰智高為之少却是夜君顧夫人取州印佩之使負其子以匿曰明日賊必大至吾知不敵然不可以去汝留死無為也明日戰不勝遂抗賊以死於是君年四十二兵馬監押馬貴者與卒三百人亦皆死而無一人亡者初君戰時馬貴惶擾至不能食飲君獨飽如平時至夜貴卧不能著寢君即大鼾比明而後寤夫死生之故亦大矣而君所以處之如此嗚呼其於義與命可

謂能安之矣君死之後一日而州司理譚必始為之棺斂又百日而君弟至遂護其喪歸葬至江山江山之老人相携扶祭哭其迎君喪有數百里者而康州之人亦請於安撫使而為君置屋以祠安撫使以君之事聞天子贈君光祿少卿官其一子覲右侍禁官其弟子試將作監主簿又以其弟潤州錄事參軍師陟為大理寺丞簽書泰州軍事判官廳公事君諱師旦字潛叔其先單州之成武人曾祖諱晟贈太師祖諱和尚書比部郎中

贈光祿少卿考諱應言太常博士贈尚書屯田郎中自君之祖始去成武而葬楚州之山陽故今為山陽人而君弟以嘉祐五年正月十六日葬君山陽上鄉仁和之原於是夫人王氏亦卒矣遂舉其喪以祔銘曰可以無禍有功於時玩君安榮相顧莫為誰其視死高蹈不疑嗚呼康州銘以昭之

欽定四庫全書 舊文卷二萬六十五

集部

宋文鑑卷一百四十二

宋呂祖謙編

墓誌

孔寧極墓誌銘

王安石

先生諱旼字寧極睦州桐廬縣尉諱詢之曾孫贈國子博士諱延滔之孫尚書都官員外郎諱昭亮之子自都官而上至孔子四十五世先生嘗欲舉進士已而悔曰吾豈有不得已於此邪遂居于汝州之龍興山而上塋

欽定四庫全書

卷一百四十二

欽定四庫全書

卷一百四十二

其親於汝汝人爭訟之不可平者不聽有司而聽先生之一言不羞犯有司之刑而以不得於先生為恥慶歷七年詔求天下行義之士而守臣以先生應詔於是朝廷賜之米帛又勅州縣除其雜賦嘉祐三年近臣多言先生有道德可用而執政度以為不肯屈除守秘書省校書郎致仕四年近臣又多以為言乃召以為國子監直講先生辭乃除守光祿寺丞致仕五年大臣有請先生爲其屬縣者於是天子以知汝州龍興縣事先生又

有入而不出以身易物有往而不反以私其佚嗚呼先生好潔而無尤匪佚之為私維志之求

戚舜臣墓誌銘

曾鞏

余觀三王所以教天下之士而至於節文之者知士之出於其時者皆世其道德蓋有以然也去三王千數百年之間教法既已壞士之學行世其家若漢之袁氏楊氏陳氏唐之柳氏其操義風槩有以厲天下矯異世否邪以余所聞若宋之戚氏其事可以次叙焉公其家子也叙曰公宋之楚丘人大父諱同文唐天祐元年生歷五代入宋皆不仕以文學義行為學者師歿其徒相與號為正素先生後以子貴贈兵部侍郎考諱綸事太宗真宗以賢能為樞密直學士與其兄職方郎中維以友愛聞祥符天禧之間學士以論天書黜而郎中蓋亦舉賢良不就以為曹國公翊善不合去益其父子兄弟之出處如此學士後以子貴贈司徒公名舜臣字世佐司徒之少子也恭謹恂恂舉措必以禮擇然後出言與其兄

某官舜賓某官舜舉復以友愛能帥其家有先人法度聞自天祐至今百有五十餘年天下六易士之名一能守一善或身不終或至子孫而失者多矣而戚氏之世德獨久如此何其盛也然世之談者方多人之囂子儉孫隆名極位世世苟得者以為能守其業是本何理哉公少以蔭補將作監主簿然三十猶在司徒之側司徒終而貧乃出監雍丘稅又監衢州酒遷知舒州太湖縣兼提舉茶場治有惠愛民乞留從之復三年乃得代獻詩言賦茶之苛歲用萬數願棄勿採以感動當世歸監在京鹽院言鹽之利宜通商聽之出通判泗州能使轉運使不得以暴歛侵其民而民之養人者得以其義貫死又通判濮州當王則反於貝民相驚幾亂公斬一人搖濮中者驚乃止已而提點刑獄以為功得改官公不自言轉知撫州其治大方務除苛去煩州之詭祠有大帝號者祠至百餘所公悉除之民大化服徒知南安軍至未及有所施為而公益已病矣皇祐四年六月七日

卒於官年五十有七自主簿凡十一遷其官至尚書虞部郎中公濮州之歸也以其屬與公之配陳氏凡十三喪葬宋之北原皇祐六年正月八日公之子師道遂以公從陳氏葬戚氏者衛之大夫孫文子食於河上之邑曰戚為姬姓之後至後世失其所食邑而更自別曰戚氏漢有以郎從高祖封臨轍侯者曰戚鮑鮑侯四世而失梁有以三禮為博士入陳卒者曰戚袞袞為吳郡鹽官人侍郎之曾祖曰遠祖曰琮父曰圭其譜曰琮自長

公從陳氏葬戚氏者衛之大夫孫文子食於河上之邑曰戚為姬姓之後至後世失其所食邑而更自別曰戚氏漢有以郎從高祖封臨轍侯者曰戚鮑鮑侯四世而失梁有以三禮為博士入陳卒者曰戚袞袞為吳郡鹽官人侍郎之曾祖曰遠祖曰琮父曰圭其譜曰琮自長

錢純老墓誌銘

曾鞏

隆隆戚宗自姬出臨轍鹽官耀名實侍郎家梁自祖琮違世恬幽樹儒術司徒郎中藝且賢詆符繩公事魁崛恂恂南安得家規莊容必辭若遵律盛哉徽名後宜聞刻銘方珉告幽室

豐之戚村徙居楚丘故今為楚丘人此戚氏之先後可見者也觀公之守其業者可以知其恭觀公之施於事者可以知其厚矣然人亦少有能愛之者蓋世之為聰明立聲威者雖荒謬悖冒無不遇於世至恭讓質直不能馳騁而遇困蹙者獨不可稱數余甚異焉夫赴時趣務則材者固亦重矣而立人成俗則潔身積行豈可輕也哉然時之取捨若此亦其不幸不遇處之各適其理也銘曰

貧母嫁既長還依其族之大人刻勵就學并日夜忘寢食於書無所不治已通其大旨至於分章別句類數辨名叢細委曲無不完盡其見於文辭閑放雋偉故出而與天下之士挾其所有較於有司常出衆上以故名動一時其為尉及為秀婺鄧州更革弛壞理具設張為直講以能教誘學者歸之為校理屬英宗之初慈聖光獻皇后聽政公三上書請還政天子為吏部謹繩墨選者稱其平為開封以慈恕簡靜為體不求智名以投世取顯為公屬者有不與公合然公遇之未嘗有厚薄意士以此多公而為公屬者後卒亦心服也公於衆不矯矯為異亦不翕翕為同以其故人莫能親疎至於勢利之際人所競逐公方隤然迹與衆遠故雖有夸者亦不以公為可忌也公之為判官也府嘗有獄或探大臣意謂欲有所附致公不為動徐論其意而已公平居樂易無崖岸及至有所特立人固有所不能及者類如此也公為人謹畏清約與人交淡然久而後知其篤也公之先

既籍疆土歸天子其後至昭化守和州十有八年以卒詔葬和州子孫因家焉至公始葬其母於蘇州吳縣龍岡村之天平山故今又為蘇州人公諱藻字純老封仁和縣開國伯賜服金紫年六十有一元豐五年正月庚寅卒于位某年某月某甲子葬天平山從其母永嘉郡太君丁氏之兆公妻孫氏泰興縣君男曰某曰某蚤世曰嶧某官孫曰某某官公卒上馳使臨視其家知其貧特賜錢五十萬而官其弟若子孫凡三人公與余嘗為僚相善其且歿以遺事屬余而其家因來乞銘銘曰錢姓武王五世之孫開迹東南以學以文學則知經文則能賦矧曰方聞揚聲天路廼校中書廼掌帝制廼列禁林從容諷議治已伊何維直而清治人伊何維簡而平人以怒遷公能自克人以利回公能不惑士夫所望天子所器胡不百年胡不三事龍岡之宅考卜維新公安于此尚利後人

黔縣之孫氏有起進士為尚書工部郎中廣南西路轉運使以卒者諱抗以文學見於世其塋在黔之上林有子亦起進士為永州推官以卒卒時年二十有八者諱適亦以文學見稱塋在父之左將塋其弟邈以告而乞銘於南豐曾鞏其叙曰孫氏世家富春唐有徙歙之黔縣者諱師睦始自別為黔縣之孫氏師睦生諱延緒延緒生旦旦生諱遂良以子恩為尚書職方員外郎職方生工部工部實生君君年十有四辭親學問江東已有

聞於人往從臨川王安石受學安石稱之後主越州上虞薄去以父恩得永州父卒萬里致喪疾不忍廢事既塋携扶幼老將就食淮南疾益革卒于池州大安鎮實至和二年始工部為御史不合而出及使南方仆且起遽卒君尤自力學行謂蘊必發其在君又止此君於學問好其治亂得失之說不狃近卑於為文以古為歸不夸以浮雖素羸不廢書雖進不怠以止既肆而通矣而不得極其至其銘曰

孫世來黔拔身艱故為世聞家始自工部工部孰有有書百篇永州之學自其父傳其果以力其敏以明內有其質外以華英再以不就其後當侈君不有子君多兄弟

弟

沈率府墓誌銘

曾鞏

君諱某字某姓沈氏自太子家令約家於吳興故世為吳興人至君之大父諱某考諱某始自吳興之東林徙家於錢塘故今為錢塘人君以宗室密州觀察使宗旦

恩即其家得為太子右清道率府副率致仕又以祀明堂恩遷太子右司禦率府副率兼官檢校國子祭酒兼監察御史階銀青光祿大夫勳武騎尉蓋密州觀察使宗旦者今天子之姪潞王之孫而其母夫人蓋君之姪也君為人質朴無外飾其居鄉間寬然長者也其事父兄能力以嚴眡族人能愛以均雖饑財為大家而衣服飲食自與尤寡約至人有急歸我則推財赴之無錙銖顧惜意隣里歲饑輒發倉以救人有欺其財者皆不校

既老治其家事不肯懈曰吾先人之所以付我也處其子孫不以逸曰所以使汝守吾先人之法也嘉祐二年三月一日以疾卒于家享年七十有六其年十一月十五日塋錢塘之西城初娶吳氏再娶車氏某縣君其塋也吳氏實從子三人曰曄曰曉曰時孫八人曰沔曰濤曰沂曰淑曰灌曰湜曰漸曰渥曾孫三人曰師揚曰師荀曰師軻時沔沂皆舉進士餘亦皆有學行蓋君之教也銘曰

欽定四庫全書

卷一百四十二

十一


赫赫宗子保藩于密天子曰嘻汝維沈出予假汝寵錫其外親東宮之屬有長衛軍命君子家俾休其老以偃以側服章華好天子命我匪我有求墮然順退媚于林蘊于機不阻為畦曰遠無仇曰近無疵里巷之依令人流聞餘澤化其子孫惟身之祥既壽而康惟後之祥宜熾而昌惟墓有域其藏有石刻此銘詩昭示無極

宋文鑑卷一百四十二

總校官庶吉士臣張能照

校對官中書臣范鑒

謄錄監生臣孫鶴年



欽定四庫全書叢要

宋文鑑卷一百四十三 集部

欽定四庫全書叢要卷二萬六十六 集部

宋文鑑卷一百四十三

宋呂祖謙編

墓誌

程伯淳墓誌銘

韓維

御選三才集
程氏諱顥其先有為周大司馬者曰喬伯封於
程後遂以為氏高祖贈太子少師諱羽有功太宗朝賜
第室京師居再世遷河南今為河南人先生生而秀異
異於常兒才數歲誦詩書強記過絕人戶部侍郎彭公

欽定四庫全書

宋文鑑卷一百四十三

季長一見異之遂許妻以女舉進士中第調京兆鄠縣
主簿南山有石佛像浮屠歲傳佛首放光則遠近男女
晝夜集會觀不止為縣者畏其神莫敢禁先生始至詰

其徒曰吾聞石像歲現光有諸曰然戒之曰光現必先
告我我當取其首視之自是不復有光矣府境大水諸
縣倉卒興役皆狼狽失措置惟先生所治飲食安舍無
一不具時暑甚疫人病多死獨鄆人無死者監司欲薦
之間其所欲先生答以薦士當以才之所堪不當問所

詳校官候選知縣臣吳旬華

欲避親嫌移江寧上元縣主簿田稅不均比他邑尤甚先生為令畫法民不知擾而稅遂均會令罷攝邑事牒訴日不減三二百數先生處之不閱月民訟遂簡江南俗種稻賴塘陂以溉盛夏塘潰計非千夫不能塞故事當言之府稟之監司然後計功調役先生曰比如是苗槁矣救民獲罪所不辭也遽發民塞之歲則大穰仁宗升遐遺制官吏成服三日除三日旦知府事王贊率群官將釋服先生進曰請盡今日贊怒不從先生曰公自有辭者義勇常以農隙講事然但文具而已先生至晉城之民遂為精兵用薦者改著作佐郎尋以御史中丞呂公晦叔薦授太子中允權監察御史裏行神宗素聞有辭者義勇常以農隙講事然但文具而已先生至晉城之民遂為精兵用薦者改著作佐郎尋以御史中丞

除之某非至夜不敢釋一府視若亦莫敢除移澤州晉城縣令民以事至庭下者必教之以事父兄奉長上之道暇則親至諸鄉校召父老與之語兒童讀書者為正其章句置師不善則易之初俗甚野不知為學後數年服儒衣冠者遂衆鄉里遠近為伍保使之力役相助患難相恤姦偽無所容孤寡老疾者責親黨使毋失所行旅出於其全者疾病皆有所養三年盜無剽刦民無鬪死者河東路財賦不充官有科買則物價騰踴歲為民

患先生襄所須使富家預儲其物定價而出之富家不失息而知民所費比舊綱十二三縣庫有雜納錢數百千常借以補助民力部使者至則告以此錢令自用而不敢私使者亮君之誠亦不問先時民憚差役互相糾訴鄉隣往往為仇先生盡得民產厚薄按籍而命之莫有辭者義勇常以農隙講事然但文具而已先生至晉城之民遂為精兵用薦者改著作佐郎尋以御史中丞呂公晦叔薦授太子中允權監察御史裏行神宗素聞有辭者義勇常以農隙講事然但文具而已先生至晉城之民遂為精兵用薦者改著作佐郎尋以御史中丞

先生名陸對之日從容咨訪比二三見遂期以顯用前後進說大要以正心室欲求賢育材為先嘗言人主當防未萌之欲神宗俯身拱手曰當為卿戒之時王荆公為宰相多所措置先生每進見必為上陳君道以至誠仁愛為本不當及功利又極陳治道神宗曰此堯舜之事朕何敢當先生愀然曰陛下有此言非天下之福也章數十上論輔臣不同心小臣與大計賣祠部牒青苗取息提舉官多非其人命出不由門下興利之臣日進

尚德之風漸衰刑公雖與先生異論而嘗目君以忠信
言既數不用懇求外補神宗猶重其去上章及面請至
十數不許遂閤門待罪差權發遣京西路提點刑獄復
上章曰臣言是願行之如其妄當賜顯黜請罪而獲遷
失刑賞矣改差簽書鎮寧軍節度判官事河清卒法不
他役時中貴人程昉為外都水怙勢凌蔑州郡欲盡取
諸歸兵治二股河先生拒以法昉請於朝命以八百人
與之天方大寒衆不勝役潰而歸城門吏來報一府相

視畏昉不敢納先生曰此逃死自歸休三日而復役曹
村決先生方護小吳埽知州軍事劉渙以急告先生夜
馳至州謂渙曰曹村決京城可虞臣子之分身可塞亦
為之請盡以廂兵見付事或未集公當率禁兵繼之徑
走埽下諭士卒曰朝廷養爾曹正為緩急爾知曹村決
則注京城乎吾與爾以身扞之衆皆感激自効決口將
合有大木自中流而下先生謂衆曰得彼木橫流入口
吾事濟矣語已木遂橫衆以謂至誠所致郊祀霈恩先
生曰吾罪滌可以去矣遂求監臨得西京洛河竹木務
薦者言君未嘗叙年勞遷秩特改太常丞其後彗星見
詔求直言先生極論時政語甚切直還朝廷差知扶溝
縣事廣濟河出縣境濱河姦民不治生業專以脅取舟
人物為事歲必焚舟數十以立威先生始至捕一人使
列其黨與得數十輩不復根治舊惡分地而處之使以
挽舟為業且察姦不變者自是焚舟之患遂絕畿縣民
稅重歲常以赦獲蠲免然良農輸率以時而稽故獲免

王中正行按保甲所至官吏多見慢辱諸邑供帳競務
華潔以悅其意主吏以請先生曰吾邑貧安能效他邑
且取於民法所禁令有故青帳可用之先生在邑歲餘
中正往來境上卒不入有犯竊盜者先生謂曰汝能改
行吾薄汝遇盜叩頭願自新後數月復穿窬捕吏及門
盜告其妻曰吾與太丞約不復為盜今何面目見之遂
自縊官制行改奉議郎朝廷遣官括地民田當沒者
千頃往往持累世券契自明皆弗用詔改稅作租許賣

易如私田民乃服先生猶不可括地官至謂先生曰民
願服而君不許何也先生曰民徒知今日不加賦而不
知後日增租奪田則失業死矣因為言仕者當以仁厚
為心不可便已以害人官感動謝曰寧受責不敢違公
命遂去之他邑隣邑民犯盜繫縣獄而逸更赦猶以特
旨罷先生邑事邑人詣開封及司農乞留者以千數先
生之去縣不使人知老稚追及境上攀挽號哭不肯去
以親老求折資使養得監汝州酒稅卒上嗣位恩改承

議郎召為宗正寺丞未行以疾卒元豐八年六月十五
日也享年五十有四士大夫識與不識莫不傷弔以朝
廷夫賢者為恨父珦太中大夫致仕時年八十母侯氏
壽安縣君妻彭氏仁和縣君皆先君以卒五子三早卒
曰端懿蔡州汝陽縣主簿曰端本舉進士四女三天一
適假承務郎朱純之卜得卒之歲十月乙酉葬于伊川
之先塋先生於書無所不讀自浮屠老子莊列莫不思
索究極以知其意而卒宅於吾聖人之道其持已清峻
若不可及而與人甚恕而溫論治道卓乎至於無能名
而應世接物莫不曲盡其宜苟善於君矣爵祿可捨也
苟利於民矣法禁不避也自元豐以來論賢士大夫宜
在天子左右者君必與焉先生之罷扶溝貧無以家至
賴昌而寓止焉大夫以清德退居弟頤正叔樂道不仕
先生與正叔朝夕就食無違志閨門之内雍肅如禮家
無儋石之儲而愉愉也予方守賴昌遂得從先生游先
生不以老耄棄我周旋啟告所以為益良厚故於其亡

也哭之加哀而銘不以辭銘曰

善乎孟軻之言義命也蓋不知義不足以立命不知命不足以存義先生居官不問內外大小率所言所事一出於

正雖貴勢豪力不為少變嗚呼其處義命可謂兼之矣

邵古墓誌銘

陳繹

河南邵堯夫執親喪之三月泣為書以告其里人陳繹曰我先君以壽考終以士禮葬葬有日願鑿文以識其墓余與堯夫游知堯夫者從而知其先君亦隱君子也

銘固不讓君諱古字天叟其姓姬出自召公別封燕世為燕人不絕祖諱令進善騎射歷事太祖皇帝以軍校正為之解曰正聲正字正音者合三十篇先娶李氏生子雍即堯夫也再娶楊氏次子睦舉進士一女適盧氏孫男三人皆幼嗚呼先生有道者歟有子而賢葬之祭之其可無銘銘曰

世范陽家伊川卒十月葬乙未神陰原原西南

范蜀公墓誌銘

蘇軾

熙寧元豐間士大夫論天下賢者必曰君實景仁其道德風流足以師表當世其議論可否足以榮辱天下二公蓋相得歡甚皆自以為莫及曰吾與子生同志死當同傳而天下之人亦無敢優劣之者二公既約更相為

堯夫侍親往來洛陽見山川水竹之勝人情舒暇始得

傳而後死者則誌其墓故君實為景仁傳其略曰呂獻可之先見景仁之勇決皆予所不及也軾幸得游二公間知其平生為詳蓋其用捨大節皆不謀而同如仁宗時論立皇嗣英宗時論濮安懿王稱號神宗時論新法其言若出一人相先後如左右手故君實常謂人曰吾與景仁兄弟也但姓不同耳然至於論鍾律則反復相非終身不能相一君子是以知二公非苟同者君實之沒軾既狀其行事以授景仁景仁誌其墓而軾表其墓

欽定四庫全書

宋文鑑
卷一百四十三

十一

道今景仁之墓其子孫皆以為君實既沒非予誰當誌之且吾先君子之益友也其可以辭公姓范氏諱鎮字景仁其先自長安徙蜀六世祖隆始塋成都之華陽曾祖諱昌祐妣索氏祖諱璲妣張氏累世皆不仕考諱度克編修唐書官當遷校理宰相龐籍言公有異材恬於進取特除直秘閣為開封府推官擢起居舍人知諫院無管勾國子監上疏論民力困弊請約祖宗以來官吏兵數酌取其中為定制以今賦入之數十七為經費而儲其三以備水旱非常又言古者冢宰制國用唐以宰太夫人開府以文執節行為蜀守張詠所知有子三人長曰鑑終隴城令次曰錯終衛尉寺丞公其季也四歲而孤從二兄為學薛金守蜀道遇鑑求士可客者鑑以

公對公時年十八奎與語竒之曰大范恐不壽其季廟人也還朝與公俱或問奎入蜀所得曰得一偉人當以文學名於世時故相宋庠與弟祁名重一時見公稱之相與為布衣交由是名動場屋舉進士為禮部第一故事殿廷唱第過三人則禮部第一者必越次抗聲自陳因擢置上第公不肯自言至第七十九人乃出拜退就列無一言廷中皆異之釋褐為新安主簿宋綏留守西京召置國子監助教諸生秩滿又薦諸朝為東監

欽定四庫全書

宋文鑑
卷一百四十三

十二

直講用參知政事王舉正薦召試學士院除館閣校勘充編修唐書官當遷校理宰相龐籍言公有異材恬於進取特除直秘閣為開封府推官擢起居舍人知諫院無管勾國子監上疏論民力困弊請約祖宗以來官吏兵數酌取其中為定制以今賦入之數十七為經費而儲其三以備水旱非常又言古者冢宰制國用唐以宰太夫人開府以文執節行為蜀守張詠所知有子三人長曰鑑終隴城令次曰錯終衛尉寺丞公其季也四歲而孤從二兄為學薛金守蜀道遇鑑求士可客者鑑以

因而三司取財不已請使中書樞密通知兵民財利大計與三司同制國用葬溫成皇后太常議禮前謂園後謂陵宰相劉沆前為監護使後為園陵使公言嘗聞法吏舞法矣未聞禮官舞禮也請詰問前後議異同狀又請罷焚瘞錦繡珠玉以紓國用從之時有敕凡內降不如律令者令中書樞密院及所屬執奏未及一月而內臣無故改官者一日至五六人公乞正大臣被詔故違不執奏之罪石全斌以護溫成葬除觀察使凡治葬事者皆遷兩官公言章獻章懿章惠三太后之葬推恩皆無此比乞追還全斌等告敕文彥博富弼入相百官郊迎時兩制不得詣宰相居第百官不得間見公言隆之以虛禮不若開之以至誠乞罷郊迎而除謁禁以通天下之情議減任子及間歲取士皆公發之又乞令宗室屬踈者補外官仁宗曰卿言是也顧恐天下謂朕不能睦族耳公曰陛下甄別其賢者顯用之不沒其能乃所以睦族也雖不行至熙寧初卒如公言仁宗性寬容言事

者務計以為名或誣人陰私公獨引大體略細故時陳執中為相公嘗論其無學術非宰相器及執中嬖妾笞殺婢御史劾奏欲逐去之公言今陰陽不和財匱民困責宰相識者聽之仁宗即位三十五年未有繼嗣嘉祐初得疾中外危恐不知所為公獨奮曰天下事尚有大於此者乎即上疏曰太祖捨其子而立太宗此天下之大公也周王既薨真宗取宗室子養之宮中此天下之大慮也願陛下以太祖之心行真宗故事擇宗室賢者異其禮物而試之政事以係天下心章累上不報因閩門請罪會有星變其占為急兵公言國本未立若變起倉卒禍不可以前料兵孰急於此者乎今陛下得臣疏不以留中而付中書是欲使大臣奉行也臣兩至中書大臣皆設辭以拒臣是陛下欲為宗廟社稷計而大臣不欲也臣竊原其意特恐行之而陛下中變耳中變之禍不過於死而國本不立萬一有如天象所告急兵之

憂則其禍豈獨一死而已哉夫中變之禍死而無愧急
兵之憂死且有罪願以此示大臣使自擇而審處焉聞
者為之股栗除無侍御史知雜事公以言不從固辭不
受執政謂公上之不豫大臣嘗建此策矣今聞言已入
為之甚難公復移書執政曰事當論其是非不當問其
難易速則濟緩則不及此聖賢所以貴機會也諸公言
今日難於前日安知他日不難於今日乎凡見上面陳
者三公泣上亦泣曰朕知卿忠卿言是也當更俟三二
欽定四庫全書
宋文選卷一百四十三

翰林學士中書奏請追尊濮安懿王下兩制議以為宜
稱皇伯高官大國極其尊榮非執政意更下尚書省集
議已而臺諫爭言其不可乃下詔罷議令禮官檢詳典
禮以聞公時判太常寺率禮官上言漢宣帝於昭帝為
孫光武於平帝為祖則其父容可以稱皇考然議者猶
非之謂其以小宗合大宗之統也今陛下既考仁宗又
考濮安懿王則其失非特漢光武之比矣凡稱帝若皇
若皇考立寢廟論昭穆皆非是於是具列儀禮及漢儒
年凡章十九上待罪百餘日鬢髮為白朝廷不能奪乃
罷知諫院改集賢殿修撰判流內銓修起居注除知制
誥公雖罷言職而無歲不言儲嗣事以仁宗春秋益高
每因事及之冀以感動上心及為知制誥正謝上殿面
論之曰陛下許臣今復三年矣願早定大計明年又因
祿享獻賦以諷其後韓琦卒定策立英宗遷翰林學士
兼侍讀群牧使勾當三班院知通進銀臺司公言故事
門下封駁制勅省審章奏糾舉違滯著於所授勅其後
充史館修撰改右諫議大夫英宗即位遷給事中克仁
宗山陵禮儀使坐誤遷宰臣官改翰林侍讀學士復為

欽定四庫全書
宋文選卷一百四十三

論議魏明帝詔為五篇奏之以翰林侍讀學士出知陳
州陳饑公至三日發庫廩三萬貫石以貸不及奏監司
絕之急公上書自効詔原之是歲大熟所貸悉還陳人
至今思之神宗即位遷禮部侍郎召還復為翰林學士

兼侍讀群牧使勾當三班院知通進銀臺司公言故事
門下封駁制勅省審章奏糾舉違滯著於所授勅其後
充史館修撰改右諫議大夫英宗即位遷給事中克仁
宗山陵禮儀使坐誤遷宰臣官改翰林侍讀學士復為

常平之法始於漢之盛時視穀貴賤發歛以便農末最為近古不可改而青苗行於唐之衰亂不足法且陛下疾富民之多取而少取之此正百步與五十之間耳今有二人坐市貿易一人下其直以相傾奪則人皆知惡之其可以朝廷而行市道之所惡乎疏三上不報邇英閣進讀與呂惠卿爭論上前因論舊法預買紬絹亦青苗之比公曰預買亦弊法也若陛下躬節儉府庫有餘當并預買去奈何更以為比乎韓琦上疏極論新法之

害安石使送條例司疏駁之諫官李常乞罷青苗錢安石令常分析公皆封還其詔詔五下公執如初司馬光除樞密副使光以所言不行不敢就職詔許辭免公再封還之上知公不可奪以詔直付光不由門下公奏由臣不才使陛下廢法有司失職乞解銀臺司許之會有詔舉諫官公以軾應詔而御史知雜謝景溫彈奏軾罪公又舉孔文仲為賢良文仲對策極論新法之害安石怒罷文仲歸故官公上疏爭之不報時年六十三即上

言臣言不行無顏復立於朝請致仕疏五上最後指言安石以喜怒賞罰事曰陛下有納諫之資大臣進拒諫之計陛下有愛民之性大臣用殘民之術安石大怒自草制極口詆公落翰林學士以本官致仕聞者皆為公懼公上表謝其略曰雖曰乞身而去敢忘憂國之心又曰望陛下集群議為耳目以除壅蔽之姦任老成為腹心以養和平之福天下聞而壯之安石雖詆之深人更以為榮焉公既退居專以讀書賦詩自娛客至輒置酒盡歡或勸公稱疾杜門公曰死生禍福天也吾其如天何同天節乞隨班上壽許之遂著為令久之歸蜀與親舊樂飲振施其貧者朞年而後還軾得罪下御史臺獄索公與往來書疏文字甚急公猶上書救軾不已朝廷有大事輒言之官制行改正議大夫今上即位遷光祿大夫初英宗即位祐仁宗主而遷僖祖及神宗即位復還僖祖而遷順祖公上言太祖起宋州有天下與漢高祖同僖祖不當復還乞下百官議不報及上即位公又言

乞遷僖祖正太祖東嚮之位時年幾八十矣韓維上言公在仁宗朝首開建儲之議其後大臣繼有論奏先帝追錄其言存沒皆推恩而鎮未嘗以語人人亦莫為言者雖願子不伐善介之推不言祿不能過也悉以公十九疏上之拜端明殿學士特詔長子清平縣令百揆改宣德郎且起公兼侍讀提舉中太一宮詔語有曰西伯善養二老來歸漢室卑詞四臣入侍為我強起無或憚勤公固辭不起天下益高之改提舉嵩山崇福宮。公仲

劉几即用李照樂加用四清聲而奏樂成詔罷局賜賚有加公謝曰此劉几樂也臣何與焉及提舉崇福宮欲造樂獻之自以為嫌乃先請致仕既得謝請太府銅為之逾年乃成比李照樂下一律有竒二聖御延和殿召執政同觀賜詔加獎以樂下太常詔三省侍從臺閣之臣皆往觀焉時公已屬疾樂奏三日而薨實元祐三年閏十二月癸卯朔享年八十一訃聞輶視朝一日贈右金紫光祿大夫謚曰忠文公雖以上壽貴顯考終於家無所憾者而士大夫惜其以道德事明主閱三世皆以剛方難合故雖用而不盡及上即位求人如不及厚禮仕初仁宗命李照改定大樂下王朴樂三律皇祐中又使胡瑗等考正公與司馬光皆與公上疏論律尺之法又與光往復論難凡數萬言自以為獨得於心元豐三年神宗詔公與劉几定樂公曰定樂當先正律上曰然雖有師曠之聰不以六律不能正五音公作律尺龠合升斗豆區脯斛欲圖上之又乞訪求真黍以定黃鍾而

腹子在外公時未仕徒步求之兩蜀間二年乃得之曰吾兄異於人體有四乳是兒亦必然已而果然名之曰百常以公蔭今爲承議郎公少受學於鄉先生龐直溫直溫之子昉卒於京師公娶其女爲孫婦養其妻子終身其學本於六經仁義口不道佛老申韓異端之說其文清麗簡遠學者以爲師法凡三入翰林知嘉祐二年六年八年及治平二年貢舉門生滿天下貴顯者不可勝數詔修唐書仁宗實錄玉牒日歷類篇凡朝廷有大

德郎監中岳廟次百嘉承務郎先公一年卒次百歲太康主簿先公六年卒次百慮承務郎女一人嘗適左司諫吳安時復歸以卒孫男十人祖直襄州司戶參軍祖朴長社主簿祖野祖平假承務郎祖封右承奉郎祖耕承務郎祖淳祖舒祖京祖恩皆不仕孫女六人曾孫女三人公晚家于許許人愛而敬之其薨也里人皆出涕以元祐四年八月己未葬于汝之襄城縣汝安鄉推賢里夫人李氏附公始以詩賦爲名進士及第館閣侍從

以文學稱雖屢諫爭及論儲嗣事朝廷信其忠然事頗祕世亦未盡知也其後議濮安懿王稱號守禮不回而名益重及論熙寧新法與王安石呂惠卿辨論至廢黜不用然後天下翕然師尊之無貴賤賢愚謂之景仁而不敢名有爲不義必畏公知之公既得謝軾往賀之曰公雖退而名益重矣公愀然不樂曰君子言聽計從消患於未萌使天下陰受其賜無智名無勇功吾獨不得爲此命也夫使天下受其害而吾享其名吾何心哉軾

以是愧公銘曰

凡物之生莫累於名人顧趨之以累為榮神人無名欲

知者希人顧憂之以希為悲熙寧以來孰擅茲器嗟嗟

先生名所不置君實在洛公在潁昌皆欲忘民民不汝

忘君實既來遁歸于洛繫而維之莫之勝說為天相君

為君牧民道遠年徂卒徇以身公獨堅卧三詔不起遂

解天刑竟以樂死世皆謂公貴身賤名孰知其功聖人

之清貪夫以廉懦夫以立不尸其功無喪無得君實之

欽定四庫全書

宋文鑑卷一百四十三

三

用出而時施如彼水火寧除渴饑公雖不用亦相其行
如彼山川出雲相望公維蜀人乃至于汝子孫不忘尚
告來者

宋文鑑卷一百四十四
周茂叔墓誌銘
潘興嗣
墓誌

吾友周茂叔諱惇願其先營道人曾祖諱從遠祖諱智

強皆不仕考諱輔成任賀州桂嶺縣令贈諫議大夫君

幼孤依舅氏龍圖閣學士鄭向以君有遠器愛之如子

龍圖公名子皆用惇字因以惇名君景祐中奏補試將

欽定四庫全書

宋文鑑卷一百四十四

一

作監主簿授洪州分寧縣君博學行已遇事剛果有古
人風衆交口稱之部使者以君為有才奏舉南安軍司
理參軍轉運使王達以苛刻蒞下吏無敢可否君與之
辨獄事不為屈因置手版歸取誥敕納之投劾而去達
為之改容復薦之移郴令改桂陽令皆以治績用薦者
遷大理寺丞知洪州南昌縣其為治精密嚴恕務盡道
理民至今思之改太子中舍簽判覃恩改虞部員外郎
通判永州今上即位恩改駕部趙公抃入參大政奏君

為廣南東路轉運判官稱其職遷虞部郎中提點本路
刑獄君盡心職事務在矜恕雖瘴癘僻遠無所憚勞竟
以此得疾懇請郡符知南康軍未幾分司南京趙公抃
復奏起君而君疾已篤熙寧六年六月七日卒于九江
郡之私第享年五十七君篤氣義以名節自處郴守李
初平最知君既薦之入闈其所不給及初平卒子尚幼
君護其喪以歸葬之士大夫聞君之風識與不識皆指
君曰是能葬舉主者君奉養至廉所得俸祿分給宗族
欽定四庫全書
宋文鑑
卷一百四十四

其餘以待賓客不知者以為好名君處之裕如也在南
昌時得疾暴卒更一日一夜始蘇視其家服御之物止
一敝箋錢不滿數百人莫不嘆服此予之所親見也嘗
過潯陽愛廬山因築室溪上名之曰濂溪書堂每從容
為予言可止可仕古人無所必束髮為學將有以設施
可澤於斯人者必不得已止未晚也此濂溪者異時與
予相從於其上歌詠先王之道足矣此君之志也尤善
談名理深於易學作太極圖易說易通數十篇詩十卷

今藏于家母鄭氏封仙居縣太君娶陸氏職方郎中參
之女再娶蒲氏太常丞師道之女子二人曰壽曰熹皆
補太廟齋郎以其年十一月二十一日窆於德化縣德
化鄉清泉社母夫人之墓左從遺命也壽等次列其狀
來請銘乃泣而為之銘銘曰

人之不然我獨然之義貫于中貴於自期謙謙日甚風
俗之偷乃如伊人吾復何求志固在我壽則有命道之
不行斯謂之病

欽定四庫全書
宋文鑑
邵康節先生墓誌銘
程顥

熙寧丁巳孟秋癸丑堯夫先生疾終於家洛之人弔者
相屬於途其尤親且舊者又聚謀其所以葬先生之子
泣以告曰昔先人有言誌於墓者必以屬吾伯淳噫先
生知我者以是命我何可辭謹按邵本姬姓系出於召
公故世為燕人大王父令進以軍職逮事藝祖始家衡
漳祖新父古皆隱德不仕母李氏其繼楊氏先生之幼
從父徙共城晚遷河南葬其親於伊川遂為河南人先

生生於祥符辛亥至是蓋六十七年矣雍先生之名而
堯夫其字也娶王氏伯溫仲良其二子也先生之官初
舉遺逸試將作監主簿後又以為潁川團練推官辭疾
不赴先生始學於百原勤苦刻厲冬不爐夏不扇夜不
就席者數年衛人賢之先生嘆曰昔人尚友於古而吾
未嘗及四方遽可已乎於是走吳適楚過齊魯客梁久
矣而歸曰道其在是矣蓋始有定居之意先生少時自
雄其才慨慷有大志既學力慕高遠謂先王之事為可
欽定四庫全書

卷一百四十四

宋文選

四

不取甚異於人顧吾所樂何如耳病畏寒暑常以春秋
時行遊城中士大夫家聽其車音倒屣迎致雖兒童奴
隸皆知懽喜尊奉其與人言必依於孝弟忠信樂道人
之善而未嘗及其惡故賢者悅其德不賢者服其化所
以厚風俗成人材者先生之功多矣昔七十子學於仲
尼其傳可見者惟曾子所以告子思所以授孟子者耳
其餘門人各以其材之所宜為學雖同尊聖人所因而
入者門戶則衆矣况後此千餘歲師道不立學者莫知
欽定四庫全書

卷一百四十四

宋文選

五

必致及其學益老德益劭玩心高明觀天地之運化陰
陽之消長以達乎萬物之變然後顏然其順浩然其歸
在洛幾三十年始也蓬草環堵不蔽風雨躬爨以養其
父母居之裕如講學於家未嘗強以語人而就問者日
衆鄉里化之遠近尊之士人道之來之洛者有不之公
府而必之先生之廬先生之德氣粹然望之可知其賢
然不事表襮不設防畛正而不諒通而不汙清明坦夷
洞徹中外接人無貴賤親疎之間群居燕飲笑語終日

嗚呼先生志豪力雄闊步長趨凌高厲空探幽索隱曲暢旁通在古或難先生從容有問有觀以飲以豐天不憇遺哲人之凶嗚皇在南伊流在東有寧一宮先生所終

李仲通墓誌

程顥

予友李君仲通諱敏之世居北燕高祖避亂南徙今為漢人丞相文定公廸乃其世父也曾祖令珣祖護皆以丞相故贈太師尚書令考遜用子貴贈吏部尚書仲通

生而有賢資端厚仁恕見於提孩之時舉動齊整不妄言笑燕居終日泊然而無惰容望之者皆知其君子人矣與人言無隱情惟聞人之過則未嘗出口而復安靖寡欲居貧守約裕如也好古力學博觀群書尤精於春秋詩易其後所得殊為高深方勇厲自進不幸短命惜夫未見其止也死之年纔三十矣仲通之德蓋完於天成孝友之性尤為絕異侍太夫人疾衣不解帶者累月及居喪毀過甚中外數百口上愛下信人無間言而群

從聚居臧獲使令者衆雖馭之過嚴不能使之無犯惟偶為仲通所責則其人必慚恨累日痛自勵及仲通之亡漢之人無賢不肖皆失聲痛惜或為隕涕非至誠及物其能有是乎仲通外甚和易遇物如恐傷之雖家人未始見其喜怒及其出辭氣當事為則莊厲果斷不可以非義回屈始用蔭補郊社齋郎調虔州瑞金縣主簿會劇賊戴小八攻害數邑朝廷患之命御史督視仲通時承尉乏與其令謀曰劉石鵠石門羅姓者皆健賊詔

欽定四庫全書

捕之累年矣小八不能連二盜以自張吾知其無能為也當說使自効則賊為不足破矣乃遣人諭二盜皆曰我服李君仁信久矣願為之死然召我亦有以為信乎仲通即以其符誥與之且約曰某日當以甲二百來見我於邑中衆皆恐懼仲通曰彼欲為惡雖不召將至且吾信於邑人彼亦吾人也何憚乎乃將二盜與之周旋卒得其利遂斬小八盡平其黨朝廷嘉之遷衛尉寺丞仍升一任御史用間者言將誅劉羅二黨仲通以為失

信不義抗論甚力久始見從仲通又自言於朝請因其

立功縻以冗職可絕後患者奏不報其羅姓者果復為

害仲通宰江寧之上元有古循吏之風邑之舊田稅不

均貧弱受其弊仲通為法以平之豪猾惡其害已共為

謗語有借勢於上官以搖其事人皆為仲通危仲通堅

持不變未滿歲而所均者萬七千室事業雖百未一施

槩是二節則高明之見剛勇之氣發於事者亦可知已

嗚呼人非有古今之殊特患夫忽近而慕遠耳如吾仲

通之材之美古獨可以多乎哉向若天假之年成就其所學自當無愧於古人況使得與古之人並而親炙於聖人之時乎則吾知其果不後曾閔之列矣仲通以治平三年五月終於家熙寧七年二月庚寅葬于濮州鄄城縣遺直鄉之先塋夫人王氏祔焉夫人太子中舍果之女賢慧靖淑雅有法度及寡居益自晦重素衣一食以終身焉蓋後仲通六年而亡仲通嘗生二女皆夭卒無子以兄之子孝和為嗣仲通平生相知之深者予故將

葬其家以誌文來屬其可辭乎銘曰

二氣交運兮五行順施剛柔雜糅兮美惡不齊稟生之

類兮偏駁其宜有鍾粹美兮會元之期聖雖可學兮所

貴者資便儇皎厲兮去道遠而展矣仲通兮賦材特奇

進復甚勇兮其造可知德何完兮命何虧秀而不實聖

所悲孰能使我無愧辭後欲有考觀銘詩

張天祺墓誌銘

張載

哀哀吾弟而今而後戰兢免夫有宋太常博士張天祺

以熙寧九年三月丙辰朔暴疾不豫越足月哉生魄越翌日壬申歸祔大振社先大夫之塋其兄載以報葬不得請銘它人手疏哀詞十二各使刊石置墳中示後人知德者博士諱載世家東都策名入仕歷中外二十四年立朝蒞官才德美厚未試百一而天下聳聞樂從莫不以公輔期許率已仲尼踐修莊篤雖孔門高弟有所後先不幸壽稟不遐生四十七年而暴終它館志享交戾命也奈何治其喪者外姻侯去惑益節責及婿李上

卿郭之才從母弟質京甥宋京攀號之不足又屬辭為之誌

商瑤墓誌銘

張未

公諱瑤淄州人曾祖重進祖文俊皆不仕父餘政贈大理寺丞君登景祐元年進士第為萊蕪單父縣尉臨沂縣令知下邳縣簽書平定軍判官事以尚書屯田員外郎知襄邑縣卒年五十至和二年正月二十七日也階至承事郎勲為騎都尉君少博學為文詞豪健貌魁傑

欽定四庫全書

宋文鑑
卷一百四十四

十

嚴整不可犯而平居樂易長者也單父多盜君以策鈎獵梟絞且盡盜怨毒入骨骯官還鄉次大澤中一夕有叟密來語曰林中有惡少年十數掩利兵而伏期今日必殺單父尉是君非耶君從者懼欲亡去公執弓矢徐出有大木去百步許望之中有空焉公謂真人曰我為君射彼空者再發皆中之林中惡少年大懼爭先遁其治下邸決訟多辨諭勸說之不盡臨以法民始鬪怒中忽喜悟相與請平者常十七八老猾更旁瞪視不得刺

手父老戒子弟曰若忍犯此令乎富韓公守青州聞其治狀數委公決難事始君為包孝肅公知韓忠獻心器公見必訪以世務而公無所苟合貴人終不肯出氣力引繫之其胸中不少槩見而死矣先妻劉夫人繼室王夫人封壽昌縣君三男子皆已卒一孫求之舉進士女二人曾孫一人尚幼公之從子太學博士倚以元祐八年十月日將葬公淄州萬年之原以二夫人祔而博士又以公之爵里行事告于著作郎張未曰子史官也凡

欽定四庫全書

宋文鑑
卷一百四十四

十一

世有善而無傳則子有罪未不敢辭乃為誌使刻石墓中曰

天下平治士無功名才否一區之死無聲或宏其聲而中乃枵竊實靡訂孰昧孰昭有淄商侯甚蓄不施時棄其直則已光輝彼不人逢位下固宜嗇不使年造物則奚

唐克之墓誌銘

陳瓘

克之姓唐氏諱廣仁克之字也其先幽州人自石晉割

地至五世祖始得從歸滄州樂陵咸平中曾祖克勤被詔試武藝授三班借職以天雄軍管界巡檢使卒於官國家焉遂為大名內黃人祖中立大名司法參軍父愈喜儒士自克之五六歲時訓以詩書浸長便從學于外克之能擇交游言行謹飭讀經史講義理亦長於科舉之習中元祐六年進士第調乾寧軍司法參軍界河驛有殺略人者守將械送獄俾鞫之疑其誣服以白守不信方趣決不已而霸州獲真盜然後釋無罪者凡四

人後為常州錄事參軍部使者聞克之在乾寧有審克之譽部有疑訟多以屬之克之所辨正合人情者非止一事改官制授通仕郎以薦者及格當改官坐元符末上書命格不下調監壽州開順口鹽筴酒稅未赴丁母憂服闋監蘇州酒稅務郡守李尚書孝壽治尚峻猛不任僚屬克之權幕官敢與論曲直蘇人多賴之後守盛待制章於克之為姻家初與克之善郡人朱氏有勢燭守所欲慕衆皆帖帖屈隨而克之一切自異著憎慢之

跡守不能堪衆或怒置克之于獄吹毛無實以酷酒點饒為罪克之既廢貧困不能北歸居楚之寶應益以讀書教子為事入七年以疾卒于家宣和己亥五月丙辰也以某年某月某日甲子葬于揚州之某地克之娶張氏中散大夫某之女子男四人曰激曰濬曰洪女四人長適從事郎趙枋餘未嫁初克之客寓寶應苟營屋室而勉竭其力以擇塋地于維揚躬詣內黃啟祖考之殯迎護以來將卜日歷蓋奔走自效服勤累歲未克還奉而克之得疾卒矣今其子濬等既塋克之又不能率先志併襄大事使三世窀穸之事訖無可憾亦可以見克之身教之遺美矣濬等遣人自寶應來南康以呂本中所狀克之之行求銘於瓘書辭慘切且曰先人疾亟時嘗問曰居仁約訪我尚未到入嘆曰我欲一游廬山今不能矣諸孤不肖摧割待盡念欲畢聞餘訓永不可得維行狀既獲所屬而礮石穴土以需于掩墳之後者將孰請而可乎居仁本中孚也正獻公之曾孫言行有

家法其所叙次皆可考證其載克之教子之言曰涑水文正公嘗謂平生無以過人但事無大小皆可使人知爾汝曾不可一日忘此語也睢陽劉公嘗謂克之材用有餘遽聞其死嗟惜不已嗚呼可達可壽而廢斥天短豈非命歟其所厚善率皆遲鈍迂闊之士於其歿也能相與戚嗟而已悲夫銘曰

木搖難棲波涌莫濟穢裳積勞未穰而逝饑穰天也人豈能違春忽不俟豈唯我悲

任宗誼墓誌銘

劉 跋

公諱宗誼字仲宜姓任氏贈尚書司封員外郎諱朏之曾孫尚書工部郎中直史館贈吏部尚書諱子輿之孫太常少卿致仕贈正議大夫諱粹南陽郡太夫人尹氏之子上世故為博平人尚書公改葬於鄆因家焉公以父任為太廟齋郎調隴州隴安慶州合水二縣尉親喪服除調濱州司戶參軍亳州鄧縣令用薦為宣德郎知曹州乘氏縣不赴簽書鎮海軍判官事管句京東轉運

司文字轉通直郎通判南平軍不赴監真州轉般倉轉奉議郎賜緋魚袋通判永寧軍不赴轉承議郎通判沂州今上即位恩轉朝奉郎朝散郎管勾宮觀以沂州督捕賊轉朝請郎轉朝奉大夫通判泰州不赴除知淄州借紫加勲騎都尉大觀元年七月二十四日寢疾終於家享年五十有九公閑達好義有氣略少時浮沈閭里泛愛下士人樂從之游既孤塋昏仰食貧甚至鬻其產資用遂屈公曰產易耳廉力治生調度織嗇居數年復

其產如初鄉人竒之宗族賴焉天性明吏事在官務核實不肯便文自營所臨可紀鄰有民椎理剽刦敗則行錢詆謫數得脫前令不能制公因事殺之以徇有盜群行入境微得其處會尉不在公部分方略以授主簿曰往取賊授賞以若有母故為公得主簿感激如公教盡獲之遂先公改京秩沂某氏子坐小法當受笞公審其可教爭於州將以贖論是歲遂預鄉舉真州倉室屋七百區費大莫敢任葺事歲霖雨壞米至萬計吏夜徒棄

水中以滅跡公大撤而新之計司呑費公曰倉雖在真
本漕六路聚米以供京師則費宜均賦之六路衆是公
議上之朝遂著為令在濱攝滄之樂陵令在鄆攝須城
令治行皆如在鄆凡民訴久不竟若寃不能自直者擿
其要害躬為鐫諭無不狀服日所受書檄與凡小治訟
區處立決廷無留事獄戶可羅雀豪惡吏屏氣竟歲無
敢犯或云為政必鋤猾吏奈何并容公笑曰懦令倚吏
以辨又憚其縱則橫掎摭之是滋使藉以蠹民且去一
猾吏得一猾吏今予奪在我吏供筆札奉案牘而已何
謂云云前後所辟薦公皆名士偉人其與人交傾蓋不
疑不為回隱小不可輒以告然資樂易喜賓客醉飲笑
噱恢然無忤人更服其長者晚尤好書閱古今評其人
得失以自致其意領官觀歸家趣供具召親屬故舊無
虛日嘆曰老矣無所用如某人治某事我雖老尚能兼
此人數輩雅知公者亦多以為信云方朝廷察公行能
優除使郡未赴感疾不起壽不滿六十於戲惜哉娶尹

氏南陽夫人弟之子封壽安縣君子男四人義之獻之
久之延之皆舉進士義之以公遺奏授假將仕郎女七
人嫁王譽郭儕士廉張平張大辨謝敦頤儕右班殿直
敦頤假承務郎餘皆舉進士一未嫁孫男七人以大觀
二年九月二十六日葬須城縣黃波鄉之劉村先塋之
次跋皇妣魯國太夫人正議公中女篤於同氣之愛憐
公幼護視之尤厚南陽君於諸外孫愛某特異躬自鞠
育跂又少公四歲相與嬉戲俱從我先公授書學丁壯
次跋皇妣魯國太夫人正議公中女篤於同氣之愛憐
公幼護視之尤厚南陽君於諸外孫愛某特異躬自鞠
育跂又少公四歲相與嬉戲俱從我先公授書學丁壯
昏宦出處相先後雖舅甥有舅弟之好焉諸孤謂知公
無如某者請誌其墓謹論次如石謂之銘曰

服周於身棺周於服剗石袞丈以為之槨度三之一得
其函深如函之深為之益博其封可隱其坎可席從先
大夫歸此真宅

王公旦墓誌銘

滕宗諒

夫文灼於外而釣名駕說重疊于時者欲其潛愛怨於
心術汰勝尚於意表亦以鮮矣道行於官而欲至心得

光顯當朝者求其敦潔而恥浮澹進而勇退厥惟艱哉
其有體真師常先行後學進退蹈道終始可述則見之
於太原王公焉公當真宗皇帝世以縣佐吏有文選入
閣下隸崇文院典理御書日以進用立朝侃侃居群以
和人推為長者出牧五郡所至職辦因俗為政不務皦
察時號為循吏今天子明道建元之初抗章引年朝廷
不欲奪其志許以本官致仕命一子自布衣試秘書省
校書郎蓋所以享耆德而嘉廉退也得謝之後疏林壑
欽定四庫全書

卷一百四十四

六

以放志治丹石以优疾接鄉里以信順訓子弟以端孝
嗚呼昊天不憇弗報永歿以景祐二年九月十一日考
終于建陽縣群玉鄉崇德里之第享年七十四明年二
月葬於所居之南山顛也公諱昱字公旦世家于建陽
曾祖璠祖樞考綸皆蘊龍德生值唐季四海分裂葆光
全素羨慶厥後由公之貴烈考贈尚書度支郎中母封
南陽縣太君劉氏繼母丁氏封清河縣太君公才具夙
成年十八歲以文行高妙為本郡舉首咸平初登禮部



上第除舒州桐城縣主簿陞大理評事再遷殿中丞改
太常博士轉尚書屯田度支二曹員外郎典職崇文院
祕閣知柳州坐鄰郡大賊奔佚界上捕之不時得黜臨
江軍監新塗縣酒稅內徙楚州監鹽復知南康軍召還
隸職中祕出守潤州逾年移牧武昌再丁內艱以度支
郎復吉居閣下歲久以便鄉里求知邵武軍得之遂老
于家夫人嚴氏早亡繼室仁和縣君沈氏左石君子動
循禮則子四人長曰楷前漳州長泰縣令次曰格汀州
欽定四庫全書

卷一百四十四

十九

司法參軍次曰栩太廟齋郎次曰杞今校書郎女三人
長適嚴氏次適范氏次尚幼宗諒接公之舊德矣嘗宰
武陽居公治下公晚以少子結義於予諸孤之將議葬
也使家老狀公之事千里重趼且來乞文以誌神隧紀
信示遠予不讓也宜矣晏詹嗣而銘曰

建水之靈武夷之英猗歟王公才為時生賢推仕漢帝
選登瀛灑直如朱絃瑩若壺冰守藩方入出趨臺閣德化
優柔文鋒錯落播在民謡廢于聖作辭絕累句言無宿



總校官庶吉士臣張能照
校對官中書臣王彞憲
謄錄監生臣朱續曾

欽定四庫全書叢要

集部

宋文鑑卷一百四十五

欽定四庫全書叢要卷二萬六十八

集部

宋文鑑卷一百四十五

宋呂祖謙編

墓表

石曼卿墓表

歐陽修



曼卿諱延年姓石氏其上世為幽州人幽州入于契丹其祖自成始以其族間走南歸天子嘉其來將祿之不可乃家于宋州之宋城父諱補之官至太常博士幽燕俗勁武而曼卿少以氣自豪讀書不治章句獨慕古人

欽定四庫全書

卷一百四十五

奇節偉行非常之功視世俗屑屑無足動其意者自顧不合於時乃一混以酒然好劇飲大醉頹然自放由是益與時不合而人之從其遊者皆知愛曼卿落落可奇而不知其才之有以用也年四十八康定二年二月四日以太子中允祕閣校理卒于京師曼卿少舉進士不中真宗推恩三舉進士皆補奉職曼卿初不肯就張文節公素奇之謂曰母老乃擇祿耶曼卿瞿然起就之遷殿直久之改太常寺太祝知濟州金鄉縣歎曰此亦可詳校官候選知縣臣吳甸華

以為政也。縣有治聲。通判乾寧軍丁母永安縣君李氏憂服除。通判永靜軍。皆有能名。克館閣校勘。累遷大理寺丞。通判海州。還為校理。莊獻明肅太后臨朝。曼卿上書。請還政天子。其後太后崩。范諷以言見幸。引嘗言太后事者。遽得顯官。欲引曼卿。曼卿固止之。乃已。自契丹通中國。德明盡有河南。而臣屬遂務休兵。養息天下。然内外弛武三十餘年。曼卿上書言十事。不報已而元昊反。西方用兵。始思其言。召見稍用其說。籍河北河東陝西之民。得鄉兵數十萬。曼卿奉使籍兵河東。還稱旨。賜緋衣銀魚。天子方思盡其才。而且病矣。既而聞邊將有欲以鄉兵扞賊者。笑曰。此得吾粗也。夫不教之兵。勇怯相雜。若怯者見敵而動。則勇者亦牽而潰矣。今或不暇教。不若募其敢行者。則人人皆勝兵也。其視世事蔑若不足為及。聽其施設之方。雖精思深慮。不能過也。狀貌偉然。喜酒自豪。若不可絕。以法度退而質其平生趣舍。大節無一悖于理者。遇人無賢愚。皆盡忻歡。及間而

内外弛武三十餘年。曼卿上書言十事。不報已而元昊反。西方用兵。始思其言。召見稍用其說。籍河北河東陝

可否。天下是非善惡。當其意者無幾人。其為文章勁健。稱其意氣。有子濟滋。天子聞其喪。官其一子使祿。其家既卒。之三十七日。葬于太清之先塋。其友歐陽修。表於其墓曰。嗚呼。曼卿寧自混以為高。不少屈以合世。可謂自重之士矣。士之所負者愈大。則其自顧也愈重。自顧愈重。則其合愈難。然欲與共大事立奇功。非得難合自重之士。不可為也。古之魁雄之人。未始不負高世之志。故寧或毀身污迹。卒困於無聞。或功非得難合自重之士。不可為也。古之魁雄之人。未始不負高世之志。故寧或毀身污迹。卒困於無聞。或

健稱其意氣。有子濟滋。天子聞其喪。官其一子使祿。其家既卒。之三十七日。葬于太清之先塋。其友歐陽修。表於其墓曰。嗚呼。曼卿寧自混以為高。不少屈以合世。可謂自重之士矣。士之所負者愈大。則其自顧也愈重。自顧愈重。則其合愈難。然欲與共大事立奇功。非得難合自重之士。不可為也。古之魁雄之人。未始不負高世之志。故寧或毀身污迹。卒困於無聞。或

老且死。而幸一遇。猶克少施於世。若曼卿者。非徒與世難合。而不克所施。亦其不幸。不得至乎中壽。其命也夫。其可哀也夫。

太常博士周君墓表

歐陽修

有篤行君子曰周君者。孝於其親。友於其兄弟。居父母喪。與其兄某弟某居於倚廬。不飲酒食肉者三年。其言必戚其哭。必哀除喪而癯然不能勝人事者。蓋久而後復。自孔子在魯而魯人不能行三年之喪。其弟子疑以

為問則非魯而他國可知也孔子歿而其後世又可知也今世之人知事其親者多矣或居喪而不哀者有矣生能事而死能哀或不知喪禮者有矣或知禮而以謂喪主於哀而已不必合於禮者有矣如周君者事生盡孝居喪盡哀而以禮者也禮之失失矣喪禮尤廢也今之居喪者惟仕宦婚嫁聽樂不為此特法令之所禁爾其衰麻之數哭泣之節居處之別飲食之變皆莫知夫有禮也在上位者不以身率其下在下者無以望於其上其遂廢矣乎故吾於周君有取也君諱某字某某州某縣人也天聖二年舉進士累官至太常博士歷連衡二州司理參軍桂州司錄知高安寧化二縣通判饒州未行以慶曆五年六月朔日卒于朝集之舍享年五十有一皇祐五年某月日葬于道州永明縣紫微岡曾祖諱某祖諱某父諱某贈官某母唐氏封某縣太君娶某氏封某縣君君學長於毛鄭詩左氏春秋家貧不事生產喜聚書官祿雖薄常分俸以賙宗族朋友人有慢已

生能事而死能哀或不知喪禮者有矣或知禮而以謂喪主於哀而已不必合於禮者有矣如周君者事生盡孝居喪盡哀而以禮者也禮之失失矣喪禮尤廢也今之居喪者惟仕宦婚嫁聽樂不為此特法令之所禁爾其衰麻之數哭泣之節居處之別飲食之變皆莫知夫有禮也在上位者不以身率其下在下者無以望於其上其遂廢矣乎故吾於周君有取也君諱某字某某州某縣人也天聖二年舉進士累官至太常博士歷連衡二州司理參軍桂州司錄知高安寧化二縣通判饒州未行以慶曆五年六月朔日卒于朝集之舍享年五十有一皇祐五年某月日葬于道州永明縣紫微岡曾祖諱某祖諱某父諱某贈官某母唐氏封某縣太君娶某氏封某縣君君學長於毛鄭詩左氏春秋家貧不事生產喜聚書官祿雖薄常分俸以賙宗族朋友人有慢已

胡翼之墓表

歐陽修

先生諱瑗字翼之姓胡氏其上世為陵州人後為泰州如臯人先生為人師言行而身化之使誠明者達昏愚者勵頑傲者革故具為法嚴而信為道久而尊師道廢久矣自景祐明道以來學者有師惟先生暨泰山孫明復石守道三人而先生之徒最盛其在湖州之學弟子去來常數百人各以其經轉相傳授其教學之法最備行之數年東南之士莫不以仁義禮樂為學慶歷四年天子開天章閣與大臣講天下事始慨然詔州縣皆立學於是建太學於京師而有司請下湖州取先生之法

以為太學法至今為著令後十餘年先生始來居太學
學者自遠而至太學不能容取旁官署以為學舍禮部
貢舉歲所得士先生弟子十常居四五其高第者知名
當時或取甲科居顯仕其餘散在四方隨其人賢愚皆
循循雅飭其言談舉止遇之不問可知為先生弟子其

學者相語稱先生不問可知為胡公也先生初以白衣

見天子論樂拜祕書省校書郎辟丹州軍事推官改密
州觀察推官丁父憂去職服除為保寧軍節度推官遂

欽定四庫全書

宋文鑑
卷一百四十五

六

居湖學召為諸王宮教授以疾免已而以太子中舍致
仕遷殿中丞於家皇祐中驛召至京師議樂復以為大
理評事兼太常寺主簿又以疾辭歲餘為光祿寺丞國
子監直講廻居太學遷大理寺丞賜緋衣銀魚嘉祐元
年遷太子中允充天章閣侍講仍居太學已而病不能
朝天子數遣使者存問又以太常博士致仕東歸之日
太學之諸生與朝廷賢士大夫送之東門執弟子禮路
人嗟嘆以為榮以四年六月六日卒于杭州享年六十

有七以明年十月五日葬于烏程何山之原其世次
官邑與其行事蒲陽蔡君謨具誌于幽堂嗚呼先生
之德在乎人不待表而見於後世然非此無以慰學
者之思乃揭于其墓之原六年八月三日廬陵歐陽
修述

瀧岡阡表

歐陽修

嗚呼惟我皇考崇公卜吉于瀧岡之六十年其子修始克
表於其阡非敢緩也蓋有待也修不幸生四歲而孤太

欽定四庫全書

宋文鑑
卷一百四十五

七

夫人守節自誓居貧自力於衣食以長以教俾至于成
人太夫人告之曰汝父為吏廉而好施與喜賓客具俸
祿雖薄常不使有餘曰無以是為我累故其亡也無一
瓦之覆一壠之植以庇而為生吾何恃而能自守邪吾
於汝父知其一二以有待於汝也自吾為汝家婦不及
事吾姑然知汝父之能養也汝孤而幼吾不能知汝之
必有立然知汝父之必將有後也吾之始歸也汝父免
於母喪方逾年歲時祭祀則必涕泣曰祭而豐不如養

之薄也間御酒食則又涕泣曰昔常不足而今有餘其何及也吾始一二見之以為新免於喪適然耳既而其後當然至其終身未嘗不然吾雖不及事姑而以此知汝父之能養也汝父為吏嘗夜燭治官書屢廢而歎吾問之則曰此死獄也我求其生不得爾吾曰生可求乎曰求其生而不得則死者與我皆無恨矧求而有得邪以其有得則知不求而死者恨也夫常求其生猶失之死而世常求其死也回顧乳者抱汝而立于旁因指而歎定四庫全書

卷一百四十五

八

宋文鑑

歎曰術者謂我歲行在戌將死使其言然吾不及見兒之立也後當以我語告之其平居教他子弟常用此語吾耳熟焉故能詳也其施於外事吾不能知其居于家無所矜飾而所為如此是真發於中者邪嗚呼其心厚於仁者邪此吾知汝父之必將有後也汝其勉之夫養不必豐要於孝利雖不得博於物要其心之厚於仁吾不能教汝此汝父之志也修泣而志之不敢忘先公少孤力學咸平三年進士及第為道州判官泗綿二州推

官又為泰州判官享年五十有九葬沙溪之瀧岡太夫人姓鄭氏考諱德儀世為江南名族太夫人恭儉仁愛而有禮初封福昌縣太君進封樂安安康彭城三郡太君自其家少微時治其家以儉約其後常不使過之曰吾兒不能苟合於世儉薄所以居患難也其後修貶夷陵太夫人言笑自若曰汝家故貧賤也吾處之有素矣汝能安之吾亦安矣自先公之亡二十年修始得祿而養又十有二年列官于朝始得贈封其親又十年修為龍圖閣直學士吏部郎中留守南京太夫人以疾卒于官舍享年七十有二又八年修以非才入副樞密遂參政事又七年而罷自登二府天子推恩褒其三世蓋自嘉祐以來逢國大慶必加寵錫皇曾祖府君累贈金紫光祿大夫太師中書令曾祖妣累封楚國太夫人皇祖府君累贈金紫光祿大夫太師中書令無尚書令祖妣累封吳國太夫人皇考崇公累贈金紫光祿大夫太師中書令無尚書令皇妣累封越國太夫人今上初郊皇

考賜爵為崇國公太夫人進號魏國於是小子修泣而
言曰嗚呼為善無不報而遲速有時此理之常也惟我
祖考積善成德宜享其隆雖不克有於其躬而賜爵受
封顯榮褒大實有三朝之錫命是足以表見於後世而
庇賴其子孫矣乃列其世譜具刻于碑既又載我皇考
崇公之遺訓太夫人之所以教而有待於修者並揭于阡
俾知夫小子修之德薄能鮮遭時竊位而幸全大節不
辱其先者其來有自熙寧三年歲次庚戌四月辛酉十
欽定四庫全書

卷一百四十五

五日乙亥男推誠保德崇仁翊戴功臣觀文殿學士特
進行兵部尚書知青州軍州事兼管內勸農使克京東
東路安撫使上柱國樂安郡開國公食邑四千三百戶
食實封一千二百戶修表

處士征君墓表

王安石

淮之南有善士三人皆居於真州之揚子杜君者寓於
醫無貧富貴賤請之輒往與之財非義輒謝而不受時
時窮空幾不能以自存而未嘗有不足之色益善言性命

之理而其心曠然無累於物而予嘗與之語久之而不
厭也徐君忠信篤實遇人至謹雖疾病召筮不正衣巾
不見寓於筮日得百數十錢則止不更筮也能為詩亦
好屬文有集若干卷兩人者以醫筮故多為賢士大夫
所知而征君獨不聞於世征君者諱某字某事其母夫
人至孝居鄉里恂恂恭謹樂振人之窮急而未嘗與人
校曲直好蓄書能為詩有子五人而教其三人為進士
某今為某官某今為某官某亦再貢於鄉征君與兩人
欽定四庫全書

卷一百四十五

某今為某官某今為某官某亦再貢於鄉征君與兩人
者相為友至驩而莫逆也兩人者皆先征君以死而征
君以某年某月甲子終於家年七十七噫古者一鄉之
善士必有以貴於一鄉一國之善士必有以貴於一國
此道亡也久矣余獨私愛夫三人者而樂為好事者道
之而征君之子又以請於是書以遺之使之鏹諸墓上

杜君諱嬰字大和徐君諱仲堅字某

外祖母黃夫人墓表

王安石

外祖夫人黃氏生二十二年歸吳氏歸五十年而卒三

月而葬康定二年十二月也夫人淵靜裕和不強而安事舅姑夫撫字皆順適吳氏内外族甚大朝夕相與居歲時以辭幣酒夕相繼接卒夫人之世戚疏愚良無一間言又喜書史曉大致往往引以輔道處士信厚聞其鄉子為士無虧行緊夫人之助夫人資寡言笑聲若不能出雖族人亦不知其曉書史也安石外孫也故得之詳明道中過舅家夫人春秋高矣視其禮猶若女婦然視其色不知其有喜慍也病且革以薄葬命子噫其可

欽定四庫全書

卷一百四十五

欽定四庫全書

卷一百四十五

謂以正始終也已舅藩既誌其葬四年安石還自揚州復其墓復表曰聖人之教必繇閨門始後世志於教者亦未之勤而已天下相重以戾相蕩以侈疣然數矣自公卿大夫無完德豈或女婦然或者女婦居不識廳屏笑言不聞鄰里是職然也置則悖矣然其死也聞人傳焉以美之是亦教之熄也人人之不能然也傳焉以美之宜也矧如夫人者有不可表耶於戲

程伯淳墓表

程頤

先生名顥字伯淳葬于伊川潞國太師顥其墓曰明道先生弟頤序其所以而刻之石曰周公沒聖人之道不行孟軻死聖人之學不傳道不行百世無善治學不傳千載無真儒無善治士猶得以明乎善治之道以淑諸人以傳諸後無真儒天下貿貿焉莫知所之人欲肆而天理滅矣先生生千四百年之後不得不傳之學於遺經志將以斯道覺斯民天不憖遺哲人早世鄉人士大夫相與議曰道之不明也久矣先生出倡聖學以示人辨異端闡邪說開歷古之沉迷聖人之道得先生而後明為功大矣於是帝師采衆議而為之稱以表其墓學者之於道知所嚮然後見斯人之為功知所至然後見斯名之稱情山可夷谷可堙明道之名亘萬世而常存勒石墓旁以詔後人

呂和叔墓表

范育

元豐五年歲次壬戌六月癸酉呂君和叔卒九月乙巳從葬驪山之趾先大夫之墓具孤義山請識以文惟君

明善至學性之所得者盡之於心心之所知者踐之於身妻子刑之朋友信之鄉黨宗之可謂至誠敏德者矣乃表其墓曰誠德君子而系其身行云君諱大鈞字和叔其先汲郡人皇考鵠贈司封員外郎王考通太常博士贈兵部侍郎考賛比部郎中贈左諫議大夫由兵部埜京兆之藍田故子孫為其縣人焉初諫議學游未仕教予六人後五人相繼登科知名當世其季賢而早死縉紳士大夫傳其家聲以為美談君其第三子也中進士

往從君亦盡力不苟以避使者愈賢之薦管句文字數月感疾卒延州官舍享年五十有二君性純厚易直彊明正亮所行不二于心所知不二于行其學以孔子下學上達之心立其志以孟子集義之功養其德以顏子克己復禮之用厲其行其要歸之誠明不息不為衆人沮之而疑小辨奪之而屈勢利刼之而回知力窮之而止其自任以聖賢之重如此蓋大學之教不明於世者千五百年先是扶風張先生子厚聞而知之而學者未

知信也君於先生為同年友一言而契往執弟子禮問焉君謂始學必先行其所知而已若夫道性命之際正惟躬行禮義久則至焉先生以謂學不造約雖勞而艱於進德且謂君勉之當自悟君乃信已不疑設其義陳其數倡而行之將以抗橫流繼絕學毅然不恤人之非間已也先生亦歎其勇為不可及始居諫議喪衰麻飲奠祭之事悉捐俗習事尚一倣諸禮後乃寢行於冠昏飲酒相見慶弔之間其文節粲然可觀人人皆識其義

相與起好矜行一朝知禮義之可貴矣之君之志既克
少施而於趣時求中未能沛然不疑然後信先生之學
本末不可踰以造約為先務矣先生既歿君益修明其
學援是道推之以善俗且必於吾身親見之既而曰有
命不得於今必得於後世其始講修先生之法曰如有
用我者舉而措之而已既又知夫君子之德不存焉雖
不信而不悔始也急於行已既乃至而不迫優游乎道
之可樂始也嚴於率人既乃和而不解使學者趨而不
欽定四庫全書
卷一百四十五
十六

厭嗚呼非持久不已孰能與於此君疾命掃室正席默
坐問者至語未終而歿其徒聞疾或自家于官所及訃
至相率迎其喪遠至數十百里貧者位于別館哭之卒
時夫人种氏治其喪如君所以治諫議之喪其孤既葬
而祭于家必以禮嗚呼死生之際安而不惑可以見養
之至道行乎妻子善信乎朋友鄉黨可以見誠之感君
與人語必因其所可及而喻諸義治經說德於身踐而
心解其文章不作於無用嘗謨次井田兵制為圖籍案
欽定四庫全書
卷一百四十五
十七

樊里之萬安山下公諱仲淹字希文五代之際世家蘇州事吳越太宗皇帝時吳越獻其地公之皇考從錢倣朝京師後為武寧軍掌書記以卒公生二歲而孤母夫人貧無依再適長山朱氏既長知其世家感泣去之南都入學舍掃一室晝夜講誦其起居飲食人所不堪而公益自刻苦居五年大通六經之旨為文章論說必本於仁義祥符八年舉進士禮部選第一遂中乙科為廣德軍司理參軍始歸迎其母以養及公既貴天子贈公佑聖躬始終十年未見過失宜掩其小故以全大德初太后有遺命立楊太妃代為太后公諫曰太后母號也自古無代立者由是罷其冊命是歲大旱蝗奉使安撫

曾祖蘇州糧料判官諱某為太保祖祕書監諱某為太傅考諱某為太師妣謝氏為吳國夫人公少有大節於富貴貧賤毀譽歡戚不一動其心而慨然有志於天下常自誦曰士當先天下之憂而憂後天下之樂而樂也其事上遇人一以自信不擇利害為趨捨其所有為必盡其方曰為之自我者當如是其成與否有不在我者雖聖賢不能必吾豈苟哉天聖中晏丞相薦公文學以大理寺丞為秘閣校理以言事忤章獻太后旨通判河

中府久之上記其忠召拜右司諫當太后臨朝聽政時以至日大會前殿上將率百官為壽有司已具公上疏言天子無北面且開後世弱人主以強母后之漸其事遂已又上書請還政天子不報及太后崩言事者希旨多求太后時事欲深治之公獨以謂太后受託先帝保佑聖躬始終十年未見過失宜掩其小故以全大德初太后有遺命立楊太妃代為太后公諫曰太后母號也自古無代立者由是罷其冊命是歲大旱蝗奉使安撫

東南使還會郭皇后廢率諫官御史伏閣爭不能得貶知睦州入徙蘇州歲餘即拜禮部員外郎天章閣待制召還益論時政闕失而大臣權倖多忌惡之居數月以公知開封府開封素號難治公治有聲事日益簡暇則益取古今治亂安危為上開說又為百官圖以獻曰任人各以其材而百職修堯舜之治不過此也因指其遷進遲速次序曰如此而可以為公可以為私亦不可以

職知饒州明年呂公亦罷公徙潤州又徙越州而趙元昊反河西上復召相呂公乃以公為陝西經略安撫副使遷龍圖閣直學士是時新失大將延州危公請自守鄜延扞賊乃知延州元昊遣人遺書以求和公以謂無事請和難信且書有僭號不可以聞乃自為書告以逆順成敗之說甚辨坐擅復書奪一官知耀州未逾月徙知慶州既而四路置帥以公為環慶路經略安撫招討使兵馬都部署累遷諫議大夫樞密直學士公為將務持重不急近功小利於延州築青澗城墾營田復承平永平廢寨熟羌歸業者數萬戶於慶州城大順以據要害又城細腰葫蘆於是明珠滅臧等大族皆去賊為中國用自邊壘火礮至兵與將常不相識公始分延州兵為六將訓練齊整諸路皆用以為法公之所以在賊不敢犯人或疑公見敵應變為如何至其城大順也一旦引兵出諸將不知所向軍至柔遠始號令告其地處使往築城至於版築之用大小畢具而軍中初不知賊以騎三

萬來爭公戒諸將戰而賊走追勿過河已而賊果走追者不渡而河外果有伏賊失計乃引去於是諸將皆服公為不可及公待將吏必使畏法而愛已所得賜賚皆以上意分賜諸將使自為謝諸羌質子縱其出入無一人逃者番酋來見召之卧內屏人徹衛與語不疑公居三歲士勇邊實恩信大洽乃決策謀取橫山復靈武而元昊數遣使稱臣請和上亦召公歸矣初西人籍其鄉兵者十數萬既而黥為軍惟公所部但刺其手公去兵罷獨得復為民其於兩路既得熟羌為用使以守邊因徒屯兵就食内地而緣西人餉輓之勞其所設施去而人德之與守其法不敢變者至今尤多自公坐呂公貶群士大夫各持二公曲直呂公患之凡直公者皆指為黨或坐竄逐及呂公復相公亦再起被用於是二公驩然相約戮力平賊天下之士皆以此多二公然朋黨之論遂起而不能止上既賢公可大用故卒置群議而用之慶厯三年春召為樞密副使五讓不許乃就道既至

數月以為參知政事每進見必以太平責之公歎曰上之用我者至矣然事有先後而革弊於久安非朝夕可也既而上再賜手詔趣使條天下事又開天章閣召見賜坐授以紙筆使疏于前公惶恐避席始退而條列時所宜先者十數事上之其詔天下興學取士先德行不專文辭革磨勘例遷以別能否減任子之數而除濫官

用農桑考課守宰等事方施行而磨勘任子之法僥倖之人皆不便因相與騰口而嫉公者亦幸外有言喜為

之佐佑會邊奏有警公即請行乃以公為河東陝西宣撫使至則上書願復守邊即拜資政殿學士知邠州兼陝西路安撫使其知政事纔一歲而罷有司悉奏罷公前所施行而復其故夏人已稱臣公因以疾請鄧州守鄧三歲求知杭州又徙青州公益病又求知潁州肩臯至徐遂不起享年六十有四方公之病上賜藥存問既薨輶朝一日以其遺表無所請使就問其家所欲贈以兵部尚書所以哀卹之甚厚公為人外和內剛樂善汎

愛喪其母時尚貧終身非賓客食不重肉臨財好施意豁如也及退而視其私妻子僅給衣食其為政所至民多立祠畫像其行已臨事自山林處士里閭田野之外至夷狄莫不知其名字而樂道其事者甚衆及其世次官爵誌于墓譜于家藏于有司者皆不論著其繫天下國家之大者亦公之志也歟銘曰

范於吳越世實陪臣倣納山川及其士民范始來北中

間幾息公奮自躬與時偕逢事有罪功言有違從豈公

必能天子用公其艱其勞一其初終夏童跳邊乘吏怠安帝命公往問彼驕頑有不聽順鋤其穴根公居三年怯勇隳完兒憐獸擾卒俾來臣夏人在廷其事方議帝趣公來以就予治公拜稽首茲惟艱哉初匪其難在其終之群言營營卒壞于成匪惡其成惟公是傾不傾不危天子之明存有顯榮歿有贈謚藏其子孫寵及後世惟百有位可勸無怠

太尉王文正公神道碑銘

歐陽修

至和二年七月乙未樞密直學士右諫議大夫王素奏事殿中已而泣且言曰臣之先臣旦相真宗皇帝十有八年今臣素又得待罪侍從之臣惟是先臣之訓其遺業餘烈臣實無似不能顯大而墓碑至今無辭以刻惟陛下哀憐不忘先帝之臣以假寵於王氏而勗其子孫天子曰嗚呼惟汝父旦事我文考真宗叶德一心克終厥位有始有卒其可謂全德元老矣汝素以是刻于碑素拜稽首泣而出明日有詔史館修撰歐陽修曰王旦墓碑未立汝可以銘臣修謹按故推誠保順同德守正翊戴功臣開府儀同三司守太尉克玉清昭應宮使上柱國太原郡開國公贈太師尚書令兼中書令追封魏國公謚曰文正王公諱旦字子明大名莘人也皇曾祖諱言滑州黎陽令追封許國公皇祖諱徹左拾遺追封魯國公皇考諱祐尚書兵部侍郎追封晉國公皆累贈太師尚書令兼中書令曾祖妣姚氏魯國夫人祖妣田氏泰國夫人妣任氏徐國夫人邊氏泰國夫人公之皇

考以文章自顯漢周之際逮事太祖太宗為名臣嘗諭杜重威使無反漢拒盧多遜害趙普之謀以百口明符彥卿無罪故世多稱王氏有陰德公之皇考亦自植三槐于庭曰吾之後世必有為三公者此其所以志也公少好學有文太平興國五年進士及第為大理評事知臨江縣監潭州銀場再遷著作佐郎與編文苑英華遷殿中丞通判鄭濠二州王禹偁薦其材任轉運使驛召至京師辭不受獻其所為文章得試直史館遷右正言

知制誥知淳化三年禮部貢舉遷虞部員外郎同判吏部流內銓知考課院右諫議大夫趙昌言叅知政事公以婿避嫌求解職太宗嘉之改禮部郎中集賢殿修撰昌言罷復知制誥仍兼修撰判院事召賜金紫失之遷兵部郎中居職真宗即位拜中書舍人數日召為翰林學士知審官院通進銀臺封駁事公為人嚴重能任大事避遠權勢不可干以私由是真宗益知其賢錢若水名能知人常稱公曰真宰相器也若水為樞密副使罷

召對苑中問誰可大用者若水言公可用真宗曰吾固已知之矣咸平三年又知禮部貢舉居數日拜給事中同知樞密院事明年以工部侍郎參知政事再遷刑部侍郎景德元年契丹犯邊真宗幸澶州雍王元份留守東京得暴疾命公馳自行在代元份留守二年遷尚書左丞三年拜工部尚書同中書門下平章事集賢殿大學士監修國史是時契丹初請盟趙德明亦納誓約願守河西故地二邊罷兵不用真宗遂欲以無事治天下

曰將相之任豈可求邪且吾不受私請準深恨之已而制出除準武勝軍節度使同中書門下平章事準入見涕泣曰非陛下知臣安能至此真宗具道公所以薦準者準始愧嘆以為不可及故參知政事李穆子行簡有賢行以將作監丞居于家真宗召見慰勞之遷太子中先初遣使者召之不知其所止真宗命至中書問王某然後人知行簡公所薦也公自知制誥至為相薦士尤多其後公薨史官修真宗實錄得內出奏章乃知朝廷之士多公所薦者公與人寡言笑其語雖簡而能以理屈人默然終日莫能窺其際及奏事上前群臣異同公徐一言以定今上為皇太子太子諭德見公稱太子學書有法公曰諭德之職止於是耶趙德明言民饑求糧百萬斛大臣皆曰德明新納誓而敢違請以詔書責之真宗以問公請敕有司具粟百萬於京師詔德明來取真宗大喜德明得詔書慚且拜曰朝廷有人大中祥符中天下大蝗真宗使人於野得死蝗以示大臣明日他嘗知寇準為樞密使當罷使人私公求為使相公大驚

宰相有袖死蝗以進者曰蝗實死矣請示于朝率百官賀公獨以為不可後數日方奏事飛蝗蔽天真宗顧公曰使百官方賀而蝗如此豈不為天下笑耶宦者劉承規以忠謹得幸病且死求為節度使真宗以語公曰承使者奈何至今內臣官不過留後公任事久人有謗公於上者公輒引咎未嘗自辨至人有過失雖人主盛怒可辨者辨之必得而後已榮王宮火延前殿有言非天

欽定四庫全書

卷一百四十五

宋文鑑

元

執國法豈可自為之幸於不發而以罪人真宗意解公至中書悉焚所得書既而真宗悔復馳取之公曰臣已焚之矣由是獲免者衆公累官至太保以病求罷入見滋福殿真宗曰朕方以大事託卿而卿疾如此因命皇太子拜公公言皇太子盛德必任陛下事因薦可為大臣者十餘人其後不至宰相者李及凌策二人而已然亦皆為名臣公屢以疾請真宗不得已拜公太尉兼侍中五日一朝視事遇軍國大事不以時入參決公益惶恐因卧不起以疾懇解冊拜太尉玉清昭應宮使自公病使者存問日常三四真宗手自和藥賜之疾亟遂幸其第賜以白金五千兩辭不受以天禧元年九月癸酉薨于家享年六十有一真宗臨哭輶視朝三日發哀于苑中其子弟門人故吏皆被恩澤即以其年十一月庚申葬公於開封府開封縣新里鄉大邊村娶趙氏封榮國夫人後公若干年卒子男三人長曰司封郎中雍次曰贊善大夫冲次曰素女四人長適太子太傅韓億次願并臣付獄真宗曰此事已發何可免公曰臣為宰相

欽定四庫全書

卷一百四十五

宋文鑑

元

適兵部員外郎直集賢院蘇耆次適右正言范令孫次
適龍圖閣直學士兵部郎中呂公弼公事寡嫂謹與其
弟旭相友悌尤篤任以家事一無所問而務以儉約率
勵子弟使在富貴不知為驕侈兄子睦欲舉進士公曰
吾常以太盛為懼其可與寒士爭進至其薨也子素猶
未官遺表不求恩澤有文集二十卷乾興元年詔配享
真宗廟庭臣修曰景德祥符之際盛矣觀公之所以相
而先帝之所以用公者可謂至哉是以君明臣賢德顯
欽定四庫全書

如默問其夷狄包裹兵革問其鄉士百工以職問其庶
民耕織衣食相有賞罰功當罪明相所黜升惟否惟能
執其權衡萬物之平孰不事君胡能必信孰不為相其
誰有終公薨于位太尉之崇天子孝思來薦清廟侑我
聖考惟時元老天子念公報公之隆春秋從享萬祀無
窮作為詩歌以諗廟工

名尊生而俱享其榮歿而長配於廟可謂有始有卒如
明詔所褒昔者烝民江漢推大臣下之事所以見任賢
使能之功雖曰山甫穆公之詩實歌宣王之德也臣謹
考國史實錄至於縉紳故老之傳得公終始之節而錄
其大者輒聲為銘詩昭示後世以彰先帝之明以稱聖
恩褒顯王氏流澤子孫與宋無極之意銘曰

烈烈魏公相我真宗真廟翼翼魏公配食公相真宗不言以
躬時有大事事有大疑匪卜匪筮公為蓍龜公在相位終日

欽定四庫全書會要卷二萬六十九

集部

宋文鑑卷一百四十六 宋呂祖謙編

神道碑銘

晏元獻公神道碑銘

歐陽修

至和元年六月觀文殿大學士行兵部尚書西京留守臨淄公以疾歸于京師八月疾少間入見天子曰噫予舊學之臣也乃留侍講邇英閣詔五日一朝前殿明年正月疾作不能朝敕太醫朝夕往視有司除道將幸其家公歎曰吾無狀乃以疾病憂吾君即馳奏曰臣疾少間行愈矣乃止其月丁亥以公薨聞天子震悼亟臨其喪以不即視公為恨贈公司空兼侍中謚曰元獻有司請輶視朝一日詔特輶二日以其年三月癸酉葬公于許州陽翟縣麥秀鄉之北原既塋賜其墓隣之碑首曰舊學之碑既又勅史臣修考次公事具書于碑下臣修伏讀國史見真宗皇帝時天下無事天子方推讓功德祠祀天地山川講禮樂以文頌聲而儒學文章雋贊偉異

欽定四庫全書

宋文鑑卷一百四十六

欽定四庫全書

宋文鑑卷一百四十六

之人出公世家江西之臨川年始十四一起田里進見天子時方親閱天下貢士會廷中者千餘人與夫宮臣衛官擁列圍視公不動聲氣操筆為文辭立成以獻陛下由王官宮臣卒登宰相凡所以輔道聖德憂勤國家有舊有勞自始至卒五十餘年公既薨而先帝之名臣與陛下東宮之舊人皆無在者宜其褒寵優異比公耳盤臣修幸得執筆史官奉明詔謹昧死上臨淄公事曰公諱殊字同叔姓晏氏其世次晦顯徙遷不常自其高祖諱墉唐咸通中舉進士卒官江西始著籍于高安其後三世不顯曾祖諱延昌又徙其籍于臨川祖諱鄆追封英國公考諱固追封泰國公自曾祖已下皆用公貴累贈開府儀同三司太師中書令兼尚書令曾祖妣張氏陳國太夫人祖妣傅氏許國太夫人妣吳氏唐國太夫人公生七歲知學問為文章鄉里號為神童故永

相張文節公安撫江西得公以聞真宗召見既賜出身後二日又召試詩賦論公徐啟曰臣嘗私習此賦不敢隱真宗益嗟異之因試以他題以為祕書省正字置之祕閣使得悉讀祕書命故僕射陳文僖公視其學明年獻其所為文召試中書遷太常寺奉禮郎封祀太山推恩遷光祿寺丞數月充集賢校理明年遷著作佐郎丁父憂去官已而真宗思之即其家起復命淮南發運使具舟送之京師從祀太清宮賜緋衣銀魚同判太常禮院又丁母憂求去官服喪不許今天子始封昇王公以選為府記室參軍再遷左正言直史館今天子為皇太子以戶部員外郎充太子舍人賜金紫知制誥判集賢院遷翰林學士充景靈宮判官太子左庶子兼判太常寺知禮儀院公既以道德文章佐佑東宮真宗每所諮詢多以方寸小紙細書問之由是參與機密凡所對必以其藁進示不洩其後悉閱真宗閣中遺書得公所進藁類為八十卷藏之禁中人莫之見也初真宗遺詔章

獻明肅太后權聽軍國事宰相丁謂樞密使曹利用各欲獨見奏事無敢決其議者公建言群臣奏事太后者垂簾聽之皆毋得見議遂定乾興元年拜右諫議大夫兼侍讀學士遷給事中景靈宮副使判吏部流內銓以易侍講崇政殿遷禮部侍郎知審官院為樞密副使遷刑部侍郎上疏論張耆不可為樞密使由是忤太后旨坐以笏擊其僕誤折其齒罷留守南京大興學校以教諸生自五代以來天下學廢興自公始召拜御史中丞改兵部侍郎兼祕書監資政殿學士翰林侍讀學士知天聖八年禮部貢舉明年為三司使復為樞密副使未拜改參知政事遷尚書左丞太后謁太廟有請服袞冕者太后以問公公以周官后服對太后崩大臣執政者皆罷公為禮部尚書知亳州徙知陳州遷刑部尚書復召為御史中丞又為三司使知樞密院事拜樞密使再加檢校太尉同中書門下平章事慶歷三年三月遂以刑部尚書居相位至集賢殿大學士兼樞密使自公復

召用而趙元昊反師出陝西天下弊於兵公數建利害
請罷監軍兼以陣圖授諸將使得應敵為攻守及制財
用為出入之要皆有法天子悉為施行自宮禁先以率
天下而財賦之職悉歸有司卒能以謀臣元昊使聽約
束乃還其王號公為人剛簡遇人必以誠雖處富貴如
寒士樽酒相對歡如也得一善稱之如已出當世知名
之士如范仲淹孔道輔等皆出其門及為相益務進賢
才當公居相府時范仲淹韓琦富弼皆進用至於臺閣

多一時之賢天子既厭西兵閔天下困弊奮然有意遂
欲因群材以更治數詔大臣條天下事方施行而小人
權倖皆不便明年秋會公以事罷而仲淹等相次亦皆
去事遂已公既罷以工部尚書知潁州徙知陳州又徙
許州三遷戶部尚書拜觀文殿大學士知永興軍克一
路都部署安撫使徙知河南府兼西京留守累進至開
府儀同三司勲上柱國爵臨淄公食邑一萬一千戶實
封三十七百戶公享年六十有五自少篤學至其病亟

猶手不釋卷有文集二百四十卷嘗奉勅修上訓及真
宗實錄又集類古今文章為集選二百卷具為政敏而
務以簡便其民其於家嚴子弟之見有時事寡姊孝謹
未嘗為子弟求恩澤其在陳州上問宰相曰晏某居外
起居而已故其薨也天子尤哀悼之賜予加等以其子
承裕為崇文院檢討孫及甥之未官者九人皆命以官
公初娶李氏工部侍郎虛己之女次孟氏屯田員外郎
虛舟之女封鉅鹿郡夫人次王氏太師尚書令超之女
封榮國夫人子八人長曰居厚大理評事早卒次承裕
尚書屯田員外郎宣禮贊善大夫崇讓著作佐郎明遠
祗德皆大理評事幾道傳正皆太常寺太祝女六人長
適戶部侍郎同中書門下平章事富弼次適禮部侍郎
三司使楊察其四尚幼孫十有二人公既樂善而稱為
知人士之顯于朝者多公所薦達至擇其女之所從入
得二人者如此可謂賢也已銘曰

有姜之裔齊為晏氏齊在春秋晏顯諸侯傳載桓子嬰
稱於丘其後無聞不亡僅存有婦自公厥聲以振公之
顯聲實相天子天子曰噫予考真宗唯多名臣以臻盛
隆汝初事我王官東宮以暨相予始卒一躬輔我以德
有勞于邦公疾在外來歸自洛天子曰留汝予舊學凡
今在廷莫如汝舊孰以畀予唯予聖考今既亡矣孰為
予老何以贈之司空侍中禮則有加予思何窮有篆其
文在其碑首天子之褒史臣有詔銘以述之永昭厥後

欽定四庫全書

宋文憲

七

王武恭公神道碑銘

歐陽修

惟王氏之先為常山真定人後世葬河南密縣而密分
入于管城遂為鄭州管城人其封國仍世于魯武康公
事太宗皇帝秉節治戎出征入衛乃受遺詔輔真宗有
勞有勳報卹追崇以有茲魯國是生魯武恭公少以父
任為西頭供奉官至道二年遣五將討李繼遷公從武
康公出鐵門為先鋒殺獲甚衆軍至烏口池諸將失期
不得進公告其父曰歸師過險爭必亂乃以兵前守隘

號其軍曰亂行者斬由是士卒無敢先後雖武康公亦
為之按轡追兵望其軍整不敢近武康公歎曰王氏有
子矣後以御前忠佐為軍頭巡檢邢洺男子張洪霸聚
盜二州間歷年吏不能捕公以輦車載勇士為婦人服
盛飾誘之邯鄲道中賊黨爭前邀劫遂皆就擒由是知
名公以將家子宿衛真宗為內殿直殿前左班都虞候
捧日左廂都指揮使累遷英州團練使今天子即位改
博州團練使知廣信軍徙知冀州遷康州防禦使歷龍
前都虞候步軍副都指揮使桂福二州觀察使是時章
獻太后猶臨朝有詔補一軍吏公曰補吏軍政也敢挾
詔書以干吾軍亟請罷之太后固欲與之公不奉詔乃
止及太后上儻有司請衛士坐甲公以為故事無為太
后喪坐甲又不奉詔於是天子知公可任大事明道二
年拜檢校太保簽署樞密院事遂為副使明年以奉國
軍留後同知院事又明年領安德軍節度使又明年加

欽定四庫全書

宋文憲

八

神衛捧日天武四廂都指揮使侍衛親軍步軍馬軍殿

卷一百四十六

八

檢校太尉宣徽南院使公為將善撫士而識與不識皆喜為之稱譽其狀貌雄偉動人雖里兒巷婦外至夷狄皆知其名氏御史中丞孔道輔等因事以為言乃罷公樞密拜武寧軍節度使言者不已即以為右千牛衛上將軍知隨州士皆為之懼公舉止言色如平時惟不接賓客而已久之徙知曹州而孔道輔卒客有謂公曰此害公者也公愀然曰孔公以職言事豈害我者可惜朝廷亡一直臣於是言者終身以為愧而士大夫服公為

曰吾軍整而和使覘者得吾實以歸是屈人兵以不戰也明日大閱於郊公執桴鼓誓師號令簡明進退坐作肅然無聲乃下令曰具糗糧聽鼓聲視吾旗所鄉契丹聞之震恐會復議和兵解徙知陳州道過京師天子遣中貴人問公欲見否公謝曰備邊無功幸得蒙恩徒內地不敢見明年徙河陽不行以宣徽使奉朝請已而出判相州六年拜同中書門下平章事判澶州明年徙鄭州封祁國公又明年乞骸骨不許以為會靈觀使已而

復判鄭州徙澶州除集慶軍節度使徙封冀國公皇祐三年遂以太子太師致仕大朝會許綬中書門下班居一歲天子思之起為河陽三城節度使同中書門下平章事判鄭州六年以本官為樞密使徙封魯國公既而上以富公弼為宰相是歲契丹使者來公與之射使者曰天子以公典樞密而用富公為相得人矣語聞上喜賜公御弓一矢五十公善射至老不衰常侍上射辭曰幸得備位大臣舉止為天下所視臣老矣恐不能勝弓

矢上再三諭之乃手二矢再拜一發中之遂將釋復位
上固勉之再發又中由是左右皆驩呼賜以襲衣金帶
自寶元慶歷之間元昊叛河西兵出久無功士大夫爭
進計策多所改作公笑曰奈何紛紛兵法不如是也使
士知畏愛而怯者勇勇者不驕以吾可勝因敵而勝之
爾豈多言哉其在樞密亦嘗自請臨邊不許凡大謀議
必以咨之其在外則遣中貴人詔問其言多見施用公
自致仕復起掌樞密凡三歲以老求去位至六七上為
欽定四庫全書
宋文鑑卷一百四十六

之不得已以為景靈宮使徙忠武軍節度使又以為同
群牧制置使五日一朝給扶者以子若孫一人是歲公
年七十有八矣明年二月辛未以疾薨于家詔輶視朝
二日發喪于苑中贈太尉中書令其遺言曰臣有俸祿
足以具死事不敢復累朝廷願無遣使者護喪無厚贈
贈天子惻然哀其志以黃金百兩白金三千兩賜其家
固辭不許以其年五月甲申葬于管城明年有詔史臣
刻其墓碑臣愚以謂自國家西定河湟北逼契丹罷兵
不用幾四十年一日元昊叛幽燕亦犯約二邊騷動而
老臣宿將無在者公於是時屹然為中國鉅人名將雖
未嘗躬矢石攻堅摧敵而恩信已足撫士卒名聲已足
動四夷遂登朝廷典掌機密以老還仕復起于家保有
富貴享終壽考雖古之將帥及于是者其幾何人至於
出入勤勞之節與其進退綢繆君臣之恩意可以褒勸
後世如古詩書所載皆應法可書謹按魯武恭公諱德
用字元輔曾祖諱方追封蔣國公祖諱元追封邢國公
欽定四庫全書
宋文鑑卷一百四十六

令齊千萬一人公在朝廷出守入衛乃登大臣與國謀
議公曰老矣乞臣之身帝曰休哉汝乎舊臣亟其強起
秉我樞鈞禮不筋力老子敢侮公來在廷拜母蹈舞若
子與孫助其興俯凡百有位誰其敢儔惟時黃耇天子
之優富貴之隆亦有能保孰享其終如公壽考公有世
德載勲旂常刻銘有詔俾嗣其芳

馬正惠公神道碑銘

王安石

欽定四庫全書

卷一百四十六

十三

推忠保順同德翊戴功臣彰德軍節度觀察留後特進

檢校太尉使持節相州刺史兼御史大夫上柱國扶
風郡開國公食邑六千六百戶食實封二千二百戶正
惠馬公以天禧三年十月戊戌葬開封祥符縣某鄉某
里至嘉祐七年公孫慶崇始來請銘以作公碑序曰馬
氏故扶風人至公高祖而徙處雲中贈太師諱某者於
公為曾祖贈太師中書令諱某者於公為祖龍捷左廂
都指揮使江州防禦使贈太師中書令尚書令蔡公諱
某者於公為父蔡公從太祖定天下力戰有功當是時

欽定四庫全書

卷一百四十六

十四

君子驛而契丹歸矣公方料丁壯集芻糧繕城治械如
寇至吏民初不悅其生事也已而契丹果至度不可攻
乃去四年改西京作坊副使將屯於冀州端拱元年移
知定遠軍時議發河南十三州之民轉饑河北公告轉
運使樊知古此軍聚兵少而積粟多簸其腐尚可得十
七知古用此得粟五十萬斛以罷河南之役事聞朝廷
太宗嘉之二年深州新築於契丹城郭廬舍多壞而流
民衆乃移公知深州公至數月則壞者完流者復舉州

忘其寇戎之故而以公為能撫我會保州不治移往代
之淳化二年又移知慶州羌萬人以怨程德元來寇公
誘其渠帥諭以威信即皆引去四年遷西京作坊使知
梓州五年李順為亂於蜀之西川以公往討又以為先
鋒平劍州召還至三泉而復以公與王繼恩討賊繼恩
怒公抗直使守彭州盡收其軍而與之羸卒三百賊率
其衆至號十萬公力戰一日亡其卒大半乃夜獨出招
救兵復入賊終不能得城而以敗去除成都府兵馬鈴
輶遷洛苑使五年除蜀漢九州都巡檢使已而又兼成
都府兵馬鈴輶真宗即位改內苑使蜀卒劉旰聚黨數
千人為亂所攻數州至輒取之公以卒三百追至蜀州
與戰旰走邛州而招安使上官正召公歸成都計事公
為正畫曰賊破邛州必乘勝劫掠度江薄我既息而戰
我軍雖倍未易敵也不如迎其弊急擊破之必矣遂行
次方井與正合殺旰等無噍類真宗賜書獎諭賞以錦
袍金帶咸平元年加登州刺史知秦州諸羌質子有三

十年不釋者公悉歸之諸羌德公訖公去無一人犯塞
小泉銀坑火不發掌吏盡產以償歲課而責之不已公
奏得釋而歸其產四年就除西上閣門使知成都府兼
本州兵馬鈴輶有告龍騎士謀為變者所引以千數公
捕殺其首七人而置其餘無所問自乾德後歲漕蜀物
以富人為送吏多坐漂失籍其家公奏擇三班使臣及
三司軍大將代之而課其漕事為賞罰至今便之六年
移鄜延路駐泊兵馬都總管兼知延州蜀人於公去皆
環以泣公至延州羌方以兵覬邊會上元開門張燈視
以無為而羌卒不能為寇又移知鎮州兼本州兵馬都
總管景德元年契丹入邊民入保城公與之約盜一錢
者死有盜錢二百者公即殺之於是自澶以北城郭皆
晝閉詔使過公輒留之而募人間行送詔皆得其報以
聞又以便宜使所至受諸漕輓給邊之物故契丹欲虜
掠無所得車駕次澧州大將王超提卒數十萬逗留不
赴公屢趣之不為動移書譙讓乃始出師猶辭以中渡

無橋至則公先已度材一夕而橋就上聞手詔褒之且知公果可以屬大事也二年移知定州又除東上閣門使樞密院都承旨三年遂以檢校太保簽書樞密院事祥符元年東封泰山以為行宮都總管自此行幸必以公為都總管而皆許之專設公部分明約束審出令肅然而未嘗輒戮一人於是邊將言契丹近塞大臣議皆請發兵以備公獨議使邊將移書問狀從之契丹解去遷檢校太傅四年加宣徽北院使五年除樞密副使當是時契丹已盟中國無為大臣方言符瑞而公每不然之獨常從容極言天下雖安不可忘戰去兵之意及他爭議甚衆真宗多以公言為是七年除潁州防禦使知潞州州之稅賦常移以輸邊公為論其害自是所輸不過鄆州而已天禧元年移知大名府兼駐泊兵馬都總管使中貴人勞問賜白金二千兩居頃之遂以為宣徽南院使知樞密院事檢校太尉有足疾時詔內朝別為一班免其蹈舞二年疾病賜告求去位真宗不許而數

使中貴人勞問又幸其第賜白金三千兩已而度公實病不可強以事乃罷以為彰德軍節度觀察留後而公固求外鎮終不許居久之稍間入謁真宗輒使閣門祇候二人伺公至即扶以入因掖其拜起數屏左右問事常聽用三年又求外鎮乃以公知貝州兼本州兵馬都總管將行美召見又將付以政公固辭謝久之乃已而更以公為本鎮至六月公疾作詔使公子洵美將太醫往視而魏潞二鎮之人亦皆奔走來問為公請禱已而公疾革真宗又使公弟之子成美馳傳召公歸京師而公以八月壬寅不起矣享年六十五真宗為之震悼罷朝詔贈侍中錄其子孫賛賜皆加等公前夫人丁氏某郡君後夫人沈氏某郡夫人子男二人洵美終西京作坊使英州刺史之美終內殿承制閣門祇候孫十六人其十四人皆已卒而慶宗今為右班殿直慶崇今為文思院知恩州公少慷慨以武力智謀自喜又能好書賓友儒者所與善必一時豪傑有集二十卷其文長於議

論自始仕以至登用遇事蹇蹇未嘗有所顧憚王冀公
丁晉公用事每廷議得其不直輒面詆之真宗初或甚
忤然終以此知公而天下至今稱其正直銘曰

在浚西南誰封誰樹有宋正惠馬公之墓公當太宗真

宗之時暨暨譖謗謀行計施以羸擊強以少捕衆以賤
抗貴維公之勇雖貴雖衆雖強必克維公之敏亦維公
直帝曰直哉汝予良弼見國而已不知家室內朝十年

典掌機密暨予一心綱紀庶物元功宗謀莫汝敢匹公

曰孤臣敢曠于榮謾說不用是維帝明士或困窮莫知
其有既榮以位正或見醜公於可願兩得其尤不訖大
耄天為不謀德歎於年孰云耆老有資後世公為壽考
刻趺篆首作此銘詩陳之隧道永矣其詒

梅侍讀神道碑銘

王安石

宋翰林侍讀學士正奉大夫行給事中知許州軍州事
兼管內堤堰橋道勸農事上柱國南昌郡開國公食邑
二千三百戶食實封六百戶賜紫金魚袋梅公之墓在

宣州宣城縣長安鄉西山里公有五子鼎臣德臣寶臣
輔臣清臣今獨在為尚書司門郎中以公行狀及
樂安歐陽公之銘來請文以刻墓碑時熙寧元年八月
四日也銘曰

公先梅伯後氏其國彌周涉秦不見史策有銷有福著
漢名籍公福之孫詢字昌言三世弗仕陵陽之里公第
廷中判官利豐再歲而擢以丞將作以宰仁和人譽用
多主推御史侍考進士一見天子以為知己詔曰試哉

遂試中書館之集賢賜服緋魚於時繼遷兵我西鄙老
弱餽守丁彊多死靈州告危帝視不怡公請擇人使潘
羅支兵法所謂以夷攻夷帝曰誰可無如臣者曰予汝
嘉閑陷奈何公拜且跪聽言而起苟紓西師臣不愛死
出書授之往訖爾謀至疆敷還會棄靈州帝察公藝可
書帝制相或止之留佐三司其後羅支果窘西賊論將
料敵皆如所策或從或違或擠或推悟合阻夷神者公
尸黜之倅州用獄一眚去杭而蘇列國東屏漕輸湖河

就付將領三年告功僅得故省又以謹投守彼淮州有僚許公相得於此與之欣然樂以忘徙使于湖北遷自

濠梁又奪一官往裨子襄坐發驛馬給奔喪者于鄂干

蘇剖將之符握節關中使總其輸煌煌金章厥賜特殊

謀復靈武度兵葫蘆秦有將瑞諾公與俱會瑞召還公復淪胥有反咸陽能名氏朱始雖弗察後捕而誅自懷祖池再副戎車真宗新陟罪垢皆滌為郎度支以將廣德外更四州楚壽陝荆乃還待制中糾獄刑有歸龍圖

其唐殖殖就以學士專其閭直轂之銓衡乘傳臨并超遷郎秩進直樞密趣歸封駁考國中失用命選事得權進黜加職侍讀改司群牧移之審官審是在服伐閱積遷給事于中告疾出許鼓歌從容方公少壯志立人上談辭慨然帝悅而嚮及後晚出皆為將相公則老矣將歸田里康定辛巳六月十日公七十八以其官卒公開南昌勲爵第一夫人曰劉不及郡封封君彭城其卒先公公卒明年季秋挾日于州山西卜祔而吉公有四子

伯為進士丞于殿中與仲前死仲賜科名叔也皆丞將作殿中或廢或興有顯惟季時丞衛尉今為郎中論序初終實來求詩刻示無窮

曾子固神道碑銘

韓維

公姓曾氏諱鞏字子固其先魯人後世遷豫章因家江南其四世祖延鐸始為建昌軍南豐人曾祖諱仁旺贈尚書水部員外郎祖諱致堯尚書戶部郎中直史館贈右諫議大夫考諱易占太常博士贈右銀青光祿大夫

其履履行實則有國史若墓銘在公生而警敏自幼讀書為文卓然有大過人者嘉祐二年登進士第調太平州司法參軍歲餘召編校史館書籍歷館閣校勘集賢校理兼判官告院又為英宗實錄院檢討官通判越州屬歲饑公興積藏通有無老稚怡怡不出里閭果腹而嬉擢知齊州齊俗悍強豪宗大姓抵冒僭濫其尤無良者群行剽刦光火發塚吏不敢正視公屬民為伍謹譏察急追胥且捕且誘盜發輒得市無攫金室無穴坏貨

委于塗犬不夜吠徒知襄州襄有大獄久不決公一閱知其冤盡釋去一郡稱其神明又徙洪州歲大疫公儲藥物飲食在所授病者民以不夭死師出安南道江西者且萬人公陰計逆具師至如歸既去而市里有不知者進直龍圖閣知福州兼福建兵馬鈐轄賜五品服時有大盜數千人朝廷赦其罪降之餘黨疑不順往往屯聚居人惴恐瀕海山林阻深椎埋剽盜依以為淵藪公以方略禽獲募誘亡慮數百人增置巡邏水行陸宿坦

如在郢郭召判太常寺未至改知明州有詔完州城公程工賦材省費十六民不知役而城具數月徙亳州元豐三年知滄州道由京師召對神宗察公賢留勾當三班院數對便殿其所言皆安危大計天子嘉納之四年手詔中書門下曰曾鞏史學見稱士類宜典五朝史事公遂以為史館修撰管勾編修院判太常寺兼禮部事公入謝曰此大事非臣所敢獨當上諭以將用卿之漸耳母重辭五年大正官名擢拜中書舍人賜三品服時除

授日數十百人公各舉其職以訓丁寧深厚學者以為復見三代遺風今聖天子為延安郡王牋奏故事命翰林學士典之時先帝特以屬公九月以母喪罷六年四月丙辰卒于江寧府年六十有五七年六月丁酉葬于南豐從周鄉之源頭敷在所給其喪事公剛毅直方外謹嚴而內和裕與人交不苟合朋友有不善必盡言其過有善必推言其所長獎誘後進汲汲唯恐不逮其為政嚴而不擾必去民疾苦而與所欲者未嘗按劾官吏所蒞至於今思之天子且欲大用而公不幸死矣自大理寺丞五遷尚書度支員外郎換朝散郎累加輕車都尉母周氏豫章郡太夫人吳氏會稽郡太夫人朱氏遂寧郡太夫人元配晁氏光祿少卿宗恪之女繼娶李氏司農少卿禹卿之女子男二人綰瀛州防禦推官知揚州天長縣事綜瀛州防禦推官知宿州蘄縣事綱右承務郎監常州稅務二女蚤卒孫男六人悲憇愈懃惄憇憇憇假承務郎餘未仕孫女五人公平生無所好唯藏書至

二萬卷皆手自讐定又集古今篆刻為金石錄五百卷出處必與之俱既沒集其遺藁為元豐類藁五十卷續元豐類藁四十卷外集十卷自唐衰天下之文變而不善者數百年歐陽文忠公始大正其體一復於雅其後公與王荆公介甫相繼而出為學者所宗於是大宋之文章炳然與漢唐侔盛矣初光祿公歸家甚貧公竭力以養溫清旨耳無一不如志者既孤奉太夫人如事光祿教養弟妹曲有恩意四年宰布肇繼登進士第布肇以文學論議有聲當世九妹皆得其所歸嗟乎子固而位止于斯而壽止于斯然其所以自立者可以為不亡矣亦可以無憾矣銘曰

猗嗟子固文與質生不勤其師幼則大成學富行茂具蓄弸弸發為文章一世大驚哲人其萎邪說啤吠公不聽瑩徑前無闇礙廢藥癆扶昏剔聰波濤沄沄東入于海姬淪劉亡文焚辭靡引商召羽儻六駢四組綉芬葩不見粉米公於其間鷹揚虎視發揮奧雅揅斤浮累巍

然高山為衆仰止樓渥豫曹翔書府如鶩之鶩如薪之楚出貳于越究問疾苦屬歲大歉稼荒于畝興積于民發藏于庾既助既補裹糧含哺式歌式呼謂公父母一麾出守六上郡計振張領目補苴元獎庭不留訟獄無憊繫勞之來之鯨寡以遂公殿海服有命來覲帝曰汝賢母遠王室其代予言汝維輔弼五聖大典唯公紬繹百官正名唯公訓敕忠言嘉謨入則造膝公用不既公志不卒偉望廣譽如星如日石可磷兮公名不沒



總校官庶吉士
校對官中書
謄錄監生
臣張能照
臣王彞憲
臣未續曾

欽定四庫全書會要

宋文鑑卷一百四十七 集部

欽定四庫全書會要卷二萬七十

集部

宋文鑑卷一百四十七

宋呂祖謙編

神道碑

富鄭公神道碑銘

蘇軾

宋興百三十年四方無虞人物歲滋蓋自秦漢以來未有若此之盛者雖所以致之非一道而其要在於兵不用用不久常使智者謀之而仁者守之雖至於無窮可也契丹自晉天福以來踐有幽薊北鄙之警略無寧歲

定四庫全書

卷一百四十七

凡六十有九年至景德元年舉國來寇攻定武圍高陽不克遂陷德清以犯天雄真宗皇帝用宰相寇準計決策親征既次澶淵諸道兵大會行在敵既震動兵始接射殺其驍將順國王達蘭敵懼遂請和時諸將皆請以兵會界河上邀其歸徐以精甲躡其後殲之敵懼求哀於上上曰契丹幽薊皆吾民也何多以殺為遂詔諸將按兵勿伐縱契丹歸國敵自是通好守約不復盜邊者三十有九年及趙元昊叛西方轉戰連年兵久不決契

丹之臣有貪而喜功者以我為怯且厭兵遂教其主設詞以動我欲得晉高祖所與關南十縣慶歷二年聚重兵境上遣其臣蕭英劉六符來聘兵既壓境而使來非時中外忿之仁宗皇帝曰契丹吾兄弟之國未可棄也其有以大鎮撫之命宰相擇報聘者時敵情不可測群臣皆莫敢行宰相舉右正言知制誥富公公入對便殿叩頭曰主憂臣辱臣不敢愛其死上為動色乃以公為接伴英等入境上遣中使勞之英託足疾不拜公曰吾

嘗使北病臥車中聞命輒起拜今中使至而公不起此何禮也英矍然起拜公開懷與語不以夷狄待之英等見公傾盡亦不復隱其情遂去左右密以其主所欲得者告公且曰可從從之不可從更以一事塞之公具以聞上命御史中丞賈昌朝館伴不許割地而許增歲幣且命公報聘既至六符館之往反十數皆論割地必不可狀及見北主問故虜主曰南朝違約塞鴈門增塘水治城隍籍民兵此何意也群臣請舉兵而南寡人以謂不若遣使求地求而不獲舉兵未晚也公曰北朝忘童聖皇帝之大德乎澶淵之役若從諸將言北兵無得脫者且北朝與中國通好則人主專其利而臣下無所獲若用兵則利歸臣下而人主專其禍故北朝諸臣爭勸用兵者此皆其身謀非國計也北主驚曰何謂也公曰晉高祖欺天叛君而求助於北末帝昏亂神人棄之是時中國狹小上下離叛故契丹全師獨克雖敵獲金幣克叔諸臣之家而壯士健馬物故大半此誰任其禍者

伐取闕南皆異代事宋興已九十年若各求異代故地
豈北朝之利也哉本朝皇帝之命使臣則有詞矣曰朕
為祖宗守國必不敢以其地與人北朝所欲不過利其
租賦耳朕不欲以地故多殺兩朝赤子故屈已增幣以
代賦入若北朝必欲得地是志在敗盟假此為詞耳朕
亦安得獨避用兵乎澶淵之盟天地鬼神實臨之今北
朝首發兵端過不在朕天地鬼神豈可欺也哉敵大感
悟遂欲求婚公曰婚姻易以生隙人命修短不可知不
欽定四庫全書

卷一百四十七

四

若歲幣之堅久也本朝長公主出降齊送不過十萬緡
豈若歲幣無窮之獲哉北主曰卿且歸矣再來當擇一
受之卿其遂以誓書來公歸復命再聘受書及口傳之
詞于政府既行次樂壽謂其副曰吾為使者而不見國
書萬一書詞與口傳者異則吾事敗矣發書視之果不
同乃馳還都以晡入見宿學士院一夕易書而行既至
敵不復求婚專欲增幣曰南朝遺我書當曰獻否則曰
納公爭不可北主曰南朝既懼我矣何惜此二字若我

擁兵而南得無悔乎公曰本朝皇帝兼愛南北之民不
忍使蹈鋒鏑故屈已增幣何名為懼哉若不得已而至
於用兵則南北敵國當以曲直為勝負非使臣之所憂
也北主曰卿勿固執古亦有之公曰自古惟唐高祖借
兵於突厥故臣事之當時所遺或稱獻納則不可知其
後頡利為太宗所擒豈復有此禮哉公聲色俱厲虜知
不可奪曰吾當自遣人議之於是留所許增幣誓書復
使耶律仁先及六符以其國誓書來且求為獻納公奏
欽定四庫全書

卷一百四十七

五

曰臣既以死拒之彼氣折矣可勿復許彼無能為也上
從之增幣二十萬而契丹平北方無事蓋又四十八年
矣契丹君臣至今誦其語守其約不忍欺者以其心曉
然知通好用兵利害之所在也故臣嘗竊論之百餘年
間兵不大用者真宗仁宗之德而寇準與公之功也公
諱弼字彥河南人曾祖父黃令諱處謙祖父商州
馬步使諱令苟考尚書都官員外郎諱言皆以公貴贈
太師中書令尚書令封鄧韓秦三國公曾祖母劉氏祖

母趙氏母韓氏封魯韓秦三國太夫人公幼篤學有大
度范仲淹見而識之曰此王佐才也懷其文以示王曾
晏殊殊即以女妻之仁宗復制科仲淹謂公曰子當以
是進天聖八年公以茂材異等中第授將作監丞知河
南府長水縣用李廸辟簽書河陽節度判官事丁泰國
公憂服除會郭后廢范仲淹等爭之貶知睦州公上言
朝廷一舉而獲二過縱不能復后宜還仲淹以來忠言
通判絳州景祐四年召試館職遷太子中允直集賢院

從王曾辟通判鄆州寶元初趙元昊反公上疏陳八事
且言元昊遣使求割地邀金帛使者部從儀物如契丹
而詞甚倨此必元昊腹心謀臣自請行者宜出其不意
斬之都市又言夏守贊庸人也平時猶不當用而況艱
難之際可為樞密乎議者以為有宰相器召還為開封
府推官擢知諫院康定元年日食正旦公言請罷燕徹
樂雖北使在館亦宜就賜飲食而已執政以為不可公
曰萬一北人行之為朝廷羞後使北還者云敵中罷燕

如公言仁宗深悔之初宰相惡聞忠言下令禁越職言
事公因論日食以謂應天變莫若通下情遂除其禁元
昊寇鄜延殺二萬人破金明擒李士斌延帥范雍鈴轄
盧守慙閉門不救中貴人黃德和引兵先走劉平石元
孫戰死而雍守慙歸罪於通判計用章都監李康伯皆
竊嶺南德和誣奏平降賊詔以兵圍守其家公言平自
環慶引兵來援以姦臣不救故敗竟罵敵不食而死宜
卹其家守慙德和皆中官怙勢誣人冀以自免宜竟其
獄樞密院奏方用兵獄不可遂公言大臣附下罔上獄
不可不竟時守慙男昭序為御藥公奏乞罷之德和竟
坐腰斬延州民二十人詣闕告急上召問具得諸將敗
亡狀執政惡之命邊郡禁民擅赴闕者公言此非陛下
意宰相惡上知四方有敗耳民有急不得訴之朝則
西走元昊北走契丹矣夏守贊為陝西都總管又以入
內都知王守忠為都鈐轄公言用守贊既為天下笑而
守忠鈐轄乃與唐中官監軍無異將吏必怨懼盧守慙

黃德和覆車之轍可復蹈乎詔罷守忠時又用觀察使
魏昭暉為同州鄭守忠為殿前都指揮使高化為步軍
都指揮使公言昭暉乳臭兒必敗事守忠與化故親事
官皆奴才小人不可用詔遣侍御史陳洎往陝西督修
城且城潼關公言天子守在四夷今城潼關自關以西
為棄之耶語皆侵執政自用兵以來吏民上書者甚衆
初不省用公言知制誥本中書屬官可選二人置局中
書考其所言可用用之宰相以付學士公言此宰相偷
欽定四庫全書
宋文鑑
卷一百四十七
八

安欲以天下是非盡付他人乞與廷辨又言邊事係國
安危不當專委樞密院周宰相魏仁浦兼樞密使國初
范質王溥亦以宰相參知樞密院事今兵興宜使宰相
以故事兼領仁宗曰軍國之務當盡歸中書樞密非古
官然未欲遽廢內降令中書同議樞密院事且書其檢
宰相以內降納上前曰恐樞密院謂臣奪權公曰此宰
相避事耳非畏奪權也時西夏首領吹丹且竇吹丹且桑
山各稱偽將相來降補借奉職羈置荆湖公言二人之
降其家已族矣當厚賞以勸來者上命以所言送中書
公見宰相論之宰相初不知也公嘆曰此豈小事而宰
相不知耶更極論之上從公言以宰相兼樞密使除鹽
鐵判官遷太常丞史館修撰奉使契丹二年改右正言
知制誥糾察在京刑獄時有用僞牒為僧者事覺乃堂
吏為之開封按餘人而不及吏公白執政請以吏付獄
執政指其坐曰公即居此無為近名公正色不受其言
曰必得吏乃止執政滋不悅故薦公使契丹欲因事罪
欽定四庫全書
宋文鑑
卷一百四十七
九

臣死且有罪非獨臣不敢受亦願陛下思夷狄輕侮中原之恥坐薪嘗膽不忘修政因以告納上前而罷逾月復除前命時元昊使辭羣臣班紫宸殿門上俟公綴樞密院班乃坐且使宰相章德象諭公曰此朝廷特用非以使虜故也公不得已乃受時晏殊為相范仲淹為參知政事杜衍為樞密使韓琦與公副之歐陽修余靖王素蔡襄為諫官皆天下之聖魯人石介作慶歷聖德詩歷頌羣臣皆得其實曰維仲淹弼一夔一契天下不以為過公既以社稷自任而仁宗責成於公與仲淹聖太平於期月之間數以手詔督公等條具事又開天章閣召公等坐且給筆札使書其所欲為者遣中使二人更往督之且命仲淹主西事公主北事公遂與仲淹各上當世之務十餘條又自上河北安邊十三策大略以進賢退不肖止僥倖去宿弊為本欲漸易諸路監司之不才者使澄汰所部吏於是小人始不悅矣元昊遣使以書來稱男而不臣公言契丹臣元昊而我不臣則契丹

丹來告舉兵討元昊十二月詔冊元昊為夏國主使將行而止之以俟北使公曰若北使未至而行則事自我出既至則恩歸契丹矣從之是歲契丹受禮雲中且發兵會元昊伐呆兒族於河東為近上問公曰彼得無與元昊襲我乎公曰敵自得幽薊不復由河東入寇者以河北平易富饒而河東嶮瘠且如我出鎮定擣燕薊之虛也今兵出無名契丹大國決不為此就使妄動當出我不意不應先言受禮雲中也元昊本與契丹約相左右以困中國令契丹背約結好於我獨獲重幣元昊有怨言故築威塞州以備之呆兒屢殺威塞人敵疑元昊使之故為是役安能合而寇我哉或請調發為備公曰敵雖不來猶欲以虛聲困我若調發正墮其計臣請任之敵若入寇臣為罔上且誤國上乃止敵卒不動公謂契丹異日作難必於河朔既上十三策又請守一郡行其事小人怨公不已而大臣亦有以飛語讒公者上

雖不信公懼因保州賊平求為河北宣撫使以避之使將還除資政殿學士知鄆州兼京東西路安撫使謗者不已罷安撫使歲餘讒不驗加給事中移知青州兼京東路安撫使河朔大水流京東公擇所部豐稔者五州勸民出粟得十五萬斛益以官廩隨所在貯之得公私廩舍十餘萬區散處其人以便薪水官吏自前資待闕寄居者皆給其祿使即民所聚選老弱病瘠者廩之山林河泊之利有可取以為生者聽流民取之其主不得禁官吏皆書其勞約為奏請使他日得以次受賞於朝率五日輒遣人以酒肉糗飯勞之出於至誠人人為盡力流民死者為大家葬之謂之叢冢自為文祭之明年麥大熟流民各以遠近受糧而歸凡治五十餘萬人募而為兵者又萬餘人上聞之遣使勞公即拜禮部侍郎公曰救災守臣職也辭不受前此救災者皆聚民城郭中煮粥食之饑民聚為疾疫及相蹈藉死或待次數日不得粥皆僵仆名為救之而實殺之自公立法簡

便周至天下傳以為法至于今不知所活者幾千萬人矣王則據貝州叛齊州禁兵馬達張青與民張握等得劔印于妖師欲以其衆叛將屠城以應則握之婿楊俊誦公告之齊非公所部恐事泄變生時中貴人張從訓銜命至青公度從訓可使即以事付從訓使馳至郡發吏卒取之無得脫者且自効擅遣中使罪仁宗嘉之再除禮部侍郎公又懇辭不受遷資政殿大學士以明堂恩除禮部侍郎徙知鄭州又徙蔡州加觀文殿學士知河陽遷戶部侍郎除宣徽南院使判并州兼河東經略安撫使至和二年召拜同中書門下平章事集賢殿大學士與文彥博並命宣制之日士大夫相慶於朝仁宗密覘知之歐陽修奏事殿上上具以語修且曰古之求相者或得於夢卜今朕用二相人情如此豈不賢於夢卜也哉修頓首稱賀仁宗弗豫大臣不得見中外憂恐文彥博與公等直入問疾內侍止之不可因以監視禳禱為名乞留宿內殿事皆闕白而後行禁中肅然嘉

祐三年加禮部尚書昭文館大學士監修國史公之為
相守格法行故事而附以公議無心於其間故百官任
職天下無事以所在民力困弊賦役不均遣使分道相
視裁減謂之寬卹民力又弛茶禁以通商賈省刑獄天
下便之六年丁秦國太夫人憂詔為罷春燕故事執政
遇喪皆起復公以謂金革變禮不可用於平世仁宗待
公而為政五遣使起之卒不從命天下稱焉英宗即位
拜樞密使同中書門下平章事遷戶部尚書逾年以足
疾求解機務章二十上拜鎮海軍節度使同中書門下

平章事判河陽封祁國公公五上章辭使相且言真宗
以前不輕以此授人仁宗即位之初執政欲自為地故
開此例終仁宗之世宰相樞密使罷者皆除使相至不
稱職有罪者亦然天下非之今陛下初即位願立法自
臣始不從神宗即位改鎮武寧軍進封鄭國公公又乞
罷使相乃以為尚書左僕射觀文殿大學士集禧觀使
召赴闕公以足疾固辭復判河陽熙寧元年移汝州且

詔入覲以公足疾許肩輿至殿門上特為御內東門小
殿見之令男紹隆入扶且命無拜坐語從容至日晏賜
紹隆五品服再對上欲留公為集禧觀使力辭赴郡明
年二月除司空兼侍中昭文館大學士賜甲第一區皆
辭不受復拜左僕射門下侍郎同中書門下平章事公
既至未見有於上前言災異皆天數非人事得失所致
者公聞之歎曰人君所畏惟天若不畏天何事不可為
者去亂亡無幾矣此必姦臣欲進邪說故先導上以無
所畏使輔拂諫諍之臣無所復施其力此治亂之機也
吾不可以不速救即上書數千言雜引春秋洪範及古
今傳記人情物理以明其決不然者羣臣請上尊號及
作樂上以久旱不許群臣固請作樂公又言故事有災
變皆徹樂恐上以同天節敵使當上壽故未斷其請臣
以為此盛德事正當以示夷狄乞并罷上壽從之即日
而雨公又上疏願益畏天戒遠姦佞近忠良上親書荅
詔曰義忠言親理正文直苟非意在愛君志存王室何

以臻此敢不置之枕席銘諸肺腑終老是戒更願公不
替今日之志則天災不難弭太平可立俟也公既上疏
謝復申戒不已願陛下待羣臣不以同異為喜怒不以
喜怒為用捨公始見上上問邊事公曰陛下即位之始
當布德行惠願二十年口不言兵因以九事為戒八月
以疾辭位拜武寧軍節度使同中書門下平章事判河
南復以老請改亳州時方行青苗息錢法公以謂此法
行則財聚於上人散於下且富民不願請願請者皆貧
民後不可復得故持之不行而提舉常平倉趙濟劾公
以大臣格新法法行當自貴近者始若置而不問無以
令天下乃除左僕射判汝州公言新法臣所不曉不可
以復治郡願歸洛養疾許之尋請老拜司空復武寧節
度及平章事進封韓國公致仕雖居家而朝廷有大利
害知無不言交趾叛詔郭逵等討之公言海嶠嶮遠不
可以責其必進願詔逵等擇利進退以全王師契丹來
爭河東地界上手詔問公公言熙河諸郡皆不足守而

策乞立儲嗣仁宗許之會翊日有瘳故緩其事人無復
知者以其父堯臣所撰詔草上之上以問彥博言與同
老合上嘉公等勲績如此而終不自言下詔以公為司
徒且以其子紹京為閭門祇候六年閏六月丙申薨于
洛陽私第之正寢享年八十手封遺表使其子上之世

莫知其所言者上聞訃震悼為輶視朝內出祭文遣使
致奠所以贈卹其家者甚厚贈太尉謚曰文忠十一月
庚申葬于河南府河南縣金谷鄉南張里公之配曰周
國夫人晏氏後公四年卒子男三人曰紹庭朝奉郎曰
紹京供備庫副使後公一月卒曰紹隆光祿寺丞早卒
女四人長適保寧軍節度使北京留守馮京卒又以其
次繼室封安化郡夫人次適承議郎范大琮次適宣德
郎范大珪孫男三人定方承事郎直清承奉郎直亮假

承務郎公性至孝恭儉好禮與人言雖幼賤必盡敬氣色穆然終身不見喜慍然以單車入不測之遠地詰其君臣折其口而服其心無一語少屈所謂大勇者乎其好善疾惡益出於天資常言君子小人如冰炭決不可以同器若兼收並用則小人必勝薰蕕雜處終必為臭其為宰相及判河陽最後請老家居凡三上章皆言天子無職事惟辨君子小人而進退之此天子之職也君子與小人並處其勢必不勝君子不勝則奉身而退樂道無悶小人不勝則交結構扇千跂萬轍必勝而後已小人復勝必遂肆毒於善良無所不為求天下不亂不可得也其為文章辯而不華質而不俚有文集八十卷天聖應詔集十一卷諫垣集三卷制草五卷奏議十三卷表章三十卷河北安邊策一卷奉使錄四卷青州賑濟策三卷平生所薦甚衆尤知名者十餘人如王質與其弟素余靖張環石介孫復吳奎韓維陳襄王鼎張溫之杜杞陳希亮之流皆有聞於世世以為知人元祐元

年六月有詔以公配享神宗皇帝廟庭明年以明堂恩加贈太師紹庭請于朝曰先臣墓碑未立願有以寵綏之上為親篆其首曰顯忠尚德之碑且命臣軾撰次其事謹拜手稽首而獻言曰世未嘗無賢也自堯舜三代以至于今有是君則有是臣故仁宗英宗至于神考咸有一德克享天心則天畀以人光明偉傑有如公者觀公之行事而味其平生則三宗之盛德可不問而知也古之人臣功高則身危名重則謗生故命世之士罕能以功名終始者臣觀三宗所以待公全其功名而保其終始蓋可謂至矣方契丹來割地上命宰相歷問近臣孰能為朕使疎方皆以事辭免公獨慨然請行使事既畢上欲用公公逡巡退避不敢居而向之辭免者自恥其不行則惟公之怨比而讒公無所不及石介為慶歷聖德詩天下傳誦則大臣疾公如仇構以飛語必欲致之死地仁宗徐而察之盡辨其誣卒以公為相及英宗神宗之世公已老矣勲在史官德在生民天子虛己

聽公西戎北狄視公進退以為中國輕重然一趙濟敢
搖之惟神宗日月之明知公愈深公雖請老有大政事
必手詔訪問又追論定策之勲以告天下寵及其子孫
然後小人不敢復議雍容進退卒為宗臣古人有言曰
為君難為臣不易豈不然哉公既配食清廟宜有頌詩
以昭示來世其詞曰

五代八姓十有二君四十四年如絲之棼以人為嬉以

殺為儇兵交兩河腥聞于天上帝憎之命我祖宗畀爾

欽定四庫全書

宋文鑑
卷一百四十七

三

鑪錘往銷其鋒孰謂民遠我聞其呻寧爾小忍無殘我
民六聖受命維一其心敷其後人帝命是承勿劓别人
矧敢好兵三十年諦兵與刑維彼北狄謂帝我驕帝
聞其言折其萌芽篤生萊公尺箠笞之既服既馴則擾
緩之堂堂韓公與萊相望再聘于燕北方以寧景德元
祺始盟契丹公生是歲天命則然公之在母秦國寤警
旌旗鶴鴈降克其庭云有天赦已而生公天欲赦民公
啟其衷北至燕然南至于河億萬維生公手撫摩水潦

荐饑散流而東五十萬人仰哺于公公之在內自泉流
瀕其在四方自葉流根百官維人百度維正相我三宗
重華協明帝謂公來陨星其堂有墳其丘公豈是藏維
嶽降神今歸不留臣軾作頌以配崧高

欽定四庫全書

宋文鑑
卷一百四十七

三

宋文鑑卷一百四十七

欽定四庫全書叢要卷二萬七十一

集部

宋文鑑卷一百四十八 宋呂祖謙編

神道碑

趙清獻公神道碑銘

蘇軾

太子少師趙清獻公既薨之三年其子屼除喪來告于朝曰先臣既塋而墓隧之碑無名與文無以昭示來世敢以請天子曰嘻茲予先正以惠術擾民如鄭子產以忠言摩上如晉叔向乃以愛直名其碑而又命臣軾為之文臣軾逮事仁宗皇帝益嘗竊觀天地之盛德而窺日月之末光矣未嘗行也而萬事莫不畢舉未嘗視也而萬物莫不畢見非有他術也善於用人而已惟清獻公擢自御史是時將用諫官御史必取天下第一流非學術才行備具為一世所高者不與用之至重故言行計從有不十年而為近臣者言不當有不旋踵而黜者是非明辨而賞罰必信故士居其官者少妄而天子穆然無為坐視其成姦宄消亡而忠良全安此則清獻公

欽定四庫全書

宋文鑑
卷一百四十八

與其僚之功也公諱抃字閱道其先京兆奉天人唐德宗世植為嶺南節度使植生隱為中書侍郎隱生光逢光裔並掌內外制皆為唐聞人五代之亂徙家于越公則植之十世從孫也曾祖諱曇深州司戶參軍祖諱湘廬州廬江尉始家于衢遂為西安人考諱亞才廣州南海主簿公既貴贈曾祖太子太保妣陳氏安國太夫人祖司徒妣袁氏崇國太夫人俞氏光國太夫人考開府儀同三司封榮國公妣徐氏魏國太夫人徐氏越國太夫人公少孤且貧刻意力學中景祐元年進士乙科為武安軍節度推官民有偽造印者吏皆以為當死公獨曰造在赦前而用在赦後赦前不用赦後不造法皆不死遂以疑讞之卒免死一府皆服閲歲舉監潭之糧料歲滿改著作佐郎知建州崇安縣徙通判宜州卒有殺人當死者方繫獄病癱未潰公使醫療之得不瘐死會赦以免公愛人之周類如此未幾以越國喪廬于墓三年不宿于家縣榜其所居里為孝第處士孫處為作孝

子傳終喪起知泰州海陵復知蜀州江原還通判泗州
泗守昏不事事監司欲罷遣之公獨左右其政而晦其
所以然使若權不已出者守得以善去濬守以廉賜不
如法士卒謀欲為變或以告守恐怖日未夕輒閉門不
出轉運使徙公治濬公至從容如平日濬以無事曾公
亮為翰林學士未識公而以臺官薦召為殿中侍御史
彈劾不避權幸京師號為鐵面御史其言常欲朝廷別
白君子小人以謂小人雖小過當力排而絕之後乃無

欽定四庫全書

宋文選
卷一百四十八

三

患君子不幸而有詐誤當保持愛惜以成就其德故言
事雖切而人不厭溫成皇后方荅始命參知政事劉沆
監護其役及沆為相而領事如故公論其當罷以全國
體復言宰相陳執中不學無術且多過失章十二上執
中卒罷去王拱辰奉使契丹還為宣徽使公言拱辰平
生所為及奉使不如法事命遂寢復言樞密使王德用
翰林學士李淑不稱職皆罷去是時邵必為開封推官
以前任常州失入徒罪自舉遇赦而猶罷監邵武酒稅

吳克鞠真卿發禮院吏代書事吏以贖論而克真卿皆
出知軍呂景初馬遵吳中復彈奏梁適以罷相而景
初等隨亦被逐馮京言吳克鞠真卿可約不當以無罪
黜而京亦奪修起居注公皆力言其非是必以復職知
軍克真卿約景初遵皆召還京中復皆許補故闕先是
呂濤出守徐蔡襄守泉吳奎守壽韓絳守河陽已而歐
陽修乞蔡賈黷乞荆南公即上言近日正人賢士紛紛
引去憂國之士為之寒心侍從之賢如修輩無幾今皆
欲請郡者以正色立朝不能諂事權要傷之者衆耳修
等由此不去一時名臣賴之以安仁宗晚歲不豫而太
子未定中外訔懼及上既康復公請擇宗室賢子弟教
育於宮中封建任使以示天下大本已而求郡得睦睦
歲為杭市羊公為移文却之民籍有茶稅而無茶地公
為奏蠲之民至今稱焉移克梓州路轉運使未幾移益
兩蜀地遠而民弱吏恣為不法州郡以酒食相饋餉衙
前治厨傳破家相屬也公身帥以儉不從者請以違制

坐之蜀風為之一變窮城小邑民或生而不識使者公行部無所不至父老驚喜相慰姦吏亦竦以右司諫召論事不折如前入內副都知鄧保信引退兵董吉以燒煉出入禁中公言漢文成五利唐普思靜能李訓鄭注多依宦官以結主假藥術以市姦者也其漸不可啟宋庠為樞密使選用武臣多不如舊法至有訴於上前者公陳其不可陳升之除樞密副使公與唐介呂誨范師道同言升之交結宦官進不以道章二十餘上不省即

居家待罪詔強起之乃乞補外二人皆相次去位公與言者亦罷公得虔州地遠而民好訟人謂公不樂公欣然過家上冢而去既至遇吏民簡易嚴而不苛悉召諸縣令告之為令當自任事勿以事委郡苟事辦而民悅吾一無所問令皆喜爭盡力虔事為少獄以屢空改修鹽法疎鑿瀕石民賴其利虔當二廣之衝使者常自虔易舟而北公間取餘材造船得百艘移二廣諸郡曰仕宦之家有父兄沒而不能歸者皆移文以遣當具舟載

之至者既悉授以舟復量給公使物歸者相繼於道朝廷聞公治有餘力召知御史雜事不閱月為度支副使英宗即位奉使契丹還未至除天章閣待制河北都轉運使時賈昌朝以使相判大名府公欲按視府庫昌朝遣其屬來告曰前此監司未有按視吾事者公雖欲舉職恐事有不應法奈何公曰捨大名則列郡不服矣即往視之昌朝初不說也前此有詔募義勇過期不足者徒二年州郡不時辦官吏當坐者八百餘人公被旨督

其事奏言河朔頻歲豐熟故募不如數請寬其罪以俟農隙從之坐者皆免而募亦隨足昌朝乃愧服曰名不虛得矣旋除龍圖閣直學士知成都公以寬治蜀蜀人安之初公為轉運使言蜀人有以妖祀聚衆為不法者其首既死其為從者宜特黥配及為成都適有此獄其人皆懼意公必盡用法公察其無他曰是特坐樽酒至此耳刑其為首者餘皆釋去蜀人愈愛之會榮諶除轉運使陞辭上面諭曰趙某為成都中和之政也神宗即

位召知諫院故事近臣自成都還將大用必更省府不為諫官大臣為言上曰用趙某為諫官賴其言耳苟欲用之何傷及謝上謂曰聞卿匹馬入蜀以一琴一龜自隨為政簡易亦稱是耶公知上意將用其言即上疏論呂誨傅堯俞范純仁呂大防趙瞻趙鼎馬默皆骨鰻敢言久譴不復無以慰縉紳之望上納其說郭逵除簽書樞密院事公議不允公力言之即罷居三月擢右諫議大夫參知政事感激思奮面議政事有不盡者輒密啟

除資政殿學士知杭州公素號寬厚杭之無賴子弟以此逆公皆駢聚為惡公知其意擇重犯者率黥配沱州惡黨相帥遁去未幾徙青州因其俗朴厚臨以清淨時山東旱蝗青獨多麥蝗自淄齊來及境遇風退飛墮水而盡五年成都以成卒為憂朝廷擇遣大臣為蜀人所愛信者皆莫如公遂以大學士知成都然意公必辭及見上曰近歲無自政府復往者卿能為我行乎公曰陛下有言即法也豈謂有例哉上大喜公乞以便宜行事即日辭去至蜀默為經略而燕勞閑暇如佗日兵民晏然一日坐堂上有卒長在堂下公好諭之曰吾與汝年相若也吾以一身入蜀為天子撫一方汝亦宜清慎畏戢以帥衆比戍還得餘貲持歸為室家計可也人知公有善意轉相告語莫敢復為非者劍州民李孝忠集衆二百餘人私造符牒度人為僧或以謀逆告獄具公不畀法吏以意決之處孝忠以私造度牒餘皆得不死喧傳京師謂公脫逆黨朝廷取其獄閱之卒無以易也茂矣言入即求去四上章不許熙寧三年四月復五上章

州蕃部鹿明玉等蠭聚境上肆為剽掠公亟遣部將帥
兵討之夷人驚潰乞降願殺婢以盟公使諭之曰人不
可用用三牲可也使至已繫婢引弓將射心取血聞公
命謹呼以聽事訖不殺一人居二歲乞守東南為歸老
計得越州吳越大饑民死者過半公盡所以救荒之術
發廩勸分而以家貲先之民樂從焉生者得食病者得
藥死者得藏下令修城使民食其力故越人雖饑而不
怨復徙治杭杭旱與越等其民尤病既而朝廷議欲築
欽定四庫全書
卷一百四十八
宋文鑑
九

便其養公復侍公游杭始公自杭致仕杭人留公不得
行公曰六年當復來至是適六歲矣杭人德公逆者如
見父母以疾還衢有大星隕焉二日而公薨寶七年八
月癸巳也訃聞天子輶視朝一日贈太子少師十二月
乙酉葬于西安蓮華山謚曰清獻公娶徐氏東頭供奉
官度之女封東平郡夫人先公十年卒子二人長曰公
終杭州於潛縣令次即公也今為尚書考功員外郎公
平生不治產業嫁兄弟之女以十數皆如己女在官為
欽定四庫全書
卷一百四十八
宋文鑑
十

人嫁孤女二十餘人居鄉塋暴骨及貧無以斂且塋者
施棺給薪不知其數少育於長兄振振既沒思報其德
將遷侍御史乞不遷以贈振大理評事公為人和易溫
厚周旋曲密謹繩墨蹈規矩與人言如恐傷之平生不
畜聲伎晚歲習為養氣安心之術翛然有高舉意將薨
晨起如平時公侍側公與之訣詞色不亂安坐而終不
知者以為無意於世也然至論朝廷事分別邪正慨然
不可奪宰相韓琦嘗稱趙公真世人標表蓋以為不可

及也公為吏誠心愛人所至崇學校禮師儒民有可與
與之獄有可出出之治虔與成都尤為世所稱道神宗
凡擬二郡守必曰昔趙某治此最得其術馮京相繼守
成都事循其舊亦曰趙公所為不可改也要之以惠利
為本然至於治杭誅鋤強惡姦民屏迹不敢犯蓋其學
道清心遇物而應有過人者矣銘曰

蕭望之為太傅近古社稷臣其為馮翊民未有聞黃霸
為頬川治行第一其為丞相名不迨昔孰如清獻公無
適不宜邦之司直民之父師其在官守不專於寬時出
猛政嚴而不殘其在言責不專於直為國愛人掩其疵
疾益東郭順子之清孟獻子之賢鄭子產之政晉叔向
之言公兼而有之不幾於全乎

趙康靖公神道碑銘

蘇 輾

宋有天下百二十有五年六聖相師專用一道曰仁不
雜他術刑以不殺為能兵以不用為功財以不聚為富
人以不作聰明為賢雖有絕人之材而德不至終不大

用六聖一心守之不移故自建隆以來至于今卿相大
臣號多長者記人之功忘人之過含垢匿瑕犯而不校
以為常德是以四方久安兵革不試民之戴宋有死無
二自漢以來未有如今日之盛者此六聖之德而衆長
者之助也易曰師貞丈人吉詩曰雖無老成人尚有典
刑書曰如有一个臣斷斷猗無他技其心休休焉其如
有容焉人之有技若已有之人之彥聖其心好之不啻若
自其口出實能容之以保我子孫黎民故太子少師趙
公服事三朝四十餘年其德合於易之所謂丈人詩之
所謂老成書之所謂一个臣者公諱槩字叔平其先河
朔人也徙於宋之虞城七世矣曾祖著贈太師中書令
妣劉氏楚國太夫人祖惠贈太師中書令兼尚書令韓
國公妣李氏燕國太夫人父幹贈太師中書令兼尚書令
魯國公妣張氏魯國太夫人高氏唐國太夫人公七歲
而孤篤學自力年十七舉進士當時聞人劉筠戚綸黃
宗旦皆稱其文詞必顯於時而其器識宏遠則皆自以

為不及當赴禮部試楚守胡令儀醵黃金以贈之公不受天聖五年擢進士第三人授將作監丞通判海州歸見父老故人幅巾徒步人人至其家召試學士院除著作郎集賢校理出知漣水軍公為進士時鄧餘慶守漣水館公於官舍以教其子餘慶所為多不法公謝去數月餘慶以贓敗及公為守將至或榜其所館曰豹隱堂賦者三十餘人歲饑公勸誘富民得米萬石所活不可勝數漣水有魚池利入公帑歲殺魚十餘萬公始罷之

作放生碑池上移守通州入為開封府推官奏事殿中賜五品服且欲以為直集賢院宰相以例不可出知洪州屬吏有鄭陶饒奭者挾持郡事肆為不法前守莫能制州有歸化兵皆故盜賊配流已而選充者奭與郡人胡順之共造飛語以動公曰歸化兵得廩米陳惡有怨言不更給善米且將有變公笑不答會歸化卒有自容州戍所逃還犯夜者公即斬以徇收陶下獄得其姦贓且奏徙興州一郡股栗城西南隅當大江之衝水歲

為民患公建為石堤高丈五尺長二百丈用石九千段取之有方民不以為勞明年夏堤成而水大至度與城平特堤以全至於今賴之遷刑部員外郎同知宗正寺出知青州改直集賢院賦稅未入中限飭縣不得輒催科是歲夏稅先一月辦坐失舉張誥奪官罷歸起監密州酒徒楚州糧料院以郊赦還官職知滁州山東大賊李小二過境上告人曰我東人也公嘗為青州東人愛之如父母我不忍犯遂寇廬壽大牙不入境召修起居

注朝廷欲用修玉牒久之除歐陽修起居注朝廷欲驟用脩而難於蹣公聞之乃請郡自便以為天章閣待制賜三品服糾察在京刑獄遷兵部員外郎遂知制誥句當三班院會郊禮當進階封且任一子京官乞以母封郡太君宰相謂公學士擬封不久矣公曰母年八十朝夕不可期願及今以為榮許之遂為例改知審官院判祕閣與高若訥同判流內銓若訥言往嘗知貢舉聞母病不得出幾不能生公矍然即請郡以便親宰

相謂公旦夕為學士可少待也。公不聽，遂除蘇州。明年丁母憂，服除召入翰林為學士，知貢舉館伴契丹泛使，遂報聘焉。會獵于興雲山之西，請公賦詩，詩成，契丹主親酌玉盃以勸公，且以素扇授其近臣劉六符，寫公詩置之懷袖。使還，加侍讀學士，歷右司郎中、中書舍人，提舉在京諸司庫務。姦人冷清詐稱皇子遷之江南，公曰：「清言不妄，不可遷。若詐亦不可不誅。」詔公與包拯雜治之，得其實，乃誅清。李參為河北轉運使，職事辦治進秩。

二等，且官其一子郭申錫為諫官，爭之曰：「參職事所當辦，無功不可賞。」上怒，欲罪申錫。公言：「陛下始面諭申錫，毋面從吾過，今黜之何以示天下？」乃以龍圖閣學士禮部侍郎知鄆州，徙南京留守，拜御史中丞，中官鄧保吉引刺員禁中燒銀，公力言其不可，遂出之。又言張茂實不宜典兵衛，未行，會公拜樞密副使，復言之，乃出茂實。知曹州，拜參知政事。方是時，皇嗣未立，天下以為憂。仁宗命英宗領宗正，公言：「宗正未足為重，遂與執政建言。立為皇太子，從之。」英宗即位，遷戶部侍郎，又遷吏部。熙寧初，遷左丞。公年七十矣，求去位，不許。章數上，乃以為觀文殿學士，吏部尚書，知徐州。遂請老，不已。以太子少師致仕，居睢陽十五年。猶以讀書著文憂國愛君為事，集古今諫爭為諫林，一百二十卷。奏之上，甚喜，賜詔曰：「士大夫請老而去者，皆以聲問不至朝廷為高；得卿所奏書，知有志愛君之士，雖退休山林，未嘗一日忘也。當置坐右，以時省閱。」上祠南郊明堂率嘗召公陪祀，每辭。欽定四庫全書

元緒宣德郎公緒校書郎女二人長適光祿寺丞王力

臣幼適朝奉大夫程嗣恭孫男四人嗣徽通直郎嗣真
宣義郎嗣賢試校書郎嗣光未命曾孫男六人韓太廟

齋郎餘未名公為人樂易深中恢然偉人也平生與人
實無所怨怒非特不形於色而已專務掩惡揚善以德
報怨出於至誠非勉強者天下稱之庶幾漢劉寬唐婁
師德之徒云始歐陽修蹣公為知制誥人意公不能平
及修坐累對詔獄人莫敢言公獨抗章言修無罪為仇

人所中傷陛下不可以天下法為人報仇上感悟修以
故得全公既老脩亦退居汝南公自睢陽往從之游樂
飲旬日蘇舜欽為進奏院以羣飲得罪公言與會者皆
一時名人若舉而棄之失士大夫望非朝廷福張誥以
贓敗竄海上公坐貶累年而憐誥終不衰間使人至海
上勞問賙給之代馮浩為鄆州吏舉按浩侵用公使錢
三十萬當以浩職田租償官公曰浩吾同年也且知其
貧不可以已俸償之公所為大略如此至於敦尚契舊

葬死養孤蓋不可勝數余於公為里人少相善也退而
老於鄉日從公游益知之詳矣元緒以墓碑為請義不
可以辭銘曰


維古任人仁義是圖仁近於弱義近於迂課其功利歲
計有餘在漢孝文發政之初欲以利口登進嗇夫有臣
釋之實矢厥謨世謂長者絳侯相如皆訥於言有口若
無豈効此子喋喋巧諛帝用感悟老成是親清淨無為
鑒于暴秦歷祀四百世載其仁赫赫我宋以聖繼神於

穆仁宗如歲之春招延朴忠屏遠佞人豈獨左右刑于
庶民維時趙公含德不發如圭如璧如金如錫置之不
慍用之不懌帝識其心長者之傑遂授以政歷佐三葉
濟于艱難不寢不跋公在朝廷靖恭寡言不忮不求孰
知其賢望其容貌有恥而俊薄夫以敦鄙夫以寬今其
亡矣吾誰與存作此銘詩以詔後昆

謹案第一頁後四行達蘭舊作撻覽今改 八頁

後七行吹丹且實舊作吹同乞砂又吹丹且桑

舊作吹同乞 今並改



總校官庶吉士臣張能照
校對官中書臣范鑒

謄錄監生臣戴朝琛

欽定四庫全書

一

欽定四庫全書薈要

集部

宋文鑑卷一百四十九

欽定四庫全書薈要卷二萬七十二 集部

宋文鑑卷一百四十九

宋呂祖謙編

傳

補亡先生傳

柳開

補亡先生舊號東郊野夫者也既著野史後大探六經之旨而有包括揚益之心樂為文中子王仲淹齊其述作遂易名曰開字曰仲塗其意謂將開古聖賢之道

于時也將開今人之耳目使聰且明也必欲開之為其

欽定四庫全書

卷一百四十九

塗矣使古今由于吾也故以仲塗字之表其德焉咸曰子前之名甚休美者也何復易之不若無所改矣先生曰名以識其身義以誌其事從于善而吾惡夫畫者也吾既肩且紹矣斯可已矣所以吾進其力于道而遷其名于己耳庶幾吾欲達於孔子者也或曰古者稱己孤不改若是無乃不可乎先生曰執小禮而妨大義君子不爾為也乃著名解以祛其未悟者衆悉以為然先生始盡心于詩書以精其奧每當卷歎曰嗚呼吾以是識

詳校官候選知縣臣吳旬華

先師之大者也不幸其有亡逸者哉吾不得見也未知聖人之言復加何如耳尤于餘經博極其妙遂各取其亡篇以補之凡傳有義者即據而作之無之者復已出辭義焉故號曰補亡先生也先生凡作之書每執筆出其文當橐若書他人之辭其敏速有如此無續功而成之者苟一舉筆不終其篇雖十已就其八九亦棄去不復作矣衆問之先生曰吾性不喜二三而為之者方出而或止之辭意遽紛亂縱後強繼以成之亦心竟若負

欽定四庫全書

卷一百四十九

宋文鑑

之日盡數萬言未嘗廢忘有講書以教後學也先生或詣其精廬適當至虞書堯典篇曰日中星鳥以正仲春說云春分之昏南方朱鳥之星畢見觀之以正仲春之氣也先生乃問曰然夫云日中星鳥以正仲春者是仲春觀朱鳥之星以正其候也且云朱鳥者南方之宿以主於夏也既觀其星以正其候即龍星乃春之星也春主於東方可觀之以正其候也今何不云是而反觀朱鳥之星何謂也說者不能對惟云傳疏若是無他解矣

欽定四庫全書

卷一百四十九

宋文鑑

先生擇其座者日起前吾語汝夫歲周其序春居其始四星各復其方聖人南面而坐以觀天下故春之時朱鳥之星當其前故云觀之以正仲春矣四座無不拜而言曰先生真達于經者也所以子補亡不謬矣先生于諸經若此者不可遍紀先生又以諸家傳解箋注于經者多未達窮其義理常曰吾他日終悉別為注解矣大以鄭氏箋詩為不可曰吾見立之為心務以異其毛公也徒欲強已一時之名非能通先師之旨且詩之立言大者不過滿幅之紙古謂其巾箱之者亦不過矣而誦

不執其體幾與易象同奧若玄之是箋皆可削去之耳
又以論語集解闕注者過半曰古之人何若是吾聞韓文公昔重注之今吾不得見吾將不筆又慮與韓既死使吾有斯艱也天乎哉先生每請中說歎曰後之夫子也續六經矣世故道否吾家不克有之甚乎年之始成也逝矣天適與其時行之為事業堯舜不能尚也苟不死天下何有于唐哉先生以房杜諸子散居厚位叶佐其主遇其君不能揚其師之道大其師之名乃作書以

罪之先生所行事人咸以為非可與伍惟范果有復吉之什以頌其德以其能復敦于古故賦復古以其能行仲尼之道故賦闕里以章別當世之人能作野史故賦踵孟以其能解子雲之書故賦先雄以其或筆削其韓文之繁者故賦削韓以其將來太常第故賦多文以其必首冠于四科故賦高第以其後天王俾不家食故賦出祿以其將果得其位則指南于吾道故賦指南未以釋經終其篇謂其章明經旨永休于世用故賦釋經先

生見之曰范果知我矣天之未喪斯文哉天之若喪斯文也則世無范矣范無是言矣開寶中先生來京師遂刻石為記于補亡亭內以誌其已之事後從仕于世而行其道焉論曰孔子沒經籍遭秦之焚毀幾喪以盡後之收拾煨燼之餘者得至于今用之也其能繼孔氏者軻之下雖揚雄不敢措一辭以至亡篇闕而其名具載設虛位也使歷代諸君子徒忿痛而見之矣故有或作而補之者大亦不能過其百一力益不足繼也隋之時

王仲淹于河汾間務繼孔子曰續六經大出于世實為聖人矣是以門弟子佐唐用王霸之道貞觀稱理首永十八君之祚尚非其董常輩之曾及也於乎知聖人之道者成聖人之業矣吾猶不得見王氏之書平觀夫補亡先生能備其六經之闕也辭訓典正與孔子之言合而為一信其難者哉若王氏之續六經蓋自出一家之體裁比夫補亡篇力少殊耳所謂後生可畏者雖經籍尚能補之矧其餘者哉不可謂代無其人也

退士傳

种 放

退士不知孰氏然常自稱仲山甫之後也以耕食於南山中號退士或云我惡時之苟進者又云鄙好勝者欲矯其為而退居稱病焉退士性恬易善自持常以聖賢方正之言鑑諸己或未善則悔恨立遷平生寡嗜慾樂遊雲霞空荒間常自足不顧窮困幼時拘父兄教以章句奇偶之學干於時不遂志已而盡棄昔之所學退居空山窮谷中取九經六籍諸史百家之言合於道者恣于心窮年人亦不知其何謂也每登高邱步邃谷延宴坐見懸巖瀑流壽木垂蘿閟邃岑寂之處則終日忘返亦忽忽杜門稱疾隱几當百餘日人不知其然吉凶慶

欽定四庫全書

宋文鑑
卷一百四十九

六

讀之然後知皇王大中之要道德仁義之本盡在于是矣然尤好孟軻書益知聖人之道尊自戰國繇漢唐而下百氏所說或有汗漫齟齬不安者皆擬聖言以證其中惡司馬遷尊先邪說叛斥聖道怪前世明教正道之賢不摘其說而竄殛投去使千古而下學者無疑不知尚四顧何待也著蒙書十二篇大抵務黜邪反正義磔姦蠹又條自古之文精粹者漢則揚子雲隋則王仲淹唐則韓退之然以退之當子雲而先仲淹次則蛻之文

六一居士傳

歐陽修

樵之經緹皮氏文數陸氏聚昏匱明白剔姦塞回無所忌諱使學者窺之則有列聖道德仁義之用彼刺章斷句補綴偶屬者徒為戲爾或有稱技術卜相候察浮屠死生幻化之說者必正色引經詰以斥之雅尚山林之居奉母氏率季弟結宇巖阿貧無所資給亦不戚戚于心窮年人亦不知其何謂也每登高邱步邃谷延宴坐見懸巖瀑流壽木垂蘿閟邃岑寂之處則終日忘返亦忽忽杜門稱疾隱几當百餘日人不知其然吉凶慶

欽定四庫全書

宋文鑑
卷一百四十九

七

弔之外平時亦罕接人事不交權貴所與朋類自非道義所在亦不汲汲而取遇事感激亦率為歌詩箴頌嘗曰幸逢聖人時見天子禮樂征伐車服旂常道德之盛底於太寧而退固是幸也時議或謂者則曰而退也退其迹耶退其名耶退士則曰不退而迹庸為爾直不退而名庸為爾程於戲名迹判於時神心交於機俾道渝而下欺義惑而中離予獨亡退乎予獨亡退乎

六一居士初謫滁山自號醉翁既老而衰且病將退休
於潁水之上則又更號六一居士客有問曰六一何謂
也居士曰吾家藏書一萬卷集錄三代以來金石遺文
一千卷有琴一張有碁一局而常置酒一壺客曰是為
五一爾奈何居士曰以吾一翁老於此五物之間是豈
不為六一乎客笑曰子欲逃名者乎而屢易其號此莊
生所謂畏影而走乎日中者也今將見子疾走大喘渴
死而名不得逃也居士曰吾固知名之不可逃然亦知
夫不必逃也吾為此名聊亦志吾之樂爾客曰其樂如
何居士曰吾之樂可勝道哉方其得意於五物也太山
在前而不見疾雷破柱而不驚雖饗九奏於洞庭之野
閱大戰於涿鹿之原未足喻其樂且適也然常患不得
極吾樂於其間者世事之為吾累者衆也其大者有二
焉軒裳珪組勞吾形于外憂患思慮勞吾心於內使吾
形不病而已猝心未老而先衰尚何暇於五物哉雖然
吾自乞其身於朝者三年矣一日天子惻然哀之賜其

骸骨使得與此五物偕返於田廬庶幾償其夙願焉此
吾之所以志也客復笑曰子知軒裳珪組之累其形而
不知五物之累其心乎居士曰不然累於彼者已勞矣
又多憂累於此者既佚矣幸無患吾其何擇哉於是與
客俱起握手大笑曰置之區區不足較也已而歎曰夫
士少而仕老而休蓋有不待七十者矣吾素慕之宜去
一也吾嘗用於時矣而訖無稱焉宜去二也壯猶如此
今既老且病矣乃以難強之筋骸貪過分之榮祿是將
一也吾嘗用於時矣而訖無稱焉宜去三也吾負三宜去雖無五
物其去宜矣復何道哉熙寧三年九月七日六一居士
自傳

桑憚傳
歐陽修

桑憚開封雍丘人其兄慥本舉進士有名憚亦舉進士
再不中去遊汝潁間得龍城廢田數頃退而力耕歲凶
汝旁諸縣多盜憚曰願令為耆長往來里中察姦民因
召里中少年戒曰盜不可為也吾在此不汝容也少年

皆諾里老父子死未歟盜夜脫其衣里老父怯無他子不敢告縣覩其屍不能葬懼聞而悲之然疑少年王生者夜入其家探其篋不使之知覺明日遇之間曰爾諾我不為盜矣今又盜里父子屍者非爾耶少年色動即推仆地縛之詰共盜者王生指某少年懼呼壯丁守王生又自馳取少年者送縣皆伏法又嘗之郊城遇尉方出捕盜招懼飲酒遂與俱行至賊所藏尉怯陽為不知以過懼曰賊在此何之乎下馬獨格殺數人因盡縛之

又聞襄城有盜十許人獨持一劍以往殺數人縛其餘汝旁縣為之無盜京西轉運使奏其事授鄭城尉天聖中河南諸縣多盜轉運奏移澠池尉靖右險地多深山而青灰山尤阻險為盜所恃惡盜王伯者藏此山時出為近縣害當此時王伯名聞朝廷為巡檢者皆授兵以捕之既懼至巡檢者偽為宣頭以示懼將謀招出之懼信之不疑其偽也因謀知伯所在挺身入賊中招之與伯同卧起十餘日信之乃出巡檢者反以兵邀於山口

懼幾不自免懼曰巡檢授兵懼無功爾即以伯與巡檢使自為功不復自言巡檢俘獻京師朝廷知其實罪黜巡檢懼為尉歲餘改授右班殿直永安縣巡檢明道景祐之交天下旱蝗盜賊稍稍起其間有惡賊二十三人不能捕懼謀曰盜畏吾名必以潰潰則難得矣宜先示之以怯至則閉柵戒軍吏無一人得輒出居數日軍吏不知所為請出自効輒不許既而夜與數卒變為盜服以出迹盜所常行處入民家民皆走獨有一媼留為作飲食饋之如盜乃歸復閉柵三日又往則携其具就媼饋而以其餘遺媼媼待以為真盜矣乃稍就媼與語及羣盜輩媼曰彼聞桑懼來始畏之皆遁矣又聞懼閉營不出知其不足畏今皆還也某在某處某在某所矣懼盡鉤得之復三日又往厚遺之遂以實告曰我桑懼也煩媼為察其實而慎勿泄後三日我復來矣後又三日往媼察其實審矣明日部分軍士用甲若干人於某所取某盜卒若干人於某處取某盜其尤彊者在某所則自馳

馬以往士卒不及從惟四騎追之遂與賊遇手殺三人
凡二十三人者一日皆獲二十八日復命京師樞密吏謂
曰與我銀為君致閣職憚曰用賂得官非我欲況貧無
銀有固不可也更怒匿其閑以免短使送三班三班用
例與兵馬監押未行會交趾獠殺海上巡檢昭化諸州
皆警往者數輩不能定因命憚往盡手殺之還乃授閣門
祗候憚曰是行也非獨吾功位有居吾上者吾乃其佐
也今彼閭而我還我賞厚而彼輕得不疑我蓋其功而
其學問不深而能者蓋天性也余固喜傳人事尤愛司
馬遷善傳而其所書皆偉烈奇節士使人喜讀之欲學
其作而怪今人如遷所書者何少也乃疑遷特雄文善
壯其說而古人未必然也及得桑憚事乃知古人有然
焉遷書不誣也知今人固有而但不盡知也憚所為壯
予謂曰讓之必不聽徒以好名取詐與譏也憚歎曰
自伐乎受之徒慙吾心將讓其賞歸已上者以奏藁示
予予謂曰讓之必不聽徒以好名取詐與譏也憚歎曰
亦思之然士顧其心何如爾當自信其心以行譏何累
也若欲避名則善皆不可為也已余慙其言卒讓之不
聽憚雖舉進士而不甚知書然其所為皆合道理多此
類始居雍丘遭大水有粟二廩將以舟載之見民荒歲聚
其里人飼之粟溺者遂棄其粟以舟載之見民荒歲聚
其里人飼之粟盡乃止憚善効及鐵簡力過數人而有謀略遇人常畏

若不自足其為人不甚長大亦自修為威儀言語如不出其口卒然遇人不知其健且勇也盧陵歐陽修曰勇力人所有而能知用其勇者少矣若憚可謂義勇之士其學問不深而能者蓋天性也余固喜傳人事尤愛司馬遷善傳而其所書皆偉烈奇節士使人喜讀之欲學其作而怪今人如遷所書者何少也乃疑遷特雄文善壯其說而古人未必然也及得桑憚事乃知古人有然焉遷書不誣也知今人固有而但不盡知也憚所為壯矣而不知予文能如遷書使人讀而喜否姑次第之

趙延嗣傳 石介

今三司使相工部郎中劉公隨嘗稱趙鄰幾舍人死遺三孤女一老乳母而已內無兄弟以禦其侮外無期功強近之親女稚弱衣服飲食須人何恃不以凍餒死則為彊梁暴之矣有趙延嗣者僕於舍人顧是諸孤義不可去竭力庇養之舍人死無一區宅一廛田延嗣為營衣食之資身為負擔宿體塗足不避寒暑如是凡數十

年如一日未嘗少有懈倦之色事三孤子如舍人生三
孤女自幼至長使其女與同處女之院延嗣未嘗至其
門女皆適人延嗣終不識其面初寓於宋三女俱長延
嗣晨起白堂前將西走京師趙氏始不知謂捨去皆哭
延嗣以女長未嫁將訪舍人之舊求所以嫁至京師見
宋翰林白楊侍郎徽之因發聲哭哭止且道趙氏之孤
且言長將嫁二公驚愧謝曰吾不及汝吾被服儒衣冠
讀誦六經學慕古人況與舍人友舍人之孤吾等不能
欽定四庫全書
宋文鑑
卷一百四十九
古

恤汝能養之吾不及汝遠矣二公因為迎入京師與宅
居之徐相與求良士為婿長配樞密直學士戚公綸猶
侔韓並延嗣可謂僕名而儒行者矣吁僕名儒行見之
欽定四庫全書
宋文鑑
卷一百四十九
五

范景仁傳

司馬光

范景仁名鎮益州華陽人少舉進士善文賦場屋師之
為人和易修敕參知政事薛簡肅公端明殿學士宋景
文公皆器重之補國子監生及貢院奏名皆第一故事
殿廷唱第過三人則為奏名之首者必抗聲自陳以祈
賢天下之賢也昔在漢有為翟公之客者翟公免客皆
去延嗣獨不去復為養其孤雖去千載客視延嗣亦當

之耿介猶不免從衆景仁獨不然左右與竝立者屢趣之使自陳景仁不應至七十九人始唱名及之景仁出拜退就列訖無一言衆皆服其安恬自是人以自陳為恥舊風遂絕釋褐新安主簿到官數旬時宋宣獻公留守西京不欲使與下吏共勞辱召置國子監使教諸生秩滿又薦於朝為東監直講未幾宋景文公奏同修唐書及用參知政事王公薦召試學士院詩用彩霓字學士以沈約郊居賦雌霓連蟠讀霓為入聲謂景仁為失韻由是除館閣校勘殊不知約賦但取聲律便美非霓不可讀為平聲也當時有學者皆為景仁憤鬱而景仁處之晏然不自辨為校勘四年乃遷校理丞相龐公薦景仁有美才不汲汲於進取詔除直秘閣未幾以起居舍人知諫院仁宗性寬仁言事者競為激訐以采名或緣愛憎污人以帷箔不可明之事景仁獨引大體自非闕朝延安危繫生民利病皆濶略不言陳恭公為相嬖妾張氏笞殺婢御史劾奏欲去之不能得乃誣之云私其

女景仁上言朝廷設臺諫官使之除謗慝也審如御史所言則執中可斬如其不然御史亦可斬御史怒共劾景仁以為阿附宰相景仁不顧力為辨其不然深救當時之弊識者譴之仁宗即位三十五年未有繼嗣嘉祐初暴得疾旬日不知人中外大小之臣無不寒心而畏避嫌疑相倚仗莫敢發言景仁獨奮曰天下事尚有大於此者乎捨此不言顧惟抉擿細微以塞職是真負國吾不忍也即上言太祖捨其子而立太宗周王既薨真宗取宗室子養之宮中陛下宜為宗廟社稷計早擇宗室賢者優其禮數試之以政與圖天下之事以系天下人心章累上寢不報景仁因閹門家居自求誅謹執政或諭以奈何效于名希進之人景仁上執政書言繼嗣不定將有急兵鎮義當死朝廷之刑不可死亂兵之下此乃鎮擇死之時尚何暇顧于名希進之嫌而不為去就之決哉又奏稱臣竊原大臣之意恐行之而事中變故畏避而為容身之計也萬一兵起大臣家宗族首領顧

不可保其為身計亦已疎矣就使事有中變而死陛下之職與其死於亂兵不猶愈乎乞陛下以臣此章示大臣使其自擇死所聞者為之股票尋除兼侍御史知雜事景仁固辭不受乞解言職就散地執政復諭以上之不豫諸大臣亦嘗建此策今姦言已入為之甚難景仁復上執政書云但當論事之是非不當問其難易況事早則濟緩則不及此聖賢所以貴機會也諸公謂今日難於前日安知它日不難於今日乎謂今日姦言已入

不可弭他日可弭乎凡見上面陳者三奏章者十有七朝廷不能奪乃罷諫職改集賢殿修撰頃之拜知制誥遷翰林學士英宗即位中書奏請追尊濮安懿王事下兩制議以為宜稱皇伯高官大國極其尊榮大忤執政意更下尚書省集百官議之意朝士必有迎合者既而臺諫爭上言為人後者為之子不得顧私親今陛下既為仁宗後若復推崇濮王是貳統也殆非所以報仁宗之盛德衆論鴟沸執政欲緩其事乃下詔罷百官集議

曰當令禮官檢詳典禮以聞景仁時判太常寺即具列為人後之禮及漢魏以來論議得失悉奏之與兩制臺諫議合執政怒召景仁詰責之曰詔書曰當令檢詳奈何遽列上邪景仁曰有司得詔書不敢稽留即以聞乃失於考按不合故事改侍讀學士出知陳州今上即位復召還翰林王介甫參知政事置三司條例司變更祖宗法令專以聚斂為務斥逐忠直引進姦佞景仁上疏

極論其不可朝廷不報景仁時年六十三因上言即不用臣言臣無賴復居位食祿願聽臣致仕章累上語益切直介甫大怒自草制書極口醜詆使以本官戶部侍郎致仕凡所應得恩例悉不之與於是當時在位者皆自愧景仁名益重於天下介甫雖詆之深人更以為榮焉景仁既退居有園第在京師專以讀書賦詩自娛客至無貴賤皆野服見不復報謝故人或為具召之雖權貴不拒也不召則不往見之或時乘輿出遊則無遠近

皆往嘗乘籃輿歸蜀與親舊樂飲賑施其貧者周覽江
山窮其勝賞期年然後返年益老而視聽聰明支體尤
堅強嗚呼鄉使景仁枉道希世以得富貴蒙屈辱任憂
患豈有今日之樂邪則景仁所失甚少所得殊多矣詩
云愴惄君子神所勞矣又曰樂只君子遐不眉壽景仁

有焉客有問今世之勇於迂叟者叟曰有范景仁者其

為勇人莫之敵客曰景仁長僅五尺循循如不勝衣奚
其勇叟曰何哉而所謂勇者而以瞋目裂眞上指冠

欽定四庫全書

宋文選

主

欽定四庫全書

宋文選

主

力曳九牛氣陵三軍者為勇乎是特匹夫之勇耳勇於
外者也若景仁勇於內者也自唐宣宗以來不欲聞人
言立嗣萬一有言之者輒切齒疾之與倍畔無異而景
仁獨唱言之十餘章不已視身與宗族如鴻毛後人見
景仁無恙而繼為之者則有矣然景仁首冒不測之淵
無勇者能之乎人之情孰不畏天子與執政親愛之至
隆者孰若父子執政欲尊天子之父而景仁引古義以
爭之無勇者能之乎祿與位皆人所貪或老且病前無

可冀猶戀戀不忍捨去况景仁身已通顯有聲望視公
相無跬步之遠以言不行年六十三即拂衣歸終身不
復起無勇者能之乎凡人有所不能而人或能之無不服焉如呂獻可之先見范景仁之勇決皆余所不及也
余心誠服之故作范景仁傳

文中子補傳

司馬光

文中子王通字仲淹河東龍門人六代祖元則仕宋歷
太僕國子博士兄元謨以將略顯而元則用儒術進元

欽定四庫全書

宋文選

主

則生煥煥生蚪齊高帝將受宋禪誅袁粲蚪由是北奔
魏魏孝文帝甚重之累官至并州刺史封晉陽公謚曰
穆始家河汾之間蚪生彥官至同州刺史彥生傑官至
濟州刺史封安康公謚曰獻傑生隆字伯高隋開皇初
以國子博士待詔雲龍門隋文帝嘗從容謂隆曰朕何
如主隆曰陛下聰明神武得之於天發號施令不盡稽
古雖負堯舜之資終以不學為累帝默然有間曰先生
朕之陸賈也何以教朕隆乃著興衰要論七篇奏之帝

雖稱善亦不甚達也歷昌樂猗氏銅川令棄官歸教授卒於家隆生通自元則來世傳儒業通幼明悟好學受書於東海李育受詩於會稽夏璵受禮於河東關朗受樂於北平霍汲受易於族父仲華仁壽三年通始冠西入長安獻太平十二策帝召見歎美之然不能用罷歸尋復徵之煬帝即位又徵之皆稱疾不至專以教授為事弟子自遠方至者甚衆乃著禮論二十五篇樂論二十篇續書百有五十篇續詩三百六十篇元經五十篇

贊易七十篇謂之王氏六經司徒楊素重其才行勸之仕通曰汾水之曲有先人之弊廬足以庇風雨薄田足以具餐粥願明公正身以治天下使時和年豐通也受賜多矣不願仕也或諧通於素曰彼實慢公公何敬焉素以問通通曰公使可慢則僕得矣不可慢則僕失矣得失在僕公何預焉素待之如初右武侯大將軍賀若弼嘗示之射發無不中通曰美哉藝也君子志道據德依仁然後游於藝也弼不悅而去通謂門人曰夫子矜

而悔難乎免於今之世矣納言蘇威好蓄古器通曰昔之好古者聚道今之好古者聚物太學博士劉炫問易通曰聖人之於易也沒身而已矣况吾儕乎有仲長子光者隱於河渚嘗曰在險而運竒不若宅平而無為通以為知言曰名愈消德愈長身愈退道愈進若人知之矣通見劉孝標絕交論曰惜乎舉任公而毀也任公不可謂知人也見辯命論曰人事廢矣弟子薛收問恩不害義儉不傷禮何如通曰是漢文之所難也廢肉刑害於義省之可也衣弋綿傷於禮中焉可也王孝逸曰天下皆爭利而棄義若之何通曰捨其所爭取其所棄不亦君子乎或問人善通曰知其善則稱之不善則對曰未嘗與久也賈瓊問息謗通曰無辨問止怨曰不爭故其鄉人皆化之無爭者賈瓊問羣居之道通曰同不害正異不傷物古之有道者內不失貞外不殊俗故全者賈瓊請絕人事通曰不可瓊曰然則奚若通曰莊以待之信以應之來者勿拒去者勿追汎如也則可通謂姚

義能交或曰簡通曰茲所以能也又曰廣通曰廣而不濫茲又所以為能又謂薛收善接小人遠而不疎近而不狎穎如也通嘗曰封禪非古也其秦漢之侈心乎又曰美哉周公之志深矣乎寧家所以安天下存我所以厚蒼生也又曰易樂者必多哀輕施者必好奪又曰無赦之國其刑必平重歛之國其財必貧又曰廉者常樂無求貪者常憂不足又曰我未見聞誹而喜聞譽而懼者又曰昏而論財夷虜之道也又曰居近而識遠處今而知古其唯學乎又曰輕譽苟毀好憎尚怒小人哉又曰聞謗而怒者讒之階也見譽而喜者佞之媒也絕階去媒讒佞遠矣通謂北山黃公善醫先飲食起居而後針藥謂汾陰侯生善筮先人事而後文象大業十年尚書召通蜀郡司戶十一年以著作郎國子博士徵皆不至十四年病終於家門人謚曰文中子二子福郊福時二弟凝續評曰此皆通之世家及中說云爾元謨仕宋至開府儀同三司續及福時之子勔勑勃皆以能文著於

唐世各有列傳余竊謂先王之六經不可勝學也而又奚續焉續之庸能出於其外乎出則非經矣苟無出而續之則贊也奚益哉或曰彼商周以往此漢魏以還也曰漢魏以還遷固之徒記之詳矣奚待於續經然後人知之必也好大而欺愚乎則必不愚者孰肯從之哉今其六經皆亡而中說亦出於其家雖云門人薛收姚義所記然余觀其書竊疑唐室既興凝與福時輩依並時事從而附益之也何則其所稱朋友門人皆隋唐之際將相名臣如蘇威楊素賀若弼李德林李靖竇威房元齡杜如晦王珪魏徵陳叔達薛收之徒考諸舊史無一人語及通名者隋史唐初為也亦未嘗載其名於儒林隱逸之間豈諸公皆忘師棄舊之人乎何獨其家以為名世之聖人而外人皆莫之知也福時又云凝為監察御史劾奏侯君集有反狀太宗不信之但黜為姑蘇令大夫杜淹奏凝直言非辜長孫無忌與君集善由是與淹有隙王氏兄弟皆抑不用時陳叔達方撰隋史畏無

忌不為文中子立傳按叔達前宰相與無忌位任相埒
何故畏之至沒其師之名使無聞於世乎且魏徵實總
隋史縱叔達曲避權戚徵肯聽之乎此余所以疑也又
淹以貞觀二年卒十四年君集平高昌還而下獄由是
怨望十七年謀反誅此其前後參差不實之尤著者也
如通對李靖聖人之道曰無所由亦不至於彼彼道之
方也必無至乎又對魏徵以聖人有憂疑退語董常以
聖人無憂疑曰心迹之判久矣皆流入於釋老者也夫

烏有可行於西方不可行於中國哉苟非聖人矣則泥
於中國獨不泥於西方邪秦焚詩書之文詩書之道盛
於天下秦安得滅乎莊老貴虛無而賤禮法故王衍阮
籍之徒乘其風而鼓之飾譚論恣情欲以至九州覆沒
而信之嚴齋戒弛政刑至於百姓塗炭發端唱導者非
二家之罪而誰哉此皆議論不合於聖人者也唐世文
學之士傳道其書者蓋獨李翹以比太公家教乃司空
圖皮日休始重之宋興柳開孫何振而張之遂大行於
世至有真以為聖人可繼孔子者余讀其書想其為人
誠好學篤行之儒惜也其自任太重其子弟譽之太過
使後之人莫之敢信也余恐世人譏其僭而累其美故
采其行事於理可通而所言切於事情者著于篇以補
隋書之闕

無名君傳

邵雍

無名君生于冀方老子豫方年十歲求學于里人遂盡

又曰詩書盛而秦世滅非仲尼之罪也虛玄長而晉室
亂非老莊之罪也齊戒修而梁國亡非釋迦之罪也苟
為聖人矣則推而放諸南海而準推而放諸北海而準

里人之情已之淳十去其一二矣年二十求學于鄉人
遂盡鄉人之情已之淳十去其三四矣年三十歲求學
于國人遂盡國人之情已之淳十去其五六矣年四十
求學于古今遂盡古今之情已之淳十去其八九矣五十
求學于天地遂盡天地之情欲求已之淳無得而去
矣始則里人疑其僻問于鄉人曰斯人善與人羣安得
謂之僻既而鄉人疑其泛問于國人曰斯人不妄與人
交安得謂之泛既而國人疑其陋問于四方之人曰斯
人不能器安得謂之陋既而四方之人又疑之質之於

我更由乎誰能造萬物者天地也能造天地者太極
也太極者其可得而知乎故強名之曰太極太極者
其無名之謂乎故嘗自為之贊曰借爾面貌假爾形
骸美丸餘暇閒往閒來人告之以修福對曰吾未嘗
不為善人告之以禳災對曰吾未嘗妄祭故詩曰禍如
許免人須蹈福若待求天可量又曰中孚起信寧煩禱
無妄生災未易禳性喜飲酒常命之曰太和詩曰不佞
禪伯不謾方士不出戶庭直際天地家素業為儒言身
未嘗不行儒行故其詩曰心無妄思足無妄走人無妄
交物無妄受炎炎論之耳處其陋綽綽言之無出其右
羲軒之書未嘗去手堯舜之談未嘗虛口當中和天同
樂易友吟自在詩飲歡喜酒百年升平不為不偶七十
康強不為不壽此其無名君之行乎

洪渥傳

曾鞏

洪渥撫州臨川人為人和平與人遊初不甚懼久而有
味家貧以進士從鄉舉有能賦名初進於有司進輒黜
名而況於人乎故其詩曰思慮未起鬼神莫知不由乎

用平曰有用有用而無心者斯可得而知也無跡無心者雖鬼神亦不可得而知不可得而
而知也無跡無心者雖鬼神亦不可得而知不可得而
名而况於人乎故其詩曰思慮未起鬼神莫知不由乎

久之乃得官不自馳騁又久不進卒監黃州麻城之茶

場以死死不能歸葬亦不能返其孥里中人聞渥死無

賢愚皆恨失之予少與渥相識而不深知其為人渥死

迺聞有兄年七十餘渥得官時兄已老不可與俱行渥

至官量口用俸掇其餘以歸買田百畝居其兄復去而

之官則心安焉然渥既死兄無子數使人至麻城撫其

孥欲返之而居以其田其孥蓋弱力不能自致其兄益

以老矣而無可奈何則念輒悲之其經營之猶不已忘

其老也渥兄弟如此無愧矣渥平居若不可任事及至
赴人之急早夜不少懈其與人真有恩者也予觀古今
豪傑士傳論人行義不列於史者往往務摭奇以動俗
亦或事高而不可為繼或伸一人之善而誣天下以不
及雖歸之輔教警世然考之中庸或過矣如渥之所存
蓋人人之所易到故載之云

欽定四庫全書會要卷二萬七十三

集部

宋文鑑卷一百五十

宋呂祖謙編

傳

曹氏女傳

章望之

曹氏者吾同郡尚書郎修古之幼女也公天聖中累更
御史持憲無阿回言事失職知閩之興化軍期年而卒
曹氏以室居未嫁父既沒其故僚率吏民錢三十萬致
之柩前曰以供窆葬之用夫人陳氏將受之女曰制家

之用惟其家之酌初吾父入司朝廷出蒞民政約於奉
身廉於臨人今其亡矣葬之豐儉請以吾家具之苟將
受斯遺焉惟宦人忍之我弗忍也母因是請而使辭焉
其故僚復謂之曰葬先公弗資是則亦聞命矣願以異
日嫁公女焉可無拒也女曰俾用於喪尚不敢取今欲
脩吾之嫁是使妾幸父喪而自醜也人之聞之謂如何
哉吉凶有常禮男女有常位妾有大罰父沒而喪存焉
不以此時哀戚而遽謀嫁幣不亦亂常禮乎以室中而

受門外之私賄不亦亂常位乎妾不才以先人之靈幸而卒有所歸則有妾之紡績之備何敢以是自諉哉願弗聞二三君子之命也遂不受夫婦人事勤儉恭謹則良矣曾無賢者之責也此何特異也彼貪殘之夫好財瀆貨死則已爾惡復悔悟耶方朝廷發貪冒之禁防制執事之人如維繫之械繫之尚以濫狀相望於敗辱者為不少矣卒惟無怍焉有如曹氏專修父志而不有所累孰謂曹氏不賢也哉孟子曰聞伯夷之風者頑夫廉

欽定四庫全書

卷一百五十

宋文鑑

高曰此豈古方山冠之遺像乎因謂之方山子余謹居于黃過岐亭適見焉曰嗚呼此吾故人陳慥季常也何為而在此方山子亦矍然問余所以至此者余告之故俯而不答仰而笑呼余宿其家環堵蕭然而妻子奴婢皆有自得之意余既聳然異之獨念方山子少時使酒好劖用財如糞土前十有九年余在岐下見方山子從兩騎挾二矢游西山鵠起于前使騎逐而射之不獲方山子怒馬獨出一發得之因與余馬上論用兵及古今成敗自謂一世豪士今幾日耳精悍之色猶見於眉間而豈山中之人哉然方山子世有勲閥當得官使從事於其間今已顯聞而其家在洛陽園宅壯麗與公侯等河北有田歲得帛千匹亦足以富樂皆棄不取獨來窮山中此豈無得而然哉余聞光黃間多異人往往佯狂垢汙不可得而見方山子儻見之歟

欽定四庫全書

卷一百五十

宋文鑑

方山子傳

蘇 輓

方山子光黃間隱人也少時慕朱家郭解為人間里之俠皆宗之稍壯折節讀書欲以此馳騁當世然不遇晚乃遯於光黃間曰岐亭庵居蔬食不與世相聞棄車馬毀冠服徒步往來山中人莫識也見其所著帽方聳而

公議先生剛直任氣好議論取當世是非辨明游梁宋

間不得意去居賴其徒從者百人居二年與其徒謀又去賴弟子任意對曰先生無復念去也弟子從先生久矣亦各厭行役先生舍賴為居廬少有生計主人公賢遇先生不淺薄今又去之弟子未見先生止處也先生豈薄賴耶公議先生曰來吾語爾君子貴行道信於世不信貴容不容貴去古之避地避色避言是也吾行年三十立節徇名被服先王究窮六經頑鈍晚成所得無幾羅籠大網漏略零細校見繩墨未為完人豈敢自忘

冀用於世予所獻苦正謂不容予行世間波混流同予譽不至予毀日隆小人鑿空造事形迹侵排萬端地隘天側詩不云乎讒人罔極主人明恕故未見疑不幸去我來者謂誰讒一日效我終顛危智者利身遠害全德不如亟行以適異國語已任意對曰先生無以言也意輩弟子常切論先生樂取怨憎為人所難不知先生不樂也今定不樂先生知所以取之乎先生聰明才能過人遠甚而刺口論世事立是立非其間不容毫髮又以

可得留與其徒謝意更因意請去公議為公默先生

上谷郡君家傳 程頤

先妣夫人姓侯氏太原盍縣人行第二世為河東大姓曾祖元嵩當五代之亂以武勇聞劉氏偏據日錫土於烏河川以控寇盜亡其爵位父道濟始以儒學中科第潤州丹徒縣令贈尚書比部員外郎母福昌郡太君刁氏夫人幼而聰悟過人女紅之事無所不能好讀書史博知古今丹徒君愛之過於子每以政事問之所言雅合其意常嘆曰恨汝非男子七八歲時常教以古詩曰女子不夜出夜出秉明燭自是日暮則不復出房閣刁夫人素有風厥之疾多夜作不知人者久之夫人涕泣扶持常連夕不寐年十九歸于我事舅姑以孝謹稱與先公相待如賓客德容之盛內外親戚無不敬愛衆人游觀之所往往捨所觀而觀夫人先公賴其內助禮敬尤至而夫人謙順自牧雖小事未嘗專必稟而後行仁恕寬厚撫愛諸庶不異已出從叔幼孤夫人存視常均

已子治家有法不嚴而整不喜笞朴奴婢視小減獲如兒女諸子或加呵責必戒之曰貴賤雖殊人則一也汝如是大時能為此事否道路遺棄小兒屢取養之有小商出未還而其妻死兒女散逐人去惟幼者始三歲人所不取夫人懼其必死使抱以歸時聚族甚衆人皆有不欲之色乃別羅以食之其父歸謝曰幸蒙收養得全其生願以為獻夫人曰我本以待汝歸非欲之也好為藥餌以濟病者嘗大寒有負炭而擊者家人欲呼之夫人勸止曰慎勿為此勝則貧者困矣先公凡有所怒必為之寬解唯諸兒有過則不掩也常曰子之所以不肖者由母蔽其過而父不知也夫人男子六人所存唯二其愛慈可謂至矣然於教之之道不少絕也纔數歲行而或陪家人走前扶抱恐其驚啼夫人未嘗不呵責曰汝若安徐寧至蹠平飲食當置之坐側嘗食絮羹皆叱止之曰幼求稱欲長當如何雖使令輩不得以惡言罵詈之故頤兄弟平生於飲食衣服無所擇不能惡言詈人

非性然也教之使然也與人爭忿雖直不右曰患其不能屈不患其不能伸及稍長常使從善師友游雖居貧或欲延客則善為之具其教女常以曹大家女戒誡之常教告家人曰見人善則當如己善必共成之視他物如己物必加愛之先公罷尉廬陵赴調寓居歷陽會叔父亦解掾毗陵聚口甚衆儲偫不足夫人經營轉易得不困乏先公歸問其所為嘆曰良轉運使才也所居之處鄰婦里姥皆願為之用雖勞不怨始寓丹陽僦葛氏

舍以居守舍王氏翁姥庸狡前後居者無不苦之夫人待之有道遂反柔良及遷去王姥涕戀不已夫人安於貧約服用儉素觀親戚間紛華相尚如無所見少女方數歲忽失所在乳姥輩悲泣叫號夫人罵止之曰在當求得苟亡失矣汝如是將何為在廬陵時公宇多恠家

人告曰物美扇夫人曰熱爾又曰物擊鼓夫人曰有槌乎可與之後家人不復敢言恠亦不復有遂獲安居夫人有知人之鑒姜應明者中神童第人競觀之夫人

曰非遠器也後果以罪廢頤兄弟幼時夫人勉之讀書因書綫貼上曰我惜勤讀書兒又並書二行前曰殿前及第程延壽先兄幼時名也次曰處士及先兄登第頤以不才罷應科舉方悟夫人知於童稚中矣寶藏手澤使後世子孫知夫人之精鑒夫人好文而不為辭章見世之婦女以文章筆札傳於人者深以為非平生所為詩不過三二篇皆不存獨記在歷陽時先公覲親河朔夜聞鳴鴈至為詩曰何處驚飛起雖過草堂早是愁無寐忽聞意轉傷良人沙塞外羈妾守空房欲寄迴文信誰能付汝將讀史見姦邪逆亂之事常掩卷憤嘆見忠孝節義之士則欽慕不已常稱唐太宗得禦戎之道其識慮高遠有英雄之氣夫人之弟可世稱名儒才智甚高常自謂不如夫人夫人自少多病好方餌修養之術甚效從先公官嶺外偶迎涼露寢遂中瘴癘及北歸道中疾革召醫視脉曰可治謂二子曰給爾也未終前一日命頤曰今日百五為我祀父母明年不復祀矣夫

人以景德元年甲辰十月十三日生於太原皇祐四年壬辰二月二十八日終於江寧享年四十九始封壽安縣君追封上谷郡君

巢谷傳

蘇轍

巢谷字元修父中世眉山農家也少從士大夫讀書老為里校師幼傳父學雖朴而博舉進士京師見舉武藝者心好之谷素多力遂棄其舊學畜弓箭習騎射久之業成而不中第聞西邊多驍勇騎射擊刺為四方冠去

以鄉間故幼而識之知其志節緩急可託者也予之在朝谷浮沉里中未嘗一見紹聖初予以罪謫居筠州自筠徙雷徒循予兄子瞻亦自惠再徙昌化士大夫皆諱與予兄弟遊平生親友無復相聞者谷獨慨然自眉山誦言欲徒步訪吾兄弟聞者皆笑其狂元符二年春正月自梅州遺予書曰我萬里步行見公不自意全今至梅矣不旬日必見死不恨矣予驚喜曰此非今世人古之人也既見握手相泣已而道平生逾月不厭時谷年七十有三矣瘦瘠多病非復昔日元修也將復見予瞻於南海予愍其老且病止之曰君意則善然自此至儋數千里復當渡海非老人事也谷曰我自眎未即死也公無止我留之不可閱其橐中無數千錢予方乏困亦強資遣之船行至新會有蠻隸竊其橐裝以逃獲於新州谷從之至新遂病死予聞哭之失聲恨其不用吾言涇原武夫死非所惜顧妻子不免寒餓橐中有銀數百兩非君莫可使遺之者谷許諾即變姓名懷銀步行往授其子人無知者存寶死谷逃避江淮間會赦乃出予

知伯率韓魏決水圍之城不沒者三板縣金而爨易子

而食羣臣皆憇惟高恭不失人臣之禮及襄子用張孟談計三家之圍解行賞羣臣以恭為先談曰晉陽之難惟恭無功曷為先之襄子曰晉陽之難羣臣皆憇惟恭不失人臣之禮吾是以先之谷於朋友之義實無愧高恭者惜其不遇襄子而前遇存寶後遇予兄弟予方雜居南夷與之起居出入益將終焉雖知其賢尚何以發之聞谷有子蒙在涇原軍中故為作傳異日以授之谷始名穀及見之循州改名谷云

欽定四庫全書

宋文鑑

十二

林希

孫少述傳
孫少述字少述世吳興人父及仕至尚書都官員外郎簡州倅倅方四歲從其母胡氏家揚州母親教之倅雖幼已惕然能自傷其孤悲泣力學七歲能屬文既長讀書精識玄解能得聖人深意多所論誤慶歷皇祐間與臨川王安石南豐曾鞏知名於江淮間倅初名處字正之安石自序所謂淮之南有賢人焉曰正之余得而友之者也倅內行峭潔少許可不妄戲笑所居人罕識其面

非其所善造門弗見雖鄰不與之通其論曰文氣也君子之氣正衆人之氣隨行之於身而正者然後為文故必見諸行行不正則言無以信於世故倅之詩文嚴勁簡古卓然一出於己自成法度如其為人嘗舉進士不中母病且革頗恨不及見其仕倅嗚咽自誓床下終身不求仕進塋其親蘇州之陽山廬墓終喪久之親友勸復舉進士皆不聽從其兄觀往來南方兄卒遂客居吳門徙吳興丹陽又徙真州平日閉門讀書鼓琴以自娛體素羸喜親方書治藥餌未嘗傳經教授而學者聞其風指多所開悟倅志節剛果不為矯激奇詭之行而氣貌足以動人所至一坐為之凜然視權倅與善宦者意若奴隸之以故不能者多相與排毀倅聞自持愈厲不少降屈故所憎嫉者終亦嚴憚云故相晏殊頗稱其才知制誥唐詢劉敞錢公輔尤尊禮之詢嘉祐中守蘇表其孝行詔賜粟帛又薦之曰清不苟名和不溷俗履道而常其守處賤而得其安敞守揚州論其賢以為居則

孝悌仕則忠信足以矯俗而不詭俗以于譽足以扶世而不偶以自用求之朝廷呂公著王安石之流也詔以

為試祕書郎揚州州學教授侔凡五辭卒不赴敞守永

興奏請侔管安撫司機宜文字亦以病免英宗即位知制誥沈遘王陶薦侔及汝陰王廸常秩三人者可備侍

從皆除試大理評事忠武軍節度推官且試以縣侔得滁州來安又不赴熙寧三年翰林學士韓維復薦之以為常州團練推官又不受命侔初罷舉進士窮無所歸

欽定四庫全書

卷一百五十
宋文鑑

十四

天章閣待制王禹以女妻之世多稱禹為能好賢王氏早卒又娶劉氏生四子禹嵩喬禹五女侔自奉儉約家人化之然以病日必肉食而妻子相對疏茹而已閨門雍雍如也元豐三年除通直郎致仕七年十一月二十六日卒年六十六有詩四千篇雜文三百篇兄觀亦有學行仕至太常博士贊曰先生天下之剛也不強顧其所不強語其所不語獨貧而足獨窮而樂觀於萬物自信而淨絜已矯俗以行其志終身不仕未有若斯之

全德也古之所謂求仁而得仁者其先生之謂耶

錢一傳

劉跋

錢一字仲陽上世錢塘人與吳越王有屬王倅納土曾祖贊隨以北因家於鄆父顥善鍼醫然耆酒喜游一旦匿姓名東游海上不復返一時三歲母前亡父同產嫁醫呂氏哀其孤收養為子稍長讀書從呂君問醫姑將沒乃告以家世一號泣請往迹父凡五六往乃得所在

又積數歲乃迎以歸是時一年三十餘鄉人感慨為泣

欽定四庫全書

卷一百五十
宋文鑑

十五

下多賦詩詠其事後七年父以壽終喪葬如禮其事呂君如事其父呂君沒無嗣為之收葬行服嫁其孤女歲時祭享皆與親等一始以顧頤方著名山東元豐中長公主女有疾召使視之有功奏授翰林醫學賜紺明年公主女有疾召使視之有功奏授翰林醫學賜紺明年皇子儀國公病瘍癰國醫未能治長公主朝因言錢一起草野有異能立召入進黃土湯而愈神宗皇帝召見褒諭因問黃土所以愈疾狀一對曰以土勝水水得其平則風自止且諸醫所治垂愈小臣適其愈惟陛下加

察天子悅其對擢太醫丞賜紫衣金魚自是戚里貴室
逮士庶之家願致之無虛日其論醫諸老宿莫能持難
俄以病免哲宗皇帝復召入宿直禁中久之復辭疾賜
告遂不復起一本有羸疾性簡易者酒疾屢攻自以意
治之輒愈寢後得疾憊甚乃歎曰此所謂周痺也周痺
入藏者死吾其已夫已而曰吾能移之使病在末因自
製藥日夜飲之人莫見其方居亡何左手足攣不能用
乃喜曰可矣又使所親登東山視菟絲所生篝火燭其
欽定四庫全書

下火滅處劙之果得伏靈其大踰斗因以法噉之閱月
而盡由此雖偏廢而氣骨堅悍如無疾者退居里舍杜
門不冠屨坐臥一榻上時間閱史書雜說客至酌酒劇
談意欲有適則使二僕夫輿之出沒間巷人或邀致不
肯往也病者日造門或扶携襁負累累滿前近自鄰井
遠或百數十里皆授之藥致謝而去初長公主女病泄
利將殆一方醉曰當發疹而愈駙馬都尉以為不然怒
責之不對而退明日疹果出尉喜以詩謝之廣親宗子

病瘳之曰此可無藥而愈顧其幼曰此且暴病驚人後
三日過午無恙其家恚曰幼何疾醫貪利動人如此明
果發癇甚急復召一治之居三日愈問何以無疾而知
曰火色宜視心與肝俱受邪過午者心與肝所用時當
更也宗室王子病嘔泄醫以藥溫之加喘一曰病本中
熱奈何以剛齊燥之將不得前後溲與石膏湯王與醫
皆不信謝罷一曰母痛復召我後二日果來召適有故
不時往王疑且怒使人十數輩趣之至曰固石膏湯證
欽定四庫全書

也竟如言而效有士人病欬面青而光其氣哽哽一曰
肝乘肺此逆候也若秋得之可治今春不可治其家祈
哀彊之予藥明日曰吾藥再瀉肝而不少却三補肺而
益虛又加脅白法當三日死然安穀者過期不安穀者
不及期今尚能粥居五日而絕有娠婦得病醫言胎且
墮一曰娠者五藏傳養率六旬乃更誠能候其月偏補
之何必墮已而子母俱得全又乳婦因大恐而病病雖
愈目張不得瞑人不能曉以問一一曰煮郁李酒飲之

使醉則愈所以然者目系內連肝膽恐則氣結膽衡不下惟郁李去結隨酒入膽結去膽下目則能瞑矣如言

而効一日過所善翁聞兒啼愕曰何等兒聲翁曰吾家

孽生二男子一曰謹視之過百日乃可保翁不憚居月

餘皆斃一為方博達不名一家所治種種皆通非但小兒醫

也於書無不窺他人靳靳守古獨度越縱舍卒與法合

尤邃本草多識物理辨正闕悞人得異藥若持疑事問

之必為言出生本末物色名貌退考之皆中末年鑿蘚

欽定四庫全書

宋文選
卷一百五十

六

浸劇其嗜酒喜寒食皆不自禁自診知不可為召親戚

訣別易衣待盡享年八十二終於家所著書有傷寒論

指微五卷嬰孺論百篇一子早逝二孫今見為醫河間

劉跂曰一非獨其醫可稱也其篤行似儒其奇節似俠

術行而身隱約又類夫有道者數謂余言曩學六氣五

運夜宿東平王家嶺觀氣象至餘月不寐今老且死事

誠有不在書者肯以三十日暇從我當相授余笑謝弗

能其後遂不復言嗚呼斯人也如欲復得之何哉沒後

余聞其所治驗尤衆東州人人能言剟其章章者著之
篇異時史家敘方術之士其將有攷焉

王友傳

劉跂

王友其先出自后稷得姓九種別為禾氏居官長子孫
又為庾氏有子粲從儀氏受道家術成一息千日大
寒凝海而不冰世稱以為神其後子孫命氏不一唯甘
氏最著傳數世有壺公既仙去歷千數百歲挹之輒出
世謂王友後或曰壺公者無冬夏隱壺中今時時猶復

欽定四庫全書

宋文選
卷一百五十

七

往來人間今王友即壺公也為人精白不雜處少時帶
經就春方士中黃生白水真人一見定交杵臼之間相
與差擇陶汰復修儀氏術蒸蒸柔和羣居化之雖蓬室
甕牖投者如歸一巾一瓢意湛如也好事者或載與俱
出所至爵者避席一坐盡傾既去人思慕若渴平陽侯
為相獨親厚之吏士人人爭欲進說皆不得間故人徐
公為郎言於朝曰此臣家中聖人也去游荆楚荊州牧
虛齋中以館之使其子伯雅叔雅季雅受學焉嘗得董

生春秋王杯書閱而喜曰知吾趣者不在王杯中乎晚從王公子至山東東山聞聲爭交驥河間老人一見心醉歎曰吾屬徒知飲其德莫知名其器因命史筮之遇需䷄之比䷄其占曰吉是謂三益味道之腴澤外眸中冰雪與居非金非石其臭如蘭有孚盈缶富以其鄰殆將有不塵之好得於宴樂之間因賀曰斯人玉也諸君其得而友之乎老人頓首幸甚字之曰玉友初其氏宗族既衆仕宦高者入侍太官奉祠祭其在州郡為平原

督郵為青州從事或封宜城侯劇陽子下至斗食丞甚衆其餘散居里邑田野往往銜鬻自售無老幼賢否皆得與之交倡優下俚狎溺尤甚號為驩伯愛之不容口由是交道遂漓縣官既覺之因著為令盡收其財佐公上母得藏器于家清廉之士至揭表自別獨玉友不然瑰意琦行門無雜賓私淑諸人未嘗顯於時既性所守亦其勢然也與人接初若恬和而中甚烈天質醇白終始一致炎涼莫能移奪平居固罕見之人或聖其顏色

皆聘貽及深味其言無不心悅誠服識與未識以是沾丐所及人忘其少謗者或恨其不滿聞而笑曰君子多乎哉不多也他日老人坐草堂蒼官青士列侍堂下風是時王友色愈粹風味愈勝相視莫逆歡然絕倒老人歎曰平生聞高士稱羲皇上人嘗謂虛語今乃信然恨不使陶靖節見之客有邂逅相遇者頗然內熱爽然自失人恠而問之曰見吾玉友邪客長歎曰閱人多矣疑其不從人間來其為人心服如此嘗自言吾師以寅生以酉終故酉日輒隱不見然出處亦無常度或對客未竟人又於他所見之或同時數家俱見雖人人自謂良我友然似是而非者十九得其緒餘者十五而得其真百無一二至於官府及市肆若裨販之家雖願見之終不住浮沉于世莫知其所終太史公曰耳氏得姓尚矣其後分封以邑為姓有中山氏青田氏桑落氏烏氏程氏鄆氏此皆著姓目以滋盛而玉友名氏弗章獨以德

稱其亦有以也夫其亦有以也夫或隱或見莫考其出處此與薊子訓左元方何以異浮沉方外野人白士與之忘年而臣不得獻之君故余論其行事未嘗不歎息於斯焉

露布

嶺南道行營擒劉鋹露布

欽定四庫全書
卷一百五十一
宋文選
嶺南道行營都部署潘美副都署尹崇珂都監朱憲等上尚書兵部臣等聞飛霜激電上帝所以宣威伐罪弔

民明王以之耀武我國家仰稽玄象大啟洪基將復三代之土疆永泰萬方之生聚西平巴蜀雲雷敷潤物之恩南定衡湘江漢鼓朝宗之浪惟嶺南之犷俗獨恃遠以偷安久背照臨罔遵聲教偽漢國主劉鋹性惟凶惡識本庸愚以虐害為化風以誅戮為政事置火床鐵刷之獄人不聊生設剗碓湯鑊之刑古未嘗有恨刀鋒之不快用鋸解以恣情讐割剗屠窮彼殘害一境顛天而無路生民何地以稱寃衆心望我如望皎日我皇帝仁

欽定四庫全書
卷一百五十一
宋文選
深恤隱義功救焚遂發干戈拯其塗炭臣等上憑神武遙稟睿謀舉軍未及於半年乘勝連平乎數郡累逢戰陣無不掃除劉鋹遠懼傾危尋差入使初則稱臣上表具陳歸化之心後乃設詐藏姦翻作欵兵之計臣與將士等仰承睿旨不敢逗留於正月二十七日已到柵口去廣州只及一程劉鋹又頻發佐僚來往商議漸無憑準固欲淹留兼於諸處收到新出僞命文榜皆是會合逆黨以拒王師至二月四日果遣其弟僞禎王保興等部領舉國軍兵併來決戰臣等憤其翻覆認此狂迷尋結戰以交鋒復揮戈而誓衆行營將士等感大君之撫御咸願竭忠怒逆黨之拒張爭先効命八十里槍旗競進數萬人殺戮無遺尋又分布師徒徑收賊壘其劉鋹知城隍之必陷將府庫以自焚烈焰連天更甚昆崙之火枝戈散地耳從涿野之誅劉鋹則尋即生擒廣州則當時平定其在州官吏僧道軍人百姓等乍除苛虐咸遂生全無不感帝力以沾衿望皇都而稽首此蓋天威

遠被宸美遐敷平七十年不道之邦救百萬戶倒懸之命殊方既乂長承日月之迴光鴻祚無疆永荷乾坤之降祐其劉鋹并偽署判六軍十二衛摶王劉保興太師潘崇徹王清宮使左龍虎軍觀軍容使內太師龔澄樞列聖宮使六親觀軍容使內太師李托內門使驃騎大將軍內侍郎薛崇譽等弼助劉鋹拒王師既就生擒合同俘獻臣等幸陪戎事倍樂聖功無任快忭歡呼之至謹奉露布以聞

昇州行營擒李煜露布

昇州行營馬步軍戰棹都署宣徽南院使義成軍節度使臣曹彬等上尚書兵部臣等聞天道之生成庶類不無雷電之威聖君之統制萬邦必有干戈之役所以表陰慘陽舒之義彰弔民伐罪之功我國家啟萬世之基應千年之運四海盡歸於臨照八紘皆入於提封西定巴邛復五千里升平之地南收嶺表除七十載僭偽之邦巍巍而帝道彌光赫赫而皇威遠被頃者因緣喪亂

分列土疆累朝皆遇於暗君莫能開拓中夏今逢於英主無不掃除惟彼江南言修臣禮外示恭勤之貌內懷姦詐之謀況李煜此是駢童固無遠略負君親之鞠育信左右之姦邪曾無量力之心但貯欺天之意修葺城壘欲為固守之謀招納叛亡潛萌抗拒之計我皇帝度深含垢志在包荒輟青鎧之近臣降紫泥之丹詔曲示推恩之道俾修入覲之儀期暫詣於闕庭無盡銷於疑間示信特開於生路執迷自履於危途託疾不朝堅心背順士庶咸懷於憤激君親曲為之優容但矜孽豎之愚蒙慮陷人民於塗炭累宣明旨庶俾自新略無悛悟之心轉恣陸梁之性事不獲已至於用兵大江特刼於長橋銳旅尋圖其逆壘皇帝陛下尚垂恩宥終欲保全遣親弟從鑑歸廻降天書委曲撫喻務從庇護無所闕焉終懷蛇豕之心不體乾坤之造送蠟書則勾連逆寇肆兇徒則劫掠王民勞我大軍駐踰周歲既人神之共怒復飛走以無門貔貅競効其先登蟻虱自悲於相弔

臣等於十一月二十七日齊驅戰士直取孤城姦臣無
漏於網中李煜生擒於麾下千里之氛霾頓息萬家之
生聚尋安其在城官吏僧道軍人百姓等久在偏方困
於虐政喜逢盪定皆遂舒蘇聖天朝而無不涕洟樂皇
化而惟皆鼓舞有以見穹旻助順海嶽知歸當聖明臨
御之期是文軌混同之日卷甲而兵鋒永戢垂衣而帝
祚無窮臣等俱乏將材謬司戎律遙稟一人之睿略幸
成九伐之微勞其江南國主李煜并偽署臣寮已下若
干人既就生擒合將獻捷臣等無任訶時樂聖慶快懽
呼之至謹奉露布以聞

欽定四庫全書

卷一百五十

宋文鑑



總校官庶吉士臣張能照
校對官中書臣范鑒
謄錄監生臣戴朝琛

Page not available.

Please help scan and add.

页面不可用。

请协助扫描添加。

欽定四庫全書叢要

集部
中州集卷一

欽定四庫全書叢要

中州集

提要



臣等謹案中州集十卷附中州樂府一卷金

元好問輯好問有遺山集別著錄是編選金一代之詩首錄顯宗二首章宗一首不入卷數其餘分為十集以十干紀之壬集隱德一

門列薛繼先宋可張潛曹班四人詩而獨標

欽定四庫全書

中州集

繼先名疑傳寫訛脫前有好問自叙稱魏道

明作百家詩畧商衡為附益之好問又增以己之所錄以成是編序作於癸巳蓋哀宗天

興二年也其例每人各為小傳詳其始末兼

評其詩或一傳而附見數人或附載他文或

兼及他事大致主於借詩以存史故旁見側

出不主一格王士禎池北偶談嘗論其記蔡

松年事不免曲筆蓋亦白璧之瑕不足以累

詳校官侯選知縣臣吳甸華

全體矣惟大書劉豫國號年號頗乖史法然

豫之立國實金朝所命好問金之臣子宜有
內詞固不得而擅削之亦未足以是為咎也

乾隆四十二年八月恭校上

總纂官臣紀昀臣陸錫熊臣孫士毅

總校官臣陸費墀

中州集原序

商右司平叔衡嘗手抄國朝百家詩畧云是魏邢州元道明所集平叔為附益之者然獨其家有之而世未之知也歲壬辰予掾東曹馮內翰子駿延登劉鄧州光甫祖謙約予為此集時京師方受圍危急存亡之際不暇及也明年留滯聯城杜門深居頗以翰墨為事馮劉之言日往來於心亦愈百餘年以來詩人為多苦心之士積日力之久故其詩往往可傳兵戈散亡計所存者才什一耳不總萃之則將遂湮滅而無聞為可惜也乃記憶前輩及交游諸人之詩隨即錄之會平叔之子孟卿攜其先公手抄本來東平因得合予所錄者為一編目曰中州集嗣有所得當以甲乙次第之十月二十有二日河東人元好問裕之引

欽定四庫全書

中州集卷首

金元好問輯

顯宗二首

賜石右相琚生日之壽

大定辛酉
承華殿書

黃閣今姚宋青宮舊綺園繡綺歸里社冠蓋畫都門善訓懷師席深仁寄壽尊所期河潤溥餘福被元元

失題

欽定四庫全書

中州集
卷首

心與寥寥太古通手隨輕籟入天風山長水闊無尋處聲在亂雲空碧中

此詩山陽民家有上御書無篇題不知何人作

及見唐高駢賦風箏云夜靜絃聲響碧空宮商信任往來風依稀似曲才堪聽又被移將別調中乃知上所書蓋風箏詩而又次駢韻者也姑存之以俟更考

章宗一首

雲龍川泰和殿五月牡丹

洛陽穀雨紅千葉嶺外朱明玉一枝地力發生雖有異天公造物本無私

欽定四庫全書

中州集
卷首

二

欽定四庫全書叢要卷二萬七十四集部

中州集卷一

甲集

金元好問輯

宇文大學虛中

五十首

虛中字叔通成都人宋黃門侍郎以奉使見留
仕為翰林學士承旨皇統初上京諸虜俘謀奉
叔通為帥奪兵仗南奔事覺繫詔獄諸貴先被
叔通朝天積不平必欲殺之乃鍛鍊所藏圖書
中州集

為反具証通歎曰死自吾分至於圖籍南來士
大夫家例有之喻如高待制士談圖書尤多於
我家豈亦反邪有司承風旨并寘士談極刑人
至今寃之

鄭下趙光道與余有十五年家世之舊守官代郡
之崞縣聞余以使事羈留平城與諸公相從皆
一時英彥遂以應舉自免去駕短轍下澤車驅
一僮二驢扶病以來相聚凡旬日而歸昔白樂

天與元微之偶相遇於夷陵峽口既而作詩叙
別雖憔悴哀傷感念存沒至歎泣不能自己而
終篇之意益亦自開慰況吾輩今日可無片言

將半各有酒所語不復鍛鍊要之皆肺腑中流

出也

光道名晦時為代州士曹善篆隸詩筆高雅有集傳河東今不復見矣

窮愁詩滿篋孤憤氣填胸脫身枳棘下顧我雪窖中竟

日朋盍簪論文一樽同飜然南飛燕郤背北歸鴻人生

中州集

悲與樂倚伏如張弓莫言竟憤憤作書怨天公

古劍行

為劉善長作

公家祖皇提三尺素靈中斷開王迹自從武庫衝屋飛
化作文星照東壁夫君安得此龍泉秋水湛湛浮青天
夔鼇奔喘禹強護中夜躍出光蜿蜒拄頤櫧具男兒飾
彈鋏長歌氣填臆嶙峋折檻齊天威將軍拜伏姦臣泣
龍泉爾莫矜雄鉞不見鳥盡良弓藏會當鑄汝為農器

一劍不如書數行

欽定四庫全書

中州集

欽定四庫全書

中州集

二

白菊

西風蕭颯百草黃。南齋白菊占秋芳。主人好事不專饗。
擷送客館分幽香。幽香清豔兩難得。冰雪肌膚龍麝裛。
悄然坐我藥珠宮。玉斧瑤姬皆舊識。仙家蓀菊名日精。
我今號爾為月英。月中風露秋夕好。感此仙種來曾城。
憑君傳與金天令。月與霜姿駐清景。重陽好伴白衣來。
五柳先生憶三逕。

還舍作

欽定四庫全書

中州集
卷一

燕山歸來頭已白。自笑客中仍作客。此生悲歡不可料。
况復吾年過半百。故人驚我酒尚狂。為洗餅罍貯春色。
酒闌人散月盈庭。靜聽清渠流溯源。

庭下養三鴛鴦忽去不反戲為作詩

先生久忘機。為爾虞繒繳。一朝長羽翮。萬里翔寒廓。
誰信惡溝鵠。忽作華表鶴。豈無三玉鐸。遺音嗣黃雀。

予寫金剛經與王正道正道與朱少章復以詩來

輒次二公韻

次正道韻

平生幸識繫珠衣。窮走他鄉未得歸。有客為傳祇樹法。
此心便息漢陰機。百千三昧一門入。四十九年諸事非。
寄與香山老居士。要憑二義發餘輝。

又 次少章韻

前世曾為粥飯僧。此生隨處且騰騰。經中因認人我相。
教外都忘大小乘。寫去欲云居士頌。信來如續祖師燈。
他年辱贈茅庵句。誰謂因緣昔未曾。

郊居

欽定四庫全書

中州集
卷一

芒屨松冠野外裝。茶鎬藥竈靜中忙。含風荇逐波紋展。
著雨花連土氣香。停策仰簷朝覓句。披襟穿樹晚追涼。
蓬蒿似欲荒三逕。疎嬾誰知意更長。

歲寒堂

洞戶延清吹。庭除貯綠陰。不隨風月媚。肯受雪霜侵潤。
入珠泉。爽聲傳玉帳。深主人。留勝賞。同此歲寒心。

重陽旅中偶記二十年前二詩因而有作

舊日重陽厭旅裝。而今身世更悲涼。愁添白髮先春雪。

淚著黃花助晚霜客館病餘紅日短家山信斷碧雲長
故人不恨村醪薄乘興能來共一觴

春日

北洹春事休嗟晚三月尚寒花信風遙憶東吳此時節
浦江鴨綠弄殘紅

己丑重陽在劍門梁山舖

兩年重九皆羈旅萬水千山厭遠遊白酒黃花聊度日
青萍綠綺共忘憂却憐風雨梁山路不似蓴鱸楚澤秋

欽定四庫全書

中州集

五

何必東臯是三逕此身天地一虛舟
生日和甫同諸公載酒袖詩為禮感佩之餘以詩促之
為謝

詞人詩句壓離騷按膝長吟意自豪袖裏虹蜺衝霽色
筆端風雨駕雲濤將衰難稱千年祝增重虛蒙隻字褒
太史已應飛急奏文星偏傍使星高

和題稽古軒

堆架縑綯部居眼前長物埽無餘避囂宵要鄰人卜

論友先尋上世書汲古不須憂绠短隨波聊復任舟虛
勿欺丈室纔容膝六合神游有日車

己酉歲書懷

去國忽忽遂隔年公私無益兩茫然當時議論不能固
今日窮愁何足憐生死已從前世定是非留與後人傳
孤臣不為沈湘恨悵望三韓別有天

涇王許以酒餉龍溪老人幾月不至以詩促之

叔通別號也

龍溪

欽定四庫全書

中州集

六

先生寂莫草玄文正要侯巴作富鄰客至但須樽有酒
日高不怕飢生塵急催嶺外傳梅使來餉籬邊采菊人
已埽明窗供點筆為君擬賦洞庭春

從人借琴

嶧陽慣聽鳳離鳴瀉出泠然萬籟聲已厭笙簧非雅曲
幸從炊爨脫餘生昭文不鼓緣何意靖節無絃且寄情
乞與南冠囚繫客為君一奏變春榮

過居庸關

奔峭從天折懸流赴壑清路回穿石細崖裂與藤爭花

已從南發人今又北行節旄都落盡奔走愧平生

晚宿耀武關

山與煙雲暝溪兼冰雪流寒枝啼枯鞠煬室聚寥寥此

日征行困何時喪亂休尚矜爭席好無復舊鳴騶

安定道中

落日塵埃壯陰風天地昏牛羊爭隘道鳥雀聚空村跛

曳傷行役光華誤主恩未甘遲莫景伏櫪意猶存

欽定四庫全書

中州集

七

上烏林天使三首

平生隨牒浪推移只為生民不為私萬里翠輿猶遠播

一身幽固敢終辭魯人除館西河外漢使驅羊北海湄

不是故人高誼切宵來軍府問鍾儀

又

拭玉轍門吐寸誠敢將緩頰沮天兵雷霆儻宵矜形弊

草芥何須計死生定鼎未應周命改登壇合許趙人平

知君妙有經邦策存取威懷萬世名

又

當時初結兩朝歡曾見軍前捧血槃本為萬年依蔭厚
那知一日遽盟寒羊牽已作俘囚獻魚漏終期網罟寬

幸有故人知底蘊下臣獲考敢謀安

姑蘇滕惇禮榜所居閣曰齋心成都字文某作詩

以廣其意

不是憑虛避世喧此中於物本無緣靜看畏影徒勞爾

題作齋心亦且然意識已隨言語斷生涯聊任歲時遷

欽定四庫全書

中州集

八

老夫未涉天游趣三復南華第四篇

和高子文秋興二首

沙碧平猶漲霜紅紛已多駒年驚過隙亮影倦隨波散

步雙扶老棲身一養和羞看使者節甘荷牧人蓑

好問
按養

和凡名事見江湖散人
集扶老見歸去來辭

又

搖落山城暮樓遲客館幽葵衰前日雨菊老異鄉秋自

信浮沈數仍懷顧望愁蜀江歸棹在浩蕩逐春鷗

又和九日

老畏年光短愁隨秋色來一持旌節出五見菊花開強

忍元猶淚聊浮綠蟻杯不堪南向望故國又叢臺

中秋覓酒

今夜家家月臨筵照綺樓那知孤館客獨抱故鄉愁感
激時難遇謳吟意未休應分千斛酒來洗百年憂

四序回文十二首

春

欽定四庫全書

中州集

九

短草鋪茸綠殘梅照雪稀暖輕還錦褥寒峭怯羅衣

又

翠連冰綻日香徑晚多花細筍抽蒲密長條舞柳斜

又

折花幽檻小傾酒綠杯深蝶舞輕風晚鶯啼老樹陰

夏

翠密園窗竹青圓貼水荷睡多嫌晝永醒少得風和

又

草徑迷深綠蓮池浴膩紅早蟬鳴樹曲鮮鯉躍潭東

又

暴雨隨雲驟驚雷隱地平好風搖簾透輕汗挹冰清

秋

晚日欣簾捲涼風覺袂搖遠吟高興遣長醉宿愁銷

又

短葦低殘雨虛舟帶晚潮斷鴻歸暗浦疎葉墮寒梢

又

感感蛩吟苦茫茫水驛孤日銜山色暮霜帶菊叢枯

冬

鶲健呼風急鳥啼促景殘窟深宜免蟄蒲折蔭魚寒

又

裂瓦寒霜重鋪窗月影清滅燈驚好夢孤枕念深情

又

秀柏留陰綠芳梅蘸影斜溜簷冰結玉裝樹雪飛花

燈碑五首

清陰靄靄匝城闈，萬井熙熙桃李春。紫陌傳呼旌旆出

重臣新佩玉騏驥

又

鉏軸天章拜異恩，驂驥花騎映朝暾。手持禁鑰千門肅

官壓東宮二品尊

又

壘原清照白，登山彌隴連。天麥浪寒劍，戟漸銷農器出。

人家只識勸農官

欽定四庫全書

中州集

十二

欽定四庫全書

中州集

十三

九夏南風入舜琴，恩風澤雨浹飛沈。陪京最是儀形地，

先識君王解愠心

又

枹鼓無聲獄訟空，懼謠擊壤萬家同。時人共解班春意，

兵寢刑清第一功

館中書事

雨來蒸鬱似江鄉，雨過西風特地涼。尚有庭花共客恨，

可無尊酒慰幽芳

時習齋

未厭平生習氣濃，更將餘事訓兒童。魯論二萬三千字，悟入從初一句中。

醉經齋

傷人但笑腹便便，枕籍詩書正晝眠。不識先生真悟處，未離文字已逃禪。

醉墨齋

旋汲清泉起縠紋，定知婁永是前身。箇中自可逃真性，不用淋漓汙葛巾。

鳥夜啼

汝琴莫作歸鳳鳴，汝曲莫裁白鶴怨。明珠破璧挂高城，上有烏啼人不見。堂中蠟炬紅生花，門前紺幙七音車。博山夜長香燼冷，悠悠蕩子留倡家。妾機尚餘數梭錦織，恨傳情還未忍。城烏為我盡情啼，知道單棲淚盈枕。

吳學士激 二十五首

激字彥高宋宰臣拭之子王履道外孫而米芾
元章婿也工詩能文字畫得其婦翁筆意將命

帥府以知名留之仕為翰林待制出知深州到

官三日而卒有東山集十卷并樂府行于世東

山其自號也出散關詩云春風蜀棧青山盡曉

日秦川綠樹平愈甫索水墨以詩寄之云煙拂

雲稍留淡白雲蒸山腹出深青三衢夜泊云山

侵平野高低樹水接晴空上下星太清宮云玉

欽定四庫全書

中州集

十三

座煙霞春寂寂石壇星斗夜蒼蒼呈正甫云乎

版西山聊復爾角巾東第定何時遊南溪潭云

竹院鳴鍾疑物外畫橋流水似江南飛瀑巖云

數樹殘花喜春在一聲啼鳥覺山深詠鄭郎故

伎云玉雪自知塵不涴丹青難寫酒微醺送樂

之侍郎云四海蒼生謝安石一言宣室賈長沙

送韓鳳閣使高麗云海東絕域皇華使天上仙

官碧落卿偶題云江湖欹枕夢風雪打窗時此

類甚多樂府夜寒茅店不成眠南朝千古傷心
事誰挽銀河等篇自當為國朝第一手而世俗
獨取春從天上来謂不用他韻風流子取對屬
之工豈真識之論哉

山中見桃花李花

錦里春風徧海棠別時無計奈紅芳山中桃李渾疑晚

猶有殘花斷客腸

長安懷古

欽定四庫全書

中州集

十四

佳氣猶能想鬱葱雲間雙闕峙蒼龍春風十里灞陵樹

曉月一聲長樂鍾小苑花開紅漠漠曲江波漲碧溶溶

眼前疊嶂青如畫借問南山共幾峰

宿湖城簿廳

日遲風暖燕飛飛古柳高槐面翠微卷上疎簾無一事

滿池春水照薔薇

窮巷

窮巷無來轍貧家有舊醅窓明憐雪在牕美覺春回菜

甲方齊拆梅花亦半開茅簷鳴好鳥節物莫相催

偶成二首

一番瘦筍羽林槍松架陰陰盡日涼繞屋雲煙無定態
連山草木有真香

又

蟹湯兔蓋鬪旗槍風雨山中枕簟涼學道窮年何所得
只工埽地與焚香

病後寄開甫

欽定四庫全書

卷一

十五

暗蛩咽幽響隙月漏微光溪上風雨過翛然有餘涼病
瘦鶴骨立低垂不能翔懷我中山兄開經焚道香猿嘯
耿清夜鐘鳴悠悠夕陽商秋早晚至夢寐松楸蒼

過南湖偶成

杏山松檜紫坡陀湖面無風亦自波綠鬢朱顏嗟老矣

落花啼鳥奈春何詩人未必皆憔悴世事從來有折磨
列坐流觴能幾日知誰對酒愛新鶩

夜汎渦河龍潭

輕舟弄素月靜夜橫清渦天風毛髮亂疎星爍明河圖
經記父老冥冥年歲多淵沈三千丈湛碧寒無波微流

帶文藻絕岝無柔莎炯如帝鴻鏡可鑒不可磨中蟠至
神物役使羣蛟鼉蜿蜒頭角古勁鬚誰敢劙深宮照珠
貝頗費蚌與螺何時葛陂竹化作陶公梭

秋興

後園雜樹入雲高萬里長風夜怒號憶向錢塘江上寺

松窗竹閣瞰秋濤

欽定四庫全書

卷一

十六

晚春言懷寄燕中知舊

閒雲洩洩日暉暉林斧谿春響翠微天氣乍晴花滿樹
人家久住燕雙飛鄰村社後容借酒客舍新來未綻衣

遙憶東郊亭畔柳歸時相見亦依依

歲暮江南四憶

瘦梅如玉人一笑江南春照水影如許怕寒粧未勻花
中有仙骨物外見天真驛使無消息憶君清淚頻

又

天南家萬里江上橘千頭夢遠閭門迴霜飛震澤秋秋

深宜映屋香遠解隨舟懷袖何時獻庭闈底處愁

又

吳淞潮水平月上小舟橫旋斫四腮鱠未輸千里羹擣
蘆香不厭照著雪無聲幾見秋風起空悲白髮生

又

平生把鍛手遮日負垂竿浩渺渚田熟青熒漁火寒憶
看霜菊艷不放酒杯乾比老垂涎處糟臍箇箇團

欽定四庫全書

中州集

十七

同兒曹賦蘆花

旅食空彈鋏歸休合挂冠煙塵榆塞遠風雨夢秋寒巢
燕長如客鳴蛙不屬官柴門江漲到落日下漁竿

喜晴和張魯瞻

原野悅新沐豐隆寧世情鳥歸林靄暝樓射澗虹明春
草牛羊遠人家機杼鳴慘舒長有命誰復問陰晴

國公女生日席上命賦

雪射瑤堦月春回玉女扉雲中三秀草石上六銖衣酒

熟鶯兒色身輕燕子飛客槎還汎斗誰解卜擣機

秋夜

豈有涓埃補盛明強扶衰病廁豪英夜窗燈火青相對
曉鏡鬚鬚白幾莖年去年來還似夢江南江北若為情
石田茅舍君家近借與林泉送此生

招趙資深拾遺

別久貌逾壯道同心更親移居近韋杜相對邈參辰雪
少似饒客烏喧知得春歸期淹幾日莫厭馬蹄頻

欽定四庫全書

中州集

十八

天接蒼蒼渚江涵裊裊花秋聲風似雨夜色月如沙澤
國幾千里漁村三兩家翻思杏園路鞭裊帽簷斜

張戲北騎

張生鞍馬客幽都却笑靈光筆法麤祇今白首風沙裏
憶向江南見畫圖

早春

寂寂重寂寂出門春草齊晚芳猶著樹江漲欲平溪山

暝有時雨村深何處雞遠山緣底恨故作傷人低

雞林書事

箕子朝鮮僻蓬丘弱水寬儒風通百粵舊史記三韓邑
聚居巢慣夷裝被髮安猶存古邊豆兼用漢衣冠免穎
家工縛鮭腥俗嗜餐騎兵腰玉具府衛挾金丸長袖鳶
窺肉都場抗掛竿琴中蔡氏弄指下祝家彈主禮分庭
抗賓筵百拜難清橙粒釀旨滋桂鹿脩乾潑墨松如擲
墮牆石似丹地偏先日出天迫衆山攢鷗翼雲帆遠年

腸石磴盤由來異文軌休訝變暄寒事可資談柄誰能
記筆端聊將詩貌取歸作畫圖看

題宗之家初序瀟湘圖

江南春水碧於酒客子往來船是家忽見畫圖疑是夢
而今鞍馬老風沙

張祕書斛一十八首

斛字德容漁陽人仕宋為武陵守國初理索北

歸官祕書省著作郎有南游北歸等詩行于世

漁陽有峒陽故詩中多及之如賦小孤山云天

園秋漲澗山背夕陽孤岸樹晴猶溼汀煙近却

無巫山對月云雲開千里月風動一天星河池
出郭云細草沙邊樹疎烟嶺外村中江縣樓云
綠漲他山雨青浮近市煙中秋云月色四時好
人心此夜偏松門峽云春木有秀色野雲無俗
姿賦禮部侍郎張浩然遼海亭云晴光搖碧海
遠色帶瀉洲又賦臨漪亭云雨聲喧莫島水色

借秋空秋興樓云碣石晚風催鴈急昭祁寒漲
與雲平人多誦之予嘗見其文筆字畫皆有前
輩風調宇文大學甚激賞之

沙邊

晚雨漲平堤沙邊獨杖藜長風催鴈北衆水避潮西楚
客相逢少吳天入望低故園無路到春草自萋萋

東川春日

巴蜀三年客江湖萬里情滄波何處盡歸棹幾時行世

態浮雲變春愁細草生羣山遮望眼片月上高城

巫山對月懷湖外親友

兩年

迴文二首

衆壑歛新雨孤舟增暮寒巫山今夜月湘水幾人看不得臨湖醉惟愁下峽難雙魚憑寄遠尺素勸加餐

武陵春雪

綠逕斜繁草紅梢半落花曲池風碎月欹岸雨摧沙

又

天風吹雪滿千山不見桃花汎碧瀾洞裏仙人貪種玉
豈知人世有春寒

盧臺峭帆亭

一亭圍古木雙磽瀉清流行到雲山莫卧聞風雨秋客
塵何日浣病渴此時瘳歸去南溪上輕舟細浪浮

欽定四庫全書

中州集

三

中州集

三

高秋客未還何處望鄉關喬木蒼烟外孤亭落照間雨

夜雨南山

晴山覺近潮滿水如閒目斷峒陽路歸雲不可攀

平安關道中二首

高寺鳴鍾後孤舟落鴈邊已知歸徑晚故就上方眠石
峻溜聲急月高松影圓明朝下煙靄回首阻清川

寓中江縣樓

高林俯青冥柯葉森若織陽光已轉午陰嶺仍半黑崢
嶸亂石間行子有苦色臨深地勢入涉險天宇塞四顧
無所投迹更去未息悵然增百憂冥冥羨歸翼

又

武江斜轉石文岫獨參天江曰玄武山曰文達綠漲他山雨青浮

近市煙松薪火白粲水蔓繁紅鮮自喜飄蓬跡安居過

窮冬十日陰積雪千山路晴雲開半嶺落日猶在樹悠

悠客心遠慘慘天色莫寒鳥各有依解鞍尚無處游魚
誤銜鈎元豹終隱霧行行謝冠冕復我林壑趣

將渡江

無數飛花委路塵不堪重醉楚城春明朝回首江南岸
煙雨昏昏不見人

還家

雲林無俗姿相對可終老如何塵中人不見青山好

訪香林老

欽定四庫全書

卷一

三

風雨無時浪蹴天南浮舟楫信多難半生夢破寒江月
萬里春回故國山歸客自傷青鬢改高僧長共白雲閒
誅茅借我溪西地未厭相從水石間

海邊亭為浩然賦

夙有滄洲趣雲局夢幾回臨深疑地盡望遠覺天開月
湧冰輪出濤翻雪陣來無機同海客鷗鳥莫相猜

南京遇馬文朝美

浮雲久與故山違芳棟如存尚可依行路相逢初似夢

舊游重到復疑非滄江萬里悲南渡白髮幾人能北歸
二十年前河上月尊前還共惜清輝

蔡丞相松年五十九首

松年字伯堅父靖宋季守燕山仕國朝為翰林

學士伯堅行臺尚書省令史出身官至尚書右

丞相鎮陽別業有蕭閒堂自號蕭閒老人薨謚

文簡百年以來樂府推伯堅與吳彥高號吳蔡

體有集行於世其一自序云王夷甫神情高秀

欽定四庫全書

卷一

三

宅心物外為天下稱首言少無宦情使其雅詠
玄虛不經世務超然遂終其身則亦何必減嵇阮
輩而當衰世頹俗力不可為之時不能遠引高
蹈顛危之禍卒與晉俱為千古名士之恨又嘗

讀山陰詩引考其論古今感慨事物之變既言
脩短隨化期于共盡而世殊事異興懷一致則
死生終始物理之常正當乘化歸盡何足深歎乃

區區列叙一時述作刊紀歲月豈逸少之清真

簡裁亦未盡忘情於此耶故因作歌併及之好
問按此歌以離騷痛飲為首句公樂府中最得
意者讀之則其平生自處為可見矣二子珪字

正甫璋字特甫俱第進士號稱文章家正甫遂

為國朝文宗特甫非其比也自大學至正甫皆
有書名其筆法如出一手前輩之貴家學蓋如
此

晚夏驛騎再之涼陘觀獵山間往來十有五日因

欽定四庫全書

中州集

主五

書成詩

兜羅蔓鬱浮空青曉日馬頭雙眼明名山不作世俗態
千里傾蓋來相迎老松閱世幾千尺玉骨冷風戰天碧
應笑年年空往來塵土勞生總陳迹山回晚宿一川花
翦金裁碧明烟沙寒鄉絕艷自開落欲慰寂寞無流霞
明日行營獵山麓古樹寒泉更深綠強臨水玉照鬢毛
只恐山靈恠吾俗波潮不盡水如天清波白鷗自在眠
平時朝市手遮日思把一竿呼釣船驛騎回時山更好

過雨秋容淨如埽山英知我宦游心為出清光慰枯槁
可憐歲月易侵尋慙愧山川知我心一行作吏豈得已
歸意久在西山岑他年俗累篋能畢雲水一區供老佚
舉杯西北醉山川為道此言吾不食

漫成

人生各有適一受不可更違已欲徇世憂患常相嬰三
軍護漢將九鼎調蒼生功名豈不美強之輒無成朝昏
忘寢食俯仰勞心形何如從所好足以安餘齡乎也一

欽定四庫全書

中州集

主六

丘壑野性真難名力懦謝提劍才拙慙窮經疎放已成

僻紛華誰與爭驚鹿便草豐白鷗願江清不堪行作吏
萬累方營營夜慮多俗夢曉枕無餘醒拄頰西山語適
意千里羨塵土走歲月秋光浮宦情欲語箇中趣知音
耿晨星世途古今險方寸風濤驚封侯有骨相使鬼須
銅腥誓收此身去田園事春耕

淮南道中五首

南楚二月雨淮天如漏卮畏途泥三尺車馬真難棲却

思閒居樂雨具無所施高枕聽簷聲爐烟暈如絲

又

吾年過五十所過知前非顏鬚日蒼蒼老境行相追桔
槔聽俯仰隨人欲何為歸計勿悠悠出處吾自知

又

南渡國不競晉民益瘡痍陶翁遂超然不忍啜其醨北
窗談清風慨望羲皇時道喪可奈何抱琴酒一卮

又

三年鎮陽遊春歸綠扶疎櫻筍媚園林日長閒枕書行
復當此時涼塵暗歸塗會洗酴醿雪月波浮祕壺

欽定四庫全書

中州集

三

欽定四庫全書

中州集

三

沉泥行自蕭散世路皆崎嶇此邦真可老城郭環清潯
結廬與君俱開寫平生襟里巷日還往杖屨行謳吟還
尋夢遊處無忘神所箴

庚申閏月從師還自潁上對新月獨酌十三首
伊昔三年前淫雨催行輶青燈忽今夕華屋映高秋華

屋亦何為百年竟山丘適意在歸與肉食非我謀

作詩記其事以示范

高陵五六松潭水涵清陰白鳥如避世巢居得幽深雜

花眩青紅苦節方森森何人作虛亭想像雲棲心我夢
涉陳迹君亦同登臨相與定嘉名洗去花草淫看雲撫

備碧夕景低遙岑風林淡秋月霜枝鳴玉琴兩意誰識
之好處煩幽尋閒居志則同歲月能駸駸時無陶彭澤

此曲難知音亭前有奇石遷流失山林顧亦如我曾鬢
髮風沙侵小兒重外物列屋享千金區區心甚長因循
困華簪忽焉事大謬危機恐難任平生下澤車斯言吾

所欽志士願不辱俗情便孔壬自喜迹猶淺鳬鴈容浮

大塊本何事遑遑勞一生所過總陳迹歲月如流星貪

夫甘死禍幅紙馳虛名晉室有先覺柴桑老淵明

又

我家恒山陽山光碧無賴月窟蔭風篁十里瀉澎湃茲
焉有樂地不去欲誰待自要塵網中低眉受機械

又

人言歸甚易但苦食不足必使極其求萬鍾不盈腹處
世附所安無禍即無福却視高蓋車身寵神已辱

又

我本山澤人孤烟一輕蓑功名無骨相彫琢傷天和未
能遽免俗尚爾同其波梧桐喚歸夢無奈秋聲何

又

孟夏幽州道上陘車輶輶旌旗却南行飛電隨馬足行
窮清潁水不辨洗蒸溽吾生豈匏瓜一笑為捧腹

又

燈花何太喜似報天雨霽客情念還家如舊不忘視到
家問松菊早作解官計青鏡髮蕭蕭及此霜雪未

鳴蛙屬官私庸兒固可笑江山本誰爭但苦歸不早物
情閒始見宛轉為君好區區乞鑑湖多事憐賀老

又

天下任之重人物古難得誰為經濟才有亦未易識吾
曾與雞鴟官倉等伏食行將問征途滿眼西山碧

又

懦微莫如我往往從險艱譬之驅山麋八鑿困天閑豈

惟物違性成功亦良難風煙念何地野水長松閒

又

出處士大節倚伏殊茫茫絕交苟不作自足存嵇康哲

人乃知機曲士迷其方顧我類社櫟匠石端相忘

又

問舍前年秋已買潭西地高明鬼所瞰聊取風雨蔽瀕
溪樹嘉木成陰十年計仍當作茅舍名之以今是

又

斯言已說。說要未離憂患。何時但飲酒。臧否了不關。不飲逝者多。秋草麒麟閒。懷哉竹林人。吾方仰高山。

七月還祁

洪河注天南。兵氣橫高穹。我從兵前來。歸心疾驚鴻。官柳未搖落。蓮荷香濛濛。吏舍在前村。舊年養疎慵。爰自三軍去。青苔瘞。人蹤夕陽叩柴門。歡迎來僕僮。濁酒古罍洗。停觴問新松。却對一床書。睡鴨孤烟中。土花暈湖玉。冰絃冷霜桐。燈火未可親。露坐茅堂東。西山月中淡。

欽定四庫全書

中州集

卷一

欽定四庫全書

中州集

三

夜茶煮松風。到床便安寢。不復知晨鐘。平生幽棲心。斯言畧形容。人道動有患。百態交相攻。而我觸類真治容。鄙青紅。非才見臨事。叩之輒空空。知難不知回。飄流劇飛蓬。暫去聲利場。樂佚猶無窮。況於得行意。蕭洒畢此躬。勿為才者傳。從渠作夢龍。

庚戌九日還自上都飲酒於西嵒以野水竹間清秋巖酒中綠為韻十首

雞羣媚稻粱。老鶴日疎野。人言隨其流。故有不同者。

骨相乃封侯。銅腥能使鬼。文章亦可憐。不直一杯水。

又

在昔安九鼎。功名照帛竹。貞觀用玄成。一士天下足。

又

憂國在內食歛玉。義清班吾曹。漫浪人合眼。松雲間。

又

閒居度重九。昔賢愛嘉名。霜菊有正色。糟床逢聖清。

平生一丘壑。晚墮法家流。一點無俗物。今年真好秋。

又

謝公既經世。永懷東西巖。翠袖亂清光。輕雲點風鬟。

又

我得秋風暖。鱸魚一杯酒。佳人發浩歌。此樂真不朽。

又

去年哦新詩。小山黃菊中。年年說秋思。遠目驚高鴻。

又

贊哉生處樂陵谷異風俗南枝吾永安笑撫西嵒綠

小飲邢嵒夫家因次其韻

東風初度野梅黃醉我東山雲霧窗只今相逢暮春月
夜床風雨翻寒江人生離合幾春事霜雪行侵青鬢雙
大梁一官且歸去酒腸雲夢吞千缸

閒居湯興

歸田不早計歲月易云徂但要追連社何須賜鏡湖簿
欽定四庫全書
中州集
卷一

書欺俗吏繩墨守愚儒安得如嵇阮相從興不孤

師還求歸鎮陽

春風卷甲有歡聲漸識天公欲諱兵節物無情新歲換
男兒易老壯心驚落身世網癡仍絕挂眼山光計未成
聞道恒陽似江國一官湯學阮東平

初卜潭西新居

喬木千章畫不如白鷗煙雨到江湖誰為求仲營三徑
竊比揚雄有一區故國興亡樹如此他年聲利蔓難圖

屋西便與秋山約莫遣歸來見白須

寄王仲侯

冰簾風簾千柱宮月華清浸雪芙蓉誰教曉馬三千里
好在行雲第幾峯酒市烏紗懷李白仙人鶴氅看王恭
拍浮花裏知恩否寄與新詩洗醉悰有本事可發一笑

讀疎詠之安陽對竹二詩懷家山次韻見意

短髮新霜及未侵幾年和月買泉林偶然行李對寒碧

憶得故園驚歲陰枕上秋嵐吹醉夢門前沙鳥立清深

欽定四庫全書
中州集
卷一

箇中須著翛翛玉落日微風伴我吟

和子文寒食北潭

夢裏潭光翠欲流何時春水一虛舟吾廬想見扶疎樹
宦意渾如浩蕩鷗聞道西山明酒面應無外物到眉頭
別來誰唱驚人句十里珠簾有莫愁

雪晴呈玉堂諸公

雪晴松頂玉欄斑曉眼清於化鶴山欲立凍雲搜傑句
却思仙客退清班櫂逾帳底沉香火薦菊花中碧霧鬟

喚取廣寒脩月手月波千丈捲春還

和子文晚望

醉眼郊原感慨生夕陽長向古今明高人法士互憎愛
美酒空名誰重輕二頃只謀他日老五絃猶喜晚風清
因君欲賦思歸樂安得穿雲一笛橫

兵府得告將還鎮陽府推官王仲侯以書促予命

駕先寄此詩

老驥心疲十二閑天教洗眼小江山名園無處不宜酒
勝日有明方解顏老木溪光留月駐禪房竹徑約花闌
先憑樂府求風骨或有佳人字玉環

渡混同江

十年八喚清江渡江水江花笑我勞老境歸心質孤月
倦游陳迹付驚濤兩都絡繹波神肅六合清明斗極高
湖海小臣尸厚祿夢尋烟雨一漁舠

初至遵化

出山風物便清和森木如雲秀靄多白水臨流照疎鬢

青門折柳記柔柯重游化國驚歲月有象豐年占麥禾
亦有黃公酒壚在微官自要阻山河

黃海棠

清陰不歎晚尋芳縹緲細雲翠袖長草綠江花輸帶葉
醉紅蜀艷恨無香南州氣味連三月東晉風流共一觴

老眼寒來易愁絕溫柔乞與醉中鄉

夜坐

吾生有幾事無涯清夜漫漫歎物華但願聞鉦似疲馬
可能粘壁作枯蝸只今雪屋重衾溼去歲梅溪醉帽斜
終得蕭閒對床語青燈挑盡短檠花

糟聲同彥高賦

糟床過竹春泉句聚落秋雨喧疎溜過竹春泉咽暗水門巷蕭條三尺雪琴書寥落一龕燈
彦高他日人云吾亦云自愛淳音含太古誰傳清溜入詩也
南薰秋風幾共橙香注曉月曾和鶴唳聞我欲婆娑竹林國洗空塵耳正須君

韓侯晁仲許送名酒渴心生塵以詩促之

好在銀餅秋露光
借君雲夢到枯腸
解澆萬里客愁破
暫吐十年黃卷香

江水苦搖梁苑夢
海棠新學漢宮粧

天東四月春如許
坐待白衣投醉鄉

步尋野卉

風煙草木照人明
神藥竒花問識名
聞道東州有仙窟
欲尋根撥學長生

癸丑歲秋郊

漫漫黃雲水清淺
碧花無處亂鳴菴
此生愈覺田園樂

欽定四庫全書

中州集

三七

夢裏曉山三四峯

入關宿昌平

黃塵却送入關山
自斷何如二項田
記得鳴菴碧花句

蹉跎秋思又三年

秋日

風螢開闔度松陰
松下飄然倦客心
幾點清光照涼夜

何時遠寺得幽尋

高麗館中二首

蛤蜊風味解朝醒
松頂雲癡雨不晴
悄悄重簷斷人語
碧壺春筍更同傾

又

晚風高樹一襟清
人與縹蕪相照明
謝女微吟有深致

海山星月總關情

西京道中

來時綠水稻如鍼
歸日青梢沒鶴深
莫忘共山買田約
鷺花相間柳陰陰

欽定四庫全書

中州集

三八

銀州道中

小渡霜螯賤於土
重嵒野菊大如錢
此時最憶涪翁語
無酒令人意缺然

高昌館道中

雨餘嵒石古苔青
松裏珠璣萬葉明
渺渺綠畦看鷺立
深深清樾有蟬鳴

黃海棠

輕如紅豆排冰雪
一拂新鶯色更奇
不覺濃陰破明玉

有情誰解賞離披

梅花

的樂橫枝愛老崔一尊長對畫圖開此生端有梅花分
閒遠春風入手來

蔡太常珪 四十六首

珪字正甫大丞相松年之子七歲賦菊詩語意

驚人日授數千言天德三年進士擢第後不赴

選調求未見書讀之其辨博為天下第一歷澄

州軍事判官三河簿正隆三年銅禁行官得三

代以來鼎彝彝器無慮千數禮部官以正甫博
物且識古文奇字辟為編類官丁父憂起復翰

林脩換同知制誥改戶部員外郎大常丞朝廷

稽古禮文之事取其議論為多大定十四年由

禮部郎中出守濰州道卒有續歐陽文忠公集

錄金石遺文六十卷古器類編三十卷補南北

史志書六十卷水經補亡四十篇晉陽志十二

卷金石遺文跋尾一十卷燕王墓辨一卷傳于

世國初文士如宇文大學蔡丞相吳深州之等

不可不謂之豪傑之士然皆宋儒難以國朝文
派論之故斷自正甫為正傳之宗黨竹谿次之
禮部閻閑公又次之自蕭戶部真卿倡此論天
下迄今無異議云

野鷹來

南山有奇鷹寘穴千仞山網羅雖欲施藤石不可攀鷹

朝飛聳肩下視平蕪低健狐躍兔藏何遲鷹莫來腹肉
一飽精神開招呼不上劉表臺錦衣少年莫留意飢飽
不能隨爾輩

撞冰行

船頭傅鐵橫長錐十十五五張黃旗百夫袖手畧無用
舟過理棹徐徐歸吳儂笑向吾曾說昔歲江行苦風雪
揚棹啟路夜撞冰手皮半逐冰皮裂今年窮臘波溶溶
安流東下間篙工江東賈客借餘潤貞元使者如春風

讀史

夏氏不無釁作孽生妖龍蒼姬丁衰期元龜游後宮天
心未悔禍墜此文武功糜弧漏天網哲婦鴟梟同狂童
一何愚巧言惟爾從殷鑒不云遠覆車還蹈蹤坐今周
南詩悲入黍離風君看後庭曲曾笑驪山烽

醫巫間

幽州北鎮高且雄倚天萬仞蟠天東祖龍力驅不肯去
至今鞭血餘殷紅崩崖暗谷森雲樹蕭寺門橫入山路

欽定四庫全書

中州集

卷二

誰道營丘筆有神只得峯巒兩三處我方萬里來天涯
坡陁繚繞昏風沙直教眼界增明秀好在嵐光日夕佳
封龍山邊生處樂此山之間亦不惡他年南北兩生涯

不妨世有揚州鶴

讀戎昱詩有作二首

我家北潭邊溪流卧衡門俗客不來好客時開尊路
人或不知云是渭南村底事半年別此懷誰與論

又

來時西郊林木末秋未老借箸數歸日迺復見冬杪心

馳倚門望望我綿綿道慙愧戎子詩在家貧亦好

感寓

九官名世人制作歸一夢達樂不達禮漢儒言足嗤古
人寓意耳結髦持鋸鉗俗子未易識絕藝聊相推崇令
編簡門亦以專門竒堂堂張長史楷妙世莫知謂予言

不信願視郎官碑

奇疑

風竹如水聲

欽定四庫全書

中州集

卷二

好竹風淅淅流水聲泠泠吾廬兼有此要是佳友生北
窗午夢斷冷簾無飛蠅端疑故人至喚作寒泉鳴攬衣
起裊裊自笑還自驚無須問形似自可名雙清

荷香如沉水

新荷翠參差十畝藏漪瀾臨風倚雲蓋過雨驚珠盤夕
陽香四來坐我西闌十三徑未論菊九畹空羞蘭聊分
海南珍炷之古博山誰能品優劣待以季孟間

鄰屋如江村

斜川一壺玉川東三家離落半流冰茁出青蒲芽我

為水邊游月魄舒晴華隔籬見燈火兒語時紛拏想像

澤南州寄興棲雲霞徒渠非知音我意亦自嘉

保德軍中秋

定羌城下河南流定羌城上三層樓使君置酒勞行役

今夕何夕當中秋孤烟落日明天末洶涌碧雲俄莫合

惺惺騎馬雨中歸造物戲人無乃虐純如戍鼓方三更

夢回一室還虛明出門驚笑遽如許浮雲四卷秋天清

誰家高會擊珠箔笑語聲從雲外落倦客明朝又短亭

行人何似居人樂

雪和坡公韻

門外黃昏噪晚鴉瑤塵細逐九雲車豐年待作三登兆

莫景重開六出花濁酒無人同此興扁舟有客訪誰家

明朝試望東林樹百尺寒梢倚玉宇

登陶唐山寺

嶺外高槐驛路長嶺頭蕭寺俯朝陽定知絕頂有佳處

聊與瘦藤尋上方千里好風隨野色一軒空翠聚山光
道人底是怜行役不惜禪床坐午涼

到廣黃河

清漳節物似清江不復尊鱸夢故鄉歷下果能留太白

鏡湖端是屬知章身隨客路常岑寂心與沙鷗共渺茫

尚因馬蹄三百里小舟聊與過滄浪

簡王溫父昆仲

荷鉏小小半溪香槐幄陰陰一畝涼飛絮亂將春色晚

欽定四庫全書

中州集

行雲間屬莫山長求田已喜成三徑適意真堪寄一觴

君是山陰換鶯手可無傑句傲風光

秋日和張溫仲韻二首

琴裏忘憂盡日彈百憂俱息夜初闌青燈把卷逢真味

綠酒傾尊破薄寒月色半留梧影上露華應到菊花園

在家須信貧猶好夢想人間行路難

照水疎林萬木蒼迎軒爽氣一襟涼有時獨聽溪春坐

無事方驚晝景長雲薄西山聊隱見烟橫白鳥去微茫

可憐騎省多秋思拘士安能識大方

和彥及牡丹時方北趨薊門情見乎辭

舊年京國賞春濃千朵曾開共一叢好事祇今歸北圃

知音誰與醉東風臨觴笑我官程遠賦物輸君句法工

却笑燕城花更晚直應趁得馬家紅

戲揚新城

長短亭中竟日忙解鞍初喜水雲鄉風前列席花鈿秀

欽定四庫全書

卷一

四五

雨後行厨杏粥香春色紛紛驚過眼歌聲故故促傳觴

蓬萊殿下同年客定笑狂夫老更狂

和曹景蕭暮春即事

戶部尚書望之

翁頭春色開重耐門外春風改祫衣灼灼向來花又笑

翩翩幾處燕子飛山陰未辨羲之集沂上聊從點也歸

節物驚心遠如許却因觀化識天機

并門無竹舊矣李文饒嘗一植之至今寺僧日為

平安報其難可知已官舍東堂之北種碧蘆以

寄意因作長句

青君那肯顧寒鄉試著葭蘆擬汶篁有若何堪比夫子

虎賁猶想見中郎色添新雨簾櫳好聲入微風枕簟涼

他日東堂慙政拙只將此物當甘棠

春陰

城上春陰暗晚空城頭山色有無中似聞啼鳥來幽樹
已有游絲曳好風流水小橋歸未得落霞孤鶩興無窮
林花不解東君意邀勒遊人未破紅

欽定四庫全書

卷一

四六

初至洛中

水北酴醿半欲芳長條十丈更餘長春風得得憐羈客

借與窗櫺六日香

雷州道中

扇底無殘暑西風日夕佳雲山藏客路煙樹記人家小
渡一聲擣斷霞千點鴉詩成鞍馬上不覺在天涯

飲陳氏第代主人留客

風定息林葉雨晴開夕陽停歌方待月揮羽且傳觴文

舉客常滿次公醒亦狂更闌君莫去促席就新涼

寄通州王倅

長夏少人事官閒簾戶深枕涼秋入夢林密翠交陰適
欲非吾事謀閒遂此心絕交吾豈敢覓句識知音

出居庸

亂石妨車轂深沙困馬蹄天分斗南北人問日東西側
脚柴荆短平頭土舍低山花兩三樹笑殺武陵溪

葵花

欽定四庫全書

中州集

甲七

北墉開處葉森森政以多花負賞音小智區區能衛足
孤忠耿耿祇傾心

讀史

伯陽名迹世人知太史成書未免譏不是道家齊物我
豈容同傳著韓非

閭山

西風絕境撫孤松千里川原四望通但恠林梢看鳥背
不知身到碧雲中

十三山下村落

閭山盡處十三山溪曲人家畫幅間何日秋風半篙水
小舟容我一蓑閒

暮春

陌上歌聲枕上聽秋千梧影兩亭亭春風三月正花好
曉日一竿初酒醒

即事

竟日開編樂有餘古人妙處不欺予胷中更著五千卷

欽定四庫全書

中州集

甲八

未到漢家城旦書

燕山道中三首

欸段乘涼未五更徐河十里霧中行前邨烟樹望不見
欲到忽聞雞犬聲

又

獨輪車重汗如漿蒲鞋芒鞋亦販商我自行人更怜汝
却應達者笑予狂

又

燕南趙北困風埃，投宿雲居眼暫開。
明日都門選官路，逢人羞道見山來。

太白捉月圖

寒江覓得釣魚船，月影江心月在天。
世上不能容此老，畫圖常看水中仙。

雪谷早行圖

冰風刮面雪埋屋，客子晨征有底忙。
我欲題詩還自笑，東華待漏滿靴霜。

欽定四庫全書

中州集

五九

華亭圖

頭無片瓦足無土，不犯清波過一生。
釣得金鱗便歸去，依然明月大江橫。

畫眉曲七首

樓外春山幾點螺，樓頭望處染雙蛾。
不知深淺隨宜否，却倩菱花問眼波。

又

小閣新裁寄遠書，書成欲遣更踟躕。
黛痕試與雙雙印，數點章臺走馬人。

封入雲箋認得無

又

纖葉斜橫蜀柳條，拂成風思自妖嬈。
元和才子才猶拙，只對春風詠舞腰。

又

畫手新翻十樣圖，西巡故事出成都。
憑君列置華堂上，與問丹青解語無。

又

龍尾雲根玉作紋，紋間有月半痕新。
若為喚取文姬輩，

中州集

卷一

五九

分付雲窗筆下春

又

未識春愁識曉醒，嬌啼恰恰似雛鶯。
日高阿母嗔粧晚，促畫鴉兒轉不成。

又

時世華粧巧鬪春，張卿態度獨清新。
五陵年少多才思，數點章臺走馬人。

高內翰士談

三十首

士談字子文一字季默宋韓武昭王瓊之後宣
和末任忻州戶曹仕國朝為翰林直學士皇統
初預宇文大學之禍有蒙城集行于世如云寒
花貪晚日瘦竹強秋霜又題禹廟云可憐風雨
胼胝苦後世山河屬外人時人悲之子公振字
特夫亦有詩名

梨花

欽定四庫全書

中州集

五

中原節物正梨花配寒食黃昏一雨過滿地嗟狼籍塞
垣春已深花事猶寂寂朝來三月半初見一枝白爛熳
雪有香瓏鬆玉仍刻芳心點深紫嫩葉裁輕碧嬾慢不
出門雙併貯春色殷勤遮老眼邂逅慰愁夕一尊對花

飲况有風流客酒闌思故鄉相顧空歎息

將赴平陽諸公祖席分韻作

灞橋波似箭南浦草如裙此夜燈前淚他年日暮雲醉
和醒一牛悲與笑相分莫作陽關疊愁多不忍聞

予所居之南下臨短壑因鑿壁開窗規為書室坐

獲山林之趣榜曰野齋且作詩約諸友同賦

我本麋鹿姿強服冠與簪束縛二十年夢寐遊山林竭
來古晉國官舍南城陰鑿壁取疏豁開窗舒滯淫山光
射几席野色供登臨怡顏盼庭柯明目增遙岑草木遍
榮落雲烟自浮沈玩彼物色變感此歲月侵兀坐獨無
人窺簷轉幽禽誰知城市中閒若郊居深巷陋顏子樂
地偏陶令心一室亦何有狼籍書與琴晴暉朝徙倚皎

欽定四庫全書

中州集

五

月夜相尋欲賦畔牢愁先為梁父吟詩成輒自和酒熟
時孤斟結茅會有期種竹當及今日來官更忙塵埃滿
衣襟暮歸唯憇卧筋力殊不任常思返丘壑豈願紓朱
金遙知北山處猿鶴餘清音

春愁曲

壓花曉露萬珠冷金井咿啞轉纖綆寶階寂寂苔紋深
東風搖碎湘簾影芙蓉帳暖春眠重窗外啼鶯喚新夢
推枕起來嬌翠顰一線沈烟困金鳳游絲飛絮俱悠颺

慵倚繡床春晝長郎馬不嘶芳草暗半篩急雨飛橫塘

次韻東坡定州立春日詩

清風終日自開簾吏散空庭雀噪簷午醉醒來無一事
地偏心遠似陶潛

秋興

柳色看猶未梅花折已堪流年空客恨舊事與誰談落
日窺愁絕東風半醉酣雲深歸曉鴈水暖浴春蠶從事
終無愧空餐色有慙家山方杳杳官府謾覃覃隱几心

猶靜焚香臭觀參語新憐鵠喜聲鄙惡鵠貧旅迹何時
定歸心不厭南佳辰近燒燭盛事憶傳柑學業虛千卷
生涯寄一庵誰能弔雙影無月不成三

欽定四庫全書

中州集

五三

集東坡詩贈程大本

十圍偏腹貯天真謀道從來不計身公業有田常乏食
陶潛無酒亦從人異同更莫疑三語飢飽終同寓一座

待我南游載君去扁舟歸釣五湖春

曉起戲集東坡句二首

簟紋如水帳如烟一榻清風直萬錢困卧北窓呼不起
老夫風味也堪怜

又

鼓角邊城暮關河古塞秋淵明方止酒王粲亦登樓搖
蕩傷殘歲樓遲憶故丘乾坤尚傾仄吾敢歎淹留
村行

墟落依林莽茅廬出短牆兒童避車馬父老饋壺漿半
溼田新雨猶青橐未霜逢人問豐歉一一歎聲長

欽定四庫全書

中州集

五三

不眠

不眠披短褐曳杖出門行月近中秋白風從半夜清亂
離驚昨夢漂泊念平生淚眼依南斗難忘去國情

秋晚書懷

蕭蕭霜秋晚荒荒塞日斜老松經歲葉寒菊過時花天
闊愁孤鳥江流闊斷槎有巢相喚急獨立羨歸鴉

早起

曉起先烏鵲愁多竟不眠風霜嚴塞草星月淡秋天落

葉親攜帚垂瓶自汲泉禁門朝萬馬魂斷憶當年

春日

遲日回輕暖東風埽積陰客愁眉上見春意柳邊尋健
犢躬畊計歸鴻去國心醉鄉如可隱會放酒杯深

庚戌元日

舊日屠蘇飲最先而今追想尚依然故人對酒且千里
春色驚心又一年習俗天涯同爆竹風光塞外只寒烟
殘年無復功名望志在蘇君二頃田

次伯堅韻

公道向來惟白髮浮生何處用黃金東風吹散三年恨
春色驚回萬里心急景只教人貌改滄溟不放酒杯深

異時儻及公榮酌準擬歸來卧柳陰

次韻飲嵒夫家醉中作

月中招得飲中仙草露吹風酒淨便地有溪山真可樂

人如冰雪自無眠清新李白詩能勝勃窣張憑理最玄

功業本非吾輩事此身聊復鬪尊前

晚登遼海亭

登臨酒面洒清風竟日憑欄興未窮殘雪樓臺山向背
夕陽城郭水西東客情到處身如寄別恨他時夢可通
自歎不如華表鶴故鄉常在白雲中

風雨宿江上

風雨蕭蕭作暮寒半晴煙靄有無間殘紅一抹沈天日
溼翠千重隔岸山短髮不羞黃葉亂寸心常羨白鷗閒
濤聲午夜喧孤枕夢入瀟湘落木灣

棣棠

閒庭隨分占年芳裊裊青枝淡淡香流落孤臣那忍看
十分深似御袍黃

雪

簌簌天花落未休寒梅疎竹共風流江山一色三千里

酒力消時正倚樓

苦竹

密葉脩莖雨後新肯因憔悴損天真清如南國紉蘭客

瘦似西山採蕨人

睡起

平生心性樂疎慵多病追歡興亦空
睡起不知春已老

一簾紅雨杏花風

楊花

來時官柳萬絲黃去日飛毬滿路
傷我比楊花更飄蕩

楊花只是一春忙此詩亦嘗載橘林集中然子文集是其子特夫手錄恐無誤收者故從之

道中

欽定四庫全書

中州集

卷一

欽定四庫全書

中州集

卷六

山南山北一聲雷

丙寅刑部中二首

世事邯鄲枕歸心渭上舟釀來無朕兆意外得俘囚忠
信天堪仗清明澤自流藜羹猶火食永愧絕糧丘

又

幽囚四十日坐穩穴藜床縲紲元非罪艱難已備嘗全
家音頓阻孤枕夢難忘會有相逢日牽衣話更長

二月十一日見桃花

鳴鳩天色半陰晴竹屋松窗老寸心閉戶不知春早晚
桃花紅淺柳青深

志隱軒

家居瀟洒似江村花草侵階水映門元亮結廬山挂眼
孔融好客酒盈尊肯教軒冕移心志未厭林泉入夢霓
我亦平生倦游客一廛無處問東屯

偶題

欽定四庫全書

中州集

卷六

羨他田父老於農遠是莊西與舍東不似宦游情味惡
半生常在別離中

馬御史定國三十一首

定國字子卿莊平人唐中令周裔孫少日志趣
不凡宣政末題詩酒家壁有蘇黃不作文章伯
童蔡翻為社稷臣之句用是得罪亦用是得名
阜昌初遊歷下亭以詩撼齊王豫豫召與語大
悅授監察御史仕至翰林學士石鼓自唐以來

無定論子卿以字畫考之云是字文周時所造

作辨餘萬言出入傳記引據甚明學者以比蔡

正甫燕王墓辨初學詩未有入處夢其父與方寸白筆從是文章大進自號齊堂先生有集傳于世

宿田舍

狂風作埽春陰投宿田廬話古今尊俎只如平日事
干戈方識故人心淒涼一樹梅花發迤邐千門柳色深

欽定四庫全書

中州集

卷九

欽定四庫全書

中州集

辛

招康元質

結髮游荆楚勞心惜寸陰草長春逕寒花落曉烟深穀
旱惟祈雨年饑不問金三齊雖淡薄留此亦何心

客懷

天子蒙塵終不返酒酣相對泣沾襟
清平道中
棘林苦苣野花黃一馬駿駿渡灤陽別墅酒旗依古柳
點溪花片落新香伏波事業空歸漢都護田園不記唐
今日清明過寒食又將書劍客他鄉

登歷下亭有感

男子當為四海遊又攜書劍客東州烟橫北渚芰荷晚
木落南山鴻雁秋富國桑麻連魯甸用兵形勢接營丘

傷哉不見桓公業千古遼城空水流

長相思

澗谷流秋水樓臺入暮寒連城遭雨積一日得泥乾利
劍青鸞室名駒白鐵鞍回頭棲隱地風樹響珊瑚

秋日書事

南山悠悠去天尺雀寒未晚爭投棘野人籬落不勝荒

溪欲絕流堆亂石小園蔬藥知有無未免杖藜煩兩屐

霧蒙甘菊細莖紫風動牽牛晚花碧鄰舍翁歸竹几空

秋天日落松窗寂小杯翻酒足自娛間巷浮沈真可惜

讀莊子

吾讀漆園書秋水一篇足安用十萬言磊落載其腹北
風熟粗梨冷日照鴻鵠人生固多事端坐至秉燭

雪霽

高巖旭日吐深蘋雪霽樓臺白玉京獨往南塘探春色
枇杷花下竹雞鳴

寒食

燕泥半落烏衣巷柳色全添綠綺窗且伴丁香過寒食

弄晴蝴蝶一雙雙

楊休烈村居

籬落牽牛放晚花西風吹葉滿人家閉門久雨青苔滑

時見鴛鴦下白沙

游何氏園

八尺龍蛇薜荔牆瘦松疎竹更蒼涼梅花映水無人見
隔岸飛來片片香

四月十日遇周永昌二首

竹裏涓涓雨未晴日高窗牖受虛明數家燕雀青雛出
是處園林綠顆成貧覺酒盃真有味病思丘壑豈無情
東山舊隱許相過他日秋原看耦耕

又

幼時種木已巢鳩猶向花前作酒顛郭外青山招晚出
園中明月照春眠世無蘇黃六七子天斷文章三十年

今日逢君如舊識醉持杯酌望青天

過李湘

數樹高槐散乳鴉時於缺處見黃花涼風不斷如流水
相對胡床生日斜

雪

紅樓翠瓦不禁寒欲剪梅花去路難淨埽竹亭聊飲酒

恰如明月照金盤

懷高圖南

劉乂一狂士尚得韓愈知君才百劉乂知者果其誰三
隨計吏貢躡屩游京師文章善變化不以一律持碧海
涵萬類青天行四時去年高唐別河柳搖風枝今年清
明飲高花見辛夷茲來又幾日軍檄忽四馳尺書無處
寄相見果何期白日鬪龍蛇黃塵笳鼓悲春風獨無憂

吹花發江湄一杯送歸雁萬里寄相思

欽定四庫全書

中州集

卷一

送王松年之汶上

去去東平道飛轍不可攀地隣邾子國天近穆陵關問
俗徵前事移家卜好山溪堂醉花月春興幾時還

香嚴病中

九州四海盡行路萬戶千門非我家金彈不徒驚燕雀

春雷終待起龍蛇

題崇子中庵

羨君高節似陶潛五畝園林老不添遯世人情雖淡薄

開門秋色自清嚴案頭黃卷香終日砌下蒼苔雨一簾
後夜中秋更應好隔窗雲木看飛蟾

郢州城西

秋江白水浪花簾虛落人歸鳥自呼新月高城三百雉
角聲吹徹小單于

送圖南

壺觴送客柳亭東回首三齊落照中老去厭陪新客醉
興來多與古人同戍樓藤角垂新綠山店檉花落細紅

欽定四庫全書

中州集

卷一

他日詩名滿江海齊堂相見兩衰翁

秋日書事

井邊蕙草吐秋珠舍下瓜區雜芋區世道未夷聊小隱
不須辛苦著潛夫

村居五首

溪頭梅是去年花閒日初長逕竹斜向晚孤烟三十里

不知樵唱落誰家

又

蠶蛹成蛾桑柘稀海棠花發照牕扉離騷讀罷無人會

獨立溪南看夕暉

又

五月南風化蟪蛄野塘晚筍未成蒲檉花落盡紅英細

沙渚鴛鴦半引雛

又

柿葉經霜菊在溪天寒落日見雞棲西家有客芻新酒

紅葉蕭蕭蓋茅畦

欽定四庫全書

中州集

卷五

中州集

卷六

又

歲暮行人竟不來空吟溪樹覓寒梅何時消盡關山雪

收拾春風入酒杯

宣政末所作二首

蘇黃不作文章伯童蔡翻為社稷臣三十年來無定論

到頭姦黨是何人

又

山杏山桃取次開紅紅白白上樓臺移將海底珊瑚樹

乞與人家也不裁

中州集卷一



總校官庶吉士臣侍朝
校對官庶吉士臣陳文樞
謄錄監生臣趙友彬

欽定四庫全書叢要

中州集卷二
集部

欽定四庫全書叢要卷二萬七十五集部

中州集卷二乙集

金元好問輯

太常簡一十二首



簡字廉夫單父人宋末登科國初倅某州仕至朝奉郎太常丞兼直史館有嗚嗚集行於世其詩說有云予政和丁酉任洛州教官是時括蒼鮑慎由欽止出所注杜詩說天王守太白守讀

欽定四庫全書

卷二集

如狩於河陽之狩高秋登寒山南望馬邑州馬邑州在城州界予檢唐書志寶應元年徙馬邑州於鹽井城欽止為有據矣舊注馬邑屬鴈門與杜子美作詩處全無關涉後人遂謂王源叔謬於牽引不知源叔初不注杜詩予識其孫彥朝彥朝不說杜詩非其大父注蓋彥朝不學見流俗皆讀舊注因而認有可歎可歎好問常以此問趙禮部趙云廉夫前輩必不妄試更考之

今日見吳彥高東山集有贈李東美詩引云元

濁酒最關情比類甚多

舟次丹陽

祐間秘閣校對黃本鄧忠臣字慎思余柳氏姨之夫今世所注杜工部詩乃慎思平生究竭心力而為之者鏤板家標題遂以託名王源叔翰林兩王公前後記初無一語及此注而後記又

言如源叔之能文止作記於後則源叔不注杜

詩為可見矣舉世雷同無為辨之者宣和近貴

李東美有才藻善行書且喜作小楷所寫杜集

船頭東下赴晨鐘
船外清霜氣暗通
斷雁聲歸烟靄裏
孤帆影落月明中
隋河波浪千年急
梁苑池臺一半空
試問碧堤無限柳
敗條衰葉幾秋風

下第魚臺東寺

病眼逢花亦倦開
流鶯飛去悵相猜
多情却愛僧堂燕
才得春風却再來

欽定四庫全書

卷二

青奴

名實於人不可誣
馬牛我亦受人呼
世間物化多難曉
誰謂比君為此奴

雜詩二首

雨後清寒滿袖風
雁聲南去暮雲濃
秋來杞菊能多少

欲助盤飧自不供

又

榴花嬌欲鬪羅裙
石竹開成碎綺文
更有戎葵亦堪愛
髮渾無賴朱顏更不回
遮眼細書聊引睡扶頭

日烘紅臉酒初醺

虛極齋獨坐

虛齋長鋏短燈檠明月當空夜氣清却掩塵編時閑目

胡床獨坐聽秋聲

相國寺鐘

寒雞縮頸未鳴晨已聽春容入夢頻未必佛徒知警悟
祇能喚起利名人

春日

欽定四庫全書

中州集

四

鶯語相喧浩蕩春落花細點禁街游絲飛絮狂隨馬
遲日和風欲醉人

夏雨

電掣雷轟雨覆盆晚來枕簟頗宜人小溝一夜水三尺
便有蛙聲喧四隣

和常祖命二首

著書不得自名家卷裏蠅頭散眼花未用一杯張翰酒
正須七椀玉川茶

又

操筆文章學古風平生羞與腐儒同相如雖有凌雲賦

不及東方射守官

檢旱

草樹連雲綠間黃年饑村落自荒涼晚蟬抱樹聲聲急

野菊迎人細細香

張子羽三首

子羽字叔翹東阿人馬定國齊堂集載其師友

欽定四庫全書

中州集

五

六人其一香嚴可道上人題比陽道邊僧舍云
山頭翠色僧房靜山下紅塵客路長五月行人
汗如雨豈知高處有清涼其一鮮于可字東父

蜀嘉州人從祖侁父之武皆有名於時東父詩
有小雨潤履綦花氣襲芳襟十里青山堪布屐

半篤春水已勝舟之句其一高鵠化字圖南平

原人少有能詩聲如盤中酒影金蛇活與流虹
聚石矼之句皆奇怪不凡其一王景徽字彥美

祁國文獻公溥之後贈定國詩云澗下松杉已
蔽牛溪中蘋藻可供羞故鄉未有終焉計欲指
吳山歸去休其一吳縝字子長東平人文肅公
奎之孫年三十以食貧暫仕即歸隱於魚山狼
溪之側寄定國云情馳夏日流目斷晚雲碧新
詩從何來遠自金馬客雄深作者意奔軼古人
迹名高四海望殷未一荅白應嗤窮途士抽簪
老泉石采蕨在南山驅牛向東陌勞生豈不苦

衣食迫晨夕膏粱無宿懷茅茨得真適卒歲將
何求一飽惟力稽訪國城石氏云昔我訪君處
樹涼炎暑收今君訪我來城空殘雪留經時少
乘興兩至皆空投茅茨隔溪上車馬度城頭不
聞機杼聲但聽溪水流向來方圓翁曾伴此中
遊近聞大梁至京塵滿衣裘相思懶歸步落日
風颸颸山居云西首魚山崦北連黃石祠崇岡
在東南我家山北陲地僻少人事終朝掩柴扉

尊酒不常得書卷聊自怡春風數日來處處生
蕨薇寸心復何累一飽良可期當年終南人捷
徑以貽譏知我無心者豈顧悠悠辭擬淵明貧
居云淒其歲云莫北風無時休晨興倦薪水夜
寐乏衾裯缺月正裴回宿鳥頻啁啾欲無憇悴
歎柰此霜霰秋松楸脫兵火環堵且淹留閉門
念袁安守賤弔黔婁坐讀貧士詩吾乃淵明傳
溪上招王仲先云幽居復何為久來性成懶柴
門俯清溪寸步出亦罕今晨偶攜杖愛此晴日
暖寓目隨所之行到南溪畔背陰雪猶積向暖
水全泮墮頤卧石上仰面蒼崖斷泉聲何從來
乍喜雨耳換平分意甚遲斗落勢方悍坐來百
慮忘還惜日景短塵寰多憂虞中林足閒散故
人戀明時歸休苦遲緩幅巾來何時臨流話幽
欸叔翔亦其一也定國謂叔翔於文章無所不
能嘗仕國朝官洛陽云

游龍門訪潛溪僧舍

入谷訪精舍鍾聲先遠聞陽光時翳竹泉脈俄當門山僧禁足久暝目誦徹言要知鹿臺守但指山頭雲策杖御枯西幽蘭秀荆榛風烟浩難及薄莫花紛紛

宿寶應

重巖烟靄合寶閣春風莫山深月影遲坐久識歸路伊昔府中彥征驍同夜駐徂年能幾時變滅等輕霧禪房伴茗飲宜待酒中趣卧來清不寐瘦鶴驚宿露黎明覓

欽定四庫全書

卷二

八

舊題松間宛如故又作已復等驚露

壽張和滑益之

理髮秋庭趁夕陽靜中誰可共傳觴雲橫故國三年別水遠孤村六月涼病眼只貪書味永渴心頻夢橘奴香魚山早有終焉計少日應容解印章

朱諫議之才一十七首

之才字師美洛西三鄉人宋崇寧間登科入齊為諫官坐直言黜為泗水令尋乞閒退寓居磁

陽因而家焉兄弟數人皆有文名師美自號慶

霖居士有霖堂集傳於世如云魯甸分鴻影齊山入馬蹄門靜堪羅雀書成不換鵞雨過好花紅帶潤日長嘉樹綠移陰此類甚多子瀾字巨

觀

南越行

南越太后邯鄲女皓齒明眸照蠻土珊瑚為帳象作床錦繖高張擊銅鼓太液池內紅芙蓉自怜謫隨蠻烟中

欽定四庫全書

卷二

九

灞陵故人杳無耗深宮獨看南飛鴻隨兒作帝心不願

惟願西朝柏梁殿茂陵劉郎亦可人遣郎海角來相見

金猊夜燎龍涎香明珠火齊爭煌煌番禺秦甸隔萬里今夕得遂雙鴛鴦白首相君佩銀印干戈欲起蕭墻爨莫言女子無雄心置酒宮中潛結陣陣漢家使者懦且柔纖手自欲操霜矛孤鸞竟落老梟手可憐空奮韓千秋樓船戈鋌師四起或出桂陽下灘水越郎追斬呂嘉頭九郡同歸漢天子尉佗墳草樂番青霸業猶與炎洲橫

玉璽初從真定得黃屋却為邯鄲傾五羊江連湘浦竹
嬌魂應伴湘娥哭

後薄薄酒二首

薄酒可以謀醉不必霞滋玉味
簾布可以御冬不必狐貉

蒙茸醜醜婦可以肥家不必楚女吳娃獨夫長夜商祚
訖羲和酒淫紊天歷李白跌宕三百盃阮籍沈鬱六十
日眠羈吏部寡廉恥解脫常侍懶法律儻使飲薄酒未
見有此失秦昭狐腋幾喪首鄭減鷗冠貽厥咎龍裘金

玦豈不哀繡衣朱祿固無取皆緣簾衣惡不御賈禍招
譏亦何有夏姬滅兩國驪姬禍五世捧心顰眉亡夫差

墮髻啼粧敗梁冀醜婦似可惡終不至顛沛勸君飲薄
衣簾娶醜婦比樂人間最長久

又

薄酒簾衣吾何悲醜婦自醜吾不知道眼混圓宜不二
嫩惡妍陋無殊歸瓦礫石臼斟吾酒脫粟藜羹皆可口
醉境陶然無後憂玉盃浮蛆彼何有漢文天子猶弋繩

士服簾布乃所宜要繩屐葛同一暖霧縠冰紈徒爾為
無鹽如漆后齊桓孟光舉曰配伯鸞古來傾城由哲婦
有國乃令家國安我能遣婦縫簾對婦飲薄傍人大笑
吾不惡

寓言二首

獸有善觸邪草有能指佞獸草非有心不移本天性前
王著臣冠俾爾効端鯁如何不稱服觸指反忠正吾欲
取二物豢植列臺省一令邪佞徒奔逃亟深屏

風雨晦時夜雞鳴有常聲霜雪枯萬幹松柏有常青內
守初已定外變終難更若人東世利浮沈無定情俯仰
効桔槔低昂甚權衡反出木鳥下徒為萬物靈

謝孫寺丞惠梅花

我來泗水上居與墟墓鄰彌望夕棗栗礙眼皆荆榛忽
忽度歲月不知時已春朝來佳公子遺我梅花新秀色
照牕几妙香襲衣巾芬如瓦礫場驚睹瓊瑤珍念昔客

江南千樹臨江津吳儂不知貴但與桃李倫自從墮東

土夢遶江之濱嘆彼和鼎寶亦復生不辰窮愁坐空山

豺虎雜鷹麟此贈意不淺難為俗子陳

次韻東坡跋周昉所畫欠申美人

巫峽昭君有奇色毛生欲畫無由得但作東風背面身

看來已可傾人國朝來睡起鬢髮垂手如春笋領蝤蛴繡帷幽夢斷難續想像翠黛顰脩眉春光三月濃於酒

燕燕雙飛鶯喚友不教膩臉露桃花且喜腰支似楊柳

欽定四庫全書

中州集

十三

君不見漢宮多病李夫人轉面不顧君王嗔古來畫工

畫意亦自足烟霧玉質何由真

暴雨

掣電奔雷掩靄間崩騰白雨襲人寒頽山黑霧傾濃墨倒海衝風瀉急湍勢似陽侯夸海若聲如項籍破章邯

炎歎一濯須臾耳已看天圍碧玉寬

宿閑廬

澹烟衰草慵回首晚日殘霞欲斷魂脫帽卸鞍投逆旅

蕭蕭黃葉水邊村

十月十五日夜作連枝詩四首

披衣開戶幾宵興永夜無眠魂九升坐覺飛霜明瓦屋

天如寒鑑月如冰

又

天如寒鑑月如冰僵卧家僮喚不應却憶少年游太學蕭然獨對短檠燈

蕭然獨對短檠燈

欽定四庫全書

中州集

十三

蕭然獨對短檠燈引睡翻書睡幾曾自笑年來愛患熟

跏趺真作坐禪僧

又

跏趺真作坐禪僧不學窓間故紙蠅湛若琉璃含寶月此中無減亦無增

臥病有感二十韻

臯蘇粲園英澤芝紛水葉赤弁舞纖肌黃袍緩老頰鳴

飛各有適吾獨嗟衰榮齒髮久已疎又復失調燮梁肉

謝鼎俎參苓富巾篋葵扇風未來桃笙汗初浹呻吟和

哀蟬夢寐追化蝶撫枕念平生世故飽更涉弱齡負奇

志胸蟠燁燭曉夜溪傳嵩訪朝待渭濱獮苟夾歲九遷

康侯日三接功業著鐘鼎聲名垂史牒那知事大謬舉

趾得躡跕多難集莫年百願亡一愜寒灰消寸心清淚

腐雙睫坐令孤鵬騫化作瘞鶯跕憂來復自慰人生幾

蓂莢呼吸過百歲俯仰失千劫乘流須縱櫂遇坎即停

楫此語不成騷商歌鼓長鋏

欽定四庫全書

中州集
卷二

十四

復用九日詩韻呈黃壽鵬

忽忽天星二十九當年曾醉瓊林酒

癸未歲登科第春

風射策紫垣深猶記靈和殿前柳與君雖異干佛名出

入南宮同戶牖春蠶食葉七千人看君運筆如揮帚妙

齡忠氣軼衡嵩餘子紛紛真培塿那知晚節岱陽城白

髮蒼顏兩閒叟君材有如萬斛舟顧我碌碌才宵斗時

窮壯士或飯牛遇合封侯起屠狗東臯有田供王賦天

寒且輟扶犁手寂寥圭竇對書冊火冷燈青夜方久先

生乘興肯相過亦有青錢沽玉友

七夕長短言

牛不可以服箱女不可以成章其名則然實豈爾政如

箕斗難挹揚河漢特水象安有波浪為津航惟鵠乃巢

居詎能上天構橋梁星經有躔次東西永相望今夕復

何夕乃謂合併如鸞皇一人唱誕惑萬世浪令兒女爭

猖狂鉢牛載槃何等秩金梭擲地殊荒唐吾命有貴賤

吾性本直方探官與乞巧是豈吾所減何如舉酒邀明

欽定四庫全書

中州集
卷二

十五

月更遣清風屏炎熱星光落盡黃金空露華繆袂真珠

滑我方幕天席地醉兀兀癡牛駛女知何物

水月有興

明月落湖水天淵體俱一浩蕩碧琉璃此寒玉璧微

風觸湖波合散作六七浮光逐水紋金蛇勢盤結人心

湛寂初與月同清質外累一汨之萬態紛殊迹因知養

心者無為風浪失

劉內翰著二十四首

著字鵬南舒州皖城人宣政末登進士第歸朝

預銓調碌碌州縣年六十餘始入翰林充脩撰

出守武遂終於忻州刺史皖城有玉照鄉既老

號玉照老人示不忘本云

次韻彥高即事

福威看九落筆削在麟經中道亡三鑑危時憶九齡網羅無處避鼙鼓不堪聽身遠遼陽渡心懷峴首亭脫巾頭半白傾蓋眼誰青斷雁西風急潛然涕泗零

順安辭呈趙使君二首

太平時世屢豐年勝事空聞父老傳郭外桑麻知幾頃船頭魚鱗不論錢

又

六朝興廢渡河年舊國歸來更黯然八月邊城山未雪

蘆花藉藉已漫天

次韻王子慎玉田道中一首兼呈韓公美閣老

東晉風流屬子猷開元峭直讓韓休絲綸對掌驚三雋

尊酒更酬失四愁古道陰陰槐樹老歸鴻杳杳荻花秋浩然詩思天涯遠月滿江南小謝樓

出榆關

羽檄中原滿萍流四海間少時過桂嶺壯歲出榆關奇禍心如折羈愁鬢已斑楚纍千萬億知有幾人還

渡遼

身隔遼東渡心懷冀北羣會歸蘇屬國却憶范將軍風陣橫秋雁雷聲吼夜蚊方言莫相笑唐梵本殊分

至日

亂離南國忽經年一線愁添未死前心折靈臺候雲物眼看東海變桑田燕巢幕上終非計雉畜樊中政可怜安得絕雲行九萬却騎鯨背上青天

次韻彥高莫春書事

戊申歲

平生漫浪老清暉却埽丘園屬少微世亂傷心青眼舊天涯流淚白雲飛羈愁只憶中山酒貧病長懸子夏衣澤畔行吟誰念我祇應形影自相依

寄題張浩然松雪樓

入座山光秀玉柯岸中絕景意如何瘦來豈為寒松句

和寡還驚白雪歌地近雲烟來鶴駕簷高星斗瀉銀河

懸知老子登臨處渺渺滄波月色多

次韻彥高占雪

天秋鼓南風雲海飄莫雪三春猶互寒九夏那苦熱土

圭測中氣嘗聞先儒說窮髮多異宜泥古誠亦拙吳侯

擅六藝名宦端不屑晚歲登泰山蚕已探禹穴千歲可

坐致不待數旬月重陰畏坎陷五陽欣夬決君子方履霜渠肯蹈覆轍雞猪與魚蒜幸可充朝餕

枕上言懷

九土將分裂中原政擾攘孰為真漢相却憶假齊王晉

室遷神鼎梁園作戰場可憐羈客夢夜夜在家鄉

再和彥高

否泰由來在歲星誰聽叩角作商聲一朝漢魏成今古

百口燕秦隔死生雉堞僅能逃病婦雁書猶記作圓兄

雪雲埋盡遼西路有酒如淮柰此情

聞雁

千里寒雲卷朔風當軒月午雁書空煩君為報江南客

顛願遼東更向東

閨情二絕

己酉

天邊北斗又回春愁絕龍沙任酒醺萬里巫山歸夢斷不知何處覓行雲

又

蕙帳金爐冷篆烟故山春草幾芊芊只今唯有瀟湘月萬里相隨照不眠

過白溝趙順安

萬折狂瀾肯倒流歸心夢寐在東周平生快意君知否

今日驅車過白溝

題御城寺壁

一徑埋雲草樹荒石麟蒼蘚卧田桑漢家陵闕今何在

洛水嵩山滿夕陽

月夜汎舟

浮世渾如出岫雲南朝詞客北朝臣傳郵擾擾無虛日
吏俗區區老却人入眼青山看不厭傍船白鷺自相親
舉杯更欲邀明月暫向堯封作逸民

病中寄楚卿

月滿江樓午夜鐘多情多病一衰翁行雲不道無行雨
只恐相逢是夢中

送客亭

十年羈旅鬢成絲千里淮山信息稀送盡長亭短亭客
且看莊鳥幾時歸

病中言懷呈韓給事

潦倒淮山客金臺五見秋退飛嗟宋鷗畏暑甚吳牛問
疾怜摩詰分曹類子猷自慙無補報只合隱林丘

伯堅惠新茶綠橘香味郁然便如一到江湖之上

戲作小詩二首

建溪玉餅號無雙雙井為奴日鑄降忽聽松風翻瞬眼

却疑春雪落寒江

又

黃鸝猶帶洞庭霜翠袖傳看綠葉香何待封題三百顆
只今詩思滿江鄉

文季侍郎得綠萼香梅子文待制有詩輒亦同賦

一枝綠萼冠羣芳瀟洒猶疑楚岸傍香骨瘦來冰蕊細
夢魂清處月波涼賡酬便合成千首醒醉寧須計百觴
橫玉叫雲吹不盡只教今古洗離腸

施內翰宜生

四首

宜生字明望浦城人宣和末為頴州教官仕齊

仕國朝官至翰林學士自號三住老人有集行

於世賦柳云朱門處處臨官道流水年年遠禁
宮草書云臨池翁忽雲霧集舞劍浩蕩波濤翻
山谷草書云行所當行止當止錯亂中間有條

理意溢毫搖手不知心自書空不書紙社日云
濁澗廻湍激青烟弄晚暉緣隨春酒熟分與故

山遠社鼓喧林莽孤城隱翠微山花羞未發燕

子喜先歸又云割少訶諧語分均宰制功靈祇

依古樹醉叟泥村童萬里開耕稼三時順雨風

行春從此樂著意酒杯中初在潁州日從趙德

麟游頗得蘇門沾丐云

柳

魏王堤暗雨垂垂還似春殘欲別時傳語西風且停待

黛殘黃淺不禁吹

欽定四庫全書

中州集

三

無題

唱得新翻穩貼腔阿誰能得肯雙雙天寧寺裏尊前月

分擘清寒入小窓

盆池

盆池漱灑陰芭蕉點水圓荷未出條分得江湖好風景

斷雲飛去晚蕭蕭

平陽書事

春寒窄窄透春衣沿路看花緩轡歸穿過水雲深密處

馬前蝴蝶作團飛

朱段州自牧二十首

自牧字好謙棣州獻次人皇統中南選宋端卿

榜登科大定初以同知晉寧軍事卒官有詩云

寒天展碧供飛鳥落日留紅與斷霞又云水禽

孤影白霜黑半腮紅海氣升孤月嵒姿起暝烟

山雪尋崖斷林烟逐樹伍燈殘星在辟霜重水

漫衾句法之工類如此

欽定四庫全書

中州集

三

病起書事

牢落衰年病轉侵醫編藥裹廢閒吟卧銷白日塵凝屢
起對青銅雪滿簪霜後癱蠅看老態天邊倦鳥識歸心

維摩不出文殊去門巷蕭條翠蘚深

晨起趨省

鄰鷄一鳴僕再呼三星已在東南隅霜風遠屋伺我出
布衾尚欲留須臾才疎性懶真勉強飢寒見迫誰能通

山靈笑我真有謂能使我瘦如陵乎

自鄜州歸至新市鎮時方渡險喜見桑野

閭山自天降為田洛水自湧舒為淵山川險盡鞍馬穩
昔居櫟樞今乘船三年官業無毫髮萬里裴囊更蕭瑟
歸來何以謝鄉間細說艱難為土物

自鄜州罷任歸宿澠池道中有虎為暴

崤山之阿澠之滸行路蕭條正艱阻日落山空澗水哀
市門靜閉防飢虎前年張茅殺餉婦今歲食驢斷行旅
我來萬里逐一官安可不戒為汝脯晝持弓矢夜枕戈

欽定四庫全書

中州集

卷二

欽定四庫全書

中州集

三

靜匿兒童防笑語白額將軍莫笑人世無劉琨當畏汝
趙鄜州過湖城縣武帝望思臺在焉

寒骨千年飲恨埋餘哀空寄望思臺縱令曲沃精魂見
寧與商山羽翼來趙氏典刑何足正周公畫像可憐開
忍心本自窮兵起巫蠱焉能作禍胎

晉寧感興

莫將官況說葭蘆一味蕭條稱鄙夫老圃不禁蔬代肉
樵丁還喜炕連厨兒音半已漸秦晉鄉信無因接魯沫

三見秋風落庭樹年年歸意負尊鱸

年節嵐州席上贈同知王子直中散

別時風雪暗龍津一夢經年復見君去國光陰雖易得
夾河形勢且平分心如征馬常嘶代身伴秋鴻却渡汾
此日一尊難惜醉新年風景舊知聞

送鄜州節判任元老罷任東歸二首

長途冰雪歲峥嵘客裏那堪送客行萬里歸心應接浙
一尊別酒且班荆春生汶水庭闈近人去雕陰幕府輕
欲仗征鴻寄消息地寒不肯過邊城

又

都騎駿駿指汶陽關門應識棄繻郎暮寒烟浪歸期阻
細雨簷花飲興長束帶暫為彭澤令曳裾休忤漢梁王
邊城情味君應會為說無慘與故鄉

小雨不出寧海司理廳

吏散庭空鎖碧苔冷官門戶幾曾開疎疎細雨槐花落
寂寂虛堂燕子來多病始知窮有鬼獨賢方覺仕無媒

故園拋擲奔馳外剛道江山未放回

過渾源留別田仲祥同知節使

金臺前夢杳無蹤一阻雲山莫計重雙鯉附書常不達
兩萍浮海偶相逢燕南落日車分轍代北春風酒滿鍾
明日去留牽世務燈前談笑且從容

劉仲規挽辭

富貴康強九十春公歸無憾我傷神人間秀氣還蒿岱
夢裏行年屬己辰名姓空留者舊傳衣冠不見老成人

欽定四庫全書

卷二 中州集

三

淒涼通德門前路無復青蒲裏畫輪

訪山寺僧

踏破蒼苔叩竹扃晚晴夜院有餘清幡腰落日紅千颺
簷際遙岑翠一橫種秫公田聊卒歲裁蓮僧社擬投名
從今興熟頻來往未信齋鐘午後鳴

謝吳堡知寨安巨濟贈紙百幅

百幅溪牋遠見羞故人佳餉若為酬幸將晚節收魚網
未得良工起鳳樓柿葉學書差足慰芸香辟蠹會須求

揮毫不見雲烟落愚賈操金愧暗投

清河道中暮歸

緩轡溪邊喜乍晴夕陽流水浸孤城川平佛塔層層見
浪穩商舟尾尾行十里烟霞隨野步兩崖木黍撼秋聲
雨暘雖有豐年兆久客都無地可耕

晚泊濟陽

江北秋陰一半晴晚涼留與客襟清水邊畫角孤城暮
雲底殘陽遠樹明旅鴈為誰來有信斷蓬如我去無程

欽定四庫全書

卷二 中州集

三

寥寥天地誰知己村酒悠然只獨傾

冬日擬江樓晚望

萬里長空淡落暉歸鴉數盡下樓遲山如駭浪高低湧
天侶寒灰黯淡垂紫塞西橫連統萬黃河東下接汾睢
此邦形勢雄今古只與羈人百不宜

對雪

寂寂袁安舍柴門雀可羅青籧無舊物黃竹有新歌罷
飲瓢仍棄供吟筆旋呵殷勤埽荒逕尚憶子猷過

郊行

緩纏尋春水一涯。最憐朝雨浥輕沙。小溪烟重偏宜柳。
平野雲垂不礙花。青眼步兵元好酒。黑頭江令未還家。
興長不覺歸來晚。過盡城頭陣陣鴉。

和郭仲榮郡城秋望

城高野潤思何窮。人在西風一笛中。
樓影不搖溪水淨。春聲相答暮山空。
海天引望能供碧。霜樹經秋更倚紅。
回首客魂招不得。尊鱸歸興滿江東。

欽定四庫全書

中州集

卷二

孫內翰九鼎一首

九鼎字國鎮，忻州定襄人。天會六年經義第一。

人在太學時遊金明作詩云：片片桃花逐水流。

東風吹上木蘭舟，隔溪紅粉休相認。年少孫郎

不姓劉，第九疇億俱有時名。三人同榜登科吳

彥高贈國鎮詩云：孫郎有重名，談笑取公卿。

廟瑟三歎齋房芝九莖，其為名流所稱道如此。

吾州文派先生指授之功為多年八十餘卒。

甄莊三歲真身

三歲未中土時其師授記謂當生自龜茲國來從大業年緣甄駐飛錫夢白出重泉鐵石亦有毀筋骸何尚全應知待彌勒萬劫庇山川

出地

中

劉修撰或二首

或字公茂，安陽人。天眷二年經義第二人，自號

香嵩居士。厯京兆總幕，終於翰林修撰。

春陰

欽定四庫全書

中州集

卷二

似雨非晴意思深，宿醒牽率泥重衾苦冷。
燕子寒相並生怕，梨花晚不禁薄薄簾幙。欲透悠悠歌管壓來沈，
南園北里狂無數。唯有芳菲識此心。

秋雨得雲字

一室蕭然半掩門，簷牙懸溜喜初聞。
棲鴉不動寒偎樹，過鴈無聲冷貼雲。
歷耳半隨風淅瀝，舞堦仍帶葉纘紛。
隔籬為問東臯叟，麌麥前春定十分。

趙內翰可三首

可字獻之高平人貞元二年進士仕至翰林直

學士風流有文采詩樂府皆傳於世號玉峯數人集子述字勉叔承安二年登科賦雪云奇貨可居天種玉太平有象麥連靈屏山故人外傳說勉叔詩章字畫皆有父風性落魄嗜酒卒以樂死傲儻奇男子也

來遠驛雪夕

使高麗時作

江上東風冷不禁晚雲翻手弄陰晴春來天氣不全好

欽定四庫全書

卷二

三

夜久雪花如許深煖老正思燕地玉辟寒誰有魏臺金空齋寂莫青綾被學得東山擁鼻吟

雲興館晚起

雙旌晚泊雲興館對面高峯絕可人一夜山雲飛作雪要誇千樹玉璘珣

江路聞松風

雪裏雲山玉作屏松風入耳細泠泠朝來醉著江亭酒却被鬚龍喚得醒

劉西嵒汲一十首

汲字伯深南山翁之子天德三年進士釋褐廬

州軍事判官入翰林為供奉自號西嵒老人有

西嵒集傳於家屏山為作序云人心不同如面其心之聲發而為言言中理謂之文文而有節謂之詩然則詩者文之變也豈有定體哉故三

百篇什無定章章無定句句無定字字無定音

大小長短險易輕重惟意所適雖役夫室妾悲

欽定四庫全書

卷二

三

憤感激之語與聖賢相雜而無愧亦各言其志也已矣何後世議論之不公耶齊梁以降病以聲律類俳優然沈宋而下裁其句讀又俚俗之甚者自謂靈均以來此祕未睹此可笑者一也李義山喜用僻事下奇字晚唐人多効之號西嵒體殊無典雅渾厚之氣反署杜少陵為村夫子此可笑者二也黃魯直天資峭拔擺出翰墨畦逕以俗為雅以故為新不犯正位如參禪著

末後句為真眼江西諸君子翕然推重別為一派高者雕鷄尖刻下者模影剽竄公言韓退之以文為詩如教坊雷大使舞又云學退之不至

即一白樂天耳此可笑者三也嗟乎此說既行

天下寧復有詩耶比讀劉西品詩質而不野清而不寒簡而有理澹而有味蓋學樂天而酷似之觀其為人必傲世而自重者頗喜浮屠邃於性理之說凡一篇一詠必有深意能道退居之樂皆詩人之自得不為後世議論所奪真豪傑之士也

題西品

人愛名與利我愛水與山人樂紛而競我樂靜而閒所以西品地千古無人看雖看亦不愛雖賞亦不歡欣然會予心卜築於其間有石極峭屹有泉極清寒流觴與祓禊終日堪盤桓此樂為我設信哉居之安

又

卜築西品最可人青山為屋水為隣身將隱美文何用人不知之味更真自古交游少同志到頭聲利不關身清泉便當如澑酒澆盡胸中累劫塵

平涼道中

青山烟無塵塵滿行人衣行人望青山咫尺不得歸吾歸不作難世故苦相違何當臨溪水一洗從前非

南園步月

雲橫樹外山樹映山巔月微風拂寒枝疎光散清樾幽歡難相遇此景安可忽從來山水心不為塵埃沒

不如意

朝亦不如意暮亦不如意今日只如此來日復何異一懼強欲謀百憂已先至乃知塵網苦動輒心萬計高軒與華冕儻來亦如寄規規必欲求愈勞終不遂善哉榮啟期自寬以遣累

慶州回過盤嶺宿義園

隨馬雨不急催人日欲晡山從林杪出路到水邊無拘

縛嗟微官崎嶇走畏途村家應最樂雞酒夜相呼

到家

三載塵勞慮翻然盡一除園林未搖落庭菊正扶疎遠
屋看新樹開箱檢舊書依然故山色瀟洒入吾廬

高陽道中

杏花開過野桃紅榆柳中間一徑通禽鳥不呼村塢靜
滿川烟雨淡濛濛

家僮報西嵒栽植滋茂喜而成詠

欽定四庫全書

卷二 中州集

孤雲出岫本無心何用微名挂士林近日故園消息好
西嵒花木已成陰

留別四弟

對床喜清夜尊酒話平生自是今宵雨於人却有情

酒中作

樹暗春將老酒闌人欲歸裴徊風雪夜花絮一簾飛

劉內翰瞻三首

瞻字嵒老亳州人天德三年南榜登科大定初

名為史館編修卒官黨承旨世傑鄆著作元與

魏內翰飛卿皆嘗從之學嵒老自號櫻寧居士

有集行於世作詩工於野逸如厨香炊豆角井
臭落椿花之類為多

春郊

桑芽粒粒破春青小葉迎風未展成寒食歸寧紅袖女
外家紙上看蠶生

無極道中

欽定四庫全書

卷二 中州集

銀河淡淡瀉秋光缺月稍稍挂晚涼馬上西風吹夢斷
隔林烟火路蒼茫

所見

傾欹石片掉漣漪上有蕭蕭楊柳枝藻荇半浮苔半溼
浣紗人去不多時

郝內翰保二十一首

侯字子玉太原人正隆二年進士仕至河東北

路轉運使子居簡字仲寬進士不第有詩名太

原平陽間居中字仲純樞密院令史出身嘗刺

坊州人物楚楚所謂文獻不足猶超人羣者也

正大末除鳳翔治中南山安撫使詩亦有功子

王自號虛舟居士有集行於世如云勞生雖可

厭清景亦自適殊有古意也

郝吉甫蝸室

草草生涯付短椽身隨到處即安然功名角上無多地

風月壺中自一天世路久諳甘縮首麴車才值便流涎

一生笑我林鳩拙辛苦營巢二十年

聽雪軒

扶疎窗外竹歲暮亦可愛蕭散軒中人高節凜相對清

寒入夢境風雨號萬籟覺來聞雪落澌澌珠璣碎飢腸
出佳句亹亹入三昧華堂沸絲竹此樂付兒輩

魏處士野故莊

郊原冷落霜風後桑柘蕭條兵火餘試問當時鄉與相

幾家猶有舊田廬

七月十五日夜顯仁寺東軒對月

野迥雲歸盡山高月上遲暗蟲依露草驚鵠遠風枝素

影隨波遠新涼與酒宜中秋更有味試為卜歸期

應制狀元紅

仙苑奇葩別曉靄紛衣香拂御爐風巧移傾國無雙艷
應費司花第一功天上異恩深雨露世間凡卉謾鉛紅
情知不逐春歸去常在君王顧盼中

疊翠樓

欽定四庫全書
卷二
畫樓西畔石州山指點雲烟識翠鬟回首十年真一夢

淡天如水夕陽閒

題均福堂三首

欽定四庫全書
卷二
憧憧車馬競春遊不見溪堂五月秋卧聽雲濤春午枕
夢隨鷗鳥落沙洲

又

為魚為鳥知誰是看水看山俱得意存亡貴賤聽天公
只有歸休須早計

又

歸休得計即歸來林下空言只可咍莫待山靈嫌俗駕
却將鞍馬覓塵埃

次仁甫韻

渺渺橫烟渚淒淒挂月村酒非鄰舍取詩復故人論世
態烏棲屋生涯雀在門西山却多思松雪動吟蒐
題溫容村寺壁

草樹醒朝雨鳥鳴快晚晴山光自明潤野氣亦淒清若

欽定四庫全書

中州集

卷二

欽定四庫全書

中州集

三

枕間中味紋楸靜裏聲此懷能自適未要縛簪纓

故城道中同元東巖賦

客亭南北厭飄零尚喜揚鑣過故城桐葉不堪追往事
泥丸猶足見民情青山閭世幾興廢白塔向人如送迎
佇立夕陽無限思西風禾黍動秋聲

晚過壽寧

稻壠分基局松門入畫圖牛羊歸自急鷗鷺宿相呼落
日低青嶂高風起暝途歸僧上烟靄回首愧區區

子文致君九日用安字韻聊亦同賦

旅食京華秋又殘舊遊真似夢槐安閒居浪說重陽好
塵世端知一笑難黃菊已堪增悵恨白衣無復慰荒寒
馬頭明月應相笑依舊紅塵滿客鞍

題孔氏園亭

嚴勝諸孫賢至今相承種德滿家林綠槐丹杏風流遠
翠竹蒼松歲月深傾蓋昔誰陪俊賞過庭今復嗣徽音
比生夙有東游願杖屨他時或可尋

攬秀軒

寺得新游處軒餘舊賦詩山川蒲子國松柏晉侯祠行

止非人力登臨且歲時道人應笑我真負鹿門期

上已前後數日皆大雪新晴游臨漪亭上

十日陰風料峭寒試從花柳問平安野亭寂歷春將晚
山徑繁紜雪未乾足踏東流方縱酒手遮西日悔投竿

淵明正草歸來賦莫作山中令尹看

奉陪太守游南湖同郭令賦

翠幄千章蔭晚空年華心賞兩無窮雲頭欲落催詩雨
池面微生解悵風經笥使君談似綺仙舟令尹飲如虹
嫩隅自適清池樂不信參軍是郝隆

三月望日次邊德舉攬秀軒

水遠千家邑山圍一席天桑麻新雨露檜柏老風烟夢
後餘芳草愁時更杜鵑亦知推不去端用得忘年

新秋

旅食京華困鬱蒸可人秋意及新晴夜窓便覺風千里

曉鏡從添雪數莖蟬噪不離羈客耳燕歸還動故園情

軟紅塵外西山色乞與閒人眼暫明

寺樓晴望

詰曲闌干面翠微葱籠寥寥溢清暉雨侵斜日明邊過
雲望山前缺處歸多病過春猶止酒薄寒向晚却添衣

宦名不負滄波願羞見陂田白鳥飛

題五丈原武侯廟一首

仲純

籌筆無功事可哀長星飛墮蜀山摧三分豈是平生志

十倍寧論蓋世才壊壁丹青仍白羽斷碑文字只蒼苔
夜深老木風聲惡尚想猿斜萬馬來

張郾城公藥三首

公藥字元石宰相安簡公孝純永錫之孫以父

蔭入仕嘗為郾城令詩號竹堂集寒食云一百

五日寒食節二十四番花信風新年云客情病

裏度殘臘老色鏡中添一年雲樹紫寒猶漠漠

竹梢迎日已娟娟春晚云細風皴綠漲溪水小

雨點紅添海棠又云芭蕉葉斜卷舒雨酴醿架

小縱橫春人喜傳之子觀字彥國仕為某軍節

度副使孫厚之字茂弘承安五年進士

許下三庚劇暑盛於他州懷思故鄉嶧山山水真
清涼境界也感而作詩

魯東百里近福地曰鳬繹千峰開玲瓏絕澗瀉湍激岱
宗古獨尊象緯了不隔嶧山至泰山不遠此山許攀聯朝者有

班秩虛巖互霞蔚秀石森玉立泉聲動環珮林樂盡予

琴莊子林樂出樹老潤饒菌果熟香隕實漱風松落花泓雪

崖溜蜜木斂虎磨癢沙迥鳥伸翮

水禽嬉戲引吭
仲翮劉禹錫集竹葉
晉郗鑒因避亂挈充人來嶧山事見本傳

若來往桃源當甲乙曾經晉人隱
喜脫塵網密事往不記年人說猶前日我來官許下觸暑病逾劇慢膺便枕簟白汗沾巾幘屢輟五夜眠輒廢中盤食炎官令方虐著意不憐客語比作惆悵可以知得失遙知舊經行雲起水邊石平生二三子相對坐橫策今世葛天民何容挽之出

欽定四庫全書

卷二

四

往廊州

出門旋復入崎嶇行路真將蜀道如帰凍村童燒積葉趁春田婦鬻新蔬雪花被岸中流黑雲氣涵山衆壑虛老子頻年厭羊酪故溪新綠正肥魚

二月

二月芳事何等好南陌東城饒物華春風無意管楊柳晴日有心烘杏花故山隨分可娛老宦游到處聊為家夢歸草堂捲疎箔幾點白鷗眠淺沙

任南麓詢九首

詢字君謨易州軍市人父貴有才幹善畫喜談兵宣政間游江浙君謨生於虔州為人慷慨多大節書法為當時第一畫亦入妙品評者謂畫高於書書高於詩詩高於文然王內翰子端獨以其才具許之君謨正隆二年進士歷省掾大名總幕益都司判官北京鹽使課殿降泰州節廳時無借力者故連蹇不進六十四致仕優

欽定四庫全書

卷二

四

游鄉里家所藏法書名畫數百軸日夕展玩不

知老之將至年七十卒平生詩數千首君謨破後皆散失今所錄皆得於傳聞之間如山居云種竹六七箇結茅三四間稍通溪上路不礙屋頭山黃葉水清淺白雲風往還戊申春晚云水邊團月翻歌扇風裏垂楊學舞腰南郊小隱云林邊鳥語月微下竹裏花飛春又深前輩喜稱道云

嶺柳今何在蘇黃世已無
皇天開老眼特地降君謨

西湖

西湖環武林澄澄大圓鏡仰看湖上寺即是鏡中影湖光與天色一碧千萬頃堤徑截烟來樓臺自昏暝

濟南黃臺三首

滿目江南烟水秋濟南重到憶南游便欲移家漁市側輕蓑短棹弄扁舟

又

柴扉水際畫還局落日城頭晚更深綠淡黃洲渚冷

欽定四庫全書

中州集
卷二

四百

敗荷無數似臨平

又

綠柳橋邊簇錦鞍紅紗影裏照烟鬟歸來書几高燒燭

渾似江鄉一夢間

蘇州宴

蘇州女兒嫩如水髻聳花籠青鳳尾十二紅裳釅梳洗

植立唱歌烟霧裏一人半穠玉手指袖挽翠雲彈綠綺

落花一片天上来似欲隨人渡江水曲終宴闋歌一觴

行人南游道路長明日松江半萬頃烟波雲樹春茫茫

庚辰十二月十九日雪

馮夷揃水翻銀璣北風浩浩如兵威瓊臺玉榭壓金碧

三十六宮明月輝五更待漏雞人唱近衛臚傳九天上須臾龍馭踏飛瑤萬戶千門寂相向皓齒才人宮袖窄巧畫長眉梅半額含嚬一笑競春妍繡勒錦鞴生羽翮

城外雪深迴馬首別殿傳觴燈作晝歡聲一曲借春譟

半夜西園滿花柳靄濡已見盈阡陌况是隆冬見三白

欽定四庫全書

中州集
卷二

四百

帝力如天人得知今慶明年好春澤

憶郎山

萬壑溪流合千峯木葉黃郎山五千丈獨立見蒼蒼

巨然山寺

孤擣山作碧螺髻漫散水成蒼玉鱗野寺荒涼人不到

水光山影正橫陳

浙江亭觀潮

海門東嚮滄溟濶潮來怒捲千尋雪浙江亭下擊飛霆

蛟蜃爭馳奮鬢鉅鹿之戰百萬集呼聲響震坤軸立

昆陽夜出雨懸河劍戟森衝潰尋邑吳儂稚時學弄潮

形色沮懦心膽豪青旗出沒波濤裏一擲性命輕鴉毛

須臾風送潮頭息亂山稠疊傷心碧西興浦口又斜暉

相望會稽雲半赤詩家誰有坡仙筆稱與江山作勍敵

援毫三叫句不成但覺雲濤滿胸臆

馮臨海子翼七首

子翼字士美大定人正隆二年進士性剛果與

欽定四庫全書

中州集

甲六

欽定四庫全書

中州集

甲七

小園茅亭新成

榆柳清陰下茅亭近水涓涓抵簷裁美竹橫榻賦新詩朴陋從人笑栖遲止自怡歲寒天地肅松雪有心期

贈張壽卿

美如冠玉張公子知是留侯幾世孫老境流離少歡趣天涯邂逅對清尊貉裘聊作西州客物化終同北海餌食春無幾催歸日欲西春風吹病眼烟樹遠淒迷

佑德觀試經

三月七日登龍尾山寺

古寺尋龍尾山城送馬蹄花濃香膾胸泉冷玻璃寒

食春無幾催歸日欲西春風吹病眼烟樹遠淒迷

琳館清深小雪殘釀梅天氣不多寒客愁竟日無人到只有蕭蕭竹數竿

書事

客舍如僧舍秋風几席清竹孫仍帶籜鵝婦已呼晴年老心情減官卑去就輕京師名籍甚鄭子宣其鄉

和張浮休舊韻

嫩水籠篁碧新霜染樹紅石潭沈曉月山雨暝秋空燈火吟窓下關河醉眼中西風喚張翰南望思何窮

欽定四庫全書

中州集

甲二

小園茅亭新成

榆柳清陰下茅亭近水涓涓抵簷裁美竹橫榻賦新詩朴陋從人笑栖遲止自怡歲寒天地肅松雪有心期

贈張壽卿

美如冠玉張公子知是留侯幾世孫老境流離少歡趣天涯邂逅對清尊貉裘聊作西州客物化終同北海餌食春無幾催歸日欲西春風吹病眼烟樹遠淒迷

岐山南顯道冷香亭

溪橋小雪晴水村霜月冷暗香林薄間得偶璀璨影殷勤

南夫子移植在人境芝蘭馥氤氳珠璧照光炯小屋

茅草蓋幻比蕭洒景看花熟松明醒醉漱苔井文章聊

嬉戲辭氣頗馳騁州縣不着腳時人笑清鯁我官西州

掾簿領不知省頻遭官長罵勢屈石在頂門庭可張羅

陋巷車轍靜山歌聽嘲哳舞伎或瘤瘦引睡閱文史朝

日無從永夢到五柳莊身居六盤嶺謁來南山下旅思

淒以耿金罍照衰朽玩味得俄頃傍人恠迂疎佳處當

欽定四庫全書

中州集

四六

自領

史明府旭三首

旭字景陽第進士歷臨真秀容二縣令有詩一

卷傳於世臨真上元夜雪云斜風吹雪滿山城

壓屋雲低未宵晴天女散花春一色燭龍衡照

夜三更交口楊氏莊云青黃遠屋未將熟紫白

依蘭菊半開差赴綏德云也解笑人沿路菊不

堪供稅帶山田先人嘗從之游稱其時有佳句

云

懷郭碩夫劉南正程雲翼

已將春夢等浮生更著秋光比宦情薄有酒銷閒日月苦無心向老功名黑城村晚鴉千點白土坡高雁一聲天末何人慰寥索正思張文與殷兄

早發驃駕堋

郎君坐馬臂彫弧手撚一雙金僕姑畢竟太平何處用

只堪粧點早行圖

好問按景陽大定中作此詩已知國兵不可用是則詩人之憂思深矣

欽定四庫全書

中州集

四七

梨花

少年攜酒日尋花老去花前欲飲茶今日傳觴似年少

一枝香雪上烏紗

邊內翰元鼎四十二首

元鼎字德舉豐州人兄元勲元恕俱有時名號

三邊德舉十歲能詩天德三年第進士以事停

詮世宗即位張太師浩表薦供奉翰林出為邢

州幕官復坐誣累遂不復仕進德舉資稟疎俊

詩文有高意時輩少及如云雲鐘號曉月風絮

亂春燈晚照入簾如有意春風過水畧無痕五

更好夢經年事三月殘花一夜風拂子云驅去

青蠅讒口遠拂開黃卷聖言新雲露月華天半

白星移河漢夜微涼比類甚多

八月十四日對酒

梧桐葉彫轆轤井萬籟不動秋宵永金杯瀉酒艷十分

酒裏華星寒炯炯須臾蟾蜍弄清影恍然不是人間景

欽定四庫全書

中州集

五

金波淡蕩桂樹橫孤在玻璃千萬頃玻璃無限月光冷
澗洞一色無纖穎清風颺颺四坐來吹入羲皇醉中境

醉中起歌歌月光月光不語空自涼月光無情本無恨

何事對我空茫茫我醉只知今夜月不是人間世人月一杯美酒蘸清光常與邊生舊交結亦不知天地寬與窄人事樂與哀仰看孤月一片白玉露泥泥從空來直須卧此待雞唱身外萬事徒悠哉

早春

春風走塵沙鳥語滿京國東皇發潛潤土木變顏色桃

李爭嬌媚白紅姹容飾唯有松柏姿依然敝崖黑

村舍二首

何事區區守一丘春花過了月明秋等閒濁酒離邊興寂莫寒花雨裏愁不識故人今在否每思前事隔重游西風又是青山晚落葉無聲水自流

又

牆外青山半在樓山村晝晚雨翛翛旃裘擁腫無餘事

欽定四庫全書

中州集

五

尊酒飄零又一秋學得屠龍無用處祇如畫虎反成羞
回頭為向淵魚道鴻鵠而今不願游

懷友

曾聯金轡賞春風花裏風前酒面紅行樂昔年君我醉詩觴何日我君同一聲啼鳥青春晚幾樹殘紅野寺空相憶情懷正蕭索半山夕日水聲東

夜深

月落秋山萬象清溼螢微近露枝明夢魂黯淡家千里

鼓角淒涼夜幾更。弟子亡來鄉校冷。舍人別後子虛成。
銀河漸轉梧桐黑。何處江湖望客星。

春花零落

春花零落雁秋悲。已過流年二十春。有舌能忘坐鶴辱。
無金莫怪下機遲。世情冷熱雖予問。人事升沈未汝知。
何日上方容請劍。會乘風雨斷鯨鮀。

出門騎馬

出門騎馬即三千。面目塵埃動慘然。生計若為田二頃。
飢顏翻愧宦三年。乾坤造物能無用。富貴由時枉自鞭。
達否從今已知計。五湖烟裏有漁船。

帝城

帝城回想夢魂中秋月。春花在處同朱雀。橋南三月草。
鳳皇樓上四更風。錦囊別後吟箋少。玉笛閒來酒盞空。
贏得當時舊標格。九分憔悴入青銅。

新香

新香終比舊香濃。只是相逢久不容。繡被督同巫峽夢。

銀鞍多負景陽鐘。寶檀烟斷閒金獸。玉鎖聲傳惱睡龍。
簾影漸分風又起。一塘秋水落笑容。

聞簫

弄玉吹簫玉琯低。秋風散入滿天悲。滄波夜漲龍吟細。
琪樹霜風鳳嘯遲。漢月有情如靜聽。蕭郎無路不相知。
秦樓虛負清宵意。惆悵乘鸞舊有期。

和致仕李政奉韻

車馬年年陌路塵。安知六驥過窓頻。雲泉是處堪為樂。
軒冕從來只累人。浮世夢中無限事。紅顏花上霎時春。
五湖興有扁舟笛。好在晴天月一輪。

別友

從來雞鶴不同羣。涇渭何人與細分。鏡裏光陰誰念我。
雲中歧路已饒君。清觴且吸年時月。白雪休徵夢裏雲。
別後相思不相見。水邊黃葉暮山村。

送妹夫之太原

山含秋氣冷參差。送客西城落日低。怨別弟兄歸快快。

戀鄉車馬去遲遲浮萍聚散元無定流水東西却有期

惆悵黃榆故山路碧夫回首鴈南飛

惜春

春來春去惱春晴花落花開又幾經夜雨多情愛沾灑
楊花無賴只飄零每成宴賞須成醉不恨歸來却恨醒
眼見紅英留不住綠枝深處一星星

客思

客思逢春易感傷不堪殘淚愛家鄉離親恍惚來千里

餉口淒涼在四方羞向孫劉圖富貴浪從李杜學文章

官街坐對黃昏月半屋清燈滿地霜

暮鐘

落日行人斷深秋暝雨殘一聲烟樹外千里暮山寒倦
鳥方知止哀猿冷不安蕭蕭風葉下時與野僧還

夢斷

繡枕紅衾晚意濃啼嬰大似不相容夢魂苦恨歸來早
不盡瀛洲第一峯

花開人散二首

花開人散正消魂花語無情獨閉門看即春光留不住
一聲啼鴝又黃昏

又

閒花閒草滿芳洲春水無人自在流白日遲遲倦游子
一聲啼鳥一聲愁

聞笛

雌鸞無鳳怨西風月女愁寒淚灑空牙板急隨聲不斷

滿天敲碎玉玲瓏

王文伯還家詩以迎之

陌上東風故國春瘦驛羸僕倦行塵十年一夢成何事
千首新詩不負人重對孤燈聽軟語遞憐華髮各清貧
西齋烟草應知舊桃李新蹊滿四隣

晚行

隔浦行聞晚寺鍾斷坡寂歷對寒松蒼烟暮合孤城暗
破月微昏遠岫重宿翼飛投空自急斷蓬無計竟何從

新年又入應添歲歸把青銅怨暮冬

山中

世路風波老不禁一屢歸買就槐陰坐詩為累言難解
因酒成狂病轉深山月荒涼窺斷夢壁燈青黯伴微吟
十年積毀應銷骨豈礙孤雲萬里心

自歎

終日忘言一炷香散花時復遠繩床久貧自沃三彭熾
一醉齊休六賊狂道士生涯孤似鶴衲僧門戶冷於霜
自知衰病耽杯酒擬及溫柔老是鄉

新秋示友

一頃山田半已蕪閉門高卧著潛夫不才分作溝中斷
舊好誰瞻屋上烏南阮強須攀北富東丘何用歎西愚
自憐幽默相忘久鬪鳥鳴蟬枉叫呼

偶題二首

當年樂事歎今衰人世空驚日未移風榭醉眠推蠟燭
雨窓狂飲殢蛾眉長松茂草窮年事野水孤村入夢時

強鋤鬢絲臨晚鏡瞥然塵念不勝悲

又

短髮臨風懶不冠窪尊塵室寂無歡離騷夕賦醒尤獨
孤憤空書說轉難晚節憤成林壑僻幽居深入水雲寒
蒼崖瘦柏無窮思鵠立溪頭盡日看

新居

鏡裏巖花落澗泉對窓青壁便參天幾當雪月開春酒
時有松風入夜絃遠劙山田多種黍稀經城市少言錢
平生謾忽王公貴俯仰村鄰更可憐

閒題

十年一夢到灰心歸鬢吳霜漸欲侵物外少逢稀有鳥
冶中仍作不祥金閒雲閣雨終何事枯木因風亦自吟
却歎淵明非達道無絃猶是未忘琴

答文伯二首

老情無賴畏虛勞已絕朱絃又不操閒事每來知酒聖
浮生欲去愧僧高息心鍾鼎休看鏡安枕茅茨不夢刀

遙羨郭西王處士道傍羸馬咏風騷

又

曉窓清鏡卷浮埃
恨入新秋不可裁
露浥野花三徑合
風傳雲壑七松哀
忘機魚鳥真相識
落手功名亦儻來
萬古消沈一杯酒
直須白骨點蒼苔

閑見一十首

君居淄右妾河陽
平白相逢惹斷腸
蠟燭已殘歌欲闋
併教離恨遠飛梁

欽定四庫全書

中州集

卷二

中州集

五十九

蕭史吹笙鳳女臺
月高霜冷鳳笙哀
不堪好酒沈沈夜
又遣青鸞獨自來

又

鳳紙銜封玉鏡臺
繡鸞傳記已相猜
傾城笑臉千金樣
莫對閒人一例開

又

歌裏沖沖笑裏嗔
深情會處幾何人
憑君為向五陵道

治葉倡條不是春

又

笑裏低眉引醉波
閑風秋月一聲歌
明知畫燭無情物
何事尊前淚更多

又

笑不成歡歌歛眉
景陽鍾動酒闌時
此情却羨牽牛會
一歲相過可是遲

又

牛女佳期歲一過
都緣迢遙隔銀河
可憐馬上香車畔
只隔珠簾更不多

又

輕蓮素質澹蕭蕭
葉密溪深未可招
雨暗蘭舟人去後
却容白鷺逞風標

又

雙鸞夾鏡鳳橫釵
捧額黃梅小鴈排
為報阿環休調戲
雙成西母總相猜

又

膩髮堆雲鏡舞鸞五雲仙洞接清歡歸來失却吹簫伴
腸斷岷山昨夜寒

李承旨晏

七首

晏字致美高平人唐順宗第十六子福王綰之
苗裔父森字彥實工於詩有云少年日日醉花
邊短白長紅一一憐自笑老來心尚在惡風常
廢五更眠又賦梅云冰骨有香魂乍返玉顏無

欽定四庫全書

中州集

辛

暉酒全消人多傳誦之致美皇統二年經義進
士釋褐臨汾丞時張太師浩判河陽一見愛其
才為之延譽稍遷遼陽幕官與興陵有藩邸之
舊入翰林為學士高文大冊號稱獨步拜御史
中丞初遼入掠中原人及得奚渤海諸國生口
分賜貴近或有功者大至一二州少亦數百皆
為奴婢輸租為官且納課給其主謂之二稅戶
大定初一切免為民間山寺僧賜戶三百與僧

寺不為理又訴於致美致美上章大畧謂天子
作民父母當同仁一視分別輕重乃胥吏舞文
法之敝陛下大明博照豈可使天下有一民不
被其澤者且沙門既謂之出家而乃聽其與男
女雜居乎書奏宰相持不可世宗詔致美與相
詰難致美伏御座前曰前日車駕幸遼東問山
寺曾供從官一宿之具寺僧物陛下物也陛下
欽定四庫全書

中州集

辛

無以比直寺僧而使三百家受屈世宗大笑曰
李晏劫制我耶即日免之明昌初為禮部尚書
分諸道府試復經義設經童科皆自致美發之
出為沁南軍節度使告老不從改昭毅軍節度
使且授子仲畧澤州刺史以榮之時澤潞旱甚
致美擅發倉粟三萬石救餓者因上章請罪章
奏而本道提刑彈章亦至章宗謂宰相言提刑
職當然李晏義當然不之罪也仲畧字簡之大

定二十二年進士仕至山東路按察使道陵愛

其俊快比為脫帽鶻云致美自號游仙野人簡

之丹源釣徒有集傳於世簡之之子肯播字克

紹肯獲字克守肯德字克修

白雲亭

白雲亭上白雲秋桂棹蘭蕡記昔游往事已隨流水去
青山空對夕陽愁興亡翻手成舒卷今古無心自去留
獨倚西風一惆悵數聲柔橹下汀洲

欽定四庫全書

中州集
卷二

贈燕

王謝堂前燕秋風又送歸向人如惜別入戶更低飛海
濶迷烟島樓高近落暉不知從此去幾日到烏衣

通州道中

冉冉年華老飄飄客路難塵埃山色斷雲霧日光寒念
遠心先折孤吟鼻亦酸平生江海意潦倒愧儒冠

高麗平州中和館後草亭

藤花滿地香仍在松影拂雲寒不收山鳥似嫌游客到

一聲啼破小亭幽

題武元直赤壁圖

鼎足分來漢祚移阿瞞曾困火船歸一時豪傑成何事
千里江山半落暉雲破小蟾分樹暗夜深孤鶴掠舟飛
夢尋仙老經行處只有當年舊釣磯

嗅梅圖

簡之

朧朧霧色冷黃昏缺月疎籬水外村人在天涯花在手

一枝香雪寄銷魂

欽定四庫全書

中州集
卷二

蓮塘陪諸公賦

潦倒何堪接俊遊神仙空羨李膺舟官曹只在空湖畔
簿領如山屋打頭省幕在城外極卑陋故云

王都運寂

七首

寂字元老荊州玉田人系出三槐父礪字鎮之

國初名士仕至歸德府判官元老天德三年進

士興陵朝以文章政事顯終於中都路轉運使

壽六十七謚文肅有拙軒集北遷錄傳於世三

子欽哉直哉鄰哉俱為能吏元老專於詩有云

生涯貧到骨家具少於車元夕感懷云殘夢關

河鼈禁月舊游燈火馬行春留別郭熙民云五

年風雪黃州閨萬里關河渭水秋與涿郡先主

廟詩當年竹馬戲兒曹笑指樓桑五丈高故國

神游得無恨壞垣風雨夜蕭騷人共傳之行記

載其先人雞山一詩云記得垂韶此地遊雞山

孤立水平流而今重過山前路山色青青人白

頭予謂詩固佳恨其依倣蘇才翁太甚耳

易足齋

吾愛吾廬事事幽此生隨分得優游窮冬夜話蒲團暖

長夏朝眠竹簾秋一榻蠹書閒處看兩盃薄粥飽時休

紅旗黃紙非吾事未羨元龍百尺樓

送張仲謀使三韓

照海旌幢出樂浪過家上家路生光鴨江桃葉朝迎渡

岳嶺松花夜煮湯恩詔肅將芝檢重醉鞭低裊玉鞘長

遺民笑指天車道酷似南陽異姓王

高麗稱中原使節
皆曰天車某官事

見關子秀
鴨江行記

自東營來廣寧道出牽馬嶺經梁利器墓下

毀譽譊譊息蓋棺百年春夢大槐安功名倒挽九牛尾

富貴真成一鼠肝故國鶯花人事改空山風雨夜臺寒

平生老我心如鐵醉眼西州淚不乾

黃桃花

應噴國色朝酣酒賜與羽衣如太真道士厭看千樹老

令君別換一城新絹梅拂額更不俗栗玉削肌殊可人

想得乞漿尋舊約東風不似去年春

沁水山寺

兩峽山高月半輪五更人起馬嘶頻無端又上長安道

輸與僧窓飽睡人

奉題少保張公曲阿別墅二首

休沐時時散馬蹄綠陰如染轉長堤帝城和氣融春圃

相國餘波到雨溪無數鮑魚欣作主不言桃李自成蹊

聖時正要傳衣事賀監從渠老會稽

又

鍾湖亭下水淙淙綠野平泉未易雙十里藕花紅步障
一軒松蔭碧油幢洛中獨樂有司馬天下不名知曲江
紙尾欲煩賢宅相雨裳添我坐蓬窓

蓮峯真逸喬辰一首

辰字君章初名逢辰洪洞人天德三年進士詩

樂府俱有名子字宇德容八歲能鼓琴名入東

欽定四庫全書二

卷二

空

宮顯宗稱其不凡大定十六年登科貞祐初為
益都按察轉運使與田涿器之俱歿兵間

凌虛堂

蒼烟合池荒碧草深高臺平竹杪幽徑入花陰奔
何事登臨慰此心晚涼山更好風處一披襟

中州集卷二

總校官庶吉士臣侍朝
校對官庶吉士臣陳文樞
謄錄舉人臣呂燕昭

欽定四庫全書叢要

集部

中州集卷三

欽定四庫全書叢要卷二萬七十六集部

中州集卷三

丙集

金元好問輯

劉龍山仲尹二十八首



仲尹字致君蓋州人後遷沃州正隆二年進士
以潞州節度副使召為都水監丞卒致君家世
豪侈而能折節讀書詩樂府俱有蘊藉有龍山
集嘗於其外孫欽叔處見之恭涪翁而得法者

欽定四庫全書

中州集

也

墨梅十首

瘦損昭陽鏡裏春漢家公主奉烏孫淚痕滴盡宮廬月
誰道神香解返魂

又

絕纓人醉燭花殘主意方濃未厭歡十五瓊兒梳洗薄
琵琶才許近簾彈

又

詳校官候選知縣臣吳旬華

生憎施粉與施朱換骨玄都亦自殊疎影冷香題不到

夢驚煙雨暗西湖

又

趙郎愛香人不知羅浮山下有佳期春寒徹骨角聲起

才記參橫月墮時

又

君王鳳駕九龍池後輦傳呼召雪兒狼籍玉臺銀燭暗

丁香小麝印宮眉

欽定四庫全書

卷三
中州集

二

又

鍾鼓沉沉度苑牆玉繩初直殿東廂荀妃早發雞鳴埭

殘月微分燭下粧

又

衡州何處問花光抹月批風只欠香安得江南斷腸句

為題風雨浣啼粧

又

高髻長蛾滿漢宮君王圖玉按春風龍沙萬里王家女

不著黃金買畫工

又

古絹誰藏謝女真天寒翠袖一招曳江山嫁盡風流夢

雪滿冰溪月挂村

又

妙畫工意不工俗老子見畫只尋香未應塗抹相欺得

政自不為時世粧

自理

欽定四庫全書

卷三
中州集

三

日日南軒學蠹魚隱中獨愛隱於書兒癡婦笑謀生拙

不道從來與世疎

西溪牡丹

為雲為雨定成虛醉臉籠嬌試粉初舉國春風避姚魏

換胎天質到黃徐百年金谷憑欄袖三月楊州載酒車

我欲禪居淨餘習湖灘枕石看游魚

秋盡

利祿蠅延壁年華蟻夢槐秋隨庭樹老寒逐鴈聲來養

性論三適分愁詠七哀閉門人客少書籍遠床堆

晚陰

歲澇饒秋雨雲寒結暝陰晚芳留凍蝶疎木立飢禽閑
覺交游減衰從老病尋安眠恐微倅底用說初心

冬日

刁騷短髮簪還生鏡裏形骸只自驚睡枕食槃翻歲月
頭風股痺識陰晴鳩棲任笑謀生拙免簡難忘照眼清
不用暖爐公庫酒試容擁被聽雞聲

欽定四庫全書

中州集

四

寒夜

漏聲穿竹夜霜清儘著工夫伴短檠睡足梅花半梢月
虛徐老鼻學香生

秋日東齋

一區寂莫子雲家便腹那能貯五車筋力只今如老鶴

筆頭新愛綰秋蛇樹間風定葉漫徑籬外雨寒梅著花
勝日一尊能笑客更須官鼓候晨搗

窗外梅薈二首

王兒秀輝雲幄藏鼻觀已覺餅水香過眼空花均一寓
十分春色屬秋堂

又

細薈初看柳麥肥春風得得遙窗扉道人方作玉溪夢
石塢竹橋風雪飛

初秋夜涼

小蟲機杼月西廂風雨纔分半枕涼白髮自疎河漢夢
一瓶秋水玉簪香

欽定四庫全書

中州集

五

謝孔遵席後堂畫山水圖

後堂號
秀隱居

家在龍沙弱水東羯來塵世笑春風都將天外蓬壺景
漏作人間畫手工玉腕雪迴犀管細寶煤香散鳳綃空
只應大地山河影常記飛鸞下月中

別墅二首

墻根大土花碧秋箇寒添一兩莖愛買僻書人笑古
痛憎俗事自知清黃花催織細鈿出白髮欺人故故生
餧粥年來我稍具厭隨鞍馬逐浮名

又

風雨驅寒入敝裘。閒齋氣味冷颼颼。年華過眼驚飛鳥。
利祿催人窩督郵。竈下旋添溫炕火。床頭剩買讀書油。
可人誰似黃夫子。著意裁詩寄四休。

龍德宮

碧拱朱甍面面開。翠雲稠疊鎖崔嵬。連昌庭檻渾裁竹。
罨畫溪山半是梅。藻井香銷塵化網。銅欄秋澁雨留苔。

只應千古華清月。狼籍春風媿露臺。

欽定四庫全書

中州集

六

酴醿

相看絕似好交友。著眼江梅李孟中。海窟笙簫來鶴背。
月林冰雪繞春風。滿前玉蕊名尤重。特地梨花夢不同。
安得涪翁香一瓣。種成聊供小南豐。

夏日

床頭書冊聚麻沙。病起經旬不煮茶。更為炎蒸設方畧。
細烹山蜜破松花。

不出

好詩讀罷倚園蒲。唧唧銅鑄沸地爐。天氣稍寒吾不出。
瞿鳩分坐與狸奴。

一室

老來湖海媿陳登。只有頭鬚未是僧。坐對黃昏鍾鼓定。

竹根吹火上吟燈

欽叔所傳少時豪氣愛
陳登老去真成有髮僧

劉記室迎七十六首

迎字無黨東萊人。初以廕試部掾大定十三年。

用薦書對策為當時第一。明年登進士第除豳

欽定四庫全書

中州集

七

王府記室改太子司經顯宗特親重之二十年。

從駕涼陘以疾卒。章宗即位錄舊學之勞賜其

子國樞進士第無黨自號無諍居士有詩文樂

府號山林長語詔國學刊行。

淮安行

淮安城壁空樓櫓。風雨半摧雞糞土。傳聞兵火數年前。
西觀竹間藏乳虎。迄今井邑猶荒涼。居民生資惟榷場。
馬軍步軍自來往。南客北客相經商。邇來戶口雖增出。

主戶中間十無一里閭風俗樂過從學得南人煮茶喫
青衫從事今白頭一官乃得西南限宦游未免簡書畏
歸去更懷門戶憂世緣老矣百不好落筆尚能哦楚調
從今買酒樂昇平爛醉歌呼客神廟

脩城行

淮安城郭真虛設父老年前向予說築時但用雞糞土
風雨即摧乾更裂祗今高低如堵牆舉頭四野青茫茫
不知地勢實衝要東連鄂渚西襄陽誰能一笏謀永逸

欽定四庫全書

中州集

八

四壁依前護壘石免令三歲二歲間費盡千人萬人力
唐州後竟用此策也

河防行

南州一雨六十日所至川原皆汎溢黃河適及秋水時
夜來決破陳河堤河神憑陵雨師借晚未及晴昏復下

傳聞一百五十村蕩盡田園及廬舍我聞禹時播河為

九河一河既滿還之他川平地迴勢隨弱安流是以無
驚波祇今茫茫餘故迹未易區區議疏闢三山橋壞勢

益南所過泥沙若山積大梁今世為陪京財賦百萬資
甲兵高談泥古不須爾且要築堤三百里鄭為頭汴為
尾準備他時漲河水

普照旃檀像舊物也方丈老人比以見還作詩謝

之

我昔游京師稽首禮瑞像堂堂紫金身示現大法藏莊
嚴七寶几重疊九霞帳光如百千日晃耀不容望想初
法王子運力攝諸匠瓊材發神祕妙斷出智創風流蜀

欽定四庫全書

中州集

九

居士輸墨老彌壯雷霆大地底音樂諸天上猶疑三十
二不具梵音相不知一點真正勝千語浪嗚呼五因緣
語綺反成謗我今獨何幸相見問無恙文殊本無二何
處覓真妄庶脩香火供獲脫煩惱障天龍想驚喜訶衛
日歸向已覺海潮音人天會方丈

梁忠信平遠山水

憶昔西游大梁苑玉堂門閑花陰晚壁間曾見郭熙畫
江南秋山小平遠別來南北今十年塵埃極目不見山

烏靴席帽動千里只慣馬蹄車轍閒明窗短幅來何處

亂點依稀涴寒具煥然神明頃還我似向白玉堂前住

濛濛煙靄樹老蒼上方樓閣山夕陽一千頃碧照秋色

三十六峰凝曉光懸崖高居誰氏宅縹渺危欄蔭青樾

定知枕石高卧人常笑騎驢遠遊客當時畫史安定梁

想見泉石成膏肓獨將妙意寄毫楮我愧甫立隨諸郎

此行真成幾州錯區區世路風波惡還家特作發願文

伴我山中老獨鶴

連日雪惡用聚星堂雪詩韻

朔風朝來放雲葉紛紛吹落龍沙雪山河大地同一如

變化須臾亦奇絕參天松頂老猶強捨地竹頭低欲折

亂飄書帙愛窗明狂入地爐驚火滅重余方擁膚尚栗

凍筆將書肘先掣未容哀白點鬢華只許醉紅生面纈

何人清唱墮梁塵有客高吟霏鋸屑昔賢句法今尚在

斷臂阿誰心地瞽後生曠世安敢望故事歷劫徒能說

是中聖處公會無一粒靈丹工點鐵

徐夢弼以詩求蘆菔輒次來韻

昔聞趙州老大猶汎愛說法利人天機緣不勝載當

年鎮府話蓋以小喻大具眼領畧之於茲豈無待嗚呼

後來者見趣遠不逮又聞東坡公謫居飽鮑菜莫年海

南住几席溪山對自饌一杯羹老狂猶故態最喜霜露

秋味出雞豚外乃知作詩本口腹不無賴風流二大士

妙處無向背在家與出家相投若針芥先生今復然秀

句筆端快誰云脩法供遊戲出狼狽一飽待明年桑麻

歌佩佩

再次前韻

神農嘗草木濟世以仁愛根源列郡出品目成書載中

云菜菔根試驗頗為大昌谷嘔時須文園渴嘗待食異

地黃并効與蕪菁遠豈惟齒衆藥政自冠諸菜五州風

土宜畝布畦壠對墾鋤盡衆力封培窮百態翠角春雨

中黃花晚煙外日送盤箸資歲給餅罌賴片玉出頭顱

層冰起膚背脆美掩尊葵甘辛敵薑芥物生貴有用對

此一何快儲貯得沈涵棄遺免狼狽但足齊人食何慙
楚臣佩

鮁魚

君不見二牢山下獅子峰海波萬里家魚龍金雞一唱

火輪出曉色下瞰扶桑宮槲林葉老霜風急雪浪如山

半空立貝闕軒騰水伯居瓊瑰噴薄鮫人泣長鏡白柄
光芒寒一葦去橫煙霧間峯巒百疊破螺甲宮室四面
開蠻山碎身粉骨成何事口腹之珍乃吾崇郡曹受賞

欽定四庫全書

中州集

十三

雖一言國史收痂豈非罪筠籃一一千里來百金一笑

收羨材色新欲透瑪瑙盤味勝可浥葡萄醅飲客醉頰

浮春紅金盤旋覺放箸空齒牙寒光漱明月胸臆秀氣

噴長虹平生浪說江瑤柱大嚼從今不論數我老安能
汗漫遊買舟欲訪漁郎去

樓前曲

樓前山色秋橫碧樓下水光秋漫白眼看對此千里愁

樓下長歌古離別蕭蕭郎馬何時歸鴈奴去作斜行飛

灞橋過客夕陽遠渭城行人朝雨微玉淒花冷令人瘦
日暮倚樓雙翠袖蕙炷猶殘鸕鷀香裊塵半著鴛鴦繡

五雲飛過芙蓉城洞天冷落雲間笙姿身有願化春草
伴君長亭仍短亭

題十眉圖

寶箱拂塵金鏹鉞周昉丹青見真筆春風曾憶賦妖嬈
人共畫圖成十一燭奴香底花光凝錚錚鐵響聞三更
車聲雷動不通語眼態波橫空送情蠻雲盤鶴遼天闊

欽定四庫全書

中州集

十三

犀玉依依對書札人生何處不相逢還醉武陵溪上月

雲中君圖

衣若新沐蘭湯薰靈巫拜舞方迎神恍然相見帝者服
九歌昔詠雲中君畫史亦可人妙入造化域羽衣玉座
美且閒此意不知何處得空明倏忽紛溟濛胡為眷眷
臨壽宮飄然來下復遠舉想像決去隨飛龍祠空人散
秋蕭瑟落日猿聲喚秋色湘天極目青茫茫憑高一望

無南北

楚山清曉圖

山娟娟江茫茫緣山林木老已蒼穿林細路繁羊腸汀洲人家蘭杜香兩山秀出江中央宛如雙劍森鋒鋩層巒架空化寶坊墮波突兀一氣傷雞聲喔喔林鳥翔顧瞻曙色開東方清風宿霧方蒼涼兜羅綿網淡平野紫磨金餅暎浮桑櫓聲才動欲離岸鍾韻已殘猶殷床當

年有米維楚狂生子亦復肖阿章想從乃翁住朝陽收

拾山綠餐湖光勝前翰墨觀琳琅此圖戲出遂擅場彼

欽定四庫全書

中州集
卷三
十四

衆史者何敢當不然安得牙籤摩軸古錦囊賞覽一朝

蒙古皇

題劉德文戲絲堂

郵傳文書日旁午過眼不容留頃許先生遺决談笑間退食歸來奉慈母吾不愛錦衣榮歸誇梓里吾不愛繡

袞徒步登槐府傳家所愛作寧馨入室不愁無阿堵堂

中怡愉奉顏色堂下嬉戲同兒女十分壽算汎醇醪五色綵衣紛雜組映階萱草弄春色循陔蘭葉榮朝雨先

生蘊藉古人似早歲聲名天尺五拘縻豈合坐冗曹獻納真宜趨禁所更書屈指今幾日竚看褒詔傳天語龍光散艷動庭闈湯沐疏封分郡土芝封鉢軸爛雲錦羽衣寶被輝金縷形容何止入畫圖歌詠亦須流樂譜區區賤子獨何幸晚喜宗盟同鼻祖他年一笑約升堂萬石尊前拜嚴姥

送劉德正

驥驥蟻垤空莫干犀革斷人材必超軼物理乃融泮先

欽定四庫全書

中州集
卷三
十五

生廊廟具冰雪自湔盥十年處繁劇風力濟詳練堂堂八面敵了了一笑粲雲中國西邑食貨資輓轉中臺轂之去正倚咄嗟辦從容九年蓄坐想出鞭筭向來鹽鐵使緒業著家傳春朝觀上計廣廈奉閒燕行矣需詔除

鶴行肇榮觀

盤山招隱圖

溪山不難買所費千金儲不如數峯雲朝昏對吾廬交游豈無人轉盼傷離居不如吾兄弟相應如笙竽左侯

翁名族溫溫器璠璵身雖市朝寄心與功名疎伯也亦
可人文華炳於菟風神聳冠偉襟韻含冲虛平生一片
心緣塵不關渠相期有幽事歲晚山林俱綵服照黃冠
歡呼奉親與大婦侍巾帨中婦供庖厨諸孫戲膝前翩
然鳳將雛朝采南澗芹莫漉西溪魚烟霞入杖屢風月
來窗疏觀竹上巢雲禮佛登香爐紅龍雪浪湧白墻蒼
煙孤冰絃寫天籟茶甌泛雲腴快哉天下樂俯仰餘何
須正恐左太冲招隱昔所無

欽定四庫全書

中州集

十六

寄題禹城孫氏茂德亭

濟南孫夫子養素抱絕識家有五畝園種樹如種德枝
葉深覆護根本飽封殖要令方寸地不著荆與棘流芳
被鄰里餘蔭連阡陌居然物隨化草木盡佳色河陽藝
桃李壽張蒔梓漆至今青史上相望如黑白乃知百年
用賴此一日積君今尚隱約白首勤望闢人心亦天理
否泰有終極會待東風來吹春滿花國

郭熙秋山平遠用東坡韻

槐花忙過舉子閒舊游憶在夷門山玉堂曾見郭熙畫
拂拭練素塵埃間楚天極目江天遠楓林渡頭秋思晚煙中
一葉認扁舟雨外數峯橫翠巒淮安客宦踰三霜雲夢澤
連襄漢陽平生獨不見寫本慣飲山綠食湖光老來思歸真日日夢想林泉對華髮丹青安得此一流畫我
橫筇水中石

南口

危峯張屏幃峻壁開戶牖崩騰來陣馬翔舞下靈鷲秀

欽定四庫全書

中州集

十七

色紛後前晴嵐迷左右重陰忽障翳虛籟競呼吼深迂
愛風日高亢捫星斗帝居望北闕村落當南口軍都漢
時縣遺跡奄存否中郎讀書處遺構想摧朽誰云用武
地經訓乃淵藪我家膠東渭樸學歎白首居鄰通德里
况此見師友慙無書帶草米采為盤手何以醉先生清
溪綠如酒

晚到八達嶺下達旦乃上

車馬兩山間上下數百里繁縝來不斷夾夾似流水鯨

形曲胥胥蛇勢長首尾我車從其間搖兀如病齒推前
挽復後進寸退還咫息心固安分尚氣或被指徐趨自
循轍蹤進應覆軌行行非我令祀亦宜吾使倦僕困號
呼疲牛苦鞭蓋紛如五更鼓相慶得戾止歸來幸無恙

喘汗正如洗何以慰此勞村醅正浮蟻

出八達嶺

山險畧已出彌望盡荒坡風土日已殊氣象微沙掩我
老倦行役驅車此經過時節春已夏土寒地無未行路

欽定四庫全書

中州集

不肯留柰此居人何作詩無佳語以代勞者歌

隰川

隰川來西州數郡被其利刺陵放而南奔駛不可制茲
焉幸不幸長策未容議且復觀其瀾雄豪快人意

上谷

磨笄聳然來隰水沟而去山川俯城郭藩翰重畿輔桑
麻數百里煙火幾萬戶長橋龍偃蹇飛閣鳳騰翥傳聞
山西地出入此其路源源百貨積井井三壤賦蒲萄秋

倒架芍藥春滿樹盤辟多布韋嬪娟半娥素永懷小靖
節厚德皆忠恕至今受一廛如昔歌五袴傷心隔生死
知已今有數歸日當驅車生芻奠其墓

蔡有鄰碑

我為山西行叱駉過近縣傳聞蔡有鄰石刻古今冠風
流書以來妙絕隸之變銀鈞鸞鳳舞鐵畫蛟龍纏憑誰
致墨本故舊訖珍獻正恐賦分薄一夕碎雷電平生六
一老集古藏千卷惜此方殊鄰公乎未之見

欽定四庫全書

中州集

車轔轔

馬虺隣牛轔轔山行榮糢車轔轔路傍指點是官人老
矣一翁雙鬚禿汝牛幸可耕汝馬幸可騎有此可載琴
書歸胡為奔走東西道白髮刁騷被人笑

沙漫漫

沙漫漫草班班南山北山相對着我行乃在山之間行
人仰不見飛鳥樹木足知邊塞少沙漫漫草班班我行
欲趁西風還僕夫汝莫愁衣單我但着衣思汝寒

推車行

渾河洶湧從西來黃流正觸山之崖山崖路窄僅容過
小誤往往車輪推車推料理動半日後人欲過何艱澁
深山日暮人已稀食物有錢無處覓何時真宰遣六丁
鏟此疊嶂如掌平憧憧車馬山西路萬古行人易來去

敗車行

前車行後車逐車聲夜隨山詰曲前車失手落高崖車

輪直下聲如雷同行急救救不得人牛翻壓嗚聲哀我

欽定四庫全書

中州集

三

時潛聞後車說前車使牛何太拙只知拍手笑前人不
道後來當改轍前途猶有坡陀在後車當以前車戒

數日冗甚懷抱作惡作詩自遣

生涯吾亦愛吾廬踏地從來出賦租胥次有懷空碗磊
人間無處不崎嶇扶搖安得三千里應見真成百億軀
直欲棄家參學去一龕香火供齋盂

寄題安嵒起官舍北溟

一軒高占鳳麟洲要作人間汗漫遊海國風煙自朝莫

洞天日月幾春秋夢魂欲拂三花樹活計聊隨一葉舟

待我丹成訪君去閬風佳處卜菟裘

莫州道中

楓林葉葉墮霜紅天末晴容一鏡空野曠微聞鳥鳥樂
草寒時見馬牛風人生險阻艱難裏世事悲歌感槩中
白髮孀親倚門處夢覓千里付歸鴻

上施內翰

十年不見建安公草木依然臭味同賴有酒尊煩北海

欽定四庫全書

中州集

三

可無香瓣禮南豐天墀禮樂三千字海國鵠鵬九萬風
正以高軒肯相遇免教書客感秋蓬

題吳彥高詩集後

片雲踪跡任飄然南北東西共一天萬里山川悲故國
十年風雪老窮邊名高冀北無全馬詩到西江別是禪
頗憶米家詩畫否夢魂應逐過江船

代王簿上梁孟容副公二首

妙年椽筆賦長楊一日聲名滿四方天上風流青瑣客

人間嘉慶綠衣郎
錦囊看讀金花誥
畫戟閒凝燕寢香
預恐政成趨急詔
海沂無計駐王祥

又

自笑微官馬骨高
十年霜鬚雪刃驕
長林豐草未適性
尖帽短靴安得豪
名官真同一雞肋
簿書空束兩牛腰
故園清興湖山裏
歸去經營一把茅

清明前十日作

雨餘天氣動朝寒
寒食都來數日間
羯鼓催開小桃李

欽定四庫全書

中州集

卷三

畫屏圍出好溪山
塵埃老我真堪笑
風物撩人欲破慳
梅雪已殘春過半
一尊無處與公閑

聞丘丈晚集慶壽作詩戲之

桃李欲開風雨多
花時猶得屢經過
緩聽一曲玉連瑣
滿汎十分金卷荷

紅燭影紗聞喚馬
翠羅承鞍見凌波

杜陵老矣孤春事
奈此詩愁惱亂何

明日復會客普照
繼呈此詩去及瓜
不數日矣

室中呼起散花天
來伴維摩到處禪
百刻篆香消盡永

一番風雨破春妍
雲山真欲追聳叟
風腋何妨借玉川
他日相思共明月
舊游應說禁煙前

觀古作者梅詩戲成一章

翠袖佳人脩竹傍
風姿綽約破湖光
靜中慣識形神影
妙處誰知色味香
觀想有靈通水月
孤音無侶伴冰霜
故人愁絕今何許
烟雨霏霏子半黃

秋郊馬上二首

故壠松楸暗空城
草棘荒數峯橫
鳥道一徑繞羊腸
桑

欽定四庫全書

中州集

卷三

葉露仍沃稻花風
已香兒時十年夢
懷舊一悲涼

又

海色樓臺市山容
水墨圖風疎水楊
柳烟瘦石菖蒲歲
熟多同社村閒絕
詣租平生亦何事
塵土眷吾廬

贈人

何必羅浮訪稚川
相逢一笑共談玄
蓬萊咫尺三萬里
銅狄因循五百年
夢幻莫論身外事
嘯歌聊得醉中天
幾時丹竈同收拾
去入雲山了舊緣

別後有懷元濟

聞說風流靖長官宦游寥落廢清閒酒狂吞盡喙三尺
詩瘦聳成肩兩山世事君方厭蠅角生涯我欲賦魚蠻
脫身何日扁舟去相對一簑烟雨間

贈董丞國

迫窄十年冠蓋場誰憐王謝有諸郎俗緣不脫三生債
豪氣都無萬丈長違興久憑詩作社避愁專欲酒為鄉

黃塵投老逢青眼賴有知音未可忘

欽定四庫全書

中州集

二四

聞彥美服藥以詩問訊

耳邊塵事且無喧聽我歸耕郭外村賤子自藏蠅殼舍
故人誰並雀羅門書窗共作三年計尊酒相逢一笑溫
不信家山不堪隱仇池今在古銅盆

和人七夕韻

今古良宵此會同望窮雲物有無中人間鉢合三山隔
天上靈槎一水通鵝鴨樓空紈扇月鴛鴦機冷苧蘿風
不須更乞蛛絲巧久矣人生百巧窮

海上

潮蹙三山島煙橫萬里沙蜃樓春作市鼉鼓莫催衙一
曲水仙操片帆漁父家安期定何處試問棗如瓜

次曹次仲韻因以自感

自笑區區學道難未容香火訪名山因循憂患餘生裏
收斂光芒窘步間白社祝公今日始丹丘容我幾時還
相從願結翻經會共過壺中日月閒

寒食阻雨招元功會話

欽定四庫全書

中州集

二五

滿城風雨殿餘春燕坐翛然亦可人楊柳杏花相對晚
石泉槐火一時新愁邊興味渾如酒句裏機緣欲脫塵
早晚阿咸來過我坐中軟語慰情親

次韻諸園不暇游覽

故人家有小池臺桃李成蹊手自栽尊酒幾時邀客去
園林無日不花開冉青一一歸圖畫紅紫紛紛費剪裁
勝槩須公與題品杖藜何惜醉中來

自解

投紱歸來歲月過清閒殊勝吏分窠人思狡兔藏三窟
我願白鷗同一波暴局何妨爛樵斧印章終欲博漁蓑
人間萬事俱塵土醉倒尊前柰我何

陪諸友登三山亭二首

半濛清淺芰荷彫落日登臨未寂寥山色逼秋潭作市
海聲迎莫欲吞潮沙頭白鳥疑相熟木末青旗苦見招
不是當時對官府可無閒話及漁樵

又

欽定四庫全書 中州集 卷三 二十六
霜林餘葉未全彤極目西風對次寥萬里沙荒秋後草
三神山動晚來潮移尊正及兵厨近結客何須驛騎招
老素撫床端可必未甘隨分隱畔樵

秋郊

秋水四五尺莫山三兩峯浮雲白毫相落日紫金容裝
笠前村笛樓臺古寺鐘殷勤小平遠圖畫記渠儂

次劉元直韻二首

秋來何事憶歸頻正以家無妒婦津未許桂枝招隱士

不妨桃葉贈行人夢覓歷歷千山遠客宦悠悠五斗貧
犀箸鸞刀許何日歸來舉案得紛綸

又

半年歸夢別離間只有音書鴈足還羅幕翠橫秋掩冉
玉壺紅濕淚灑斑天明不作霧非霧月破可憐山復山
準擬春風對眉嫵一尊相對洗愁顏

次韻夜雨

欽定四庫全書 中州集 卷三 二十七
海山何處是蓬瀛節物催人意自驚客裏厭逢今舊雨

夢餘愁聽短長更故園頗覺歸期緩老境難堪此段清
想得詩成正蕭瑟竹牕燈火夜微明

代人憶舊

緩步素絲障微吟紫綺裘醉便風側帽歌愛月明樓犀
軸題春恨銅荷滴夜愁風流十年夢燈火漫揚州

梅

誰道江梅驛信遲碧琅玕裏見橫枝為尋疎影暗香處
獨立嬾寒清曉時嚼蕊不妨浮白飲認桃休賦比紅詩

平生東閣風流在何遜而今鬢欲絲

題雪浦人歸圖

亂目寶花雨過眉斑竹節筆音迎畫鷁喜態動烏龍水
鏡千江月風琴萬壑松遙知永今夕情話得從容

歸來圖戲作

雲髻春風一尺高笑携兒女候歸橈情知一首閒情賦
合為微官懶折腰

城南庵

欽定四庫全書

中州集

三六

故鄉歸思白雲邊鉢東來想浩然桑下久無三宿戀
室中今許一燈傳夢驚城郭風塵窟興寄湖山雪月船
老矣重游恐難得平生四海與彌天

書何維楨見贈詩後

塵埃握手衆人中草木從來臭味同春夏我雖迷出處
交游君不異初終赤黃晚歲徵奇夢清白平生繼古風
歎息蜀州人日作傷心不覺涕無從

寄題薊丘僧房

道人休去白雲邊老矣分明懶瓊然參學誰能知許事
退休聊得息諸緣忘形馬跡車塵外適意山光水影前
想得松根憩寂莫壞殘雲衲半垂肩

虛春亭

碧琅玕裏小蓬廬想像幽人手植初不獨禪心破諸有
還於法性識真如古宿有翠竹真如之句應緣任笑風月底出世
要觀霜雪餘他日升堂參玉版會須傍出賞春蔬

雨後

欽定四庫全書

中州集

三九

塵埃日日厭風霾一雨方容眼界開水底天光大圓鏡
樹頭山色小飛來馬牛涉地無相及鷗鷺知人已不猜
更得扁舟待明月一盃容我醉雲罍

題歸去來圖

筆端奇處發天藏事遠懷人涕泗滂餘子風流空魏晉
上人談笑自羲皇折腰五斗幾錢直去國十年三徑荒
安得一堂重寫照為公桂酒瀉蕉黃

過關渡水圖

短車無復駕青牛散策方來對白鷗煙水從容許君獨

暫須分我一舡秋

寄題孔德通東園

花木陰陰一畝宮平生高興與誰同尊罍北海無虛日

鄉里東家有故風先業固知衣鉢在大門何惜橐奩空

襄陽者舊今誰識尚喜風流見阿戎

次韻鄆元與贈于元直道舊二首

人物傷心萬馬空于今聲價欵然東教條不獨行千里

欽定四庫全書

中州集

三

籌策曾經奉一戎事契百年知有自笑談三語記無同
白頭賴有髯參在解說當時喜怒公

又

倦游方歎錦囊空此道誰知一夕東容裏簿書慙老子

詩中旗鼓避元戎叩門莫厭經過數促席聊容語笑同
此樂祇憂兒輩覺不應品藻待渠公

彥美生朝

壯日里間俠臂彎雙角弓繡鞬金匼匝貂袖紫蒙茸雲

態自蒼狗玉輝猶白虹為君占壽骨詩句有清風

張萱戲嬰圖

犀顧玉頰寧馨子霧鬢雲鬟窈窕娘三十年前大門日

憶觀羣戲碧方床

河橋

桃李香中八九家青旗高挂綠楊斜晚來風色渡頭急
滿地蕭蕭楊白花

昌邑道中

欽定四庫全書

中州集

三

屋角雞號夜向晨客床相對話悲辛流離僅脫嚙等伍
老大空為濟上人却掃欲安無事貴累人猶屬有錐貧
故山鄰里今安否歸去同尋筭蕨春

題仲山枝巢

鏡中青鬚雪霜暗歲月從教落魄過物理不容人太過
生涯休歎我無多百年竟似蠅鑽紙萬事終同鼠飲河
祇恐徐公宿緣在東風時夢海棠窠

許內翰安仁六首

安仁字子靖河間樂壽人大定七年進士歷禮

部員外郎出守澤州遷同知河南府事以汾陽

軍節度使致仕子古字道真父子俱名流也

望少室

名山都不見真形萬仞盤盤入杳冥安得雲間騎白鶴

下看三十六峰青

送二道者歸汾州

介休山下兩閒人來訪汾陽舊使君明日却歸塵外去

欽定四庫全書

中州集

卷三

一雙白鶴上青雲

草木蟲魚詠二首

蠅鑽故紙竟不悟蛾撲明燈甘喪生大似盲人騎瞎馬

不知平地有深坑

又

蓬在麻中應自直蒿生松下亦能高不關若輩工攀附
物理由來繫所遭

少室道中

少室峯頭曉月沈千家城郭淡陰陰五更雞唱殘星滅
馬上看山過少林

遊泰安竹林

蕭寺天教勝處安峯巒騰擲水雲閒客來總說遊山好
不道山僧却厭山

承旨党公六十五首

公諱懷英字世傑宋太尉進之十一代孫父純

睦自馮翊來以從仕郎為泰安軍錄事叅軍卒

欽定四庫全書

中州集

卷三

官妻子不能歸遂為奉符人公之在世也太夫

人夢道士吳筠來託宿及公生儀觀秀整如神

仙然少穎悟日授千餘言師毫社劉嵒老濟南
卒幼安其同舍生也嘗試東府取解魁是後因
於名場遂不以世務嬰懷放浪山水間詩酒自

娛簾瓢屢空晏如也夫人石氏徂徠先生之後
亦能安貧守分既久鄉豪傑有知公者稍料理
之大定十年擢進士甲科調成陽軍事判官汝

陰令人為史館編脩應奉翰林學士出為大定
軍節度使為政寬簡不言而人化召為翰林學
士承旨致仕大安三年九月年七十八終於家
是夕有大星殞於所居之堂衆驚視之而公已

逝矣謚曰文獻禮部開閣公墓誌云公之文似

歐公不為尖新奇險之語詩似陶謝奄有魏晉

篆籀入神李陽冰之後一人而已嘗謂唐人韓

蔡不通字學八分自篆籀中來故公書上軋鍾

瓊花木后土像

重山復峻嶺溪路宛盤盤流水滑無聲暗瀉溪石間岸
草淒以碧鮮葩耀紅丹高雲映朝日流景青林端我行
屬朱夏欲渴不得閒山中有佳人風生松桂寒

皇媧化萬象賦受無奇偏胡為墮愛境亦為尤物牽煌
煌靈祠花玉蘂冠春妍婉如傾國姝獨立江湖邊顧惜
怨奪移含秀梁宮烟青黃竟自寇始信擁腫全珍材歸
好事肌理緻且堅琢刻方寸餘遺像規汾墻願言稅靈
馭要復安所怜神游妙難詰豈以大小懸槐根開夢國
橘實游棟仙靜想寶龕中坐納東南天況有大者存指
詎可窺於神器公族三宥卒莫逭於常刑非忘本根骨肉之情蓋為宗社安危之計亦由涼德有失睦親乃於間歲之中連致逆謀之起恩以義掩至於重典之亟行天高聽卑殆非此心之得已興言及此愧歎奚窮論者謂公之制誥百年以來亦當為第一閭閻公作碑偶不及此故表出之

穆陵道中二首

顧超八挺

君錫生子四月八日

左君錫
名士
薦

堂前種護憂可忘不如生兒喜殊常嘔啞啼笑彩衣側
滿堂和氣生嘉祥燕寢香凝佳夢兆與佛同生佛親抱
我來初見出錦綯肌肉照人眉宇好世間兒子空紛紛
如君此兒真慰人薦山東盤出英秀政與德門宜子孫

天馬駒海鶴子氣骨初成便超異簾雲冲霄從此始
立春

水結束溪凍未漪風凌枯木怒猶威不知春力來多少

便有青蠅負暖飛

端午日照道中

幾年客舍逢端午今日東行復海隅三歲已無平老父

一杯聊作辟愁符

夏日道出天封寺

疊澗重岡掩復開鳥啼人寂路繁回微涼暫逐行雲過
細雨俄從遠樹來世事自嗟吾老矣山僧那識興悠哉
婆娑十畝溪邊櫟借汝清陰感不材

龍池春興

三十餘年惜別心重來獨興此登臨佳人何在莫雲合
游子不歸春草深曲檻凭欄花幕扁舟繫岸柳陰陰
避人白鳥忽驚去雙影飛翻明翠岑

宿宣灣

清潁去無極悠悠楚甸深人家半臨水村徑曲穿林積
雨猶行潦荒煙易夕陰夜涼淮浦月寂莫照邊心

黃彌守畫吳江新雪圖

欽定四庫全書

中州集

三

欽定四庫全書

中州集

三

江雲卷宿雨江風散晨煙山光煙雨潤欲滴影墮江水
空明間脩蛾新粧翠連娟下拂塵鏡窺明蠲漁舟來何
許觸破青茫茫然中流水肥魚逆上受網應有松鱸鮮借
問張季鷹西風幾時還漁郎理網喚不應但見水碧石江
涵天如何塵埃中眼界有許寬道人胸次波萬頃為寫
此境清而妍蒼崖無塵樹影寒直欲坐我苔磯邊我家
竹溪陰小艇橫清漣異時赤腳踏兩舷不應尚作披圖
者

雪中四首

詩人固多貧深居隱茅蓬一夕忽富貴獨卧瓊瑤宮夢
破窗明虛開門雪迷空蕭然視四壁還與嚮也同閉門
撚鬚坐愈覺生理窮天公巧相幻要我齊窮通衝寒起

沽酒一洗芥蒂胸

又

翻翻雪中鴉飛鳴覓遺粟雪深不可求遠屋啄寒玉顧
我如鴟鳩多儲有餘肉我亦生理拙凍卧僵雪屋日午

飢無煙飢吟攬空腹宣不知屠沽肥甘隨取足幸待春

雪消吾猶多杞菊

又

歲晏苦風雪曠野寒崢嶸濕薪燒枯棘距刺相挾擰濃
烟久伊鬱微焰方晶熒津津膏乳漿中有蚯蚓鳴蓬蒿
掇快炬倏作飛灰輕餘暖未及愜曉淚先已盈幸有鄰
家酒時澆肌粟平

又

歲晏雪盈尺農夫倍欣然不作祁寒怨應知有豐年笑
我寄一室歸耕無寸田無田吾不憂飲啄當問天我者
多田翁租賦常逋懸低頭負呵責顏色慘可憐不如拾

滯穗行歌兩無牽

雪

寶花天雨曉紛紛佛界莊嚴盡白銀待臘風雲初接勢
犯寒糟麴若為神園中芳草誰能賦江上梅花獨自春
半臂騎驢得佳句九原誰喚灞陵人

蟬

槁壞陰潛罷轉丸飄飄便作飲風仙幽藪何處拳枯蛻
別樹還來續斷絃小院日長清夢覺空庭人靜綠陰圓

無情物化誰能料觸撥羈懷一慨然

漁村詩話圖

江村清境皆畫本畫裏更傳詩語工漁父自醒還自醉
不知身在畫圖中

曉雲次子端韻

灤溪經雨浪生花曉碧翻光漾曉霞川上風煙無定態

盡供新意與詩家

送高智叔歸濟南

已作西溪約還為汶上行漂流知分際會合見平生旅
枕勞歸夢家山入去程空齋桃李月寂莫照清明

日照道中

路轉清溪樹蔚然解鞍坐憊午陰圓避人鷗鳥驚飛盡

時有游魚弄柳綿

欽定四庫全書

卷三

四十一

夜發蔡口

落霞墮秋水浮光照舡明孤程發晚泊倦楫搖天星藹

藹野煙合翛翛水風生遠浦浩渺濛微波澹彭觥畸鳥

有時起幽蟲亦宵征懷役歎獨邁感物傷旅情夜久月

窺席恍慨心未平

西湖晚菊

重湖匯城曲佳菊被水涯高寒逼素秋無人自芳菲鮮

颶散幽馥晴露墮餘滋蹊荒綠苔合采采歎後時古碑

貯清泚芳樽湔塵霏遠懷淵明賢獨往誰與期裴徊東
籬月歲晏有餘悲

西湖芙蓉

林飈振危柯野露委荒蔓孤芳為誰妍一笑聊自獻明
粧炫朝麗醉態羞晚困脉脉懷春情悄悄驚秋怨豈無

桃李媒不嫁惜嬋媛悠哉清霜莫共抱蘭菊恨

浪溪別吳安雅

浪音郎

浪水清且白頻年照行役褰裳涉微波微波去無極悠

欽定四庫全書

卷三

四十二

悠溪上山送我往復還與君臨水別幽恨寄山間

奉使行高郵道中二首

野雪來無際風檣岸轉迷潮吞淮澤小雲抱楚天低鞋

韃船鳴浪聯翩路牽泥林鳥亦驚起夜半傍人啼

又

細雪吹仍急凝雲凍未開牽閒時掠水帆飽不依桅岸

引枯蒲去天將遠樹來行舟避龍節處處隱漁隈

孤鴈集句

萬里銜蘆至寒空半有無踪分沙岸靜聲入塞垣孤影早衝闕月飛高望海隅不知天外侶何處下平蕪

黃菊集句

九月欲將盡鮮鮮金作堆遠籬殘艷密擁鼻細香來五色中偏貴羣花落始開可怜陶靖節共此一傾杯

金山

我從渡淮涉高郵雪風連日吹行舟維揚地西闔夜色星月隱見邊城樓晴光破曉射瓜步照耀玉宇開瓊洲

欽定四庫全書

中州集
卷三

馮夷收威浪妥帖容我一到金山頭金山勝槩冠吳楚萬礎蟠峙江中流平生夢寐不到處乃以王事從私游鍾山雨花落眼底海門鶴崖波際浮川開林闢望不極但見遠色明輕鷗風烟渺漭異吾土行役有程難久留一盃未舉帆影轉已看浙樹捎旗旒

趙飛燕寫真

昭陽宮裏千蛾眉中有一人輕欲飛姊妹黃緣特新寵六宮鉛粉無光輝春回太液花如繡花底輕風扶翠袖

君恩不許作飛仙築積宮裙留淺皺君王貪宴溫柔鄉木門不省搖倉琅避風臺成畧今古空使遺妒驚霓裳當年傾城復傾國誰寫餘妍入丹碧背燈擁髻一潛然不應尚有樊通德

村齋遣事

人生天地真蘧廬外物擾擾吾何須與其羈馬齊轅駒豈若飲飴隨駘駕不知掉尾忘江湖响响濡沫胡為乎誰念挾卷矜村墟磨丹點黝園樵蘇申鞭示箠嚴範模

欽定四庫全書

中州集
卷三

叟如狙翁調衆狙爾雅細碎編蟲魚辭嚴義密字見疎烘齋睥睨音語麌諷誦誰敢忘須臾萬中有一差錙銖咿啞坐使為呻呼咄哉倡言口囁嚅等為兒戲夫何殊霜風入戶寒割膚生薪槎牙供燎爐漫漫濕煙迷四隅白鶴日見黔如烏此間縱樂能何如其誰相與歌歸歟

投籠嗟我自摯拘垂翅更待窮年徂

和張德遠伐松之什

社櫟賦散材乃遭匠石嗤高梧中宮徵不能保孫枝全

傷隨用否理固不可移堂堂十八公端勁出天姿蟠根
借餘潤茂鬱清溪涓雨師夜失律偶此遺神螭煙鱗漬
寒雨霧靄明朝曠騰攀困愈壯偃蹇僵不疲未能走沆
漭聊與草木嬉長風動頭角吟嘯舒鬱伊塵埃詎能久
雷電會有時昨宵臥溪月老影閒橫欹天明竟不舉俯
仰益怪奇擎拳攀半崖渴喙吞清漪希珍價不售復病
樵柯危材高轍爾耳咄彼造化兒樛枝飽霜雪遽與蓬
蒿衰孤標挽萬牛未為廊廟知窈窕桃李春奈爾千歲

期枯桑豈自賈取敗以老龜茲非饗下材梁棟終見施
長短歸自然勿為鳬鶴悲

題獐猿圖

雲山空岡阜重槲葉半濕新霜紅溪猿得意適其適閒
攀靜桂晴光中孤腐何從來寂歷野竹風舉頭相視不
相測昂藏却立如癡童鯤鵬負雲天斤鷗處蒿蓬萬生

所樂自不同惄然胡為之二蟲

和濟倅劉公傷秋

川流為瀦鉅野濶水色天容兩開豁山隨水遠勢奔驚
駿馬西來銜轡脫山前雲木散不收坐看木末來歸舟
秋容澄明納萬象畫本寂默橫雙眸謫仙曾來釣煙磧
想見夕陽寒影隻騎鯨去作汙漫遊只有荒臺壓澄碧
臺邊昨夜西風來倦游羈宦心悠哉豈無瓊艘百旆載
春色是中可以忘形骸官居得秋况不惡高吟何遽悲
搖落君不見中郎詩翰憶湖山秋色正滿連雲閣

題春雲出谷圖

春雲乍出山有無春雲已去春山孤山光空濛不可寫
正要雲氣相縈紆山吞雲吐變明晦半與嵒谷生朝晡
輕林蕭蕭暗溪樹餘影漠漠開樵居舟人艤棹並沙尾
坐着縹緲搖空虛巧分天趣出畫外韻遠不與丹青俱
今人重古不知畫但愛屋漏煙煤汙惜哉東坡不及見
此本詩中獨有疊嶂煙江圖輕林蕭蕭一作輕陰霏霏

新泰縣環翠亭

官居坐官府不見青山青閣來亭上看青山遠重城左

見青山縱右見青山橫具教浮虛碧崕嶧羣峯連娟相
繚繁縣庭無事苔蘚生獨携珍琴寫溪聲琴聲鏘鏘激
虛亭罷琴舉酒招山英山英莫相嘲我雖朝市如林坰
客有山中來聞說令尹清山英異時合有情周遮不放

公馬行

喜雨

山雲駛如驅山雨沛如傾幽人夢初醒卧聽簷溜聲雷
霆怒相搏似與陰陽爭蛟龍久何蟠始此幽蟬驚餘花

欽定四庫全書

中州集
卷三

四十六

繞屋皆泉石懷恩戀官廩老大歸未得況復秦川遙便
恐此生隔峻嶒蒼煙面只許畫中識詩成持送君想像
三歎息

曉猶落竟日方破晴明朝東臯望照眼生意明焦枯被

沾濡相與迴春榮忻然野桃李新綠棲殘英漸漸麥壠
翠溜溜溪流清蛙鳥亦解喜飛沈互喧鳴萬物皆得時
棲遲感吾生直應挂儒冠便逐春農耕

睡覺門外月色如晝霜風過寥然成聲作一絕

老木經霜衆寂空月明深夜響秋風始知天籟非人籟
吹萬由來果不同

題張維中華山圖

苡珠散遺胄我姓出馮翊空聞華山名未始見顏色三
峯擢觚稜經眼但石刻那知玉井蓮香落渭北巔崖
劃變轉勢走關輔窄豈無愛山人不解傳粉墨多才曲
江齋公暇日招揖歸寢貯新圖尚帶烟霧濕明窗一傳
玩悅若到鄉國我生隨宦游久作東南客有田泰山下

欽定四庫全書

中州集
卷三

四十七

題馬賁畫鷓鴣圖

雙眠雙浴水平溪共看秋光卧兩堤誰信瀟湘有孤鴈
冷沙寒葦不成棲

書因叔北軒壁

生涯自分老林泉欲止還行信有緣未許綸竿歸醉手
且教煙水入吟鞭雲山聊欲追聲叟風腋何妨借玉川
獨卧北軒元不寐竹間寒雨夜琅然

和元卿郊行

馬駛車驅起路塵。傍山陰翳作春溫。東風欲放萌芽動。已有疲牛喘燒痕。

世華將有登州之行作是詩以送之

少陵兄弟蓋三人。坡老相知只卯君。五畝有期將共隱。一尊何易便輕分。秋鴻渺渺者孤往。夜雨瀟瀟忍獨聞。他日書來問無恙。我應深釣竹溪雲。

灘密道中懷古

十二全齊勢興亡。俯仰中地傾。淮水北山斷。穆陵東破

塚餘殘甓荒蹊足。轉蓬燕齊舊懸隔。不接馬牛風。

過棠梨溝

地僻人煙少。山深澗谷重。坡陁下長坂。迤邐失峯間。

俗知懷土聽歌識。相看幾家茆屋外。田畝自衡從。

朐山驛亭阻雨

東海地名。蒼梧舊說云此島自蒼梧浮來。又州有景疏樓。

脫葉蕭蕭山木稠。連檣飄汎海。蓬秋浪回朐島馮夷舞。

雲暗蒼梧帝子愁。欲往未行淹。僕馬乍來還去羨鶴鷺。

景疎樓下無邊水。暫濯塵纏可自由。

欽定四庫全書

中州集

四六

欽定四庫全書

中州集

四九

弔石曼卿
曼卿嘗通守朐山。遺人以泥封桃李核。飲山之石室間鳴。琴為冰車。鐵馬。冰車斷遺響。

城頭山色翠玲瓏。尚憶清狂四飲翁。鐵馬冰車斷遺響。桃花石室自春風。平生詩價千鈞重。身後仙遊一夢空。想見蓬萊水清淺。芙蓉城闕五雲中。

朐山道中三首

二年三到水雲鄉。瘦馬凌兢怯路長。野雪未乾春未雨。落鶯飛起暗塵黃。

又

吳歌楚語海山間。織葦苔菰便自安。已作稻塍猶未種。

小溝流澁水車乾。

又

海路東南萬壑傾。青山孤起壓重城。驛亭春半餘寒雪。

牆角無人草自生。

應制粉紅雙頭牡丹二首

卿雲分瑞雨。嫣然鏡裏粧。成穀雨天曉。日倚闌閒妒艷。

春風拾翠兩駢肩水南水北何曾見桃葉桃根本自仙

夢想沉香亭北檻畧脩花譜記芳妍

又

春意應嫌芍藥遲一枝分秀伴雙絳並肩翠袖初酣酒
對鏡紅粧欲鬪奇上苑風煙工獻巧中天雨露本無私
更看散作人間瑞萬里黃雲麥兩岐

次文孺韻

病眼花生紙羈懷棘遠墻挑燈簷溜急到枕漏聲長響

欽定四庫全書 中州集 卷三 五
徹雞啼曙寒迎鴈背霜淒涼三徑菊無夢到壺觴
詩是貢院中唱和故有花生紙棘遠嚦之句

白莊道中

暖風遲日弄春晴渾似龍眠畫裏行沙路半隨堤尾曲

幾家桃李鶲鴉鳴

花品

翠裙襞破黃薇新樣丁香結玉蕤最愛東風木芍藥
淡紅深紫兩相宜

上皇書扇後

便面團圓字點鴉天風吹墮委塵沙燕泥庭草爭工拙
何似當年陌上花

送崔深道東歸

君從鬱葱幾時來鬱葱山色空崔嵬白雲已自動歸意
螭蜎蜘蛛況可懷薰風濁酒非薄苔那知空齋響蚊雷
酒酣臨風解相憶喚取玉笛傳清哀

和道彥至

欽定四庫全書 中州集 卷三 五

山光凝黛水浮空地僻偏宜叔夜慵尚喜年登更冬暖
敢論人厄與天窮君方有志三重浪我已無心萬里風
擬葺小園師老圃綠畦春溜引連筒

楚清之畫樂天小娃撐小艇偷採白蓮回不解藏
蹤跡浮萍一道開詩因題其後

樂天歸卧湖山邊閒買池塘娛莫年小蠻已老樊素去
心地玲瓏如白蓮室中誰遣散花天故點禪衣香破禪
鴛鴦為報竊花處題詩要戲小婢娟紅粧秋水照明蠲

清之粉本清且妍道人無心被花惱對面作詩真適然
君不見元亮投名蓮社裏不妨更賦閒情篇

寄賈因叔

鶴居駁食兩迷陽四十猶貪桂子香石汶為君拋水月

憲陵回首見冰霜蟲魚細碎成書癖荆棘崢嶸失醉鄉

舉白北軒真一夢竹間猶記雨浪浪

題大理評事王元老雙橘堂

朱橘復朱橘傳分包貢實煌煌中堂榜奇畫照公堂前

欽定四庫全書

卷三

五十三

護草碧公今致養豐祿食更取蠻珍奉顏色舉觴一笑
三千秋坐看諸孫索梨栗

宿舊縣四更而歸道中撫所見作行路難

三星排空山月明思歸客子夜半行單衣短褐風淒清
響踏黃葉棲禽驚忽忽曉轉沙岸側枯蓼寒蘆鳴索率

山月欲隨山煙黑前路無人脚無力行路難堪歎息

途中壬辰正月

平明發郊墟獨步踰蹀蹀引領發前程日出煙未滅林

迴鳥始喧麥短牛已嗜春陽氣未壯道左尚殘雪長風
拂歸袂凜欲變冬冽指凍僵不拳膠凝仍欲折而我竟
何事犯此寒正切脩途去未幾行意先已紫安得兩翼
生高飛度林樾

徐茂宗蝸舍

萬生擾擾安其安鷺鳩不羨鵬飛搏端知扶搖上九萬
無異跳躍蓬蒿間是身江海一漂粟身外紛紛皆外物
一塵儻可容所窯何用渠渠作高屋知君從道由心成

欽定四庫全書

卷三

五十三

昔焉忘俗今忘形物來弭角不知競觸蠻血戰良虛名
我夢敲門訪君舍舍小不容相對話覺來驚見壁間蝸
俯仰人間真物化

壬辰二月六日夜夢作一絕句其詞曰矯冗連天

花春風動光華人眠不知眠我佩絳紅霞夢中自

以為奇絕覺而思之不能自曉故作是詩以紀之
夢中作詩真何詩夢中自謂清且奇覺來反覆深諷味
字偏句異誠難知豈非夢語本真語無乃造物為予嬉

君不見莊周古達士栩栩尚作蝴蝶飛我生開眼尚如此況在合眼夫何疑

黃華王先生庭筠二十八首

庭筠字子端熊岳人父遵古字仲元正隆五年進士仕為翰林直學士才行兼備道陵所謂昔人君子者也子端早有重名大定十六年甲科文采風流照映一時歷州縣用薦者供奉翰林承安中為言事者所累謫鄭州幕官未幾復應奉稍遷脩撰卒官年四十七子端詩文有師法高出時輩之右字畫學米元章其得意處頗能似之墨竹殆天機所到文湖州已下不論也平生愛天平黃華山水居相下十年自號黃華山主有集傳于世其歿也道陵有詩悼之其引云王遵古朕之故人也乃子庭筠復以才選直禁林者首尾十年今茲云七玉堂東觀中無復斯人矣其家以遺文來上尋繹之久良用愴然詩

不錄屏山故人外傳云子端出家子風流醞藉冠冕一時為人眉目如畫美談笑俯仰可觀外視若簡貴人初不敢與接一見之後和氣津津溢於衡宇間又其折節下士如恐不及苟有可取極口稱道之故人人恨相見之晚也予萬慶字僖伯詩筆字畫俱有父風仕為行尚書省左右司郎中猶子明伯幼歲學書書家即稱賞之倜儻無機智力絕人曾有詩云釣鼈公子鐵心胸興在三山碧海東千尺雲帆已高揭不知何日得秋風死於鄧州年未四十也

楊祕監下槽馬圖

龍眠悔畫馬政恐墮馬趣我今破是說試下第一句道人三昧手游戲萬象具萬象初莫逃畢竟無所住譬如大圓鏡照物隨其遇少焉物四散影果在何處楊侯具此眼透脫向上路萬馬落人間蓋證龍眠誤

書西齋壁

世事雲千變浮生夢一場偶然攜杖來此據胡床有
雨夜更靜無風花自香出門多道路何處覓亡羊

八月十五日過泥河見鴈

家在孤雲落照間行人已上鴈門關憑君為報平安信
才是雲中第一山

示趙彥和

四柳危亭坐晚陰殷勤雞黍故人心兒孫滿眼田園樂
花木成陰歲月深十畝蒼烟秋放鶴一簾涼月夜橫琴
家山活計良如此歸興秋風已不禁

大安寺試院中寒食

東風日日漲黃沙供佛床頭始見花寒食清明好時節

年年憔悴獨離家

獄中賦萱

沙麓百戰場鳥鹵不敢樹况復幽園中萬古結愁霧寸

根不擇地於此生意具婆娑綠雲杪金鳳掣未去晚雨

沾濡之向我泣如訴忘憂定漫說相對清淚雨

柳州戲題皆前

欽定四庫全書

中州集

五十六

欽定四庫全書

中州集

五十七

獄中見燕

笑我迂疎觸禍機嗟君底事入圜扉落花吹濕東風雨
何處茅簷不可飛

偕樂亭

日暮西風吹竹枝天寒杖屨獨來時門前流水清如鏡
照我星星兩鬢絲

野堂二首

綠李黃梅繞屋疎秋眠不著鳥相呼雨聲偏向竹間好
山色漸從煙際無

又

雲自知歸鳥自還一堂足了一生閒門前剥啄定佳客

芳藥東坡長春如稚女及賦王伯颺所藏趙昌畫梅花
黃葵芙蓉山茶四詩黨承旨世傑西湖芙蓉晚菊王內
翰子端獄中賦萱凡九首予請閑閑公共作一軸寫自
題其後云柳州怨之愈深其辭愈緩得古詩之正其清
新完麗六朝辭人少有及者東坡愛而學之極形似之
工其怨則不能自掩也光承旨出于二家辭不足而意
有餘王公翰無由追配古人而偶與之合遂為集中第
一大都柳出于雅坡以下皆有騷人之餘韻所謂生不
並世俱名

簷外辱顏皆好山

韓陵道中

石頭肇砌兩坡間不記秋來幾往還日暮蹇驢鞭不動天教仔細數前山

絕句

竹影和詩瘦梅花入夢香可憐今夜月不肯下西廂

孫氏午溝橋亭

閒來橋北行偶過橋南去寂莫獨歸時沙鷗晚無數

送士選山東外臺判官

秋天寥廓使星明光動山東七十城玉署文章厭閑冷繡衣風采試澄清人隨白鴈霜前到詩繞青山馬上成才力如君君未老只愁無地避功名

張禮部溪山真樂圖

悠悠春天雲想見平時間朝遊溪橋畔莫宿山堂間澹然不知愁亦復忘所懽出山初無心既出還思山人間待霖雨欲歸良獨難山堂悵何許蕭蕭松桂寒

內鄉浙江張淳休窪尊為二兄賦

嵒花覆我酒酒面照幽妍風如惜花影不肯生微漣空

山悄無人花枝自留連懷人成獨醉日暮山蒼然

超化寺

隔竹微聞鍾磬音牆頭脩緣冷陰陰山迎初日花枝靚寺裏清潭墻影深吾道蕭條三已仕此行衰病獨登臨簡書催得忽忽去暗記風煙擬夢尋

舍利塔

欽定四庫全書

中州集

五

中州集

五

蒼山亭亭如覆盞佛塔東西屹相向林頭朝日射重簷黃金丹砂曠生光中華此塔第十五圖記所傳知不妄智慧薰成舍利羅夜半奇芒時一放想見當時阿育王麾叱神工鞭鬼匠雲車瘴海挽炎沙沙底黃腸三萬丈石排方面蔑石段鐵銅瘦中腰鼓樣功夫精密業長久位置尊嚴氣高張地皮浮水膚寸許旱溢與之俱下上崧山歸山夏秋雨雨潦從衡歲相盪天龍圍護夜叉守終刻不敢生波浪塔前樹秀老不死樹下水流多益壯

再拜初嘗一勺甘洗我三生煩惱障

夏日

西窓近事杳如夢北客窮愁日抵年花影未斜猶睡外
槐枝猶颤鶴飛邊

中秋

虛空流玉洗世界納冰壺明月幾時有清光何處無人
心但秋物天下近庭梧好在黃華寺山空夜鶴孤

被責南歸至中山

丙申

欽定四庫全書

中州集

辛

短轍長路兀呻吟行李遲遲日益南親老家貧官職重
恩多責薄淚痕深向人柳色渾相識著雨花枝半不禁

回首觚稜雲氣隔六年侍從小臣心

送子貞兄歸遼陽

青峭江邊玉數峯烟梳雨沐為誰容到時為向山靈道
歸意如君一倍濃

采蓮曲

南北湖亭競采蓮吳娃嬌小得人憐臨行折得新荷葉

却障斜陽入畫船

秋郊

瘦馬踏晴沙微風度隴斜西風八九月疎樹兩三家寒
草留歸犢夕陽送去鴉隣村有新酒籬畔看黃花

憶瀘川

極目江湖雨連陰甲子秋青燈十年夢白髮一扁舟

夏日

檀櫟倒景硯波清注了黃庭譜鶴銘且喜過門無襏纖

欽定四庫全書

中州集

壬

却憐浣壁有寧馨

劉賓客詩寧
字平聲呼

河陰道中二首

梨葉成陰杏子青榴花相映可憐生林深不見人家住

道上唯聞打麥聲

又

微行入麥去斜斜才過深林又幾家一色生紅三十里
際山多少石榴花

禮部閑閑趙公秉文六十三首

秉文字周臣，潁陽人。間間其自號也。幼穎悟，讀書若夙習。大定二十五年進士應奉翰林文字。上書論宰相胥持國當罷宗室守貞可大用。又言獄訟征伐國之大政，自古未有君以為可大臣以為不可而可行者。坐譏訟免官，未幾起為同知岢嵐軍州事，轉北京路轉運司度支判官。承安五年冬十月陰晦，連日宰相萬公入對。上顧謂萬公曰：「卿昨言天日晦冥，亦猶人君用人。」

院開興正月京師戒嚴時，公已老，日以時事為憂，雖食息頃不能忘。每聞一事，可便民一士，可擢用大則拜章，小則為當路者言。殷勤鄭重，不能自己。竟用是得疾薨，年七十四。自幼至老，未嘗一日廢書不觀，著易叢說十卷、中庸說一卷、揚子發微一卷、太玄箋贊六卷、文中子類說一卷、南華略釋一卷、列子補注一卷、刪集論語孟子解各一十卷、資暇錄一十五卷。所著文章號

澄水集者，前後三十卷。大槩公之文出於義理，之學故長於辨折，極所欲言而止，不以繩墨自拘。七言長詩筆勢縱放，不拘一律。律詩壯麗小林修撰出為寧邊州刺史。二年改平定州治化，清淨所去人思之。貞祐初，中國仍歲被兵，公建議時事可行者三一遷都，二尊河，三封建朝廷，畧施行之。四年除翰林侍講學士，明年轉侍讀。

興定中拜禮部尚書兼侍讀同脩國史，知集賢

夏人多問公及王子端內翰起居狀，朝廷因以

公報聘其為四方所重如此論者謂公至誠樂
易與人交不立崖岸主盟吾道將三十年未嘗
以大名自居仕五朝官六卿自奉養如寒士不
知富貴為何物蓋學道所得云

雜擬三首

朱明變氣候大火向西流六龍整征轡倏忽夏已秋閻
閨來悲風霜棱被九州豈不念時節歲律聿其周精衛
填溟海木石安所投獨攜羨門子高步登崑丘千秋長

欽定四庫全書

中州集

卷三

中州集

卷三

不老永謝區中囚

又

猗猗南山竹並生凡卉聚歲晏多霜雪見別蕭艾中我
欲食鶯雛千歲不一逢留之和律呂截作解谷箇一變
為清商日莫來悲風清泉溉石根上有白雲封虛心抱
靜節知音為誰容不如歸去來一竿釣清灘

又

白日淪西汜滄海無回波四時更代謝奈此遲莫何我

欲制頽光惜無魯陽戈憑高望八荒曠睨迷山河驚風
振江海山林無靜柯獸狂走四顧曠野迷絳羅西登廣
武山北顧望三河蓬蒿蔽極目人少虎狼多喟然發長
歎拊劍徒悲歌

花下墓

山前樹今人看花昔人墓昔人栽花待邀賓花開墓上
人何處今年花盡復明年今人復為後人憐酒澆墓上
喫不得留與饑鴟作寒食

欽定四庫全書

中州集

卷三

倣王右丞獨坐幽篁裏

獨坐幽林下談玄復觀易西日隱半峰返照林間石石
上多古苔山花闌紅碧花落人不知山空水流出

和陶淵明擬古五首

小智多自私大方乃無隅一毫納萬象萬象非卷舒日
月為我牖天地為我廬曲士窘拘囚一身無容居我夢
登日觀青天入平蕪俯視但一氣二豪彼何如

又

昔日穆天子侈心窮八荒崑崙入馬蹄蓬廬視明堂王

母為之謠白雲何茫茫憑高俯九州塊如螻蟻場歸來

越河闢萬象壓崧嶺遂令學仙者聞風為激昂漢武千

秋露淮南八公方至今瑤池宴空為後代傷

又

吾道無繙磷萬古常如茲奈何中智下謂彼不知時與
世頗殊好譬彼渢與淄我欲質所從登高望九疑路逢

古漁父長歌蒼浪辭出門異所見退坐還自思當世固

欽定四庫全書

中州集

卷三

中州集

卷三

殊古古人不我欺翩翩出林鳥日莫將何之倚簷送歸

盡聊欲弦吾詩

又

西北有佳人樓上拊雲和一鼓別鶴操再弄求凰歌絃
聲幾欲絕哀響何其多昔為掌中珍今為路傍花壯年

不再得華落將如何

又

張衡詠思玄屈平賦遠遊高情薄雲天意氣隘九州朝

攀扶桑枝夕飲弱水流翻然不忍去無女哀高丘嚴霜
下百草歲律聿其周蕭蘭共憔悴已矣吾何求

中秋

天風吹河漢明月懸清光清光不可掇流影入杯觴吸
此風露魄澆我冰炭腸向來功名心一笑雪沃湯人生
幾中秋彈指三萬場胡為置熱惱不使心清涼此心如
秋月虛明洞八方此身萬化中太山一毫芒尚無物與
我何者為彭殤推琴黃葉落矯首白雲翔解衣一盤礴

欽定四庫全書

中州集

卷三

清境墮渺茫

送雷希顏赴涇州錄事李君美治中公廨南樓坐

中作

嚴霜枯百草搖蕩鳩心翩翩萬里翼隨雲落西南涇
州東流不到燕送君落日孤雲邊聲名一日天下白還
作高樓坐中客西州自古多豪英作者凜凜氣猶生太
尉清風邁萬古不勞折蓋答此虜男兒生不功名死無
益莫言簿領卑凡職君不見當時鬚張一尉耳至今雙

廟令人起

曾直烏絲欄黃庭

太清虛皇玉景經琅函瓊笈祕始清囊以雲錦金鉢局
四神守衛訶百靈中夜一氣存黃庭玄霜瓊膏灌子形
方瞳綠髮鬼魄寧上壽千秋下百齡天書夜降敕六丁
控駕三素乘風冷鳳笙龍筦超冥冥揚旌抗旆燭飛星
八威吐毒驅雷霆擲火萬里流金鈴仙人拂石刻不聽
笑視人世風中螢世間醉夢紛膻腥三尸調汝丹田螟
欽定四庫全書

卷三

六

欽定四庫全書

卷三

六

有如尾閭泄滄溟一朝神離鳥飛群涪翁書法出蘭亭
名書此經實自銘開卷恍然如酒醒養生新發庵丁硎
同粹中師賦梅

寒梅雪中春高節自一奇人間無此花風月恐未宜不
為愛冷艷不為惜幽姿愛此骨中香花餘嗅空枝影斜
清淺處香度黃昏時可使饑無食不可無吾詩

游華山寄元裕

我從秦川來遍歷終南游莫行華陰道清使明雙眸東

風一夜橫作惡塵埃咫尺迷嵒幽山神戲人亦薄相一
杯未盡陰霾收但見兩崖巨壁插劍戟流泉夾道鳴琳
璆希夷石室綠蘿合金仙鶴駕空悠悠石門劃斷一峯
出婆娑石上為遲留上方可望不可到崖傾路絕令人
愁十盤九折羊角上青柯平上得少休三峯壁立五千
仞其下無址傍無儔巨靈仙掌在霄漢銀河飛下青雲
頭或云奇勝在高頂脚力未易供冥搜蒼龍嶺瘦苔鮮
滑嵌空石磴誰雕鏤每怜風自四山而下不見底惟聞
松聲萬壑寒颸颸捫參歷井到絕頂下視塵世區中囚
酒酣蒼茫睞無際塊視五岳芥九州南望漢中山碧玉
簪亂抽況復秦宮與漢闕飄然聚散風中漚上有明星
玉女之洞天二十八宿環且周又有千歲之玉蓮花開
十丈藕如舟五鬚不朽之長松流膏入地盤蛟虬采根
食實可羽化方瞳綠髮三千秋時聞笙簫明月夜芝輶
羽蓋來瀛洲乾坤不老青山色日月萬古無停輪君且
為我挽回六龍轡我亦為君倒却黃河流終朝汗漫遊

八極乘風更覓元丹丘

和淵明飲酒九首

翩翩萬里鶴日暮將何之昏鴉擇所安笑汝不知時孔
席不暇暖此理吾不疑尚愧淵明翁濁酒時一持

又

貧賤豈不苦仰慕冥鴻飛富貴豈不樂乃有黃犬悲苦
樂各異趣嗜好從所依我欲作九原獨與淵明歸挂冠
不待年况此齒髮衰遙醉一杯酒毋令寸心違

欽定四庫全書

中州集

七

秋菊有至性霜松無俗姿采采黃金花笑拊蒼煙枝偶
有杯中物成此一段奇白雲南山來出岫復何為醉卧
東籬下聊脫人間羈

又

今日好天色清晨雪雲開東風如故人適我平生懷坐
見南來燕孤雌與雄來莫歸主人堂梁間有雙栖巢傾
覆其子又補新巢泥翩翩隨陽鴈幽貞苦難諧江湖偶

相失咫尺雲路迷哀哀霜雪際獨向胡天回

又

鶩鳥閉籠中舉翮觸四隅驥驥駕塈車跕跕困中途雖
然遭識拔未免為人驅停觀信美矣自愧良有餘不如

兩無累還我田園居

又

千載淵明翁誰謂不知道謾賦責子詩調戲以娛老杜
陵蓋自況亦豈恨枯槁壺觴清濁共適意無醜好歸來

欽定四庫全書

中州集

七

五柳宅守我不貪寶長嘯天地間獨立萬物表

又

幽居淡無事雅志了玄經眼花憎文字悠悠竟無成中
夜起不寐披衣守寒更梅竹散清影素月流廣庭孤鶴
闕逸響切切寒蟲鳴拊卷長歎息慷慨惻中情

又

漢儒傳注學未為世所得秦火少完書豈免烏焉惑後
儒補罅漏聖道少開塞俗士喜持戈又一秦相國且共

歡一觴多言不如默

又

淵明非嗜酒愛此酒中真謂言忘憂物中有太古寧回首市朝中萬事牛毛新去年持使節悠悠過西秦宮闕隨飛煙衣冠化埃塵當年憑軾士慷慨歎徒勤所以山林客樂與魚鳥親西登太華頂曠望長河津寄謝三山雲聊欲溢吾巾誓將從此去笑謝當塗人

和韋蘇州秋齋獨宿

欽定四庫全書

中州集
卷三

七

冷暉侵殘燭雨聲在深竹驚鳥時一鳴寒枝不成宿擬兵衛森畫戟

冠帶事朝謁清坐彈鳴琴以彼塵外趣遠我遺世心岸幘送歸鳥隱几見遙岑聊同靜者樂豈必居山林

寄王學士子端

寄語雪溪王處士年來多病復何如浮雲世態紛紛變秋草人情日日疎李白一杯人影月鄭虔三絕畫詩書情知不得文章力乞與黃華作隱居

上清宮二首

霜葉蕭蕭覆井欄朝元閣上玉筍寒千年途鶴歸華表萬里宮車泣露盤日上霧塵迷碧瓦夜深月露洗荒壇斷碑膾炙人何在吏部而今不姓韓

又

暇日登臨近吹臺夷門城下訪寒梅鼇頭他日幾人在尊酒而今一笑開秋潦滲餘村徑出夕舂歇處野禽來醉歸扶路人爭看知是詩仙閻苑回

欽定四庫全書

中州集
卷三

七

寄陳正叔

渺渺西風去翼輕長林楓葉動秋聲嵩邙競秀容多可河洛交流忌獨清廣武山川迷故壘成臯草木閑空城憑高一掬英雄淚寄與窮途阮步兵

寄裕之

久雨新晴散渾頑一軒涼思坐中間樹頭風寫無窮水天末雲移不定山宦味漸思生處樂人生難得老來閒紫芝眉宇何時見誰與嵩山共往還

古餅臘梅

石冷銅腥苦未清瓦壺溫水照輕明土花暈碧龍紋澀
燭淚痕疎鴈字橫未許功名歸鼎鼐且收風月入瓶罌
嬌黃喚醒朝陽夢漢苑荒涼草棘生

暮春得寒字

九日聊偷一日閒三分春事二分闌鄉關夢裏人空老
風雨夜來花又殘乍拆泥封糕酒熟未開火禁粥餳寒
却思投効歸田去楊柳陰中把釣竿

欽定四庫全書

中州集

七十四

靈感寺

徒河岸北白蓮東法鼓驚飛碣石鴻墮上風烟高鳥路
山頭雲雨化人宮松林礙日蜂房冷石砌頽沙蟻穴空
欲盡休公揮塵樂鬢絲羞對落花風

五月牡丹應制

好事天工養露芽陽和趣及六龍車天香護日迎朱輦
國色留春待翠華穀雨曾沾青帝澤薰風又卷赤城霞
金槃薦瑞休嗟晚猶是人間第一花

代州

金波曾醉鴈門州端有人間六月秋萬古河山雄朔部
四時風月入南樓漢家戰伐雲千里唐季英雄土一丘
繫馬朱闌重回首烟波誰在釣魚舟

開元寺

歲久開元寺黃花落石龍瓶深添碧梵蠍壁篆金容窓
影年年墻禽棲夜夜鐘平生睡秋雨竹閣味偏濃

謁北嶽

欽定四庫全書

中州集

七十五

四大神儀一羣山太茂尊奠方荒冀宅視禮配天孫西

送虞淵莫東瞻碣石瞰寶符臨代郡鐵甕扼并門控趙
襟形壯色燕氣象渾九河探禹跡萬里叫虞菟在昔登
封始前驅羽衛繁千家駢部曲萬騎隘山樊卜地恒陽
曲移祠泰始元晉移曲陽祠荒碑列歲月飛石砌乾坤帝秩
弘大山靈翊衛屯巫間歸帝製長白發金源九廟龍盤
接三邦地勢吞雲烟浮近甸日月遠中原欽謁天香重

封題御署存銀鏐諸產富電雨萬靈奔神聽羞回德天

聰納正言負時身九死去國淚雙痕日近趨天闕生還

託聖恩許身徒稷契無術補羲軒帝篠長桑洞仙巖張

果村卜居如可近重整北山轍

陪李舜咨登憫忠寺閣

日月躔雙拱風烟納寸眸雲山浮近甸宇宙有高樓鳥

外餘殘照天邊更去舟登臨有如此况接李膺遊

廬州城下

欽定四庫全書

中州集
卷三

七言

月暉曉園城風高夜研營角聲寒水動弓勢斷鴻驚利

鏃穿吳甲長戈斷楚纓回看輕戰處慘淡暮寒生

白鴈

波淨影逾白霜清鳴更哀乾坤雙鬢老風雪一聲來林

迴隱猶見天長去復回物情嫌太潔莫使羽毛催

桃花島寄王伯直

冰破村橋擁春寒旅鴈低遠山封霧小高浪與雲齊島

寺明松雪潮船濺鷺泥詩情吟不盡寄與畫中題

郎山馬耳峯

房駟落人間入石露雙碧月明聞夜嘶驚落山頭石

春遊三首

無數飛花送小舟蜻蜓欸立釣絲頭一溪春水闊何事

皚作風前萬疊愁

又

樹藏脩竹竹藏門門外清流幾股分行過小橋人不見

背陰花氣隔牆聞

欽定四庫全書

中州集
卷三

七言

烟外絲絲風柳斜春光已自到天涯太平有象村村酒
寒食無家處處花

暮歸

貪看孤鳥入重雲不覺青林雨氣昏行過斷橋沙路黑

忽從電影得前村

清居寺五杉亭觀子野留題

五杉今日只三株曾是詩人歎息餘君去我來杉尚在

斷腸君歿見君書

雞鳴山

烟蒸山腹晴猶濕河帶冰澌暖漸流獨上雞鳴看日出

五雲多處是皇州

盧溝

河分橋柱如瓜蔓路入都門似犬牙落日盧溝溝上柳

送人幾度出京華

雨晴二首

欽定四庫全書

中州集

七六

東風時送瓦溝聲欹枕幽窓夢自驚睡起不知雲已散

夕陽偏向柳梢明

又

一抹平林媚夕暉山烟漠漠燕飛飛倚闌遙認天邊電

何處行人帶雨歸

寓望

蒲根閭閻亂蛙鳴點水楊花半白青隔岸風來聞鼓吹

柳陰深處有園亭

戴花

病來杯酒懶重持強為花殘折一枝人老易悲花易落
東風休近鬢邊吹

玉堂

玉堂陰合冷窓紗雨過銀泥引篆蠟萱草蕊葵俱不見
蜂聲滿院採槐花

夏直

玉堂睡起苦思茶別院銅輪碾露芽紅日轉階簾影薄

欽定四庫全書

中州集

七五

一雙蝴蝶上葵花

華山

石頭犖確水縱橫過雨山間草屨輕未到上方先滿意

倚天青壁看雲生

雨晴

一春不雨漫塵黃碧瓦朝來汎霽光留得紫薇花上露

幾招渴燕下雕梁

即事

樓頭不見暮山重遙認青林雨意濃一陣風來忽吹散

斷雲還補兩三峯

同樂園二首

春歸空苑不成妍柳影捲捲水底天過却清明遊客少
晚風吹動釣魚舟

又

石作垣牆竹掩門水回山複幾桃源毛飄水面知鶯柵

角出牆頭認鹿園

欽定四庫全書

中州集

八十一

繫舟山圖

裕之先大夫嘗居此山之東


山頭佛屋五三間山勢相連石嶺關名字不經從我改
便稱元子讀書山

虎牢

西崖東枕洪濤自古英雄爭虎牢蒼天胡為設此險
長使戰骨如山高

總校官庶吉士臣侍朝
校對官庶吉士臣陳文樞

監錄貢生臣潘沛然



欽定四庫全書叢要

集部
中州集卷四

欽定四庫全書叢要卷二萬七十七集部
中州集卷四 丁集

金元好問輯

常山周先生昂一百首



昂字德卿真定人父伯祿字天錫師事玄真先

生褚承亮

承亮字茂先宣和六年擢第調易州曹會皇子郎君破真定拘境內進士

七十二人赴安國寺試策策目上皇不道少主失信舉人希旨極口毀謗茂先離席揖主

劉侍中言君父之過豈臣子所當言長揖而出

劉為之動容比薦除茂先被黜餘悉放第狀元

欽定四庫全書

卷四

一

許必輩自號七十二賢榜帥府重其名檄茂先以易州司戶知橐城漫一應之尋解印去年七十終弟子謚

為玄真先生

大定初第進士仕至同知沁南軍

節度使事德卿年二十一擢第釋褐南和簿有

異政遷良鄉令入拜監察御史路宣叔以言事

被斥德卿送以詩坐謗訟停銓久之起為龍州

都軍以邊功得復召超三司判官大安軍興權

行六部員外郎德卿傳其甥王從之文法云文

章工於外而拙於內者可以驚四筵而不可以

詳校官候選知縣臣吳旬華

適獨坐可以取口稱而不可以得首肯又云文
章以意為主以字語為役主強而役弱則無令
不從今人往往騎其所役至跋扈難制甚者反
役其主雖極辭語之工而豈文之正哉德卿初
有常山集喪亂後不復見從之能記三百餘首
因得傳之屏山故人外傳云德卿以孝友聞又
喜名節藹然仁義人也學術醇正文筆高雅以
杜子美韓退之為法諸儒皆師尊之既厯臺省
為人所擠竟坐詩得罪謫東海上十數年始入
翰林言事愈切出佐三司非所好從宗室承裕
軍承裕失利跳走上谷衆欲逕歸德卿獨不可
城陷與其從子嗣明同死於難嗣明字晦之短
小精悍有古俠士風年未三十交游半天下識
高而志大善談論而中節作詩喜簡澹樂府尤
溫麗最長於義理之學下筆數千言初不見其所
從來試於府於禮部俱第一擢第主決水簿

烟抹平林水退沙碧山西畔夕陽家無人解得詩中意
只有雲邊數點鴉

晚望

香山

山林朝市兩茫然紅葉黃花自一川野水趁人如有約
長松閱世不知年千篇未暇償詩債一斛聊從結淨緣
欲問安心心已了手書誰識是生前

有感

壯心未分逐流年衰鬢從渠衆目憐却恨詩情消減盡
語言枯淡到中邊

冷巖行賦

冷巖相公所居

冷巖賢宰相宗室永貞自號也

或為孟或為鍾人心自異山本同天清雲遠閑不極小
孤窪在江流中澗之毛可篋管山之木可斤斧唯有白

從其叔北征得還而不忍去使晦之不死文字

不及其叔而理性當過之嘗謂學不至邵康節
程伊川非儒者也其說類此而天不假年悲夫

雲高崔嵬風吹不消自太古峴山何奇羊子所攀東山

何秀謝公往還今爾胡為藉甚乎人間于嗟乎冷山

早起

覆斗臨霜閣號鍾滿夜城飛揚他日事去住此時情文

字闕留滯塵沙管送迎百年今已半凜凜畏虛生

曉望

曉樹雲重隱春城日半陰蒼茫塵土眼恍惚歲時心流

落隨南北才華閱古今柴荆生事窄寧憶二疏金

羈旅

羈旅情方慘暄寒氣尚膠谷風連遠陣原樹鬱春稍要

路嗟何及浮名久已拋百年簞飯在真欲事誅茅

早春

小雪寒仍在烟花意已深老侵長路鬢春蕩故園心幸

可追沂詠何勞費越吟微躬應自愛莫作愧千金

雪

小雪莫能繁愁雲久更昏細燈寒出戶欹樹老當軒竹

葉舊時釀梅花何處村賦詩空入夜愁絕與誰論

雨過

雨映高簷過山開晚日明動雲方潰擁號水未休爭沙

岸鼈鼈出荒庭鶴鶴行草泥沾屐齒杖策有餘清

晚步

鬱鬱孤城隘飄飄絕塞游短衣忘遠步高興會清秋白

水深樵谷黃雲古戍樓居人半裘毡橫管莫生愁

夜

門巷溪聲裏衣裳夜氣蘇地清林影散月靜桂花孤左

省詩頻詠南樓興不幸關山水雪裏何處覓天隅

晚望

疊嶂何時出荒城落日低音書雲去北烽火客愁西鷹

隼乘秋擊狐狸倚蒼啼吟詩且排悶佳句敢攀躋

獨酌

渺渺清溪濶悠悠弱藻沈客衣臨水靜鳥影過船深暫

把魚竿坐因知靜者心滄洲高興動巢父可東尋

秋夜

高閣鍾初殷層城月未光淨空含宇大牕斗帶星長暗
覺巢鳥動清聞露菊香誰家砧杵急應怯莫天涼

對月

月近天河白秋深夜氣清蛛絲時隱見兔杵正分明欹
帽中宵落孤舟幾處行清風殊未發樹穩鵠休驚

促織

促織來何處秋風暗與期苦吟人不解多恨爾如知獨

欽定四庫全書

中州集

六

枕難安夜寒衣欲及時凌晨攬清鏡一半已成絲

溪南

小徑通沙穩清溪帶樹深岸危低白屋雲近沒青岑酒
落高秋氣飛騰志士心雲臺與麟閣莫遣二毛侵

繼人韻

高興秋方逸幽居晚見過歡交寧厭數詩好不論多五
字含風雅千篇費琢磨自知才力拙相報欲如何

送李天英下第

不須寂寞恨東歸洗眼三年看一飛試捲波瀾入毫穎

莫教歐九識劉幾

宿西藍

聞道西藍好能來定有緣青山避喬木流水信平田步
屢迷深竹題詩惜暮烟塵心獸翻倒一室暫安禪

壯湖清明

碧水隨時酒春風著處花歡娛萬國本富貴五侯家金
動樓頭管香迴日暮車老夫唯欲睡兒女莫相誇

欽定四庫全書

中州集

七

中秋夜高陽對月

端正高陽月空庭又見過清風禁睡得白髮奈愁何尚
識王良策難知織女梭金波流汨汨應為照渟池

丘家庄早發

渡馬危橋立村鷗暗樹號星稀白水濶霧重黑山高外
物誰能必人生會有勞鷗鵬終變化早晚借風濤

邊月

邊月弓初滿山城角尚孤中天看獨立永夜興誰俱未

覺風生暈空懷斗轉隅含情知白兔欲下更踟躕

侍祠太室

設燎彤庭敞懸燈玉殿深星河含真朗城闕動陰沈祇慄誠初薦馨香德已歆清風動雲幕有喜見神心

夜步

擊柝隣居靜開門宿鳥驚西風秋半急北斗夜深明獨立乾坤大徐行杖屢輕遙怜漢宮闕重露濕金莖

宋文貞公廟

欽定四庫全書

中州集

八

開元四荒不動塵柱石中原有老臣襄土一丘松柏暗長安三日荔枝新

讀陳後山詩

予美神功接混茫人間無路可升堂一斑管內時時見賺得陳郎兩鬢蒼

偶書

幽陰不放終年樹好味仍餘盡日茶詩業未降心有種世緣初盡眼無花

失子

白髮飄蕭老病身幾因兒女淚沾巾虛談誤世王夷甫只有情鍾語最真

北行即事二絕句

聞道崑崙北風塵避僕窪至今悲漢節不合度流沙

又

五月分衣節三軍受甲時莫教麟閣將頗發羽林兒

邊月

欽定四庫全書

中州集

九

驅車宿雙浦極目耿金波不有中秋景其如永夜何沙分疑白雪練失想明河桂樹元無意南傾獨好柯

晨起

鼓聲隨曉角合沓起平荒宿火連岡小寒星墮水長鯨翻驚日動馬食快宵涼白首登壇將功名好自強

西城道中

草路幽香不動塵細蟬初向葉間聞溟濛小雨來無際雲與青山淡不分

醉經齋為虞鄉麻長官賦

詩書讀破自融神不羨雲安麌米春黃卷至今真味在
莫將糟粕待前人

清放齋

平生眼白嫌物俗此身誰要冠帶束茶甌飯飽一飲足

卧聽松風仰看屋

孫資深歲寒堂

世態浮雲日夜移春蘭秋菊各爭時此心鐵石無人會
唯有庭前柏樹知

登綿山上方

環合青峰插劍長小平如掌寄禪房危闌半出雲霄上
祕景盡收天地藏野濶羣山驚破碎雲低滄海認微茫
九華籍甚因人顯迥秀可憐天一方

謁先主廟

暗粉陳丹半在亡短垣殘日共悲涼不須古碣書綿竹
自有荒村紀葆桑塵土衣冠曾繫馬咸時歌舞亦稱觴

不應巴蜀江山麗能使英靈忘故鄉

送客

相見席不暖送行情更牽只愁人面隔不放馬蹄前塞
迥雲垂地溪平水接天山川後期濶把臂兩茫然

莫州道中

大陵河東古莫州居人小屋如蝸牛屋邊向外何所有
唯見白沙纍纍堆山丘車行沙中如倒拽風驚沙流失
前轍馬蹄半跛牛領穿三步停鞭五步歇雞聲人語無

欽定四庫全書

中州集

十一

四鄰晚風蕭蕭愁殺人人有禱沙應神遼東老兵非使
臣何必埋却雙行輪

即事二首

憂患年來坐讀書田園拋却任荒蕪目前却得晨昏力
碌碌無由似阿奴

又

遠目傷心千里餘凜然真覺近狼須雲邊處處是青塚
馬上人人都白鬚正憶荒村臨古道不堪獨樹點平蕪

誰人與話西園路梅竹而今似畫圖

感秋

秋氣入行帳愁人中夜知雞聲與人語耿耿異常時清
晨起危坐感歎不自持義和馭飛轂往返無停期春草
如昨日已復悲離離顧謂鏡中髮爾衰安得遲結束媚
鞍馬荒山去委蛇黃花泣宵露綠野含晨曦吾事久不
諧悠悠隨所之有懷南澗約敢賦北山詩

對月

欽定四庫全書

卷四集

十二

月滿秋仍早臺高夜未徂水光先剝淡星影失踟躕玉
帳傳更急荒城擊柝孤去年雙淚眼依舊入平蕪

鵲山

西征疲短服北望慘衰顏再宿殊雞舍相看獨鵲山旆
沾新雨過鳥逐莫雲還白首瞻星漢何時鼓角閒

望山中松

地險蟠根古人稀小徑消雨皴開白雪風響入青霄未
畏斧斤逼惟愁霹靂燒解鞍那避遠冷色故相招

利涉道中寄子端

行武昌望利涉高青烟低白雪岡陵瀰漫溝澗滅氤氳
冷日從東來照我清影忽作溪水卧明月凌兢羸馬螭
毛縮詰曲微行蛇腹裂遺鞭脫鏡初不知指僵欲墮骨
欲折檀裘毛襪良可念我自無備誰從輶人家土榻借
微暖坐久清冰落鬚頰黃花腥仙怯風馭久向笙歌窟
中蟄徑須持此遠相餉一洗夜堂花酒熱

即事二首

欽定四庫全書

卷四集

十三

不堪華髮半頭生老去偏添愛嫪情新得家書來報喜
舊時龜子遠床行

又

一床安置似僧居白髮忘梳動月餘懶性漸成愁把筆
小詩常擬倩人書

九日

不堪馬上逢佳節況是天涯望故鄉高會未容陪戲馬
舊游空復憶臨香癡雲黯黯方垂地小雪霏霏欲度牆

猶賴多情數枝菊肯留金盞待重陽

對月

萬里寥天月相隨不憚勞屢添華髮滿曾傍黑山高影
動新瓊杵光含舊寶刀常娥應見訝獨宿獎綿袍

翠屏口七首

去歲翠屏下東流看湧波愁將新鬢髮還對舊闕河翅
健翻秋隼峰高並晚馳草深饒虎跡夜黑欲誰過

又

欽定四庫全書
卷四
地擁河山壯闊營劍甲重馬牛來細路燈火出寒松刁
斗方嚴夜黑裘欲禦冬可憐天設險不入漢提封

又

玉帳初鳴鼓金鞍半偃弓傷心看塞水對面隔華風山
去何時斷雲來本自通不須驚異域曾在版圖中

又

野蔓梢馳架輕泥濺馬鞍徑斜來險石溪急上清灘羽
檄千山靜黑裘六月寒長松空夾道蕭颯不成看

又

旌節瞻前帳風塵識舊坡眼平青草短情亂碧山多晚
起方投筆前驅効執戈馬蹄須愛惜留渡北流河

又

萬里來崩豁終年氣慘悽地窮青澗斷天近玉繩低字
窟黃沙北崑崙白雪西故園何處覓搔首意空迷

又

欽定四庫全書
卷四
塞古秋風早山昏落日低積雲鴟度久荒岸馬歸齊燈
火看時出茅茨漸欲迷塵沙恨于役況乃對雞栖

邊俗

返闔看平野斜垣逐慢坡馬牛雖異域雞犬竟同窠木
杵春晨急糠燈照夜多淳風今已破征歛為兵戈

山家七首

秋日山田熟山家趣轉奇壠苞銀粟綴牆蔓綠雲垂野
飯留住客青錢付小兒主人愁喪亂數間邊陲

又

蕭颯晚風涼高杠引旆長嶺雲殘宿陣陵日湛晨光已
作依劉表終須問葛疆俯身馳萬里未覺鬢毛蒼

又

年深師欲老秋至敵還輕但使財思義猶多死易生指揮無險阻感激在精誠萬古麒麟閣何曾浪得名

又

簡易軍中事川原入望多草平鋪碧錦山遠出青螺遠

愧桃花水重臨杏子河去年關塞意蕭颯起悲歌

赤礮蟠雙闕青山壯一門放歌遊遠目箕踞得高原地
險勞天設邊戈厭日屯廟謀新控扼萬里可雄吞

又

官舍暫投轄塞垣還着鞭路移新歲月心醉好山川方

丈何由到桃源恐浪傳相看不隔水遺恨惜他年

又

翡翠長松秀鸕能細草斑屢經新渡水不數舊看山太

華愁登陟終南費引攀豈知圖畫景長在馬蹄間

北行二首

卸鞍休馬倦解橐罷驅鳴細雨侵衣急長郊入卧平溪

喧看水滿山黑厭雲生莫恤龍行數應知欲洗兵

又

比歲頻分甲今年賀息兵競誇新戰士誰識舊書生北
塞甘長別南天欲遠征二年迎復送空媿泰州城

山丹花

浪藥誰能記山丹舊所聞卷花翻碧草低地落紅雲塞
雨沾衣久溪風入把勤莫言羌婦醜誰識漢昭君

春日即事

凍柳僵榆未改容狐裘貂帽尚宜風欲尋把酒渾無處

春在鳴鳩谷谷中

寄金山長老

庭前雙柏樹作別似晨朝書信隨溪茗音聲落海潮嶺

雲閒可翫邊月苦無憊相見愁他日風沙兩鬢凋

寄王子明

病起身仍懶眠，多意尚迷筆。
成今夕把書似隔年，題久恨心期。阻難邀物理，齊燈花應解事。
岑寂向人低。

無題

西風吹白水，日暮動寒威。
野帳收旗盡，奚兒飲馬歸。
梢聞鳥過慘，慘見雲飛夜。
黑多豺虎荒，村定敢依。

萱草

萬里黃萱好，風煙接路傍。
迹蹤雖異域，心密竟中央。
染

欽定四庫全書

中州集

十六

練成初色移瓶得，細香客愁無路遣。
始為看花忘。

得家書

窮愁非昔境，白髮有深根。
淚破孤城郡，書來萬里村。
鴈聲寒，日夜秋色老。
乾坤為問遊方子，何時慰倚門。

青齋

夜雨書齋冷，西風木葉拋。
暗蛩侵壞壁，低鴈落寒郊。
壯志初嘗膽，吾生豈繫匏。
草玄雖閉戶，未用客相嘲。

聞蟬

冥機辭委蛻，天籟發幽嘶。
迴露增晨洗，清風借晚搆。
暫

成千里隔，還作一枝低。
客思饒相觸，愁時故不齊。

晚陰不成

落日明西極，高雲暗朔方。
樓臺分照耀，宇宙一蒼茫。
不

借蛟龍便虛成燕雀忙，何須遣雷怒。
鬱鬱繞高梁。

寶氏園亭二首

雲樹春秋色，風泉日夜聲。
過庭高幕暗，吹簫轉雷驚。

袖擎詩罷銀壺得，酒傾平生耽。
野趣到此眼偏明。

欽定四庫全書

中州集

十九

又

磴鑿蒼崖破池通，碧澗流憩深憐洞室吟。
穩憶扁舟谷口堪高隱，河梁厭遠遊。
卜居真此地，幽寂更何求。

即事二首

南苑霓旌動，繚牆天街蓮燭照。
脩廊斗南絳氣風吹盡，小雨濛濛濕建章。

又

楊花顛倒入簾櫳，睡鴨香殘碧霧空。
盡日尋詩尋不得，

鶼鶼聲在夢魂中

代書寄大元伯

南園臘蟻記同傾一紙書來萬里情日夜愁心隨柳色

東風吹滿大梁城

和路宣叔梅

月底明肌粲壽陽道人呼入竹西堂安排臘味千鍾酒

消破春風萬斛香花鳥有情應見惜蛾眉傾國故難藏

西湖骨朽東坡遠又為君詩惱一場

欽定四庫全書

卷四集

二十

新秋

畏日經時暑清秋一夕涼真堪近燈火不復病衣裳宋

玉悲搖落安仁愧老蒼鄙夫那及此睡美百憂忘

蘓子溫欸春亭

曾數花鬚傷藥闌春風不到酒杯寬自憐白首荒三徑

桃李年年擔上看

底柱圖

鬼門幽險深百篙人門逼窄逾兩牢舟人叫渡口流血

性命咫尺輕鴻毛開圖頓覺風雷怒素髮飄蕭激衰腐

河來天上石不移安得此心如底柱

寒林七賢

苦寒如此欲何之雪帽風裘意自奇縱有清詩三百首

未應肅得党家兒

過省窪谷

嬰兒偃蹇正堪孩換得山西老將回往者不追來不戒

莫將家世論人材

欽定四庫全書

卷四集

二十一

魯直墨跡

詩健如提十萬兵東坡真欲避時名須知筆墨渾閒事

猶與先生抵死爭

讀柳詩

功名翕忽負初心行和騷人澤畔吟開卷未終還復掩

世間無此最悲音

憶劉及之

千株何處封君橘二頃誰家負郭田長路風塵空費日

故園書札動經年未能免俗真聊爾不為懷憂亦悄然襟抱何人與開釋論文除得老臞仙

家園

五畝園連竹三間屋向陽氣和春浩蕩心靜日舒長花鳥成相識琴書付兩忘陶然一尊酒誰復記羲皇

晚望

獨立孤城上闌山望不休異鄉驚絕域遠目豁清秋未擬登樓作空歌出塞愁故園飛鳥外溪水正南流

欽定四庫全書

卷四集

水南晚眺

小徑通沙穩清溪帶樹深岸危低白屋雲近沒青岑灑落高秋氣飛騰志士心賦詩增感激流水是知音

正月大風雨

風如渤海勢凌虛寒破貂裘力尚餘不是化工難倚賴

也知青帝有驅除

弔張益之

當年讀書山堂中夜喜與君燈火同塵編壞簡如蠹攻

弱質鄙鈍煩磨礲新詩如洗露芒鋒逸氣欲衝浮雲駕

輕裘肥馬世上雄吾徒一飯嘗未充君如孔翠愁彫籠

我亦哀鴻避鳴弓孤城一別天西東幾見黃葉飛霜風

寄書無由魂夢通西望落日銜千峰他時雲雨儻相逢猶思驚雷起池龍鬼神無賴欺天公哀哉若人竟死窮

自聞君亡阜生胸上訴九關無路從百年過眼如轉蓬

夢時憂樂覺即空長夜漫漫何時終作詩寄哀投殯宮

別本長夜漫漫
何時終為落句

黃山趙先生漁三十首

欽定四庫全書

卷四集

三

漁字文孺第進士明昌末終於禮部郎中性冲澹學道有得黃山其自號也閒閒趙公云黃山

正書體兼顏蘇行草備諸家體超放又似楊凝

式當處黃魯直蘇才翁伯仲間黨承旨篆陽冰以來一人而已而以黃山配之至今人謂之黨

趙有黃山集行於世涼陘云羲羲景明宮五雲

湧蓬萊山空白晝永野曠清風來放遠亭云晴

日未消千嶂雪暖風先放一川花青天低處是
平野白鳥去邊明落霞秦村道中云桃花都被

風吹却楊柳似將染成其餘多稱此

晚宿山寺

松門明月佛前燈庵在孤雲最上層犬吠一山秋意靜

敲門時有夜歸僧

僧行坐脫

識得從來覺性圓西歸隻履更翛然永嘉穩步曾溪路

臨濟飽參黃蘖禪桶底脫時無一物機輪轉處有三玄

火中留得一莖草依舊光明燦大千

黃山道中

小穀城荒路屈蟠石根寒碧漲秋灣千章秀木黃公廟
一點飛雲白墻山好景落誰詩句裏蹇驢我畫圖間
膏肓泉石真吾事莫厭乘閒數往還

郊外

迥野饒秋色高臺半夕陽鷗眠沙渚靜鳥沒嶺雲長薄

宦達幽興浮生更異鄉歲華成白首丘壑愈難忘

貢院中懷山中故居

歲晚西溪路誰過舊草堂苔紋侵柱礎竹色度隣牆白

首光陰疾青山意緒長相思老兄弟夜夜夢還鄉

貢院聞雨

燈暗風翻慢螢吟葉擁牆人如秋已老愁與夜俱長滴
盡墮前雨催成鏡裏霜黃花依舊好多病不能觴

聚遠臺

獨上平臺上風雲萬里來青山一尊酒落日未能回

秋日感懷

歲月不相饒秋風颭已至蚊雷稍收聲團扇且復置久
雨不宜入新涼差快意數篇東臯詩引我北窗睡林泉
久隔濶塵土作憔悴但有適人適何嘗事吾事一貧既
忘懷所好無不遂世無陶靖節何人知此味

用仲謙元夕詩韻

聞道藍田輞口莊欹湖前日具飛航李膺定已回仙棹

王績無由入醉鄉薄宦繫人如坐井窮愁染鬢欲成霜

早知上界多官府只向人間作酒狂

分韻賦雪得雨字

大雪初不知開門已無路驚喜視厯日此瑞固有數池
冰凍欲合林鴉噪仍聚已成玉壺瑩尚作寶花雨造物
固多才中有無盡句大兒擬圭璧小兒比鹽絮後人例
蹈襲彌復入窘步聚星號令嚴亦自警未悟誰有五色
筆繪此天地素好語覓不來更待偶然遇

和茂才韻

十年為客未還家贏得愁眉兩鬢華別後故人應念我不來踏雪看梅花

留題西溪三絕

誰開玉鑑瀉天光占斷人間六月涼日落沙禽猶未散

也知受用藕花香

又

波光湛碧冷無痕眇眇輕風起縠紋認得朝來疎雨過

却因水底見飛雲

又

總道西溪畫不如豈知造物用功夫蟾光忽作靈犀透

表裏通明兩玉壺

九日懷尹無忌

茅屋秋蕭索幽居盡日閒碧雲看欲莫遠客幾時還書劍成何事風塵只強顏思君千里夢夜夜到燕山

立秋

日月如川流去矣不復回萬物各有營榮悴更相催餘生苦多艱壯志久摧願念欲學還丹鬱紆殊未諳今朝立新秋庭樹西風來舉首望天宇飛雲獨裴徊呼兒且沽酒浩歌豁秋懷醉中得妙理逸興何悠哉

和崔深道春寒

長風忽落青林端風聲洶若江聲寒太陰盤礴亂天序推書撲筆成長歎美人何許媚幽獨使我不見心無歡頗聞隱居誦莊屈蓬窗坐擁塵編殘琴歌酒賦兩寂寥

懸知此興殊未闌，遲君一來吐欵要舉盃。放目雲天寬，

西城觀水

西山秋水來天地，巨野橫流浩無際。長風颶浪鱗甲生，兩角斜分半山際。繚堤北去接飛橋，鼓鼙洶洶翻驚濤。中流突兀玉山起，直疑河伯驅靈鼈。冷光搖蕩秋雲白，渾似夢中遊。震澤隔林我欲喚漁郎，孤帆忽如過鳥翼。安得酒船常拍浮，四時甘味置兩頭。何人與我同此樂？

穎陽試覓元丹丘

欽定四庫全書

中州集

二十九

一泓寒碧甃波光，雨後妖紅獨自芳。不許纖塵汙天質，政須清吹發幽香。洛神初試凌波襪，妃子來從譽石湯。休笑埋盆等兒戲，要令引夢水雲鄉。

扈從車駕至荆山

海上飛來碧玉峰，瑤林琪樹更青葱。參差樓觀浮雲表，顛倒山光落鏡中。侍從有臣司碧落，笑談無處不清風。好分靈沼為膏澤，乞與人間作歲豐。

中秋

秋氣平分月正明，藥珠宮闈對蓬瀛。已驅急雨消殘暑，不遣微雲點太清。簾外清風飄桂子，夜深涼露滴金莖。聖朝不奏霓裳曲，四海歌謳即樂聲。史舜元嘗從文孺學詩說道陵中秋讀至落句大加賞異手酌金鍾以賜且字之曰文孺以此鍾賜汝作酒直士林榮之高祖言吾不如予房君父字呼臣下不為無故事也

題齊物堂

至人識破浮生理，萬變何嘗有不同。果蝶夢周周夢蝶，

欽定四庫全書

中州集

二十九

爲風乘我我乘風，得時未必全無識。窮處方知却有通，畢竟欲齊齊底物。世間元是一虛空。

秋郊晚望

桃竹猶堪杖，幽尋興頗嘉。池荷能幾葉，離菊不多花。地坼成龜兆，林枯出犬牙。村農慶豐歲，社鼓已三搥。

元日

馬上逢元日，東風送客愁。滹池春水渡瀛海，夕陽樓雪顛倒山光落鏡中。侍從有臣司碧落，笑談無處不清風。照潘郎鬢塵侵，季子裘勞生已強半。更欲玷清流。

過良鄉縣學

儒宮宜地僻竟日有餘清殿古碑仍在庭空草自生風

高時脫木雲重欲摧城客興已瀟洒秋堂更雨聲

和詵上人雪詩

貧巷仍飛雪空庭迥絕塵照窓疑不夜著樹忽驚春枕
冷夢魂短山明天宇新賦詩分氣象定有灞陵人

潤上

遠徑留殘照踰林出小園山川半豺虎歲月且琴尊杜

欽定四庫全書

中州集

三十一

老新雞柵龐公舊鹿門不才真忝竊人道典刑存

新涼

頗覺小眠快便知秋意真清風論世舊老圃得時新移

竹觀君子翻書訪古人可人陶靖節隨意葛天民

過薺縣董大夫廟

漢朝元不用真儒豈信忠嘉益帝圖賈誼長沙鬼錯死

不須獨恨老江都

寓居寫懷

平陸溫風雪半消孤烟籬落隔溪橋趣虛人去林皋靜
時有晚鴉銜墮樵

劉左司昂一十一首

昂字之昂興州人大定十九年進士曾高而下

以科名相踵者七世矣昂天資警悟律賦自成

一家輕便巧麗為場屋捷法作詩得晚唐體尤
工絕句往往膾炙人口張秦娥者頗能小詩其

賦遠山云秋水一抹碧殘霞幾縷紅水窮霞盡

欽定四庫全書

中州集

三十一

處隱隱兩三峯其後流落之昂贈詩云遠山句

好畫難成柳眼才多總是情今日衰顏人不識

倚爐空聽煮茶聲又云二頃山田半欲無子孫

零落一身孤寒窗昨夜蕭蕭雨紅日花梢入夢

無城為之泣下屏山故人外傳記之昂早得仕

年三十三省掾考滿授平涼路轉運副使人謂

卿相可坐致矣術士有言之昂官止五品者之

昂自望者甚厚不信也俄丁母憂為當塗者所

忌連蹇十年卜居洛陽有終焉之志有薦其才
於道陵者泰和初自國子司業擢左司郎中將
大用矣會遼陽人大中欲搖執政賈鉉為言者
所劾辭連之昂道陵震怒一時聞人如史肅李
著王宇宗室從郁皆譴逐之鉉尋亦罷政之昂
降上京留守判官道卒竟如術者之言

醉後

禪僧勸讀傳燈錄道士教行進火功今日興來俱破戒

欽定四庫全書

中州集

三三

黃花籬落醉西風

山中雨

嵩高山下逢秋雨破繖遮頭過野橋此景此時誰會得

清如窗下聽芭蕉

都門觀別

買酒消閒愁剪刀剪流水閒愁不可消流水無窮已悠悠
窗下斷腸波總是行人墮淚多門外馬嘶思遠道小
嚮猶唱渭城歌歌聲未斷征鞍發望斷垂楊人影滅斜

陽照影却歸來兩地相望今夜月閱人多矣主人翁離
別都歸一笑中陌上行人終不悟年年楊柳怨春風

客亭

折盡官橋楊柳枝春風依舊綠絲絲啼鶯為向行人道

離別何時是盡時

山堂

山雨溪邊過山堂夜獨吟悠悠松上月照見壁間琴

弔張維翰維中兄弟

欽定四庫全書

中州集

三三

蓮幕清音粉署仙福兮禍倚豈其天座隅異物鵠來止

地底佳城馬不前萬里青雲今已矣兩枝丹桂竟徒然

阿奴莫愛聲名好碌碌持家亦自賢

維翰名甫第一人擢第維中名庸此元

榜乙科阿奴謂冉冉字維賢後以省登科兄弟科名如此近世所未有也

即事二首

雨洗明河畫扇收胡床露冷藥闌秋牆陰未得中庭月

一點螢光草際流

又

山花山雨相兼落溪水溪雲一樣閒野店無人問春事

酒旗風外鳥闌闊

歌風臺

劉項興亡轉燭過亂蟬吟破漢山河長陵卧老咸陽月

沛上猶傳擊筑歌

弔李仲坦

仲坦物故後省試
魁始有特恩之命

文章巧與世相違身後新恩事已非不及萋萋原上草

一番春雨綠如衣

欽定四庫全書

中州集

三

王官谷

潛溪時照塵埃客微雨不遮天柱峯斜日落花人去盡

淡烟樓閣數聲鐘

魏內翰搏霄

三首

搏霄字飛卿初用蔭補以薦書從事史館明昌
中宏詞中選授應奉翰林文字未幾卒飛卿詩
以富艷稱如張公子席間賦嵩山筆力豪逸竟

承旨許其在劉無黨之上云

送河南府尹張壽甫赴闕

夜半恩綸出漢宮朝家虛席待燕公春風已徧湖山外
元氣還歸鼎鼐中侍從定誰陪白鳳低回空自惜冥鴻

洛川萬頃蒲桃碧長與清愁日夜東

田若虛遊龍門寶應用天隨子體賦詩因次其韻

二首

少室右臂禹所斷開排清伊來高寒土肉養石自古秀
山腰流泉無時乾佛髻滴滴染溼翠松風颶颶鳴驚湍

欽定四庫全書

中州集

三

白傅已矣不可見予誰從之投歸鞍

又

闕塞若庭馬奔騰多奇厖慙爾不可沮西來何惶惶駿
足忽勒破英才如拘龐有客善體物新詩留僧窗晏輩
豈足道微濶生盆缸徑續杞菊意來浮玻璃江吏部昔
竄謫猶能題臨灑况此六大寺礎堂時鳴椿紫翠出萬
瓦天風旋珠幢興寄百斛鼎無才誰其扛會聽項籍約

吾將從之降

王隱君磾 一十三首

磾字逸賓先世家臨洛至逸賓遂為汴梁人博

學能文不就科舉孝友天至非其食不食家無

甕石之儲晏如也明昌中故相馬吉甫惠迪判

開封舉逸賓王彥功游宗之德行才能逸賓得

鹿邑主簿就乞致仕彥功以親老調鞏州教官

宗之讓不受三人者雖出處不齊而時人皆以

高士目之間間公嘗集黨承旨趙黃山路司諫

劉之昂尹無忌周德卿與逸賓七人詩刻木以

傳目為明昌辭人雅製云

莫春郭南

大梁城外孤臺傍烟昏水碧春林芳憑高極目見歸鴈

風物令人思故鄉紫金山下斜陽萬里川光照雲樹

山間細雨花落時何人來往東風路

記南塘所見簡孟友之

大橋南郭野橋東十里垂楊十里風渺渺烟波連御道

離離雲稼入郊宮雨滋蔓草晚逾綠日暎荷花晚更紅

登覽只宜開笑口尊前六客四衰翁

次文遠韻

野性唯便閑寂居蒼苔鳥跡滿庭書林花過雨紅猶重

籬竹和烟翠亦疎已與農人成保社更令兒輩學耕鋤

賣音只有東郊客日袖新詩到敝廬

謝竹堂先生見過

學稼古寺側結廬高柳陰音書故交絕歲月杜門深新

雪添衰鬢寒灰死壯心西州賢別駕連日宵相尋

次友之秋日雨後韻

洛州秋雨後幽勝可供閒白首留他縣歸心遶故山野

泉來竹底危磴入雲間尚記登高會重嵒細菊斑

寓居南村

朝來出門無所適野徑雨晴沙不泥鼓笛誰家賽春社

杖藜隨過柘岡西

雜詩七首

陰陰綠樹閑庭除散盡鳴禽靜有餘獨對爐薰坐終日

會心惟有漆園書

又

瓦爐柏子細烟消閒讀禪經破寂寥風細月高人已靜

隔窗疎竹夜蕭蕭

又

晴日南溪物色饒草芽新綠凍全消金絲柳底洲沙沒

數尺流波拍野橋

欽定四庫全書

中州集

三十八

又

南畝東臯春務時田家候雨罷能畔犁却汲井泉澆藥圃

更疏陂水灌麻畦

又

竹繞沙村水漫流鶼鶺鴻對沈浮一竿便擬從漁父

卷置琴書買釣舟

又

屋頭叢木撼蒼烟風卷飛花到枕邊南寺有僧來問字

打門驚覺午窗眠

又

漢梁王苑古臺西秋思紛紛獨杖藜雲壓高城鴈飛盡

一聲寒角夕陽低

劉治中濤六首

濤字及之夏津人明昌二年同進士用戶部尚

書孫鐸薦入翰苑厯太原運副汾州倅入為太子贊善以彰德治中致仕尋卒沁南節度康璣

良輔葬之林慮之寶巖

小雪

黃絀被暖起還慵小雪經簷落旋空舊館簿青寢半餉

冷官庭戶滿西風馬廄其窘三山瘦人生詩工五鬼窮

安得東風囑桃李也教春色到衰翁

和德卿雪

南華香火是真依不學呼鷹雪打圍梁苑舊遊荒徑改

賴濱新唱綵箋飛春生東閣酣朝飲寒入西鄰泣夜機

夢寐扁舟釣江水重嗟白髮此心違

井陘

寒厭歲峥嵘山陰日少晴敗眠雞小梗勸坐火多情便面堪長路牽頭破老兵誰教戀升斗盡室此途行

宿平遙集福寺

院僻和僧靜門間與晝長燕泥朝雨淖蝶藥晚風香野興煎詩思乾愁繞客腸青奴如解事供我莫窗涼

送王純叔守曹州

欽定四庫全書

中州集

四十

柏路人看御史驟年來眼落簿書叢單車乍別金鑾月

五馬頻嘶玉勒風故國山河連小鄧舊家雞犬識新豐

遙知別夜詩成處醉袖淋浪蜜炬紅

戲用前人語題天平別墅

表聖當年絳五千休休亭下買林泉黃華面目君還見

天柱峯高不值錢

劉左司中二首

中字正夫漁陽人屏山故人外傳云正夫為人

短小精悍滑稽玩世中明昌五年詞賦經義第

詩清便可喜賦甚得楚辭句法尤長于古文典

雅雄放有韓柳氣象教授弟子王若虛高法颺

張履張雲卿皆擢高第學古文者翕然宗之曰

劉先生以省掾從軍南下改授應奉翰林文字

為主帥所重常預祕謀書檄露布皆出其手軍還授左司都事將大用矣會卒有文集藏於家

周德卿嘗謂正夫可敬從之可愛之純可畏皆

欽定四庫全書

中州集

四十二

人豪也

冷嵒公柳溪

斗印輕拋繫肘金故園風物動歸心柳含烟翠絲千尺

水寫天容玉一尋山色只於閒裏好風波不似向來深

人間桃李栽培滿換得溪南十畝陰

龍門石佛

鑿破蒼崖已失真又添行客眼中塵請君看取他山石

不費工夫總法身

路司諫鐸二十六首

鐸字宣叔伯達之子與弟釣和叔父子俱有重名而宣叔文最奇尤長於詩精緻溫潤自成一家任臺諫有古直臣之風貞祐初出為孟州防禦使城陷投沁水死有虛舟居士集得之鄉人劉庭幹家

書州驛壁

雉堞俯已見羊腸行尚難炊烟界沮水老木識橋山時

欽定四庫全書

中州集

四十二

廢無人弔臺高有鳥還客懷秋館雨未老鬢先班

王子端挽辭

才名如此不償窮再入承明一病翁白髮光陰文字裏黃華林麓畫圖中謫仙猶想屋梁月荆產空懷松下風聊應世緣緣故在會看歸鶴語遼東

慶壽寺晚歸

九陌黃塵沒馬頭眼明佛界接仙洲清溪照眼紅蕖晚禪榻生涼碧樹秋少室宗風開木義裕陵遺墨爛銀鈎

對談不覺山銜月只為松風更少留

賦文室碧玉壺善甫賦詩鐸亦奉和二首

心知雲路等榆枋戲作方壺當玉堂虛靜自應詳止止逍遙均是一蒼蒼心含寶月無中外身著青霞可頡頏政爾天遊到疑始覺知誰送竹風香

又

隨人作計魚千里知命無憂鳥一天碧落雲深堪避世

碧落洞名九華烟暖可忘年平章萬有歸玄覽收拾方心入

欽定四庫全書

中州集

四十三

大圓上界真人自官府不妨聊作橘中仙

次韻答季通

華顛何意軟紅塵霄漢聊收退鷗身方喜長松倚東野又從淨社得遺民高山流水知音少霽月光風發興新賴有好詩相慰藉不然開口欲誰親

雨中

月翳有時吐風薰俄自清雲迴暑天影雨進夜窗聲眠聽參天籟神游得化城覺來還故處饑鼠撼燈檠

輞川

畫圖風景是亭榭歲年非秋色半黃落人烟深翠微暗
溪魚得計杳靄鳥忘機觸物增惆悵吾廬早晚歸

高唐劉氏駐春園

風光去人無咫尺人自塵勞不相及此心既定境從之
雪樹霜林亦春色劉翁有道久陸沈十年種樹今成陰
醉鄉天地白日永鵠鴉粟留皆好音良晨行樂今已矣

依舊東流泛蘭芷誰道青春挽不留鯉庭看取新桃李

欽定四庫全書

中州集

四四

膏車秣馬吾將歸誓與清景相追隨安用苦求三徑資

明月常滿千家墀

赫仲華求賦鄴臺張氏野堂

白沙翠竹小江村路轉西郊隅市塵入坐好山如有素
忘情鷗鳥澹相親芋魁飯豆平生足澗草嵒花各自春

得酒誰能更羈束不妨倒著白綸巾

題鄒公所藏淵明歸去來圖

牛刀小試義熙前一日懷歸豈偶然有意候君門外柳

無機還我酒中天貞姿佳菊秋霜裏真意南山夕鳥邊
善學展禽唯此老萬人海裏小斜川

衛州贈子深節度

淇上風光萃一樓尊前北海百無憂平分玉鑑漁村晚
西望黃雲寡婦秋望一作卷斜照鈎簾納烟翠微飈高枕看
安流梅天消息和羹近老禪寧容挽鄧侯

潼關

樓迥臨飛鳥車行汙十牛地靈開翠壁天遠送黃流趣

欽定四庫全書

中州集

四五

戰如軒計當闕豈壯猷天梯且失守况說土山頭

七夕與信叔仲荀會飲晚歸有作

秋香瀉月笑談香飲散歸來夜未央闕角星河搖淡影
柳行燈火試新涼雄飛勲業歸時輩信美江山著漫郎
萬事浮雲心鐵石休將梁國嚇蒙莊

襄城道中

有言長官暴橫者

禾黍低風汝水長遲遲驛騎因秋陽病軀官事交相礙
夢雨行雲宵借涼盡說秋蟲不傷稼却愁苛政苦于蝗

詩成應被西山笑已矣眉頭尚否臧

感寓

沄沄一水抱山流路轉岡陵到渡頭張翰秋風動歸興
惠崇烟雨著孤舟祿輕道重從三點日暮人遙發四愁
世事悠悠莫回首聊憑酒聖作天游

冠氏雨中

氣肅闊河萬綠摧遠遊節物動悲哀人牛不見曉烟重
草樹有聲山雨來老矣何堪米鹽事中之安得聖賢盃

欽定四庫全書

中州集

四十六

遙憐鶴髮孤雲底日望林梢一葉迴

細香軒三首

花氣爐烟總不同喚青噴翠小窗風中邊故嗅渾無有

心跡相忘忽暗通

又

閣雨含風戶牖涼聞機才發興何長無心孤竹那能爾
自是詩人知見香

又

霜雪青青玉一叢宵從桃李借薰釀不知香界何從立
憑仗清風問籜龍

芳梅如佳人贈襄城衛昌叔

芳梅如佳人不見令人思豈無桃李顏夏蟲篤於時霜
風靜天宇蘭悴菊亦衰凌寒一笑粲功烈如彼卑幾年
幽西路緒岡望逶迤思之不得見空吟水曹詩夜月將
夢去雲深水之湄邂逅疎竹邊峩峩認風儀今日真見
止昨夢猶著龜座中儻儻子謂我酷好奇逃空聞足音

欽定四庫全書

中州集

四十七

此心胡不夷

遂初園詩間間

行邁已自勞坐忘猶有為動靜二塵耳一真非即離舉
頭見青山曲肱轉黃鸝心安萬境寂境轉何妨隨

思玄堂

塵世一何隘永懷耿中情端著得吉卜有鶴疾天鳴慨
然趣予乘雲旗渺遐征鴻濛偶相值笑我勞經營駕言
還故鄉方寸以道寧先疇理耘耔初服紉芳馨諦觀九

州事曾不出戶庭漁父有默識鋪館愈於醒

汴梁公廨西樓二首

官舍誰言隘西樓興不窮閒雲欹枕裏飛鳥捲簾中風定天還水烟虛月度松回觀猶有愧破屋著盧仝

盧仝以方

處士王逸賓

又

雲態看來變簷陰坐次移一蟬吟未了雙鳥去何之薄宦槐安夢浮名劍首炊安心元有法遣興可無詩

欽定四庫全書

中州集

四十八

次韻酈著作病起

玄晏耽書昔坐癡如今手板對山持病知居士安心處貧是詩人換骨時單見敢參東觀論徐行休歎後山遲山林朝市元無異怨鶴驚猿自不知

師拓 一十二首

拓字無忌平涼人舉進士不中明昌中有司薦其才以嗜酒不果作詩有氣象而工於鍊句如賦鴈云天低仍在眼山沒更傷心溪上云夕陽

明菡萏秋色靜薰葭白曳衝烟鷺紅翻漾水靈

春日池上云水風涼綺席沙日麗金壺燕市酒

樓云氣清天曠蕩露白野蒼涼又荷蒼秋近葉蓮膩雨餘花大為時人所稱

秋夜吟

阪路太行險波濤滄海深素縕未偶時白髮將盈簪壯士莫年意游子中夜心拊劍一太息月暗天橫參

浩歌行送濟夫之秦行視田園

欽定四庫全書

中州集

四十九

霜欵野草白氣肅天宇清開尊酌遠客餓此秦闕行秦闕杳杳愁西顧千里蒼茫但烟樹子今行轡鞍秋風想見秦闕雄勝處河流洶洶崑崙來蓮峯秀拔青雲開終南南走絡巴蜀五陵北望令人哀我本渭城客浪迹來東征窮齊厯宋嗟何營尚氣慕俠遊梁城信陵白骨委黃土夷門誰復知侯生拊劍一長嘯作歌誰為聽青天白日空冥冥不能乘桴入滄海拂衣且欲歸汎涇落魄高陽歸未得送子西歸空愴情

冬夜二首

雲破月穿牖夜嚴風號隙客子寢不安寒燈照空壁默然不平事起坐長太息書但記姓名劍本匹夫敵追奔慕前哲恢張濟時榮何意造物兒重此稻粱役興酣氣益振孤憤遠飄激非無南山雲高卧養虛寂茹芝酌懸流嘯吟展胸臆聖達豈不念且有不暖席此抱誰與知乾坤夜寥闊

又

欽定四庫全書
卷四十一
五十一
破屋星斗入疎牖霜風生沈沈夜何久杳杳天不明燈暗飢鼠出月朗棲鳥驚幽意苦盤礴慙落窮八紵貧賤豈足戚所思天下英盤木無先容竟與枯朽并旃毳胫纔掩藜藿腹不盈鬱鬱命世才何惜伸一鳴僵卧蓬蒿底要路誰為名恥作埽門謁寧為醴酒行直將叫閭閻皎皎開寸誠白日下留照廊廊賢路亨此志恐未必搖蕩熱中情

游同樂園

晴日明華構繁陰蕩綠波蓬丘滄海遠春色上林多流

水時雖逝遷鶯暖自歌可憐歡樂極鉦鼓散雲和

陪人遊北苑

甲子歲

繫馬溪邊酌啼鶯柳外聞望長魂欲斷愁豁酒微醺草色明殘照江聲入暮雲故園春色到歸思日續紛

曲江秋望

山遠嶂重出野平天四圍涼風交實坼久雨藕花肥水潤漁舟小天長去鳥微紫蒲行處有采采莫盈衣

欽定四庫全書
卷四十二
五十二
和王逸賓繁臺詩

憑望憐臺迴長吟苦思荒行雲春郭暗高鳥莫天蒼草色傷心極松風酒面涼故園兵革外殊覺路途長

贈雲中劉巨濟

雲廓乾坤迥霜摧草樹殘風聲秋晚急月色夜深寒綠綺音誰會青霄氣自干那知燕市裏把酒得交驩

都城南郭早望

曉立回塘上何人逸興同柳濃天霽雨萍坼岸含風鳥

影明蒼靄湖光倒碧空秦川何日到解髮濯清澧

中元後二日

暑謝涼生際庭虛雨過時天長雲斷續風急樹離披世
態貧逾薄秋光老易悲燕城寒事早還與舊約期

和張叔獻題首善閣

岩堯飛閣與雲齊來凭脩欄日轉西秦客此時愁欲醉
隴山何處望渾迷九天花鳥催春事千里風烟入莫題
久怕殊方看節物不知今日在丹梯

酈著作權一十六首

權字元輿安陽人作詩有筆力圓甲道中云斷
橋經壞屋古道入崩山石磽云蒼崖秀苔花壞
道補石棧徐行下井底斗上出天半綺岫宮云
離宮歸相望百年幾遊歷獨知窮已樂衆慙不
汝恤繁花忽灰燼歲月空瓦礫赤水道中云水
近嘘寒氣星殘曳白芒燒痕云炎威隨變滅餘

燼委丘壤田疇更斷續原隰依下上班班澗溪

毛往往漏尋大晴空墮雪影夕照壓秋嶂昆明

翻刻灰黑水走濁浪烟中一線來細路入空曠

尋石甕云雲間兩石角相鬪如闕門上連石甕
口含研愁猱猿杵如空洞腹瑩滑無纖痕何年
補天手月斧雲為斤琢成蒼玉願覆此玻璃盆

龍潭云臺高野望遠地僻春意閒郊行云強引
村醪終少味漫留詩句嬾題名村行云瘦藤籬
角蔓雜草樹根花夾道懸新棗荒畦卧晚瓜又

云歲豐人樂社秋近客思家書事云佳樹漲新

綠危巢樓老紅與顯叔云茶竈翻春白糟床滴
曉紅雜詩云樹影僧攜錫鈴聲客到門片月冷
千嶂敗橋通兩村此類甚多元輿父瓊國初有
功仕至武寧軍節度使元輿以門資叙宦不達
朝廷高其才明昌初以著作郎召之未幾卒有
坡軒集行於世

聞砧

玉闌消息到長安處處砧聲搗夜闌想得月殘哀響斷

一燈清淚剪刀寒

夷門遺懷

染園花木艷精神盡屬東風點綴人雪壓老梅香不起
問君消息幾多春

西游雜詩

茅店雞聲外柴車犬吠間疎星涵積水殘月墮昏山好
夢人何在秋風我獨還梨園有名酒聊此慰間關

慈恩寺塔

慈恩石刻半公卿時遇聞人為指名龍虎榜中休著眼

一篇俚賦悟平生

木犀

菊小未堪摘荒池悴芙蓉窮秋不慰眼幽獨將焉如殷勤
蕪宮子種桂庭之除乘間弄餘花散落荒山隅從茲雲月
裔漂泊生江湖娟娟耐凍枝便與羣芳殊琉璃剪芳葆蛾黃
拂仙裾唾袖花點碧漱金粟生膚好風一披

拂九里香繁紛蘭蕙不敢友荃荪正僅奴妾意此尤物化
工異吹噓不然九天香安得獨付渠託物寄深緼古

今一三間收攬名草木自此君子徒惟茲不挂口無乃

聖不居抑夫古簡編斷缺秦火餘君看齊魯臣史筆逸其書惜哉不可曉臨風為嗟吁尤憐元祐前不及附歐

蘇末路益可惜例進宣和初仙根豈易致百死不一甦

昔游汴離宮識此傾城姝摩娑三品石尚想狎客娛却

後十五年微霜半粘鬚一枝再經眼相對憐羈孤不知

苦何事玉骨乃爾癯故人憐我老尺書遠招呼要趁秋

香濃共此碧玉壺遙知嬋娟客與我笑一俱

竹林寺矮松

蒼烟靄山曲回溪抱脩筠中藏古佛宮荒僻無四隣靈
松插殿腳偃蹇今幾春何年霹靂雨抉石搜潛鱗謫重
飛舉難墮此蜿蜒身聯拳縮爪股氣屈不得伸卧枝老
無力支撑藉樵薪無風自悲吟失水固不神安知才不
才禍福了已分南山聳千嶂直幹排風雲正以中繩墨

中道遭斧斤。豈知無用資。千歲保其貞。何必求先容。養此老。困輪我亦愛。奇節歲晏守。賤貧他時來。汝伴露頂。

桂葛巾

自鶴壁游善應洹山

清晨發鶴山。瘦馬陵峻嶺。春風吹雪谷。朝霧溼雲影。羊腸抱傾崖。絕壑如下井。破闕山却立。老眼入絕境。人家跨清溪。桑柘鬱數頃。西行復幾里。嵒谷栖短景。窮溪水

源清溜溜如細綆。下流泉滿山勢合。久方騁灘光落鏡。

欽定四庫全書

中州集

五十六

明嵐氣排雨。冷何年。鑿青壁。兩佛入禪定。殘僧久零落。遺塔寄烟冥。荒涼布金地。雜還樵牧徑。同遊成六逸。轟飲助高興。留連更坐卧。談笑發嘲咏。感物復歎嗟。醉語忽逕青山不愛寶。歲歲出礬礦。公場沸千夫。利井供百鼎。誰開爭奪源。敗此丘壑勝。頗思呼有力。擲入萬里迴。天神定笑我。癡絕謾生瘦。長懷古畸人。飛夢遠箕願。

八渡崖

奔湍百折似蟠虬。響入山根匯復流。咫尺蒼崖深八渡。

等閒藜杖我。頻遊層崖障。日樵聲晚寒。谷呼風樹影秋。安得剩裁溪上竹。一庵領盡兩山幽。

留仲澤

朝衫酒溼紫宸霞。暫輶旌旗擁使華。馳馬彎弓真將種。

載書橐筆自名家。江湖萬里春回鴈。燕趙千林月滿花。

明日升沈便霄壤。更留玉樹倚薰設。

寄唐州幕官劉無黨

白髮青衫宦苦卑。邊荒誰識鳳麟姿。河西落魄高書記。

欽定四庫全書

中州集

五十七

劍外清貧杜拾遺。紫玉山高傳楚夢。蠻珠淵靜照黃波。禁中頗牧他年事。先遣江淮草木知。

除夜

殊方節物老堪驚。病怯諸隣爆竹聲。梨栗異時鄉國夢。琴書此夕故人情。眼看厯日悲存歿。淚漣屠蘇憶弟兄。白髮明朝四十七。又隨春草一番生。

七夕

縹緲針樓外。天教彩羽過。步雲榆送影。拂月桂交柯。繡

縷紫芳袂瓜蓮得巧梭常娥如解妒還與試斜河

濟源廟海子內有二元祖人以將軍目之投餅餌則

至

我欲燃犀起蟄雷謾誇海蘸紙錢灰將軍不是池中物
也為區區餅餌來

裴公亭

十里蓮塘際碧山入潭無數竹根泉詩狂欲酒亭間壁
却媿文公與樂天

欽定四庫全書

中州集

五十六

郊行二首

十里脩篁翠拂天青田漠漠水濺濺高林忽斷驚回首
不覺奇峰墮眼前

又

溪橋納納馬蹄輕竹裏人家犬吠聲行盡灘光溪路黑
隔林燈火夜深明

禮部楊公雲翼 二十一首

雲翼字之美樂平人明昌五年經義進士第一

人詞賦亦中乙科天資穎悟博通經傳至於天

文律歷醫卜之學無不臻極事母孝與人交款

曲周密處事詳雅而能以大節自任南渡後二

十年與禮部間間公代掌文柄時人號楊趙而
公以後輩自處不敢當也宣宗頻歲南伐事勢
有決不可者論議之際時相多以避嫌不敢言
公獨直言極諫以為兩淮生靈皆陛下赤子不
能外禦北兵而取償於宋以天下為度者不如

欽定四庫全書

中州集

五十九

是也是後再出兵時全一軍幾為宋人所覆宣
宗悔悟責主兵者曰我當何面目見楊雲翼耶
興定末拜吏部尚書中外望其旦莫入相竟以
足疾不果正大五年八月終于翰林學士年五

十九謚曰文獻天下識與不識皆哀惜之至今
評者以為百餘年以來大夫士身備四科者惟
公一人而已子恕字誠之第進士今在燕中

陽春門堤上

薄薄晴雲漏日高
雪消土脉潤如膏
東風可是多才思
先送輕黃到柳梢

光林寺

煙浮霜塔閑禪關
今落先生杖屨間
碧水同來弄明月
黃塵不解汙青山
因緣多自成三宿物
我終同付八還
欲識光林全體露
松花落盡嶺雲間

上白塲寺

睡飽支筇徹上方
門前山好更斜陽
苔連碧色龜趺古
松落輕花鶴夢香
身世窮通皆幻影
山林朝市自閒忙
簾幙不動天風靜
莫聽鈴中替戾岡

聞韶圖

千古神交寄至音
聞韶想見聖人心
容聲便落筌蹄外
後學休從肉味尋

張廣文消搖堂

方寸閒田了萬緣
大空物物自翛然
鶴鳧長短無餘性
鵬鷗高低各一天
身內江湖從濩落
眼前瓦礫盡虛圓

叩門欲問姑山事
聲瞽由來愧叔連

侯右丞雲溪

功成何許覓菟裘
天地雲溪一釣舟
夢破煩襟濯明月
詩成醉耳枕寒流
西風歸興隨黃鵠
皎日盟言信白鷗
政恐蒼生未忘在
草堂才得畫中游

大秦寺

寺廢基空在人歸地
自閒綠苔昏碧瓦
白塲映青山暗谷
行雲度蒼煙獨鳥還
喚回塵土夢聊此
弄澄灣

蔡村道中

水連深竹竹連沙
村落蕭蕭已暮鴉
行盡畫圖三十里
青山影裏見人家

戴嵩畫牛

春草原頭雨溼烟
夕陽渡口水吞天
披圖坐我風蓑底
一夢長林二十年

迴文

梧井落花秋寂寂
竹窗搖月夜沈沈
孤鸞舞處回腸斷
鵬鷗高低各一天

遠鴈來時別恨深

烟雨

涼氣先秋至重陰接望迷有無山遠近濃澹樹高低鳥雀枝間露牛羊舍北泥支頓政愁絕風雨過前溪

和呂介甫

山下三秋雨山中六月涼樹林溪谷暗花藥小闌香夢

破風開卷詩成鳥送觴紅塵多內熱政爾救頭忙

謾興

乍寒簾幕一燈青從臾羈情爾許清葉擁西風秋有思

天垂北斗夜無聲吟詠遠夢家千里過鴈連愁月四更

寄語黃華耐岑寂好看霜葉到歸程

雙成寺中登樓

雲意生陰晚不收西風疎雨一江秋畫圖忽上闌干角

隱隱平灣轉釣舟

父老寄樂平令
胡德玉

老去宦情薄秋來鄉思多遙憐桑壠在無奈棘林何白

水青沙谷黃雲赤土坡幾時隨父老社酒太平歌

應制雪詩

陰雲破暉不曾晴瑞雪隨風落五更積玉未平鶼鵠瓦飛花先滿鳳皇城潤深農畝千疇綠塵壓龍沙萬里清最好壽杯浮喜色明年洗眼看昇平

元日

香爐猶餘去歲烟五更斗柄已回天來從天外春何早俵向人間老不偏莫問流光似流水且從今日數今年

欽定四庫全書

卷四

六三

東風五十七年夢夢覺還驚雪滿顛

太一湫

西崖環抱鏡光平數泓澄泓石底清寒入井頭千丈雪淨涵嵒際一天星傍人爭出魚依勢銜葉飛來鳥護靈

日日東風送潮出只應絕頂透滄溟

應制白兔

聖德如天物効祥禡夫新賜雪衣裳光搖玉斗三千丈

氣傲金風五百霜禁籞合棲瑤草影御爐猶認桂枝香

中興慶事光圖譜黼坐齊稱萬壽觴

李平甫為裕之畫繫舟山圖間間公有詩某亦繼

作

名利走朝市山居良獨難况復山中人讀書不求官東
品有佳致書室方丈寬彼美元夫子學道如觀瀾孔孟
澤有餘曾顏膏未殘向來種德深直與山根蟠之子起
其門孤鳳騫羽翰計偕聊爾耳平步青雲端竭來遊京
師士子拭目觀禮部天下士文盟今歐韓一見折行輩

欽定四庫全書

中州集

六十四

殆如平生歡舞雩詠春風期著曾點冠五言造平淡許
上蘇州壇我嘗讀子詩一倡而三歎世人非無才多為
才所謾高者足詆訶下者或辛酸吾子忠厚姿不受薄
俗漫晴雲意自高淵水聲無湍他日傳吾道政要才行
完會使茲山名與子俱不刊

間間公為上清宮道士寫經并以所養鷺羣付之
諸公有詩某亦同作
會稽筆法老無塵今代間間是後身只有愛鷺緣已盡

舉羣還付向來人

屏山李先生純甫

二十九首

純甫字之純弘州人承安間年進士仕至尚書

右司都事為舉子日亦自不碌碌於書無所不
關而於莊周列禦寇左氏戰國策為尤長文亦
畧能似之三十歲後徧觀佛書能悉其精微既
而取道學書讀之著一書合三家為一就伊川
橫渠晦庵諸人所得者而商略之毫髮不相貸

欽定四庫全書

中州集

六十五

且恨不同時與相詰難也性嗜酒未嘗一日不
飲亦未嘗一飲不醉眼花耳熱後人有發其談
端者隨問隨答初不置慮漫者知所以統室者
知所以通傾河濁江無有窮竭好賢樂善雖新
進少年游其門亦與之為爾汝交其不自貴重
又如此迄今論天下士至之純與雷御史希顏
則以中州豪傑數之子全字稚川今居鎮陽

雪後

玉環暈月蟠長虹飛沙卷土號陰風黃雲幕幕翳晴空
屋頭唧唧鳴寒蟲天符夜下扶桑宮玄冥震怒鞭魚龍
魚龍飛出滄海底咄嗟如律愁神工急斡北斗捲雲漢
凌澌捲入天瓢中椎璋碎璧紛破碎六花剪出寒瓊璁
翩翩作穗大如手千奇萬巧難形容恍如墮我銀沙界
清光縞夜寒臘臘肝腸作祟耿無寐試把往事間追窮
男兒生須銜枚卷甲臂彩弓徑投虎穴策奇功不然羊
羔酒張玻璃鍾侍兒醉臉潮春紅誰能蹇驢馳著灞陵
欽定四庫全書
中州集
卷四
六十六

東骨相酸寒愁煞儂屏山正吐黃蘿氣笑倒坐間亡是
公

赤壁風月笛圖

鉦鼓掀天旗脚紅老狐膽落武昌東書生那得麾白羽
誰識潭潭蓋世雄裕陵果用軒為將黃河倒捲湔西戎
却教載酒月中船尾嗚嗚一笛風九原喚起周公瑾
笑煞儋州禿鬚翁

送李經

鬚張元是人中雄喜如俊鶻盤秋空怒如恠獸拔古松
老我不敢嬰其鋒更著短周時緩頰智囊無底眼如月
研頭不屈面如鐵一說未窮復一說勍敵相扼已錚錚
二豪同軍又連衡屏山直欲把降旌不意人間有阿經
阿經瓌奇天下士筆頭風雨三千字醉倒謫仙元不死
時借奇兵攻二子縱飲高歌燕市中相視一笑生春風
人憎鬼妒愁天公徑奪吾弟還遼東短周醉別默無語
髯張亦作衝冠怒阿經老淚如秋雨只有屏山拔劍舞
欽定四庫全書
中州集
卷四
六十七

拔劍舞擊劍歌人非麋鹿將如何秋天萬里一明月西風吹
夢飛關河此心耿耿軒轅鏡底用兒女肩相摩有智無智
三十里眉睫之間見吾弟張謂伯王
周謂晦之

為蟬解嘲獻

臣伯王不平蟬解

老蛻破衲染塵緇轉丸如轉造物兒道在失溺傳有之
定中幻出嬪娟姿金仙未解羽人尸呼風飲露巢一枝
倚杖而吟如惠施字字皆以心為師千偈闊翻無了時
關楗不落詩人詩屏山參透此一機鬚弟瞞兄何見疑

此理入玄人得知

鬚弟恐我食却西山秀

張有登樓詩

西山翡翠堆今日上高樓西山如死灰想見屏

老瘦飢西山喂食却西山色高樓空崔嵬

皤兄勸

我吸却壺盧溪

高有壺溪詩云我觀壺溪未可以蠡測大若溪上翁有口吸不得壺中別是一洞天溪上翁即壺中仙畢竟人間無著處杖頭桃取屏山去

因蟬倩我問渠伊快掉

葛藤復是誰鬚弟絕倒皤兄嘻

灞陵風雪

君不見浣花老人醉歸圖熊兒捉轡驥子扶又不見玉

川先生一絕句健倒莓苔三四五蹇驢駝著盡詩仙短

欽定四庫全書

中州集

六十八

策長鞭似有緣政在灞陵風雪裏管是襄陽孟浩然官

家放歌殊不惡塞驢大勝揚州鶴莫愛東華門外軟紅

塵席帽烏韁老却人

贈高仲常

借問高書記南征又北征從軍元自樂游子若為情筆

下三千牘胸中百萬兵傷弓良小怯彈鋏竟何成慘淡

風塵際悲涼鼓角聲別家四十日並塞兩三程斗絕牛

皮嶺荒寒燕賜城吟邊白鳥沒醉裏莫雲橫感慨悲王

粲顏狂笑禡衡虎責多將種底用兩書生

真味堂

問渠真味若為言不著鹽梅也自全蠹鼎大夫徒染指
麴車公子漫流涎胸中已有五千卷徽外更聽三兩絃
此老清饒何所嗜宦名嚼蠟已多年

畫兔

三窟言何鄙中林計未疎貧而長衣褐老矣不中書搗
藥元無死忘蹄始見渠子皮今尚在遺像豈陶朱

欽定四庫全書

中州集

六十九

貓飲酒

枯腸痛飲如犀首奇骨當封似虎頭嘗笑廟謀空食肉
何如天隱且糟丘書生幸免翻盆惱老婢仍無觸鼎憂

只向北門長卧護也應消得醉鄉侯

天游齋

丈人未始出吾宗草靡波流盡太冲七竅鑿開無混沌
六根消落盡圓通法身免角聲聞外塵事牛毛夢幻中
誰會天游更端的瘦梅疏竹一窗風

孫卿子

諸儒談性盡歸情誰信黃河徹底清未到崑崙源上見
且休容易小荀卿

謝安石

阿堅休道不英雄兒輩俄成蓋世功屐齒折時渠自著
至今人解笑桓冲

魏徵

健兒搖足據山東李氏家居大半空貞觀力排封建議

欽定四庫全書

中州集

七十

魏徵元只是田公

老蘇

宋季人憂大瓠穿敢留金幣不輸邊權書更信蘇家策

剩費青苗幾倍錢

偶得

包裹青衫已十年聰明更覺不如前簿書叢裏先抽手
鼓笛場中少息肩瓶底剩儲元亮粟叉頭高挂老坡錢
會須著我屏山下了却平生不問天

雜詩六首

顛倒三生夢飛沈萬劫心乾坤頭至踵混沌古猶今黑
白無真色宮商豈至音維摩懶開口枝上一蟬吟

又

乾坤大聚落今古小朝昏諸子蠅鑽紙羣雄虱處裨一心還入道萬物自歸根却笑幽憂客空招楚些魂

又

丹鳳翔金鼎蒼龍戲玉池心源澄似水鼻息細於絲枕

欽定四庫全書

中州集

七十二

上山川好壺中日月遲神仙學道者那許小兒知

又

空譯流沙語難參少室禪泥牛畔海底玉犬吠雲邊仰
嶠圓茶夢曾山放酒顛書生眼如月休被衲僧穿

又

狡兔留三窟獮猴戲六窗情田鋤宿草心月印澄江酒
戒何曾破詩魔先已降雄蜂雌蝶正自不成雙

又

道義富無敵詩書貴不貲浮生幾兩屐狂樂一絢絲豪
俠非吾友臞儒即我師誰知茅屋底元自有男兒

趙宜之愚軒

羿窮射殺金畢逋老廬礲殺玉蟾蜍朝夕相避崑崙墟
忽見天公一日枯塵昏土昧萬萬古雲眵雨淚寒模糊
嗟哉區中人么麼如蚍蜉書生不惜兩瞳子長使看書
如老奴水部一奇士西河君子儒二公正坐詩作祟得
句令人不敢書先生有膽乃許大落筆突兀無黃初軒

馬圖同裕之賦韓筆定襄霍益之家物
天馬飛來不苦難雲屯萬騎開元間太平有象韓生筆
曾見真龍如此間

瓢庵

書生只合飽黃虀大嚼屠門計似處壁上七絃元自雅
囊中五字更須奇橫陳已覺如嚼蠟皆醉何妨獨啜醨
此味欲談舌本強如人飲水只渠知

劉宋

昂學古澹家法出闕唯暗中摸索出奇語字字不減瓊
瑤琚神憎鬼妒天公阻戲將片雲翳玄珠九竅鑿閑混
沌死囚象未必輸離朱靜埽空花萬病除一片古心含
太虛屏山有眼不如無安得恰似愚軒愚妄得恰似愚
軒愚

哭黃華

士價五羊皮人生黍一炊蓋棺那可忍挂劍不勝悲向
上誰曾到而今渠得知侍臣傷立本老姥怒義之作病
無如酒窮愁正坐詩中郎猶有女少傳竟無兒散落真
行帖飄零騷雅辭儒林頓憔悴未敢哭吾私

怪松謠

子端山水同裕之賦
遼鶴歸來萬事空人間無地著詩翁只留海岳樓中景
長在經營慘淡中

阿誰裁汝來幾時輪囷擁腫蒼虬姿鱗皴百恠雄牙毬

攀空天矯蟠枯枝疑是祕魔嵒中老慵物旱火燒天鞭

不出睡中失却照海珠羞入黃泉蛻其骨石鉗沙網汗

且僵埋頭卧角政摧藏試與摩挲定何似怒我張觸鬚

髯張壯士囚縛不得住神物世間無著處隄防夜半雷

破山尾血淋漓飛却去

虞舜卿送橙酒

屏山持律不作詩硯塵筆秃繁蛛絲枯腸燥吻思戛戛

欽定四庫全書

中州集
卷四

七十四

法當以酒疏淪之何物督郵風味惡張觸間愁無處著

苦思新釀壓橙香世間那有揚州鶴乞詩送酒並柴門

瀛洲仙裔令公孫肺腸憤痒芒角出傾瀉長句如翻盆


胸中雲夢大老我眼皮危塞破徑呼短李與黠王

錦囊收玉唾

收叔衡

中州集卷四

總校官庶吉士臣侍朝
校對官庶吉士臣陳文樞
謄錄監生臣沈元鑄



欽定四庫全書叢要

集部
中州集卷五

欽定四庫全書叢要卷二萬七十八集部
中州集卷五 戊集

御史肅三十首

金元好問輯



肅字舜元京兆人僑居北京之和衆幼孤養於外家天資挺特高才博學作詩精緻有理尤善用事古賦亦奇峭工於字畫業科舉為名進士立朝為才大夫優於政事嚴而不苛所至有聲

欽定四庫全書

卷五

吏畏而安之累以廉陞厯赤縣及幕官入為監察御史遷治書出刺通州大中黨獄起為所詿誤謫靜難軍節度副使大安初召為中都路轉運副使超戶部正郎復坐鐫降同知汾州事卒官舜元素尚理性之學屏山學佛自舜元發之晚年頗喜養生謂人可以不死嘗欲棄官學道而竟止於此可哀也已詩號澹軒遺藁今在燕都鄭庭幹家其平生則見之屏山故人外傳云

偶讀賈達之邀飯帖有感作詩哭之

微官已歎鸞樓屈異事俄傳鵬告凶彩筆書來墨痕濕
玉樓人去酒尊空當時快意牛心炙今日傷懷馬鬣封
一幅銘旌送哀挽白楊蕭索九原風

河上

堤外三竿日河邊八尺泥夜風喧馬櫪秋露冷雞棲歲
月吾生老關山客夢迷故園桃李樹搖蕩不成蹊

別張信夫

破壘殘星沒寒城曉角孤天低雲錯莫野曠雪模糊小

市千錢米征人丈八殳邊愁故未已不敢恨長途

別懷玉

官曹不着市門仙綠髮忽忽換少年慣作簿書塵裏夢
愧無山水窟中緣蜂腰鶴膝曾搜句兔角龜毛不論禪

此別相思渺何許一川山色雁連天

山陰縣

湧雲驅雨不成霖山徑危行未要深午夢初迴烏鳥樂

小亭斜日柳陰陰

方丈坐中

紙本功名直幾錢何如付與北窗眠詩書作我閒中地
風月知人醉裏天水底游魚真見性樹頭語鳥小參禪
平生習氣蓮華社一炷香前結後緣

早出遵化

朝來對酒不能觴看盡西風去鳥行山好未忘三日雅
詩窮贏得一秋忙強顏紅葉自由舞野性黃花無賴香

多謝殷勤暮雲影更留淡墨寫溪光

宿睦村

闌干河漢已酉傾獨坐披衣過五更簷馬丁東風外響
田車歷輶月中行忘形沙鳥知人意宰地山雲不世情
露草霜筠有幽意詩題分付候蟲聲

次韻安之飲酒

日上南窗已數竿醉頭扶起不巾冠欲開社瓮多招客
先乞兵厨暫補官玩世惟知酒功聖藏身無似醉鄉寬

麒麟閣上功名字不博生前一笑歡

過九里山

斷蛇扛鼎兩爭雄陳迹荒涼萬事空今日山前無過客
數株衰柳管秋風

道傍柳

秋霜一何嚴凋此道傍柳殘枝幾葉在其勢不得久憶
昨三春時濯洗煙雨後弄姿舞婆娑勸我一盃酒別後
遽能幾忽忽成老醜人生非金石長短百年壽功名與

欽定四庫全書

中州集
卷五

四

富貴於身亦何有古人隨物化今已柳生肘我獨何為
哉窮年事奔走長堤隱落月駐馬一迴首春風柳梢黃

定得西歸否

登憫忠寺閣

淨宇懷超想層梯企俊遊喧卑三界盡製作六丁愁聚

土閒童子移山老比丘能除分外見寸木即岑樓

讀傳燈錄

閉戶懶不出真成住夏僧肝腸雖自苦面目得人憎處

世若大夢學禪猶小乘早知文字悞更用讀傳燈

夏夜

一雨昭蘇外羣山宴寂中移床就佳月引袂納涼風蝎
舍憐渠小蚊雷訝許同幽懷閑清境舒嘯夜將終

物化

物化能忘我天遊不用心羶香羣蟻聚樹靜一蟬吟敗
井勞深汲荒庭闕近尋枕書聊假息夕日半牆陰

立秋日

欽定四庫全書

中州集
卷五

五

舊穀催新穀今秋似去秋年衰猶健飯官達也窮愁樹
鳥依依宿簷螢細細流箇中詩句在倚杖得冥搜

感興

避俗嫌高絕千榮恥盜誇居貧偶從仕學道不忘家樹

果蕃秋實園葵粲晚花一軒吾事了無意競紛華

偶書

東風數點梨花雪吹我傷春萬里心知有高亭堪眺遠
惜無佳客共登臨晴雲入戶團傾蓋飛鳥隨人作好音

寒食清明少天色孤居未要酒杯深

放言二首

蓮社從來說陶遠竹林今不數山王家雞野鶩何須較

秋菊春蘭各自芳

又

清風明月無人管茶鼎薰爐與客同壯歲羞為襁襪子

如今却羨囁嚅翁

曉出東廬

欽定四庫全書

中州集
卷五

六

谷口子真隱水濱韋氏莊鷗賓客對鴻雁弟兄行小圃叢生竹平林半是桑朝陽生野渡濕盡馬蹄霜

次張信夫韻

絳帳先生寄一州不教文字到橫流草玄只擬關門坐好事應從載酒游虎穴已曾探虎子龍溝未信出龍頭

錦囊詩句年來滿供盡閒花草愁

髡脫

年年道路少清歡處處葵蔬餽薄冷月色過窗同夜夢

霜華著壁獨朝寒求醫未有詩千首破老惟消竹數竿

衰髮從今不須脫少留衰白戴黃冠

立秋日

畏景流庭過涼颸即坐來物隨時共換人覺老相催憩蝶依叢穩嘶蟬抱樹哀玉簪香好在牆角幾枝開

復齋

居士年來一復齋馴庭鳥雀絕驚猜雨添窗外硯池滿風揭床頭書卷開身似卧輪無伎倆心如明鏡不塵埃

欽定四庫全書

中州集
卷五

七

紛紛寵辱人間世付與浮雲任去來

北潭

竹陰松影玉葱龍十里平堤一徑通碧水乍開新鏡面青山都是好屏風寒蟬高鳥清愁外折葦枯荷小景中酒力未多秋興逸夕陽聊貸半林紅

晚興

秋蟲已息又還吟晚雨初晴又作陰水面微風掠蒼玉

雲頭落日緣黃全年豐酒價應須賤睡起茶甌未要深

人道雙清到心迹年來無迹亦無心

雜詩二首

春江日暖舞清連客舍蕭蕭一縷烟幽鳥隔林招我醉
小桃當戶為誰妍禪心已作沾泥絮詩思渾如上水船
却是官閒得無事一簾紅雨枕書眠

又

南皮城下荒秋草說是當日燕支臺世事翻騰只如此
吾生棄置已焉哉迎風紫莧因循老背日黃花次第開

欽定四庫全書

中州集

八

獨夜不眠思阿謝白羊如駕小車來

春雪

豐年不救兩河飢臘盡纔看小雪飛謾說春來膏澤好

其如壟上麥苗稀空花只解驚愁眼濕絮寧堪補敗衣

頗笑西臺瘠御史日斜騎馬踏泥歸

蕭尚書貢三十二首

貢字真卿咸陽人唐太傅寘十七代孫博學能

文不減前輩蔡正甫大定二十二年進士自涇

州觀察判官召補省掾不四五月拜監察御史

累遷右司郎中預脩泰和律令所上條畫皆委

曲當上心興陵嘉歎曰漢有蕭相國我有蕭貢
刑獄吾不憂矣又奏死囚獄雖已具仍責家人
伏辨以申冤抑詔從之遷刑部侍郎入謝曰臣

願因是官廣陛下好生之德上大悅凡真卿所

平反多從之歷大興同尹德州防禦使同知大
名府事陝西西路轉運使河東北路按察轉運

欽定四庫全書

中州集

九

使靜難軍節度事南京都轉運使御史中丞以

戶部尚書致仕年六十六終於家諡曰文簡有

注史記百卷公論二十卷五聲姓譜五卷文集

十卷傳於世

渭南縣齋秋雨

穴床撐柱小窗前一點青燈照不眠簷溜淙琤風淅瀝

嫩涼如水夜如年

假梅

綠窗嬌小似梅人素手東風巧思新鸞尾剪裁千顆雪

峰脾點綴一家春長教客枕生幽思不逐林花委路塵

莫道去非詩破的兔毫那解寫花真

臨泉道中

半世事行役茲游初未經峽門迷白晝嶺脊上青冥澗
曲莓苔滑松盤霧雨溟登危人跼蹐涉險馬嶮躋落日
留行客投鞭得驛亭短牆明積雪破屋漏疎星羌笛誰

三弄羈懷強一聽葭蘆知不遠河外數峰青

欽定四庫全書

中州集

十

自感

形骸付與甄陶外禍福難防倚伏前孔雀若知牛有角
應須忍渴過寒泉

荒田擬白樂天

荒田幾歲闢人耕欲種糜蕎趁晚晴急手剪除荆與棘
一科才了十科生

樂府崔生

崔名

徽門畫暖柳啼鴉蘭閣窗深月照紗腰素輕盈珠被穩

鬢雲鬆亂玉釵斜春風一去空陳迹暮雨三生只當家
自倚廣平腸似石不妨綺語賦梅花

米元章大字卷

顏楊死去誰補處米狂筆力未可涯追摹古人得高趣

別出新意成一家老蛟驅雲肉倔強枯樹清雪冰楂牙

九原裴說如可作應有新詩三歎嗟

裴說懷素草書歌欲歸家三歎嗟眼

前三箇字枯樹楂烏梢蛇黑老鴟

楊侯畫晉公臨江賞梅樂天與鳥窠禪師汎舟談

欽定四庫全書

中州集

十一

玄不顧而去戲為一絕以代晉公招樂天同飲

云

明粧冷蕊兩清新面纖浮光數爵頻攬拭風前寒鼻液

快來同醉雪中春

漢歌

華陰雙壁傳山鬼報道明年祖龍死草間豪傑伺天時
攘袖撫衿爭欲起叢祠篝火妖狐語夥涉為王張大楚

南公舊有三戶謠東井新看五星聚中原茫茫走秦鹿

天遣沛公興白屋大蛇斬斷素靈號蚩尤祭罷朱旗

鶴來扶義入關中恩結人心帝道隆秦法煩苛猶一洗

項王慄悍何勞攻三傑相須立人紀四老仍來安太子

已令陸賈說詩書更詔孫通制儀禮阿翁着手規摹遠

獨恨兒孫讀城旦王純霸雜寧不知不是不知知已晚

沙丘車過亡明鏡人頭畜鳴自賢聖阿房殿裏醉宮娃

趙高手中持國柄羣雄雲繞蕩山東邯鄲却墮秦園中

項王一戰動天地諸侯膝行趨下風割裂河山建侯國
天下畏威心不服只貪衣繡榮楚猴豈識金刀得秦鹿
楚歌一夜四面發泣別虞姬歌數闋殘兵牢落似晨星
獨騎凌兢踏寒月烏江渡口方喚船五侯追奔已江邊

苦道天亡非戰罪効化壯氣成飛烟君王雄武古無比
獨無仁義誰相濟向能忠計資范增未必漢家能卜世
穀城東頭土一丘悠悠遺恨何年休

悲長平

秦兵伏甲武安西趙將非材戰士攜千里陣雲沈曉日
萬家屋瓦震秋鼙哀纏朽骨天應泣怨入空山鳥不棲
百戰區區竟何得阿房烟草亦淒迷

雒陽

西來洛水遠崧高野店荒村換市朝董卓搜牢連數月
郭威分市又三朝刦灰深掘終難盡鬼火爭然忽自消
千古興亡幾春夢只將閒話付漁樵

中秋對月

去年中秋客神京露坐舉杯邀月明今年還對去年月
北風黃草遼西城年年月色長清好只有悲秋人易老
兒童不解憶長安歌舞團圓遼翁媼人生宦游真可怜
不知何處度明年預愁老罷廢詩酒負此冰玉秋婵娟
我生萬事隨緣耳居自無憂行亦喜君不見杜子閨中
只獨看鄜州寂寞千山裏

寄答張維中

北轍千里赴陪都日覺還家計愈疎人事浮雲千變化

宦途平地幾崎嶇青山有約長回首白髮無情忽滿梳

賴有同年老兄弟相思時寄數行書

保德州天橋

鬱鬱風雲入壯懷天潢飛下碧崔嵬兩崖偏側無十
忱音步萬頃逡巡納一盃濺沫紛紛跳亂電怒濤殷殷轉晴

雷曾聞電火魚燒尾會趁桃花漲水來

靈石縣

古道行人少荒城亂石侵天橫機素直河入土囊深澗

欽定四庫全書

中州集
卷五

古

近雲長潤山高日易沈田翁樂豐歲歌笑下崎嶇

真容院

魔宮佛界等空虛此理何曾屬有無直向臺山始相見

可中還有二文殊

讀火山瑩禪師詩卷

禪師陝州白氏岐山令君舉樞判文舉之弟自幼日有詩

名河東嘗有詩云十日柴門九不開松庭雨後滿蒼苔草蔓挂起跏趺坐消得文殊更一來歸

寂後客有示其上集者因題其上

長短都歸一夢中身前身後兩無窮李憕信士今如在

定向江湖訪澤公

君馬白

我馬瘦君馬肥我馬虺隕君馬飛雕鞍寶絞錦障泥向
風振迅長鳴嘶一朝計落路傍兒銅鬲為櫟薪為衣瘦
馬雖瘦骨骼奇古人相馬遺毛皮千金一顧會有期

陳宮詞

三閣花深白晝迷酒催狎客賦宮詞管絃散落春風外

一曲金釵兩鬢垂

欽定四庫全書

中州集
卷五

十五

嵩嵐

嵩嵐地勢橫三汊河朔城墉挂一箕紫塞高連寒日短

黃榆落盡長年悲

按部道中二首

窟野河津水沒腰管岑官路雪封條一年樂事能多少

強半光陰馬上消

又

寒城睥睨插山隅秋半霜風塞草枯月轉熊樓天未曉

角聲吹徹小單于

日觀峰

半夜東風攬鄧林三山銀闕杳沈沈洪波萬里兼天湧
一點金烏出海心

族兄才卿下第後赴宜祿酒官以詩寄之

久期老距擅文場命壓人頭可得忙兩脚塵泥官業晚
十年燈火夜窗涼霜添老葉山梨紫雨浥寒花野菊香
寒花一南北相望無百里幾時尊酒浣離腸

欽定四庫全書
寒農

中州集
卷五

梨花

丰姿閒淡洗粧慵眉綠輕顰秀韻重香惹夢魂雲漠漠
光搖溪館月溶溶陳家樂府歌瓊樹妃子春愁慘玉容
安得能詩韓吏部郭西同去醉千鍾

後趙

擬倫人物指高光可笑梟雛不自量正使成名皆豎子
英雄也未到君行

古採蓮曲

洋洋長江水渺渺漲平湖田田青茄荷艷艷紅芙蓉酣
酣斜日外苒苒涼風餘清清誰家子裊裊二八初兩兩
並輕舟笑笑相招呼悠悠波上鴛潑潑蒲中魚采采不
盈手依依欲何如

擬迴文四首

春波綠處歸鴻過夜月明時飛鵠愁人去附書將恨寄
暮山雲斷倚高樓

又

欽定四庫全書
樓上却來樓下待晚窗春盡斷回腸愁人有說嫌人問
淚洒新詩掃墨香

又

欽定四庫全書
風幌半縈香篆細碧窗斜影月籠紗紅燈夜對愁魂夢

老盡春庭滿樹花

又

欽定四庫全書
萋萋碧草連天遠杳杳行人幾日迴淒雨晚涼空坐久
淚粧殘暈濕紅腮

史內翰公奕 一首

公奕字季宏大名人系出石晉鄭王弘肇父良

臣宣和中擢第終於潞州觀察副使季宏大定

二十八年進士再中博學宏詞科程文極典雅
遂無繼之者累遷著作郎翰林修撰同知集賢
院正大中置益政院楊吏部之美與季宏皆其
選也以直學士致仕年七十三卒季宏文章書
翰皆有前輩風調下至摹倣之技亦絕人遠甚

欽定四庫全書

中州集

十八

欽定四庫全書

中州集

十九

雪谷曉寒圖
運使自號默翁

聞閒稱其溫厚謙退與人交愈久而愈不厭其
學問愈扣而愈無窮其見重如此詩文號洹水
集兵後失之子應祖字企先孫彥忠今在燕中
李雁門

天下三分二屬梁區區獨木欲支唐錦囊三矢傳遺恨

不救朱三着赭黃

龐都運鑄二十首

鑄字才卿大興人家世貴顯明昌五年進士風

流文采為時輩所推字畫亦有蘊藉仕至京兆

溪流咽咽山昏昏前山後山同一雲天公談笑玉雪噴
散為花蕊白紛紛詩翁瘦馬之何許忍凍吟詩太清古
老奴寒縮私自語作奴莫比詩奴苦木僵石老鳥不飛
山路益深詩益奇老奴忍笑憐翁癡不知嗜好乃爾為
楊侯胸中富丘壑醉裏筆端驅雪落因何不把此詩翁

欽定四庫全書

中州集

十九

畫向草堂深處着

景骨城驛中夜雨

畫角邊城暮孤春野水秋一川霜樹老萬葉雨聲愁自
古誰青眼勞生只白頭何時問漁父容我一扁舟

洛陽懷古

草樹蕭條故苑荒山川慘淡客魂傷玉光夜新開塚
効氣沈沙古戰場金谷更誰誇富麗銅駝無處問興亡

一尊且對春風飲萬事從來穀與臧

田器之燕子圖 器之自敘云明昌丙辰予從軍

塞外合虜里山野舍荒涼難以狀言春末有雙
燕亦巢此屋土人不之識屢欲捕之予曲為全
護此燕晝出夜歸予必開戶待之忽一日飛止
坐隅都無驚畏巧語移時不去予始悟明日秋
社此鳥當歸殆留別語也因作一詩贈之云幾
年塞外歷崎危誰謂烏衣亦此飛朝向蘆陂知
有為暮投茅舍重相依君憐我處頻迎語我憶

君時不掩扉明日西風悲鼓角君應先去我何
歸此詩以細字寫之為蠟丸繫之燕足上明年

四月予受代歸又八年泰和甲子任潞州觀察
判官四月十二日偶坐廨舍之含翠堂忽雙燕

至一飛簷戶間一上硯屏予諦視之繫足蠟丸

故在乃知此鳥蓋往年贈詩者也因請同年龐

君才卿畫為圖求諸公賦詩

器之姓田名琢雲朔人明昌五年進士

士仕至山東路宣撫使慷慨有志節閒間公所謂田侯落落奇男子者也

田君才畧燕雲客少年累有安邊策悔從筆硯取功名
直要橫馳沙漠北塞垣春雪白皚皚東風未放玄陰開
烏衣之國定何許一雙燕子能飛來三年驛舍安西道
眼底鶯花無夢到忽見低飛入短簷此身似向邯鄲覺
君居海東我中原相逢乃在穹廬前天涯流落俱為客
感時念遠空潛然長安何限高高閣晝夜風閒開翠幕
底事猜嫌不往依甘從此地風沙惡土人嗜肉無仁心
一生弋獵誇從禽有巢幸穩勿浪出汝身未必輕千金
朝來暮去益狎昵物我相忘情意一但怪重裘積漸添
元是西風催社日須知音巧惟鶴鶻忽來坐隅如告辭
我方留寓未歸得為君忍賦傷心詩詩成自述聊為戲
繫足封之亦無意燕已歸飛我未歸刁斗聲中忽驚歲
旄頭夜落妖氛收嫖姚獻凱歸神州玉關早喜班超入
北海不聞蘇武留君才經世寧終枉幕府須賢來上黨
別後歸期兩及瓜人間秋燕十來往沈沈官舍紅芳稀
葛衣燕居澹忘機忽聞巧語入簷戶大似相識來相依

一飛簷外窺庭樹一上屏山驚不去解足分明得帛書
真是當年留別句天生萬物禽最微固耶偶耶吾不知

古道益遠交情醜朝思暮怨雲遷移當時握手悲別離

一旦富貴棄如遺聞予燕歌應自疑慎無示之嗔我譏

楊之美尚書詩云危巢客舍久相依常記西風社日歸
海國傳心千驛隔塞垣回首十年非新詩尚在人空老
舊夢無憑鳥自飛寄語齊諧休怪沙鷗相歎解忘機
張巨濟云沙塞相逢命已輕翠堂重見眼增明小詩繫
足初無意巧語迎人獨有情陰德自招黃雀報機心能
致白鷗盟社前秋後風光好須賀他年大廈成李之純
云一別天涯十見春重來白髮一番新心知話盡春愁
處相對依依如故人王大用云相別相尋積歲年人心

欽定四庫全書

中州集

三

欽定四庫全書

中州集

三

吏散庭空宿鳥過凍吟聊復戰詩魔陶泓面冷真堪唾
毛穎頭尖漫費呵畏事政宜賓客少不才偏覺簿書多
西窗燈闌尊無酒奈此迢迢夜漏何

山行絕句

四面雲山玉作圍一川霜樹錦為衣翩翩數騎南岡下

欽定四庫全書

中州集

三

傅粉王孫射鹿歸

漉酒圖

我愛陶淵明愛酒不愛官彈琴但寫意把酒聊開顏自
得酒中趣豈問頭上冠誰作漉酒圖清風起毫端露電
出形似神情想高閒大似揮絃時目送飛鴻難袖守有
東籬開卷見南山嗟予困塵土青鬢時一斑折腰尚未
免敢謂善閉關望望孤雲翔羨羨飛鳥還歸田未有日

落日危樓上詩成只自哦清商行老矣紅葉奈秋何墮
覩前非悟跳丸去日多功名猶誑我未許著漁蓑

冬夜直宿省中

掩卷空長歎

又

夏日

富國才疎合自羞清時無補但優游只知錢向紙中裏
不信能教地下流

花下

香滿西園曉雨微萬紅千翠自高低若為常作莊周夢

飛向幽芳鬧處樓

梨花

孤潔本無匹誰令先衆芳花能紅處白月共冷時香縞

欽定四庫全書

中州集

卷五

袂清無染冰姿淡不粧夜來清露底萬顆玉毫光

未開牡丹

國香半吐醉顏酡炫耀春光已自多愛惜不教催羯鼓

更澆卯酒看如何

却暑

九夏樓居不厭高更須直至冷雲巢風來賴末聊自快

暑滿人間無處逃蔗蜜漿寒冰皎皎畫簾鈎冷月稍稍
閒思殿角生涼句誰為懸誠作解嘲

懷友

鏡裏衰顏失舊紅當年豪逸夢魂中山城對月中秋夜
隴雁寄書西北風遣興與誰同酒盞相思無處附詩筒
憑高想到消魂處落日無言水自東

喜夏

小暑不足畏深居如退藏青奴初薦枕黃旆亦升堂鳥
語竹陰密雨聲荷葉香晚涼無一事步廊到西廂

墨竹三首 隔溪烟雨

欽定四庫全書

中州集

卷五

一溪流水玉涓涓溪上脩篁接暮烟誰倩能詩文與可
筆端移得小江天

又 秋風驟雨

瀾川急雨暗秋空無限琅玕澹墨中劒甲縱縱軍十萬
欲將貔虎戰斜風

又 春雷起蟄

千梢萬葉玉玲瓏枯槁叢邊綠轉濃待得春雷驚蟄起
此中應有葛陂龍

山谷透絹帖

君不見李廣射虎如射兔霹靂一聲石飲羽又不見巨靈擘山如擘雲蓮華萬仞留掌痕精神入物物乃爾筆端有神亦如此熙豐以來推善書日下無雙黃太史胸中八法蟠虹霓峩眉仙人客並馳平生敗筆塚累累妙處不減磨崖碑呂侯好古兼好異與字分身作游戲清潭錯落印星璧大澤縱橫散龍蛇又如漢宮粉黛爭嬋娟倚風顧影影更妍豈無硬黃官紙與臨倣畫師寫照

非天然呂侯之子今詩仙傳家以此為青籜須防神物有時合却逐六丁飛上天

許司諫古 四首

古字道真承安中進士在宣宗朝以直言極諫稱哀宗即位首命驛致之洛致仕授右司諫未

幾乞身還伊陽

閒公制詞云安車蒲輪天子所以厚優賢之禮黃冠野服人

臣所以遂歸老之心其恩榮足以兩全而前後不可多得有臣如此如卿雖人具官道直以方氣剛而大議論非世儒所到名節以古人自期擢自先朝置之諫列斥安昌竊位已聞折檻之

雲壓溪塘小雪春融融和氣浥輕塵山禽共作梅花夢

扇圖

老病無堪合退休伊川久已得菟裘如今又上長安道好被青山笑白頭

見及字已歎傾矣

青柯平二道人

深谷緣危磴長林繞碧山山中四時好方外兩翁閒身世青雲上塵埃大夢間高情應笑我才到却空還

被召過少室

忠及梁冀伏辜方見埋輪之志朕即大位矜直聲起之於田里退閒之間超之於侍從論思之地完備始終之節從容進退之間歎陽城之敢言惜其將去念孔戣之既老挽之莫留特進一階榮躋四秩華山拂袖最是為世上之間神武桂冠猶不負山中之相勉終晚節益介壽祺

郡守為起伊川亭道真性嗜酒老而未衰每乘

舟出村落間留飲或十數日不歸及泝流而上

老稚奔走爭為之挽舟數十里不絕其為時人愛慕如此正大七年年七十四卒前三日有書

物性由來懶是真

訪箕和尚峴山

箕出衣冠家在三屯山中有元夕懷京都詩云一燈明處萬燈明天上人間不夜城前日惠林

洪覺範雪窗孤坐聽猿聲甚為時人所稱

山中風定夜沈沈月滿禪林靜客心蒼檜四排嚴法界孤松中立殷潮音鼓鍾有節人如玉臺殿無塵地布金

二月來游春尚淺紅梅無數照山陰

王防禦良臣一十首

欽定四庫全書

中州集

二十六

良臣字大用潞人承安五年進士作詩以敏捷稱又於內典有所得入翰林與李欽叔善從軍南征欽亦與行道中酬唱甚多有詩云喬花冉冉蜜脾香禾穗纍纍鵲眼黃一縷晚烟吹不去為誰著意護秋霜欽叔愛之興定初自請北行沒於軍中贈孟州防禦使

送任李二生赴舉

塵澁鼈鈎公子恨風吹馬耳謫仙愁皇天老眼成人晚

今日男兒得志秋官樣文章堆筆底世情風色候江頭
主司不是冬烘物五色迷人莫浪憂

汴堤懷古

迷仙樓觀鬱連空一日都歸鬼唾中奢則兆亡天聽遁去而不返水聲東鎖烟弱柳愁蛾綠閣雨幽花淚臉紅總為錦帆歸不得至今啼鳥怨東風

旬休飲

嫋嫋東風雪外還又催春色動谿山百年莫作千年調

欽定四庫全書

中州集

二十九

十日須謀一日閒千丈歸心詩卷裏一襟豪氣酒杯間醉鞭約住黃昏月馬首低懸玉半環

息軒

乾沒皇皇西復東不知假息禍機中黃金一旦隨胠篋腐骨千年付攘蓬世味甜於刀上蜜人心苦是夢中蟲一庵松雪雙明底笑殺西山槁項翁

九月七日飲

紫霞零落帶孤禽平楚蒼蒼秋意深月過初三半梳玉

菊迎重九滿籬金天憐病骨商量暖雲促歸程計會陰
風雁飛來更瀟洒一枝蘆雪印波心

牧牛圖

三摩不受一塵侵本分工夫日念深杖屢得迴遊子脚
葛藤灰盡老婆心顛狂不作風頭絮出入誰傷井底金
迴首人牛在何許一江明月夜沈沈

狸奴畫軸

三生白老與烏員又現吳生小筆前乞與黃家禳鼠禍

欽定四庫全書

中州集

三十

莫教虛費買魚錢

雜詩三首

道人知我愛禪房淨掃階前紫石床軟飽三杯風味好

脫巾和月卧昏黃

又

老子平生酷愛閒天教行處得禪關粥魚敲落簷頭月
猶在梅花醉夢間

又

殘陽收拾弟兄行揀得機心不到鄉安置小奴今夜夢
蘆花風細月如霜

高治中廷玉

四首

廷玉字獻臣恩州人大定末進士章宗衛王朝
甚有時名為人豪爽尚氣節一時名士多歸之
貞祐初自左右司郎官出為河南府治中與知
府復興屢以公事相可否時都城受圍使驛阻
絕復興為安撫副使懼獻臣謀已乃以造逆訊

欽定四庫全書

中州集

三十一

之獻臣就逮龐才卿雷希顏王士衡辛敬之皆

被羅織幾有一網之禍比赦至獻臣瘐死矣獻

臣多作詩賦海中牛頭云鑿開混沌竅闖出神

農首人多稱道之猶子廣之今在河平

天津橋同李之純待月一首

驂鸞追散仙乘槎抵銀潢跳上玉龍背抱得銀蟾光素
娥愁不歸再拜捧瑤觴問以天上事玉色儼以莊爾能
為我歌白雪我亦為爾搗玄霜不然借我廣寒殿與我

長作無何鄉傍有謫仙人拍手笑我狂天風忽吹散人
月兩茫茫

柳絮

斷送春歸去紛飛不暫停和風三徑雪微雨一池萍蝶
惹依芳草蜂沾過小庭靜宜投隙地狂欲攬青冥得得
穿朱戶時時撲翠屏黃鶯枝上語似與訴飄零
道出平州寒食憶家

柳色方濃別玉京程程又值石龜城山重水複人千里

月苦風酸雁一聲上國春風桃葉渡東陽寒食杏花餳
楚魂蜀魄偏相妒兩地悠悠寄此情

飛山怨

漢家自有飛將軍軍中駭歎箭有神一朝乃與獄吏對
惜無千金書牘背手把屬鏤口銜須號天者三我何辜
伊吾壯志長已矣不得提攜玉龍死可怜休唱白浮鳩
至今秦人悲杜郵

李治中適六首

通字平甫樂城人明昌二年進士高才博學無

所不通為人滑稽多智而不欲表自見工畫

山水得前輩不傳之妙龍虎亦入妙品然皆其

餘事也泰和中大興幕官時虎賊知府事賣權
恃勢奴視同列平甫每以公事相可否不少假
借又摘其陰事數十條欲發之虎謀篡者也聲
勢焰焰人莫敢仰視乃為一書生所抗積不平
先以非罪誣染之幾至不測雖有以自解竟坐

是仕宦不進以東平治中致仕閒居陽翟十餘
年自號寄庵先生平生詩文甚多如云舊嘗新

收粧鏡在昨非今是酒杯乾贈筆工云工不能

書何以筆士須知筆乃能書感事云半錢利路
人乃虎一鉤名餌吾其魚魯山道中云老夫自
喜林野僻路人頗笑衣裳寬散失之餘不復全
見矣臨終戒家人吾明日歸而輩慎勿遽哭果

如期而逝家人哭不禁良久開目云戒汝勿哭

令我心識散亂言畢目復瞑其明了又如此子

治字仁卿正大七年收世科屏山贈詩所謂仁
卿不是人間物太白精神義山骨者也

贈中山楊果正卿

士道彫喪愁天公陰霾慘慘塵濛濛三冬不雪春未雨
野桃無恙城西紅春光為誰作駘蕩造物若我哀龍鍾
數行墨浪合眼死一包閒氣終身窮中山公子文章雄
雅隨童稚為雕蟲禡衡不遇孔文舉坡老懶事陳元龍

唯之與阿將無同乾坤萬里雙飛蓬飄飄南北東西風
江村

陸地無根客江村有髮僧兩孟殘喘粥一寸苦吟燈

集句題廣寧勝覽亭

簷前無數好峯巒醉眼詩腸冰雪寒不識閻山真面目

請君來此凭闌干

獅子峯

解脫眼光三界靜端公伎倆一時休雲開正使金毛現

子細看來是石頭

送窮

昔年曾作送窮詩結柳齋糧擬退之送去還來還復語
君家猶有讀書兒

使高麗

去國五千里馬頭猶向東宦情蕉葉鹿世味蓼心蟲倦枕
三更夢征衫八月風山川秋滿眼歸思寄孤鴻

陳司諫規 二首

規字正叔稷山人明昌五年進士博學能文詩亦有律度為人敦厚動有禮節南渡以後諫官稱許古陳規而正叔不以訏直自名尤見重云

仕至右司諫卒官子良臣今在燕中

送雷御史希顏罷官南歸

五事前陳志拂廟屹如砥柱閱頽波一麾共惜延年去
三點何傷柳季和連蹇仕途如我老激昂衰俗在君多
扁舟南去知難戀萬頃烟波一釣蓑

過驪山

豐鎬無由問故基三章止見黍離詩而今多少華清石
都與行人刻艷辭

馮內翰延登一十七首

延登字子駿吉州人承安二年進士令寧邊日

適閒閒公守此州與之考論文義相得甚歡故

子駿詩文皆有律度正大末奉命北使見留使

招鳳翔不從欲殺者久之割其鬚髯羈管豐州

壞隔又登封途中遇雨留僧舍云濕雲若烟低
飛雨如矢集近山衣已涼薄寒復相襲霽景函
草木秋意滿原隰林紅寒更殷山翠晴更濕不
知高幾許但見蒼壁立羣峰誰暇數庭筭紛戢
戢騰擲來眼中左右疲顧揖皆其得意句也

郾城道中

北風慘澹揚沙塵郾西三日無行人十村九村雞犬靜

高田下田孤兔馴昨朝屏息過溪口知有白額藏深榛

赤子弄兵更可惻路旁僵尸衣血新野叟偃僵行拾薪

欲語辟易如驚麶瘦梅疎竹未慰眼只有清淚沾衣巾

元日隆安道中

山岡重複三竿日溪路萦迴一席天老境飄零情更惡

又從馬上得新年

宿三家寺

老柏蒼蒼經老藤招提牢落有殘僧暝禽自入藏經閣

餓鼠時窺照佛燈未得安心如北秀却思覓法趁南能

光搖日千道影落天一席竊然仇池穴自與天
鎖龍窟月窟逗蟾液銅壺漏水清玉斗天醴碧
維瓊漿閟仙宅何人劖雲根一旦泄地脈金匱

鎮龍窟月窟逗蟾液銅壺漏水清玉斗天醴碧
維瓊漿閟仙宅何人劖雲根一旦泄地脈金匱

鎮龍窟月窟逗蟾液銅壺漏水清玉斗天醴碧
維瓊漿閟仙宅何人劖雲根一旦泄地脈金匱

濛濛雨暗門前路更得雲房一曲肱

代郡楊黻之與余同辰月日時亦然渠有詩因為

次韻

陰陽亹亹定何如自信祥金先有模曾見唐生談躍馬
豈知阮籍哭窮途倦游笑我衰鬚白弄筆怜君醉袖烏
便欲移書與歐九畧分餘論為嘘枯

寄笏青柯平

飛雪驚沙捲屋茅清寒潑水透繩袍松風度壑江聲遠

欽定四庫全書

中州集

三八

欽定四庫全書

中州集

三九

蘿月當軒扇影高敢對名山談世事不妨空腹貯離騷
且將手版牢藏起政恐山人識馬曹

射虎得山字

田翁太息論三害獵騎俄驚見一斑涎口風生雷吼怒
角弓寒勁月痕彎柳營共許千人敵魚服仍餘一矢還

我欲殘年賞神駿短衣匹馬夢南山

雪

破屋寒無那庭空雪已深山川非舊觀松柏見貞心凍

雀爭遺粒棲鴉點暮林攜琴訪溪友清興憶山陰

華清故宮

寵貴羊羔退曲江華清霧閣對雲窗層巒未了霓裳舞
遷客俄驚羯鼓腔簷際疎星疑曉鏡天邊晴樹認高幢
遊人尚喜風流在白石涵波阜英雙

西園得西字

芳逕層巒百鳥啼芝塵蘭畹自成蹊仙舟倒影涵魚藻

畫棟銷香落燕泥淑景晴薰紅樹暖蕙風輕汎碧叢低

欽定四庫全書

中州集

三九

岡頭醉夢俄驚覺歌吹誰家在竹西

八月十四日宿官塔下院二首

野僧引客看脩竹拄杖入林驚暝禽一道細泉鳴鮮磴

恍如閒聽頴師琴

又

喬松脩竹翠交陰涼月玲瓏地布金老懶無詩酬節物

夜涼閒聽候蟲吟

探春得波字

好雨新晴景氣和東陂冰盡水增波茅茨影裏燕雙語
桃李梢頭春幾何霽靄未收芳陌潤斜陽偏傍小樓多
雕鞍畫轂方爭道更得留連藉綠莎

春雨二首

山市人歸暮雨飛倚筇久立看簷霏乍來勢若懸麻密
暫止聲如鼓瑟希砌下蟻歸低赤幘簾間燕入濕烏衣
今宵客夢知安穩厭浥新涼到枕幃

又

欽定四庫全書 中州集 卷五 四十
小雨濛濛潤土膏谷風習習不驚條晨烟半濕低平野
春水初生沒斷橋已見鴉黃勻柳麥更看檀紫上榆椒
從今樂事知相繼櫛比雲平看隴苗

藤花得春字

白白紅紅委暗塵蒼藤次第看花新龍蛇奮起三冬蟄
纓絡紛垂百尺身見說紫雲偏得意不知翠幄巧藏春
齋廚晚覲清香滿未信侯門有八珍

蘭子野晚節軒

華顛益信寸心丹直道寧論末路難不歎士元淹驥足
但憂仲叔累豬肝蘿根佳菊分秋色簷外長松耐歲寒
凡有琴書尊有酒却愁兒輩覽清歡

洮石硯

鸚鵡洲前抱石歸琢來猶自帶清輝芸窗盡日無人到
坐看玄雲吐翠微

劉鄧州祖謙三首

欽定四庫全書 中州集 卷五 四十一
祖謙字光甫安邑人承安五年進士厯州縣有

政迹拜監察御史以鯁直稱其不能俯仰世好
蓋天性然也正大初為右司都事除武勝軍節
度副使召為翰林脩撰家多藏書金石遺文畧
備父東軒工畫山水故光甫以鑒裁自名至於
信筆作簡牘尤有可觀一時名士如雷御史淵
李內翰獻能王右司渥皆遊其門得人一詩可
傳必殷勤稱道唯恐不聞人以此稱之子敏仲

今在平陽

雅集圖

翠雀翩翩野鶴孤。王京人物會仙圖。後來且莫輕題品。

席上揮毫有大蘇。

崆峒山圖為橫溪翁二首

好奇仍有客相攜。絕頂披雲快一躋。三十六峰青似染。

五年柱笏羨橫溪。

又

獨占名山每羨渠。京塵今日汙吟鬚。西州十載經行處。

欽定四庫全書

中州集

四十三

惆悵雲烟是畫圖。

高博州憲八首

憲字仲常，遼東人。祖衍字穆仲，國初進士。仕至

吏部尚書。伯父守義，大定十六年進士。父守信，以蔭補官。叔守禮，宣徽使。仲常黃華之甥，幼學於外家，故詩筆字畫俱有舅氏之風。天資穎悟，博學強記，在太學中諸人莫敢與抗泰和三年。

乙科登第，自言於世味澹無所好，惟生死文字。

間而已。使世有東坡雖相去萬里亦當往拜之。

屏山故人外傳說仲常年未三十作詩已數千首矣。釋褐博州防禦判官，遼陽破沒於兵間。

元夕無燈

九陌無燈夜悄然。小紅時見點春烟。多情惟有梅梢月。

拍酒樓頭照管絃。

寄李天英

稻秸蒼蒼陂已枯。西風剪剪弄楸梧。蒹葭水落魚梁迴。

欽定四庫全書

中州集

四三

蟋蟀聲高山驛。孤社甕新成。元亮酒井刀細落。季鷹鱸

作詩遠寄霜前雁。人在海東天一隅。

題新山寺壁

列壑攢峯發興新。落花飛絮舞餘春。虛堂坐視三千界。

冠者相從五六人。澗草軟宜承屐齒。溪泉清可濯纓塵。

靜聽山鳥松風裏。始悟人間樂未真。

焚香六言四首

抹利花心曉露薔薇萼底溫風洗念六根塵外忘情一

炷烟中

又

滿地落花春曉一簾微雨輕陰正要金蕉引睡不妨玉

龍知音

又

紙帳收烟密下松灰卷火常虛午寂春閒小睡人間自有華胥

欽定四庫全書

中州集

四十四

沈水濃薰甲煎宮梅細點波津奕奕非烟非霧依依如幻如真

長城

秦人一鍛連雞翼六國蕭條九州一祖龍跋扈侈心開牛豕生民付碪礎詩書簡冊一炬空欲與三五爭相雄

阿房未了蜀山上石梁擬駕滄溟東生人膏血俱枯竭更築長城限襄褐卧龍隱隱半天下首出天山尾遼碣

豈知亡秦非外兵宮中指鹿皆庸奴驪原宿草猶未變

咸陽三月為丘墟黃沙白草彌秋塞惟有坡陀故基在短衣匹馬獨歸時千古興亡成一慨

王監使特起七首

特起字正之代州崞縣人智識精深好學善論

議音樂技藝無所不能長於辭賦出入經史摘其英華以為句讀如天造神出至得意不減郭

輔在張代州門下與屏山為忘年友泰和三年

進士甲科調真定府錄事參軍有惠政民立碑

欽定四庫全書

中州集

四十五

頌其遺愛改令沁原又遷司竹監使朝議欲以館職召試會卒遊龍德宮聯句云棘猴未窮巧槐蟻或失王賦雙峰競秀云龍頭矗雙角馳背

堆寒峰華山云三峰盤地軸一水落天紳造化無遺巧丹青總失真閒閒公屢哦此詩以為妙

沁源山中

野夫不識武城宰問之無言色微改但說今年秋雨多黃蕊滿谷無人采踏遍西城錦石盤暮投佛屋解征鞍

隔林依約見燈火山谷人家初夜寒

挽張代州詞大節

砥柱堂堂閱潰川諫書一紙力回天兩朝眷倚傅龜玉
五郡歡謠被管絃芳舍棠陰餘舊綠夜臺松月耿孤圓
行人謾酒碑前淚誰識顏公是地仙

謾作

有時幽鳥話心事無限秋蟲誇口才北闕上書吾老矣

東籬把菊思悠哉竹林留得巨源在蓮社招入淵明來

欽定四庫全書

卷五 中州集

不然餘子敗人意懷抱耿耿胡為開

偶作

人情爭勝似爭碁死怕輸人一着遲黑白不分傍袖手

年來吾亦愛吾癡

絕句二首

山勢奔騰如逸馬水流委曲似驚蛇溪靈不欲露天巧

眼力未到雲先遮

又

鳥語留春春已迴落花隨意卧苔苔清明寒食因循過
萱草薔薇次第開

下第

人間萬事等樗蒲敢謂何人不得盧勝負到頭俱偶爾
狂夫安用繞牀呼

李經五首

經字天英大定人作詩極刻苦如欲絕去翰墨

蹊逕間者李趙諸人頗稱道之嘗有詩云雁奴

欽定四庫全書

卷五 中州集

失寒更拍拍叫秋水天長夢已盡秋思紛難理

最為得意其餘或有不可曉者累舉不第卒

雜詩五首

長河老秋凍馬怯冰未牢河山吟鞭底日暮風更號

又

晨井凍不爨誰療壯士飢天廄玉山禾不救我馬虺

又

塵埃汨沒伺候工離騷不振矜魚蟲風雲誰復詣著蔡

不圖履稀哀屠龍挾牋搘管坐書空咿噭堂上酣歌鐘
乃知造物戲兒童不妨遠目送歸鴻莫恠魏匏無所容
此去未許江船東五經不掃途轍窮門庭日月生皇風
太阿補室礪以石坐掃鶴鶴搖天雄

又

巖椒鬱雲日夕生陰雨雪縞夜秋黃老林人烟墨突樵
徑雲深

欽定四庫全書

中州集

四六

造物開巖地巖帳掩劒壁苔花張古錦霜苦老秋碧日
夕雲寶陰風鼓泉湧石馬蹄忌碗確樵道生枳棘盤盤
出井底迴首悵如失長老不耐事底事挂塵迹披雲出

山椒白鳥表林隙

梁太常持勝一首

持勝字經甫絳州人本名洵義避宣宗諱改父
襄字公贊大定初進士質直尚義有古人之風
仕至保大軍節度使有諫興陵田獵表傳於世

其賀章宗即大位表云曾天子祖天子世嫡相

承舜何人予何人自強不息又自河南府倅移
華州防禦使謝上表云昔同雒邑已陪嵩岳之
呼今領華防願效封人之祝世亦稱之經甫泰

和六年進士制策優等宏辭亦中選為人儀觀

雄偉以文武志膽見稱貞祐初由太學博士為
咸平治中宗室承裕辟為僚佐承裕死太平謀

不軌以兵脅經甫使作文移經甫大罵不從即

欽定四庫全書

中州集

四九

日遇害時年三十六贈韓州刺史初赴官有詩
云山雲欲雨花先慘客路無人鳥亦悲人以為

識云

海棠

野杏山桃委路塵芳華都屬錦城春只緣造物偏留意
任使無香亦可人粉白謾誇粧樣巧胭脂難染睡痕新
沈香亭子勾欄畔消得君王比太真

愚軒居士趙元三十四首

元字宜之定襄人經童出身舉進士不中以年

及調鞏西簿未幾失明自少日博通書傳作詩

有規矩泰和以後有詩名河東李屏山為賦愚

軒有落筆突兀無黃初之句愚軒宜之自號也

用是名益重南渡以後往來洛西山中閒閒公
雷御史王子文許至忠崔懷祖皆愛之所至必
虛左以待為人有材幹處事詳雅既病廢無所
營為萬慮一歸于詩故詩益工若其五言平淡

處他人未易造也宜之之父名淑字清臣由門
資敘與先隴城為莫逆交故好問交游間得宜
之之詩為多子顯有隱節今居鄉里

鄰婦哭

鄰婦哭哭聲苦一家十口今存五我親問之亡者誰兒

郎被殺夫遭虜鄰婦哭哭聲哀兒郎未埋夫未迴燒殘

破屋不暇葺田疇失鋤多草萊鄰婦哭哭不停應當門

戶無餘丁追胥夜至星火急并州運米雲中行

渡洛口

一脈寒流兩岸冰斷橋無力強支撑忘機羨殺沙鷗鳥
不省人間有戰爭

書懷繼元弟裕之韻四首

著龜不須問我命只自知多生墮宿業世網纏綿之驛
驅受羈銜大笑跋鼈遲跋鼈亦復笑縮首甘自卑何必
參漆園物理本自齊槁柳可消穀志士常苦飢穆之萬
人雄猶不免此譏我懦更多病區區欲何為鍾鼎不可

偉藜藿分所宜安能如黃蜂為人填蜜脾清白儻少汙
平後人何所貽初學悔大謬篆刻工文辭年來厭酸鹹
淡愛陶潛詩愛詩固自佳其如未忘機回頭四十年言
動俱成非誰能逐世利日久常規規惟當種溪田與子

常相期

又

窗扉有生意山間春到時長安冠蓋虛游哉不如茲西
疇將有事老農真吾師不見元魯山夢寐役所思遺山

乃其後僻處政坐詩時復一相遇照眼珊瑚枝奇書多
攜來為子卧聽之

又

少從白衫游氣與山崢嶸一念墮文字腸腹期拄撐多
機天所災室暗燈不熒拈書枕頭睡鼻息春雷鳴泰山
與鴻毛何者為重輕蹄涔與渤海誰能較虧盈如能平
其心一切當自平

又

欽定四庫全書

中州集

五三

嵩箕有奇姿出雲何悠然雲山足佳處留客今幾年有
子罷讀書求種山間田栗里愧淵明香山慙樂天二老
已古人相望雲泥懸得酒邀月來對影空自憐攝衣欲
起舞稚子不須牽

喜霽

片段溪雲破縱橫野水淙人間泥塞路蠅動日烘窗印
壁苔痕滿侵階樹影雙還思釀新黍甕面挹秋江

詩送辛敬之東歸二首

風埃憔悴舊霜袍老去新詩價轉高椽粟漫山猶可煮
不須低首向兒曹

又

文章無力命有在一點浩然天地間風雪滿頭人不識
又攜詩藁出西山

脩城去

甲戌歲忻城陷官復完治途中聞哀歎聲感而有作

脩城去勞復勞途中哀歎聲嗷嗷幾年備外敵築城恐
不高城高慮未固城外重三壕一鍬復一杵滌盡民脂

欽定四庫全書

中州集

五三

膏脂膏盡猶不辭本期有難牢護之一朝敵至任推擊
外無強援中不支傾城十萬戶屠滅無移時敵兵出境
已踰月風吹未乾城下血百死之餘能幾人鞭背驅行
補城缺脩城去相對泣一身赴役家無食城根運土到
城頭補城殘缺終何益君不見得一李勣賢長城莫道

世間無李勣

田間秋日三首

好雨知時便放晴天和醞釀作西成秋收但得官軍飽

未怕輸租遠十程

又

禾穗纍纍豆角稠崧前村落太平秋熙熙多少豐年意

都在農家社案頭

又

皤翁偃僂負薪行稚子跳梁剥棗聲不似二姑忙更殺
晚春推髻脫釵荆

客況

欽定四庫全書

中州集

五十四

廬山踏遍却歸崧世事悠悠付老慵樂近僧居非佞佛
苦無田種強為農菊花雨似人情冷梨葉霜如酒力濃
一十五秋河表客合教節物笑龍鍾

學稼

不堪炊煮一箱書十口東西若可餉食祿已慙中隱吏
墾山聊作下農夫橐遺場圃無多積子入官倉因遠輸
近日愚軒睡眠少打門時復有追胥

立秋日

況味年來老比丘禪房三伏得遲留連宵雨作垂垂曉
十口家貧盼盼秋熟未先須伺禾黍有無何暇問衣裘
半生枉却親燈火一事不成空白頭

村居夏日

官府不著名散迹村落深白雲自朝暮青山無古今愛
此夏日永門巷多繁陰呼兒具繩床不履亦不簪殷勤
好風來為我消煩襟一飽萬事了何用腰黃金羈勒困
名馬網羅多珍禽何如山鹿癡呦呦戀長林

欽定四庫全書

中州集

五十五

次韻答裕之

薄暮敲門喜客佳水萍風絮共天涯行藏一詰傾心肺
古律三詩淬齒牙朱研不妨閒度日青山終得共霞霞
扶持老病須君輩滿地豺狼萬里家

書懷

懶退無心廩與庖願攜諸子劖山礲閒消白日醒吟醉
猛省浮生夢幻泡窈窕雲山三兔窟漂搖風樹一鳩巢

聯名便入村家社莫認公卿是故交

寄裕之二首

汨沒兵塵滿鬢霜買鄰心樂古清涼閒陪老秀春行脚
閻欠躍元夜對床正欲脫身求免窟誰能隨世轉羊腸
南陽未比嵩陽好滿眼交游即故鄉

又

老懶愚軒百不能飽諳人意冷於冰清狂舊日耽詩客

灰朽而今有髮僧服裹紙衾三丈日話延雪屋一龕燈
新開一逕通蘭若斬盡清涼舊葛藤

欽定四庫全書

丙子夏卧病汗後有作

枯腸得水若通靈渙汗週身一雨零行客筋骸因方歇

醉人心骨喚初醒病蟬移夢入新殼老鶴息神梳舊翎

乞得殘骸對兒女不愁無粟貯陶瓶

宿少林寺

雙輪走雞樓下嶺分間道行行得精舍翠崦作迴抱諸

峰知客來故故顏色好征衫滿塵土慚愧方丈老殷勤

一瓣香為我除熱惱世緣如落花籬裯跡俱掃箇中有

佳處行脚恨不早一庵祖師傍異日親結草

晚出

坐久卧還起畏此夏日長出門髮蓬鬆西日明半牆鳩
鳴舍東柳雌和牆南桑十日暑煩苦一雨方論量偶然
釋憂抱露坐移繩床群兒莫相催老子便晚涼

次韻裕之見寄二首

魚入深淵鶴在陰飛潛何幸遠庖砧乾坤萬里雲無迹
冰雪三冬柏有心故國勾留清夜夢歲華分付白頭吟

欽定四庫全書

莘川擬作桃源隱共與青山閱古今

中州集

又

古屋颸颸四壁塵不堪幽獨足吟呻瓶儲看客常年慣
家具為農近日新世味飽嘗惟可睡詩情漫苦不醫貧
相從分我西山半欲乞臞元伴老身

題裕之家山圖

繫舟盤盤連石嶺牧馬澄澄倒山影山光水氣相混涵
中有元家舊廬井雁門一開豺虎場駕言投迹嵩之陽

青山偃蹇不可將十年竟墮兵塵黃東巖風物知猶在
說與寄庵神已會一揮淡墨能似之清輝遠寄形骸外

元家故山吾與鄰夢見不如畫圖真舊曾行脚聊經眼

未得歸時亦可人

早發寶應龍門道中有感

山僧送客客行東迴首雲察夢寐中人語咿呦村店火
帽簷欹側石門風伊川遠映春冰綠少頂先攬曉日紅
為問年來幾還往只應烏鵲識衰翁

欽定四庫全書

中州集

卷五

欽定四庫全書

中州集

五九

愚軒退居如覩墮閒暇多君時見過明朝笑語隔關山
一月須拚面牆卧
丁亥三月二十五日雪
夬變乾將至陰凝陽不流雨飛猶帶雪風急似號秋草
木無春意關河慘客愁天心寧易測三歎索冬裘
旱雲飛火燎長空白日渾如墮甌中不到廣寒冰雪窟
大暑

扇頭能有幾多風
旱雲飛火燎長空白日渾如墮甌中不到廣寒冰雪窟

欽定四庫全書

中州集

五九

讀樂天無可奈何歌

鳬胫苦太短蛇足何其多物理斬不齊利劙空自磨老
跖富且壽元惡天不訶伯夷豈不仁餓死西山阿天意
寓冥邈人心徒揣摩不如且飲酒流年付蹉跎酒酣登
高原浩歌無奈何

哀古道

山深道壞水縱橫怪得春來少客行不信天教人跡斷
水乾更遣疾藜生

人愛若也溫而愉鶴來誰飛薦鶴書枕前墮檄催馳驅
行參幕賓亦大可把酒當為帥君賀王家仲澤如仲宣
共看吐奇飛玉唾一軍號令雅歌中聲落荆蠻膽先破

薛鼎臣罷登封

弄人鼓笛不相疑便著登場傀儡衣終日抱飢唯飲水
也和醉客一時歸_{鼎臣材大夫宰登封有惠政今以例罷故有上句}

密國公璣四十一首

秋郊雨中

密公字子瑜興陵之孫越王之長子百年以來
宗室中第一流人也少日學詩于朱巨觀學書

于任君謨遂有出藍之譽文筆亦委曲能道所

欲言朝臣自閒閒公楊禮部雷御史而下皆推

重之資雅重薄于世味好賢樂善寒士有不能

及者明昌以來諸王法禁嚴諸公子皆不得與

外間交通故公得窮日力於書讀通鑑至三十

餘過是非成敗道之如目前越王薨後稍得出

游文士輩亦時至其門家所藏法書名畫幾與

中秘等客至貧不能具酒肴設蔬飯與之共食

焚香煮茗盡出藏書商畧之談大定明昌以來

故事或終日不聽客去風流蘊藉有承平時王

孫故態使人樂之而不厭也所居有樗軒又有

如庵自號樗軒老人其詩號如庵小藁園城中

以疾薨時年六十一

羸驂破蓋雨淋浪一林烟林覆野塘不著沙禽閒點綴

只橫秋浦更淒涼

宴息二首

宴息春光晚閒眠畫景虛冥心居大道達理契真如樂

對忘形友欣逢未見書世間幽隱者何必盡樵漁

又

日日閒窗下簞瓢樂不殊花魁穠且艷湖玉秀而曜憶
友尋詩卷思山展畫圖丹青傳六逸能著老夫無

梁臺

汴水悠悠蔡水來秋風古道野花開行人驚起田間雉
飛上梁王鼓吹臺

自適

晴晝搖涼光長空澹虛碧燕鴻亦何為老翅南又北衰
柳隣殘葉庭戶覺岑寂幽人誦佛書清香繁几席西方
病維摩東臯醉王績俱到忘言地佳處畧相敵小齋蠅
角許夜卧膝仍屈能以道眼觀寬大猶四極有書貯實
腹無事梗虛臆謝絕聲利徒尚友古遺直

城西

雁帶邊聲遠牛橫廢壠長人居似河朔岡勢接滎陽禾

短新村墅沙平古戰場悠然望西北暮色起悲涼

送王生西遊

伯飛

紫陛下仙人今淵雲騎風御氣七尺身丈夫心與噲等伍
故作野鶴昂雞羣往年書劍游梁日咳唾中間滿珠璧

溫子徒勞手八叉蘇老猶迷日五色慨然拂袖遊嵩陽

西南陌上書傳香仲宣堂舍我去舉杯却愁愁更長

去程相近黃花節三十六峰如玉列龍門楓葉墮紅絳

洛浦蘆花舞晴雪勲名細事猶秋毫政可痛飲讀離騷

天津月照紫綺裘緜領風吹青玉簫我無羽翼隨君起

浩歌相送秋光裏憑高西望青茫茫落日無情下寒水

王生以秋騷見示復以此謝之

三年京國與君遊每恨知君尚未周始露雄文凌楚些
又登長陌佩吳鉤燈殘茅店雞催曉霜落金風雁喚秋
後夜文星出西洛仲宣知在水南樓

自題寫真

枯木寒灰久亦神因緣來現祚公身只緣酷愛東坡老

人道前身趙德麟

樗軒嘗封胙國公故云

黃華畫古柏

黃華老人畫古柏鐵簡將軍挽大弨意足不求顏色似

荔支風味配江瑤

鐵簡萬戶以神射名天下

書龍德宮八景亭

刻桷朱楹墮紺紗裙腰草色趁階斜誰知剥落亭中石

曾聽宣和玉樹花

思歸

四時唯覺漏聲長幾度吟殘蠟燼缸驚夢故人風動竹

催春羯鼓雨敲窗新詩淡似鶯黃酒歸思濃如鴨綠江

遙想翠雲亭下水滿陂青草鷺鷺雙

如庵樂事

人間最美安心睡睡起從容盥漱終七卷蓮經爇沈水一杯湯餅潑油葱因循默坐規禪老取次拈詩教小童炕暖窗明有書冊不知何者是窮通

題晉卿王暉寶繪

顧陸張吳寶繪堂風花雪月保寧坊錦囊玉軸三千幅

欽定四庫全書

中州集

辛酉

翠袖金釵十二行數筆丹青參季范一時遷謫為蘇黃
太原珍玩名天下舊跡猶憑古印章

得友人書

聞有書來喜欲狂紫芝眉宇久難忘別離惟歎我頭白

詩句屢成君馬黃公幹羈栖猶洛下孔明高卧尚南陽

冷官領取閒中趣遠勝區區夢蠻忙

內族子銳歸來堂

一旦能知夢裏真平生看破主中賓歸來堂上忘形友

名利場邊稅駕人東郭風烟宜蕙帳南山猿鶴識綸巾
清尊雅趣閒碁味盞盞沖和局局新

題潘閭夜歸圖

不是詩人灞水壠又非野老曲江邊風姿便認王摩詰
蘊藉還疑李謫仙驢背倒騎蓮岳下牛腰穩跨竹林前
掀髯對月餘高興明日佳篇幾處傳

漫賦

貧知囊底一錢無老覺人間萬事虛富貴儻來終作麼

欽定四庫全書

中州集

辛酉

勲名便了又何如季鷹未飽松江鱠魯望將成笠澤書
自是杜門無客過不關多病故人疎

寓跡

寓跡山中記昔年西溪卜築欲終焉飄零何在五株柳
離亂難歸二頃田漫叟未能忘野寺道人猶解識林泉

吾鄉已宅無何有一笑醯雞盡甕天

秋晚出郭閒遊

塵中俗事海漫漫暫出城闥借眼寬沙麓去邊羣牧小

野雲平處一鷓盤殘荷露水秋光晚衰柳搖風古渡寒

此幅大年橫景畫魯岡圖上似曾看

老境

老境惟禪況幽居似寶坊酒盃盛硯水經卷貯詩囊懶甚書彌少閒多夢自長不知何處雨徑作夜來涼

北郊晚步

陂水荷凋晚茅簷燕去涼遠林明落景平麓淡秋光羣

牧歸村巷孤禽立野航自諳閒散樂園園意尤長

欽定四庫全書

中州集

辛六

閒詠

歲晚陶元亮平生馬少游凋殘半枯木浩蕩一虛舟鶴

望塵迷眼雞栖屋打頭瓶儲尚蕭索焉敢計菟裘

池蓮

輕輕姿質淡娟娟點綴圓池亦可憐數點飛來荷葉雨

暮香分得小江天

梁園

一十八里汴隄柳三十六橋梁苑花縱使風光都似舊

北人見了也思家

釋迦出山息軒畫

厖眉袖手出巖阿及至拈花事已訛千古雪山山下路

杖藜無處避藤蘿

過胥相墓

亭亭華表映朱門始見征西宰相尊下馬讀碑人不識

夷山高處望中原

秋日小雨

欽定四庫全書

中州集

辛七

白鷺徘徊花鴨遊城南城北幾汀洲綠荷風底飛來雨

做弄今年甲子秋

東郊瘦馬

此歲無秋畝畝空病駿難遣齒枯叢倉儲自益駕駘肉獨爾空嘶首蓿風

枕上聽雨

卧聽羯鼓打涼州元是芭蕉細雨秋庭際玉簪開幾許

小窗特地暮香幽

溪景

飛飛鷗鳥自徜徉也解新秋受用涼日暮碧溪微雨過

滿風都是藕花香

題紙衣道者圖

紫袍披上金橫帶藜杖拖來紙掩襟富貴山林爭幾許

萬緣唯要總無心

春半喜晴

陰寒二月雪含雲兩日開晴淑景新借問海棠紅幾許

欽定四庫全書

中州集
卷五

辛

欽定四庫全書

中州集
卷五

辛九

六九

479-465

可歎迂疎一老翁豈堪床下拜梁松明珠薏苡猶難辨
萬里爭教論杜龍

留侯

辟穀輕身慕赤松不知誰舉傅春官君方避溺猶居水
忍使餘波及四翁

對鏡二首

鏡中色相類吾深吾面終難鏡裏尋明月印空空受月
是他空月本無心

又

欽定四庫全書

中州集
卷五

六九

明明非淺亦非深何事癡人泥影尋照見大千真法體
不關形相不關心

夏晚登樓

欽定四庫全書

中州集
卷五

六九

479-465

登樓晚暑復相攻快意清風忽此逢雲似碧山天似水
齊波平浸兩三峰

華亭

又

欽定四庫全書

中州集
卷五

六九

479-465

與人間作畫圖

馬伏波

釣得魚來卧看書船頭穩置酒葫蘆烟際柳雨中蒲乞
世尊遺法本忘言教外別傳意已圓隻履攜將惹嶺去

不妨來上月明船

總校官庶吉士臣侍朝

校對官庶吉士臣陳文樞

謄錄監生臣周學淮



欽定四庫全書

中州集

七



中州集卷五

欽定四庫全書叢要

集部

中州集卷六

欽定四庫全書叢要卷二萬七十九集部

中州集卷六已集

金元好問輯

馬內翰璧 一十五首



璧字叔獻別字天粹承安二年進士歷州縣召入翰林再為曹郎宣宗朝屢以使指鞫大獄權貴如歸德知府宿州總帥聲勢烜赫朝廷知其跋扈而不能摧伏者叔獻以法臨之毛髮不貸

欽定四庫全書

中州集

一

也幼有重名就所長論之館閣臺諫與賓客言乃其選也徒以小心奉法不畏彊禦故屢以城旦書屈之識者有用違其長之歎興定末以同知集慶軍節度使事致仕居崧山龍潭者十餘年諸生從之游與四方問遺者不絕賦詩飲酒放浪山水間人以為神仙焉山中多蘭每中春作華山僧野客人持數本諸公以香韻清絕為勝少劣則有罰謂之鬪蘭所釀松醪東坡所

詳校官候選知縣臣吳旬華

謂歎幽姿之獨高者惟叔獻能盡之客有以京國名酒來與之校者味殊不能近正如深山草衣木食人語覺傭兒販夫塵土氣為不可嚮也

是後松醪鬪闌遂為山中故事叔獻少日在太

學賦聲籍甚其學長於春秋詩筆清峻似其為人字畫楚楚有魏晉間風氣雅為閒閒公所激

賞制誥典雅當代少見其比尺牘又其專門之

學風流蘊藉不減前世宋景文左丞董公紹祖

同裕之再過會善有懷希顏

寺元魏離宮十日來凡兩前與髯卿偕齋奠少林往其

時已薄暮諸勝不暇訪今同魏諸孫再到風烟上寺僧

院機察清慎而文天下有馮孝子之目今居鎮陽

下大夫士論公平生者蓋如此

子渭字清甫以門資叙仕為密

奉使江左得其詩錢行喜見顏間詩四韻每誦

一句輒為一舉觴李右司之純談笑此世為不

足玩見叔獻則必為之雙然王延州從之公於

鑒裁為海內稱首敬其名德至不敢以同年生

數之北渡還鄉里年七十九終於家墓碑云所

者三曰氣曰量曰品有所充之謂氣有所受之謂量氣與量備而才行不與存焉本乎才行氣量而絕出乎才行氣量之上之謂品品之所在不風岸而峻不表襯而著不名位而重不耆艾而尊是故為天地之美器造物者斯固之不輕

以予人聞百千萬人之衆歷數十百年之久乃

虎守天門未易通庾塵無扇障西風主人何負盜憎主公論不明私害公老伏固非千里驥冥飛似是五噫鴻紛紛往事渠知幾都付崧巔一笑中

一二見之同乎其時非無孤雋偉傑之士從容於禮文之域角逐乎功名之地惟其俗不可以為雅劣不可以為勝故自視缺然陳太丘事業無聞而名重天下房次律坐鎮雅俗而舉世以

王佐許之施之當時未必適用然千載而下有為之欵旌者非品何以得之元光正大以來天

送國醫儀師顏企賢得請歸闔中次朝賢韻

心平窮富恐欺天面有陰功蓋有年歸去青山仁者樂
祕來丹訣老而傳尚醫冗食渠百輩公論共推君十全
技道精微仍遠引就非輕舉亦幾仙

河山形勝圖

書劍丁年記昔遊中條之麓過蒲州地形西控三秦遠
河勢南吞二華秋晉魏兵爭一春夢漢唐壇祀幾荒丘
披圖弔古令人慨不必重登鶴雀樓

雜帥覓蘭作詩以寄

雲挿高牙畫戟新春移寶檻燕堂深水南紅藥初退舍
嵩麓芝蘭今嗣音璽足頰肩坐香累高梁華棟豈渠心
使君有問花應語玉樹誠佳非故林

明皇擊梧桐圖

三郎耳譜趁花奴風調才情信有餘天寶錯來非一拍

霓裳中節亦區區

送人出使

陽春有脚蘪疲瘵水鏡無心照潔汙九道澄清天意切
人才一一似君無

習池醉歸圖

裏漢方屯十萬兵習池日往不曾醒紛紛悞晉皆渠輩

何獨王家一寧馨

東坡海南烹茶圖

講筵分賜密雲龍春夢分明覺亦空地惡九鑽黎洞火

天游兩腋玉川風

陰晦中忽見華山

吏部能開衡嶽雲坡仙曾借海宮春蓮峯清曉忽自獻
二公何人予何人

草堂春暮橫披

遷客倚樓家萬里五陵飛鞚酒千金草堂潛與春山對

幽鳥一聲春已深

元光間予在上龍潭每春秋二仲月往往與元雷

游歷嵩少諸藍禪師汴公方事參訪每相遇輒

揮毫賦詩以道閒適之樂今猶夢寐見之兒子

渭近以公故抵任城禪師附寄詩以叙疇昔未

幾駐錫東菴因造謁間出示裕之數詩醉筆縱

橫亦畧道嵩遊舊事感歎之餘漫賦長句二首
性理諸方已徧參歸來一錫駐東菴山中蓮社舊招隱
旅舍阿戎新對談詩筆如君僧有幾文章媿我老無堪
綾書大字拈香疏須趁微之酒半酣

又

少林脩竹欲天參竹外幽閒草結庵顧我雖存惟白髮
與君曾共此玄談干戈橫絕境猶夢草樹荒殘人豈堪
鶯鶯春醪鬢莫預商歌悲壯不能酣

雨後看竝玉所控諸峯

竝玉如高人壁立九千仞一日不見之令人生鄙吝春
深木葉敷秀色益濡潤結茅寄僧藍晴碧時得趁老宿

詫孫峯隅侍到齟齬連延青一色枚數須諦認溟濛空

翠間我亦疑未信朝來雲氣昏埋沒瑜匱瑾如蒼梧政

愁湘妃鬱思舜重陰俄解駭憲霽夕暉襯娟娟忽層出歷

歷分遠近雲峯玄吞吐千狀纔一瞬出奇如孫吳相降如

廉闡如衆星拱辰如侯伯入觀接武如朋簪承迎如价儻

負固如吳楚爭長如齊晉怪詭如夷蠻駢羅貢琛賈窶蹙

如擒獲係累將就釁如應龍神靈蟄臥時奮迅如天駒超
軼坰牧脫羈韁如雄對改容失箸駿疾震如猛士無譁攢

槊俟嚴陣獨兩峯巍然魁傑儼崇峻光輔岳柱天鬱為中
興鎮降生申與甫周室債復振詩傳配崧高百世磨不磷

同希顏怪松

崧高地氣靈花木競妍秀玉峯西南趾有松獨怪陋偃
蹇如蟠螭奮迅如攫獸葉勁須髯張皮古鱗甲皺菌蠹
藤癭怒支離筇節瘦月上虬影搖風度雨聲驟子落慰
枯禪枝樛礙飛鼯盤根萬乘器平蓋千歲壽樵斤幸免
尋廈匠矧肯構龍化會有時天旱期汝救

王內翰若虛

三十八首

若虛字從之崇城人承安二年經義進士少日

師其舅周德卿及劉正甫得其論議為多博學強記誦古詩至萬餘首他文稱是善持論李屏山杯酒間談辯鋒起時人莫能抗從之能以三數語室之使噤不得語其為名流所推服類此釋褐廊州錄事歷門山令入翰林自應奉轉直學士居冷局

十五年崔立之變羣小獻謗為立起功德碑以都堂命召從之從之外若遜辭而實欲以死守之時議稱焉北渡後居鄉里癸卯三月東游與劉文季輩登泰山憩於黃峴峯之萃美亭談笑而化時年七十從之天資樂易負海內重名而不立崖岸雖小書生登其門亦折行輩友之滑稽多智而以雅重自持謀事詳審出人意表人謂從之於中外繁劇無不堪任直以投閒置散故百不一試耳自從之沒經學史學文章人物公論遂絕不知承平百年之後當復有斯人否也子恕字寬夫

憾憤

非存驕蹇心非傲正直譽浩然方寸間自有太高處平生少諧合舉足逢怨怒禮義初不愆謗訕亦奚顧孔子自知明桓魋非所懼孟軻本不逢豈為滅氏沮天命有窮達人情私好惡以此常泰然不作身外慮

贈王士衡

王生非狂者乃以善哭稱每至欲悲時不間醉與醒音詞初惻愴涕泗隨縱橫問之無所言坐客笑且驚王生不暇卹若出諸其誠嗟我與生友此意猶未明絲染動

墨悲麟亡傷孔情韓哀峻嶺陟阮感窮途行涕流賈太傅音抗唐衢生古來哭者多其哭非無名生其偶然歟何苦摧形神如其果有為為爾同發聲

貧士歎

覩無塵瓶無粟北風蕭蕭吹破屋入門四顧何淒涼稚子低眉老妻哭世無魯子敬郭元振之真丈夫故應餓死填坑谷蒼天生我亦何意蓋世虛名食不足爭如只使冗且愚大腹便便飽梁肉

感秋

西風撼庭柯疎葉鳴榮榮天地一蕭條羈懷亦岑寂青
春悅如昨轉盼年半百自從長大來轉覺日月迫功名
非所慕老大不足恤怛然感時心自亦不能釋清晨理
短髮已見數莖白刀鐸雖可施殆似兒子劇此身委蛇
耳毀棄無足惜況於毛髮間而乃強脩飾青青如陸展
星星行復出畢竟白滿頭復將何所摘

生日自祝

欽定四庫全書

中州集

卷六

+

空囊無一錢羸軀兼百疾况味何蕭條生意渾欲失清晨
聞喧呼親舊作生日我初未免俗隨分畧脩飾舉觴聊自
祝醉語盡情實神仙恐無從富貴安可必脩短卒同歸何
足喜與戚一祈龕康強二願早間適衣食無大望但願了
晨夕萬事不我櫻一心常自得優游終吾身志願從此畢

失子

妍妍掌中兒捨我一何遽其來誰使之而復奄然去平
生三舉子隨滅如朝露顧我能無悲其如有天數自從

學道來衆苦頗易度有後固所期誠無亦何懼人生得
清安政以累輕故婚娶眼前勞託遺身後慮百年曾幾
何為此離離悞顧語長號妻此理亦應諭

憶之純三首

幼歲求真契中年得偉人傾懷當一面授分許終身燈
火談玄夜闌花逐勝春何時重一笑眉次欲生塵

又

面目三年隔音書萬里遙宦途俱蹭蹬日事各蕭條志

欽定四庫全書

中州集

卷六

+

大謀常拙身孤道易消本無當世用隱處會相招

又

雋氣輕天下高情到古人銜盃漫鄉放下筆老坡神時
論誰優劣人材自屈伸窮愁須理遣不必淚沾巾

復寄二首

志大言高與世違拂衣真作竹林歸黃塵道口風波惡
未必先生自處非

又

自笑趨塵亦強顏食謀未免敢言閒紫芝果可充飢腹

從子玉屏巖石間

病中二首

學道今何得謀生久不成藍衫幾棄物絳帳亦虛名事

拙應天意交疎即世情煩憂時自解感觸又還生

又

鬱鬱窮愁意營營久病身詩情渾欲減藥物但相親未
得驅窮鬼終須問大鈞三時勞慰拊甚愧故人真

自笑

枉却全家仰此身書生那是治生人百憂耿耿填胷臆
強作歡顏慰老親

酒得數杯還已足詩過兩韻不能神何須豪逸攀時傑
我自世間隨分人

別家

到了身安是本圖何須身外覓浮虛誰能置我無饑地

却把微官乞與渠

慵夫自號

身世飄然一瞬間更將辛苦送朱顏時人莫笑慵夫拙
差比時人得少閒

西城賞蓮呈晦之

晦之自號放公

舊賞回頭已隔年高花又見出新妍偶成濁酒狂歌會
恰及斜風細雨天樂事適來偏有興閒身常得分無緣
作詩莫怪多誇語差比放公先着鞭

題淵明歸去來圖五首

此下皆中年所作

靖節迷途尚爾賒苦將覺悟向人誇此心若識真歸處
豈必田園始是家

又

孤雲出岫莫鴻飛去住悠然兩不疑我自欲歸歸便了
何須更說世相遺

拋却微官百自由應無一事挂心頭銷憂更藉琴書力

借問先生有底憂

又

得時草木竟欣榮頗為行休惜此生乘化樂天知浪語
看君於世未忘情

又

名利醉心濃似酒貪夫亥亥死紅塵折腰不樂翻然去
此老猶為千載人

翰長閒閒公命題城南訪道圖戲作二詩且為解

欽定四庫全書

中州集
卷六

之云

得道由來不必勞癡兒舍父謾逋逃閒閒老子還多事
時向招提打一遭

又

竹木蕭森蔭綠苔幽襟自愛北軒開主人無說吾何問

乘興而來興盡迴

又

答鄭下辨禪師見戲代防禦高侯

酒肆淫房總道場偶然游戲亦何妨阿師自墮泥犁趣

更笑春風柳絮狂

還家五首

日日他鄉恨不歸歸來老淚更沾衣傷心何啻遼東鶴
不但人非物亦非

又

荒陂依約認田園松菊存亡不足論我自無心更懷土
不妨猶有未招魂

又

欽定四庫全書

中州集
卷六

山杏溪桃化棘榛舞臺歌榭隨灰塵春來底事堪行處

門外流鶯枉喚人

又

回思夢裏繁華事幸及當年樂此身閒立斜陽看兒戲
憐渠虛作太平人

又

艱危嘗盡鬢成絲轉覺謹譁不可期幾度哀歌仰天問

何如還我未生時

山谷於詩每與東坡相抗門人親黨遂有言文首

東坡論詩右山谷之語今之學者亦多以為然

漫賦四詩為商畧之云

絕足由來不可追汗流餘子費奔馳誰言直待南遷後
始是江南不幸時

又

信手拈來世已驚三江衰袞筆頭傾莫將險語誇勍敵
公自無心與物爭

欽定四庫全書

中州集

十六

又

戲論誰知出至公蠚蛇信美恐生風奪胎換骨何多樣
都在先生一笑中

又

文章自得方為貴衣鉢相傳豈是真已覺祖師低一著

紛紛嗣法更何人

王內翰子端詩近來陡覺無佳思縱有詩成似樂天

其小樂天甚矣漫賦三詩為白傅解嘲

功夫費盡謾窮年病入膏肓豈易鎬寄語雪溪王處士
恐君猶是管窺天

又

東塗西抹鬪新妍時世梳粧亦可憐人物世衰如鼠尾
後生未可議前賢

又

妙理宜人入肺肝麻姑搔背豈勝鞭世間筆墨成何事
此老胸中自有天

欽定四庫全書

中州集

十六

麻徵君九疇

二十九首

九疇字知幾莫州人三歲識字七歲能草書作
大字有及數尺者故所至有神童之目章廟召

見問汝入宮殿中亦懼怯否對曰君臣父子也

子寧懼父耶上大奇之弱冠住太學有聲場屋

間南渡後讀書北陽山中

其詩云讀書空山裏落月低巖幽山鬼語

夜半怪我非巢由又云壯士半凋落鐵花繡吳鈎

始以古學自力博通

五經於易春秋為尤長少時有惡疾就道士學

服氣數年疾遂平又從究丘張子和學醫子和

禹弋九日橫天羿落矢流集不去龍雲鼻銜書
忽來鳳挽箭方相四目闢門闢夔牛一腥彈階
祀貌似心猜未必然及手植檜印章等詩可見

以為能得其不傳之妙大率知幾於學也專故
所得者深飢寒勞苦人所不能堪者處之怡然

不以累其業也嘗為鄆城張伯玉賦透光鏡欽

叔傳之京師趙禮部大加賞異貼壁間坐臥讀
之興定末府試經義第一詞賦第二省試亦然
簾試以脫悞下第知幾先有才名又連中甲選

天下想望風采雖牛童馬走亦能道麻九疇姓

名正大三年右相侯蕭公趙禮部連章薦知幾
可試館職乃賜盧亞榜第二甲第一人及第授
太祝權太常博士應奉翰林文字知幾天資野
逸高騁自便與人交一語不相及則逕去不返
顧自度終不能與世合未幾謝病去作詩工於

賦物如夏英公篆韻其詩云千狀萬態了不同

義地上畫繁如神農日中市圓如有城乙鳥卵
方如姜嫄巨人履傾如怒觸不周山遡如逆上
蠶篋水積如女媧石未煉碎如昆吾瓦經鑿蚩
尤旗張尾後曲黃帝鼎成足下峙五大專車斷

皇來儀新恩張漢臣世傑五六歲亦召入賦元

妃素羅扇畫梅云前村消不得移向月中裁其

後常隱居不出餘三人者皆無可稱道獨知幾
能自樹立一日名重天下者舊如閒閒公且以
徵君目之而不名也壬申歲遇亂卒年五十平

山常仲明之子德菴之小商橋傍近趙莊

賦伯玉透光鏡

太陰淪魄元不耀太陽分光成二曜嗚呼怪銅盜此幻

透影在壁與背肖奩開燿燿光走庭劃如剝犀乍脫鞘
泓澄秋落百丈潭疑有龍向天門跳秦娃漢婉化鴛土
寵雨恩雲埋鳳詔當年椒塗鑑桃李身後泉臺映蓬蘽
枕簟無情草木香笙歌不暖梟狐嘯觸體一醜不再妍
不知持此將安照萬斛珠璣委俑人喚得偷兒成鬼剽
借問金椎一控時何如海上青蠅弔壽如金石佳且好
此銘此篆兩奇峭今誰子後巖誰先贏得細樞經蟻竅
千古繁華一夢醒恍然入手稱神妙丹砂闕紫翠羽青

欽定四庫全書

中州集
卷六

六

萬金難買人年少君侯新自洛陽來玉臺人物今溫嶠
相看大笑古人癡收鏡入奩還自笑

跋范寬秦川圖

山水人傳范家筆畫史推尊為第一竭來因看秦川圖
天下丹青能事畢大山巖巖如國君小山鬱鬱如陪臣
大石盤盤社與稷小石落落士與民一山一形似爭長
一石一態如布軍想君胷中有全秦見鋸削鋸鋸乃真
掌上長安近於日千樹萬樹生青春憶昔岐山鳳皇語

葱葱柞棫雷新雨昆夷束手密須降不見功勲見歌舞
黃金鑄牛西入棘五丁雲棧通中國驪山宮闈九天高
六處屏王走銜璧不信詩書信法家關東半被魚書惑
盡卷圖籍亦大好五十年先都一埽章邯董翳舉如毛
沐猴冠委金陵道北原兵自天而下漢室傾頽如解瓦
祁山六出縱無功渭水猶堪飲君馬螭蟠老將骨未朽
草付那能濟陽九枝養投鞭抵歲星歸來鹿死何人手
神武空矜賀六渾投機常落周人後竟令馮翊軟沙邊

欽定四庫全書

中州集
卷六

主

東風一夜吹新柳侵尋阜角相料理拋擲龍津浮汴水
鷁頭過處已非隋不覺晉陽人姓李華清高宴戛宮梧
舞馬如何護兩都縱得青驃還蜀道肉得沙場白骨無
興亡自取不足吁可憐神州為盜區貪徵往古山川事
忘却題詩賞畫圖

松筅同希顏欽叔裕之賦

犧尊青黃災木命羈絆剪剔傷馬性折松為筅得之天
此君幸免牋殘橫初緣形似有代無不料奇功乃差勝

人間斤斧不須勞坐中活火鳴笙簫千秋蟄骨養霜雪
一日奮羸翻雲濤巖烟繫拂殷雷起顛風蹴踏銀山高
莫嫌勺水懦無力如捲西江都一吸借汝歲寒姿扶我
衰朽質埽除幻夢不到眼洗刷埃霾下胸臆捫霞直與
羨門期一笑桑田海波白

竹瘦冠為李道人賦

東方有物字豐隆以鳴為職驅羣聾萬頭濺濺囚凍窟

欲出不出愁天公迴寒作暖出一噫黑帝不敢藏昆蟲

欽定四庫全書

中州集

卷六

欽定四庫全書

中州集

三

所以獨為六字長揮斤元氣周神功車轟鼓震頃萬里
六甲風雲隨喚起四陰用事合收聲猶奮狂陽鳴不已
號令非時遭物玩草木不凋花再蓄惱得司秋訴帝閻
漏洩機緘法當死天公大怪下桎梏推落車中躋巖谷
非程非馬亦非人化作蒼筤一枝竹勁氣剛風難遽銷
夜聞風雨猶蕭蕭聳身直上三千尺天公又怪干雲霄
鬼慄神縛不聽出只見白雲鎖三日雲散惟餘青屈盤
頤隱於臍變仙質道人真是萬物盜索取為冠就天巧

秋霜爭敢上頭顱常與春風同醉倒此冠固奇惜未大
有冠獨在方之外日月為藤織四時烟霞為撲綿千載
天潢絕漢梁虛碧北斗旋衡簪沆瀣不隨脂粉侶狻猊
不逐風霜陪獮豸一任旋乾復轉坤頭上峩峩終古在
欲作檀那施此冠不識先生若為戴

彈琴懷山中人

門前雪垂垂室中理朱絲手按十三徽心飛天一涯故

人渺何許萬里驚鴻飛試憑朱絲語一聲聲亦悲一彈

欽定四庫全書

中州集

三

雪欲落再彈雪正作只在此山中故人今憂樂我欲彈
文王岐山雲渺茫我欲鼓曾子無田可耘耔道遠望不
及千山復萬水思君復思君正恐須鬢皤后夔若不來
奈此官商何春風早晚起百鳥喧庭柯時攜一尊酒為
君奏雲和

夏日

亭柯碧合龍蛇影睡起轆轤鳴曉井一簾曉雨捲不晴
槐花滿地黃金冷屈指西風又到門相思團扇欲生塵

何時萬戶垂楊裏高掛金鞭逢故人

牛歎

誰憐宿料一生無身後仍遭金十奴惟蓋却教蒙狗馬不知何事負農夫

清明

村村榆火碧烟新拜埽歸來第四辰城裏看家多白髮遊春總是少年人

暮春山家二首

欽定四庫全書

中州集

主

山烟向晚白蒙蒙人過梨花樹底風一犬不鳴村徑黑野燈孤起遠林中

又

語闌壯氣欲消磨奈此青燈永夜何壁上取琴彈一曲不知天外落銀河

手植檜印章

梁折山摧入小成日華留得寸暉明不盈一握空蟲篆

未喪斯文麌姓名草木四周朝有暮圖書東觀死猶生

二千年後司封紐未信裁時出此情

贈裕之

向來三度見君詩常望西山有所思誰料并州天絕處相逢梁苑雪消時賢人樂古聲猶在鰲叟文高世豈知只恐神嵩不留客秦川如畫渭如絲

秋懷

江山如畫衣冠盡蒲柳無情宮殿秋亦用此韻者也

昨夜新涼御褐裘一番節物弄清愁月懸雙杵若為夜人在一隅偏覺秋敗葉只能驚畫扇啼螢終不到朱樓

欽定四庫全書

中州集

主

還鄉夢斷寒衾曉依舊雲山是蔡州

和伯玉食萬醬韻

九尺東方生不如一侏儒飲啄各有程厚薄與生俱文蒲及屈芟何乃淡以枯正如謝三旌甘心作羊屠伊蒿本薪材豈足充庖厨薄雪草堂徑新霜古城隅河南地差暖冬有不死蕪青來澗邊苔綠入几上孟徵香能侶菊小苦賢於荼酷烈變醯醢薰釀破脂酥書生喜倒說食亦變精麌借問冰茶者何如羔酒乎况爾蓼彼蕭蓬

茆固其徒偶然蹣一等遽欲忘樵夫邇來歲頗饑大半
殣在途攘肉或至犬首丘不如狐命賤祇求死計窮交
議逋尚有紈袴兒朝夕食於株寧知埽野稗一飽不易
圖遂令人輕生不畏鑽與鉞如君有萬醬猶是千金軀

復次韻二首

五臟太多可張頤託臞儒自非何曾家安得海陸俱莊
周幸有栗不至魚肆枯何勞夷門市下車朱亥屠春韭
與秋菘歲晚不供厨萬腹不萬目大方果無隅為醬非

負口猶勝范菜蕪豈無青精飯駐顏炊一盂豈無菖蒲
歇辟邪如神茶又豈無椒花除瘟等酴酥萬於數品中
頗同武官餚數品雖異饌置之醬可乎猶材各有施豈
必皆吾徒公綽優為老劣於滕大夫大抵食如士取之
非一塗君詩誌其味食經有董狐彼哉竈羹指斷棺終
莫逋彼哉萍蓬手竟死珊瑚株寧如醬以萬不出本草
圖蓋後人好奇一洗腥砧鉞為謝饑崇鬼渠今離我軀

又 翌日又為履道所戲其意似欲
窮吾技再和前韻呈伯玉

由逋萬荻無棄材奈此蒼松株何當列劍甕一依饗禮
圖唯聞廣廷樂不見轅門鉞此日雖無醬猶堪養羸軀
元裕之以山遊見招兼以詩四首為寄因以山中
之意仍其韻

石華政可採負我孤舟蓬胡為紅塵裏擾擾槐安宮山
間綠蘿月一照千巖空洪崖去不返清遊誰與同空餘
松根泉雜佩流無窮人心墮泥滓不如與天通舉頭視

霄漢浩露洗心胷

故可為炙啖博哉釋草儒奈何騷人詠不與蘭茝俱青
青發陳荄嫩勝梯生枯面柔似張禹氣冽如申屠忽逢
易牙口一日登君厨君兄昔在日作事太庶隅宦游三
十年不治一室蕪嘗載米之郡政如置水孟不義獲八
珍棄之猶堇荼相對話終日茗椀無鹽酥見容惟恐遲
遇飯不擇籩無食但有名窮不亦宜乎我本寒素士臥
雪袁司徒臭味偶相似豈是敦薄夫見君食萬醬取嘲
於仕途和君萬醬詩緼袍隨衣狐詩醬兩情苦此債無

又

日月兩角蝸天地一粒粟老盆可徑醉豈擇瓦與玉大笑區中人朱門丐梁肉清曉登少室日夕眺王屋紫煙晞吾髮碧霞貯我腹溪中有白雲萬事付濯足物物愜幽情不獨蘭與菊

又

南風入桂樹高葉碧崕嶧舉手戲攀折上與雲烟撐黃

金間白玉遍地先晶瑩笙簫坐間發鸞鶴空中鳴浩歌

欽定四庫全書

八

卷六

三

山谷應起舞衣裳輕一尊石一酒如我浩氣盈目送飛鴻盡青雲萬里平

又

國風久已熄如火不再然流為玉臺詠鉛粉嬌華年政須洗妖冶八駿踏芝田青苔明月露碧樹涼風天塵土一一盡象緯昭昭懸寂寞抱玉辨爭競搖尾憐幸有元

公子不為常語牽

許方邨即事

聯句

披熱達許方山巔青漫漫野黃麥初割畦綠蔬纔灌春

籬棘葉深巷樹春花亂煙長見新治風遠聞清鋤灌衣女在溪販鐵人棲館牆危壘破石路黑沾遺炭山雲頃剝雨沙地須臾曠鐸鳴駕犢耕草密防雞散繅餘殘繭挂釣罷么絲貫沽酒有客賒鬻李何人喚朴惄官始威

牒煩民更玩歷險小車多逢人蹟衣半縣遠肉難求山近寇可追何當卜隱居尋我杖藜伴

梁山宮圖

欽定四庫全書

卷六

三

梁山宮高高切雲秦家簫鼓空中聞宮殿作雲王作龍何人敢謁鴻池君珠園翠繞窮天下道上行人衣半赭不覺生靈血液枯化為宮上鴛鴦瓦朝盧生暮侯生師事二人學羨門焉知以政藏其身神仙亦死何曾神空能詐取六屏國不識盧生真間容種成間隙盧生去尚令道士作鬼語祖龍竟隨此機中以璧見欺猶未悟魚腥引得扛鼎來梁山火滅漢旗開何時後世丹青手一夫不役千樓臺梁山之圖却傳世梁山之宮安在哉

跋伯玉命簡之臨米元章楚山圖

巴東峽壁如駁霞天鑿荆門當虎牙下有奔湍沉碧沙
直衝北固如投家雲煙昏曉互明滅朝看沃日暮吞月
遠山如指近如拳過客那知空一瞥高人廬此恨來晚
不厭孤蓬疊往返莫言造物好窮人許大乾坤富君眼
以心為鏡照諸山山如人面紛殊顏扁舟日日青山上
青山却在滄波間人道癡兒固貪取我怪高人亦如許
已將胸次註長江更把毫端扛巨楚齋列楓林葉浮舸

欽定四庫全書

中州集

三

欽定四庫全書

中州集

三

巧促魁梧入公麾丈尋收拾無邊春千里遊邀坐中我

自此頭吳尾甌越蠻烟五月髡人髮江山多處乃爾毒
始信中原天下甲楚山可覽不可上水氣昏昏且多恙
畫山縱不到真山有楚之峰無楚瘴靜明居士見山饒
想在菴中得飽參戲呼老李臨君畫已坐君貪我更貪

秋雨小霽湖陽道中

一雨初晴菊瘁花朝來啼鶯報晴鴉地隣異域空懷古
人對殘秋更憶家十月紅爐是明日往年新火醉流霞

忿忿又上湖陽道何處還堪駐客槎

秋望

雲氣東南壯風煙正北長遠人投屋小寒草帶城荒剷
鴨便秋潦飢牛背夕陽閒情儘堪畫未要雨浪浪

堂谿城南感寓

斷岸崩崖帶草長茂林高塏晚生涼田頭經水成駒臥
雲色因風變狗蒼戰地尚餘唐壘柵故城曾入楚封疆
牛童趁日貪桐蟲那解興亡事可傷

欽定四庫全書

中州集

三

俳優

施能賣晉移君貳旃解讖秦救陸郎多少諫臣翻獲罪
却教若輩管興亡

李道人家山圖

見說高齋住太行溪山襟帶古祠堂圭桐葉落周家雨
鐵樹根盤晉國霜烽火不堪叫夜月畫圖猶可挂殘陽
自憐不及汾州鴈春去秋來過石梁

李道人嵩陽歸隱圖

城郭維崇井里維通冠蓋維錯紈綺維繫云誰之子招
子歸嵩舍我箏筑樂彼潺淙食彼瓦缶遺我鼎鍾云誰

之子繪子歸嵩離人友鹿避俗朋松石齒我足泉瘦我

嚦吾恐時人笑子歸嵩有山有怪有水有龍盜出寇沒

囁兕咻熊吾恐狂人誑子歸嵩子謂吾言決意歸嵩歸
嵩何如如鴻避弋如鶴脫籠與幻俱化與化俱融是以

歸嵩南山重重翠如植葱北山隆隆紺如堆銅仰嵩俯

嵩雨濯雲烘嵩之為我我之為嵩我聞子言衣如張風

欽定四庫全書

中州集

三

心先去鳥層雲盪胸靜言思之富為目嵩貴為心蓬飾
說于令詎知任公歸嵩良是生龜脫筒子不歸嵩送子
歸嵩

陽夏何正卿作疊語四句未成章予復以疊語寄
之凡四變文

緼緼蠹蠹何等民矯矯亢亢內守貞昂昂藏藏獨異俗
落落莫莫不獸貧歸與歸與且餉口鳳兮鳳兮德衷久
樂云樂云無絃琴命乎命乎一杯酒匪鱣匪鮒故為藏

避言避世必也狂至大至剛秣吾馬爰清爰淨脩我牆
用之舍之時所係晉如摧如寧復計暖然淒然任春秋
優哉游哉聊卒歲

紅梅

一種冰魂物已尤朱唇點綴更風流歲寒未許東風管
瀙抹濃粧得自由

劉御史從益三十三首

從益字雲卿南山翁搆之曾孫大安元年進士

欽定四庫全書

中州集

三

拜監察御史坐與當路者辨曲直得罪去久之
起為葉縣令脩學講義篤善抑惡有古良吏之
風葉劇邑也兵興以來戶減三之一田不毛者萬

七千畝其歲入七萬石故在也雲卿請於大農
為減一萬民賴之流亡歸者二千餘家未幾被
召百姓詣臺乞留不聽入授應奉翰林文字踰
月以疾卒時年四十四葉人聞之以端午罷酒
為位而哭且立石頌德以致哀思之心焉雲卿

博學強記於經學有所得為文章長於詩五言

古詩又其所長雷御史說雲卿在太學時年甚少嘗有詩云黃金錯落雲間闕紅粉高低柳外牆時輩皆推服之其卒以詩得名者固已見於此

矣

雲卿詩如荒烟斜日村村晚哀柳寒蒲岸岸

不坊衣露肘長脚猶有賦凌雲春雪云千層寶

樓閣一片玉山川臨終云峻壁秋燈挑夢破老

甚多不能悉載也此類

有蓬門先生集行於世二

子祁字京叔郁字文季俱有名於時

欽定四庫全書

中州集

卷六

題蘓李合畫淵明濯足圖

天機本自足人事或相須東坡畫三昧迺與龍眠俱黃

州富丘壑餘杭渺江湖已困口嘲弄更堪手糊塗其來

本游戲所到非功夫平生斜川翁尚友千載餘可聞不可見風標定何如笑倩李居士為予巧形模臨流想有

詩滄浪元非漁不入聲利場政恐吾足汙二公有深意百年留此圖不著色塵相澹然如遊天地初主人牢緘

膝丹青有渝此不渝

過尉氏懷阮籍

朝來國門遊暮抵蓬池宿有懷阮步兵豪氣無檢束嘯歌陟高臺長風振林木老眼何曾青四海無一物萬古留詩名九原銷醉骨居然方丈家惜也微瑕玉塗窮道不窮先生安用哭

泛舟回瀾亭坐中作

昔年醉回瀾猶恨身屬官今年邂逅來身與亭俱閒洗心亭下水照眼亭西山溪山如故人喜我復來還有酒

欽定四庫全書

中州集

卷六

澆我胷有花怡我顏羣鷹乍脫臂但覺天地寬山陰忽

回船夜闌情未闌

樂山松

樂山一何崇上有千歲松清孤月露底秀拔天地中蒲柳抱常質桃李開芳容爭如十八公笑傲冰霜風居然喜避世不肯汙秦封蟠如北海蟠伏如南陽龍紛紛過者多匠石終不逢明堂幾時構喚起蒼鬚翁

和淵明雜詩二首

俗士苦紛競此心本無塵功名迺外物了不關吾身吾
身復何有形神假相親天地開一室日月挾兩鄰有生

即有化如晏之必晨但得酒中了亦足稱達人揮戈欲

却日小力自不量何如任天運閉門坐齊芳詩書列四
隅著我於中央夏卧北窗風隆冬曝朝陽但有藜藿羹

亦足充飢腸

又

少為饑所驅老為病所迫人生能幾何東阡復南陌急

欽定四庫全書

中州集
卷六
三

須沽酒來一笑舉大白浩歌草木振起舞天地窄同歡

二三子誰主復誰客浮沉大浪中畢竟歸真宅歲月去

何速老炎變新涼游子久不歸回首望大梁風埃慘如

此何處真吾鄉野菊明落日林楓染飛霜勸我一杯酒
悠然秋興長

和淵明始春懷田舍

家食自不惡菽水甘清貧學道未有得讀書亦良勤雖
勤竟何補俛首愧古人靜言閑世故來者日月新況復

抱沉疴百憂無一忻安得衛生訣益我華池津悅如一
夢覺不與萬法鄰野人借問我恐是劉遺民

和淵明飲酒韻

日入了公事援琴洗塵喧秋堂一燈明清響到夜偏彈
罷枕書臥渺然夢青山山英向我問君駕何時還家僮
忽喚覺惆悵不能言

臘日次幽居韻

世務方擾擾人生何營營不如不出門坐頤天地情泰

欽定四庫全書

中州集
卷六
三

中有否來陰極即陽生掀髯一笑起窗外風鐸鳴看雲
偶獨立踏雪時間行最愛朝日升負暄向南榮

歲除夕次東坡守歲韻

人生都百年誰問鬪龜蛇容顏鏡中換老醜不可遮般
勤守此歲來歲復如何南鄰祭竈喧北里驅儺譁須臾
罷無為但聽樓鼓撻明朝四十過暮景真易斜初心自
慷慨白首還蹉跎寄語少年子雖健不足誇

次韻別歲

一日復一月其來不肯遲一冬復一春既去誰能追問

歲果安往懵不知津涯常於歲除夕知是相別時鄰翁

慣禮錢買酒烹鮮肥百挽不得留一別那須悲年年例

如此華髮吾何辭惟有學道心自覺老不衰

次韻餽歲

親朋餉無時鄰里歡有佐況當歲之終可以具百貨禮

意各示勤手段不妨大我貧無往還閉戶但高卧藜羹

且充腸珍味不登坐猶勝許文休衣食出馬磨自非揚

欽定四庫全書

子雲載酒何人過空吟餽歲詩自歌還自和

清和即事用前韻

一度清明了一年溫風娟娟雨班班幾家繡幃尋芳去

何處蹇驢醉還宿草新墳驚世短落花流水占春閒

曉鶯啼破松牕夢缺月東南挂屋山

五月十四夜對月有感

世事易隨雲變滅人生難保月團圓淮陽旅舍三年夢

河朔風聲五月寒何處雲山端可老向來天地為誰寬

宦游腳底生荆棘蜀道而今却難

再過鄖城示伯玉知幾

三年兩度過潁陽鞍馬紅塵道路長花月不應知我老

溪山也解笑人忙朔風凜凜頻驚坐夜雨蕭蕭偶對床

他日水南營墓地愧無遺愛在桐鄉

次韻閒閒公夢歸

眉間喜色幾時黃滿貯羈愁著瘦腸萬里鄉關飛不到

十年歧路走空忙盃心蘸月松梢影鼻觀通風柏子香

欽定四庫全書

最愛南山舊山色夢中相覓不相忘

題閒閒公夢歸詩後用叔通韻

學道幾人知道味謀生底物是生涯莊周枕上非真蝶

樂廣杯中亦假蛇身後功名半張紙夜來鼓吹一池蛙

夢間說夢重重夢家外忘家處處家

送儀提點西歸

自斷平生不問天拂衣歸去任吾年五侯鯖飽無多味

九老圖成又一傳回首京華瞻日遠放還鄉社得天全

綸巾醉卧咸陽市始信人間有散仙

再賡

人定端能坐勝天刀圭有力制頽年道非出世頭頭是丹不遺經口口傳陰魄沉迷終鬼錄陽精飛鍊即神全三山縹渺誰能到目下身安亦是仙

次韻李公度

餅有儲糧鬢有絲蹉跎歲晚坐書癡朝川畫隱王摩詰
錦里詩窮杜拾遺應舉尚陪新進士主文半是舊相知

欽定四庫全書

中州集

春闌看決魚龍陣未必尖椎勝鈍椎

題無盡藏

梁斗南
所藏畫

誰開天地祕密藏今古人間用不窮眼底搖光千丈月
耳根傳響一溪風勝游赤壁文章在高卧燕山氣象同
二老風流渺何許後生猶可畫圖中

三弟手植瓢材且有詩予亦戲作

為愛胡盧手自裁弱條柔蔓漸繁回素花飄後初成實
碧蔭濃時可數枚試問老禪藤繳去何如游子杖挑來

早知瓠落終無用只合江湖養不才

次韻三弟贈南菴老人

一庵盤礴勝巢仙不入叢林恰是禪花圃蓮塘閒好景
粥盂齋鉢老隨緣忘言已了八千偈適意更揮三兩絃
邂逅我來推不去坐分一半好風煙

次韻劉少宣

旅窗蝶夢曉驚回默數流年祇自哀與世迂踈甘袖手
及身強健且銜盃桐凋翠葉看看盡菊著黃花旋旋開
杖屨南庵訪幽事秋光滿眼送詩來

酬李子遷

曾著朱衣侍冕旒忽乘羸馬出皇州青山有約攜琴往
白髮無成把鏡羞却笑張儀誇舌在不妨巢父有詩留
柳湖莎徑東南夢又見兒童迓細侯

過洧川次侯生君澤韻

誰能孤憤效韓非且喜玄微對鏡機出得山來無遠志
寄將書去有當歸閒居已判平生了真賞從教舉世稀

日咀道腴深有味更須口腹事甘肥

聞菴用少陵韻

唧唧不堪聞村居更惱人青衫傷久客華髮念雙親歲暮那逢雨秋宵未向晨石心猶可轉百感本年真

除夕用少陵韻

牕送迢迢漏燈開艷豔花正愁聞過鴈久客羨栖鴉放眼春猶好驚心目又斜一蓑江上雨歸思浩無涯

即事

欽定四庫全書

中州集

四

臥疾劉公幹躬耕鄭子真溪山留好客天地許閒人花醉紅沾袖松吟翠繞身撫心無所歎持此壽吾親

宋樓道中

十里羊腸路詰盤過花穿柳幾廻還馬頭忽轉青林角綠繞人家水一灣

過武丁廟

旱則為霖水則舟若人端合夢中求荆王枕上陽臺雨板築英雄老死休

戲答侯威卿覓墨

萬松火厄化繙塵依舊徂徐雪裏春令齋香螺蔓一足破慳分與畫眉人宮中取張遇墨燒火去膠以之畫眉謂之畫眉墨

北園

碧梧斜影落胡床白葛烏巾滿意涼宴坐不知紅日晚
筍輿歸路麥花香

宋內翰九嘉

十一首

九嘉字飛卿夏津人黃裳榜進士乙科歷藍田

欽定四庫全書

中州集

四

高陵扶風三水四縣令皆有能聲入為右警巡使應奉翰林文字正大中病失音廢居沒於癸巳之禍嘗有詩云浩歌風露下醉袖拂南山又題壽安烟霞亭云粧鑿土壁紅千點界畫銀沙綠一釣其才藻可畧見矣

途中書事三首

幼穉扶輪婦挽轅連顛翁媼抱諸孫饑民羸卒如流水掘盡原頭野薺根

又

老禪扶攜訪熟鄉驛塵滿路殣相望終朝拾穗不盈把
只有流民如麥芒

又

攘絲奪麥人爭畧烘日吹風天有年湯餅元非小人腹
蠶絲都作大夫賢

館中納涼書事

涼酒塵纓曠耳醒虛堂窈渺好風清雀知愛子來廻哺

欽定四庫全書

卷六

鼠不畏人旁午行每用熟眠酬閒寂端知固有享高明
宦遊非不佳官府奔走塵勞漫一生

東州有感

東城衰草沒黃沙故壘周遭小范衙牧暨那知真老子
龜趺繫馬卧吹笳

搗金明若作建除體

建牙誓諸將梟鳴軍盡驚除道非戰事銜枚幻奇兵滿
鎧霜日輝行陣寂無聲平旦飛出谷桑棗蔽金明定知

此陳迹中原遮寇城執鞭吾不及范公凜如生碑字
仍在屬贊臥深荆危襟按其墨信哉天下英成敗翻覆
手狐兔今橫行收復會有時夷吾當請纓開圖睨督亢
按劍逐長鯨閉塞亦已久一揮氣噎清

被檄從軍

不巾不襪柳陰行朝醉南村暮北莊一旦捉將官裏去
直驅盲馬陣中央即所來盲馬而言

留別孫俊民姚公茂

欽定四庫全書

卷六

草根殘日射離觴主席風生熱肺腸此去兜零紅照夜
輸君吹笛傍糟床

酴醿菊

酴醿風味醺人醉著莫東籬愛酒翁一夜金英全換骨
冷香晴雪滿秋風

蓮社圖

野鷺家雞俗好乘虎溪泉石滿塵埃壯哉砥柱頽波裏
惟有淵明挽不來飛卿不喜佛法自言平生有三恨一恨佛老之說不出於孔氏前二恨辭

學之士多好譯經潤文三恨大才而
攻異端淵明挽不來之句蓋自況也

卯酒

臘蟻初浮社甕芻宿醒正渴卯時投醉鄉兀兀陶陶裏
底事形骸底事愁

雷御史淵

三十首

淵字希顏別字季默同知北京路轉運使事思
之季子崇慶二年黃裳榜進士甲科釋褐涇州
錄事徐州觀察判官召為荆王府文學兼記室

欽定四庫全書

中州集

四六

參軍轉應奉翰林文字同知制誥兼國史院編

脩官拜監察御史以公事免用宰相侯莘卿薦
除太學博士還應奉終於翰林脩撰初在東平

東平河朔重兵處也驕將悍卒倚外寇為重自
行臺以下皆務為摩拊之希顏莊官自律者甚

嚴出入軍中偃然不為屈不數月間巷間家有

希顏畫像雖大將亦不敢新進書生遇之嘗為

戶部高尚書所辟擢遂平縣事時年少氣銳擊

豪右發奸伏一縣畏之稱為神明及以御史巡

行河南百姓相傳雷御史至豪猾望風遁去正

大庚寅倒迴谷之役希顏上書破朝臣孤注之
論引援深切灼然易見而主兵者沮之策為不
行至今以顧望為當國者之恨希顏三歲喪父

七歲養於諸兄年十四五貧無以為資乃以胄
子入國學便能自樹立如成人不二十游公卿間
大學諸人莫敢與之齒渡河後學益博文益奇

欽定四庫全書

中州集

四五

名益重為人軀幹雄偉髯張口哆頰渥丹眼如

望羊遇不平則疾惡之氣見於顏間或嚼齒大
罵不休雖痛自摧折然猝亦不能變也生平慕

田疇陳元龍之為人而人亦以古人期之故雖
以文章見稱在希顏仍為餘事耳

雲卿父子有宛丘之行作二詩為餞

陽春到上林百卉紛白紅岸谷稍敷腴溪光亦沖融獨
有石間柏不落鼓舞中期君如此木歲晚延清風

又

漢庭議論學傾耳侍欹向君家賢父子千載蔚相望讀書二十年閉戶自師匠異端紕偏雜陳言利猥釅剛全百鍊餘氣出諸老上頽風正波靡去去作隄障

京叔將拜歸於陳徵言為贈老嫗廢學茫無所得獨記其與屏山雲卿襟期所在者非以為詩也

梁苑池塘生綠烟吹臺草色春芊芊故人幽局閉長眠氣槩英英猶眼前陽春無力蘓重泉孝子感時涕泗漣

欽定四庫全書

中州集

卷八

匍匐歸埽淮陽阡徵予贈別意拳拳我自頑頓須人鐫安能視後輒子鞭姬情孔思星日懸斡旋萬化中持權斯文興喪實闢天尋常墨客技藝然醫巫星厯相比肩何用雕琢空徂年即今海縣謾腥羶獨挽洙泗可洗湔

迺公有志屏山賢二豪在日予牽連傷哉未售墳已顛老我欲種南山田子之兄弟其周旋事業絕勝空言傳同裕之欽叔分韻得莫論二字幼安謝辟命子雲老寂莫趨嚮豈獨異時命非所度我

久困流離一屢求負郭雖無斬敵功尚舉力田爵崧少啓吾封四履盡伊落有客來問津醉眼入寥廓世事久閉眼終日只睡昏清風何處來佳客已在門倒屣往從之玉色向我溫妻孥趣作具歡喜傾瓶盆清夜樸被往共就遺山元嘲謔及俳語發揮間微言懸斷漏天樞高嘯驚鄰垣脗合政相和意到俄孤騫恨不倒囷廩矧肯留籬樊弃屬獲珠玉披榛見蘭蓀我肱已三折醉隋偶全渾知無適俗韻量力任灌園二君清廟器巾冕華罍

欽定四庫全書

中州集

卷六

尊蒼生望休息朝廷待崇尊出處既異途會合難預論此樂未易得此夕勿憚煩白酒舉初子黃雞潤諸孫水樂喧後部山鬟秀前軒一醉萬事休商聲滿乾坤

會善寺松

物生自有常怪特物之病嗟嗟此老蒼怪怪生魁柄侏儒蹙髀股宿瘤擁腮頸蛇蟻蛟龍戲騰擲羃虎競須髯喜張礲意氣怒狂遊匠石求棟楹節目足譏評芻蕘急新櫓堅悍空盼瞪靜言觀倚伏未易相弔慶雖違時世

用顧免斤斧橫陽秋莫榮瘁歲月何究竟盤盤曲則全
挺挺獨也正小草悵埽迹伏神還守性儻隨天中景廣

宇共麻映

玉華山中同裕之分韻送欽叔得歸字

洗耳潁川水療饑西山薇山川得佳客草木生光輝末
路風教薄此道日已微相期千載事非君誰與歸

九日登少室絕頂同裕之分韻得蘿字

閒居愛重九佳人重相遇登高酬節物少室鬱嵯峨迤

欽定四庫全書

中州集

五

遷謝塵土夷猶出煙蘿歛如據鼈頭萬壑俯蜂窩浩浩
跨積風瀾瀾渺長河日車昃紅輪天宇凝蒼波指點數
齊州始覺氣埃多我無倚天劍有淚空滂沱驚鱗盼與
渚倦翼占危柯悔不與家來結茅老巖阿歸途瞻老阮
廣武意如何

月下同飛伯觀畦丁灌園得畦字

村居鄰老圃喘汗憫夏畦轆轤健晚涼月輪轉天蹊荆

荆金融溝涓涓水泮溪黃萎漸蘓息綠潤俄淒迷生意

續夜氣甘滋浹新莢風露觸處香河漢望中低野人無
遠謀且喜豐食鮭雖愧下帷董稍悟養生松歸懷自浩
然流光挹平西

濟南珍珠泉

大地萬寶藏玄冥不敢私快開青玉罅渾渾流珠璣輕
明疑夜光潔白真摩尼風吹忽脫串日射俄生輝有時
如少斬感沸却纍纍風色媚一川老蚌初未知君看一

日間巧歷所不貲遊人隨意滿不卑乾沒兒吾謂歷下

欽定四庫全書

中州集

五

城繁華富瑰奇貪夫死專利帝意憐其癡故露連城珍
可玩不可幾若曰天壤間所遇皆汝資何必秘篋笥自
貽伊瑕疵詩成一大笑臆說量天機

讀孔北海傳

漢室風流絕建安老聃父子力排山可伶魯國真男子

也着區區七子間

賦侯相公雲溪

相君襟度本汪洋戲鑿陂池便渺茫解起晴雲作霖雨

更邀明月貯清光千重複嶺藏仙境萬斛香泉釀醉鄉
畢竟麟符拋不得烟波空效五湖蒼

贈陳司諫正叔

洗兵有志挽天河補袞剛留諫諍坡賦出石腸還婉麗
政成鐵面却中和寒侵桃李淒無色雪壓池塘慘不波
急手尊前謀一醉六街塵土涴人多

濟南汎舟水底見山有感而作

南山已在風塵外更恐飛埃涴碧巔一棹晚涼波底看

浴沂面目本天然

洛陽同裕之欽叔賦

日上煙花一片紅崧邙西峙洛川東纔聞候騎傳青蓋

又見牽牛出絳宮事去闕河不橫草秋來陵寢但飛蓬

書生不奈興亡恨斗酒聊澆磊磊胸

感母石同裕之賦

千古崩崖一罅開強將神怪附郊襟無情頑石猶貽謗

見錦從為菴伯哀

贈答麻信之序

并

麻弟避兵渡河徑謁裕之於崧

高夤緣一見相與之意甚厚既留數日又將過吾

景玄於女几之陰維元劉國士也而弟遊於其間

則弟之為人可知已臨行復長歌相贈清平豐融
蓋他日未易量也愛養不足詩以誦之

五老英靈未陸沉一枝高秀出詞林珪璋自是清朝器
律呂偏諧治世音此去文章足知已後來功用只齋心
濟時相約元劉了索我雲山深復深

雪

風定雲仍暖天圍四顧低紛紛俄攬野浩浩欲平溪樵
擔歸時重漁舟望處迷饑鴉空繞樹若箇可安棲

宮鴉

萬樹瓊芳鎖漢宮羣鴉容與五雲中曙光先背朝陽日
春信頻呼禁籞風青鬢巧梳欣一色秀眉學畫鬪新工
鳳樓未許啼聲切愁滿長門信未通

洮石硯

緹囊深複有滄洲文石春融翠欲流退筆成丘竟何益

乘時真欲礪吳鉤

馬上見桃花

九衢鞍馬苦塵腥忽見溪桃倦意醒未必施朱便麗俗
最憐滌露出娉婷城東詩老圖幽絕水上仙郎記窈冥
何似玉堂留故事賣花擔上有丹青

叔獻兄歸隱崧山有詩見及依韻奉寄

幾百千年一敬通飄飄歸袂振孤風平生自處神明在

欽定四庫全書

中州集

卷六

欽定四庫全書

中州集

五五

衰俗無從議論公韶箭向來儀彩鳳弋繒何苦慕冥鴻
他年杖屨相從處三十六峯雲霧中

劉御史雲卿挽詞二首

氣幹參天擬萬尋聖門梁棟自堪任豸冠岳岳鋒棱峻
鳬鳥翩翩惠愛深可忍佳城玉埋土最哀慈惺血霑襟
傳家賴有雙珠在不爾何如慰士林

又

少同里閈早知音投分交情雨舊今鄉校聯裾春誦學

上庠連榻夜論心南山松柏愁霜殒北地乾坤恨日侵
不得生芻芻一奠西風吹淚滿衣襟

題黃華江臯烟樹二首

疎柳靜茆亭亭下長江路不見亭中人蕭蕭烟景暮

又

江山萬里眼一亭畧約之黃華未死在看取畫中詩

送李執剛致仕歸洛

漕計中興屬老成引年陳請獨崢嶸果能辦此公真勇

欽定四庫全書

中州集

五五

愛莫留之我愴情塵坌恐驚黃鸝舉烟波不負白鷗盟

洛陽去去春如錦畫日神仙看地行

梨花得紅字

雪作肌膚玉作容不將妖艷嫁東風梅魂何物三春在
桃臉真成一笑空雨細無情添寂寞無情亦作淚痕亦月明有意
助豐融有意助亦云真態更相如病渴妨文賦想像甘寒結小紅

河山形勝圖

高峯巨壑與天連中國關防表裏全北岸塵氛重回首

不如圖上看風煙

次裕之韻兼及玄景弟

名腸相砍半成灰。戰退紛華旆。始迴文字喜逢脩月手。
津梁愧乏濟川材。等閒有酒輒共醉。信口哦詩不費才。
最憶平生劉子駿。紫芝可惜不偕來。

愛詩李道人。若愚松陽歸隱圖。

我家崧前凡再朞。詩僧騷客相追隨。春葩纊紛香澗谷。
夏泉噴薄清心脾。霜林置酒曳錦障。雪嶺探梅登玉螭。

欽定四庫全書

中州集

卷六

欽定四庫全書

中州集

卷六

重陽夜宿太平頂。天雞夜半鳴。喔咿整冠東望見石出。
金輪湧海光。陸離神州赤。縣入指顧風。埃未靖。空嗟歎。
窮探極覽不知老。泉石佳處多留題。簡書駆出踏朝市。
期會迫窄愁鞭笞。襟懷塵土少。清夢齒類荆棘真白癡。
叩門剥啄者誰子。道人面有熊豹姿。披圖二室忽當眼。
貫珠編貝多文辭。我離山久詩筆退。慕寫豈復能清奇。
再三要索不忍拒。依依但記經行時。道人愛山復愛詩。
嗜好成癖未易醫。山中詩友莫相厭。遠勝薰酣聲利乾。

沒兒

李右司獻能二十首

獻能字欽叔。河中人。年二十一以省元賜第廷試。第一人宏詞優等授應奉翰林文字在翰苑凡十年出為鄜州觀察判官。用薦者復應奉俄

遷脩撰以鎮南軍節度副使充河中經歷正大八年河中陷。獨得一船走陝州。被召以道梗不

能赴就權陝府行省左右司郎中軍變遇禍欽

誠實樂易洞見肺腑。世間狡猾變詐纖悉無不知。然羞之為不道也。與人交不立崖岸。盃酒相

然諾。赴難解紛不自顧惜。雖小書生以愛兄之

道來亦殷勤接納。傾筐倒底無復餘地。時輩以

此歸之家故饒財盡於貞祐之亂。京師冷官食

貧口衆無以自資。太夫人素豪侈厚於自奉。小

不如意則有金魚隨地之謹。人視之殆不堪其

憂而欽叔處之自若也欽叔文章行業過人處

甚多而天下獨以其純孝為不可及云

贈王飛伯雜言一首

東風吹客衣敗絮逐風飛曉雪沒寒齊無物充朝飢空
簞噴噴號飢鼠饕蟲蠕蠕緣破袴人生豈是犬與雞終
歲區區守門戶游說萬乘苦不早儀秦殆是穿窬盜六
國印千金車滿眼榮華鏡中老孔子聘列國孟軻游齊
梁能令千載後名與日月光男兒生世不虛生死恨身

後無聲名不然鳴玉遊紫京不然著書談六經九日可
射天可補鞭笞百蠻作降虜離騷一篇亦不惡雄筆盤
盤映千古君不見彩鳳翔丹霄一鳴應九韶寸雲起泰
山霖雨滿人間大夫窮達果在天安用兒女得志相歡
羨失志相悲憐仰天大笑出門去四海今誰魯仲連

夜宿虛皇閣下

倚天青壁截雲霞一水高懸界削瓜不惜吟蛩攀石磴
要看絢爛坼雲華玉峯影裏虛皇閣鐵笛聲中祕監家

明日川塗入塵土却應平地幾衰斜

玉華谷同希顏裕之分韻得秋字

玉龍落峽噴飛流空翠霏霏晚不收軟脚山堂一壺酒

暮涼閒對兩峯秋

四皓圖

弋繒安足致冥鴻自是薰懷翊贊功謾說壺闕有遺老

望思臺上已秋風

二老雪行圖二首

自笑膠膠擾擾身十年匹馬走紅塵何時雪滿平生屐

太華峯前約故人

又

抱琴衝雪又衝風二老風流阿堵中未似村翁眇抹眼
火爐頭上話年豐

別馮駕之

東風弄微寒吹雪作輕陰春歸未得歸愁攬客子心與
君俱異縣那復重分襟感時復恨別老懷苦難任憶昨

榮陽會燈火語夜深縱談閒徘徊浩歌雜狂吟相期梁

宋游感君肯相尋西園偶差池市樓成孤斟相逢清水

湄暫爾成盍簪燕鴻還別去又復如商參我行落日邊

匹馬獨登臨君方無定在倦翼思茂林人堪幾回別老

境各駿駿洧水不西流雙魚定沉沉幸有西飛鴻無吝

金玉音

昆陽元夜南寺小集

春皋短短生蘭芽東風嫋嫋吹芳華暗黃着柳小梅素

欽定四庫全書

中州集
卷六

辛

月姊新年恰十五東皇太一來翩翩竹宮神光祀甘泉

茂陵弓劍沒秋草鳳燈煌煌空自然當年曼衍魚龍舞

回頭昭陽化飛土昆陽客舍冷於冰破殿蕭條佛燈古

雪消梁苑想春紅車如流水馬游龍銀餅載酒隨春風

酒酣一嚼百杯空韶華過眼弦上箭人生得酒從歡讌

北斗闌干夜參半耿耿疎星淡河漢

追憶頽亭汎舟寄陽翟諸友

十月冬氣寒清霜殞羣木輕舟汎頽水微風吹野服信

流不知還石艇橫老玉苔花錦欄斑懸溜珠麗穀頗離塵市雜倒瀉軒裳俗歲月今幾何春草萋以綠懷歸劇飢渴仰羨雙飛鵠矯首九山雲迢迢傷遠目

鄭城秋夜懷李仁卿

日入羣動息暝色陰蒙蒙故人隔頽水嫋嫋生秋風輕風捲纖雲碧漢磨青銅坐久襟袖涼皎月升天東伊人如此月霽色羅心胷可望不可親倏已駕飛鴻念此太虛間心交神自通而況千里月相望寧不同孤光透薄

惟儼如接音容翻翻繞枝鵠唧唧侵階蛩上牀轉不寐

高樓待晨鍾相思夜何永月落秋牀空

題飛伯詩囊飛伯以布為囊采當世名卿詩投其

中

頽露毛錐祇自賢智如樗腹但求全迂疎差似淵才富羞澀猶無杜老錢收拾珠璣三萬斛貯風月一千篇嘔心大勝美奴錦要與風人被管絃

送王飛伯歸陽翟

故舊相望似曉星平生懷抱向君傾朱絲不入纂箏耳

彩鳳終儀韶濩聲三楚迢迢動離思九山落落助高情

一廛擬就隆中卧要子同躬壠上耕

西園春日

的皪冰稍出短牆泓澄暖綠靜橫塘娟娟高什迎人翠
嫋嫋長紅隔水香病起心情疎酒醕朝來風色妒年芳
只應歸去芸窗晚夢到湘妃錦瑟傍

榮陽古城登覽寄裕之

欽定四庫全書

卷六

突兀高臺上古城登臨人境兩崢嶸關河落日歲云暮
草木臨風氣未平虎擲龍擎王伯事天荒地老古今情
一盃欲洗興亡恨為喚窮途阮步兵

從獵口號四首

蓮燭金紗簇簇齊宮槐籠曉尚淒迷景陽鍾罷聽殘漏
萬馬銜霜不敢嘶

又

閭閻傳符啓九關一聲清蹕駐南山虎賁先導三千士

天馬初離十二闌

又

爛爛龍鱗捧日旂從臣遙認赭紅衣天王清曉親弧矢

初合今冬第一圍

的皪金鏡隨曉星晴天霹靂應弦聲風毛雨血燕雲在
未要草間狐兔驚

上清宮梅同座主閒閒公賦

欽定四庫全書

卷六

獻住盧家白玉堂琳宮瀟洒占年芳先生琪樹風霜古
影占銀潢月露涼物外根株本仙種世間紅紫避嚴粧
邀頭詞伯今何遜一笑詩成字字香

丹陽觀竹宮中移賜

素士如林侍紫青紫清新許住蓬瀛娟娟粉節霜勻出
矗矗烟梢玉削成福地根莖蒙化育中天雨露借恩榮
綠章封事朝來奏又聽風前彩鳳鳴

王右司渥

一一首

渥字仲澤以字行興定二年進士調管州司候
不赴壽州防禦使邦獻商州防禦使國器武勝
節度庭玉愛其才連辟三府經歷官在軍中凡
十年舉寧陵令未赴丁太夫人憂廬墓三年服
除復授寧陵正大七年朝廷與宋人議和擇可
為行人者仲澤以才選凡再至揚州制司宋人
愛其才有中州豪士之目使還以寧陵課最遷
一官入為尚書省掾三月即授太學助教充樞
欽定四庫全書

中州集

卷六

七

遺處不復能記憶讀之尚可以見斯人胸懷之
彷彿仲澤賴上詩不才被棄翻為福拙計無營
却似高是處青山可埋骨誰家白酒不消
憂夕陽轉屋桂林影急雨
壞橋喧水聲人喜傳之

頴亭

三載西湖阻勝遊頴亭聊喜散羈愁九山西絡煙霞去

欽定四庫全書

中州集

七

一水南吞澗壑流賓主唱酬空翠琰干戈橫絕自滄洲
忽忽匹馬從軍去慙愧烟波萬里鷗

有寄

十年鐵馬暗京華客子飄零處處家征鴈久疎河朔信
所許天下談士三人之一也嘗與予行內鄉山
中馬上賦詩云霜風十月餘千山錦嶂嶧又九

日登頴亭見寄云茫茫裏城野歲晏多風埃野

寄京父

憶昔相從在寢丘城南城北縱歡遊杏花聯句香隨馬

田半已荒草蟲鳴更哀西風吹白雲大隗安在

哉七聖之所迷而我胡為來我本林野人初無

經世材失身鞍馬間坐令雙鬢催安得元紫芝

共舉重陽杯詩成西北望九山鬱崔嵬此詩脫

節度庭玉愛其才連辟三府經歷官在軍中凡
十年舉寧陵令未赴丁太夫人憂廬墓三年服
除復授寧陵正大七年朝廷與宋人議和擇可
為行人者仲澤以才選凡再至揚州制司宋人
愛其才有中州豪士之目使還以寧陵課最遷
一官入為尚書省掾三月即授太學助教充樞
欽定四庫全書

中州集

卷六

七

遺處不復能記憶讀之尚可以見斯人胸懷之
彷彿仲澤賴上詩不才被棄翻為福拙計無營
却似高是處青山可埋骨誰家白酒不消
憂夕陽轉屋桂林影急雨
壞橋喧水聲人喜傳之

頴亭

三載西湖阻勝遊頴亭聊喜散羈愁九山西絡煙霞去

欽定四庫全書

中州集

七

一水南吞澗壑流賓主唱酬空翠琰干戈橫絕自滄洲
忽忽匹馬從軍去慙愧烟波萬里鷗

有寄

十年鐵馬暗京華客子飄零處處家征鴈久疎河朔信
所許天下談士三人之一也嘗與予行內鄉山
中馬上賦詩云霜風十月餘千山錦嶂嶧又九

日登頴亭見寄云茫茫裏城野歲晏多風埃野

寄京父

憶昔相從在寢丘城南城北縱歡遊杏花聯句香隨馬

野水添杯浪拍舟邂逅又成三月別飄零合負一春愁
汝陽淮甸經行遍應有新詩為我留

餐秀軒

秋風幾日搖霜樾秋色南山兩奇絕野人牕戶終日開
要看千秋秦嶺雪層崖深谷相吐吞落日白鹿東南奔
野花雙墮古蘭若樓觀縹渺烟霞昏玉山生玉人不識
草木四時空好色輞川舊與藍橋通細水至今流石室
一川黃葉長安秋望望不見令人愁書生不是濟時具

收得閒身成此遊主人開筵留客醉山雨多情濕征袂

明朝騎馬上七盤回首山家但空翠

遊藍田

甲申之秋月建成我行商嶺正落木山英似與行子期
撥霧披雲到山腹古潭千丈照錦峯下有蟄龍上樓鵠

高懷不受簿書侵清賴鷗盟欲重尋老去宦情知我薄
閒來道念見君深對牀夜雨他年夢滿馬西風此日心
嵩頂勝遊誰得共仙聞仙馭待知音未句用古仙人詩語

送裕之還嵩山

便擬買牛耕白鹿

驚見千峰遮木槲南山秀拔北山雄劍戟森然對羣玉
崎嶇直過藍田西始見商山真面目悟真峽口忽中斷

天末脩眉畫濃綠此峽何年得此名曾有金仙構華屋
西巖石室懸細水萬斛瓊珠輸轎谷行人尚說有七盤
瘦馬已愁疲百曲風門放眼望秦川擾擾更嗟塵界跔
去年游騎渡葭蘆萬里橫行如鬼速灞陵原下馬飲血
太華峯頭虎擇肉今年九月未防秋始見登場有新穀
一鞭莫指古招提疎雨有情留客宿主人聞客喜相接
尊酒笑談如昔夙蹇予懶散本真性臨水登山此生足
一行作吏志益違十載從軍雙鬢秃官家後日鑄五兵

古仙人辭今附於此

夢入雲山宮闈幽鶯鶯同侶鴛鳳流桂月竟夜光不
收世俗擾擾成囂秋醉飛星馭鞭金虬八仙浪迹追

真游龜玉峯蹄二十秋摩霄注壑須人求覓劍如或笑刻舟陽燧非無角綺儔元鼎以來虛崑丘東井徒勞冠帶脩松浪竹飲度蜃樓崧頂坐嘯垂直釣祇應

慙愧劉幽州

知音者無
惜留跡

興定庚辰夏六月望予與元好問趙郡李獻能同游玉華谷又將歷崧前諸刹因憩於少姨廟元周行廊廡得古仙人詞於壁間然其首章直屋漏雨為所漫剥殆不可辨乃磴木石而上拂拭汎滌追視者久之始可完讀觀其體則柏梁事則終始二漢字畫在鍾王之間東井又元鼎所都幽州必賢宗子虞也夫眷眷不忘幽州者非吾田疇尚誰歟田復所事之饑却曹瞞之賞衰俗波蕩中挺挺有烈丈夫風氣其死而不忘蓋無疑其能道此語亦無疑觀者不應以文體古今之變而疑仙語也噫仙山靈岳宜有閑衍博大之真人往來乎其間而世人莫之識也予

欽定四庫全書

中州集
卷六

卷九

欽定四庫全書

中州集
卷六

卷九

霜落豐山白水收歲華全在竹園頭賦詩鞍馬慙真賞載酒林泉阻勝遊野色自隨人意遠夕陽應為鳥聲留仙源回首旌旗隔一笛西風喚客愁

丹霞下寺土人以竹園頭名之

驛口橋看白蓮

三人者乃今見之夫豈偶然哉再拜留跡以附知音者末渾源雷淵題此詩為仙語無疑然直謂田疇則似亦未安屏山李純甫題遊丹霞下院同裕之鼎玉分得留字

謂田疇則似亦未安屏山李純甫題

遊丹霞下院同裕之鼎玉分得留字

穀雨連朝沒麥場官糧未入長官忙階庭有雨青蛙鬧牢戶無人白日長

三門津

層崖摩蒼穹四月號陰風大河三門險神禹萬世功他

山亦崔嵬砥柱獨尊雄雷霆日鬪擊悍暴愁天公劉侯
智有餘始令舟楫通仍餘石上穴飛棧曾連空遙瞻白
玉枝挺植丹灶中仙公去不返此事真冥濛夫人與鼓
崖怪幻尤難窮獨喜兵火餘巋然出新宮當時疏鑿意
四海要會同誰知千歲後築壘防嘯羌詩成一大笑浩
浩洪波東

被檄再至揚州制司驛亭有題詩譏予和事不成
者云來往二年無一事青山也解笑行人因為

二年奔走道途間知被青山笑往還只向江南南岸老
行人應更笑青山

冀都事禹錫二首

禹錫字京父龍山人崇慶二年進士調沉丘簿
與縣令者不相能及令以賊敗疑京父發之乃
賂遺權貴誣京父以賓客依託之事坐廢十年

朝臣薦其才者積十數人終為銓曹所礙居裏

邑部使者起之攝旁近諸縣所至有父母之愛
農司治許昌又為主事區處餽餉上下千餘里
不露聲迹而條畫次第皆具雖鱗雜米鹽若不

足經意者問之即應如指掌一時吏如康伯
祿李欽止諸人多自以為不及也正大中當路

諸公極力辨其被誣乃得以常調守扶風丞召

補省掾不就歸德奏充知事及城被攻京父為
經歷官守禦之策一府倚重之車駕至授左右

司都事兼應奉翰林文字官奴之變家人勸京
父贏服免禍不從人有自外至者京父問賊入
禁中否曰禁中賊滿矣乃自投水在京師時
希顏仲澤欽叔京父相得甚歡升堂拜親有昆
弟之義而不肖徒以文字之故得幸諸公間希
長子六歲澤長四歲欽與京少子二歲希沒於
正大辛卯之八月年四十八澤沒於明年之七

月年四十七欽沒於其年十一月年四十一歲

京沒於又明年之三月年四十二蓋不二三年

而五人者惟不肖在耳今日錄諸君子詩感念
平昔不覺流涕之被面也


僧房

上方樓觀衲衣寒霜後川原眼界寬我是禪房未歸客
阿師休作長官看

贈雷御史兼及松庵馮丈

平生疾惡如風手力振臺綱事所難人道千鈞羞射鼠
欽定四庫全書

我怜衆煦解漂山明時士論知無負晚歲交盟豈易寒
見說嵩前茹芝老白雲倚杖待君還



總校官庶吉士臣侍朝
校對官庶吉士臣陳文樞
謄錄監生臣周熾



欽定四庫全書薈要

集部

中州集卷七

欽定四庫全書薈要卷二萬八十集部

中州集卷七 庚集

金元好問輯

蘭泉先生張建

二十三首



建字吉甫蒲城人明昌初舉才行授絳州教官
召為宮教應奉翰林文字以老乞身道陵愛其
淳素不欲令去左右眷眷久之超同知華州防
禦使事仍賜詩有從今畫錦蓮峰下三樂休誇

欽定四庫全書

中州集

詳校官候選知縣吳旬華

榮啓期之句士林榮之吉甫自號蘭泉老人有
集行於世其論詩云作詩不論長篇短韻須要
詞理具足不欠不餘如荷上洒水散為露珠大
者如豆小者如粟細者如塵一看之無不圓
成始為盡善吉甫詩雖不能盡如所言然亦未
為無所得也

擬古十首

飛雲何冉冉高與日月齊中有兩仙人盛服持玉圭我

欲從之游天險不可躋邀焉望不及短日西山西

又

客從岳頂來貽我松粉黃為言服之久身輕欲飛翔我嘗淡無味我嗅寂無香還君三太息世好方膏梁

枯桑依頽垣摧折生理微剥我枝間葉備君身上衣葉盡誰復顧棲鳥亦來稀君看牡丹叢日日笙歌園

又

欽定四庫全書

中州集
卷七

莽莽嶧山桐一樹十二枝枝分十二律所指各不移胡為師襄子獨謂東南奇一律不可闕一枝不可遺誰能

又

欽定四庫全書

中州集
卷七

以此意說似典樂夔

又

美人何熒熒顏若苕之英絕世而獨立一顧傾人城三

星正當戶俟我亦在庭之子無良媒不敢犯露行

又

石泉何清冷中有九節蒲蒲性本孤潔不受滓穢汙一移入城市生意寄泥淤翠榮日焦卷不霜而自枯寄言

守靜者勿涉奔競途

又

庭前蘭蕙窠三年種不成門外旱蒺藜一日還自生第

山中

恐傷我足鋤去根與萌如何一雨後走蔓復縱橫

又

有客曳長裾袖刺謁高閣低頭拜閣者始得通姓名主人果厚眷開宴海陸并顧必承彼顏語必順彼情不如茅簷下飽我藜藿羹

林櫻躡紅珠打著琴上絃山人時一笑愛此聲琅然

韓信廟

一檄風馳萬壘降當時意趣已難量既能歸漢識真主
何必下齊求假王將幄深嚴巖樹碧門旌搖曳嶺雲黃
我詩責備春秋法勝把君侯美處揚

送張子玉

渭水玻璃碧泰山劍戟明秋光如我瘦行色與君清蟬
嚦西風柳鴉翻落日城歸舟幸無物且莫苦貪程

欽定四庫全書

中州集

四

梨花

蠹樹枝高出朵稠嫩色開破雪搓綵碎粘粉紫鬚齊吐
潤卷丹黃葉半抽月影曉窓留好夢雨聲深院鎖清愁

瓊胞已實香猶在散入長安賣酒樓

長安酒家
有梨花樓

答華陰宋先覺

雲臺清進憶當年詩筆逢君厭老拳後會邈如千里遠

壯懷不似十年前風帘搖曳橋南酒烟樹溟濛渭北天

咫尺靈山飛不到夢魂長遠玉峰蓮

送賀彥淳還南邠

玉峰明滅暮雲邊默計歸程約半千裡負尚怜靈照幼
家貧賴有孟光賢臨岐淚眼三年別夾路風槐六月天
佇立望君西去遠夕陽村落起孤烟

山村風雨圖

雨昏山店望未見風緊傘簷張不開莫訝披圖便成句
為曾行到此中來

吉甫又嘗有詩云風卷旱塵攏馬過
與山村風雨詩相侶今附于此

雲移涼影趁人行其寫目前之景甚

賦胡直之溪橋蓮塘二首

漁父詞體

溪橋脚下水平分橋柱萍粘浪打痕天向晚日攬昏雨
簇青烟斷逕村

又

拂拂輕風漾翠瀾粉煤新撲小荷盤塘水漲岸痕漫草

閣臨流五月寒

雜詩二首

瓦餅擔山泉石鼎煮巖菊燎以松桂枝清芬滿茅屋

又

踏雪尋梅花雪梅同一色不是暗香來梅花尋不得

俊師定庵

渟泓石上泉照我良是我輕風一蕩激真態互掀簾乃
知求慧性非戒定未可道人此名庵千劫付一坐海月
自澄明天花任飛妥吾生劇萍梗萬里信漂墮湛然摩
尼珠坐受昏塵裹何時陪遠公同社事香火

送王主簿還鄉

欽定四庫全書

中州集

六

笑君習氣只書生薄有歸襄亦自清瘦僕擔詩雙籠重
羸牛引轍一車輕長亭已過那知遠別酒猶多未忍傾
記取明年斷腸處玉梨花底月三更

張瓊一首

瓊字器之河中人才氣超邁時輩少見其比年
未二十以鄉試魁陝西河東不幸早世張吉甫
弔之云惜哉器之真丈夫少年讀徧天下書一
事不成死於途苗而不秀有矣夫秀而不實有

矣夫其為名流所嗟惜如此

游棲巖寺

林表招人白塔明竹間蘭芷石泉清惠崇水墨西軒景
烟帶平蕪水帶城

毛宮教麾七首

麾字牧達平陽人大定十六年舉學行特賜進
士出身授校書郎入教宮授歷太常博士終于
同知沁州軍州事有平水集行于世

無題

欽定四庫全書

中州集

七

小顰對起石州山楊柳分青入髻鬟乍識春風眼如鶻
為誰無語獨凭闌

游河西孫氏園

亭榭依山水亂鳴已如卷畫障中行照溪芳樹紅雲合
迎客幽禽翠羽輕豪氣未饒金谷友醉嵬如到錦官城
猶慙歸騎忽忽去不得持杯待月明

魏城馬南瑞以異香見貽且索詩為賦二首

梅心蘭甲類元同氣壓苟家百和功借潤更煩纖手玉
出雲初試博山銅崇朝日下亭亭蓋三月花間細細風
我有因緣在杳火鼻端消息為君通

又

二卉真香豈復加便宜編譜入雄誇留殘一點薔薇水
幻出諸天簷菊花佩帶正垂金鉢小薰爐孤起翠雲綵
金籠甲帳豪華事慙愧桑樞碧牖家

新春雪與韓府推

欽定四庫全書

中州集

八

春到午門氣自嘉更教飛雪助年華六街官柳枝枝繁
一夜江梅樹樹花況是縱吟多伴侣直須爛醉作生涯
帰庭迎客東風裏幕府風流有故家

和思達兄杏花

碎剪明霞役化工曉園香散暖烟中羞逢柳眼三眠白
分得桃腮一笑紅上苑繁華迷故國曲江顚願老春風
欲傳此恨花無語強對芳時作醉翁

春賞

潤入梅天雨乍晴喚回春意有新驚雲霞照眼青山近
羅綺吹香白畫明翠勺銀釿沽酒市暖風遲日賣花聲
人人共喜華胥世何用鼈頭羨錦城

朱宮教瀾 三首

瀾字巨觀霖堂先生之子學問該洽能世其家

大定二十八年進士時年已六十意氣不少衰
歷諸王文學應奉翰林文字終於待制党趙推
挽之力為多以嘗入教宮授故集中多宮詞

欽定四庫全書

中州集

九

寒食不出

地偏無客過吾廬寒食清明入燕居驥子捧甌仍臘茗
孟光舉榼只春蔬蠅沾香篆渾傷字蜂蹙瓶花半隋書
習氣未除還自笑却將佳節付三餘

黃筌雀蝶

飢雀喧爭蛱蝶孤錦官城闕見丘墟老筌妙意誰知解
丹粉圖中有諫書

宮詞

太一芙蓉上下天秋波澹澹白生烟採蓮宮女分花了
笑把蘭篙學刺船

姑汾漫士王琢

六首

琢字器之平陽人與毛牧達同時相友善天性
孝友為鄉里所稱酷嗜讀書往往手自抄寫家
素貧乏而能以剛介自持未嘗有所丐貸時命

不偶年四十以病卒士論惜之有姑汾漫士
集行于世所著中聖人賦今世少有能到者詩

好押強韻務以馳騁為工七月十五夜看月云

座樹有驚鵠悄鄰無吠厖對雨云春雨薄如夢

曉雲間似愁秋霖云窓寒知氣重人靜覺泥深

驟雨云電黑撒冰彈電光飛火繩春陰云庭澑
梨花月樓寒燕子風久雨云練挂遮簷直麻懸

到地齊此類甚多

元夜雪

寶燈樓閣澹連雲轉助俄驚移玉塵遊伎行歌俱失意

蔬畦麥壠自知春良宵不肯平平過造物應誨著著新
獨有中天端正月一尊梅影屬閒人

和張仲宗雪詩不用體物諸字

天人應十歲出此當佳占舞巧穿幽隙堆寒壓短檐閒
門誰擁舊醉館自開簾比興非無物詩人正避嫌

同漕使趙中憲對雪

投隙穿窓苦見侵向無湘耐若為禁花多不入貧家眼
歲好方知造化心躍馬共思追免跡抱戈誰與置羊斟

新詩與雪爭奇峭擁褐空齋得細吟

又一詩南華夢好初乘蝶闌苑春間

又落花似勝前詩恨
終篇不能完好耳

癸酉歲大熱

似動不動雲蒸空欲雨未雨天無風時時日脚蹴雲破
一射萬土紅爐中纖縫挂體劇重鎧大屋僅可為樊籠
積冰為丘坐自潰輕箋況得微涼通山林亦聞有喝死
城市偏側宜無容吾生于熱亦屢度此熱盡可并前鎔

雖然一氣播常令頹作駭異疑非公曾聞天南有祝融

出入毒霧騎雙龍自從男去昧神怪無乃煽處行心胸
手搖斗柄酌炎海力逐熛怒乘離宮喜為鬱蒸怒為火
流燦金石乾河洪熾昌自欲弄朱夏驕蹇未肯官炎農
霞烟灼灼燥昏曉鳥獸喘喘茫西東此而不制滿三伏
遂恐百物隨枯蓬太白之兵攢萬峰銀河之浪滔無窮
可洗虐焰夷姦凶我欲呼憇煩神功耽耽九席天闢重
辛未九月二十一日雪

樂日西郊霧連宵北牖風菊花猶汎酒雪片忽填空草

樹秋容失河關曉氣濛聽初疑落葉仰不辨高鴻爛熳
三冬意憑陵百圓功披裘赴鷄黍埽徑惜籬叢豈料玄
英巧來爭白帝雄剪裁渾草草飛舞太忽忽祗作千時
令非關兆歲豐冬雷恆相似春雹冷應同安得蛟龍藝
何由翳靄通日華升赤壁天色湛青銅尚有登臨興寧
無賦詠工烟霞狂醉嘯一發醉顏紅

雨夕感寓

漠漠初燈後森森細點飄繁聲入遙夜冷簾悵秋宵起

呂中孚

九首

中孚字信臣冀州南宮人孝友純至迄今為鄉

欲吟相和吁無客可招何曾洗兵馬但覺漏薪莽雷電
初無預炎蒸遂不驕瀉檐鏘未歇欹枕兀無聊澗已山
輸潦堤應水沒橋長林倦今夕孤鳥憾驚條似我纏憂
戚因貧躊寂寥避人猶虺蜴擇宿等鷁鷀共世難曹禍
無才匹管蕭苦心還自笑末俗本多囂未老愁摧鬢長
飢帶臙腰牀寒少陵被飲陋子淵瓢射策初游漢潛山
敢傲充鹽車竟垂耳風鷁忌千霄一室元空埽千鍾豈
易要芳蘭逼憔悴尺鷁失逍遙字對諸生識詩煩眾手
羈搜求勞腎胃憂擊謝咸韶舊弄新絃掩窮途拙目搖
爭為壯夫寡只使古風澆血指甘時巧包羞愴道消優
游能卒歲三四儘論朝故慢幽霖透長檠暗燼絕不辭
墻出菌黨見穀抽苗廢飲食夫腹翻騰樂歲謠晴樓交
燕雀涼樹沸蟬蜩坐快虹蜺出愛無萍梗漂浩歌彌激
烈興在海門潮

人所稱累舉不第以詩文自娛有清漳集行于世其賦紅葉云張園多古木蕭寺半斜陽先君子甚愛之

小景

青蕪平野四圍山山郭依依紫翠間村遠路長人去少

一竿斜日酒旗閒

春月

柳塘漠漠暗啼鴉一鏡晴飛玉有華好是夜闌人不寐

半庭寒影在梨花

水聲

長陂千頃碧淙淙浪卷秋風過石矼記得夜來愁聽處

一燈明滅照寒窓

雪

隨風拂拂玉花飄入夜寒窓更寂寥爐火已殘燈未燼

一簾疎竹白蕭蕭

送李嘉甫信都令耘甫之弟

溪水碧於草溪邊送客行寫詩傳別意把酒聽歌聲去路青天遠歸心白羽輕尊前折楊柳一是離情寫懷

秦川西去遠不意過漳川歸夢三千里羈愁二十年謀

生空白髮行路若青天餘事休相問相留只醉眠

梨花

等待清明得得芳團枝晴雪暖生香洗粧自有風流態

却笑紅深睡海棠

集句

騷人吟罷起鄉愁百感中來不自由一種人間太平日

滿衣塵土避公侯

柳

風外絲絲農綠烟輕花初破不成綿却嫌官路逢寒食

惱亂離愁似去年

王元節 三首

元節字子元弘州人祖山甫遼戶部侍郎父詡

海陵朝左司員外郎子元壻於南山翁傳其賦

學第進士雅尚氣節不能從俗俯仰故仕不達

既罷密州觀察判官即閒居鄉里以詩酒自娛

號遜齋老人年五十餘卒弟元德亦第進士有

能名於時終於南京路提刑使

青塚

環珮魂歸青塚月琵琶聲斷黑山秋漢家多少征西將

泉下相逢也合羞

欽定四庫全書

中州集
卷七

與党世傑軍判丁亭會飲

望斷西州萬里家又將新火試新茶青油幕下成何事

兩見常山山杏花

古鎮道中

秀拔諸峯鎮海璇海天水氣兩昏昏鷗飛翠竹白沙地

人宿黃魚紫蟹村向背雲山行處路淺深潮浦漲來痕

同游幸有能詩客不倦躋攀到石門

李端甫 一首

端甫字濟夫同州人第進士及王內榜仕為平

三

人榜

仕為平

定州軍事判官工于詩有虎迹未乾溪水近樵

聲相答嶺雲深之句子寶字師白死於壬辰之

亂

太白扇頭

巖冰澗雪謫仙才碧海騎鯨望不回今日霜純見遺像

飄然疑自月中來

楊澤州庭秀 二首

欽定四庫全書

中州集
卷七

庭秀字德懋華州人大定中進士學詩於蘭泉

張吉甫有渴心晚夢江湖濶醉眼春風草木低
之句泰和三年刺澤州致仕後閒居鄉里坐為

楊珪詐誤被法士論冤惜之

成臯道中

瘦馬成臯道阻長崢嶸冰雪老年光丸闕欲上虎豹怒
三逕未歸松菊荒蒿少雲烟聊駐馬漢唐宮殿兩亡羊

鄭南嶺下梅花發千里相思空斷腸

李簡之蓮池集句

一月衰顏樂笑開生前相遇且銜杯蓮塘十里花如錦
有底忙時不肯來

孫省元鎮 一首

鎮字安常絳州人高才博學嘗中省試魁承安
二年五赴廷試賜第以陝令致仕年八十四卒

有注東坡樂府歷代登科記行於世弟寧州刺

史鑄字安世潘原令鉉字安道同榜擢第鄉人

欽定四庫全書

中州集

十六

榮之號三桂孫氏安常孫詵思美軍府叅佐安
世孫處謙志全安道孫蔚今俱在

許氏雙桂堂

許家二桂聯翩秀孫氏三枝次第春盛事若將相比並

輸君堂上拜雙親

張著 二首

著字仲揚永安人泰和五年以詩名召見應制

稱旨特恩授監御府詩畫

九日

雨沐天容霽欲流好山誇翠出牆頭黃花憔悴東籬晚
一段陶家冷淡秋

雨後

西風無意嬾纖雲埽盡千峰雨脚痕一片秋光清似水
家家空翠滿柴門

景覃 一首

覃字伯仁華陰人年十八有賦聲太定初三赴

欽定四庫全書

中州集

十九

廉試後以病不就舉博極群書有舉問者立誦
數百言不休又從而講說之為人誠實樂易不

脩威儀隱居西陽里以種樹為業落托嗜酒醉

則浩歌日以為常作詩有功樂府亦可傳予同年
進士王元禮嘗從之學說伯仁老不廢書有

勸以養目力者曰吾輩非讀書則無所用心要

當死而後已耳晚年於易有所得年七十終于

家自號渭濱野叟有集傳閩中

感事

蘭芳切禁當門種李苦何傷並道生自古英雄足猜忌
莫教身外有浮名

段繼昌

五首

繼昌字子新白水人自號適安居士喜作詩與
華陰景伯仁相友善家甚貧而世間事皆不以
挂口有以錢遺之者必盡送酒家名酒曰黃嬌
蓋關中人謂兒女為阿嬌子新以酒比之故云

一日天若寒人有遺之酒者飲不盡而醉夜半

忽驚起以衣衾覆酒缸僵卧榻上人為言酒自
不冰先生將不為寒所病乎予新笑曰人病尚
可酒病不可療也其好飲如此臨終辭鄉里託
以他適明日卧於党氏園亭大石上視之已逝
矣伯仁弔之云適安居士舊知聞廓達靈根厭

世紛辭罷親朋便歸去一籌今日又輸君

梨花

一林輕素媚春光透骨濃薰百和香消得太真吹玉笛

小庭人散月如霜

一溪

一溪流水走青蛇春在江邊漁父家竹外寒梅看欲盡
清香移入小桃花

春早二首

魚兒水汎鴨頭綠野馬塵飛羊角風西崦山家籬落背
杏梢初見一分紅

又

斷冰銷盡荻芽尖凍壠蘇來白薺添幾片野雲飛不去
晚風吹作雨纖纖

讀紀信傳

鹿走中原兩虎爭榮陽園解事堪驚當時拔劍論功者
矢口何人說紀生

岳行甫

二首

行甫字仁老鄜州洛川人在關中最有詩名泰

和初有以仁老時病詩達之道陵者道陵大加賞異授以官不就士論高之舊所傳沾泥柳絮燕術去鎖月梨花鶯喚開本前人詩又苦無佳致世俗識真者少悞謂仁老所作乃閨傳之曾見仁老詩百餘篇佳句甚多續當就秦中好事家搜訪之

謝人惠二小漆冠

欽定四庫全書 中州集 卷七 二三 规製新翻出杜郎最宜閨子夜燒香不爭寶髻我宮樣

自與霓裳配道乘細攏翠鬟雲易滿淺衝牙櫛月難藏水衡雙寄非無意要買楊枝惱孟光

立春日

銀線青絲翠碗堆爭牛擊鼓欲驚雷翻風鬪巧春頭勝

灑雪浮香鴈尾盃迎暖稍稍金著柳逗寒葉葉粉飄梅不成一事人空老半百光陰又七迴

迂齋先生周馳 二首

馳字仲才濟南人經學出於醇德先生王廣道

賦學出於泰山李時亨至於黨趙又其忘年友

也資性古雅而以襟量見稱大定中住太學屋

以榮論魁天下私試亦頻中監元家素饒財鄉人強以子弟從之學所得束脩皆散諸生之貧者貞祐之兵濟南陷不肯降搗二孫赴井死鄉

人葬之宅後之壽樂堂遼東人吳子英嘗從仲才學能記其所著亞父撞玉斗賦及他文數篇

著詩 章廟御題 限紅字韻

欽定四庫全書 中州集 卷七 二三

矢束形何短籌分色盡紅駢頭斯効力失偶竟何功比
穀築孟側經營指掌中蒸豚挑項鬻湯餅拌油葱正使

遭讒口何嘗廢直躬上前如許借猶足沃淵衷

鼓子

私益反
支起也

勿以微才棄安危任不輕誰怜一片小能使四方平凡

案由吾正築孟免爾傾何當遇夷坦沈默更何營

此詩仲才詩意相近姑附於此以俟更攷

劉太常鐸 七首

鐸字文仲冀州叢強人承安五年進士元光二

年入為太常博士正大初改兵部員外郎以武

昌軍節度副使致仕癸巳歲病歿于京師自號

柳溪先生有集傳于家武成王著作序言文仲
誠實少許可不徇流俗不慕榮利益實錄云子
敏中字庭幹亦學詩今居洛中

三陽述懷

欽定四庫全書

中州集

卷七

蟻穴吾猶夢蝸廬此僅容一川青靄合半嶺白雲封地
僻宜藏拙官閒足養慵只慙無補報潦倒不歸農

即事亦在三陽時作

地與中州迥民餘上古淳陘長深東渭路險曲通秦烟
柳千家曉風花百里春一官如自擇閒處著閒身

澠池驛舍用苑極之郎中韻

慣從鞍馬作生涯宿處依依認是家爐火相看衣袖暖
盤飧未辦驛厨諱淹留歲月頭如雪汨沒風塵眼更花

永夜如何得消遣新詩吟罷自煎茶

春日

翠微深處幾人家風颶輕烟雨壓沙寒勒野桃開較晚
向陽纔有兩三花

所見

綸竿老子綠蓑衣細雨斜風一釣磯正是鄰家社醅熟
柳條穿得錦鱗歸

讀李訓鄭注傳二首

欽定四庫全書

中州集

卷七

誰教閻宦作權臣肅代優游到敬文三子謀疎誰不道
泄機也合罪劉蕡

又

綦醫入侍本防猜偶失機權亦可哀陳竇至今佳傳在
莫從成敗論人材

李扶風節二首

節字正臣涇州人呂造嫡進士以詩名關中資
性滑稽談笑有味而臨事以幹局稱歷威戎扶

風令初名守節哀宗即位去守字哀宗知其名
謂侍臣言吾不欲人避上一字李守節何故避
之良久曰臣子敬君避之亦可正臣有詩云棓
頭打出和糴米丁口簽來自願軍讀之則時政
可知矣

漁父

舉世從誰話獨醒短蓑輕箬寄餘生半篙春水世塵遠

一笛晚風山雨晴稚乳滿船生事簡魚蝦到市利源輕

有感

旁人莫怪機心少曾與滄洲白鳥盟

風過處萬盤珠落雨來時此類甚多少宣長於
尺牘落筆皆有可觀其樂府如莫鵝庭院春陰
淡之句尤可喜也

讀張仲揚詩因題其上

堆金齊斗買天亡春風草滿藏書壁落日孤鳴打麥場

惆悵賢郎一丘土過車腹痛獨難忘

劉勲 一十三首

勲字少宣本出洛陽元魏遷洛陽二十萬家實

雲中故其父祖而上為雲中人至少宣客居濟

南樂其風土遂占籍焉少日住太學與兄燕庭
老俱有聲場屋間南渡後專於詩學往往為人
所傳其先世本衣冠家風流蘊藉都無科舉氣
見于文字者亦然嘗有詩云萬里風沙怜病客

幾年刀斗厭寒更人憐直道違時好自喜閒身

與世疎擊筑漫流燕客淚佩蘭誰識楚臣心濟
南云牛風襟袖知秋早甲夜闌干得月多又云
船行著色屏風裏人在回文錦字中百和薰香

將軍馬躍五過鼓客子車行三唱雞白髮書生無伎倆

偶作

不須多示鄭參軍

布衣一日見明君俄有詩名四海聞楓落吳江真好句

滿窓紅日醉如泥

杜善甫乞炭

筆口酸嘶解說窮寒、爐隨手變春紅。因君大笑涪翁拙。

費盡奇香得馬通

呈呂陳州唐卿

警盜何煩鼓夜撻麗蕉清晝卷高牙春回和氣一千里

雪與豐年十萬家逋賦稍寬新得帖單書不至早休衙

新年載酒須行樂次第東風遶郡花

欽定四庫全書

中州集

三六

秋涼

桃笙乘勢獻微涼紈扇無功送暑光老病不嫌風露冷

莫教添作鬢邊霜

愛詩李道人嵩陽歸隱圖

脫却儒冠已自閒更令家事勿相關百錢便挂青藜杖

不看先生紙上山

元夜陰晦

逐逐雕鞍趁畫輪年芳樂事一番新芙蓉城暖東風夜

楊柳樓深笑語春雨鬢愁添新白雪十年夢到軟紅塵

空庭不見梅花月寂莫春陰最惱人

傷曹吉甫之死

官職雖低首不低爭教有志竟空齋向人指畫將何語

卧醉糊塗不解題小女遠床猶戲劇老兵伏地亦悲啼

春風繫馬庭前樹只想東齋醉似泥

同趙宜之賦梨花月

雪樹生香淡月邊相媒相合鬪清妍空庭冷落秋千影

欽定四庫全書

中州集

三九

虛度良宵亦可怜

不寐

酩奴作祟攬秋眠追咎前非四十年一夜蟲聲相計會

併催白髮到愁邊

戲鄭秀才

張老豆新頻見餉鄭家米鑿不須賒客米粥熟吾能辦

要與齊奴鬪咄嗟

春日

粉蝶耽香夢正迷黃蜂和蜜計何處小軒無事誰如我

卧看楊花點硯池

答仲和

此身安處苦難尋常羨歸鵠易滿林望遠真成廣武歎
得書空作洛生吟逢人放適村村酒感物悲哀歲歲心
想得濟南花正好抱城春水一篙深

李澥 四首

澥字公渡相人少從王內翰子端學詩能行書

欽定四庫全書

中州集

三十一

工畫山水就所長論之詩為長性寬緩笑談有
味居京師十五年日游貴人之門所至以上客
延之善處世不為人所忌嫉雅有前輩典刑累
舉不第年六十餘卒於通許陳留之間

漫書

胸懷平日窓八達伎倆只今龜六藏唯有閒情如老菊
寒花自信晚來香

二老雪行圖

雪明萬仞鄴西山杖屢平生幾往還滿眼京塵空對畫
何時真似兩翁閒

秘書張監墨梅圖

人

張南

眼中只有梅千樹不挂世間蜂蝶花十載江南春夢斷
至今清影在君家

燈下梅影

丁夜坐眼如魚老矣而今不讀書牆角短檠還有用

瓦瓶相對一枝疎

欽定四庫全書

中州集

三十一

秦畧 一十三首

畧字簡夫陵川人父事軻有詩名工作大字簡
夫少舉進士不中即以詩為業詩尚雕刻而不
欲見斧鑿痕故頗有自得之趣悼亡一詩高出
時輩殆荆公所謂看似尋常最奇崛成如容易

却艱難者耶年六十七卒臨終留詩云軀殼羈
棲宅兒孫遡返恩雲山最佳處隨意著詩鬼簡
夫自號西溪老人有集行於世子彥容為黃冠

師今在平陽

拳秀峰

平滑石之俗其俗資磨礱磊醜石之秀其秀在醜中正
如古丈夫貌寢氣質雄又如聖人心孔竅虛明通大都
一拳許含蓄華與高大巧本若拙足見造化功好處元
更多摹寫不易工君其善調護抵擊防兒童

雪行

匹馬東來冰雪天蒼山手冷墮吟鞭烟中驛鶯聞雞犬

欽定四庫全書

中州集

三

不覺人家到眼前

鳥影過寒塘

著眼分明莫作疑從來形影本同歸不應水底青天上

更有飛禽仰面飛

悼亡

自古生離足感傷爭教死別便相忘荒陂何處墳三尺
老眼他鄉淚數行多事春風吹夢散無情寒月照更長

還家恰是新寒節忽見堂空紙挂牆

元日

新歷從頭數殘冬與我違不知垂老至但覺拜人稀汲
水泥融井看書暖入樽淺情牆外柳新綠已依依

贈趙宜之

年時見君行路難喜於長安新得官日來見君鄰婦哭
驚似藍田尋得玉愛官愛玉樂有涯愛君之詩無盡期
古人骨冷不復作主張騷雅非君誰

白髮

欽定四庫全書

中州集

三

臨水時自照照我須與眉須眉何所似恰似純白絲從
茲一白後寧有再黑時譬如花落地不復還故枝殷勤
語須眉聽我自解詩幼小癡讀書既壯多憂思自苦有
冰簾自潤無膏脂勞生到今日汝白將何辭

同希顏裕之賦樂真竹拂子

覓箇龜毛抵死難直教擊碎釣魚竿世人不用生分別
信手拈來總一般

少室山卓劍峯

神威洗盡世間讐電歌雷間怒氣收一柄太阿留少室

却擎空掌華山頭

此身

此身日日一簞貧。貧裏留殘自在身。獨把筇枝行又立。

東風花柳不嗔人

殺靡靡上黨公府作

殺靡靡青割。將來強半粃。急忙畚米送官倉。只恐秋風

馬塵起。官倉遠在蕎麥山。南梯直上青雲間。梯危一上

八九里之字百折縈迴環。憑誰說向監倉使。斛面莫教

高一指。請君沿路看。擔夫汗顆多於所擔米。

麝香

山麝逃風遠。谷藏一山行。過四山。香臍堂。自養千鈞弩。

枉怨虞人鼻孔長

趙洛道中

柔青初散隴。頭桑村落人家布。穀忙一段蕪菁潭。著角

葉間猶有葵花黃

張瑤二首

瑤字子玉。河中人。父鉉字鼎臣。大定中第進士

仕至同知定國節度使。事子玉刻意於詩五言

其所長也。如初至華下云。老雨梧桐夜。孤燈蠅

蟀。秋客同州云。秋風留客館。夜雨借僧韻。詩人

喜稱道之。至有張五字之目。集號韋齋。

移河中

畔戰連年廢。吾知有此行。條山猶在眼。渭水若為情。

飽肉豺狼喜。傾巢燕雀驚。西樓今夜月。愁絕是空城。

秋夜

人與年華老。愁兼節物雙。高風梧墮砌。久雨竹侵窓。客

簾悲秋卧。僧鐘數夜撞。更堪衰鬢影蕭颯。照寒缸。

馬編脩天來一首

天來字雲章。人止謂之元章。介休人。黃裳榜經

義進士博學多技能。畫入神品。百年以來無出其右者。屏山常言天下辯士有三王仲澤馬元

章純甫其一也元章住太學十九年貧苦之極

人所不能堪然其談笑自若也大安初調潁州

司候靈壁簿召為國史院編脩官正大九年病

歿於京師年六十一劉紹宣有贈詩云波瀾口

頰談玄駛土木形骸與世違疇昔麻鞋見天子

只今道服勝朝衣蓋實錄也元章多作詩欲別

出盧仝馬異之外又多用俳體作譏刺語如云

木偶衣冠休嚇我瓦伶口頰欲謾誰嗑骨取肥

屠肆狗哺糟得醉酒家猪如此之類不得不謂之之中和之氣至其賦丹霞下寺竹云人天解種不秋草欲界獨為無色花雪云夜來窓外渾疑月今日墻頭不見山未云先生睡起騎驢看太素一游非世間龍門云白含雲寶雪青補石

門天則知詩者亦當以功捨過耳

山中

青林寂寂鳥闊闊畫出風烟落照間脫却草鞋臨水坐

野雲分我一邊閒

張內翰本
一十首

本字敏之觀津人貞祐二年進士工於大篆及

八分四十歲後學詩詩殊有古意正大九年以

翰林學士從曹王出質客居燕京長春宮將十

年後游濟南病卒

得王子正書

晨鵠何處來飛鳴向前除故人在天涯遺我尺素書為

言長相思夢寐同所居所居亦靡他上論揖讓初覺來獨愴然淡月留太虛塞予臨末路世味皆泊如一學未敢輒尚念客氣粗切磋與琢磨政恐朋友疎自從吾子東門乏長者車發揮天人與大辯孰起予丹陽何高明吾子昔所廬南軒拂翠筠北潭照紅蕖蝗害非不虐子食豈無餘潔江固自佳何堪曳長裾春風旦夕至歸哉

莫踟蹰

寄弟

離離丘壠田彎彎霜露思相隔二十年旦莫一何悲中

途涉萬里天幸復來歸燕安此懷居愧彼神與祇叔兮
孝且友見義能不疑上念先塋亦閔乃兄廢護喪營
大墓勤苦我所知昨朝尺書來殷勤咸及茲燈下展轉
讀涕淚沾裳衣父祔失臨穴子焉庸我為我非羽毛寄
飽食冥然飛田居有素懷行當事奮蓄與子奉遺祀沒
身以為期

梁都運斗南新居落成

欽定四庫全書

中州集

卷八

購材燕市中作室何翹翹老手為拮据百日不敢驕室
成僅容膝勃谿益無聊云胡寫予懷惟是風雨宵先生
名大夫繡衣華四朝楓堂接桂室燕處俱逍遙新築誠
瑣兮貧飲稱一瓢居之不自陋無乃壯志消孰知君子
心一念恒萬朝滔滔寧我盈凜凜不我凋處樂及處約
所以長嘯囂里社來落成賤子亦見招槃餐無兼味至
樂等聞韶我獨何人斯永惟德音昭日居及月諸維此
心搖搖

中秋雨夕呈君美

怪得秋雲不宵晴天公為惜此杯傾無邊清景闌人意
多事西風送雨聲桂樹婆娑喜勝賞桐枝點滴厭殘更
殷勤朝鏡休重攬白髮星星又幾莖

九日月中對菊同禧伯郎中賦六首

花上清光花下陰素娥惜此萬黃金一杯寒露三更後
誰信幽人更苦心

又

欽定四庫全書

中州集

卷七

九日餘香伴月明一觴亦足暢幽情青樓夜半琵琶語
不說人間有此清

又

子山牢落去江南賦主悲哀尚一堪只恐秋天聞亦苦
併催紅雨下霜嚴庚信哀江南賦
惟以悲哀為主

病鬼招得未潭全暝倚秋屏豈是禪一夢忽成霜蝶去
草深三逕若為眠

又

鬼化斯文念賈生精神瑣琢坐寒更一書草就渾衣
恨殺東方不肯明

又

龍山戲馬賞秋光多少新詩入錦囊磨滅英雄豈勝數
千年依舊一花香

申編脩萬全二首

萬全字百勝高平人兄無夷字百福崇慶二年

欽定四庫全書

中州集

四

進士百勝少有聲太學中貞祐二年乙科調福
昌簿不赴隱居盧氏山中以讀書為業作詩有
靜功然不多見也正大中召為史館編脩從行
省慶山南征道中有詩云回首秋風謝敝廬崎
嶇又復逐戎車人生行止元無定一葦江湖縱
所如不數日溺水死人以為識云

病中遣懷

浪走天涯歲月侵病中猶作越人吟野麋本自便豐草

倦鳥寧當忘故林畫像功名元有命乞墦富貴果何心
樂時真脫塵囂累巖穴尋居不默深

和陳舜俞詩

閑裏那容更刺頭石田茅屋喚歸休杜門便與詩書老
過隙從教歲月流繁木見容良自媿錯刀相贈若為酬
酌君安得如川酒醉眼蚍蜉萬戶侯

崔遵三首

遵字懷祖北燕人父建昌字曼卿大定二十五

欽定四庫全書

中州集

五

年進士仕至同知武安軍節度使事懷祖事繼
母孝與人交有終始遲重少語未嘗及人短長
少日在太學有賦聲南渡後不就舉選居嵩山
二十年課僮僕治生生理亦粗給前輩如趙吏
部子文張左丞信甫馮亳州叔獻或懷祖丈人
行皆與之詩酒相往來懷祖喜賓客有醞藉從
容文雅使人久與之處而不厭也嘗有宿少林
詩云青山已有十年舊小雪又為三日留其他

往往稱是

送裕之官鄧下兼簡仲澤

青燈別酒夜沉沉力負相思自不任間裏更誰留我醉
興來無復伴君吟一枝仙桂知難擬千頃黃波未厭深
為向荊州王粲道安排佳境約相尋

和裕之二首

行李西來便得君相從回首七經春君方備悉原思病
我亦私憐仲父貧底事却成今日別枯腸難著此愁新

云年七十八終於雲中

寄答劉京叔

馬肩火色真將驗馬虎何勞更問辛

十年相望惜睽違驚見蘭章隨客扉鄭子已聞畊有谷

榮公誰念老無衣水浮落日流無盡山礙行雲斷不飛

千古神州亦吾土幾時同采北山薇

衛承慶

一首

益知哀樂終年事未唱驪歌鼻已辛

王主簿草

一首

革字德新一名著臨潢人以蔭補官碌碌竟虛

餘三十年正大中以六赴廷試賜出身調宜君

薄為人有醞藉善談笑密公與之唱酬相得甚

徵初在太原作詩有赤心遭白眼笑面得嗔拳

之句公甚愛之有詩寄之云柳塘雲觀千鍾酒
笑面嗔拳五字詩蓋志此也及第後呈同年云
孤身去國五千里一第遲人四十年大為閒閒

所稱德新文游滿天下獨許欽叔與予為莫逆

叔資冲澹有父風及識路宣叔王逸賓文伯起
故其詩似之

感興

十日不出門出門春已好並山花更多十里紅未了朝
看花尚妍莫看花又老萬紅隨危枝餘香寄芳草人生
祇如此百年疾過鳥安得脫塵寰遊戲萬物表

劉昂霄 一十三首

昂霄字景玄別字季房陵川人父俞字彬叔明

欽定四庫全書

卷七

四

中秋日同辛敬之魏邦彥馬伯善麻信之元裕之
燕集三鄉光武廟諸君有詩昂霄亦繼作
未幾下世年三十七

中秋日同辛敬之魏邦彥馬伯善麻信之元裕之

燕集三鄉光武廟諸君有詩昂霄亦繼作

欽定四庫全書

卷七

四

積甲原頭漢闕宮登臨還喜故人同超超萬里乾坤眼
凜凜千年草木風今古消沉詩句裏河山浮動酒杯中
極知勝日須轟醉直待銀盤上海東

趙村晚望

放眼東原上風烟接渺茫林疎出村落野迥散牛羊天
地浮元氣山河半夕陽登高一長嘯未覺阮生狂

詳為人細瘦似不能勝衣好橫榮危坐掉頭吟
諷幅巾奮袖談辭如雲四座聳聽噤不得語故

送裕之往洛陽兼簡孫伯英

洛水嵩山壽樂堂每從熱惱得清涼竹床石枕應無恙
評者謂承平以來王湯臣論人物李之純玄談

號稱獨步景玄則兼衆人之所獨愈叩而愈無
窮不知去古談士為遠近餘子不論也嘗用門
資叙調慶陽軍器庫使不就諸公方薦試宏辭

而景玄病不起矣臨終夢賦山泉云帶雲紫遠
澗和月到疎林又云萬里馮唐老中年賈傳歸

未幾下世年三十七

尚可分風供十方

題裕之家山圖

萬里神州劫火餘九原夷甫有餘辜作詩為報元夫子

莫倚家山在畫圖

同敬之裕之游水谷分韻賦詩得荷風送香氣五

字各賦一首

招提有勝踐日暮一經過何物媚游人微風動池荷

又

尋幽意自愜況與佳人同俗物不到眼談笑來天風

又

敲門看脩竹重理舊年夢上山復下山清風管迎送

又

寒泉漱雲根湛然涵鏡光誰知一滴味中有曹溪香

又

迂辛與臞元得句猶有味頽垣歛暝色深竹貯秋氣

熙色

敬之句秋氣裕之句也

寄申百勝三首

直氣南山相與高爭教塵土涴青袍征科頗似曾料理

差勝參軍作馬曹

又

孰版那能拜下風世間禮數困英雄狂歌醉舞人誰識

憔悴通泉郭代公

又

連昌能隔幾牛鳴不見令人鄙吝生乘興時思一相訪

欽定四庫全書

中州集

劇談豪飲見真情

游五渡谷

四十七

南山如碧環缺處蒼崖開當年造物手辦此何神哉睥睨倚天壁千古封莓苔源源萬斛泉飛出重山來白龍

三百丈行處鳴春雷巨石若棟宇磊砢相推排跳波與濺沫餘怒猶喧逐我來值杪秋萬壑風聲哀黃花雜紅樹錦繡紛巖隈奇勝夙所貪欲去仍襄徊題詩還自笑

媿我非仙材

田紫芝三首

紫芝字德秀滄州人父濟以蔭為部掾德秀少孤養於外家定襄趙氏故多居於忻年十三外

祖廣寧治中命賦麗華引語意驚絕人謂李長

吉復生資性穎悟一覽萬言年二十讀經傳子
史纂編為人疎俊而以蘊藉見稱與同郡王元
卿齊名貞祐初避兵臺山倉卒為游騎所馳遇
害時年二十四士論惜之

欽定四庫全書

中州集

四八

夜雨寄元敏之昆弟時年十六

醉夢蕭森蝶翅輕一燈無語夢邊明虛檻急雨三江浪
老木高風萬馬兵枕簟先秋失殘暑湖山微曉看新晴
對床曾有詩來否為問韋家好弟兄

亂後登凌雲臺

愁思紛紛不易裁凌雲臺上獨裴回亂鴉背著斜陽去
寒鴈帶將秋色來破屋無烟空碎瓦新墳經雨已蒼苔
天翻地覆親曾見信得昆明有刻灰

冥鴻亭下第後作

眼底功名一物無飛揚跋扈竟何如青雲歧路多辛苦
賴得皇家結綱疎

王萬鍾三首

萬鍾字元卿秀容人父甫字用之通經史淳質
有儒行亦以知醫見稱兄萬石字器玉住太學
有賦聲用之妻死不更娶二子俱無家室并曰
之事率親為之貧居陋巷中破屋蕭然不蔽風

欽定四庫全書

中州集

四九

雨而絃誦之聲不絕也元卿少有逸才讀書有

後先不欲速成詩文間適似其為人客至清談
終日人不敢以俗事浼之與同郡田德秀齊名
號王田評者謂規製宏博王不及田而瀟灑無

塵土氣田亦非王比也元卿嘗有詩寄予闕中
云千里呂安思叔夜二年杜燕伴秋鴻賦梅花
數之云蘭逕水流三月暮桂林風落一枝春古

詩尤蕭散有自得之趣兵火中皆亡失之矣初用之間北兵入塞即以吾州為不可守去之太原五年不敢歸貞祐二年州破死者十餘萬人而用之亦以是日病歿於太原較其時皆三月三日已時也人謂用之先見固可稱然生死定數亦自不能免云元卿父歿之後與其兄居于平晉之金城里明年兵復至兄被害元卿欲收葬之時游騎充斥親舊勸勿往元卿持不可曰

欽定四庫全書
中州集
辛

兄死不收留此身欲何用耶流涕而去尋亦被禍時人甚哀惜之元卿長予一月死時年二十七矣

春宵

風尖月細春猶淺酒冷燈昏夜向深人在西軒愁不寐十年間事總經心

元氏桂軒為敏之賦

簾捲堂前桂子涼一軒燈火夜初長月中春好元無價

詩尤蕭散有自得之趣兵火中皆亡失之矣初用之間北兵入塞即以吾州為不可守去之太原五年不敢歸貞祐二年州破死者十餘萬人而用之亦以是日病歿於太原較其時皆三月三日已時也人謂用之先見固可稱然生死定數亦自不能免云元卿父歿之後與其兄居于平晉之金城里明年兵復至兄被害元卿欲收葬之時游騎充斥親舊勸勿往元卿持不可曰

欽定四庫全書
中州集
辛

天上風來別有香棠棣一家同映秀詞林百世繼餘芳
間花野草空無數掩盡人間獨擅場

江村風雨圖

秋風槭槭澹林暉烟靄昏昏失翠微一段尊鱸江上興
蓬窓岑寂夢魂飛

雷琯 一十九首

琯字伯威坊州人以薦書從事史館調八作司使博學能文時輩少有及者并州人李汎與伯

欽定四庫全書

中州集

辛

欽定四庫全書

中州集

辛

感同在史館以高蹇得罪伯威作詩送之頗譏翰林諸人不能少忍至與一書生相角逐使之狼狽而去有郎君未足留商隱官長從教罵廣文之句又云明日春風一杯酒與君同醉信陵墳人甚稱之

信陵館酒間二首

間過信陵飲有懷信陵君君去日已遠誰怜挹闕人徑攜一壺酒往酌公子墳墳科久已平墓木幾為薪泉扉

鎖長夜千載不復晨昔與賢俊遊今為狐兔隣豪貴竟安在念之心紂紅有生會歸盡但恐後無聞此意不可

必且醉梁園春

又

維昔有迂叟樹桐彼高岡殷勤為封植遂欲棲鳳凰桐生日已長鳳來殊未央維鳳覽德輝非時詎來翔枝幹枯以死志願終莫償憶在西周初飛下岐之陽裴回不能去和鳴聲鏘鏘文王既已沒千載微音亡咄爾叟何

欽定四庫全書

中州集
卷七
五

為而欲發其光空令枯株上日晏啼鶯鷗

客有自關輔來言秦民之東徙者餘數十萬口攜持負戴絡繹山谷間晝食無糗糒夕休無室廬

飢羸暴露殯死無幾間有為秦聲寫去國之情者其始則歷亮而宛轉若有所訴焉少則幽抑

而悔厲若訴而怒焉及其放也嗚嗚焉愔愔焉

極其情之所之又若弗能任焉者噫秦予父母

國也而客言如是聞之悲不可禁乃為作商歌

十章倚其聲以絃予懷且俾後之歌者知秦風之所自焉

扶桑西距若華東盡在天王職貢中一自春原有烽火

年年選將戍河潼

又

春明門前灞水濱年年此地送行頻今年送客不復返卷土東來避戰塵

又

欽定四庫全書
中州集
卷七
五

盡室東行且未歸臨行重自鎖門扉為語畫梁雙燕子

春來秋去傍誰飛

又

灞水河邊楊柳春柔條折盡為行人只愁落日悲笳裏吹斷東風不到秦

又

纍纍老稚自相攜側耳西風聽馬嘶百死纔能到關下

仰看猶似上天梯

又

上得關來似得生
關頭行客唱歌行
虛巖遠壑低相應
轉見離鄉去國情

又

前歌未停後迷呼
歌詞激烈聲嗚嗚
天下可能無後者
不挽天河洗八區

又

折來灞水橋邊柳盡向商於道上裁
明年三月花如雪
會有好風吹汝迴

又

行人十步九盤桓
巖壑縈迴行路難
忽到商顏最高處

一時揮淚望長安

又

西來遷客莫回首
一望令人一斷魂
正使長安近於日
烟塵滿目北風昏

陽夏懷古

欽定四庫全書

中州集

平四

欽定四庫全書

中州集

五

短衣匹馬西北來十年去國隨風埃
解鞍呼酒歌一曲
玉鞭倒捉敲金罍君不見項王臺
昔時嗟鬼今已頽秋風蕭瑟吹草萊
又不見漢王城昔時岩堯今已平寒烟
寐寢啼鼯猩牧童檻頭學楚聲野老扶犁城上畔
不斷楚聲哀行人欲去還裴徊劉項英雄安在哉人間
俯仰易陳迹閒身健在須銜杯

龍德宮

紫簫吹斷綠雲歸十二樓空盡玉梯綠仗竟無金母降
仙裾猶憶化人攜千年洛苑銅駝怨萬里坤維杜宇啼
莫倚危闌供極目斜陽更在露盤西

南國

南國春生江水肥烏檣風扇錦帆歸吳兒日暮棹歌發
驚起鴛鴦相背飛

古意四首

美人傷獨宿窈窕春閨深素手卷翠被當牕調玉琴危
絃奏苦調清歌抗哀音絃絕歌復咽起作薄命吟妾如

朱槿花含英愁晏陰郎如青銅鏡照面不照心不怨不

照心但惜飛光沈且留連理枕莫捲合歡食饌君回餘

輝歡盟尚可尋

又

對酒不能飲拊劍自度曲一唱行路難歌與淚相續朝
為楊朱泣莫作阮籍哭古道盡荆棘新蹊苦蕡菉葹曲行
達吾心直行傷我足曲直無適從昂頭羨鴻鵠

又

欽定四庫全書

中州集

卷七

欽定四庫全書

中州集

七

綿綿免緣草濯濯檉樹枝結根偶相值引蔓纏綿之春
風一披拂柯葉含榮滋弱質附美蔭百齡誓不違清商
忽用事霜颺颺已淒豈意百尺條同此寸草萎委蔓失
所託憔悴徒傷悲知君無歲寒何用相因依

又

賢王悲墜屢賢婦念遺簪重在不忘故微物何所欽嗟
我昔遊友雲路揚徽音詎念宿昔好棄擲各飛沈昔如
膠投漆今如辰與參桃李雖成蹊諒無松柏心

王亳州賓三首

賓字德卿毫社人貞祐二年進士由虹縣令入
為尚書省令史壬辰京城受圍亳州為單父軍

楊春所據春以事出德卿與故譙縣尉王進反

正朝廷授進集慶軍節度使德卿同知使事明
年夏六月車駕幸蔡道出于亳德卿逆謁上與
語慰勞者久之詔行六部尚書事仍賜世爵後
數日部曲僅七輩以軍食不給送欵執德卿與

欽定四庫全書

中州集

卷七

欽定四庫全書

中州集

七

副使呂鈞往市中鈞且行且拜泣涕不休德卿
毅然無所屈大呼曰但殺但殺不能從汝也是
日遇害德卿學詩甚力故所得亦多如風生傳
令箭星落受降城烟外莫鍾催倦馬林間殘照
聚歸鷁倉小軍爭米仰荒虎食牛又贈剛上人
云楞嚴讀罷爐烟冷澹坐山堂閱世人言懷云
功名不到畫生手坐撫吳鈞惜壯圖題馬丘寺
辟云落葉擁窓僧入靜孤燈穿屋客吟秋人甚

稱之

衛真道中

毳袍落托又西征
陌上東風小雪晴
草色喚回原燎黑
冰澌消入水痕清
年華荏苒心情減
邊事倉皇夢寐驚
早晚渴南傳吉語
一犁煙雨趁春耕

舟中

河伯夸秋漲
舟人健晚涼
橹聲搖落月
山氣鬱蒼蒼

除夜

落托功名挽不前
圍爐兀坐夜蕭然
牘殘畫角東風裏
春到梅花小雪邊

守得歲來慵攬鏡
送將窮去自乘船
平明點檢人間事
只有詩魔似去年

李夷三首

夷字子遷後改名斌
宛丘人苦於作詩賦
古鏡

云盤盤古皇州
夢斷繁華歇
一鞭春事忙
吟出

龍頭月上蝕
背花昏蹄涔
駭龍蹲須髯怒
欲張

縮手不敢捫
又云壽光閑
人多曾有此
客否欽

叔諸人甚愛之

贈國醫張子和

禁藥喧喧以字行
麗工往往笑狂生
天將借手開金匱
雲本無心到玉京
歌嘯動成千日醉
留連翻厭五侯鲭
祝君莫觸曹瞞怒
世上青黏要指名

古劍

古柵崖推老雨
天忽驚神物
茁蒲然地呑元氣
蟄千載
龍逐奔霆脫九泉
盜首未歸豪
馘裏鉸歌聊發慨
彈邊

物猶屢出為時用
撫匣潸然惜壯年

書淵明傳後

南渡龍孫角禿顛
不甘橫斃寄奴弦
一襟義氣麾周粟
滿簡清風削宋年
雪徑低迴松落落
霜蘿羨徒羨
菊鮮鮮
時屯謐輩輕頰節
顏厚吾家草木賢

郭邦彥六首

邦彥字平叔本鄂縣人
僑居陽翟遂古籍焉興

定五年進士調永城簿
以退讓見稱生世不幸

處子頑囂傲三者之間鬱鬱不自聊年未四十
而死寄庵先生愛其詩甚嗟惜之

秋夜聞彈箜篌

露重花香飄不遠風微梧葉落無聲倡樓何處教新曲
夜靜月高弦索鳴

村行三首

棗花初落路塵香燕掠麻池乍頽頽一片雲陰遮十頃
賣瓜棚下午風涼

欽定四庫全書

中州集

六

又

芹葉蘆花岸兩邊釣溪石畔落孤鳶小娃引入平流水
麻桺森森已拍肩

又

豆葉茫茫麻葉光植禾得雨又催黃田家樂事誰真得

牧子行歌醉叟狂

酒醒

少年驕氣撻消磨萬事紛紜夢裏過三載自持掌食戒

一心還被性宗魔凌烟閣上榮名好聚窟洲邊樂事多
今日酒酣都忘却亂吟俳語作狂歌

讀毛詩

含氣有喜怒觸物無不鳴天機泄鳥迹文字從此生誰
言土葦器聲合天地清樸壞犧氏瑟巧露媯皇笙末流
不可障聲律隨合并徧讀蕭氏選不見真性情怨刺雜
譏罵名曰離騷經頌美獻謠訛是謂之采銘詩道初不
然自是時代更秦火燒不死此物如有靈至今三百篇

欽定四庫全書

中州集

六

殷殷金石聲漢儒各名家辯口劇分爭康成獨麾戈諸

儒約連衡祭酒最後出千古老成精我欲讀爾雅不辨
螯蟹名尚憐沈謝輩滿篋月露形孔徒凡幾人人空無
長卿三子論性命舉世為譏評白首草太玄才得覆醬
罌不如匡鼎說愈笑人愈聽

史學八首

學字學優延安人兄才字才長住太學有聲學

優正大中省試第一人釋褐舞陽簿辟盧氏令

卒官妻李氏國初河南尹成之孫女小詩殊有

思致學優嘗客京師有所眷久而不歸李作詩

寄之云百年風樹底誰淚到君前學優得詩即

日命駕

陪陳彥文謁筠泉榮上人

才長

強隨禪客到西禪竹柏團青蔭石泉一首小詩吟不就
閒情元在落花邊

宮詞

欽定四庫全書

卷七

寶帶香構水府仙黃旛彩扇九龍船薰風十里瑤華島
一派歌聲唱采蓮

默翁溪山橫幅

默翁龐都運才卿自號

五雲雛鳳下遼天來作金鸞翰墨仙詩酒償殘鶯館債
簡書薰破鹿門禪自憐歲月塵中老盡攬溪山筆底傳
短草疎林秋一幅典刑人物記當年

李道人崧陽歸隱圖

石壁城頭夜斬闔軟紅塵底曉催班道人一笑那知許

門外清溪屋上山

晚梅

孤根春半恰春回剛逐夭桃艷杏開蝶子蜂兒應有語
東風元不為渠來

七夕

箱牛迴馭錦機閒天上悲懽亦夢間月夜並肩人不見
簫蕭風葉滿驪山

醉後

欽定四庫全書

卷七

觀魚暫覺心差樂化蝶元來夢亦忙得似醉中都放下
春風自與百花香

過太室

三輔祥開表聖期三呼夭壽與天齊殿楠碧瓦仍唐制
洞鏤蒼苔失漢題柱玉已聞安廟祐劍鋒重為剪拂黎
升中剝有辭臣賦滿望鸞旛鳳蓋西王柱卓劍三峰名

侯冊 五首

冊字君澤以門資仕與杜仲梁張仲經劉京叔

游用是得名嘗作樂府云玉階春草傷心碧錦

瑟華年過眼空又云千金買斷青樓月爛醉桃

花扇影風人多愛之壬辰歲病京師園中作詞

云迴首鳳皇城下路人不見月茫茫明日君澤

死其後京城亦丘墟矣

寒食

時年十八

交游零落禁辭柯歲月峥嵘馬注坡燕子不來寒食過

滿城風雨落紅多

欽定四庫全書

中州集
卷七

醉中

爛醉歸來驢失脚破靴揩天冠倒卓起來白眼望青天
狂氣凜凜無處著陶潛止酒意有在鋪糟釀醕良未害
君看謝奕對桓溫得失老兵何足怪螺吟贏待二豪
飲中寧有山家濤平明徑訪陳驚坐相對春風把蟹螯
學古體

桐風吹月烏啼井蟾波溼露沉雲影素絲牽玉轉泉華
美人睡覺燕支冷銀鈎挂簾北窓曉翠鬟臨鏡雙鸞小

黃衫少年望不來寂寂庭階滿春草

作朝

昨朝已作春歸辭今日還成送客詩客子春光俱不見

落花寂寂閉門時

楚宮

離宮樓閣與天通莫雨朝雲入夢中回首舊時歌舞地
女蘿山鬼泣秋風

王元粹

三十三首

欽定四庫全書

中州集
卷七

元粹字子正初名元亮後止名粹平州人系出

遼世衣冠家年十八九作詩便有高趣性習專
固世事不以累其業故時輩無能當之者正大
未用門資叙為南陽酒官遭亂流寓襄陽襄陽
破隻身北歸寄食燕中遂為黃冠師有十月風
霜侵病骨數家針線補殘衣之句親舊有怜其
孤苦欲為之更娶者子正業已高舉主太極道
院竟不能自返年四十餘癸卯九月病卒詩人

淄川楊叔能挽之云匹婦主中饋雖貧生理存

五言造平淡隻影卧黃昏謾下陳蕃榻虛沾文
舉尊北平家世絕銜恨入荒原從弟鬱亦攻詩
方之其兄蓋商周矣

春日時年十八

春日何慘慘春雲何陰陰桃李都未花況乃餘寒侵久
在城市居而無人見尋讀易了一編靜見天地心貧士
寡徒倡古來非獨今

欽定四庫全書

卷七

六

臨高

客子臨高秋思生碧山無際暮雲橫但看八月草木落
未見中原塵空清流景暗徂人易老故園何在夢頻驚
尊中有物同誰盡正要相看醉膽傾

葉縣贈李長源

相見各異縣歲莫風霜清三日同眠食深見故人情借
問何所歷大梁與秦京悠悠川途永冉冉歲月傾子當
東北馳予亦西南征人事相羈束何時當合併聊斟是

陽酒為澆胸次平出處固難必勉哉崇令名

送李文起令鄜城

好去鄜城宰當途有薦章長才試縣邑嘉政寄循良遠
路連秋草征衫帶夕陽濟時公等在吾欲汎滄浪

九日

憑高一望客心傷風景蕭條是楚鄉飛雁欲歸何處去
幽花還似昔年芳詩因感物聊成詠酒為隨人強舉觴
十載蹉跎身事晚每逢佳節轉淒涼

欽定四庫全書

卷七

六

壽李長源

匹馬短衣看此行看君誰信是書生聽詩未覺秦川遠
倚劍長懷晉水清一飯見哀韓信恥千金為壽魯連輕
壯年休酒新亭淚且為江山灌巨觥

旅次

旅次渾無定生涯亦漫勞病求方士藥寒憶故人絕避
俗惟黃卷忘憂但濁醪柴門多落葉昨夜朔風高

西山避亂三首

蒼山多回互四望令人迷過午日已暖殘雪融為泥路

渭不可進弱葛愁攀躋老幼委溝壑不如犬與雞噉噉

同行子手中各有攜汲澗為飲食架木為巖栖夜半三

四驚翁媼禁兒啼念我長病母亂離隔東西

又

野宿不得曉飛霜沾敝袍空山凝寒色天邊星月高憶
昨離郢城數家同道逃穿林恐相失前後聞呼號避亂
但欲遠焉知登頓勞俯臨萬仞壑性命輕鴻毛

欽定四庫全書

中州集

卷七

又

青青道邊麥知是誰家田山田固已薄榛石復相連旁
有破茅屋日入不見烟借問舊居者聞亂已西遷平生
苦淪薄對此增慨然甲兵暗宇宙誰能安一塵愁憂無一
從訴仰面視蒼天伐木南澗底雙鹿過我前

還郢城舊居

四月六日作

南風兵塵遠病客返舊居入門顧西壁書籍亦無餘數
口共噭噭日事將何如屋破未暇葺草滿須當鋤昔去

李冬末今來孟夏初深媿資用絕時時煩里間

經廢宅

誰家住宅北山隈亂後逋人尚未回惆悵門前是官道

臨風一樹杏花開

登郢城寺樓

亂後行歲豈自由此身雖在病兼憂一坏徒積黃泉恨
四壁難為白日謀數極乾坤見中否跡隨丘壑恐長休
可憐海內干戈滿獨對江山倚寺樓

欽定四庫全書

中州集

卷七

八月二十三日夜走西山

婦病不能進兒啼不肯行蒼茫荒野外北風鼓鼙聲老
幼夜中迷失路入榛荆月出天欲曙山頭烽火明鄧卒
一戰潰敵勢遂縱橫昨朝使帖下王將亦還營噭噭二
十載何時見昇平我生值世亂世亂難為生

哭李長源

十月西來始哭君山中何處有孤墳以才見殺人皆惜
忤物能全我未聞李白歌詩堪應詔陳琳草檄偶從軍

窮途無地酬知己會待昇平緝舊文

襄陽七絕句

江雨初晴江漲發涼風吹水波浪開日暮津頭聞打鼓
越商巴賈卸船來

又

街頭魚米近頗貴縮項長腰最可珍江東尊鱸亦何好
能令張翰稱達人

又

近值喪亂棄中原南來亦復著南冠吾家舊井峴山畔
野老謾作北人看

欽定四庫全書

中州集

辛

又

襄陽城府自古雄千臺萬丸當晴空短衣少年何處客
相邀一醉楚樓中

又

城東大堤堤上頭何處女郎同出遊紫蓋留連不歸去
唱歌日暮傍汀洲

又

江上小兒誇善沒一日入水知幾回汝曹未有機心在
緣底鷗鳥不飛來

又

歎息耆舊不復見欲問土風誰為陳羊公遺碑武侯廟
江邊酒家說向人

武侯廟

武侯祠廟南山曲苔滿荒碑不堪讀客子登臨又一時
秋色蒼蒼入喬木天下不可無奇材千年精爽安在哉
孤吟襄回不忍去寒日欲下悲風來

欽定四庫全書

中州集

辛

萬里

萬里江山動楚吟異鄉風物長年心孤身轉覺乾坤窄
往事空驚歲月深木落高城初過霜霑飛幽館夜聞砧
蹉跎未遂東遊計醉後悲歌淚滿襟

醉後

雲自無依鶴自孤此生誰信有窮途干戈二十年來客
唱歌日暮傍汀洲

留得殘骸傍酒壚

丹陽東樓

仙人樓居避蒸溼東樓縹渺羣仙集風吹高柏影在衣
忽驚滿座蛟龍入日晚留連共一觴歸來如夢海生桑
片雲送雨山頭黑傍水低飛燕子忙

東樓雨中七詩

水邊人去燕爭泥風動綠荷香滿溪高樹遠樓遮望眼

獨看山色過墻西

欽定四庫全書

中州集

卷七

七

倚樓人看水東流橋上行人却望樓零落故宮無覓處
蕭蕭木落滿城秋

又

多年蒼柏拂簷枝燕子飛來語向誰枕簟不妨留客住

滿樓風雨下簾時

又

雨入溪樓不見山雨晴依舊數峰閒韋郎詩句王維畫

好在幽人指顧間

又

庭中野蔓走青蛇窓外萱葵亂彩霞雲漏斜陽雷漸遠
東邊飛雨到瓊華

又

好風吹袖覺涼生雨後東溪水面平無數荷蓮看正好
却嫌波底亂蛙鳴

又

欽定四庫全書

中州集

七

溝水清冷樹影圓下樓閒步上樓眠夜來夢裏驚風雨

元是松聲到枕邊

王鬱一十二首

鬱字飛伯少日作樂府擬古別離有黃鸝樓高

雲不飛鵝鵠洲寒星已曙之句人多傳之其後

入京師大為李欽叔所稱與之詩云詩句魏國

風下者猶楚辭贈詩者甚多有云惜昔頴亭見

飛伯恍若夢中逢李白又云紫陛下仙人今淵雲

騎風御氣七尺身又云良金元有價白璧況無
瑕又云王郎少年詩境新氣象慘澹含古春筆

頭仙語復鬼語只有溫李無他人飛伯用是頗

自貴重云

春日行

春日飛春野寂紅朋碧友元胎溼東風著意寒食時遊

絲粘人困無力小鈴墳車謫堤沙鳳簫鸞落瓊英花荒

墳頽頽啼夕鴉草荒月黑鬼思家

欽定四庫全書

中州集

寄遠吟

一封征人書秋帆瀟湘岸當君高樓醉憶妾空閨嘆

陽闌曲

城東車馬已促裝城西江水青茫茫綠楊陌上一杯酒

離愁慘淡春無光秦樓花映晴烟直誰家少婦當門立

金鞭入手紫燕嘶回首飛雲晚山碧

傷別曲

蘭皋飛暗塵征車紓去轍長安雖咫尺回首繁華歇故

人亭下酒蛾眉眼中血平生慷慨腸忽作柔絲結傳聞
紫塞傍秋烽下危堞班超未投筆來填空嚼鐵誰能金
閨中坐眷娟娟月

長安少年行

新月平康金步蓮青雲戚里玉連錢誰家年少秋風裏

梁甫吟成抱劍眠

楚妃怨

涼風遠樹秋長河絡天碧深宮悄無人月暗莎雞泣

欽定四庫全書

中州集

古別離

山腰露蕙含天淚江林楓葉秋容醉夫君八月鴈門行

碎霜冷印白龍轡憶君挑妾初鳴琴琴中已有白頭吟

朝朝莫莫當時事言之祇足傷人心君不見湘妃二女

哭舜時烟筠青玉紅珠滋蒼梧人去百想絕忍交今日

生離別生離別情偏重不及雙飛南浦雲落紅寂寂春

閨夢

秋夜長

秋風嫋嫋吹庭樹傷心一葉隨風去葉隨風去何所之似我年年困羈旅神蠟紓屈泥中蟠青雲未到誰汝怜

愁來不寐起視夜斗柄斜指西南天

折楊柳

長安二月多綠楊遠信未到龍庭旁佳人中夜抱影坐
風窓泠泠愁思長青天無雲一鏡潔萬戶千門音響絕
何人橫笛在高樓玉龍呌徹春江月

遊子吟

欽定四庫全書

中州集

七

中州集

七

短日空裴回流雲自來去茫茫曉野客衣單白露無聲

落秋樹

楊程贈李司戶國瑞


洛陽賞盡牡丹春寂寞釣臺對夕曛手折幽蘭贈行子

多情惟有李參軍

飲密國公諸子家

宣平坊裏榆林巷便是臨淄公子家寂莫畫堂豪貴少

時容詞客醉琵琶



總校官庶吉士臣侍朝
校對官庶吉士臣陳墉
謄錄監生臣朱娘

欽定四庫全書叢要

集部

中州集卷八

欽定四庫全書叢要卷二萬八十一集部

中州集卷八 辛集

金 元好問 輯

內翰具瞻 一首



具瞻字嵒夫遼西人天會二年進士與吳蔡為

文章友仕至翰林待制

出塞

樓外青山半夕陽寒鴉翻墨點林霜平沙細草三千里

欽定四庫全書

中州集

一笛西風人斷腸

王太常繪 一首

繪字質夫濟南人天會二年進士武陟道中詩
云梧葉重勝迎日露蒿秧薄要護霜雲人頗稱

之仕至太常卿有注太白詩行於世

江天秋晚圖

萬頃波間踏浪兒瀟湘秋晚趁歸時四山紅葉風聲健
散入儂家欸乃詞

詳校官侯遠知縣臣吳旬華

王禮部競 一首

競字無競安陽人宋末登科仕國朝至禮部尚書兼翰林學士承旨年六十四大定四年卒無競善作大字字或廣長丈餘而結密如小楷京都宮殿題榜皆其筆趙禮部以為古今第一手唯党篆差可配耳一孫名道通字彥深今為黃冠師

奉使江左讀同官蕭顯之西湖行記因題其後

欽定四庫全書 中州集 卷八 二
雲煙濃淡費臨摹行記看來即畫圖雲夢不妨吞八九
筆頭滴水了西湖

杜佺 一首

佺字真卿武功人宋末有詩名於闕中兒時嘗作藥名詩有杜仲吾家好弟兄自然同姓又同名之句及以五言百韻上乾州通判馬涓涓大加賞異阜昌中登科蒞官亦有聲馬嵬太真墓過客多題其詩甚多道陵詔錄其詩得五百餘

首付詞臣第之真卿詩在高等舊有錦溪集亂後不復見矣子師楊亦能詩尤工書翰奉天楊

煥然云然

馬嵬道中

垂柳陰陰水拍堤春晴茅屋燕爭泥海棠正好東風惡狼籍殘紅送馬蹄

邊轉運元勲 二首

欽定四庫全書 中州集 卷八 三
元勲字輔臣豐州人後遷雲中祖貫道遼日狀

元輔臣天會十年進士終於河間路轉運使與弟元鼎元恕

望瀛臺春望

晴雲如困柳如凝丹杏開殘碧草齊一派望瀛臺下水緩風遲日浴鳴鶯

七夕

高樓人散酒罇空漫擬新文送五窮獨倚南窗夜岑寂一鉤涼月下疎桐

李寧州之翰四首

字周卿濟南人宣和末擢第人有勸參童貫可

以徑至館職者周卿謝絕之國兵破洺州縛見

元帥誘之使降語及君臣之際辭情慷慨自分

一死帥怜之遂被錄用後守寧州陷田侍郎珏
黨籍除名徙上京遇赦復官終于東平倅有漆

園集行於世子靈石尉謙孫德元今在鄉里

書呈仲孚

欽定四庫全書

中州集

四

造物固難量誰能計寒餓失馬乃為福夢牛翻作禍長
溪霜練靜脩嶺蒼龍卧魂夢吾已安不勞歌楚此

題密雲州學壁

崎嶇到此興何堪况復風謠意未諳旅舍蕭條空自遣

胸懷磊落向誰談留連莫雨侵疎牖宛轉飛雲歸翠嵐

因憶林泉歸去好一燈幽夢遼春潭

中京遇因長老

天涯流落偶生還古刹相逢語夜闌歎我歸途千里遠

喜君禪榻一身安松聲不斷風吟細月影無邊露氣寒

分手山堂更寥索冷雲衰草伴征鞍

歲莫

休怪年來白髮新天涯三載困埃塵偶離沙磧窮陰地
收得桑榆老病身對雪莫吟秦嶺句潑醅且醉漢江春
此生自斷無餘事何必區區問大鈞

三興居士一首

三興居士阜昌中人

欽定四庫全書

中州集

五

題平陰僧寺

三吳家近水晶宮行坐紅香綠影中今日異鄉僧寺裏
一盆荷葉戰西風

楊興宗一首

興宗高陵人宋既渡江故興宗有龍南集予同
舍郎楊君羨嘗見之

出劍門

嘔啞鳴觴下長川萬疊青峰只眼前山鷗啄殘紅杏粉

杜鵑啼破綠楊煙夢迴蜀棧雲千片醉枕巴江月一船
物色誰分杜陵老風飈牢落劍南天

趙亮功一首

亮功華州人嘗監富平酒

甘露寺

鄭南峰下寺泉石間疎篁飛雨度山閣閒雲生野塘簷
前松子落厨際柏烟香別後聞鐘磬山陰空夕陽

賈泳一首

欽定四庫全書

中州集

六

泳字漢甫洛陽人

題安生僧寺 天會己酉余嘗與王化原李端中

同過是寺屬兵厄甫罹堂宇頽弊繪素剝落秋草

野蔓羅生階上盤桓終日間其無聞時風塵未
靜竊謂此地當日就丘墟及今與端中復來則寺

有僧簡師矣向之所見頽者已完葺剝者復嚴潔

鐘閣巍焉石塼巋焉庭樹鬱焉皆向之所未有者

也因一讀舊題已經五稔自念五年之間所向翻

齡十步九蹶卒陷機阱豈非禍患之來有積漸歟
抑得失行止非人所能為歎嗚呼事去如夢人生
如寄窮達相推雖賢智有不能免焉者顧余何足
道哉所不知者他日過此寺之興廢余之得喪悲
歡又何如也續題一詩貽失路者共為一歎云癸

丑七月八日題

重來已是五年游憂患相仍欲白頭翻羨亭亭兩奇樹
不知風雨過春秋

元日能一首

欽定四庫全書

中州集

七

日能不知何許人與劉嵩老同時
紅梅

天上瓊兒白玉肌吳妝畧約更相宜認桃辨杏由君眼
自有溪風山月知嵩老同賦云一
點清香透雲雪是中
那得杏花天評者謂二詩同意而曰
能為工

范墀一首

墀字元涉系出穎川有詩話行于世

和高子初梅

春風也自惜流光只放寒梅一樹芳玉粉更粧前夜雪
口脂猶注昔年香江湖昨夢誰同寄詩酒風流豈易忘
東閣何郎未全老花枝休笑鬢絲長

王雄州仲通一首

仲通字達夫長慶人天會六年進士皇統中陷
田廷黨籍編配五國會赦還世宗即位復官終
于永定軍節度使

欽定四庫全書

中州集

八

措足疑無地捫心幸有天故人成解后殘喘見哀憐落
日驚冤外孤雲淚眼邊西歸萬里夢今夕到君船

韓內翰汝嘉一首

汝嘉字公度宛平人父昉遼末狀元仕國朝至
宰相嘗作武元聖德神功碑為作者所稱公度
皇統二年進士累遷真定路轉運使坐公事遷

清州防禦使召為翰林侍讀學士卒

寄元真同年

十年塵土鬢毛斑杖屢還來踏故山葉寄殘紅春尚在
雲酣濕翠雨仍慳不堪倚樹追前事更恐臨溪見病顏
一日暫來千日去何時倦鳥得真還

王吏部啓一首

啓字希畢大興人正隆二年進士累遷戶部員
外郎通州刺史用宰相萬公薦擢右司郎中章
宗即位不一歲遷工部侍郎即以河南北路提

欽定四庫全書

中州集

九

刑使拜吏部尚書使宋使還出為絳陽軍節度
使致仕還鄉里與左丞董公叅政馬公宣徽盧
公尚書鄆公為九老會年七十九卒子師揚字
仲雄南渡後隱居崧山時年已六十餘經傳子
史皆手自抄之如健舉子結夏課然希顏說仲
雄在太學同舍號為閉戶王先生其謹厚益家
法云孫造字成叔今居東平

王右轄許送名酒久而不到以詩戲之

燕酒名高四海傳兵厨許送已經年青看竹葉應猶淺

紅比榴花恐更鮮枕上未消司馬渴車前空墮汝陽涎

不如便約開東閣一看長鯨吸百川

晁洗馬會

一首

會字公錫高平人道院文元公之後宣和末中
武舉仕為太子洗馬天眷二年經義進士為人
美風儀氣量宏博澤人經靖康之亂生徒解散
公錫稍誘進之貧不能就舉者必厚為津遣在
欽定四庫全書

中州集

十

官下則分俸以給之至于李承旨致美昆仲亦
出其門士論歸焉歷虞鄉猗氏臨晉三縣令以
興平軍節度副使致仕年七十八終於家詩號
泣水集虞鄉縣齋云官況薄於重榨酒瓜期近
似欲殘碁王官谷云煙藏芳樹遠雲補斷山齊
鄉人至今傳之孫國章字公憲李承旨外孫教
授鄉里樂於提誨諸生經指授者肅然如在官
府進退揖揖皆有可觀蓋其家法云

杜鵑

杜宇啼聲枕上來一聲哀似一聲哀千哀萬怨無今古
喚得行人若箇迴

王內翰遵古

二首

遵古字元仲父政金吾衛上將軍三子遵仁遵
義元仲其季也元仲四子庭玉字子溫內鄉令
終於同知遼州軍州事庭堅字子真有時名庭
筠字子端庭拔字子文

欽定四庫全書

中州集

十二

過太原贈高天益

天益能作大字

遼海渺千里風塵今二毛心雖如筆正官不稱才高莞
庫非君事山林必我曹相期老鄉國拂石弄雲璈

野菊

子真

鬪雞臺下秋風裏白白黃黃無數花日暮城南城北道
半隨榛棘上樵車

王汾州璿

二首

璿字君玉太原人天眷二年進士弟珙器玉珦

汝玉皇統九年同榜家世業醫有陰德聞里中

嘗有金蠶金馬之瑞君玉仕至汾陽軍節度使

鄉人榮之號三桂王氏行尚書省左右司郎中

仲澤其從孫也金馬在部掾清卿房迄今寶之

游太寧寺

西山踏破萬層青與客攜壺上太寧泉石有情容避俗

軒裳無術可逃形雲縈屋角僧禪靜露下松梢鶴夢醒

明日却尋塵境去曉猿啼月若為聽

欽定四庫全書

中州集

十二

王元仲海岳樓同諸公賦

汝玉

十二朱欄倚半空元龍高卧定誰雄簷楹翠濕蓬山雨

枕簟涼生弱水風物色橫陳詩卷裏雲濤飛動酒杯中

謫仙會有騎鯨便八極神游路可通

李特進獻可

二首

獻可字仲和遼東人太師金源郡王石之子太

師遼末狀元仲和世宗元妃之弟大定十年史

紹魚牋進士歷州縣入翰苑累遷戶部員外郎

以事貶清水令名為大興少尹遷戶部侍郎終

於山東東西路提刑使衛紹王即位以仲和元

舅贈特進道國公子道安特旨符寶郎

清水寒食感懷

桃花零亂柳成陰人到春深思更深芳草戍樓天不盡

異鄉寒食故鄉心

召還過故闕山

過闕天日正晴明誰道山神不世情遠客得歸心緒別

欽定四庫全書

中州集

十三

隴瀧閒作斷腸聲

雷溪先生魏道明

二首

道明字元道易縣人父遼天慶中登科仕國朝

為兵部郎中子上達元真元化元道俱第進士

又皆有詩學元道最知名仕至安國軍節度使

莫年居雷溪自號雷溪子有鼎新詩話行於世

元道春興云燕來燕去烏衣巷花落花開穀雨

天高麗館偏涼亭云涼或作梁碧海半彎鷓角國春

風十里鴨頭波中秋云丹桂知經幾寒暑冰壺

別是一山川其所得者也

佛嵒寺

虎谷西垠北口南橫橋過盡見松庵舊遊新夢猶能記
般若真如得偏參霜圃擷蔬充早供石泉煮茗薦餘甘
殘年便擬依僧住過眼空花久已諳

退食

竿頭犢鼻清貧在夢裏槐安舊習空退食歸來澹無事

欽定四庫全書

中州集

十四

水邊長嘯看晴虹

學易先生雷思一首

思字西仲渾源人天德三年進士大定中任大理司直持法寬平至今稱之仕至同知北京轉

運使事有易解行於世弟志字尚仲亦第進士

仕至永定軍節度使西仲李子淵最知名

食松子

千嵒玉立盡長松半夜珠璣落雪風休道東游無所得

歲寒梁棟滿胸中

王大尹脩一首

脩字脩然范陽人皇統二年進士資稟鯁峭甫

入仕即以材幹稱大定中皇子曹王尹大興脩
然為少尹王移鎮北門復以同尹從之前後多
所規益朝廷稱焉遷咸平轉運使改知瀋州坐
為怨家所誣奪官宰相有為辦理者得鄭州防

禦使章宗即位召拜禮部尚書以選為大興尹

兩月政成發姦擊強剖繁理劇百年以來無有

出其右者尋為護前者所排繫獄累月天子知

其非罪出之脩然幅巾歸范陽明年起為定國

軍節度使致仕卒遺命無請謚無立碑然至今

言名臣者必及焉

烏子秀自左司貟外郎左遷上京幕官

楚山白玉點蠅頭正坐胸中有九流同是吏郎皆五馬

不知山鬼解揶揄

高工部有鄰一首

有鄰字德卿遂城人數歲入小學州將為子要

婦駢御盈路同舍兒競觀之德卿讀書自若也

大定三年第進士歷州縣為尚書省令史時相
議訛詞賦專明經德卿以賦有謫諫之義反復
詰難竟得不能爾後擢第者廷試時務策亦自
德卿發之明昌初累遷安國軍節度使父飛狐
令某嘗尉南和以公事活千餘人德卿實生是

欽定四庫全書

中州集

十六

邑父老有身及當時事者扶杖迎勞歡呼馬前
德卿亦為立碑尉廳不踰月子嵩猶子鑄同榜
登科時人榮之泰和中使宋還拜工部尚書致
仕卒德卿孝友廉介長於吏事所至興學校敦
風化以儒雅自緣飾者舊至今稱之子嵒字士

瞻第進士季子嶷字士美正大初監察御史最

知名

馬嵬

事去君王不柰何荒墳三尺馬嵬坡歸來枉為香囊泣
不道生靈淚更多

宋孟州楫二首

楫字濟川長干人年十九天德三年擢第除著作郎母老丐歸養許之泰和三年以省掾從吏
部尚書梁肅使宋副趙王府長史直臣獮淮上
射一虎斃之濟川有詩記其事語意俊拔泗州
守刻石於鎮淮堂濟川官至孟州防禦使子元

欽定四庫全書

中州集

十七

吉字祐之明昌二年進士元圭字達之泰和三年進士皆有名於時曾孫弘道今在武陟
還紫雲寺素扇且題詩其上

吳綾便面小團圓失手拈來亦厚顏障盡驛塵三十里
却還明月紫雲間

庭槐

庭槐先人手所植再世清陰方滿臺慚媿兒孫種桃李
花枝準擬當年開

高轉運德裔一首

德裔字曼卿鶴野人高才博學弱冠擢第累遷

登聞檢院同知太府少監平陽少尹開州刺史

豐王傳卒於西京路轉運使工於為文字畫尤
有法所題卷軸今猶有存者嘗以樗軒所書比
之氣韻形似無毫髮少異樗軒自望者甚高何
至學曼卿乃暗合之真異事也子元道殿中侍

御史

坐亡女

女環州張氏年十三異夢之後
坐亡已四年矣贈詩者甚多

結習銷來性自圓去留元不間人天消搖自是忘形蝶
枯寂寧同委蛻蟬無礙真空常蕩蕩若存餘息尚綿綿
立亡坐脫皆游戲定力何嘗有變遷

路冀州仲顯一首

仲顯字伯達冀州人家世寒微其母有賢行教
伯達讀書國初賦學家有類書名節事者新出
價數十金大家兒有得之者輒私藏之母為伯

達買此書撙衣節食累年而後致戒伯達言此

書當置學舍中必使同業者皆得觀少有斲固

吾即焚之矣伯達正隆五年進士明昌初授武

安軍節度使鄉人榮之雲朔用兵伯達奉使江

左還獻賜幣以佐軍未報而伯達死章廟詔以

所獻還其家夫人傅氏曰此非吾夫意復上之
有司不聽夫人付之州學買上田二千畝有奇
以贍生徒故相馬琪德玉時判州事聞于朝賜

號成德夫人伯達二子鐸字宣叔鈞字和叔俱

有名于時宣叔為諫官諫章廟元妃李氏出細
微不應上僭有累聖德又其兄弟恃寵納賂將
有楊國忠之禍坐謗訕除名宣叔布衣還鄉里
傳夫人臨終敕宣叔曰汝以憂國愛君故極言
直諫天子明聖特暫有所蔽計他日必復起汝

前事須再言勿有所顧藉也墓碑不之載故表
出之

楊祕監釋迦出山像

自從此老出山隅惱亂蒼生底事無他日若逢楊處士

只教畫箇涅槃圖

張代州大節一首

大節字信之五臺人天眷中進士與興陵有藩

邸之舊愛其真淳甚倚重之歷橫海軍節度使

咸平大興尹吏部尚書河東北路兵馬都總管

明昌初請老特授雁門節鉞除其子嵒叟忻州

欽定四庫全書

中州集
卷八

二十

刺史以榮其歸信之好獎進士類滄州徐寢太
原王澤大興呂造經其指授卒成大名士論以

風監歸之嵒叟字夢弼亦第進士歷嵐潞懷三

州節度終於集慶軍屏山謂吏事不及乃父而
以長厚見稱子待舉臺掾選授奉御正大末從

車駕東狩不知所終孫紹祖在東平

同新進士呂子成輩宴集狀元樓

鶠鵠新班宴杏園不妨老鶴也乘軒龍津橋上黃金榜

三見門生是狀元

趙轉運憲三首

憲字叔通黃山先生漁之父也宋末汪彥章任

鄆州教官叔通為學正嘗預酬唱故其詩文皆

有源委國初登科仕至同知南京路轉運使事

擬古

春風動地來依依燒痕青王孫行不歸離恨何時平翩
翩誰家兒曉獮開紅旌彫弓插白羽怒馬懸朱纓園合

欽定四庫全書

中州集
卷八

二十二

意氣雄廝養厭庖烹人生一春草時至何足榮君看五

陵樹日暮悲風生

蜀山曉發

曉發蜀山道山深人自迷殘星數徽小斜月一梳低隔
舍繚車響遙林杜宇啼區區事行役何日得安栖

寒齋雪中書呈許守

剪水作花開紛紛天上来聲清偏傍竹艷冷欲欺梅積
潤滋年來餘膏丐草萊窮閭休歎息數日是春回

郭祕監長倩一首

長倩字曼卿文登人皇統丙寅經義乙科仕至

祕書少監兼禮部郎中修起居注與施朋望王

無競劉嵒老劉無黨相友善所撰石決明傳為

時人所稱有崑崙集傳于世子天驥

義師院叢竹

南軒移植自西壇瘦玉亭亭十數竿得法未應輸老柏

植根兼得近幽蘭雖無穠艷包春色自許貞心老歲寒

欽定四庫全書

中州集

二十三

百草千花盡零落請君來向此中看

郭錄事用中一首

用中字仲正平陽人大定七年進士歷浮山簿

陝州錄事卒年三十一有寂照居士集郝子玉

毛牧達鄭仲康為之引其賦醋魚云身卧不知

雲子白氣酣聊作木奴酸按博物志西羌仲秋

日取鯉子不去鱗破腹以赤秫米飯鹽醋合膠

之逾月則熟謂之秋鮓故仲正云然又賦雪云

灞橋柳絮人千里楚澤蘆花水半扉殊有詩人

思致恨不假之以年耳

偶得

參偏叢林懶出游指端孤月照高秋大千界裏閒窺掌

不二門中暗點頭埽地燒香聊自遣裁花種竹儘風流

莊蒙抵死談齊物無物齊時也合休

趙太常之傑 三首

之傑字伯英大定人本名宗傑避諱改大定十

欽定四庫全書

中州集

二十三

六年進士歷西京提刑副使棣州防禦使終于

太常卿使宋還言事云宋人文敝之極且脆弱

不足為慮邊部為可慮也其前識如此予繪名

進士早卒孫季卿在燕中

許道寧羣峯暮雪

道士平生林野人醉中拈出雪峯真為君療却烟霞癖

比似青囊藥更神

題濟源龍潭寺

樹圍脩竹竹園庵庵下泓然碧一潭極目荷花半秋色
小橫圖上看江南

除夜

日月不肯留歲厯倏去畢僧坊見節物新正在明夜
半拊枕歎半百又加七形骸念念改膂力能不失經言
男數八此去才有一健者未可期況乃常衰疾物情忌
盈滿君子慎名實行矣安退閒吾其保終吉

趙轉運鼎一首

欽定四庫全書

中州集

二十四

鼎字德新樂城人大定十六年進士喜作詩頗
知道學屏山所許如此仕至西京路轉運使元
日詩云拜嗟筋力隨年改飲覺屠蘇到手遲惜
不多見也予中立字正卿第進士文譽甚著

宿來同堡

渭北洮南過却春窮邊冰雪更愁人來同驛裏題詩處
破屋青燈一病身

田轉運特秀一首

特秀字彥實易縣人大定十九年進士仕至太
原轉運使喜作詩為周德卿李之純所賞感興
云散木不材寧適用虛舟無意任隨流百年身
世槐安國千古人情羨頡侯賦古塙云締構百年
人換世消沉千古烏盤空他類此彥實所居里
名半十行第五以五月五日生小字五兒二十
五歲鄉府省御四試俱中第五年五十五八月
十五日卒造物之戲人如此

五月五日生者見其賦集序胡國瑞

宿萬安寺

長途鞍馬倦黃塵喜見空嵒萬疊雲漫漫野煙迷去鳥
蕭蕭林葉帶殘暉苔封老檜龍鱗起石礙流泉燕尾分
夜敞松窗耿無寐一庭蘿影月紛紛

趙漕副文昌一首

文昌字當時陵川人仕至京兆轉運副使嘗有
詩云蟲聲連壞壁樹色入秋窗草香花落處山

黑雨來時頗為黃華所稱

歌扇

媚娘巧作貫珠喉畫扇團團半掩羞唱到春山小顰處

一輪明月為花愁

路轉運忱一首

忱字子誠平郭人大定二十二年進士累遷監

察御史終于河東北路轉運副使

秋懷

欽定四庫全書

中州集

二十六

落日留虛壁秋風急戍樓高歌神鬼夜揮涕黍禾秋豪貴少青眼文章多白頭何時挂長劍天地一扁舟

高密州公振一首

公振字特夫正隆初進士歷南京留幕終于密州刺史詩有家學賦南園江鄉有翠葢紅粧無

俗韻綠陰青子更多情之句惜不多見也

裴氏西園

簿領沉迷倦不禁偶從名勝此幽尋竹陰疎處見潭影

人語定時聞鳥音陳迹謾留千古恨歡遊聊慰十年心
多情一片梁園月送我垂鞭出上林

張轉運毅一首

毅字伯英臨潁人大定二十八年進士仕至河

南路轉運使家多法書名畫古物祕玩周秦以來鏡至百餘枚他物稱是天性孝友與人交極誠款古所謂博雅君子者伯英可以當之弟毅

字伯玉美風儀善談論氣質豪爽在之純希顏

欽定四庫全書

中州集

二十七

伯仲間舉進士有聲場屋及再上不中即拂衣去嘗自言丈夫子娶非尚主官不徒步之宰相不屑可也宰相李公仲脩適之皆與之遊從不敢以布衣諸生處之家既貴顯厚於奉養擊鮮

為具賓客日滿門窮書竟夜卒以樂死嘗賦雪云樵皮雙亮懶漁蓑一喟拳醉後云日日飲燕

市人人識張鬍西山晚來好飲酒不下驢賦畫

石云腹非經笥口不肉食胸中止有磊磊落落

百千萬之怪石興來如噎快一吐將軍便欲闕
弓射氣母忽破碎物怪紛狼籍有時醉狂頭掉
筆寫盡人間雪色壁其顛放如此

石宗

天后離宮在崧山曲河即東坡為韓子華賦詩處也

穎水洗餘高士耳是非猶恐汚人牛區區武媚何為者

水上摩崖紀宴游

宗御史端脩一首

端脩字平叔一字伯正汝州人大定二十二年

欽定四庫全書

中州集卷八

二十六

進士衛紹王避世宗諱改宗為姬而天下止以
宗平叔目之好學喜名節操履端勁慕司馬溫
公之為人自為諸生時見者必悚然敬之明昌
中自省掾拜監察御史車駕東狩是歲大寒人
有凍死者平叔諫止之元妃兄弟李喜兒輩干
預朝政平叔上書以遠小人為言道陵知其為
喜兒發詔喜兒就問卿欲朕遠小人小人為誰
其以姓名對平叔奏小人止李喜兒兄弟耳喜

兒以聞李氏兄弟皆被切責竟以計直貶官平
叔自守愈篤是是非非議論一出於正大為朝
廷所知降詔褒諭以全州節度副使卒官平叔
妻死不更娶潔居二十年士論高之永寧游彥
哲調汝州司候將之官問為政平叔言為政不
難治心養氣而已彥哲不領明日復來云夏初
入官且臨先生鄉郡請問從政而先生乃以治
心養氣為言思之不能得願終教之平叔曰子

欽定四庫全書

中州集卷八

二十九

寧不知此耶治心則心正心正則不私養氣則
氣平氣平則不暴不私不暴為政之術盡於此
矣平叔墓碑及傳閒公為作稱其剛稜疾惡
有鐵面陳了翁之風人不以過云姪孫汝作正
大末保山棚有功入守汝州力盡城復陷兵人
欲降之不屈而死

漫書

冷面宜教冷眼看只慙索米向長安陰崖何限枯松樹

望見屏幃盡牡丹

張戶部翰 五首

翰字林卿秀容人大定二十八年進士為人有

蘊藉如素宦然累遷監察御史翰林直學士貞祐初戶部侍郎車駕南渡出為河平軍節度使

召拜戶部尚書草創之際經費空竭雖米鹽細

物皆倚之而辦予嘗見於戶曹邠州一書生言

時事相與詰難凡數十條率不思而對雖反復

欽定四庫全書

中州集

三十一

計度者亦自不能到信通濟之良材也宣宗旦

暮相之會卒年五十五弟脩字飛卿承安五年

進士同知河東北路兵馬都總管事猶子天彝

字仲常黃裳榜登科子天任字西美近侍局副

使死于宋州之變

贈石德固

西湖之月清無塵橘中之樂猶避秦向來所見止此耳渠亦豈是真知津如君眼孔乃許大萬事付之塵顛墮

兒能詩書又肯播著脚世間看踏破青巾玉帶桃李花日斜空望紫雲車布衣誰識隱君子一馬瀆然何處家

再過回公寺

山州風土極邊頭二十年中復此遊青鬢已隨人事改碧溪猶繞寺門流輕寒剪剪侵駝褐小雪霏霏入蜃樓為問勞生幾時了不誠長抱異鄉愁

萬寧宮朝回

宿雨初收變曉涼宮槐恰得幾花黃鵠傳喜語留鞘尾

欽定四庫全書

中州集

三十一

泉打空山輶鞠場已覺雲林非俗境更從衣袖得天香

太平朝野歡娛在不到蓮塘有底忙

奉使高麗過平州館

昨日龍泉已自奇一峰寒翠壓簷低兼并未似平州館屋上層巒屋下溪

金郊驛

山館蕭然爾許清二更枕簟覺秋生西窗大好吟詩處聽了松聲又雨聲

李好復二首

好復字仲通安喜人明昌二年進士榆次令有

能聲入為警巡使嘗以事縛一護衛道陵有投

鼠之喻出為歷城令終于滑州刺史

邵智夫同游南城

園林晴晝蔚如煙林外支流盡水田落日趨墟人已散
鶩鶩飛上渡頭船

雨中與客飲

欽定四庫全書

中州集

三十二

門外平橋一水分數聲漁唱隔溪聞暖風落絮飄香雪
小雨沾花濕夢雲釀具未甘名長物詩壇聊欲張吾軍
相逢莫惜通宵飲明日閒身不屬君

楊祕監邦基一首

邦基字德茂大定中進士仕至祕書監禮部尚

書文筆字畫有前輩風調世獨以其畫比李伯時云

墨梅

粉蝶如知合斷魂啼粧先自怨黃昏花光筆底春風老寂莫嶺南烟雨痕

呂陳州子羽四首

子羽字唐卿大興人大定末進士仕至陳州防禦使元光末為酷吏所誣以乏軍興繫獄比赦

至唐卿自縊死朝臣有辨其冤者詔復官希顏為制辭云毀譽之來在仁賢而不免是非之論

至久遠而乃公人謂唐卿於此語為無媿屏山

欽定四庫全書

中州集

三十三

故人外傳呂氏自國朝以來父子昆弟凡中第者六人以六桂名其堂貞幹字周卿尤自刻苦嗜文書著竭石志數十萬言皆近代以來事迹幽隱謫怪詼諧嘲評無所不有在史館論正統獨異衆人謂國家止當承遼大忤章廟旨謫西京運幕量移北京致仕自號虎谷道人晚年感末疾又號呂跛子自作傳以見志閑閑公亦以為篤志君子也弟士安字晉卿卿雲字祥卿

子鑑字德昭皆名士唐卿其從子云

廣平道中

風色著薰面霜華侵老須昏埃埋故驛積雪縞脩途凍
岫新詩句寒林古畫圖夜寒孤月上天地一冰壺

宿章義廣勝寺

小邑本無事我來勞簡書路長頻問馬人靜厭烹魚鍾
冷僧叅外燈殘客夢餘此心誰領會松月夜窗虛

至日

欽定四庫全書 中州集 三十四
歲晏多風雪官閒深屋廬小詩窮則變美酒數斯疏未
草歸田賦空翻引睡書窗明添眼力已覺日光舒

李白醉歸圖

春風醉袖玉山頽落魄長安酒肆迴忙煞中官尋不得
沉香亭北牡丹開

趙鹽部文昌一首

文昌字公權平陽人明昌二年進士仕至遼東
路鹽使博學好持論周常山甚愛之子觀字維

道從事史院資謹厚不忤于物閒閒許其字畫
進進不已可到古人云

軍中寄親舊

軍中從事鬢絲垂把釣江湖與願達紅葉關河為客久
黃花時節寄書歸霜天不盡孤雲遠秋意無聊一雁飛
鄉社故人應念我豈知南望更依依

韓內翰王二首

欽定四庫全書 中州集 三十五
玉宇溫甫其先相人五世祖繼寧仕石晉為行

軍司馬從出帝北遷居折津曾孫知白仕遼為
中書令孚為中書門下平章事賜田盤山遂為
漁陽人曾祖錫字難老仕國朝以濟南尹致仕
溫甫明昌五年經義詞賦兩科進士入翰林為

應奉應制一日百篇文不加點又作元勲傳稱

旨道陵歎曰勲臣何幸得此家作傳耶泰和中

建言開通州路水漕渠船運至都陸兩階授同
知陝州東路轉運使事大安三年都城受圍夏

人連陷邠涇陝西安撫司檄溫甫以鳳翔總管
判官為都統府募軍旬月得萬人藉秦州場買
馬官香及鳳翔冒買馬七百寶雞埋沒官鐵他
州郡弓弩數千以給軍出屯華亭與夏人戰敗
之獲牛馬千餘時夏兵五萬方圍平涼又戰于
北原夏人疑大軍至是夜解去當路者忌其功
驛奏溫甫與夏寇有謀朝廷疑之使使者授溫
甫河平軍節度副使且覘其軍先是華州李公
欽定四庫全書

卷八 中州集 三十六

直以都城隔絕謀舉兵入援而溫甫恃其軍為
可用亦欲為勤王之舉乃傳檄州郡云事推其
本禍有所基始自賊臣貪容姦賂繼緣二帥貪
銅威權既止夏臺之師旋致會河之敗又云齊
魏以高壘為能堅蒲絳以穿空為得計覆糧坐

罪溫甫赴官道出華州被囚死于郡學臨終書
二詩壁間士論寃之溫甫先賦怪松云昂藏殊
未展偃屢旋自縮惜爾雲外姿耐此胯下辱又
云木高衆必摧地厚敢不跼河中皆汎汎澗底
自鬱鬱未幾被禍人以為識云子不疑字居之

欽定四庫全書

卷八 中州集 三十七

小字錦郎以父死非罪捨不祿仕丙申之夏過
予冠氏出其父臨命時手書云此去冥路吾心
皎然剛直之氣必不下沈兒可無慮世亂時艱
至京師柰何嗚呼四集之師懸懸半歲之上人

誰無死有臣子之當然事至于今忍君親之弗
顧勿謂百年身後虛名一聽史臣只如今日目
前何顏以居人世公直一軍行有日矣將佐違
約國朝人有不從者輒以軍法從事京兆統軍
便謂公直據華州反遣都統楊珪襲取之皆置
極刑公直曾為書約溫甫溫甫不預知其書乃
為安撫所得公直書三一與京兆宣撫一與溫
甫一與楊珪故京兆軍得因書襲
華及使者覘溫甫軍且疑公直之謀即實其

努力自護幽明雖異寧不見爾予為之惻然

臨終二詩

客自朝那戌東過古鄭原衰年會凶運奇禍發流言白骨將為土青蠅且在樊仰呼天外恨沉思地中冤母喪半途鬼兒孤千里冤此心終不滅有路訴天闇

又

天下無雙士軍中有一韓才名兩相累世道一何艱旅次窮冬莫因孤永夜寒身亡家亦破巢覆卵寧完豐饌

鞍仍在驚呼鉞屢彈丈夫忠義耳無惜感歌還

王都運擴一首

擴字克之永平人明昌五年進士累遷同知德州防禦使事山東饑詔馳驛赴官且以賑貸事付之時棣州饑尤甚而在發粟之數充之擅

開倉救之朝廷不之罪也泰和七年夏旱充之以監察御史受詔審寃因為同列言往時審寃

一切以末減為事至殺人者之罪亦貰出之地

下之寃當誰理之乎使還言剏設三司不便大畧言三司之設特以刻剝為事大定間一曹望

之為戶部天下倉廩府庫皆實百姓無愁怨之聲存乎其人不在改官稱也今三司官皆戶部舊員掾屬亦戶曹舊吏豈有愚於戶部而智于

三司者乞復戶部之舊無駭民聽可也崇慶初

遷河東北路按察僉事上書言時病四一將不知兵二兵不可用三事不素定四用人違其長

貞祐二年太原受兵克之之功為多最後權陝

西西路轉運使行六部尚書前政太原喬世權

子寶燕人趙伯成子文號為稱職充之表表自見雖處細務亦有法掾屬奔走從事無敢後者評者為子寶寬緩欲為不忍欺子文慎密欲為不能欺皆未必能然獨王公之不敢欺為有徵

云年六十三致仕卒子元慶字善甫歸德行六

部郎中次子元亨

題神霄宮清心軒

紛紛百慮自心生方寸清來百慮平未了此心私自笑
更憂時世欲澄清

趙吏部伯成 三首

伯成字子文定平人明昌五年經義詞賦兩科
進士博通書傳有真積之力性沉厚言必中理
從在太學日人以趙骨鯁目之累遷侍御史拜

中丞陝西西路轉運使靜難軍節度使哀宗即

欽定四庫全書

卷八 中州集

四十

位名為吏部尚書坐為飛語所中罷官卒于松
山中潞人宋文之說其臨終甚明了也

蠟梅二首

凍蕾含香蠟點勻古來幽谷有佳人詩家只怨和羹晚
不道紅梅別是春

又

冷艷疎香寂莫濱欲持何物向時人東風自是清狂手
辦作竹籬茅舍春

元弟以所業見投賦詩為贈

者舊隔存歿為君重歎嗟人門得嵇紹文賦見張華夙
有凌雲筆方乘犯斗槎忘年即吾友未可論通家

梁錄事仲新 一首

仲新字良輔朝城人明昌五年進士初試仙掌
承露詩主司以為擅場用是知名卒于許州錄
事

江天暮雪圖

欽定四庫全書

卷八 中州集

四十一

南雪不到地霏霏滿竹樓沙河燈市裏春在木綿裘

盧待制元 一首

元字子達玉田人父啟臣字雲叔第進士仕宦

亦達自號浭水先生和趙元發劉師魯葛藤韻
云乳兔生長角麌湯結厚冰木終成假佛髮不

礙真僧莫認指為月須明火是燈拈花微笑處

只記老胡曾子達幼而敏惠年未二十試于長
安為策論魁擢第後又中策魁明昌初章廟設

宏詞科命公卿舉所知子達與郭敬周詢張復

亨就試凡七日並中選遂入翰苑累遷至待制

二兄長庸弟曾名進士又俱擢高第時人以燕

山竇氏比之屏山故人外傳云爾子安字希謝

翔字仲升仲升正大末登科

間詠

天近蒼龍闕居連白馬堂松聲得鄰舍山色出宮牆巷陋輪蹄少庭閒日月長九衢紅霧裏亦有白雲鄉

欽定四庫全書

中州集

四十二

太常卿石抹世勣一首

世勣字晉卿承安中進士終于禮部尚書子嵩

字企隆應奉翰林文字父子皆死蔡州之難

紙鳶

鵝鳶鵠鷁誰雌雄假手成形本自同果物戲人人戲物

為風乘我我乘風扶搖漫擬層霄上高下都歸半紙中兒輩呶呶方佇目豈知天外有冥鴻

范滑州中一首

中字極之大興人承安中進士累官京西路司

農少卿滑州刺史好賢樂善有前輩風流貞祐

中高琪當國專以威刑肅物士大夫被捃摭者笞辱與徒隸等醫家以酒下地龍散投以蠶丸

則受杖者失痛覺此方大行於時極之有戲云嚼蠶誰知味最長一杯卯酒地龍香年來紙價

長安貴不重新詩重藥方時人傳以為笑極之嗜讀書一以資于詩詩亦往往可傳壬辰卒于

欽定四庫全書

中州集

四十三

京師年五十七

贈韶山退堂聰和尚

郎當舞袖少年場線索機關似郭郎今日棚前閒袖手却教鼓笛看人忙

趙禮部思文六首

思文字廷玉永平人明昌五年進士貞祐中陷沒都城間闕南渡遂為朝廷所知歷虢州刺史汝州防禦使金安集慶兩軍節度使召拜禮部

尚書壬辰卒官為人誠實樂易自少日有君子

長者之目南狩以後趙吏部子文楊禮部之美

趙禮部周臣陳司諫正叔與庭玉皆完人終始

無玷缺者也弟庭珪同榜登科三子敬叔介叔

方叔今居鄉里

試院中呈同官崔伯善李順之

睡起松陰鳥雀譁忽驚霜果墮檐牙簡書迫促全疎酒

眼力眵昏只費茶不學道人食柏葉却隨舉子踏槐花

欽定四庫全書

四十四

欽定四庫全書

卷八

四五

提衡文字非吾事崔李風流有故家

侯相浪溪歲寒堂

靜中臺榭隔紅塵水色山光日日新不用沿溪種松竹

主人元是歲寒人

捕蝗感草蟲有作二首

雖是形模不苦爭汝能傷稼我能鳴誰知竟有長平禍

玉石填來共一坑

又

草蟲悲咽不能言亂逐螻蝗瘞古原水底癡龍正貪睡

甕中蝎虎更銜冤

二詩疑固城中作
觀者可以意推之

嵩山承天谷又云逍遙谷

煙霞直上逍遙谷路轉山腰咫尺迷已覺洞天分聖境

更疑石蹬是仙梯霜添紅葉黃花好天與金壺玉柱齊

兩峯名醉倚西風正南望莫雲烟草一時低

弔同年楊禮部之美

海內文章選人中道德師爭教衰病足不到鳳凰池

欽定四庫全書

卷八

四五

李坊州芳一首

芳字執剛大興人承安二年進士歷乾坊兩州

刺史同知都轉運使事為人敬賢下士欵曲周

至聞人一善極口稱道士論以此歸之又精于

吏事累以廉能進秩正大末致仕歿於洛陽之

睢

留別

祿食媿踰量智困念歸愚符竹恒為累幸及引年初驅

馬國西門初服返田廬金閨富才彥絕足駛高衢眷我
謝朝蹟冠蓋寵歸途歸途豈不榮顧瞻亦踟蹰煌煌丹
山鳳覽德萃清都行人得棲止老鶴青天孤石樓俯清
伊旁有幽人居儻逢經過便山水足相娛

劉鄩縣昂三首

昂字次霄濟南人承安五年進士調鄩縣令劉

光甫曾為同官稱次霄高材博學詩時有佳句

云

欽定四庫全書

中州集

四十六

零口早行

馬上兀殘夢沉沉天向晨行雲如妒月古道不逢人野

曠畊聲遠山高露氣新哦詩無好語聊爾一呻呻

讀三國志二首

虎視鯨吞卒未休一時人物盡風流婦翁正得黃承彥

兒子當如孫仲謀乳臭蒙孫真寄坐齒寒鄰國莫分憂

阿瞞狐媚無多罪誰作桓文得到頭

又

泣漢遺黎血未乾繁昌新築受終壇天球寶鼎私滅獲
坎井坳堂局鳳鸞地易主賓窮赤壁勢成螳雀事烏丸
陳言袞袞令人厭枉就輸恭覆舊槃

錦峰王仲元三首

仲元字清卿平陰人承安中進士以能書名天

下歷京兆轉運司幕官子公茂今在雲中

雪中同周臣內翰賦二首

天上瑞花散不收溫溫葉氣浹皇州橫溪月澹梅宜臘

欽定四庫全書

中州集

四十七

平野風閒麥有秋清興雅高東武會孤吟誰似灞陵游

西山玉立三千丈好句都輸趙倚樓

雪

初稀時拂拂稍密自紛紛老樹曉迷月瘦峯寒帖雲色

從空際得聲向靜中聞客枕清無夢哦詩徹夜分

贈青柯平隱者

太華神明觀青柯小有天大哉霄壤內無此弟昆賢齊

物三千行樓雲二百年初平初起後又得兩臞仙

盧宜陽洵一首

洵字仁甫高平人李承旨致美見所作上梁文

勉使就舉六十一歲呂造榜登科歷河南府教

授河陽丞宜陽令致仕後居伊陽年八十三卒

仁甫有詩學以鞏原及赤壁圖詩著名招飲云

南園仙杏猩紅破北渚官醪玉汗醇已約尊前

成二老全勝月下作三人

白溝

欽定四庫全書

中州集

四十八

碧波依舊只東流

刁涇州白三首

白字晉卿信都人呂造榜乙科歷涇州幕官入

補省掾卒作詩極致力樂府尤有風調今散失

不復見矣

渭水

渭水秋天白驪山晚照紅行人迷古道老馬識新豐霜

雪滿歸鞍乾坤猶轉蓬愁來成獨酌醉袖障西風

物質

物質方圓定營營止自疲鶴鳥傷斷續鵬鷁失高卑巧

宦多成拙徐行未必遲可憐箏上雁來往聽人移

送花

縱橫詩酒少年曾老矣追懽謝不能種出好花無用處

東鄰乞與坐禪僧

劉戶部光謙一首

欽定四庫全書

中州集

四十九

光謙字達卿潘州人父澤字潤之為部掾斷獄有陰德劉之昂與之酬唱其詩有云侯門舊說

炎如火陋巷今猶冷似冰半夜杯檠長袖舞白

頭書冊短檠燈用是人不敢以府史待之達卿泰和三年進士資幹局處事詳雅為朝廷所知

累官司農少卿病瘡許州宣宗勅國醫診視之卒年五十六好問為舉子時識於登封相得甚

歡尊酒談笑有味使人不能忘也

寄陳正叔雷希顏

東南形勝古徐州人物休評第幾流落落陳雷天下士
故應連榻卧黃樓

毛提舉端卿一首

端卿字飛卿彭城人父矩桓州軍事判官歿王
事飛卿二十歲始知讀書游學齊魯間備極艱
苦飢凍疾病不以廢業凡十年以經義魁東平

泰和三年擢第累遷提舉榷貨司戶部員外郎

性剛明疾惡過甚坐與監察御史相可否為所
中傷降鄭州司候改孟津丞將復用矣會卒子
思適今居東平

題崞縣郝子玉此君軒

桂林名姓一枝新萬竹青青德有鄰渭上風煙分別派
山陽詩酒屬閒人心期已到冰霜窟眼界不知花柳塵
晉背從今看輝映嫩香新粉四時春

康司農錫一首

錫字伯祿寧晉人其祖嘗與兄弟分財他田宅

無所問止取南中生口十餘人縱為民而已以
故家獨貧父爽為里胥性純篤縣令者倚之以

納賄及令為御史所劾爽自念言直則令被罪

終世不齒渠官長而爽以事證之何以立於世
乃自縊而死令竟以無迹可尋獲免伯祿既養
于外祖田氏田氏見伯祿骨骼異他兒謂當有

望使之應童子舉飲食卧起躬自調護備極勞

苦得解赴都一日日莫行茭葦中懼為同行所
遺至背負伯祿而行及長師柏鄉王翰周輔東
脩不能備周輔與諸公共賙給之黃裳榜擢第

歷櫟陽簿警巡判官辟彭原令補省掾考滿遷

開封府判官拜監察御史言宰相侯摯師安石
非相材提點近侍局宗室安之聲勢焰焰請託
公行不可使久在禁近朝議偉之選授右司都

事京南路司農丞破上蔡諸縣群不逞把持之

黨以河中治中充行六部郎中從軍城陷授水

死伯祿孝于母友于其弟有恩義于朋友從政

則死心以奉公為民古所謂公家之利知無不

為者惟伯祿為然同年生如雷希顏冀京父宋

飛卿之等名士數十人世以比唐日龍虎榜至

論氣質尚以伯祿為稱首云

按部南陽有贈

魯山佳政霑鄰邑白水歡謠見路人縣務清談君自了

欽定四庫全書

卷八

五十三

農郊夙駕我何勤星河直上冰輪轉桃李前頭玉樹春
海寓疲民望他日草堂那得遽移文

張戶部德直一首

德直字伯直平陽人叔祖邦彥字彥才張楫榜

登科以當川令致仕有松堂集行于世嘗有詩

云青山澹澹水溶溶盡出蒼祇點化工無限燒

痕渾綠染可憐喬木待春風父迪祿字仲英明

昌初進士歷岐山上黨二縣令卒于省掾伯直

貞祐三年進士釋褐新平簿辟藍田令秩滿父

老請行臺留再任去之日為立生祠移汚池通

許召補省掾選授右警巡使終于同知武勝軍

節度使事于城今居永寧

叔能見過

度嶺千峯濶涒鄰一徑微山寒花發晚村迥客來稀強
飲酬佳節悲歌送夕暉平生愛歡聚衰病與心違

馮辰一首

欽定四庫全書

卷八

五十三

辰字駕之臨潼人貞祐三年進士辟涇陽令九

歲知作詩

雨後時年十三

東風花外錦鳩啼喚起西山雨一犁綠滿蔬畦人不到
桔槔閒立夕陽低

王世昌二首

世昌字慶長寧州人貞祐三年同進士出身以

信都丞致仕

過華州

拔地三峰冷翠微，落嵒飛瀑噴珠璣。
吟鞭落托騎驢過，戰刃韜藏牧馬歸。
十丈玉蓮秋不謝，半楞掌月書還飛。
地靈人傑無遺逸，未分蟠螭老布衣。

方城東寺海棠

苦苣如針草有芒，桃花輕薄絮顛狂。
少陵例有詩沾丐，只枉無言到海棠。

李宜陽過庭

一首

欽定四庫全書

中州集

五十四

過庭字庭訓，武亭人。貞祐二年進士，歷宜陽永寧榮陽三縣令。所去見思入為右曹掾，斷獄寬平，當妖賊李亨首坐，所詿誤數百人，皆從輕法。

正大中擢右三部司正，終於昌武軍節度副使。少日從太原王正之學，故詩文皆有可觀。人初與交者，皆不能合。久之知其為淳質長厚人也。

壬寅四月暴卒於東平子萼字華甫

讀公孫弘傳

古來好客數平津，我道真龍未必真。
一箇仲舒容不得，不知開閣為何人。

田錫

二首

錫字永錫，宛平人。興定五年進士，調新蔡主簿。閒居南陽驥立山下，資豪爽，自少日有聲場屋間。作詩甚多，吊蘇墳一篇有英靈還却看山秀，依舊東風草木天之句，世閑傳之。

牧牛圖

欽定四庫全書

中州集

五十五

干戈擾擾徧中州，挽粟車行似水流。
何日承平如畫裏，短蓑長笛一川秋。

故縣別業

九折驅車夢易驚，一塵老計喜初成。
園蔬不借將軍宅，券何勞宰相名。
山入平簷供遠翠，水環釣石得深清。
漫郎聾叟琦玕子，誰悟他生與此生。

張介

一首

介字介夫，彭城人。正大元年經義第一，人稱輩。

穀熟二縣令幼有賦聲為人有蘊藉嘗贈詩人
楊叔能末章云我貧自救如沃焦君來過我亦

何聊為君欲寫貧士歎才思殊減荒村謠楊初
以荒村謠得名故云

讀天寶遺事

不但昨非今亦非上皇騎馬淚沾衣曲江死後無忠諫
却憶詞人秋雁飛

龐漢一首

欽定四庫全書

中州集

五十六

漢字茂弘平晉人正大末年進士沉毅有志節

待次內鄉北山兵亂遇害

終南翁

冷雲低壓萬長楊十頃秋陰鎖北堂門外兵塵漲秦楚
水邊烟景似湖湘荷翻山雨僧窓晚竹汎溪風客枕涼
早晚初平遂真隱遼陂閒牧石頭羊

宋景蕭二首

景蕭字望之濟川族孫正大六年進士辟令泰

安未赴遭亂望之於劉景玄為外兄故其詩頗

獲沾丐嘗有荒山銷盡古今魂之句詩家稱焉

河陰望河朔感寓一首

南來邊報日駸駸思禹亭高淚滿襟野燒為誰留白草
荒城空自隔疎林雁聲不斷天連水山色無情古又今
離合興亡只如此往年爭識少陵心

春雪用上官明之韻

唵唵春虫鬧撲窗地爐茶鼎蚓聲長詩中有味清於酒

欽定四庫全書

中州集

五十七

只欠冰稍數點香

李警院天翼三首

天翼字輔之固安人貞祐二年進士歷滎陽長

社開封三縣令所在有治聲遷右警巡使汴梁
既下僑寓聊城落薄失次無以為資辟濟南漕
司從事方鑿圓枘了不與世合衆口媒孽竟罹

非命輔之材具甚美且有志於學與人交欵曲
周密久而愈厚死之日天下識與不識皆為流

涕予謂天道悠遠良不可知而天理之在人心者亦自不泯也

還家三首

幽花雜草滿城頭華屋唯殘土一丘鄉社舊人何處在

語音強半是陳州

又

牡丹樹下影堂前幾醉春風穀雨天二十六年渾一夢

堂空樹老我華顛

欽定四庫全書

中州集
卷八

五十八

又

殊音異服不相親獨倚荒城淚滿巾祇有青山淡相對

似憐我是此鄉人

張參議澄四首

澄字之純別字仲經本出遼東烏桓族國初遷

之隆安祖黃縣府君移官洛水因家焉之純早

孤能自樹立避地洛西率資無旬日計而泰然

以閉戶讀書為業嘗從辛敬之趙宜之講學故

詩文皆有律度兵後居東平詩名藉甚如云齊客計窮思蹈海杞人癡絕漫憂天壞壁粘鷁艱

國步荒池漂蟻失軍容此類甚多

積雨

積雨生頑溽新晴意自怡幽花依小徑野蔓媚疎籬髮少從梳懶年衰與杖宜腐儒慙用拙糲食復何辭

和林秋日感懷寄張文御史二首

塞草枯黃秋未殘北風裘褐日生寒田園政憶遂初賦

欽定四庫全書

中州集
卷八

五十九

冰雪莫吟行路難囊穎露錐徒自苦蒯綵有劍祇空彈南窓明暖無塵到慙愧高人老鶴冠

又

別家六見月牙新萬里風霜老病身塊坐彊廬心悄悄遠懷茅屋夢頻頻瓜田無取終成謗市虎相傳久是真鄉國歸程應歲暮火爐煨栗話情親

輶馬圖

飛塹築城力亦優不應伏櫪便垂頭而今世上無良樂

兀兀黃塵覲得休

劉神童微一首

微字伯祥益都人七歲能文道陵召入宮賦鳳

皇來儀二首稱旨賜經童出身係籍太學後登

貞祐二年第

春柳應制得城字

翠細圓勻綠線輕著行排立弄新晴更看三月春風裏

散作飛花滿鳳城

欽定四庫全書

中州集
卷八

六十

郭宣道一首

宣道字德明邢州人系出衣冠家人物楚楚而有老成之風貞祐中客南陽名士定興張履坦

之罷鄧州觀察閒居此縣之石橋見德明愛之

招致門下飲食教督委曲周備遂有聲場屋間

正大末沒兵中

送同舍張耀卿補掾中臺

摩雲頭角看昂藏意外升沉豈易量取士皆知有科舉

進身初不在文章關心雁塔功名晚試手烏臺歲月忙
此去一官先有路獨憐燈火夜窗涼

張仲宣二首

仲宣字利夫相州人舉進士有聲子柔字子友

今在林慮

下第

主司頭腦舊冬烘更著書郎骨相窮曉賦得官何足道
直須遮馬困吳融

欽定四庫全書

中州集
卷八

六十二

戲題石鹿蜂猴畫卷

橫槊將軍馬足塵判花學士筆頭春功名果屬丹青手
造物如何戲得人

胡汲一首

汲字直卿衛州人少有賦聲與新鄭傅伯祥呂

鵬舉相友善貌寢陋而滑稽無窮時命不偶竟
窮悴而死

失題

休笑參軍靴不襪休嗟門客食無魚燕鴻來去端誰使

鵬鷁逍遙本自如潦倒淵明三徑菊荒唐惠子五車書

古人淡裏求真味身外紛華不羨渠

王脩齡 一首

脩齡字紹先同州人詩有得意好花開早落喚

愁芳草燒還生閒閒愛而戲之目為癡仙人

黃葉行送祖唐臣歸拓縣

送君黃葉山黃葉紛不埽上有蕭蕭之風樹下有漫漫


欽定四庫全書

中州集

六十二

之衰草山中黃葉行復青髀肉一消人自老酒盡意不盡執手臨古道古道連延走錦襄錦襄日暮浮雲朔一燈孤館相思處寒鴈一聲秋夜長

總校官庶吉士臣侍朝
校對官庶吉士臣陳墉
謄錄貢生臣張健



欽定四庫全書叢書要

集部
中州集卷九

欽定四庫全書叢書要卷二萬八十二集部

中州集卷九

壬集

金元好問輯

白先生貴一首

貴汴人自號決壽老自上世以來至其孫淵俱

以經學顯

客有求觀予孝經傳者感而賦詩

古人文瑩理後人但工文文工理愈暗紙札何紛紛君

欽定四庫全書

卷九

看六藝學天葩吐奇芬詩書分體製禮樂造乾坤千歧
更萬轍要以一理存如何臻至理當從踐履論跋涉經
險阻鑽研閱寒溫孝弟作選鋒道德嚴中軍仰觀及俯
察萬象入見聞不勞施斧鑿筆下生烟雲高以君唐虞
下以覺斯民君如不我鄙時來對爐薰

王內翰樞一首

樞字子慎良鄉人遼日登科仕國朝直史館

三河道中

詳校官候選知縣吳甸華

十載歸來對故山，山光依舊白雲閒。
不須更讀元通偈，始信人間是夢間。

睡軒先生趙晦一首

晦字光道管城人宋末代州法曹秀容主簿汴

京破後不復仕自號睡軒居士子洵子都大定
二十年進士真定路總管判官孫綱三赴廷試
以蔭補官終于永壽令曾孫居禮之讓今在燕

中

欽定四庫全書

中州集

二

欽定四庫全書

中州集

三

莫春

壓枝梅子半青黃，葉底殘紅雨褪香。
翠鈿舞風榆落英，綠鍼浮水稻抽秧。
濃猶覺春醒困，睡美方便午夢長。
苦被啼鶯訴，花老揮毫聊作送春忙。

浚水王先生世賞四首

世賞字彥功汴人與尹無忌王逸賓趙文孺相
周旋明昌中保舉才能德行賜出身釋褐鞏州
教授終于鹿邑簿有浚水老人集傳于世

立春後十日登樓

今日登樓眼風煙倍覺。新溪梅初破萼，屋雪半融銀雁
外天逾碧鷗邊水自春。兒曹應見笑，吟望獨傷神。

春雪

只謂春天暖寧知，雪霰飛龍蛇且深。
蟄花柳不勝威，移凌風細紛紛帶雨稀。
誰當問穹昊，生殺果何機。

探梅

候得南枝破玉腮，心顏今日為君開。
細看苔逕無行跡，先賞應輸我獨來。

稱善齋

宦途馳逐只堪羞，何意須封萬戶侯。
平日少游真可念，絕勝辛苦駐壺頭。

南湖靖先生天民一首

天民字達卿，潁陽人。其父國初官原武，因而家
馬少日嘗兩魁鄉試，自望者不碌碌所與交如
龐才卿楊茂才劉之昂王逸賓皆一時名士晚

年買田南湖葺亭圃植竹樹以詩酒為事自號

南湖老人年七十九卒子文煒德昭從孫顥子

昂

西子放瓢圖

髻鬟蕭颯苧蘿秋千古香溪水自流吳越兵爭竟何得

風流輸與五湖舟

東臯桑先生之維一首

之維字之才恩州人蔡丞相伯堅之子壻也以

樂府著稱有東臯集傳於世

欽定四庫全書

中州集
卷九

四

張庭玉一首

庭玉字子榮易縣人能詩賦百篇有集行于世

即事

白髮近年見十中三兩莖半因愁儻出多為病添成梳
裏有時落鑷餘還又生老知無可避何處是功名

步元舉一首

元舉閩中人

下第過榆次

栖遲零落未歸人已坐無成更坐貧意氣敢論題柱客

晨昏多負倚門親橐空漸覺錢餘貫衣敝翻饑蠭滿身
遙望秦關獨惆悵一天風雨落花春

馮文叔一首

文叔遼東人

客舍

禿襟袖褐破書囊十五年來客異鄉生事穿中搖虎尾
窮途天上轉羊腸三朝不遇馮唐老半夜悲歌甯戚狂
獨倚牛車望遠海西風塵土鬢蒼蒼

欽定四庫全書

中州集
卷九

五

烏鵲繞樹山梨熟蝴蝶穿花木槿開赤腳城中借書去
蒼頭原上負薪來

宗道一首

道字雲叟山陰人以足疾不仕有詩云家藏千

卷富身得一生閒茅屋經年補柴門盡日闔其

自處可見

寶嵒僧舍

寂寂鐘魚柏滿軒午風輕颺煮茶煙西堂竟日無人到

只許山人借榻眠

鮮于溥三首

溥字彥仁宋文臣子駿之後高祖淳淳之子孝

標標之子壽吉壽吉之子坦皆擢進士第而仕

亦達彥仁坦之子以門資仕終于櫟陽令濟源

盤谷天壤佳處坦父子居其間飲酒賦詩翛然
塵垢之外至今人以高士目之弟彥魯子忠厚
今居鄉里

魯村道中

小橋沙路已堪圖更著衰翁跨蹇驢莫靄似催寒日短
秋容仍帶遠林疎雕盤平野黃榆落兔走橫岡白草枯
漸喜閒身遠朝市一年強半在村墟

春日倣舊詩體

年老逢春莫等閒逢春能得幾回看插花儘要花枝滿
把酒休辭酒殘乾好向酒邊留舞袖不妨花外駐吟鞍
閒身健在須行樂燕語鶯啼春又殘

早發

燈前夢斷家千里馬上詩成月一痕晨粥未烹官路遠

隔林煙火是漁村

史士舉二首

士舉字仲升滌澤人漢功臣弘肇之後高祖所

賜鐵券故在其大父官濟源樂其山水因家焉
父神山令激石琚胸進士仲升以蔭補官歷銅
鞮三川兩縣令初任京兆錄事以歲旱擅開倉

賑貧身往太一湫禱雨尋獲嘉澍用是得名為

人雅重知義理褒衣緩帶消搖山水間宛然一
老書生也貞祐之亂避于太行保聚失守老幼
皆出降仲升義不受辱投絕澗而死年七十九

孫庭玉字德秀今居山陽

超化

石根寒溜迸珠璣尋丈驚看雪浪飛我是玉川煙水客
楚來盤礴亦忘歸

晉祠

小橋流水竹蕭森竹裏人家一徑深只欠東風小籬落
梅花疎淡月籠陰

王敏夫二首

敏夫五臺人作詩工於賦物甚為趙宜之所稱

欽定四庫全書

中州集

雁門前輩中有許婉子遷以武皇廟詩著名又

酒渴後四句云眼底恨無雲夢澤胸中疑有沃

焦山南窗花影三竿日指點銀瓶照病顏有集

傳河東往往稱此倪民望字具瞻屏山所謂倪

侯頭如筆其鋒不可當者有種松詩云種松莫

種柳種柳莫種松堅脆非所計雅俗寧與同可

是種松無隙地却教憔悴柳陰中張韶九成寄

朔州苟輔臣云陳雷膠漆輕餘子楚漢風雲屬

少年李忠直卿賦雪云不將柳絮春風比好作
梨花月夜看至于蘓吉莘老李鵬翼冲霄與具
瞻之子仲儀詩文多可傳喪亂之後惜不能記
憶之矣

同東嵒先生論詩

林逋仙去幾來年驚見梅花第二篇千歲冰霜松骨瘦
九秋風露鶴聲圓騰輝定出連城上得趣知從太古前
邂逅茅齋話終夕只疑人世改桑田

欽定四庫全書

中州集

李氏友雲樓

霧幕烟迷十二欄壺觴招我一躋攀黃簾卷起湘川竹
分得西州數點山

王利賓一首

利賓字茂實襄城人朴直純素作詩有古意似
其為人然亦未嘗以示人也家與衛昌叔隣居
而不相往來計平生所交惟不肖而已予一日
過襄城知茂實病就卧內候之乃見壁間所黏

五言古詩十數首竄改重疊往往可傳然後知

茂實所以交予者特以詩故耳渠既不言予亦無從知之惜登時不謄寫今忘之矣

題扇頭

輕紗畫竹雀柄短不盈握暑氣正憑陵清風一何邈

孫益一首

益字德裕秀容人嘗從先大夫學詩

送張安中還雲中

名保極雲
中州集

相送還相送臨分手重分驛驅欣得路鴻雁惜離群木

落黃華露城低紫塞雲中秋月正好千里謾思君

郝先生天挺一首

天挺字晉卿陵川人家世儒素伯父子颺有詩

名號東軒老人先生少日有賦聲早衰多疾厭

於名場遂不復就舉貞祐之兵避于河南往來

淇衛間為人有崖岸耿耿自信寧落薄而死終

不一傍富兒之門年五十七卒於舞陽臨終浩

欽定四庫全書

卷九

十一

欽定四庫全書

卷九

十二

求之先生工於詩時命好問屬和或言令之子欲就科舉詩非所急將無徒費日力耶先生曰君自不知所以教之作詩正欲渠不為舉子耳

子思溫字和之孫經字伯常今居順天

送門生赴省闈

青出於藍青愈青小年場屋便馳聲未饒徐淑早求舉却笑陸機遲得名嗟我再衰空眊矂喜君初筮已崢嶸

此行占取鼈頭穩平地烟霄屬後生

歌自得不以死生為意其平日自處為可見矣

好問十四五先人令陵川時從先生學舉業先

生教之曰今人賦學以速售為功六經百氏分

磔綴緝外或篇題句讀之不知幸而得之不免

為庸人況一敗塗地者乎又曰讀書不為藝文

選官不為利養唯通人能之又曰今世仕宦多

用貪墨敗官皆苦於飢凍不能自堅者耳男子

生世不耐飢寒則雖小事不能成子試以吾言

孫邦傑一首

邦傑字伯英雄州容城人曾祖堅國初有功官

至隴州刺史伯英少日住太學有時名所與游

皆名士興定初知世將亂棄家為黃冠師

燒筍

煨出舊聞山谷語勸畊還憶大蘇詩傳將火候無多訣

留得天真又一奇未放錦裯開束縛已看玉版證茶毘

白麻初拜驚燒尾見此應慙富貴癡

欽定四庫全書

中州集

十三

張瓛一首

瓛字君玉大名朝城人嗜作詩年已老而刻苦
殊未減為人謹愿有禮見稱諸公間卒年六十

八子鏞鎮今居鄉里

送侯道士

十年走南北黃塵汙人衣翩翩夜啼鳥一枝無可依問

君何所如鳬鳥東南飛恨我不得往失脚穿與機從君

知不能一笑人間非何水無蒲魚何山無蕨薇終當拂

衣去住叩雲山扉

徐好問一首

好問字裕之永寧人

龍門

疏鑿而來道路通行人萬古翠微中南山山寺題詩滿

一字何嘗到禹功

呂大鵬一首

大鵬字鵬舉密縣人自言宋名相申公之裔宣

欽定四庫全書

中州集

十三

宗頻歲南伐鵬舉作詩欲以撼主兵者云縫掖
無由挂劍衣劍花生澀馬空肥燈前草就平南
策一夜江神泣涕歸其以氣岸自許皆此類也

夏日

北渡後作

旋移石枕拂藤床細洒槐陰趁晚涼大地噭噭困爐鼎

老天不肯下殘陽

高永一首

永字信卿出于盤陽大族父元字善長教信卿

作舉子讀書畧通卽棄之去為人不顧細謹有

幽并豪俠之風賓客入門則盡家所有者為具

不為明日計人以此愛之貞祐初避兵太原與

李長源居于廣平寺有盜穴牆而入長源性恆

怯聞騷窣聲噤不敢語盜盡挈信卿所有而去

長源徐曰綠林之子至矣於是信卿生理大狼

狹南渡居嵩州出入屏山之門其學遂進初名

夔字舜卿又名揆屏山改焉真定王之奇士衡

攻雜學屏山目為怪魁王從之內翰為賦善哭

詩奉聖馬餌升公敢為大言著書十萬言號北

新子大畧以談兵為主且曰古人兵法非不盡

但未有北新子五十里大雨耳信卿皆與之游

故其詩豪宕譎怪不為法度所窘有冰柱雪車

風調觀咀龍篇及大雨後見寄可槩見矣正大

壬辰病沒于京師年四十六

跋賈天升所藏段志寧山水

蒼壁雲氣湧長松風雨寒湍流劈山出玉虹飲溪灣胸
中無雲夢筆底無江山想見破墨初布袖蛟龍蟠壯觀
駭心魄萬象本自閒寒齋靜相對遠意空追摹

曹用之一首

用之歸德人幼有賦聲屢中甲乙詩亦有功嘗

戲作鬼仙語云瀏瀏竹間雨熒熒窗下燈相逢

不相顧含淚過巴陵詩有本事中山楊正卿能

道所以然真人作鬼語也

憶舊

花鳥巡簷喚曉晴喚來和氣滿春城春風二十年前客

煮酒青梅也後生

趙達夫二首

達夫太原人性嗜讀書而不事科舉南渡後居

緜氏山中安貧守分故終世窮悴壬辰之兵遇

害

紅梅

西湖句好已成塵蠟點都能幾許春乞與瓊兒薄梳洗
才情留待月中人

柳

楊柳攬春不耐秋十分憔悴儘風流水邊沙際風烟冷
收拾殘陽合莫愁

邢安國二首

安國字仲祥沁州武鄉人少日有賦聲四十歲
後即不應科舉以詩酒自娛避亂客沁陽十餘

欽定四庫全書

卷九

十六

年後北歸備極艱苦其見於詩者如此往時李
長源傳仲祥柳花一詩渠甚愛之今以丹崖集
校之與傳者不同當是長源曾與商畧之耶

楊花

細點輕團轉復飄隋家堤岸霸陵橋非綿非絮寒無用
如雪如霜暖不消狂惹客衣知有恨巧尋禪榻故相撩
陂塘回首浮萍滿依舊春風擺翠條

過唐州西李口

白沙翠竹溪上村漁家賣魚喚行人西風吹皺一溪水
水光日影金鱗鱗

張溫一首

溫字元佐上黨人祖仲容字才翁宋末登科仕
至屯田員外郎以好士名天下致仕後有詩云

病身衰退謝明朝廷北洞閒眠晝寂寒十畝晚禾

煙冉冉一林脩竹雨瀟瀟黑花遮眼秋不落白
雪撲頭春未消世事悠悠吾老矣一壺濁酒且

欽定四庫全書

卷九

十七

逍遙至今為鄉里所傳元祐泰和六年李演脇
乙科登第詩樂府俱有名于時

感懷一首

彌月不出門出門沙漲東風昏老樹擺撼轟雷奔鬼物
叫嘯山前村僑居客子驚心鬼歸來繞屋尋蘭孫蘭孫
落索靈苗髡主人醉倒老瓦盆衣袖半帶淋漓痕芸芸
蕭艾同歸根天生天殺何怨恩糟床與翁共清渾絕勝
被髮叫帝闕

馬舜卿一首

舜卿名肩龍以字行宛平人先世遼大族有知
興中府者故又號興中馬氏祖大中國初登科
節度全錦兩州父成誼字宜之張楫榜登科京
兆路統軍司判官舜卿在太學有賦聲宣宗初
人有告宗室從坦殺人從坦字履道一時賢將
帥處猜嫌之地人以為必死而不敢言其寃舜
卿以太學生上書大畧謂從坦有將帥材方今
欽定四庫全書

卷九 中州集

十八

人物無有出其右者臣一介書生無用於世願
代從坦死留為天子將兵書奏詔問汝與從坦
交分厚耶舜卿對臣知有從坦從坦未嘗識臣
從坦冤人不敢言臣以死保之宣宗感悟赦從
坦授舜卿東平錄事委行臺試驗宰相侯莘公
與之語不契留數月罷歸將渡河與排岸官紛
籠筐中搜得軍馬糧料名數及利害事目疑其
姦人之僨伺者繫歸德獄根勘適從坦至立命

出之正大四年冬薄游鳳翔德順州將愛申以
書招舜卿舜卿欲往鳳翔總管以敵兵勢甚張
吾城可恃德順不可守勸勿往舜卿曰愛申平
生未嘗識我一見為知己我知德順不可守我
往必死然以知己故不得不死也乃舉行橐付
族父明之為死別冒險而去既至不數日受圍
城中義兵七八千而已州將假舜卿鳳翔總管
判官守禦一以委之凡受攻百日食盡乃陷軍
欽定四庫全書

卷九 中州集

十九

中募生致之不知所終時年五十三詔贈某官
配食褒中廟舜卿年少時過襄垣題詩酒家壁
辭氣縱橫時輩少有及者如云玉鞭再過長安
道人面依然似花好殷勤勸我梨花春要看尊
前玉山倒他語類此

會州道中

山腰薄雪眩朝暾未放陽和入燒痕一片長安世情月
梨花院落幾黃昏

諸相

劉曹王豫七首

豫字彥由阜城人仕宋知濟南府事汴京下立

張邦昌為大楚皇帝宋滅楚更立彥由國號齊

建元阜昌八年廢為蜀王遷黃龍府改封曹有

集十卷行于世二子麟倪孫通海陵朝參知政

事四世孫瑛今在太原

雜詩六首

欽定四庫全書

中州集
卷九

二十

竹塢人家瀕小溪數枝紅杏出疎籬門前山色帶烟重

幽鳥一聲春日遲

又

風荷柄柄弄清香輕薄沙禽落又翔紅日轉西漁艇散

一川山影莫天涼

又

古渡停驂日向沈淒涼歸思梗清吟碧山幾點塞天濶

紅葉一林秋意深

又

倚嵒蕭寺據危崖文室軒窗面水開雪霽莫寒山月上

數竿脩竹一枝梅

又

晝色晴明著色圖山光凝翠接平湖煙嵐自古人難畫

遠即深深近却無

又

寒林煙重暝棲鴉遠寺疎鐘送落霞無限嶺雲遮不斷

數聲和月到山家

客館

雪消北嶺安排暖寒入東風阻節春絕塞亂山圍古驛

他時說着也愁人

杜丞相充一首

充字公美相州人仕宋知滄州歸國拜尚書右

丞相領中山行臺以壽終

塵

汨汨勞生為爾忙只除不到白雲鄉步回洛浦生羅襪

歌斷秦樓絃杏梁閒撲衣襟迷遠望靜穿窗隙鎖斜陽

帝城別有風流在輦路春風十里香

虞令公仲文一首

仲文字質夫世南之裔武州寧遠人仕為遼相

歸朝授樞密使平章政事封泰國公四歲作詩

賦煎餅有魚目蟬聲之句人以神童目之

雪花四歲作

欽定四庫全書

中州集
卷九

二十三

瓊英與玉葉片片落前池問著花來處東君也不知

張丞相孝純一首

孝純字永錫滕陽人宣和未知太原國兵圍守

踰年人相食幾盡乃下朝廷怜其忠換相職後

以相齊致仕汴京建行臺起為左丞相踰年得

請歸鄉里二兄尚安健鄉人為作三老圖薨謚

安簡子公藥字元石昌武軍節度副使致仕孫

觀字彥國世為文章家曾孫厚之字茂弘承安

二年進士

中運使寄酒清明日到以詩謝之

芳樽到日恰清明似與佳辰默計程擬助林園延勝賞
肯容桃李落繁英老來官爵渾無味閒裏杯盤却有情

見說使車臨岱麓儻能相遇共飛觥

張左相汝霖一首

汝霖字仲澤遼陽人家世貴顯父浩字浩然以

門資仕揚歷中外遂升端揆進拜太師封南陽

欽定四庫全書

中州集
卷九

二十三

郡王五子仲澤平章政事莘國公汝為字仲宣

河北東路轉運使汝翼仕不達皆進士也汝方

字仲賢自號丹華老人汝猷字仲謀俱至宣徽

使父子兄弟各有詩傳於世王子端內翰太師

之外孫其淵源有自云

春溪一首

點點春愁底處消小桃無語半含嬌東風不管前溪水
暖綠溶溶拍畫橋

劉右相長言 一首

長言字宣叔東平人宋相莘老之孫而學易先
生斯立之猶子也父蹟年三十五終於儀真令
工詩能文有南榮集傳東州今獨余家有之宣
叔正隆宰相詩文能世其家今不復見矣

通叔以詩送古鏡為長言生日之壽次韻謝之

綠衣綠隱非臞仙猶有向來文字緣都城一別兩歲晚
寄聲勞苦常相先人間始生俗禮重而我永感方頹然

欽定四庫全書

中州集
卷九

二十四

遠憑詩句致奇物欲挽莫景迴虞淵規摹九寸函大方
古製不作菱花妍開奩拂拭愧陋質但喜虹氣浮晴天
夫君久要心不遷期與鐵杖論清堅保身賴此孤月圓

明年上印歸行田

右相文獻公耶律履 一首

履字履道東丹王之七世孫學易通太玄至於

陰陽厯數無不精究嘗以鄉賦一試有司以露
索為耻遂不就舉蔭補國史掾興陵朝累遷薦

州刺史入翰林為脩撰歷直學士待制禮部尚

書特賜孟宗獻勳進士第俄預淄王定冊功拜

參知政事明昌元年進右丞薨年六十一興陵

嘗問宋名臣孰為優履道以蘇端明軾對上曰

吾聞軾與王詵交甚款至作歌曲戲及姬侍非

禮之甚尚何足道耶履道進曰小說傳聞未必

可信就使有之戲笑之間亦何得深責世徒知
軾之詩文人不可及臣觀其論天下事實經濟

欽定四庫全書

中州集
卷九

二十五

之良才求之古人陸贊而下未見其比陛下無
信小說傳聞而忽賢臣之言明日錄軾奏議上
之詔國子監刊行自號忘言居士有集傳於世

三子辨才武廟署令善才工部尚書楚才中書

令四孫鈞鉉鏞鑄

史院從事日感懷

不學知章乞鑑湖不隨老阮醉黃壚試從麟閣諸賢問
肯肩蘭臺小史無一戰得侯輸妾尉長身奉粟愧侏儒

禁城鐘定燈花落坐拊塵編惜壯圖

張平章萬公一首

萬公字良輔東阿人正隆二年進士仕長山令
有惠政人為立祠入為右司員外郎太師淄王
愛之許以宰相器明昌初累遷御史中丞以言
事忤旨除彰國軍節度使召為大興尹拜參知
政事以母老丐歸養出判東平河中濟南丁內
艱起復擢平章政事封壽國公為相知大體有

欽定四庫全書

中州集

二十六

敦龐耆艾之目既致政而眷顧未衰復起判濟
南安撫山東便宜行事未幾得請薨於家謚文
貞繪像衍慶宮配享章宗廟廷

戊戌二月中旬登稷山清榭

問因推案朝還莫危坐不知春淺深今日檐間看風色

一株紅杏暗驚心

董右丞師中一首

師中字紹祖邯鄲人後徙洺州皇統九年進士

承安中入政府直道自立而以通材濟之泰和

初元妃李氏方寵幸兄喜兒為宣徽使有楊國

忠之權一日德州教授田庭方上書言事云大
臣持祿近臣怙寵此言路之所以塞也道陵顧
謂紹祖言大臣持祿當謂公等近臣怙寵者為
誰時喜兒侍立殿上紹祖倒笏指之曰莫非謂
李喜兒之屬否上頷之紹祖嘗言作宰相不難
但一心正兩眼明足矣少日以諺諧得名及在

欽定四庫全書

中州集

二十七

相位亦未嘗廢談笑然不害其為國朝名相也
俄致政賜第京師後三年薨有燕賜邊部詩傳
於世紹祖師王內翰彥潛而與之同榜登科彥
潛沒後侍其子恩禮殷重不減骨肉論者謂孫
鐸振之事其兄明之張穀伯英愛其弟伯玉舉
世無與為比至於紹祖之侍其師之子則古所
未有也有漳州集傳于家

自臨洮還

臨潭仍是漢家城

漢家城在臨潭先人所稱

積石相望十驛程西畧

河源東並海此身何地不經行

紹祖之孫濟剛記此詩末句又作塵埃風雨歎

生勞

孫太師鐸一首

鐸字振之恩州人太定十三年進士明昌中擢戶部尚書時已有相望及考滿以戶曹繁重且未有可代者特旨進一官再任而同列二人俱以入相矣振之賀席中戲舉青州老柏院布衣

欽定四庫全書

中州集

二十八

張在詩云南隣北里牡丹開公子王孫去不回

惟有廷前老柏樹春風來似不曾來為御史所

劾降授同知河南府事有以詩送之者云想到洛陽春正好南隣北里牡丹開聞者皆大笑振之後入政府遷尚書右丞薨贈太子太師作詩

甚多其賦玉簪有披拂秋風如有待裴回涼月

更多情之句甚為詩家所稱

癸亥清明日

翛然一室暗塵凝兀兀端如打坐僧習氣未除私自笑短檠還對讀書燈

梁參政瑩一首

瑩字國寶別字瑩中范陽人大定十六年進士歷州縣稍遷警巡使治尚嚴肅權貴歛迹朝廷知其才累試繁劇由中都路轉運使拜戶部尚書俄參知政事資方正敢言大事北兵動立和議人有笑其懦者卒如其言未幾薨於位虎賊

欽定四庫全書

中州集

二十九

咤曰梁瑩在族矣其為人可知

留題長平驛

秦趙均為失霸圖起何殘忍括何愚殺降未見無禍者累將其能有種乎日暮悲風噎丹水夜深寒月照頭顱

山名快心千載杜郵劍人所誅耶鬼所誅也

賈左丞益謙一首

益謙字亨甫本名守謙避哀宗諱改焉宣宗朝

參知政事出知濟南移鎮河中南渡後召拜左

丞尋致仕居鄭州哀宗即位史官乞因宣廟實

錄遂及衛紹王初虎賊既弑逆乃立宣宗宣宗

之人至謂衛王失道天命絕之虎實無罪且於

主上有推戴之功獨張信甫上章言虎賊大逆

不道當用宋文帝誅傅亮徐羨之故事章奏不

報爾後舉朝以大安崇慶之事為諱及是謂亨

甫大安中嘗拜御史中丞宜知衛王事乃差編

備官一人就訪之亨甫知其旨謂來者言知衛

王莫如我然我聞海陵被弑而世宗皇帝立大
定三十年禁近能暴海陵蟄惡者得美仕史官
脩實錄誣其淫毒狠鷙遺臭無窮自今觀之百
可一信耶衛王勤儉慎惜名器較其行事中材
不能及者多矣吾知此而已設欲飾吾言以實
吾罪吾亦何惜餘年朝議偉之正大三年年八
十薨子賢卿頤卿翔卿皆以門資仕今一孫仲
明在東平

贈答史院從事

見說才名自妙年多慙政府舊妨賢物華天寶無今古
鳳閣鸞臺孰後先鄭圃道尊何敢望濟南書在子當傳
莫言老眼昏花滿及見風鵬上九天

丞相壽國高公汝礪一首

汝礪字嵒甫應州金城人大定中進士揚歷中外居戶曹三司為最久相宣宗十年小心畏慎

夙夜匪懈篤于古人造膝詭辭之義謀謨周密

人莫得而聞元光末宣宗上仙公亦薨於位君臣之契義均同體者於斯見之平生嗜讀書南渡之後機務倥偬未嘗一日廢書不觀臨終留詩有寄謝東門千樹柳安排青眼送行人之句時年七十一謚闕配享宣宗廟庭至今士論謂公才量渾厚足為守成之良相恨所遭不時耳

時雨雨三日田家家萬金有年天子慶憂國老臣心
雨後

胥莘公鼎一首

鼎字和之代州繁峙人父持國大定中為太子司藏有功母后家章宗即位擢拜尚書右丞和之大定二十八年進士至寧初都城受兵由戶部尚書叅知政事宣宗即位除泰定軍節度使不赴改判大興貞祐二年拜尚書右丞車駕南渡出為汾陽軍節度使移知平陽權河東南路宣撫使四年授樞密副使權右丞兼職如故五

欽定四庫全書

中州集
卷九

三十三

年正月朝京師進平章政事封莘國公行臺闢

中未幾兼左副元帥明年以溫國公致政封英

行臺衛州以病薨於位雷希顏為作神道碑云

黃霸為良吏稱首及為丞相與張敞論列功名

大減王允當漢祀之衰計誅董卓近古社稷臣

然不赦涼州人旋致催祀之禍蕭何之清介崔

植之論議皆足為唐名臣而俛議銷兵植餓朱

克融輩不畀一官遂再亂河朔彼或量不足或

才畧有所窮權不足以濟事知不足以知時故

也以姚崇之賢惟其不知道未免為抹時之相

其他可知也國家有通明相曰英國胥公尚兼

數公之長子謂希顏此論似涉過差至於為國

朝名相以度量雄天下則在公為無愧矣在長

安日乞致仕表云興造功業方聖主有為之時

表裏山河豈愚臣養病之地送弟有之云世事

正須高著眼宦途休厭少低頭他文類此弟恒

欽定四庫全書

中州集
卷九

三十三

常之子嗣祖今在燕中

送弟恒作州

男子四方志人生五馬榮君恩何以報民政不宜輕御物當存恕存心要盡誠勿矜新號令姑守舊章程斂暴單貧困囚淹狡偽萌慈柔難禁暴苛急必傷生東郡吾將老西陲敵未平一生能幾別四事果難并方此對床樂愴然分袂驚荒詩何足記聊寫弟兄情

張左丞行中一首

行中字信甫莒州日照人祖莘鎮西軍節度副

使父暉御史大夫以武安軍節度致仕兄行簡

易無體榜第一人信甫大定二十八年進士衛

紹王朝虎賊已除名為民賂遺權貴得復用信

甫言其必反及弑逆自為太師尚書令澤王信

甫時為禮部尚書人謂必為所殺甚危之一日

虎下禮部鑄監國寶信甫持不可虎雖怒然亦

竟不能殺也宣宗即位授參知政事丞相高琪

專權用事聲勢焰焰人莫敢仰視議論之際唯
信甫與之抗朝廷稱焉所居拙軒有為作銘者
其引云發凶豎未形之謀則先識者以為明犯
強臣不測之威則疾惡者以為剛蓋實錄云元
光末出為靜難軍節度使哀宗即位首命名之

過司竹監有懷王監正之

不見崧丘跨鶴仙才名留得萬人傳春郊瀆酒傷今日
遷尚書左丞後二年致政卒於松山之崇福宮
信甫家世儒素雖位宰相而奉養如寒士日書
經史五百字為課寒暑不廢者四五十年故於

書無所不讀詩殊有古意也

右丞文獻公所畫張果像

古來人物畫為難驚見仙公樹石間莫把丹青名右相
太平勲業在人寰

楊戶部慥二首

慥字叔玉代州五臺人承安五年進士歷州縣
入為尚書省令史拜監察御史侍御史京西大
農司丞京南司農卿戶部侍郎權尚書自入戶

乾陵

牝雞一啄血波流天下何緣不姓周今日阿婆心力盡

乾陵禿似老僧頭

狀元

鄭內翰子聃一首

子聃字景純大定人少日有賦聲時輩莫與為
敵天德三年第三人登科士論仍以為屈而海
陵不之許也正隆二年詔景純再試擇能賦者

欽定四庫全書

中州集

三十六

孟內翰宗獻六首

宗獻字友之開封人大定三年鄉府省御四試
皆第一供奉翰林曹王府文學兼記室參軍以
疾尋醫久之授同知單州軍州事丁母憂哀毀

欽定四庫全書

中州集

三十七

八人先以題付之以困景純且將視其中與否
罪賞之御題天賜勇智正萬邦海陵謂侍臣及漢高祖詳不避之可乎乃改作萬國及
開卷景純果第一人楊伯仁張汝霖中選劉幾
綦戩李師顏輩皆被黜海陵終不以景純為工
與被黜者兩罷之趙獻之賀啟云丹桂一枝不
失舊物青錢萬選無媿古人其為名流所稱道

如此累官吏部侍郎改侍講學士卒其賦酴醿
有玉斧無人解脩月珠裙有意欲留仙之句甚

為詩家所稱

即事

一錢不直程衛尉五斗解醒劉伯倫讀罷離騷解衣卧

門前花柳自爭春

致卒劉無黨題其詩卷後云簪綬忘情累山林
閱歲陰逐官堂印手說法老婆心友之深於內典世路

嗟前却人生變古今公乎真不死名姓斗之南
相人孔嗣訓挽云二十年間事才名一夢新衰
羸驚喪母哀毀竟亡身冤返愁楓夜情留淚草
春黃公酒壚在此去只悲辛汴人高公振特夫
云見說平生夢前途盡目前友之未第時夢中預見前途所至於今皆

乘除雖有數凶禍竟何緣禮樂三千字才

名二十年仁人遠如許無路問蒼天又云誰謂

詩成識清冰果自焚

友之雪燭詩固知刻火終無盡誰謂清水也自焚未

幾下人嗟埋玉樹天為落文星

友之隣舍李生言六月中連二所居處靜軒前數詩雖不盡工姑并記之有以

見先生於出處之際死生之變造物者皆使之
前知其以天下重名卑之者為不偶然云

龔平甫森玉軒

古人借宅亦種竹大是贊奇心未足高齋聞有萬琅玕

坐對懷山飲秋綠官閒勝日無一事尊酒不空仍有肉
他時剝啄叩君門高枕矮床容我宿

舊蓄一葉棄置者久矣李君仲通為張絃料理仍
鼓數曲以詩贈之

我家第奴憂樂同塵埃滿面鬢髮蓬徽絃不具挂牆壁

似慙無以娛衰翁夫君一見為披拂坐使寒谷回春融

中含太古意味足雜以新態來無窮繁聲流水不可喻
直與造化相冥通形神久已坐灰槁一旦抉剔驅盲聾

閏餘今值小重陽頭風比似常年愈菊面渾如去歲黃

寂然反聽杳難詰但覺萬竅俱玲瓏千金不得和扁力

誰謂起廢由枯桐曲終玄旨竟誰會非絃非指仍非空
拂衣欲往君且止為我乘興彈悲風

張仲山枝巢

達人孤高與世疎百年直寄猶須臾歸來掩闌聊自如
人之不足等有餘樂哉下視濠梁魚逍遙自契蒙莊書
異時馭氣游太虛我知枝巢亦蘧廬

柳塘

搖搖風影漾寒塘靜裏亭臺日月長不似隋家堤岸上

亂鴉殘照管興亡

蘇門花塢

繞舍雲山慰眼新看花差後洛陽塵從君小築繁香塢

不負長腰玉粒春

閏月九日

南崖烘暖貯秋光勝處相汎醻一觴俚諺難逢兩寒食

閏餘今值小重陽頭風比似常年愈菊面渾如去歲黃

老矣歡遊定能幾佳時此樂最難忘

趙內翰撝一首

撝字子充究平人自號醉全道人

早赴北宮

蒼龍雙闕鬱層雲湖水鱗鱗柳色新絕似江行看清曉

不知身是趁朝人

趙文學承元一首

承元字善長先世汴人兵火間寓旅河間遂占

欽定四庫全書

中州集
卷九

四十一

籍焉大定十三年詞賦第一人除應奉翰林學士兼曹王府文學以疎俊少檢得罪王府貶廢久之遇赦量叙卒於臨洮

探春

冰底流泉匹練飛麴塵著柳不禁吹杖藜恰到春生處已有人家插酒旗

張太保行簡三首

行簡字敬甫大定十九年詞賦第一人家世儒

臣備於禮文之學典貢舉三十年門生徧天下

南渡後遷禮部尚書太子太保翰林學士承旨

薨謚文正楊內翰之美銘其墓稱敬甫天性孝

友太夫人疾不解衣者數月居喪哀毀過禮事

其父御史大夫自幼至終未嘗少違顏色與諸

弟居三十餘年家門肅睦人無間言率勵子弟

不知為驕侈雖處富貴與素士無異平生無汎

交無私謁慎勤周密動循禮法居無怠容口無

欽定四庫全書

中州集
卷九

四十二

俚言身無徑行雖古君子無以加故天下言家法者唯張氏為第一言禮樂言文章言德行之純備者亦唯張氏之歸有集三十卷傳於家敬

甫賦燕云王氏烏衣巷盧家白玉堂寒食云錫粥雞越留故事風花鶯柳鬧春城中秋云露凝瀨氣霑瑤席雲近清光護桂宮此類甚多也

六月二十九日北宮朝回

疎柳衰荷又一時清波飛葉夢靈芝年年踏盡溪邊路

不覺吳霜點鬢絲

酬郭光秀才

疇昔君來事已睽。豈知今我又羈栖。
波臣儻不辭升斗鵠卵終當遇魯雞。

題子端雪谿小隱圖

出處皆天豈自由。仙標終合冠鼈頭。
不妨貌取黃華景。時向鈴齋作卧游。

張內翰穀四首

欽定四庫全書

中州集
卷九

四十三

穀字巨濟。先世泰州長春人。有官於山陰者。遂占籍焉。曾祖顧宗銀青榮祿大夫。祖惠懷遠大將軍父天白。號縣簿。巨濟明昌五年詞賦第一。

初夏

小園綠筍間朱櫻。點綴年華似有情。

露浥葛巾晨氣潤。風隨竹簾晚涼生。

閒窺點鼠潛身處。靜厭飛蚊遠鬢聲。

安得冷泉幽石畔。解衣盤礴樹陰清。

浪奔生馬荒山卧。病馳永寧劉氏園亭云菊老。

芙蓉衰梨柿葉爭絳。叩門人不膺。一犬吠深巷。

秋興

飄零千里道。牢落半生愁。殘月如新月。今秋似去秋。露濃花氣重。風細竹聲幽。何日清溪上。煙蓑一釣舟。

客中

絳脣花不語。青眼柳初眠。塵去尋芳馬。香來載酒船。歸期仍雁後。野興已鷗邊。惆悵無家客。春風又一年。

蓮實

水妃擎出紺珠囊。玉筍彫檠喜乍嘗。膚白已攬新藕嫩。

欽定四庫全書

中州集
卷九

四十三

心清猶帶小荷香。鬪餘翠鳥零珍羽。飛盡黃蜂露密房。口腹累人良可笑。此身便欲老江鄉。

閭治中長言八首

長言字子秀。濟南長清人。客居兗州之嵫陽。祖

俊行臺南勝父時昇任忠傑勝曾高以來登科者六世矣子秀少日慕張忠定之為人故名詠

避衛紹王諱改焉幼孤養於從祖能自振厲好學工詞賦間有前人句法性本豪俊使酒任氣及游京師乃更折節遂以謹厚見稱酒酣耳熱故態稍出嘗以第一流自負屏山獨深知之不以為過也平生多奇夢果魁天下士論厭服在翰苑十年出為河南府治中被召以道梗不得

欽定四庫全書

中州集
卷九

四十四

前卒於亳州子魯瞻魯安今一孫在洛州

北齊行

天保大人襲世貴未待齊成已無魏識裏方傳近水羊

夢中先兆攻城謂六君三世都能幾二十八年翻手裏細思孝靜靈運詩天道好還非妄矣

應制中秋

璧月當秋夜未闌漢宮高會夾宸歡塊蘇塵世三千界

珠翠瑤光十二欄桂實飄香浮壽筭露華零潤溢仙槧

都人側聽雲韶奏共指天家是廣寒

婆速道中書事

此地先經戰人生苦未聊泉源疏地脉田壠上山胥敗石平危徑枯柴補短橋曉烟明遠爨莫雪暗歸樵履滑心頻憐梯危骨欲消解鞍空倒卧無夢訖通宵

送麗酒麗橙與秀實御史

驄馬朝回畫閣深遙知春意領梅心麗橙嬌軟麗尊小

聊助風流對淺斟

欽定四庫全書

中州集
卷九

四十五

閻立本職貢圖

謗謗昌周此一書形容樊貢寫成圖寧知右相無深意莫指丹青便厚誣

盤山招隱圖

畫出中盤望隱歸鳴珂朝馬尚遲遲賦詩未敢輕相誚却恐吾山也勒移

三門集津圖

津門未為天下險勿作駛相觀茲圖偃月堂中李林甫

有人能寫此心無

丁氏思祖亭

鶴野三千里鳬函五百年人間仍舊德龜筮得新阡族屬東州望衣冠鼻祖傳異時誰式墓應識子孫賢

李治中著一首

著字彥明真定人高才博學詩文得前人體工於字畫頗尚玄言承安二年經義第一人在翰林七年出副定州召為戶部員外郎坐大中黨事謫臨洮府判官量移西京路按察司判官遷彰德府治中城再陷避于墻上兵人招降大罵不從掘墻倒而死

欽定四庫全書

卷九
中州集

四十六

欽定四庫全書

卷九
中州集

四十七

明巷蓬蒿一尺深小軒峯寂似山林鳥聲落枕有蒿下山色閱人無古今客裏三年侵老境床頭一易浣塵襟晚涼癡坐忘言裏滿地西風白玉簪

觀音院書閣

異人

擬栩先生王中立 六首

中立字湯臣奇嵐人博學強記問無不知少日

治易有聲場屋間家豪于財賓客日滿門所以待之者備極豐腆其自奉則日食淡湯餅一杯而已年四十喪妻遂不更娶亦不就舉選齋居

一室枯淡如衲僧如是三四年乃出時人覺其談吐高濶詩筆字畫皆超絕若有物附之者問之不言也閒閒趙公知平定先生往謁之與之

欽定四庫全書

四十八

詩云寄語閒閒傲浪仙枉將詩酒汚天全黃塵遮斷來時路不到蓬萊五百年因言唐世士大夫五百人皆仙人謫降中有為世味所著迷而不反者如公與我皆是也一日來都下館於閒閒公家中秋夜飲酒賦詩且就公索墨水一槧公如言與之明日不告而去壁間留龜鶴二字廣長一丈而墨水具在不知以何物書之也朝士來觀者車馬填咽都下競傳王先生仙去矣

久之先生從外至問二字以何物書之不答題

詩其旁云天地之間一古儒醒來不記醉中書
旁人錯比神仙字只恐神仙字不如先生平生
詩甚多有醉袖舞嫌天地窄詩情狂壓海山平

之句他亦稱此人有問世外事者亦一二言之

好作擘窠大字往往瞑目為之筆意縱放勢若
飛動閒閒公甚愛之屏山嘗見先生商畧前代

人物引先儒論議數十條在目前如人人自相

詰難然後以己意斷之以為辨博中第一流人
也臨終預歿死期如言而逝州將石倫葬之忻
州時年五十六予嘗從先生學問作詩究竟當

如何先生舉秦少游春雨詩云有情芍藥含春
淚無力薔薇卧晚枝此詩非不工若以退之芭
蕉葉大梔子肥之句校之則春雨為婦人語矣

破却工夫何至學婦人先生晚年易名雲鶴自
號擬栩云

中秋

素丸東溟來飛上玻璃盆聊揮五輪手撥去萬里陰印
透山河影照開天地心人世有昏曉我未嘗古今所傳
屏山

作素統青溟來
聊舒五輪指

雜詩四首

華山宮殿白雲封不見當年打睡翁貪看終南山色好
不知紅日下前峯

又

獨跨蒼虬下太清春風萬里月華明因君感激為君說
鑿破天機我也驚

又

雲葉粼粼皺碧空笙簫遙響入天風忽驚風浪耳邊急
不覺形神來世中

又

此生休更問浮名名利區區不暫停我有一丸天上藥
用時還解濟蒼生

題裕之樂府後

常恨小山無後身元郎樂府更清新紅裙婢子那能曉送與凌煙閣上人

王先生予可七首

予可字南雲吉州人父本軍校南雲亦嘗隸籍年三十許大病後忽發狂久之能把筆作詩文及說世外恍惚事南渡後居上蔡遂平郾城之間在郾城為最久遇文士則稱大成將軍於佛前則諦摩龍什於道則騎天立俊於貴游則威錦堂主人為人軀幹雄偉貌亦奇古戴青葛巾項後垂雙帶狀若牛耳一金鏤環在頂額之間兩頰以青涅之指為翠靨衣長不能掩脰故時人有哨腿王之目落魄嗜酒每入城市人爭以酒食遺之夜宿土室中夏月或戶穢在旁蛆蟲狼藉不卹也人與之紙落紙數百言或詩或文散漫碎雜無句讀無首尾多六經中語及韻學

家古文奇字字或峭勁遇宋諱亦時避之人或問以故事其應如響諸所引書皆世所未見談說之際稍若有條貫則又以誕幻語亂之麻知幾張伯玉與之游最狎說其所作以百分為率可曉者才二三耳題崧山石淙云石裂雯華漬月秋益石淙之石皆狀若湖玉其高有五六十尺者石之文如蟲蝕木如太古篆籀奇峭秀潤一一在潭水中親到其處知詩為工也蔡州北懸壺觀仙榆云壺樹苔波月漬皴醉後云一壺天地醒眠小宮體云萬疊雲山飛小雁射虎首句云風色偃炤裘即閣筆自戲云此虎來矣樂府云嚙尖絨舌淡紅甜又自戲云欲下犁舌獄耶和太伯宮詞云金盆水不暖翠雀啄晴苔又云鳳翫瑤華散龍銜桂子香西瓜云一片冷截潭底月六彎斜參籠頭雲烹茶云簾捲綠陰花外月玉山冰雪醉扶翁凌霄花云啼鳥倒銜金

羽舞驚地斜傍玉簾飛威錦堂樂府云鳳環捧

席帶香屏鯨杯倚仗和雲捲

屏疑作憑此類尚多人

亦多贈南雲詩者李子遷云石鼎夜聯詩筆健

布囊春醉酒錢麓真南雲傳神詩也壬辰兵亂

為順天軍將領所得知其名竊議欲挈之北歸

館於州之瑞雲觀南雲明日見將領自言云我

不能往君家瑞雲觀也不數日病卒後復有見

之淮上者

欽定四庫全書

中州集
卷九

五十三

宮詞

水曲朱門漪漾漫一簾花雨月波寒金闕背觀鴛鴦冷

春困秋千立畫干

南園湖石

翠雀銜雲墮翠蕪砥峯倒影卧平湖飛花不到穿簾月

高倚晴天一劍孤

馴鶴圖張伯玉家畫幅宮人徐行以手整釵一鶴後隨謂之馴鶴圖伯玉請賦詩欽叔常苦

其作詩多不用韻限以釵來苦三字

寢處粧鉛未捲釵孤雲花帶月邊來六宮簾幕金鸞冷

露濕晨煙啄翠苔

雜詩二首

白露沙灘浸綠湄小舟艤岸尚依稀山回屏曲江連樹

春鎖人家深處歸

又

暗悲秋色素團團一雨飄零颺霽寒天淨長空烟斂處

彩虹金挂樹頭山

欽定四庫全書

中州集
卷九

五十三

宮體二首

紅葉鋪霜撼御階繡蓮塵蹴襯羅鞋袖沾鷺翅調簧語

墮却銜翹入鬢釵

又

騎馬金籠藉草歸翠鸞屏曲染紅霏凭欄山色春風裏

喚得鶯兒燕子飛

照了居士王或四首

或字子文洺州人承安中進士資剛決不可犯

為尚書省掾知管差除與郎官相可否即棄官
去往來登封盧氏山中改名知非字無咎自號
照了居士居山中二十年布衣蔬食并曰自親
時人哀苦之而知非處之自若也少日為文工
於四六詩亦有功和二宋落花韻四首云曾見
嬌窺宋玉牆忽驚遺夢到延涼聚塵非分侵凌
玉流水無情葬送香錦艷謾拋終隔面緣灰雖
吐若為腸蒼苔碧草無窮恨木石癡兒亦自傷
中州集

欽定四庫全書

卷九

五十四

可人未厭出鄰牆回首空殘翠幕涼好事只傳
懷夢草殊鄉誰致返魂香塵凝燕子慵開眼煙
暗馬嵬空斷腸穠李絳桃俱異物為歌薤露寫
餘傷綠影浮空只自傷賞心死者未能忘瓊枝
不解留春色銀燭空存照夜妝肺腑已傳蜂蜜
盡肌膏仍與燕泥香情知青帝回車日合有翾
風老退房絲華終竟合凋傷獻笑榮懷忍遽忘
露壓不禁昏淚臉風披無奈醉愁妝芳菲頓減

園林趣狼籍空餘陌路香却憶班姬浪辛苦一
生都得幾專房既學佛作決定歌禪家以為證
道新豐之後無有及者初出京有詩云親疎俱
穩人倫了婚嫁齊成俗意周一筆盡鉤塵債斷
都無虧欠大家休休休休愛著何時是徹頭風
息浪平人已渡笑攜明月下孤舟崧山中云撒
手寧論萬丈崖脚跟未肯點塵埃東君也自魔
君數故著青紅眼底來來何遲去何早二五不
多十不少一聲柄木偏虛空誰識堂堂真照了
又贈安居士國寶云不招措大嗔不喚王子文
不惹禪和笑不名王照了他人怕人嫌照了要
人嫌人人有面樹有皮努力方便勤粧嚴粧嚴
也由賢不然也由賢鼻孔莫遣他人穿又答國
寶云幻人誰拙復誰能游戲何妨傀儡棚凡事
不堪君莫怪儂家面目得人憎又云忽然識破
虛空我六合縱橫更有誰正大壬辰參知政事

欽定四庫全書

中州集

五十五

宗室思烈行臺洛陽以知非有重名力致之使

參議臺事城陷不知所終子升卿有賦聲早卒

禪頌三首

昧已全拋大事憂為渠剛攬等閒愁桑榆晚景無多子

針芥人身豈易投

又

閒日構來忙日用此生迷却再生休鼻頭榦轉從今始

看作回程火裏牛

又

吾身非我底為情說著塵勞特地驚五九盡時山更好

澗泉雲鳥自春聲

又頌

放下情懷觸處安生涯取沒多般褐衣襪襪聊遮赤

短髮鬍鬚底用冠一榻省緣資困歇二匙隨分了飢冷

也知苦澀人人笑烈日初心不敢謾

貞祐末行臺都尉南征獲武經進士

李申之于盱眙左右司郎中劉光講達卿潤文官李獻能欽叔愛其才辨欲活之以避嫌不敢也乃訖以問事

機令軍中羈管之申之作詩贈主囚者云一飯感君地報寸心許國只天知明早定作長淮鬼馬革仍煩為

都尉云金國歲歲南侵計所得不能一二州而軍力折耗殆盡今歲此舉亦曾慮人有議其後何以禦之乎為

公計者不若此南軍大舉欵兵而退雖屢出無功得全師而返猶可自救不然師老食殫困頓于堅城之下讒

間一行則公受禍不久矣某軍敗而死固其所也乞于盱眙城下責以不降之罪以一死見處使人知之則

都尉亦于名教有功書上之明日申之謀遁歸不果乃

殺之欽故說其臨刑回面南向欣然就戮甚嗟惜之予謂申之胷中萬古橫鐘阜與王知非烈日初心不敢謾

皆烈丈夫語故附見于此

無事道人董文甫 八首

文甫字國華潞人承安中進士為人淳質恬于

世味於心學有所得人知尊敬之而不知其所

以得也予安仁亦學道父子嘗閒居寶豐閑戶

不出以習靜為業朝夕不繼晏如也國華歷金

昌府判官禮部員外郎昌武軍節度副使正大

中以公事至杞縣自知死期作書與家人及同

官又作詩貽杞縣令佐詩畢擲筆于地以扇障

面而逝有和太白山明和尚牧牛圖詩刻石於

洛陽其引云夫人有等差教分頓漸上根之人

一聞千悟不落階級中智而下必由漸進此人

牛次第不得不立心性動靜微妙有無學者所

宜諦觀也以人牧牛是動而有制從有以觀其

微者也進進而不已則漸至於回首馴服從無

以觀其妙者也有入于無微及于妙固善矣又

不知靜而無礙之為愈也靜而無礙又不知兩

忘雙泯之入神也若夫人牛兩忘明月獨照恍

然俱失所在當是時也吾將離形去智神亦無
功同于大通與道為一則向之人牛亦筌蹄中
一微塵耳吾儒所謂盡心盡性者無外於是因

借明和尚韻再下一轉語會心者必能知之詩

不錄

秋夜

見即如無爐上雪淡而有味水中鹽齊行定慧千燈焰

淨識乾坤一鏡奩

畫眠

莊周先我復天真化蝶飛來管領春我亦莊周周亦蝶
不知若箇是真身

審是堂

按劍人人駭夜光蜀雞合道勝鸞鳳飛蛾可是無分別
直道油燈是太陽

文中子續經

紛紛述作史才雄聽似秋來百草蟲不是春雷轟蟄窟

蝴蝶會得化成龍

予嘗以王氏六經為問先生云王氏六經以權道設教雖孔子亦然但後人不能知之耳

因以此詩見示

臨終詩四首

無情喪主沒錢僧送_{上城南}無事人撫盡傳燈無盡錄
更無公案遮番新

又

生有地死有處萬牛不能移一步一輪明月印天心此

是渠儂住處住

又

白髮三千丈紅塵六十年只今無見在虛費草鞋錢

又

今古一輪月分明印碧霄門門蟾影到處處桂香飄不起眼中暈何勞指上標真空潭照破歸去杖頭桃

隱德

薛繼先四首

繼先字曼卿荷氏人少日三赴廷試南渡後隱

居洛西山中課童子學事母孝與人交謙遜和雅所居人化之子純孝字方叔有父風客有詐為曼卿書就方叔取物者曼卿年已老狀貌如少壯人客不知其為曼卿而以為方叔也而與之書曼卿如書所取物付之雖其家人亦不以與知也監察御史石玠子堅行部過曼卿曼卿避不見或言君何無鄉曲情耶曼卿曰君未之思耳凡今時政未必皆善石御史一有所効

則必謂自我發之同惡相庇他日并鄉里有受

禍者其畏慎類此正大末司農卿楊慥叔玉丞康錫伯祿薦曼卿與汴人高仲振武陟宋可武

清張潛磁陽曹廷大名王汝梅隱操不減古人朝廷議授以官以兵亂不果曼卿喜作詩工于

賦物如松化石云瘦見千年傲霜骨鍊成一片補天心時人稱焉壬辰之亂病沒于宜陽仲振

字正之系出遼東其兄領開封鎮兵正之幼就

舉選年四十後即以家業付其兄挈妻子居嵩山於書無不讀而以易皇極書為業安貧樂道不入城市山野小人亦知敬之王汝梅張潛從之學三人行山谷間人望正之風袖翩然如欲仙而未舉也張王說正之嘗遇異人教之養生呼吸吐納日以為常靈氣時至安坐不動而骨節憂憂有聲恍惚中時與真靈接對所談皆世外事既不以語人故無得而傳潛字仲升有志

節慕荆軻，聶政之為人三十歲乃折節讀書。太學諸人高其行義，有張古人之目。客嵩山從正之學，易五十歲始娶妻。妻魯山孫氏亦有賢行，夫婦相敬如賓。負薪拾穗，行歌自得，大用與之同業而生理優贍。怜高張之貧，時有餽餉，皆謝不受。鄉里為仲升剗瓜田，瓜熟仲升約中分之，以償其勤。衆不忍，但小摘而去。仲升亦棄瓜不收。衆如約，然後取食之。嘗行道中，拾得一斧，夫婦計度移時，乃持歸就訪其主歸之所居。寺住有兄弟分財致諱者，其弟指仲升所居曰：「我家如此獨不畏？」張先生笑曰：「天興之兵，避於少室。」絕頂時，世已亂，寇敍暴橫，無復人理。仲升不甘與之處，閉口不食七日而死。婦隨亦投絕澗，中汝梅字大用，律學出身，伊陽簿秩滿，遂不出。性嗜讀書，動有禮法。生徒以法理就學者，兼以經學授之。後生輩服其教，無敢為非義者。可字

予之貞祐之兵，其姑嫁大姓橐氏。夫與子皆兵死，而貲產獨在姑。以白金五十笏遺予之。予之受不辭。一日姑得橐之疎屬立為後，挈之省外，家予之置酒會鄉鄰。且謂姑言：「姑往時遺可以金可以。」橐氏無子，故受之。姑今有子矣。此金橐氏物，非姑物也。我何名取之？因呼妻子昇金出歸之。橐氏鄉里用是重之，大兵再駐山陽軍中，有聞予之之名者，問知所在，質其子使人招之。

曰：「肯從我者，禍福與君共之；不然，公之子死矣。」親舊競勸之，往予之不從。曰：「吾有子無子與吾兒之死與生皆有命焉。豈以一子故併平生所守者而亡之乎？」其後予之竟以無子死。珏字予玉，早歲有賦聲，誠實樂易，世俗機械事皆所不知。喜賓客，歛於接物，無書生氣，習從之游者，樂之而不厭也。六人者喪亂後，惟予玉居弘州，十年乃終。

九日感懷

曼卿

衰年易感我今知無訏騷人動楚悲故國久拋兵劫後
佳辰多負菊花期一時蘭艾同凋落兩鬢雪霜仍別離
高世輸他陶靖節悠然高興滿東籬

過洛陽

予之

西來東去洛陽城千尺浮圖了送迎十日酒旗歌板地
白頭孤客可憐生

寄人宰縣

仲升

欽定四庫全書

中州集

六十四

縣務無難易人才自異同割雞良暫屈製錦要專工積
弊姦贓後遺黎喘汗中不存憂世志底用讀書功嫉惡
看平日知君有古風莫教循吏傳獨載魯山翁載方言作
上聲乎

白髮感懷

子玉

豪舉氣如虹今日蕭然一病翁曉鏡祇添頭上雪
春風不綠鬢邊蓬文章那作一錢直燈火空勞半世功
擬築糟丘便歸老醉鄉何者是窮通

總校官庶吉士臣侍朝
校對官庶吉士臣陳墉
謄錄貢生臣張健



欽定四庫全書叢要

集部

中州集卷十

欽定四庫全書叢要卷二萬八十三集部

中州集卷十

卷集

金元好問輯



知已

漢南詩老辛愿二十首

愿字敬之福昌人其大父自鳳翔來居縣西南女几山下以力田為業敬之自號女几野人年二十五始知讀書取白氏諷諫集自試一日便

欽定四庫全書

卷十

能背誦乃聚書環堵中讀之書至伊訓詩至河

廣頤若有所省欲罷不能因更致力焉音義有不通者搜訪百至必通而後已有一事闕十年者由是博極羣書於三傳為尤精至於內典亦稱該洽杜詩韓筆未常一日去其手作文有綱目不亂詩律深嚴而有自得之趣性野逸不修威儀貴人延客敬之麻衣草屨足胫赤露坦然於其間劇談豪飲旁若無人高獻臣為河南治

詳校官候選知縣臣吳司華

中聞其名引為上客及獻臣為府尹所謫敬之亦被訊掠幾被一網之禍自是人以敬之之名

為諱絕不與交不二三年日事大狼狽田五六

十畝歲入不足一牛屢為追胥所奪竟賣之以為食衆雖嗷嗷張口待哺雅負高氣不能從俗俯仰迫以饑凍又不得不與世接其枯槁憔悴流離頓踣往往見之于詩元光初予與李欽叔在孟津敬之自女几來為之留數日其行也欽

叔為設饌備極豐腆敬之放箸而歎曰平生飽食有數每見吾二弟必得美食明日道路中又當與老飢相抗去矣會有一日辛老子僵卧柳泉韓城之間以天地為棺槨日月為舍魑狐狸亦可螻蟻亦可耳予二人為之惻然敬之佳句極多如自憐心似魯連子人道面如裴晉公萬事直須稱好好百年端欲付休休院靜寬留月窓虛細度雲浪翻魚出浦花動鳥移枝之類恨

不能悉記耳

木栖云吟窗醉几秋風晚只許幽人箇裏知三鄉光武廟云方山青

遼一川斜到其處如為工也

予嘗論敬之士之有所立必藉

國家教養父兄淵源師友講習三者備而後可

喻如世之美婦多出於膏腴甲族薰釀含浸之下閭閻間非無名色一旦作公夫人則舉步羞

澀曾大家婢不如其理然也故作新人材言教育也獨學無友言講習也生長見聞言父兄也至於傳記所載西子乃苧蘿山采薪氏之女越

君臣教之容止七日而納之王遂能惑夫差傾吳國豈常理也哉敬之落落自拔耿耿自信百窮而不憫百辱而不沮任道致遠若將死而後已者三十年亦可謂難矣南渡以來詩學為盛後生輩一弄筆墨岸然以風雅自名高自標置轉相販賣少遭指擿終死為敵一時主文盟者又皆汎愛多可坐受愚弄不為裁抑且以激昂張大之語從臾之至比為曹劉沈謝者肩摩而

踵接李杜而下不論也敬之業專而心通敢以

是非白黑自任每讀劉趙雷李張杜王麻諸人

之詩必為之探源委發凡例解絡脉審音節辨

清濁權輕重片善不掩微額必指如老吏斷獄

文峻網密絲毫不相貸如衲僧得正法眼徵詰

開示幾於截斷衆流人有難之者則曰我雖不

解書曉書莫如我故始則人怒之罵之中而疑
之已而信服之至論朋輩中有公鑒而無姑息

者必以敬之為稱首蓋不本於教育不階於講

習不出於父兄而卓然成就如此然則若吾敬

之者真特立之士哉

劉景玄趙宜之雷希顏李叔張仲經杜仲梁王仲

澤麻知義

亂後

兵去人歸日花開雪霽天川原荒宿草墟落動新煙困

鼠鳴虛辟飢烏啄廢田似聞人語亂縣吏已催錢

贈趙仲常名憲宜之從弟詩有黃塵哀哀時隨脚華髮蕭蕭老堅頭之句

趙子年雖小論詩樂最深秋風凡幾首冬日更多吟老

大吾無力文章爾用心荒山松竹底莫獸數相尋

過崧山

崔老年光袞袞來好懷知欲向誰開箕山願水春風裏

呼起巢由共一杯

隆德故宮

地分鹿死已無秦五十年來漢苑春問著流鶯無一語

柳條依舊拂牆新

同趙長水汎舟

洛水秦山晚自澄孤洲煙樹綠相仍波搖朗月浮金鏡

嶺隔華星斷玉繩但覺轉船驚白鳥豈煩揮翼怒青蠅

澤麻知義

風塵浩蕩飄蓬裏愧似林宗陪李膺

山寒

山寒春靜早關門新月微光照短垣可恨暮雲欺落景

却將殘靄助黃昏

陋室

陋室何妨似燕窠。暮年終得逐魚蓑。壺中日月時常好。
枕上功名不足多。往古來今真夜旦。高天厚地一星羅。

鹿門幸有龐公樂。牛角徒為寡戚歌。

亂後還三首

兵戈為客苦思綿。春暮還鄉却自傷。典籍散亡山閣冷。
松筠憔悴野園荒。鶯銜晚色啼深樹。燕掠春陰入短牆。
鄰里也知歸自遠。競將言語慰淒涼。

又

欽定四庫全書

卷十
中州集

亂後還家春事空。樹頭無處覓殘紅。棠梨妥雪霑新雨。
楊柳纏綿颺晚風。談笑取官驚小子。艱難為客愧衰翁。
殘年得見休兵了。收拾閒身守桂叢。

又

春來漂泊心情減。老去艱危氣力微。芳草際天愁思遠。

干戈滿地故人稀。懷金躍馬時何有。問舍求田事已違。

鴉食敝衣聊自足。白頭甘息漢陰機。

題游彥明林園三首

先生未老厭儒冠。築屋裁籬守歲寒。經史日長常滿案。
魚蝦溪近得供盤。幽花入室無多種。瘦竹關情只數竿。
瀟洒遠辭車馬跡。求官何必近長安。

又

城郭繁華斷往還。林園幽閑養高閒。花低暖藥斜窺水。
竹亞晴梢巧避山。尊俎歲時君得意。風埃南北我何顏。
丹房藥鏡游心久。不惜哀矜洗病辱。

又

欽定四庫全書

卷十
中州集

不礙遙看冷翠微。儘教叢竹映窻扉。蘿根傍水知魚樂。
屋角隣花鳥自歸。濁酒野芹安已久。華軒高馬到從稀。
人間回首皆堪鄙。羨汝幽棲得所依。

贈劉庵主

劉遼
貴族

乘薄軒裳貴高尋。綺皓蹤一囊。閣里藥六尺。水雲筇午。
枕眠芳景晴簷望。遠峯柴門常不掩。應得野夫從。

函闢

雙峯高聳大河旁。自古函闢一戰場。紫氣久無傳道叟。

黃塵那有棄繻郎煙迷短草秋還綠露浥寒花晚更香

共說河山雄百二不堪屈指算興亡

贈趙宜之二首

夫子今詞伯胡為遠帝京青雲無轍迹白髮有柴荆鬼

戲多年病人高四海名麟經方有缺無惜繼丘明

又

轉徙家無地逢迎客有尊光陰連病枕天地一愚軒霜

雪青松古風塵白壁溫從渠投隙者袞袞向金門

送裕之往許州酒間有請予歌渭城朝雨者因及

之

白酒留分袂青燈約對床言詩真漫許知已重難忘爽

氣虛韓岳文星照許昌休歌渭城柳衰老易悲傷

寄裕之

青雲一別阮家郎甚欲題詩遠寄將好句眼前常蹉過
佳人心上不曾忘誰家秋月茅亭底何處春風錦瑟旁

昌谷煙霞久寂寞歡遊還肯到三鄉

歲暮山園懶再行蘭衰菊悴頗關情青青多少無名草爭向殘陽暖處生

山園

李講議汾二十五首

汾字長源平晉人系出雁門曠達不羈好以奇節自許避亂入關京兆尹子容愛其才招致門

下留二年去之涇州謁張公信甫一見即以上

客禮之自是游道日廣然關中無一人敢與相

軒輕者元光末用薦書得從事史館舊例史院

有監修宰相為之同修翰長至直學士兼之編

修官專纂述之事若從事則職名謂之書寫特

抄書小史耳凡編修官得日錄分受之纂述既

定以藁授從事從事錄潔本呈翰長平居無事

則翰長及從事或列坐飲酒賦詩一預史事則

有官長掾屬之別長源素高亢不肯一世乃今

以斗食故人以府史蓄之殊不自聊高張諸人

率以新進入館史家凡例或未能盡知就其所長且不滿長源一笑故刊脩之際長源在旁則蓄縮慘沮握筆不能下長源正襟危坐讀太史公左丘明一篇或數百言音吐洪暢旁若無人既畢顧四坐漫為一語云看秉筆諸人積不平而雷李尤所切齒乃以嫚罵官長訟于有司然時論亦有不直雷李者故證左相半踰年不能決右丞師公以傷風化為嫌遣東曹掾置酒和欽定四庫全書

懷三榮長樂鐘聲又一年清鏡功名兩行淚浮雲親舊一囊錢煙波蒼蒼孟津渡旌旗厯厯河陽城長河不洗中原恨趙括元非上將才三輔樓臺失歸燕上林花木怨啼鶴空餘一掬傷時淚暗墮昭陵石馬前同輩作七言詩者皆不及也辛卯秋遇于襄城盃酒間誦關中往來詩十數首道其流離世故妻子凋喪道塗萬里奔走狼狽之意雖辭旨危苦而耿耿自信者故在鬱不平者不能掩清壯磊落有幽并豪俠歌謠慷慨之氣此詩兵火中散亡今就其少作予所能記憶者錄之

陝州

黃河城下水澄澄送別秋風似洞庭李白形骸雖放浪竟為所害長源孝友廉介過人者甚多寧寒餓而死終不作寒乞聲向人人亦以此愛之平生以詩為專門之學其所得為尤多如洛陽才子

州北

州北光風艷綺羅南來扈從北人多梨園法曲懷奴舞
月窟新聲倩女歌紫禁衣冠出金馬青樓阡陌瞰銅駝
薄游却憶開元日常逐春風醉兩坡

再過長安

細柳斜連長樂坡故宮今日重經過一時人物存公論
萬里雲山入浩歌白髮歸來幾人在青門依舊少年多
自憐季子貂裘敝辛苦燈前讀揣摩

汴梁雜詩四首

欽定四庫全書

中州集

天津橋上晚涼天鬱鬱皇州動紫烟長樂觚稜青似染
建章馳道直于絃犬牙磐石三千國聖子神孫億萬年
一策治安經濟了漢庭誰識賈生賢

又

琪樹明霞五鳳樓夷門自古帝王州衣冠繁會文昌府
旌戟森羅部曲侯美酒名謳陳廣座凝笳咽鼓送華輶
秦川王粲何為者憔悴翼塵坐白頭

又

樓外風煙隔紫垣樓頭客子動歸魂飄蕭蓬鬢驚秋色
狼藉麻衣涴酒痕天塹波光搖落日太行山色照中原
誰知滄海橫流意獨倚牛車哭孝孫

又

寥落闢山對月明客窓遙夜夢魂驚二年岐下音書絕
八月河南風露清冉冉莫愁生草色迢迢秋思入蟲聲
誰知廣武英雄歎老却窮途阮步兵

上清宮三首

欽定四庫全書

中州集

憶昔秋風從茂陵詞臣忝預漢公卿瑤池晏罷西王母
翠輦歸來北斗城石馬嘶殘人事改刻灰飛盡海山平
唯餘太一池邊月伴我驂鷺上玉京

又

蒼梧雲氣赤城霞綿絡鈞天帝子家仙掌高承九霄露
霓旌遙駐五雲車昆明火刻驚人世瀛海風濤撼客槎
醉裏忽逢王子晉玉笙吹上碧桃花

又

千劫塵緣謝吏曹道山仙闕事遊遨樓臺縹渺滄溟濶

宮殿森羅紫極高幾代雲孫接仙李千年王母醉蟠桃

詩成便欲還山去猶待君王賜錦袍

避亂陳倉南山回望三秦追懷淮陰侯信漫賦長

句

憑高四顧戰塵昏鷁野山川自吐吞渭水波濤喧隴阪
散關形勢輒興元旌旗日落黃雲戍弓劍霜寒白草原

一飯悠悠從漂母誰憐國士未酬恩

欽定四庫全書

卷十

詞

雪中過虎牢

蕭蕭行李憂弓刀踏雪行人過虎牢廣武山川哀阮籍
黃河襟帶控成皋身經戎馬心逾壯天入風霜氣更豪
橫槊賦詩男子事征西誰為謝諸曹

清明

鳴珂振轂滿重城春日綿綿老燕鶯人在碧雞坊外住
澹隨流水過清明

下第

學劍攻書謾自奇回頭三十六年非春風萬里衡門下

依舊并州一布衣

磻溪

封侯輸與曲如鉤冷坐磻溪到白頭老婦厨中莫彈鋏

白魚留待躍王舟

感寓述史雜詩五十首

并引
錄五首

正大庚寅予行年三十有九獻賦明庭為有司
所病遂有不遇時之歎阜衣斗食從事史館以

欽定四庫全書

卷十

詞

素非所好愈鬱鬱不得志卧病中僻居蕭條盡

日無來人緬惟先哲凡所以進退出處之際窮
達榮辱之分立身行道建功立事關諸人事者
竊有所感焉於是始自騷人屈平以來下逮漢

晉隋唐諸公終之以遠祖雁門武皇作為述史

詩五十首以自慰其羈旅流落之懷述近代則
忍涉時事故斷自唐以下不論嗚呼三百篇大
抵皆聖賢感憤之所為作也余以愚忠謬信護

譏于斯世久矣非敢示諸作者庶幾後世有揚
子雲者出或能亮予之宿心是歲秋七月既望

并州人李汾引

蘇客卿秦

游說諸侯獲上卿賈人脣舌事縱橫可憐一世癡兒女
爭羨腰間六印榮

韓淮陰信

仗劍淮陰去復還舉頭西望識龍顏堂堂竟握真王印

欽定四庫全書

卷十
中州集

六

未害男兒辱膝間

叔孫奉常通

秦時博士魯諸生漏網驪山百丈阬邂逅劉郎習綿絰
便能彈壓漢公卿

馬中令周

脚踏長安陌上塵布衣西上欲誰親君王不省常何策
憔悴新豐一旅人

遠祖雁門武皇

死心唐室正諸侯鐵馬南來隘九州當日三垂岡上意
諸孫空抱腐儒羞

擬張水部行路難

洛陽行人心欲折半年西州信音絕彈箏峽口兵塵高
半夜心懸隴山月君不見嗷嗷失羣鳥淚盡眼流血漟
關畫闕漢使稀安得慰我生離別

雲溪曉汎圖

曉景澹明月落影潭西丘清川桂煙樹光拂雲河流楓

欽定四庫全書

卷十
中州集

七

林入行色關山生白頭羨羨畫中人憶我秦川游君帆
渺何許儻下滄浪洲滄浪吾有約寄謝同盟鷗
古月一篇為裕之賦

古月天不收敵君三萬秋天孫弄明鏡光湧雲間流憶
簪放逐江南州金陵女兒歌櫂謳草裹烏紗巾散著紫
綺乘酒酣把玉笛直欲捫參歷井騎斗牛醉中呼兒搖
雙舟吾欲乘流下石頭起來茫茫視八極萬里只有元

丹丘丹丘子游人間風塵何為復往還玉華山人近招

我九日朝帝蒼梧山

西歸

擾擾王城足是非不堪多病決然歸只因有口談時事
幾被無心觸禍機日暮豺狼當路立天寒鵠鷁傍人飛
終南山色明如畫何限春風筍蕨肥

避亂西山作

三月都門晝不開兵塵一夕捲風回也知周室三川在
誰復秦庭七日哀鴉啄新豐下陽翟草銜冤血上琴臺

欽定四庫全書

中州集

太

夷門一把平安火定遂恒山候騎來

李戶部獻甫一十三首

獻甫字欽用欽叔從弟也兄欽止欽若皆中朝
名勝家故將種而同時四進士人門之秀照映
一時欽用博通書傳於左氏及地理之學為精
為人有幹局心所到則絕人遠甚故時人有精
神滿腹之目歷咸陽簿辟行臺掾屬正大初夏
人請和朝廷以馮子駿往議欽用預行夏使有

口辯焉善人無以折之往復之際至以歲幣為

言欽用不能平從旁進曰夏國與敝邑和好百

年今雖易君臣之名而為兄弟之國使兄而輸

幣寧有據耶曰兄弟且不論宋日曾與吾家二

十五萬匹與故具在君獨不知耶金朝必欲脩

舊好非此例不可欽用作色曰使者尚忍言耶

宋以歲幣餌君家而賜之姓岸然以君父自居

夏國君臣無一悟者誠謂使者當以為諱乃今

欽定四庫全書

中州集

元

公言之使者果能主此議以從賜姓之例敝邑

雖歲捐五十萬某請以身任之夏使語塞和議

乃定使還朝廷錄其功授慶陽總帥府經歷官

尋辟長安令京兆行臺所在供須之繁急于星

火欽用所以處之者常若有餘縣民賴之以安

入為尚書省掾壬辰之兵奏充行六部員外郎

守備之榮時相倚任之以功遷鎮南軍節度副

使兼右警巡使車駕東巡死于蔡州之難時年

四十所著詩書文號天倪集者留京師欽用死

其家亦破非同年華陰王元禮購得之幾有人
琴俱亡之恨然則文字言語之傳與否亦有數
存於其間耶

夏夜

銀漢淡淡沒疎星一陣涼從雨後生仰看浮雲成獨卧
數圍蛛網絡中庭

九龍池春望

五年外地看清明袖手低回過客亭謝絮楚萍無定著

春光如我更飄零

興慶池書所見

短短菖蒲刺水青翠萍開處鑑波明畫船轉過垂楊外

水面風來聞樂聲

題黃華幽居圖

層層佛屋貼山腰山下幽居勝午橋物外人家無稅役
閒中生理足漁樵雁踰遠障凌空迥人與高秋共寂寥

何處人間景如此便應歸隱不須招

長安行

長安道無人行黃塵不起生榛荆高山有峰不復險大
河有浪亦已平向來百二秦之形祗今百二秦之名哉
士避死不避生殺人飽厭敵自去長安有道誰當行黃
塵漫漫愁殺人但見蔽野雞羣鳴河東游子淚如雨眼
花落日迷秦城長安道無人行長安城中若為情

疎星耿耿明天河夜涼翠幕生微波碧梧委葉傅金井

一夕秋風將奈何春風令人和秋風感人悲哀愁自與

秋風期秋風爭管人別離燈火垂紅粉泥暗龜甲屏風

雲影亂絡緯弔月啼不斷蓮漏塵荷夜未半涼飈蕭蕭

入疎竹枕底寒聲碎瓊玉敲愁撼睡睡不明花露盈盈

泣魚目秋風且莫吹念妾守空閨嫁狗隨走雞隨飛九

死莫作蕩子妻郎薄倖妾薄命花自無言絮無定碧雲

算合郎未歸幾度粧成掩明鏡

欽定四庫全書

中州集

卷十

中州集

三

河上之役三首

河堤一決豈天窮失在當年固白公誰與麻岡開故道

暫教版籍見山東

又

新築河堤要築勲萬人採淨北壠薪青青好借曹州柳

舊是中原一段春曹陷沒已久

又

萬夫卷土障橫流負土成山水未收明日落成真盛事

誰能作賦擬黃樓

圍城

碧樹蒼烟起暮雲長安陌上斷行人百年王氣餘飛觀

萬里神州隔戰塵身與孤雲向雙闕愁隨落日到咸秦

山河大地分明在莫為時危苦愴神

驟雨

龍戰雲鏖擁日囚鞭驅雷電走蛟虬望中雨脚橫天落

觸處湍聲卷地流梁苑樓臺失炎暑漢家城闕動高秋

若為借得天瓢去倒瀉明河淨九州

資聖閣登眺同麻杜諸人賦

高閣凌雲眼界寬野烟碧樹有無間天邊孤鳥飛不盡

陌上行人殊未還魏國幾回時事改汴堤千古夕陽閒

愁來重倚闌干望崧少西頭是故山

南冠五人

司馬侍郎朴一首

朴字文季溫公之猶子宋兵部侍郎以奉使見

留居于祁陽授以官託疾不拜遨遊王公之門

以壽終文季工書翰有晉人筆意興陵萬機之暇嘗購其遺墨學之有雪霧同韓公度登圓福

寺閣和李幼之詩今畧載于此積雪日出果雪

飛梅已殘朋游要及時閣鄰有遐觀乘此薰穢

平快覽天宇寬霽色混銀界曠望連江干山如

白毫相晃溢清揚端一氣轉浩渺萬里皆瀰漫

優哉賦梁苑想像排廣寒此下不可讀當俟善

本考之

無餘居士齋壁有沈傳師游道山岳麓詩石刻穆仲等和之因亦次韻

湘西勝景豈易論羣山騰闊萬馬奔鶴泉一麓蹇鵬啞

松風十里歲祇園當時侍御偶題寫筆力孰敢爭雄草

東京少年妙詞藻南陽舊族齊陰樊天心月腸出奇語

使我展讀忘朝昏差差戈劍隱一敵落落旗鼓嚴千屯

無餘居士厲幽志細研六藝方專門凍骭嬌兒憒腸覓

啼飢瘦婦餘淚痕惟君德義允相愜每窮道妙角與根
他人勸酒驚逐魂二子頻酌勤空樽醉中詩成渺江海

風外幡影徒飛翻卷藏篋笥已戢戢風生襟袖何軒軒

嗟乎我亦有餘腐陋哉羊政囚華元

滕奉使茂實八首

茂實字秀穎姑蘇人初名裸徽宗改賜焉以太

學正兼明堂司令與樞密路允迪翰林脩撰宋

彥通奉使割三鎮太原尋奉密詔據城不下國

相怒囚使人於雲中欽宗北遷秀穎謁見涕泣

請從行主者不之許放允迪彥通南歸茂實留

雁門與兄宗正承福字伯奇淮南發運使倚共居

久之家人至自汴梁秀穎往來并代之間布衣

終身臨終令黃幡裹尸而葬仍大刻九字云宋

使者東陽滕茂實墓士大夫哀其忠為之起墳

於雁門歲時致祭好問兒時先大夫教誦秀穎

臨終詩然亦僅能記末章數語而已庚子春自

山東還鄉里值鄉先生雁門李鍾秀求秀穎

詩文鍾秀云喪亂以來家所藏書焚蕩都盡避

兵山中民家偶於破箱中得秀穎詩一編紙已

敗爛前序秀穎自作可辨者百餘字大畧言能

安於死生之分而不能忘感槩不平之氣又曰

蘇屬國牧羊海上而五言之作自此始予敢援

以為例後叙是筆吏林泉野老彥古著姓不年

七十八手錄三膝始末號東陽膝秀穎鳳山思

遠記者詩數百首可讀者什六七臨終一詩缺
三五字而已非筆吏此集則秀穎之事無以見
於世予意先生名節凜然不愧古人其文字言
語宜有神物護持雖埋沒之久而光明發見決
有不可掩焉者因備述于此亦使彥古之名託

之而不腐云荷字恐悞當作禡
見南申高濟叔碑

哀隆德守臣張確確浮休張舜民之弟嘗為烏延

帥幕獨不廷謁童貫作詩弔之

睢陽萬古一張巡忠義傳家有世臣顏子伏膺當入室

潘郎望拜肯同塵園城已限天猶晦仗劍臨危氣益振

飲子鄰邦盡曹李偷生端作九泉人

天寧節有感

節臨重十慶天寧古殿焚香祝帝齡身在北方金佛刹
眼看南極老人星千官花覆常陪燕萬里雲遙阻在廷
松柏滿山聊獻壽小臣孤操亦青青汗裸故老云徽宗
本以五月五日生

以俗忌移之十月十日
故此詩有重十之句

雨後蔬盤可喜偶成

遇雨盤蔬日日新從今休歎瘦郎貧寒蠶安取咄嗟辦
火食不憂生死隣叟覓何施雖可鄙美芹欲獻去無因
干戈萬里風塵晦慙媿平生肉食人

五日

節物驚心動遠思薰風又見浴蘭時空尋好句書紈扇
無復佳人繫綠絲酒注菖蒲唯欲醉箇包荪黍不勝悲

明年此日當何處風裏孤蓬自不知

喜雨

旱嘆雨霑渥豐穰都不疑商羊應屢舞布穀強多知龍
見寧非數雲行自有時當年班夏令曾得近丹墀

偶成

纖雲卷盡見愁容古木交陰一埽空雪壓羣山曉來雨
葉侵缺甃幾番風欲歸未得人將老屢送還來鬼亦窮
賴得子卿佳傳在整冠時讀慰飄蓬

立春

東皇布政物皆春山色禽聲便可人滿谷和風消積雪
半窓晴日動游塵宮花挿帽枝枝秀菜甲堆盤種種新
拘窘經時成上俗聊從一醉適天真

臨終詩并序

某奉使亡狀不復反父母之邦猶當請從主行
以全臣節或怒而與之死幸以所仗節隨眾其
尸及有篆字九為刊之石埋於臺山之下不必
封樹蓋昔年大病夢遊清涼境界覺而失病所

在忍于此有緣如死窮徼則乞骸骨歸悉如前

禱預作哀詞樂于不達方之淵明則不可亦庶
幾少遊之遺風也

悼歎安得驩波瀾卷大廈一木難求安就不違我心渠
不汗我顏昔燕破齊王羣臣望風奔王燭猶守節燕人
有甘言經首自絕脰感槩今昔聞未嘗食齊祿徒以世
為民況我祿數世一死何足論遠或死江海近或死朝
昏歎我不須衣裹尸以黃旛題作宋臣墓篆字當深刊
我室尚少女兒女皆童頑四海無置錐飄流倍悲酸誰
當給衣食使不厄饑寒歲時一醉我猶足慰我冤我魂
亦悠悠異鄉寄沉寃他時風雨夜草木號空山

通理何先生宏中

一首

宏中字定遠先世居雁門叔祖青出武弁任忻
州兵馬使因家焉祖行宣西遊遇仙不返行宣
之子子奇子霖政和中中武舉高科子奇秉義
郎武州宣寧尉子霖忠翊郎守豐州安豐皆
沒王事定遠子奇子也幼倜儻儀觀秀整雅以
奇節自許宣和未方賊擾江浙定遠以太學武
舉進士陳破賊三策徽宗褒諭謂非近日言事

千里而遠艱食數月人不敢相食詔以為武節
大夫河東河北兩路統制接應使是後國朝兵
日盛所守唯銀冶一城而已帥府募人生致定
遠天會五年二月糧盡被擒大帥昭刺憐其忠
解縛授以官定遠投牒于地曰我常以此物誘
人出死力若輩乃欲以此嚇我耶帥嘉其不降
屈又問欲還鄉否定遠謀南奔陽以願歸為言
會監送使臣有先與定遠相攻刻者憲之囚西
者所可比已而破賊如定遠榮遂知名宣和元
年集英殿試榮中第二調滑州韋城尉汴京被
圍州郡多避走獨韋不下兵退統制武漢英奏
辟欽宗御札召赴軍前以路塞不果因請兵真
定宣撫司時副帥种師中兵已潰宣撫司檄定
遠副漢英守銀冶路既而太原破西路無完城
定遠等提兵竝山而東將赴援京師俄漢英戰
死定遠收合散亡立山棚七十四所號令所及

京府君廟二年帥一日召之授以官又不拜使
之克軍亦不從取家屬填城黃龍府益偃蹇不
行帥怒褫衣欲斬之定遠忻然就戮曰得死所
矣擁之行已數十步帥終不忍召還問爾授官
不願充軍又不行填城又不行斬又不懼畢竟
欲何如定遠徐曰生死在公奚問為帥怒解繩
之西京獄得州人保任者數十族乃放歸請為
黃冠時神霄宮廢道士舊以徽宗為東華君將

毀其像定遠為起紫微殿遷像事之年六十三
正隆四年病歿自號通理先生所著成真通理
二集藏于家州將傳慎微幾先贈詩云故人何
定遠造物不虛生骨骼稜稜瘦詩篇字字清世
皆尊道義我獨見忠誠尊酒分攜後何時益復
傾其餘與朱少章輩唱酬甚多皆為所推重載
之墓碣之陰

述懷

欽定四庫全書

中州集

馬革盛尸每恨遲西山餓踣更何辭姓名不到中興歴
付與皇天后土知

醉軒姚先生孝錫 三十二首

孝錫字仲純豐縣人政和四年登科調代州兵
曹國朝兵入雁門州將議以城降官屬恇怯投
死無所仲純投床大鼾畧不以為意帥府就注
五臺簿未幾移疾去因家五臺善治生亭榭場
圃富於遊觀賓客日盈其門州境歲飢出家所

藏粟萬石賑貧乏多所全濟鄉人德之中年之
後以家事付諸子放浪山水間詩酒自娛醉軒
其自號也資稟簡重喜怒不形于色棄官時年
二十九至八十三乃終名士大夫為詩以弔者
數十人先生長于尺牘所著雞肋集喪亂以來
止存律詩五卷而已今畧載於此次冠鄉韻云
節物後先南北異人情冷暖古今同次趙獻之
韻云紅纈退風花著子綠鍼浮水稻抽秧溪壁
早春云久客交情諳冷暖衷年病骨識陰晴春
日和德充云烟染綠絲迷別浦雨催紅繆綴長
條新詩云愁邊日晷偏疑短夢裏江山未當歸
盤無兼味慙留客夢厭多歧不到鄉賦雪云酒
敵餘威翻索莫詩含幽思倍清新雨云岸漲魚
吹沫山空石轉雷雪云舞風初學絮帶雨不成
花峯山寺云谷虛繁地籟境寂散天香雲生古
木千章秀山抱晴川一字平懷士會云詩怡疎

酒醕俸薄減厨煙感懷云玄晏算年常抱病子

山終日苦思歸古詩尤有高趣恨不復見之矣

挽詞今載于此掌飲令胥持國云山東夫子老河東誰與先生嘆味同早歲遠辭名宦裏百年

常樂聖賢中醉軒風月千秋恨鴟室樽罍一夢空白玉樓成人不見空餘鄉淚託東風司經

劉迎云百年陸陸變蒼忙晚向山林得老蒼孤幹鬱生陳柏樹故基昂立晉靈光謀生有道田

園樂閑世無心壽命長何日車聲過通德拜公一炷影前香高平李仲容云早歲才賦著崎

峴涉世艱非嫌食周粟甘學抱吳闌高義追東漢移文謝北山孤風激貪懦凜凜莫容攀平

水毛庵云蓋世清芬五十年直疑湖海水雲仙不矜江夏無雙譽便造南華第一篇松菊就荒

欽定四庫全書

卷十

三

欽定四庫全書

卷十

三

生涯甘分寄畊桑山色園門水遠牆困病久懲耽酒癖

睡起

愛閒猶有和詩忙簷冰滴砌春猶冷野馬浮川日漸長舊事老年多記憶故園歸夢正悠颺

柳溪別墅

安車隨意飽甘肥晚食徐行理亦齊山市日高人未集柴門客至鳥先啼溪橋散望攜筇度野寺牽吟信筆題

容膝易安聊自適覽天閒看舞醯雞

歲晚懷二弟

少易成觀老易傷壯遊垂白未還鄉煙塵無復音書到

留燈待沈彬彭瑒俱逝水丘跖共荒榛書帶緣
新壠笛聲起舊鄰絕絃雙闌淚挂劍一傷神冢
樹悲長夜山花作好春龜趺平木杪誰為寫光
座承首党世傑云望西山以馳弔于其下維

德人抱明月以螭盤子寧終屈而不伸天昏廓
衡風之落羽蘭為佩子桂為惟誰招余者子余
從與歸青雲豈難振跡子顧連結之不素元豹
與游適意自安子樂閒自休出吾餘以研桑子
猶足以比素封之侯惟清閒為祕福子非有力
能兼取雖神仙猶可畏子曾莫樂于下土數與
數相乘除子常此奪而彼與陋巖栖之下聚子
心實往而跡藏出非微而處非隱子吾獨蹈古
人之所常隨時委順以
終老子噫先生為不亡

欽定四庫全書

卷十

三

欽定四庫全書

卷十

三

堪笑晚尊鹽託興果誰賢佳城鬱鬱高名在應
與臺山萬古傳西京都轉運使丹元子田彥
臯云琳琅風月三千首海戲塵凡八十秋三徑
尚存元亮菊五湖空負子皮舟王元老云夫
子人之傑魁然道最純鄉閭連沛邑族系出虞
賓清節冰壘瑩孤標玉樹新妙齡探桂窟雅志
傲蒲輪事業傳衣鉢風流表縉紳斗南惟此老
月旦復誰人忍哭亡社偷安笑具臣斯文雖
未喪吾道竟難伸彭澤不畜宋東陵無負秦直
從強健日收得自由身把臂言猶在回頭迹已
陳發書函賈鵬絕筆感商麟去矣騎箕尾嗟哉
厄已辰終天從此別窮壤向誰親墮樽逢王果

留燈待沈彬彭瑒俱逝水丘跖共荒榛書帶緣
新壠笛聲起舊鄰絕絃雙闌淚挂劍一傷神冢
樹悲長夜山花作好春龜趺平木杪誰為寫光
座承首党世傑云望西山以馳弔于其下維

魂夢猶疲道路長，爆竹又驚新薦歲。屠蘇空憶舊傳觴。

年年此日遙相憶，鴻雁何時續斷行。

睡起

睡起日侵牖，開軒遙見山。曉風吹牘盡，芳草惹春還。煙暖鶯遷谷，雲低雁渡關。衰人事減，遇酒得開顏。

次李平子登臺有感韻

落日孤雲帶遠岡，戍樓烟瘴舊邊場。疲民卒歲方懷土，遠客憑高自憶鄉。漢使一朝廷四皓，秦詩千古弔三良。

欽定四庫全書

中州集

行藏此意無人解，聊借青山送酒觴。

九日題峰山

不須歌吹上叢臺，千里晴川入座來。世事難憑休挂口，生涯見在且銜盆。無情趁暖花先老，有信迎寒雁已迴。

遙想故園親種菊，霜枝露葉向誰開。

次韻王無競見寄

客懷重倚仲宣樓，白草黃雲塞上秋。山色不隨塵世改，水聲還抱故城流。隙中畏景那堪玩，鏡裏衰顏祗自羞。

多愧詩人苦相憶，遠傳佳句弔清愁。

閒居

無客訪哀殘，柴門盡日關。耽書真是癖，惜酒近成慳。徑行搜句茅檐卧，看山却嫌明鏡裏。偏照鬢毛斑。

和成冠卿見寄

別恨頻添鬢雪深，百年懷抱鬱沈沈。標名不挂金銀榜，涉世空堅鐵石心。俗物何勞供一醉，殘僧正欲伴孤吟。朱絃三弄虛簷寂，唯有清風是賞音。

欽定四庫全書

中州集

次韻秋興

老畏年光速，愁添旅夢多。西風著梧竹，歸思入煙波。夜永憑詩遣，顏哀得酒和。故溪千樹柳，誰復曬漁蓑。

感白髮

彈鋏憑誰聽，客歌震雷那復化。魚梭梳頭白雪驚，新有障眼玄花比。舊多鄉問阻，兵猶斷絕羈懷憑酒暫消磨。不須更問今朝客，門外元無雀可羅。

曉霧

一夜雲峯卷迅雷殘紅狼籍點蒼苔鶯聲豈解留春住

却妨真賞廢搜吟

燕語虛勞喚夢迴愁寂頓疑詩思減哀殘偏感歲華催

又

柳溪魚鳥應相識乘興無嫌日日來

重九偶成

天邊今日又重陽隴樹紅飛雁信霜且插茱萸慰哀鬢
莫將詩句繞迴腸歌勤皓齒人俱醉舞懸晴暉蝶也忙
來日預期扶宿酒未應籬菊減秋香

溪橋早春

欽定四庫全書

中州集

卷十

輕黃未染柳梢勻連日溪風卷塞塵乍暖乍寒花信晚
相呼相應鳥聲頻少勤謾挾經綸策老撫空餘病患身
追憶故園桃李樹年年紅紫為誰新

東軒琴示兒子沂

古人無復見但有東軒琴一鼓高山操因窺古人心正

聲久沈埋俚耳喧哇淫正可自怡悅不須求賞音

花前獨酌二絕句

老將花酒作知音起就花前酒自斟莫便興來先酩酊

移得名花手自栽花知不為老人開興來誰是尊前客
唯有提壺送酒盃

題柳溪別墅

雨霽風和不動塵柳邊攜酒賞晴春頻來溪鳥渾相識
渡水穿花不避人

芍藥

欽定四庫全書

中州集

卷十

綠萼披風瘦紅苞浥露肥只愁春夢斷化作彩雲飛

次韻李相公偶成

簾鳥呼歸夢竹風追夕涼感時空有淚却老分無方流
水依山白孤雲帶日黃無人共尊酒散髮卧藜床

村居偶成

靜愛柴門野興幽杖藜徐步到岩丘深林有獸鳥先嚦
廢圃無人泉自流土瘠稅租隨力辦年豐禾黍過時收

客來不慮無供給白酒黃雞亦易求

用峯山舊韻二首

信步西風寺窮幽未覺賒松根纏石瘦雲磴出岩斜思
爽餘三唱詩成自一家空餘幾兩屐不踏渡溪槎

又

春水上堤沙春晴散望赊哀年花近眼久客夢還家映
日孤鴻沒迎風雙燕斜平生江海意早晚送浮槎

題佛光寺

藏穀雖殊竟兩亡倚闌終日念行藏已忻境寂洗塵慮

欽定四庫全書

中州集

四

更覺心清聞妙香孤鳥帶烟來遠樹斷雲收雨下斜陽
人間未卜蝸牛舍遠目橫秋益自傷

芭蕉

鳳翅搖寒碧虛庭暑不侵何因有恨事常抱未舒心

蜀葵

傾心知向日布葉解承陰空側黃金蓋誰人與對斟

次韻公才對菊見懷

鬢蓬新感二毛侵尚阻清尊對菊斟久擬芝蘭同臭味

莫疑魚鳥自高深食貧豈復甘秦炙客病空懷奏楚音
挂席無由上斗斗漫憑流水送歸心

寄田朝散善輔

粉署標名舊山城識面新青雲摧勁翮空谷滯幽人世
路謀身拙心田育德醇久要知可卜傾蓋已情親

春日書懷

雲散交情薄墓翻世態新山容猶帶臘鳥語已回春節

物驚心遽丘園入夢頻東風如解語端笑未歸人

欽定四庫全書

中州集

三

春日溪橋

留戀春光慰病顏無情風雨卷春還陰陰密綠籠溪暗
細細疎紅點徑斑老去益憐詩思澀懽來聊破酒腸憊
不嫌門外無車轍得遂哀痛一味閒

登樓有懷

老愧凭闌目力昏百年懷抱向誰論晴空雁起雲邊塞
夕照人歸郭外村因記昔遊驚迅晷暫將離恨付清尊
誰人肯似邊居士遠駕朱輪過雀門

題滕奉使祠

本期蘇鄭共揚鑣不意芝蘭失後凋遺老祇今猶涕泪
後生無復識風標西陞雁度霜前塞淳水樵爭日算橋
追想生平英偉魄凌雲一笑豈能招

朱奉使弁 三十九首

弁字少章宋吉州團練使天會六年以通問見
留命以官託目疾固辭猝然以錐刺之而不為
瞬用是得歸凡居雲朔二十年自號觀如居士

有曲洧風月堂詩話行於世紹興十二年皇子

生大赦宋使洪皎張邵朱弁南歸

蘇子翼送黃精酒

仙經何物堪却老較功無如太陽草龍銜雞銜名雖異

免公羊公事可考蘇君真是神仙裔橘井陰功貫穹昊
雲笈書成數萬言銀闕珠宮用心早獨知此物有奇効
福地名山為儲寶不憚林泉新剏掘斥去杵臼謝篩擣
況從高士論麴糜更課公田收秫稻一朝靈液浮甕盎

欽定四庫全書

中州集

三

欽定四庫全書

中州集

四

三冬浩氣生襟抱且欣軟飽得流觴漫說逆流上補腦
眼碧那憂散黑花髮白故應還翠葆賈傅只嫌松釀陋
劉隨敢誇桑落好直須五斗論解醒寧待三杯乃通道
誰知萬里落旄人亦許匏尊自傾倒為君喚迴雪窖春
八載羈愁供一埽曼倩宜分此日桃安期莫訖他年棗
何煩更採石斛花已覺容顏不枯槁根連石室喜入夢
句擬桐溪媿摘藻平生我亦愛書札朱髓綠腸勤探討
幸君汲引成此志鶴駕駸駸望仙島吞腥啄腐非夙心

歲晚茲言良可保

初春以蔓菁作薹因憶往年避難大隗山采蘋澗

中為薹薹成汁為粉紅色而香美特異乃信鄭

人所言為不誣矣今食新薹因成長韻

藏蔬飽三冬媚盤無蘿靡陳薹解束縛水雹散刀几春
畦蕪菁苗入眼漸可喜青黃含風露採摘從此始持歸
作新薹一飽競鮮美芬香溢肺肝甘脆響牙齒攔腹幽
窓下芻豢詎能比憶昔避難初竄身重嵒裏雲煙昏具

茨老稚且棲止燕兵大搜索焚蕩石牛底脫命獨虎山
野哭紛四起莫投山前店茅棟例燒毀潛伏窟室中衣
敝不益體妻孥坐相對生意薄於紙晨朝行澗中采芹
潤邊洗鄭人誇此薺他菜非所擬氤氳投瓦蓋觸鼻似
蘭芷一杯紅粉羹析醒勝仙醴乃知野人獻涼薄未宜
鄙今來滯殊鄉白首家萬里猶能對葷羶咀嚼出宮徵
回思十年夢爭奪殊未已飽食但謀身吾願良有此
北人以松皮為菜予初不知味虞侍郎分餉一小

欽定四庫全書

中州集

四

欽定四庫全書

中州集

四

把因飯素授廚人與園蔬雜進珍美可喜因作
一詩
吾老似出家晚悟媿根鈍滋旨却羶葷禪悅要親近偉
哉十八公茲道亦精進舍身奉刀几割體絕嗔恨鱗皴
老龍皮鳴齒溢芳潤流膏為伏龜千歲未須問便堪奴
筍蕨詎肯友芝菌跏趺得一飽萬事皆可擯侍郎文懿
後落落衆推俊澹然世味薄內典得所信香厨留淨供
頻食不言頓晏然默不語草木雷音震得法於此公骨

髓傳心印應憐持節人餉此為問訊欲將無上味為我
洗塵全食之不敢餘感激在方寸

予以年事漸高氣海不能喫生暖冷旅中又無藥
物遂用火攻之策灼艾凡二百壯吟呻之際得

詩二十韻

不作漳濱卧年侵血氣衰據鞍思少壯攬鏡歎清羸有
病方求艾無營莫問著心知出下榮理勝遇中醫陽燧
神逾速銅山術盡施論功鄙炮製取穴辨毫釐大帝恩

欽定四庫全書

中州集

四

光異炎官績用奇書螢比差似珠蟻迫方知忖物嗟炮
鼈觀形笑灼龜煙微初炎手氣烈漸鑽皮閉目書徒展
支頭枕屢移發狂還自哂賈勇僅能支宋鷁追風日吳
牛喘月時忠言勞緩頰善謹為開眉服氣工夫遠燒丹
歲月遲衛生防後患伐性釋前疑展轉那成夢呻吟且
當詩因心念民瘼出位歎身卑欲已七年病當從百世
師保身將保國未可廢歲規

元夕有感

朔雪餘千里東風徧九州關河中土異燈火上元愁綠
蟻嘗新釀青貂戀故裘紫姑無用卜世事正悠悠

憶鍾離濟

浚都同聚讀書螢楚岸春風憶送行三十年前初識面
四千里外更關情出疆我亦徒勞爾入仕君今何似生
旅雁相逢須一問要從郵上得新聲

炕寢三十韻

風土南北殊習尚非一躅出鄉雖仗節入國暫同俗淹

欽定四庫全書

中州集

卷十

欽定四庫全書

中州集

卷十

留歲再殘朔雪滿崖谷禦冬貂裘敝一炕且跼伏西山
石為薪黑色驚射目方熾絕可通將盡還自續飛飛湧
玄雲嵌嵌積紅玉稍疑雷出地又似風薄木誰容鼠棲

冰信是龍銜燭陽羲助喘息未害搖空腹惠氣生袴襦
仍工展拳足豈惟脫膚鱗兼復平體粟負暄那用詫孰
熟定恩沃收功在歲寒較德比時燠雖餘炎手焰寧有
爛額酷矧當凝沴晨炎帝獨回轂玄冥退聽祝融端
可錄嗟予亦何者萬里歌黃鸝偃仰對憲麻妍暖謝余

煥譽新釀青貂戀故裘紫姑無用卜世事正悠悠
憶鍾離濟

禱壯懷羞竈媚晚悟笑突曲因思箇指人暴露苦駁瘠

頻年未解甲蹈比鋒刃毒遙知革輶中旰食安豆粥陪

臣將命來意懇誠亦篤有奇不能吐何術止南牧君心
想更切臣罪何由贖此身雖自溫此志轉煩促論武貴
止戈天必從人欲安得四海春永作蒼生福聊擬少陵

翁秋風賦茅屋

秋泉次韻

新醅滴滴溢瓶盆漱石秋泉帶雨渾翡翠杯深雲液凝

欽定四庫全書

中州集

卷十

三

鶴鵠杓滿月波翻照人光入尊罍瑩流齒香隨語笑噴

已拚扶頭日三丈朝醒未解任昏昏

夜雨枕上

淅淅風聲止淒淒雨氣涼愁工繫客思夢故遠江鄉書
疏親朋少干戈歲月長平城弭節地可復見秋霜

客懷

兵氣常時見客懷何日開形骸病自瘦鬢髮老相催已
負秦庭哭終期漢節回風雷識我意一雨洗氛埃

歲序

歲序忽將晏節旄嗟未還低雲添衆木寒雨失羣山喪
亂闌詩思謳謠發病顏夢魂識舊隱時到碧溪灣

白髮

白髮使車前煙波思渺然霜清獲稻日風急授衣天客
館但愁坐釣舟誰醉眠乘槎會有便真到斗牛邊

有感

容貌與年改鬢毛隨意斑雁邊雲度塞鳥外日銜山仗

欽定四庫全書

卷十

六

節功莫在捐軀志未閒不知垂老眼何日覩龍顏

劉善長出示李伯時畫馬圖

俯首舉尾拳一蹄掣韁欲喫騎不嘶奚官備肩兩足垂

意貌自與造父齊雞目麟鬚鳳呈膽玉山未遠未容食
箏雲追電有餘地置之畫圖人豈識精神權奇孰可班

當在白兔青龍間君知此馬從何來龍眠胸中十二閑

謝崔致君餉天花

三年北饋飽羶葷佳蔬頤憶南州味地菜方為九夏珍

天花忽從五臺至崔侯胸中散千卷金甌名相傳雲裔

愛山亦如謝康樂得此攜歸豈容易應憐使館久寂寥
分餉明明見深意堆盤初見瑤草瘦鳴鶯稍覺瓊枝脆

樹雞濕爛慚扣門桑蛾青黃漫趨市赤城菌子立萬釘

今日因君不知貴並龍耳僅免一割沙門業已通三世
偃戈息民未有術雖復加餐祇增媿雲山去此縱不遠
口腹何容更相累報君此詩永為好捧腹一笑萬事置

戰伐

欽定四庫全書

卷十

四九

戰伐何年定悲愁是處同黃雲紫晚塞白露下秋空魚

躍深波月烏啼落葉風誰知渡江夢一夜繞行宮

龍福寺煮東坡羹戲作

山寺解塵鞅溪邊有微行手摘諸葛菜自煮東坡羹雖
無錦繡腸亦飽風露清鈎簾坐捫腹落日千峯明

丙申中秋不見月

中秋萬里月何處駕冰輪底事隔年會不憐今夕人兔
疑停杵白蟾豈避風塵默識婦娥意承平賞更新

十七夜對月

病骨怯風露愁懷厭甲兵人居絕域久月向此宵明輪
仄初經漢光分半隱城遲遲不肯下應識異鄉情人謂少章

此詩似微升古塞外而未竟尤為淒絕必有能辨之者

睡軒為趙光道作

深炷爐香睡息勻蕭然一覺得天真生涯聊示人間世
緣境都忘樂累身窺牖屢來從汝喚叩門空去任渠嗔
更須滿壁圖雲水卧想江湖渺莽春

欽定四庫全書

中州集

卷十

南齋即事

頻年行役夢庭闈陟岵常嗟脚力疲每訴酒巡嫌客惡
力營官事笑兒癡雲山幸不持錢買花竹何妨帶雨移
此味貴人元未識恐緣詩好被渠知

餞和父之并州

有北何堪說如南未是歸并門子徑往漢節我方畿筆
硯論心久干戈會面稀新程相憶處路入嶺雲微

獨坐

草凍慵抽碧桃癡憊暈紅黃雲猶漢野紫塞漫春風使
節空留滯侯生未會同堦除雪不埽獨立數歸鴻

寒食

絕域年華久衰顏淚點新每逢寒節頻夢故鄉春草
綠唯供恨花紅只笑人南軒定何日無地不風塵

上已

行行眷向暮猶未見花枝晦朔中原隔風煙上已疑常
令漢節在莫作楚囚悲早晚鸞旗發吾歸敢恨遲

欽定四庫全書

中州集

卷十

送春

風煙節物眼中稀三月人猶戀褚衣結就客愁雲片段
喚回鄉夢雨霏微小桃山下花初見弱柳沙頭絮未飛
把酒送春無別語羨君纔到便成歸

天問絕句

穴邊酣戰君臣蟻波上羣嬉婢妾魚苦樂不同同一字
問天此理竟何如

客夜

城月四更上窓風一室幽纖雲紫雁塞重霧逼貂裘兵

革何年息乾坤此夜愁殊鄉兩行淚騷屑洒清秋

據抱

客滯殊方久山圍絕塞深秋風入橫笛夜月傍沾襟造

膝他時語捐軀此日心飛霜滿明鏡髮短不勝簪

重九

九日今何地寒深紫塞霜敢嫌蘆酒濁且對菊花嘗歲

月雙蓬鬢乾坤百戰場賜萸知未舉夢自識鴛行

欽定四庫全書

卷十

五

次韻劉太師苦吟之什

長城五字屹逶迤可笑偏師敢出奇句補推敲未安處

韻更癡絮益難時癡迷竟作禽填海辛苦真成蟻度絲

却羨彌明攻具速劉侯漫說也能詩

善長命作歲除日立春

土牛已著勸農鞭葦索仍專捕鬼權且喜春盤兼守歲

莫嗟臘酒易經年東風漸入江梅夢朔雪猶迷塞柳天

元會明朝定何處羈臣揮淚節旄前

次韻子文秋興

逸興常時有逢秋一倍多山長含楚雨天遠接吳波尋

壑同元亮浮家伴志和釣竿行入手還著向來蓑

冬雨

冬雨不成雪北風寒未深山藏千疊秀雲結四垂陰迴

洒陵朝閣聲殘入夜衾端能洗兵甲足慰此時新

寒食感懷次韻吳英叔

疾風甚雨老難禁嶺外無錫誰解吟雙鬢客塵諳世變

欽定四庫全書

卷十

三

兩眉鄉思儘愁侵榆錢何處迎新火杏粥頻年繫此心

落日高城覩易斷天臨牛斗五湖深

春陰

關河迢遙統黃沙慘慘陰風塞柳斜花帶露寒無戲蝶

草連雲暗有藏鴉詩窮莫寫愁如海酒薄難將夢到家

絕域東風竟何事祇應催我鬢邊華

寒食

清明六到客愁邊雙鬢星星只自憐兵氣尚纏巢鳳閣

節尾已落牧羊天紙錢灰入松楸夢錫粥香隨榆柳烟
北向雁來寒霧隔音書不比上林傳

李任道編錄濟陽公文章與僕鄙製合為一集且
以雲館二星名之僕何人也乃使與公抗衡獨不
慮公是非者紛紜於異日乎因作詩題於集後俾
知我心者不吾過也庚申六月丙辰江東朱升書

絕域山川飽所經客蓬歲晚任飄零詞源未得窺三峽
使節何容比二星蘿蕙施松慙弱質蒹葭倚玉怪殊形

齊名李杜吾安敢千載公言有汗青濟陽公謂字文叔通叔通受官而少章以死自守恥用叔通見比故此詩以不敢齊名自託至於書年為庚申與稱江東朱升者蓋亦有深意云
秋夜

秋夜雖漸永未抵客愁長秋月雖已圓不照寸心方將
心貯此愁真作萬斛量為月憐此夜誰共千里光空令
還家夢欲趁征鴻翔

附見

蘧然子趙滋一首

滋字濟甫本出馮翊其祖貞元間來為南京漕司戶籍判官卒官汴妻子不能歸遂為汴人濟

甫少日出閭里間其曉音律善談笑得之宣政故家遺俗者為多及長厭於游蕩乃更折節取

古人書讀之學書學畫學詩學論文立志既堅力到便有所得為人強記默識不遺微隱唐以

來名人詩文往往成誦如目前考論文義解析脉絡殆若風昔在文字間者畫入能品詩學亦

有功如黃石廟等作今代秉筆者或亦未可輕議閒閒趙公書法為今代第一手學者多倣之但得其形似而已濟甫筆勢飛動頗得公不傳之妙宗室胙公文采風流照映一時而濟甫以布衣從之游商畧法書名盡胙公亦以真賞稱焉隆德太一故宮樓觀臺沼門戶道路花木水

石悉能歷數之聽者恍然如親到其處至於宋名賢所第宅坊曲與其家行輩羣從孫息姻姪

排比前後雖生長鄰里不加詳也嘗過長清一
禪寺與僧談僧言五派傳授圖大不易作濟甫
笑曰易與耳因索筆作圖坐中他日以舊本證
之不毫末差也丁酉歲歿於東平時年五十九

黃石廟

狂豪擊車代無人神石一砥志乃信吹噓風雲遮楚秦
炎精熾然四百春一編尚恪續後塵江山有待終此身
望望久愁橫目民朝陽淒淒霜未休江燕竟來江北游

山回鼎移海橫流天風何時清九州草泥自古跼王侯
神棄不卹誰當羞割牲釀酒空千秋

先大夫詩 四十三首

鄉先生權參知政事代郡楊公叔玉誤先人墓

銘今畧載於此先生姓元氏字德明秀容人唐
禮部侍郎次山之後自幼讀書世俗鄙事終其
身不挂口為人誠實樂易洞見肺腑雖童子以
言欺之亦以為誠然也先大夫歿遺產無幾先

生布衣蔬食處之自若家人不敢以生理累之
僅奴有竊拾東家之棗者立命還之貧人負債
則往往令折券以貸之也累舉不第放浪山水
間未嘗一日不飲酒賦詩春秋四十有八終于
家先生作詩不事彫飾清美圓熟無山林枯槁
之氣居東山福田精舍首尾十五年東嵒其自
號也有集三卷藏于家銘曰貪夫徇財智士死
名字宇宙古今萬轍混并戎機弗張我戶弗扃天
宇泰然物莫敢櫻飲芳食菲岩岫杳冥玉佩瓊
琚御風泠泠魯山之醇次山之清閱世幾傳猶
有興刑邈哉先生明昌承安間科舉之學盛大
夫士非賦不談人知先生有聲場屋間其以詩
文為業則不知也先人捐館後十年好問避兵
南渡游道日廣世始知有元東岩之詩楊尚書
之美云彼美元夫子學道知觀瀾孔益澤有餘
曾顏膏未殘林觀察顯卿云文章變古名新體

孝弟傳家守舊規雷內翰希顏云詩句妙九州

孝友化一川王右司仲澤云讀書楓樹林曳杖

白石灣至今文彩餘虎子仍班班李長源云衣

冠巢許自高雅岩壑夔龍非棄捐餘人不能悉

記家集亂離已來凡三失之今所存者特吾益
之兄及門生輩所記憶者耳小子不肖暗於事
機不能高蹈遠引戀嫪升斗微俸萬一以取摯
維之禍殘息奄奄朝夕待盡誠懼微言將絕謹

欽定四庫全書

卷十

五

以古律詩四十首附之中州集之癸冊庶幾來

者知百餘年間作詩如先人而人或未之見其
餘抱一槩之操泯泯默默終老而無聞者豈勝
計哉是又可為歎也

桃源行

山中三月山桃開紅霞爛熳無邊涯

音崖山家藏春藏不

得落花流水人間來憶昔攜家竄岩谷秦人半向長城
哭回頭塵土失咸陽繒弋徒勞羨鴻鵠冬裘夏葛存大

朴小國寡民皆樂俗畫永垣離雞犬閑春晴門巷桑榆
綠漁郎偶到本無心仙境何緣得重尋今日武陵圖上
看唯見雲林深復深

送德溫同舍赴簾試

太常侍祠水蒼珮內相夜下金蓮燭皇家結網未曾疎
亦有佳人在空谷一從唐賦變遼律仰視折楊猶雅曲
雲臺勲業一青衫被髮操戈踵相屬筋疲力涸僅乃得
墨水一升凡幾辱英雄俛首入彀中舉世悉然非子獨

欽定四庫全書

卷十

五

子家口衆親又老歲月苦甘須寸祿薦書聞說過南宮
冷暖人情到僮僕我初與子偕計吏人後人前隨碌碌
不慙齊客售鼓瑟頗為荆人悲獻玉一詩今日送君行
萬里秋風看鴻鵠功名前路知不免難委後期良未卜
錦標無用咤龍頭帛書且當傳雁足

雨後

十日山中雨今朝見夕陽乾坤覺清曠草棘有輝光
竹影搖殘滴松聲送晚涼南窓聊自適無用說羲皇

覽鏡

四十宜未老年年添鬢絲直教隨蝶去也是挂冠時臺閣多新賦山林有逸詩悠然一尊酒滿酌不須辭

室人生朝

新酒清渾共糟床洗盞嘗平時唯欲醉此日重難忘容

服慙王霸山林得益光白頭翁與媼萬事聽諸郎

太原古城惠明寺墻秋望

西山萬古壯陪京一日汾流入廢城浩浩市聲爭晚集

欽定四庫全書

中州集

辛

畊原隰但秋畊晉公老去詩仍在
晉公晉陽官舍春日詩云白頭官舍裏今又春風

越石亡來恨未平千尺浮圖算烟底瓦盆濁酒
歎息花中有真色生紅一撮掌中看模寫雖工更覺難

欽定四庫全書

中州集

壬

過鳳凰山在雁門鳳皇聞說似天壇北去南來馬上看想得松聲滿嵒谷
秋風無際海波寒

瓶形嶺早發在繁峙界

海雲蕭瑟雪花乾人在羊腸百八盤間客不知名利苦
書生不是功名具慚愧山翁問葛疆

山中秋夕

黃卷存餘習青燈共晚涼只知書味永不覺鬢絲長老

檜千年物幽蘭一國香平生陶靖節此夕邈相望

寄宗人彥達文城人

杯酒無緣接舊歡空將書尺問平安要君知我詩成處

落日西風正倚闌

榴華

山茶赤黃桃絳白戎葵米囊不入格庭中忽見安石榴

欽定四庫全書

中州集

壬

詩到黃州隔千里畫家辛苦費鉛丹

過鳳凰山在雁門

鳳皇聞說似天壇北去南來馬上看想得松聲滿嵒谷
秋風無際海波寒

瓶形嶺早發在繁峙界

海雲蕭瑟雪花乾人在羊腸百八盤間客不知名利苦
書生不是功名具慚愧山翁問葛疆

寒食再遊福田寺

春山寂寂掩禪扉。複嶺盤盤入翠微。布鞶青襪供勝踐。

粥魚齋鼓薦玄機。日烘幽徑綠烟煥。風定曉枝紅雨稀。

曾是西堂讀書客。不應啼鳥也催歸。

家園假山

八尺飛來峯蒼然。立於獨細看。甲乙字疑是平泉族。山非一草石。見石山亦足。便恐東岫雲來我簷下。宿今朝。鑿盆池。明朝種松菊。自笑住山人。何時返巖谷。

同侯子晉賦雁

欽定四庫全書

中州集

沈沈江浦雲浩浩。朔漠雪微生。羨寒暑。翹老飛欲折。樓中見新過。夕照送明滅。欹枕數聲來。疎憲耿殘月。悲鳴或天性。南北隨所愜。誰念孤旅人。年年為愁絕。

寒林圖為侯子晉賦

川光茫茫風景暮。一雪無情天地素。長安閉門千萬家。亦有行人踏長路。新豐煙火灞橋水。畫史工作荒寒趣。雪中故事知幾何。偏識詩翁忍寒處。君不見淮西城下鶩鶴鳴。官軍夜斫吳家營。只如党家麌俗亦不惡。銀燭

金荷天未明拈出新詩三十韻。塞驢席帽可憐生。雪詩

坡集

贈答彥文相遇之什

程太原人

剝啄誰叩門。開門得吾友。握手一大笑。慰我離羣久。之子富才具事業。可力取營望。青松姿哀遲。愧蒲柳。金闕滿鴛鷺。什伯自為偶。寂寞林野人。過從但鄰叟。盡食無

煑味。筍蕨才適口。窮達俱偶然。相逢且桮酒。

枕上

欽定四庫全書

中州集

往時見白髮。談笑輕歲月。誰謂明鏡裏。蕭蕭不勝鍤。山林蹉跎久。世慮初未絕。觸物重興懷。忽忽不自愜。遭逢

有奇耦。才用隨巧拙。如何杜陵叟。自比稷與契。茫茫拊

塵編。何時卒吾業。

秋算王氏園亭

細徑雲林底。危亭澗水湄。秋先殞黃葉。寒未老紅葵。嚼句幽禽答。尋花晚蝶隨。無人共幽興。思與野僧期。

六言

北闕三臺五省東山萬壑千巖琴書中有真味風月外

無多談

山園梨葉有青紅相半者戲作一詩

霜輕霜重偶然中一葉雖殊萬葉同不信世間閒草木
解隨兒女作青紅

詩

少有吟詩癖吟來欲白頭科名不肯換家事幾曾憂舍
咀將誰語研摩若自讐百年閒伎倆直到死時休

欽定四庫全書

卷十

七

尊酒

土灰論遠計木石笑浮生但有一尊酒何須千載名

憶山中二絕句

東寺留連飲張園爛熳遊兒童望歸路一日幾登樓

又

秋色山中好山翁醉不迴不知籬下菊霜後幾叢開

山中雨後

遠屋湍聲轉臨崖老樹推雷轟一雨去雲摩兩山開

遣興

張翰一杯酒林逋千首詩性惟便自適材敢論時施狡兔從三窟鷦鷯分一枝青山有佳色只似往年時

發冀州留別恩禪師

詩拙非同社情親本故鄉共知成遠別且復暫相將池古蓮花淨窻深檜葉香何時重攜酒來宿贊公房

貴公子詠

高堂紅燭鼓聲齊舞遍纖腰月未西一曲纏頭一雙錦

欽定四庫全書

卷十

驛鶻空自惜障泥

蓮葉觀音恩禪師所藏同路宣叔賦

瑞相分明一葉中華嚴性海共圓通補陀自有丹青變

畫史區區可得工

謝張使君夢弼餽春肉

牙豬肋厚一尺玉鹽花入深蒸脫骨韭芽蓼甲春滿盤走送茅齋慰幽獨山人食貧才一粥幾被艾生嘲首蓿

食前方丈非素懷頗憶懸貆繞高屋呼來鄰叟共一飽

為說使君方繼肉饑民待哺今幾家無筭賛君慙此腹
區區一肉見歌詠說食書生良未足却愁今夕夢寐間
有物踏破園蔬綠

仙雞詩并序

繁時義興鎮酒家韓氏子畜一雞以善鬪雄其
鄉一日敵家以藥飼雞使不知痛求與韓雞對
韓雞鬪久果被傷口下頸不收垂死矣一賣藥

道人過其門曰我能活此韓欣然使療之中

毒手一發不得妨毳衣散灑尚可養利嘴一哆何由張
青囊道人何許來自言救藥吾有方垂髯啜水濯殘血
半喙隨手生新黃筠籠半開聞脣草冠已往徒驚忙
神仙世有寧虛荒惜哉詭激不可量世人驚勇天且劓
況於物也資強梁數榮枯朽變金石未若與世鍼膏肓
何須變化示狡猾知君辨作淮南王蓬萊東望雲茫茫
愛而不見心為狂刀圭不願換凡骨且欲共醉無何鄉
燈下讀林和靖詩

落葉落復落清霜今幾番疎燈照茅屋山月入頽垣老
愛寒花淡幽嫌宿鳥喧卷中林處士相對兩忘言

觀西巖張永淳畫雁

諸兒隨看者一二十輩皆使向壁立道人以雞
置籠中探手良久若摩拊然者已而取瓢水噀

之置瓢籠上即出門兒曹恆在其久不還竊視之

雞喙已復生矣道人布袍草冠腋下懸青囊落
魄嗜酒夜宿寺閣上韓氏子與里中人奔走求

之并所卧草薦不在矣是時明昌七年仲規弟

為此鎮酒官予亦在焉作仙雞詩以記之

老雄健鬪夸壇場韓郎抱歸神色傷豈知黠兒出微倖

折葦蕭蕭沙水寒

從趙敷道覓石榴

仙人囊中五色露得種昔與蒲桃俱猩猩染花開五月
已覺秋實懸庭除張園一酸蘿欲裂君家兩株密不如

竹馬兒童歌樂栗綠囊聊為剝紅珠

雪行

五更驢背滿靴霜殘雪離離草樹荒身在景中無句寫
錯教人比孟襄陽

龍眠畫馬

驪黃求馬世皆然滅沒存亡自一天當日鹽車人不識
只今空向畫中傳

歲暮

欽定四庫全書

中州集

卷十

菽菽霜力勁沈沈山氣冥北風半夜起吹動一天星

送張冀州致政還都

狀元行
簡之父

一札恩書下紫宸東門祖道畫圖新路人也解賢疏傅

河內猶思借寇恂父子文章千載事田園松菊自由身

玉京才過梨花節靈沼行春莫厭頻

用宋退傅張公閭遊靈沼探春回故

事

春雪

幾日韶華雪更侵龍公試手本無心寒留整整斜斜態

暖入融融淺淺陰著柳直疑香絮重擁堦還似落花深
前頭桃李應無恙剝破相如買賦金

楸樹

道邊楸樹老龍形社酒流來漸有靈只恐等閒風雨夜
怒隨雷電上青冥

七夕

天河唯有鵲橋通萬刻歡緣一瞬中惆悵五更仙駕遠

寂寥雲煙掩秋風

欽定四庫全書

中州集

卷十

觀柘枝伎

腰鼓聲乾揭畫梁綵雲擎出柘枝娘簾間飛燕時窺影
鑑裏驚鸞易斷腸輕細不妨重暈錦迴旋還忍碎明璫

杖頭白雨催花急拂散春風兩袖香

敏之兄詩
五首

敏之諱好古性識頴悟讀書能強記務為無所

不窺年二十就科舉時先東岩君已捐館太夫

人年在喜懼望其立門戶為甚切及再上不中

意殊不自聊又娶婦不諧日致惡語遂以猶介

得疾嘗作望月詩有莫恠更深仍坐待密雲或

有暫開時之句人或言詩境不開廣非佳語也

歎曰吾得年不永境趣能開廣否未幾沒于北

兵之禍年三十一

中秋無月

佳辰無物慰相思先賞空吟昨夜詩莫恠更深仍坐待
密雲或有暫開時

欽定四庫全書

中州集

讀裕之弟詩藁有鶯聲柳巷深之句漫題三詩其

後

阿翁醉語戲兒癡說著蟬詩也道奇吳下阿蒙非向日

新篇爭遣九泉知

又

鶯藏深樹只聞聲不著詩家畫不成慙愧阿兄無好語
五言城下把降旌

又

傳家詩學在諸郎剖腹留書死敢忘先人臨終有剖腹留詩之語

上錦囊三箭在直須千古說穿楊

題江村風雨圖

渡口舟橫水拍空墨雲傾雨樹號風江山不到紅塵眼

半幅煙綃想像中

附錄

自題中州集後

鄴下曹劉氣儘豪江東諸謝韻尤高若從華實評詩品

欽定四庫全書

中州集

未便吳儂得錦袍

又

陶謝風流到百家半山老眼淨無花北人不拾江西唾

未要曾郎借齒牙

又

萬古騷人嘔肺肝乾坤清氣得來難詩家亦有長沙帖
莫作宣和閣本看

文章得失寸心知千古朱紱屬子期愛殺溪南辛老子

相從何止十年遲

又

平世何曾有稗官亂來史筆亦推殘百年遺藁天留在抱向空山掩淚看

聲韻之流至於樂府不知其變其凡有幾漢房中樂昉有斯名周人宮中樂章已奏關雎鵲巢矣李唐而下其變斯極按樂錄技錄樂府遺聲新聲所載瑟調楚調銚歌和歌正附幾五十門為魚龍鳥獸為車馬征戍為佳麗怨思為蕃胡都邑神仙遊俠時景觴酌各若干百曲說者謂兩出塞蜀道難音響足比金石皆樂府曲諸不易作也沈宋以降直至宋金元世至有以樂府名家如吳彥高學士者矣中州樂府一帙蓋金尚書令史元遺山集也凡三十六人總一百二十四首以其父明德翁終焉人有小叙志之中間亦有一二憐材者文亦爾雅蓋金人小史也蜀左轄我儼山陸先生會計之暇目不瞬於檢閱偶得是編示余允陽山樓曰金宋分疆程學行於南蘇學行於北一時文献未可謂無人三百年來完顏立國淺陋故前為宋所掩後為元所壓使豪傑無聞焉甚可痛也編中謬誤煩為較警與瑞成謀梓之

且以寓世變之感夫遺山當有金哀宗之季國步危促

宋知金仇之不可共而忘勍敵之不可親慘禍交臨不

幸生際其時與土者為之臣妾莫能奮飛悲憤于邑之

情可想也故其形之聲韻暢懷杯酒繫念君國多可哀

愁採風者所不棄也明妃烏孫主蔡琰之流皆以婵娟

不能自謀遠嫁胡沙馬上之樂呻吟節拍世皆憐而存

之矧是編乎嗚呼王風國風由俗而變江河之趨也變

至檜陳亂極思治矣此仲尼刪詩意也然則我儼山先

吳學士激
人月圓

南朝千古傷心事猶唱後庭花舊時王謝堂前燕子飛
向誰家恍然一夢仙肌勝雪宮髻堆鴉江州司馬青
衫淚濕同是天涯

生圖刻之意其重有感於是編乎其重有取於是編乎
嘉定守貴陽高登遂刻之九峯書院云

嘉靖十五年歲次丙申冬漢嘉後學彭汝寔拜書

下可往求之

訴衷情

夜寒茅店不成眠殘月照吟鞭黃花細雨時候催上渡
頭船鷗似雪水如天憶當年到家應是童稚牽衣笑

我華顛

欽定四庫全書薈要

中州樂府集

金元好問輯

春從天上来

海角飄零歎漢苑秦宮墜露飛螢夢回天上金屋銀屏
歌吹競舉青冥問當時遺譜有絕藝鼓瑟湘靈促哀彈
似林鶯嚦嚦山溜泠泠梨園太平樂府醉幾度春風
鬢變星星舞破中原塵飛滄海風雪萬里龍庭寫胡笳
幽怨人憔悴不似丹青酒微醒對一窓涼月燈火青荧
好問曾見王防禦公王說彥高此詞句句用琵琶故
實引據甚明今忘之矣

欽定四庫全書

中州樂府集

二

滿庭芳

誰挽銀河青冥都洗故教獨步蒼蟾露華仙掌清淚向
人霑畫棟秋風嫋嫋飄桂子時入疎簾冰壺裏雲衣霧
鬢掬水弄春纖默默成勝賞銀槃撥永寶鑑披奩待
不放楸梧影轉西簷坐上淋漓醉墨人人看老子掀髯
明年會清光未減白髮也休添

風流子

書劍憶游梁當時事底處不堪傷蘭楫嫩漪向吳南浦

杏花微雨窺宋東牆鳳城外燕隨青步障絲惹紫游轡
曲水古今禁烟前後莫雲樓閣春草池塘回首斷回腸
年芳但如霧鏡髮成霜獨有羲尊陶寫蝶夢悠颺聽
出塞琵琶風沙浙瀝寄書鴻鴈煙月微茫不似海門潮
信能到潯陽

蔡丞相松年

大江東去

欽定四庫全書

中州樂府集

三

想岩岩青壁五畝蒼烟一丘寒玉歲晚憂風雪西州扶
病至今悲感前傑我夢卜築蕭閑覺來岩桂十里幽
香發魄磊胸中冰與炭一酌春風都減勝日神交悠然
得意離恨無毫髮古同致永和徒記年月

又

倦游老眼放閑身管領黃華三日客子秋高茅舍外滿
眼秋風欲滴澤國清霜澄江爽氣染出千林赤感時懷
古酒前一笑都釋千古栗里高情雄豪割據戲馬空

陳迹醉裏誰能知
許事俯仰人間今昔
三弄胡床九層飛觀
喚取穿雲笛涼蟾有意為人點破空碧

水調歌頭

雲間貴公子玉骨秀橫秋
十年流落冰雪香靄紫貂裘
燈火春城咫尺曉夢梅花消息
璽紙寫銀鉤老矣黃塵眼如對白蘋洲
世間物惟有酒可忘憂蕭閑一段歸
計佳處著君侯翠竹江村月上
但要綸巾鶴筆來往亦風流醉墨薔薇露洒遍酒家樓

欽定四庫全書

中州樂府集

四

月華清

樓倚明河山蟠喬木故國秋光如水常記別時
月冷半山環珮到而今桂影尋人端好在竹西
歌吹如醉望白蘋風裏關山無際
可惜瓊瑤千里有少年玉人吟嘯天外
脂粉清輝冷射藕花水葢念老去鏡裏流年空解道人生
適意誰會更微雲疎雨空庭鶴唳

江神子慢

賦瑞香

紫雲點楓葉岩樹小婆娑
歲寒節占高潔纖苞緩釀出

梅菟蘭鳧照濃碧茗盃添春花氣重芸窓晚濛濛浮靈
月小眠鼻觀先通廬山夢舊清絕
蕭閑平生淡泊獨芳溫一念猶未衰歇種種陳迹而今老但覓茶煙禪榻
寄閑寂風外天花無夢也鴛鴦債從渠千萬劫夜寒回施幽香與愁客

聲聲慢

涼脰
寄內

青蕪平野小雨千峰還成莫陘寒色裁剪芸窓憶得伴人良夕
遙憐幾重眉黛恨相逢少於行役梨花淚正宮

欽定四庫全書

中州樂府集

五

衣春瘦曉紅無力 應恠浮雲夫婿不解趣新醅醉眠涼月
怨入關河西去又傳音息誰知倦游心事向來年苦思泉石人未老約閭峰多占秀碧

石州慢

高麗使
還日作

雲海蓬萊風霧鬢鬟不假梳掠仙衣捲盡雲霓方見宮腰纖弱心期得處世間言語非真海犀一點通寥廓無物比情濃覓無情相博離索曉來一枕餘香酒病賴花醫却艷艷金尊收拾新愁重酌片帆雲影載將無際

關山夢裏應被楊花覺梅子雨絲絲滿江千樓閣

尉遲盃

此生願化雙瓊柱得近春風暖玉纖

又

紫雲暖恨翠雛珠樹雙栖晚小花靜院相逢的的風流
心眼紅潮照玉盤午香重草綠宮羅淡喜銀屏小語私
分麝月春心一點華年共有好願何時定粧鬟莫雨
零亂夢似花飛人歸月冷一夜小山新怨劉郎興尋常

不淺況不似桃花春溪遠覺情隨曉馬東風病酒餘香

相半

欽定四庫全書

中州樂府集

六

秀樾橫塘十里香水花晚色靜年芳胭脂雪瘦薰沈水
翡翠盤高走夜光山黛遠月波長莫雲秋影蘸瀟湘
醉鬼應逐凌波夢分付西風此夜涼

江城子

半年無夢到春溫可憐人幾黃昏想見玉徽風度更清

新翠射鵠婷雲八尺誰為寫五湖真好風歸路軟紅

欽定四庫全書

中州樂府集

七

塵暖冰魂縷金裙喚起一天星月入金尊留取木樨花
上露揮醉墨洒行雲

清明綠野玉色明春酒燕地雪如沙為喚起斗南溫秀
鬢絲禪榻夢覺古揚州瑤臺路返魂香好在啼粧瘦
春前入眼似是章臺柳欲典鶼鶼裘悞金車香迎馬首
綠陰青子後日便東風秋千散莫寒生月到西廂後

故表出之

蔡太常珪

解語宮花出畫簷酒尊風味為花甜誰憐夢好春如水

可奈香餘月入簾春漫漫酒厭厭曲終新恨到眉尖

鶗鴂聲迎客到庭除問誰歎故人車千里歸來塵色半征

鶗鴂天

江城子王溫季自北都歸過子三河坐中賦此

裾珍重主人留客意奴白飯馬青芻東城入眼杏千

株雪模糊俯平湖與子花間隨分倒金壺歸報東垣詩

社友曾念我醉狂無

高內翰士談

玉樓春

為伯永作

少年人物江山秀流落天涯今白首形容憔悴不如初
文彩風流仍似舊百花元是仙家酒千歲靈根能益
壽都將萬事付天公且伴老人開笑口

欽定四庫全書

中州樂府集

八

減字木蘭花
西湖睡起飛絮游絲春老矣漲綠涵空十頃玻瓈四面
風平時事少天與湖山供坐嘯他日西州却怕羊臺
感舊游

朝中措

瑯琊山色最清雄心賞待衰翁路轉峰回如畫新亭半
濕青紅風流賓從清閑歲月且共從容莫笑尊前老
大猶堪管領春風

劉內翰著

鷓鴣天

雪照山城玉指寒一聲羌管怨樓間江南幾度梅花發
人在天涯鬢已斑星點點月團圓倒流河漢入盃盤
翰林風月三千首寄與吳姬忍淚看

趙內翰可

望海潮

代州南樓

雲朔南陲全趙幕府河山襟帶名藩有朱樓縹渺千雉

欽定四庫全書

中州樂府集

九

回旋雲度飛狐絕險天圍紫塞高寒弔興亡遺跡咫尺
西陵煙樹蒼然時移事改極目傷心不堪獨倚危闌
惟是年年飛燕霜雪知還樓上四時長好人生一世誰
閑故人有酒一尊高興不減東山

鶯山溪

賦崇福荷花崇福在太原晉溪

雲房西下天共滄波遠走馬記狂游正芙蓉平鋪鏡面
浮空欄檻招我倒芳尊看花醉把花歸扶路清香滿
水楓舊曲應逐歌塵散時節又新涼料開偏橫湖清淺

水姿好在莫道總無情殘月下曉風前有恨何人見

好事近

密雪聽窓知午醉晚來初覺人與膽瓶梅蓋共此時蕭索

倚窓閑看六花飛風輕止還作箇裏有詩誰會滿

踈籬寒雀

浣溪沙

擡轉爐薰自換香錦衾收拾却遮藏二年塵暗小鴛鴦

落木蕭蕭風似雨疎櫺皎皎月如霜此時此夜最淒涼

欽定四庫全書

中州樂府集

涼

又

火冷薰爐香漸消更闌撥火更重燒愁心心字兩俱焦

半世清狂無限事一窓風月可憐宵燈殘花落夢無聊

聊

望海潮

發高麗作

雲垂餘髮霞拖廣袂人間自有飛瓊三館俊游百銜高選翩翩老阮才名銀漢會雙星尚相看脉脉似隔盈盈

醉玉添春夢雲同夜惜卿卿離觴草草同傾記靈犀

舊曲曉枕餘醒海外九州郵亭一別此生未卜他生江

上數峯青悵斷雲殘雨不見高城二月遼陽芳草千里

路傍情

卜算子

譜太白詩

明月在青天借問今時幾但見宵從海上来不覺雲間

墜流水古今人共者皆如此唯願當歌對酒時長照

金尊裏

欽定四庫全書

中州樂府集

鷓鴣天

金絡閑穿御路楊青旗遙認醉中鄉可人自有迎門笑

下馬何妨索酒嘗春正好日初長一尊容我駐風光

歸來想像行雲處薄雨霏霏洒面涼

又

十頃平波溢岸青草香沙暖水雲晴輕衫短帽垂楊裏

楚酒相看別有情掉彩筆倒銀餅花枝照眼句還成

老來旋減金釵興亡施春光與後生

集

鳳棲梧

霜樹重重青嶂小。高棟飛雲正在霜林杪。九日黃花才過了一尊聊慰秋容老。翠色有無眉淡埽身在西山。却愛東山好。流水極天橫。晚照酒闌望斷西河道。

鄧千江

臨洮人

望海潮

上蘭州守

雲雷天塹金湯地。險名藩自古。臯蘭營屯繡錯山形米聚。喫襟百二秦關鑿。戰血猶殷見。陣雲冷落時有鴈盤。

欽定四庫全書

中州樂府集

十三

靜塞樓頭曉月依舊玉弓彎。看看定遠西還有元戎。閫令上將齋壇區脫晝空兜零夕舉甘泉又報平安吹笛虎牙閑且宴陪珠履歌按雲鬟未拓興靈醉魂長繞。

賀蘭山

任南麓詢

永遇樂

月已中秋菊還重。九夜久涼重滿地。清霜半天白。曉孤唱聞畔壠蕭蕭。窓几依然琴硯。但覺鼠窺風動。悔生平。

唱聞畔壠蕭蕭。窓几依然琴硯。但覺鼠窺風動。悔生平。

超前猛甚晚退却成無勇。興衰更換妍媸淆混造物

大相愚弄。二釁羞人五交賈鬻侯伯寧無種。而今此念消除都盡。惟有故山歸夢吾廬更雙溪清遙萬峰翠擁。

馮臨海子翼

江城子

臘脂坡上月如鉤。問青樓覓溫柔。庭院深沈窓戶掩清

秋月下香雲嬌墮砌。花氣重酒光浮。清歌皓齒艷明眸。錦纏頭若為酬。門外三更燈影立。驛驅結習未忘吾

欽定四庫全書

中州樂府集

十三

老矣煩惱夢赴東流

李承旨晏

婆羅門引

保德西
接作

汗融畏日。豈知高處有風清。倚闌襟袖涼。生坐上。看崩雲脫壞。不礙亂峰青。待目窮千里。却怕傷情。河汾古城聽裂岸。怒濤驚。好是烽沈幽障破。卧邊亭西樓老子更無用。胸中十萬兵。酒到處。莫放杯停。

虞美人

佳人酒量紅生頰灑灑霞千疊雨餘紅淚濕黃昏誤認
當年人面倚朱門飄零又送青春莫悵望劉郎去教
人不恨五更風只恨馬蹄無處避殘紅

鷓鴣天

冉冉萋萋雨後郊芳塵不到五侯門曾隨曉淚掠詩思
又向春風入燒痕春去後憶王孫啼紅南浦記芳溫
夕陽樓外連天遠乞與騷人怨楚魂

菩薩蠻

回文

欽定四庫全書

中州樂府集

十四

斷腸人去春將半歸客倦花飛小窓寒夢晚誰與畫愁眉

劉龍山仲尹

鷓鴣天

滿樹西風鎖建章官黃未裹貢前霜誰能載酒陪花使
終日尋香過苑牆修月客弄雲娘三吳清興入淋浪
草堂人病風流減自洗銅鉩煮蜜嘗

又

騎鶴峰前第一人不應著意怨王孫當年艷態題詩處
好在香痕與淚痕調鴈柱引蛾顰綠窓絃索合箏篆
砌臺歌舞陽春後明月朱扉幾斷魂

又

樓宇沉沉翠幾重轆轤亭下落梧桐川光帶晚虹垂雨
樹影涵秋鵠喚風人不見思何窮斷腸今古夕陽中
碧雲猶作山頭恨一片西飛一片東

又

欽定四庫全書

中州樂府集

十五

璧月池南剪木栖六朝宮袖窄中宜新聲蹙巧蛾顰黛
纖指移纂鴈著絲朱戶小畫簾低細香輕夢隔涪溪
西風只道悲秋瘦却是西風未得知

南歌子

榴破猩肌血萱開鳳尾黃舊閑風簾雪肌涼一枕濃香
冤夢到巫陽雲紵描瑤草蓮腮洗玉漿碧梧深院小
藤床此意一江春水正難量

離破浣溪沙

蠶欲眠時日已曛柔柔葉大綠團雲羅敷猶小陌上晉行

人翠實低條梅弄色輕花吹壠麥初匀鳴鳩聲裏過

盡太平村

浣溪沙

貼體宮羅試袂衣水藍嬌淺染東池春風一把瘦腰支
戲鏤寶鈿呈翡翠笑拈金剪下酴醿最宜京兆畫新眉

又

欽定四庫全書

中州樂府集

十六

萬疊春山一寸心章臺西去柳陰陰藍橋特為好花尋
別後魚封煙漲闊夢迴鷺翼海雲深情知頓著有如今

今

繡館人人倦踏青粉垣深處簸錢聲賣花門外綠陰輕

簾幕風柔飛燕燕池塘花暖語鶯鶯有誰知道一春情

又

摩腹椎腰春事非樂天猶恨小蠻歸多生餘念向來癢往事半隨殘夢轉飛詞不盡短封題竹奴應笑減腰圍

謁金門

簾半窣四座綠園紅簇歌盡玉臺連夜燭懼緣仍恨促
休唱蓮舟新曲煙水畫船搖綠腸斷鴛鴦三十六紫

蒲相對浴

劉記室迎

欽定四庫全書

中州樂府集

十七

烏夜啼

菱鑑玉篦秋月蕙爐銀葉朝雲宿醒人困屏山夢煙樹
小江村翠甲未消蘭恨粉香不斷梅魂離愁分付殘

春雨花外泣黃昏

又

離恨遠紫楊柳夢魂長遠梨花青衫記得章臺月歸路
玉鞭斜翠鏡啼痕印袖紅牆醉墨籠紗相逢不盡平

生事春思入琵琶

承旨党公

青玉案

紅莎綠筠春風餅趁梅驛來雲嶺紫桂岩空瓊竇冷佳人却恨等閑分破縹緲雙鸞影一甌月露心魂醒更

送清歌助清興痛飲休辭今夕永與君洗盡滿襟煩暑

別作高寒境

感皇恩

羅花賦疊

碧玉撚條藍袍裁葉明艷黃深軟金疊道衰仙子謫隨

欽定四庫全書
中州樂府集
築珠仙闕為春閑管領花時節漢額粧粧楚腰舞怯
裝積裙餘舊宮褶東君著意留伴小庭風月任教鶗鴂
喚羣芳歌

鷓鴣天

雲步凌波小鳳鈞年年星漢踏清秋只緣巧極稀相見
底用人間乞巧樓天外事兩悠悠不應也作可憐愁
開簾放入窓空月且盡新涼睡美休

感皇恩

一葉下梧桐新涼風露喜鵲橋成渺雲步舊家機杼巧織紫綃如霧新愁還織就無重數天上何年人間朝暮回首星津又空渡盈盈別淚散作半空疎雨離魂都付與秋將去

月上海棠

用前韻

傲霜枝裏團珠蕾冷香霏烟雨晚秋意蕭散繞東籬尚彷彿見山清氣西風外夢到斜川栗里斷霞魚尾明

欽定四庫全書
中州樂府集
秋水帶三兩飛鴻點烟際疎林颯秋聲似知人倦游無

味家何處落日西山紫翠

黃華王先生庭筠

大江東去

癸巳莫冬小雪家集作

山堂晚色滿疎籬寒雀煙橫高樹小雪輕盈如解舞故故穿簾入戶埽地燒香團樂一笑不道因風絮冰澌生研問誰先得佳句有夢不到長安此心安穩只有歸畊去試問雪溪無恙否十里淇園佳處修竹林邊寒梅

樹底准擬全家住柴門新月小橋誰埽歸路

謁金門

雙喜鵠幾報歸期渾錯儘做舊愁都忘却新愁何處著

瘦雪一痕牆角青子已粧殘萼不道枝頭無可落東

風猶作惡

鳳棲梧

衰柳疎疏苔滿地十二闌干故國三千里南去北來人

老矣短亭依舊殘陽裏紫蟹黃柑真解事似倩西風

勸我歸與未王粲登臨寥落際鴈飛不斷天連水

欽定四庫全書

中州樂府集

二

菩薩蠻

迴文

斷腸人恨餘香換塵暗鎖空春小花簷月晚屏掩半山

青

又

客愁楓葉秋江隔行遠望高城故人新恨苦斜日晚啼

鴉

又

白雲孤映遙山碧樓倚一天秋斷腸隨鴈斷來鴈與書

回

清平樂

賦杏花

今年春早到處花開了只有此枝春恰到底輕顰淺

笑風流全似梅花承當疎影橫斜夢想溪南溪北竹

籬茅舍人家

烏夜啼

淡煙疎雨新秋不禁愁記得青帝江上酒家樓人不

住花無語水流只有一雙燕肯相留

欽定四庫全書

中州樂府集

三

訴衷情

夜涼清露滴梧桐庭樹又西風薰籠舊香猶在曉悵暖

芙蓉雲淡薄月朦朧小簾櫳江湖殘夢半在南樓畫

角聲中

清平樂

應制

瓊枝瑤月簾捲黃金闕宮鬢蛾兒雙翠葉點綴離南閑
雪東風扇影低還紅雲不隔天顏夜夜華燈萬樹年

年碧海三山

水調歌頭

秋風禿林葉却與鬢生華十年長短亭裏落日冷邊笳
飛鴈白雲千里況是登山臨水無賴客思家獨鶴歸何
晚已後滿林鴉望蓬山雲海濶浩無涯安期玉鳥何
處袖有棗如爪一笑那知許事且看尊前故態耳熱眼
生花肝肺出芒角漱墨作枯槎

謁金門

賦王

秋蕭索燈火新涼簾幕翠被不禁臨晚薄南樓聞畫角

欽定四庫全書

中州樂府集

主

想見玉壺冰萼一夜西風開却夢覺烏啼殘月落幽

香無處著

王隱君磵

浣溪沙

夢中作

林樾人家急莫砧夕陽人影入江深倚闌疎快北風襟
雨自北山明處黑雲從白鳥去邊陰幾多秋思亂鄉

心

密國公璡

朝中措

襄陽古道灞陵橋詩興與秋高千古風流人物一時多
少雄豪霜清玉塞雲飛龍首風落江皋夢到鳳皇臺
上山園故國週遭

春草碧

幾番風雨西城陌不見海棠紅梨花白底事勝賞忽忽
政自天付酒腸窄更笑老東君人間客賴有玉管新

翻羅襟醉墨望中倚闌人如曾識舊夢回首何堪故苑

欽定四庫全書

中州樂府集

主

春光又陳迹落盡後庭花春草碧

青玉案

凍雲封却驅岡路有誰訪溪梅去夢裏疎香風似度覺

來誰見一窓涼月瘦影無尋處明朝畫筆江天莫定

向漁蓑得奇句試問簾前深幾許兒童笑道黃昏時候

猶是廉纖雨

秦樓月

寒仍暑春來秋去無今古無今古梁臺風月汴堤烟雨

水涵天影秋如許夕陽低處征帆舉一行驚

鴈數聲柔橹

沁園春

壯歲耽書黃卷青燈留連寸陰到中年贏得清貧更甚
蒼顏明鏡白髮輕簪衲被蒙頭草鞋著脚風雨蕭蕭秋
意深淒涼否餅中匱粟指下忘琴一篇梁父高吟看
谷變陵遷古又今便離騷經了靈光賦就行歌白雪愈
少知音試問先生如何即是布袖長垂不上襟披鬢笑
世蘇子美也赤城子則吾豈敢若子美則庶矣
馬尚愧辭翰微不及耳因作此以寄惠馬

欽定四庫全書

中州樂府集

二四

一杯有味萬事無心

西江月

一百八般佛事二十四考中書山林朝市等區區著甚
來由自苦過寺談些般若逢花倒箇葫蘆少時伶俐
老來愚萬事安於所遇

臨江仙

倦客更遭塵事冗故尋閑地婆娑一尊芳酒一聲歌盧
郎心未老潘令鬢先皤醉向繁臺臺上門滿川細柳

新荷薰風樓閣夕陽多倚闌凝思久漁笛起烟波

禮部閑閑趙公秉文

水調歌頭

昔擬相仙人王雲鶴贈予詩云寄與閑
閑做浪仙枉隨詩酒薄几帳黃塵遮斷

來時路不到蓬山五百年其後玉龜山人云子
前身赤城子也予因以詩寄之云玉龜山下古

仙真許我天台一化身挺折玉蓮將白鵝他年
滄海看揚塵吾友趙禮部庭足丹陽子謂予再

世蘇子美也赤城子則吾豈敢若子美則庶矣
馬尚愧辭翰微不及耳因作此以寄惠馬

四明有狂客呼我謫仙人俗緣千劫不盡回首落紅塵

我欲騎鯨歸去只恐神仙官府嫌我醉時嗔笑拍羣仙

欽定四庫全書

中州樂府集

三三

手幾度夢中身倚長松聊拂石坐看雲忽然黑霓落

手醉舞紫毫春寄語滄浪流水曾識閑閑居士好為濯

冠巾却返天台去華髮散麒麟

青杏兒

風雨替花愁風雨罷能花也應休勸君莫惜花前醉今年
花謝明年花謝白了人頭乘興兩三頃挾溪山好處
追遊但教有酒身無事有花也好無花也好選甚春秋

梅花引

閑作過天門

山如峽天如席石顛樹老冰嵯坼雪霏霏水洄洄先生

此道胡為乎來哉石頭路滑馬蹄蹶昂頭貪看山奇

絕短童隨跛雙眉休說清寒形容想更饑

又

關

杖頭倒挂一壺酒為問人家何處

有時冰鬚暖朝寒何人畫我霜天曉過關

大江東去

欽定四庫全書

中州樂府集

三

秋光一片問蒼蒼桂影其中何物一葉扁舟波萬頃四顧粘天無壁叩柂長歌嫦娥欲下萬里揮冰雪京塵千

丈可能容此人傑回首赤壁磯邊騎鯨人去幾度山

花發澹澹長空今古夢只有歸鴻明滅我欲從公乘風歸去散此麒麟髮三山安在玉簫吹斷明月

缺月挂疏桐

擬東坡作

烏鵲不多驚貼貼風枝靜珠貝橫空冷不收半濕秋河影缺月墮幽窓推枕驚深省落葉蕭蕭聽雨聲簾外

霜華冷

秦樓月

簫聲苦簫聲吹斷夷山雨夷山雨人空不見吹臺歌舞

危樓自極傷平楚斷霞落日懷千古懷千古一杯還

醉信陵墳土

胥萃公鼎

阮郎歸

寄李都
遲有之

人情冷暖共高低疎慵非所宜老夫碌碌本無機閑教

造物疑形木槁鬢絲垂山林先有期故人只道挂冠

遲此心應不知

許司諫古

行香子

秋入鳴皋爽氣飄蕭挂衣冠初脫塵勞窓間巖岫晉

昏朝夜山低晴山近曉山高細數閑來幾處村醪醉

模糊信手揮毫等閑陶寫問甚風騷樂因循能潦倒也

消搖

眼兒媚

濁醪芻得玉為漿風韻帶橙香持盃笑道鶯黃似酒酒似鶯黃世緣老矣不思量沈醉又何妨臨風對月山歌野調儘我疎狂

馮內翰延登

玉樓春

宴河中
瑞雲亭

長原迤邐孤麋卧野色微茫河界破草行繩屢綠雲深花觸飛丸紅雨妥高亭初試煎茶火醉玉漸諱春滿座行盃莫厭轉籌頻佳節等閑飛鳥過

溪南詩老辛愿

臨江仙

河山亭留別
欽叔裕之

誰識虎頭峰下客少年有意功名清朝無路到公卿蕭蕭華屋白髮老諸生邂逅對床逢二妙揮毫落紙堪驚他年聯袂上蓬瀛春風蓮燭莫忘此時情

李右司獻能

春草碧

紫簫吹破黃州月軟軟小梅花飄香雪寂莫花底風鬟

顏色如花命如葉千里涴兵塵凌波襪心事鑑影鸞孤箏絃鴈絕舊時雪堂人今華髮斷腸金縷新聲杯深

不覺琉璃滑醉夢遙南雲花上蝶

江城梅花引

為飛伯
賦青梅

漢宮嬌額倦塗黃試新粧立昭陽萼綠仙姿高髻碧羅裳翠袖卷紗闊倚竹暝雲合瓊枝薦莫涼璧月浮香搖玉浪拂春薰瑩綺窓冰肌夜冷滑無粟影轉斜廊冉冉孤鴻烟水渺渺三湘青鳥不來天也老斷魂夢清霜

靜楚江

浣溪沙

河中環勝
接盛懷

垂柳陰陰水拍堤欲窮遠目望還迷平蕪盡處莫天低萬里中原猶北顧十年長路却西歸倚樓懷抱有誰

知

王右司渥

水龍吟

從商帥國器
擬周裕之賦

短衣匹馬清秋慣曾射虎南山下西風白水石鯨鱗甲

山川圖畫千古神州一時勝事賓僚儒雅快長堤萬弩

平岡千騎波濤卷魚龍夜落日孤城鼓角笑歸來長
圍初罷風雲慘澹貔貅得意旌旗閑暇萬里天河更須
一洗中原兵馬首鞬橐嗚咽咸陽道左拜西還駕

李扶風節

滿江紅

紙帳溫春睡穩窓槐搖綠吾老矣不堪重著翠圍紅簇

欽定四庫全書

中州樂府集

三

千古清風荆布在一家樂事糟糠足笑杜陵憔悴漫多
情須燕玉求凰意傳新曲驂鸞夢從渠續問臨邛何
賤會稽何辱畎畝豈無天下士斧斤不到山中木但莫
教風雨兩離鳩危枝宿

景艸

鳳樓梧

倦客情悰紛似縷小院無人卧聽秋蟲語歸意已攏新
鴈去晚涼更作瀟瀟雨架上秋衣蠅點素冷菊戎裝

尚被春花妬別有溪山容杖屨等閒不許知人處

天香

市遠人稀林深犬吠山連水村幽寂田里安閑東隣西
舍准擬醉時歡適社祈雩禱有簫鼓喧天吹擊宿雨新
晴壠頭閑晝露桑風麥無端晴亭莫驛恨連年此時
行役何似臨流蕭散緩衣輕幘炊黍烹雞自勞有脆綠

甘紅薦芳液夢裡春泉糟床夜滴

又

欽定四庫全書

中州樂府集

三

百歲中分流年過半塵勞繫人無盡桑柘周圍菅茅低
架且喜水親山近倦飛高鳥算也有閑枝棲穩紙帳
紬衾日高睡起懶梳蓬鬢閑培土花碧潤緩芒鞚恐傷
蝎蚪倒掩衡門空解草玄誰信俗駕輕雲易散賴獨有
蓬峰破孤悶世事悠悠從教莫問

宗室文卿

西江月

題郎 鄭王化
呂仙翁祠堂

壁斷何人舊字爐寒隔歲殘香洞天人去海茫茫玩世

仙翁已往 西日長安道遠春風趙國臺荒行人誰不

悟黃粱依舊紅塵陌上

高博州憲

梅花引

蒿火目藜羹腹書生寧有封侯骨長鬚奴下澤車艱闊
險阻誰教涉畏途半生落莫長安道一事無成雙鬢
老南轍吳北轍胡功名富貴情知不可圖

又

欽定四庫全書

中州樂府集

主

槐堂夢鼓笛弄馳驟百年塵一闋陶淵明張季鷹一杯

濁酒焉知身後名有溪可漁林可繖須信在家貧也
樂熊門春湧江雲幾時作箇山間林下人

又

城下路淒風露今人犁田昔人墓岸頭沙帶蒹葭漫漫
昔時流水今人家黃埃赤日長安道倦客無漿馬無
草開函關閉函關千古如何不見一人閑

又

六國擾三秦埽初謂商山遺四老馳單車致緘書裂荷

焚芰接武曳長裾高陽真得杯中趣身到醉鄉安穩

處生忘形死忘名二豪侍側劉伶初未醒

王先生子可

小重山

予可自解極雷脂粉也

寶榭簾釣捲月窓縷衣金樣褪汎餘香卿卿榮耀寵恩
光三竿日攀翠楚山長螺髻夏浮觴鳳奩塵瑩恨浥
煙霜賣珠樓外串離腸春殘夢今夜擬高唐

欽定四庫全書

中州樂府集

主

生查子

夜色明河靜好風來千里水殿謫仙人皓齒清歌起
前聲金葦中後聲銀河底一夜嶺頭雲遙遍樓前水

長相思

風暖時雨晴時熏韻羅衣人未歸蝶蛾愁欲飛枕瓊
霞瑣空紗簾月樓空燕子家春風埽落花

王監使特起

梅花引

山之麓河之曲一灣秀色盤虛谷水溶溶雨濛濛有人

行李蕭蕭落葉中人家籬落炊煙濕天外雲峰迷淡

碧野雲昏失前村溪橋路滑平沙沒舊痕

又

丹楓下瀟湘夜橫披省見王維畫畫無聲慘經營何如
幻我清寒此道行馬頭風急催行色疑是山靈嫌俗
客釣魚磯綠蓑衣有人坐弄滄浪猶未歸

趙內翰攄

欽定四庫全書

中州樂府集

吉

南歌子

澗草萋萋綠林鶯恰恰啼汀沙過雨便無泥喚得芒鞋

隨意到前溪浦漱渾堪畫雲烟總是題江湖老伴一

蓑衣真箇斜風細雨不須歸

虞美人

同孟利
元春

春來日日風成陣桃李飄零盡樹頭樹底覓殘紅只有
郭西梨雪照晴空酬春須得如川酒酒債尋常有葛巾
故側倩人扶大似浣花溪上醉騎驢

孟內翰宗獻

菩薩蠻

回文

睡驚秋近鳴蟲砌蒼鬢摻勻霜影孤燈翳冷長歎浩歌

狂

張太尉信甫

鶴山溪

山河百二自古關中好壯歲喜功名擁征鞍雕裘繡帽
時移事改萍梗落江湖聽楚語狀蠻歌往事知多少

欽定四庫全書

中州樂府集

三五

蒼顏白髮故里欣重到老馬首曾行也頻嘶冷烟殘照
終南山色不改舊時青長安道一回來須信一回老

王玄佐

洞仙歌

賦
勝
寶
屏
山
所
錄

圓剛定質混物非凡類仁處其中靜忘意任蝶蜂狂遙
燕雀喧爭心君正惟取清白目治黃衣從澹泊此箇
家風異偶合陰陽棄神智怕旁人冷眼嫌太孤高樽俎
地聊許松梧同器待他日山林不相容請援手仙毫要

充仙贊

愚軒居士趙元

行香子

鏡裏流年綠變華顛謝西山青眼依然人生安用利鎖
名纏似燕營巢蜂課蜜蟻爭羶詞苑羣仙場屋諸賢
看文章大筆如椽閑人書冊且枕頭眠有洗心經傳燈
錄坐忘篇

又

欽定四庫全書

中州樂府集

三十三

潦倒無聞坐慣家貧眼昏花心口猶存人皆笑我我儘

教人拚醉吟風閑釣月困眠雲邂逅交親語款情真

且相從莫浪辛勤西山歸隱不用移文看菊成叢松結

子竹生孫

又

山擁垣牆水滿溪塘幾人家籬落斜陽又還夏也一霎

人忙正稻分畦蠶卸簇麥登場老子徜徉閑日偏長

鬢蓬鬆只管尋涼綠陰何處旋旋移床有道邊槐門外

柳舍南桑

忻治中元禮

望海潮

從軍舟中作

地雄河岳疆分韓晉潼關高壓秦頭山倚斷霞江吞絕
壁野煙紫帶滄洲虎旆擁貔貅看陣雲截峴霜氣橫秋
千雉嚴城五更殘角月如鉤西風曉入貂裘恨儒冠
悞我却羨兜鍪六郡少年三明老將賀蘭烽火新收天
外岳連樓想斷雲橫曉誰識歸舟剝著黃金換酒羯鼓

醉涼州

欽定四庫全書

中州樂府集

三十三

先大夫

好事近

次蔡丞相韻首倡及高子文局和附於此

夢破打門聲有客袖携團月喚起玉川高興煮松簷晴
雪蓬萊千古一清風人境兩超絕覺我胸中黃卷被

春雲香徹

又

天上賜金奩不減壑源三月午盤春風纖手看一時

如雪 幽人只憒茂林前松風聽清絕無奈十年黃

卷向枯腸搜徹

蔡丞相

又

誰打玉川門白絹斜封團月晴日小窓活火響一壺
春雪 可怜柔苧一生顛文字更清絕直擬駕風歸
去把三山登徹

高子文

聲音之道與政通固矣然以三百篇攷之成周治
矣而夫子不無刪焉鄭衛亂矣而夫子或有取焉

欽定四庫全書

欽定四庫全書

中州樂府集

三九

何哉則亦以天理之在人心不可變而人之賢不
肖不可必故聖賢之所去取惟其人不惟其時惟
其言不惟其人惟其意不惟其言中州樂府作於
金人吳彥高輩雖當哀亂之極今味其辭意變而
不移憫而不困婉而不迫達而不放正而不隨蓋
古詩之餘響也是故儼山陸公有取焉亦孔子待
鄭衛之意韶承命分校畢敬識淺語以俟公之教
馬嘉靖丙申九月庚辰屬吏毛鳳韶謹書

中州樂府集



總校官庶吉士臣侍朝

校對官庶吉士臣陳墉

謄錄監生臣吳魯
謄錄監生臣章浴曾